

МУХТОР АВЕЗОВ

ЛБАИ

ТАРИХИЙ
РОМАН

II
КИТОБ

ҚОЗОҚЧАДАН
ЗУМРАД
ТАРЖИМАСИ

ЎЗССР ДАВЛАТ НАШРИЁТИ
ТОШКЕНТ 1953



ТОЙГОНОКДА

1

Тонготарга яқин бир соатгина мизғиб олгани бўлмас. Абай бу кечани уйқусиз ўтказди. Лекин ҳали ҳорғинлик ҳис этмади. Ҳамон китобга тикилганича ўтиради. Турли тилларда яратилган бу китоблар бугун тўсатдан шу ерга йиғилиб, қизиқ бир анжуман қурганлар. Абай яхши биладиган чиготой, турк китоблари блан бирга, у қийналиб тушишадиган араб, форс китоблари ва буларга қараганда яна қийинроқ туйиладиган рус тилидаги китоблар ҳам бор эди.

Абайнинг бошқа вақтлардаги ўқишига қараганда, бунгни ўқишидан мақсади ҳам бошқача эди. Китоблардан олинадиган билим ва сабоқларни бугун ҳаётга татбиқ қилиш зарурати тугилган. Абай сўнгги кунларда, айниқса шу кеча, ўзи илгари одатланмаган бир тарзда, гўё қадим замонлардаги «олимлар» ёки «ровийлар»га ўхшаб ўтиради. Шу зайлда ўтиришига ба’зан ўз-ўзидан ҳайрон бўлиб, қизиқиб ҳам қўярди.

Бу китоблар уни гоҳ Шерознинг гулзорларига, гоҳ Сармарқанднинг серҳашам мақбараларига элтар; дам Марв ва Машҳаднинг майин шабадали, булбуллар сайдраб турган мевазор боғларига, зилол сувли сарҳовузларига элтај; ба’зида улуғ шоирлар, адиллар макони бўлган Ҳирот.

Газнав, Бағдоднинг ҳашаматли саройларига, мадраса ва китобхоналарига олиб кетарди. Асрлар бўйи давом этган тинимсиз урушларда Исфаҳоний эгри қиличлари бир-бира га қарши гуриллаб ўтган араб, фарс, турк, мўғул тарихлари ҳам унинг диққатини тез-тез жалб қилиб турарди. Бу китобларни йиғишириб қўйиб, рус китобларига кўчганида Урта Осиё, Эрон, Арабистоннинг ер-сувларини, чўл-қумларини, шаҳарларини, ҳаёти, савдо-сотиқларини аниқ билиб олаётгандай бўларди. Абайнинг бунчалик мук тушиб ўтиришининг боиси мана шу эллар, вилоятларнинг бугунги аҳволини билиш эди.

Ўқиб ўтиаркан, карвон юрадиган савдо йўлларини, катта бозорларни, машҳур шаҳарларни, сув йўлларини очиқ-оидин қилиб бир қоғозга ёзиб борарди.

Бу ма'лумотларнинг ҳаммаси ҳозир узоқ сафарга чиқиб кетай деб турган йўловчи учун керак эди. Абай ўқиб ўтириб, ба'зан, болалик чоғидан буён кўп эшитгани ўша йироқдаги кўкимтири туманга чулғанган мамлакатлар томон қараб: «Қани энди шу сафарга ўзим кетаётган бўлсам» деб, орзу қиласарди. Кўришга, билишга қизиқарди.

Очиқ деразадан тўсатдан салқин шабада эди. Катта, нафис оқ парданчи учирди. Уни ҳилпиратиб келиб, дераза олдига қўйилган столдаги китоблар устига ташлади. Парда, гоҳ шўхлик қилаётган боладек, Абай ўқиётган китобнинг бетини беркитиб қўяр, гоҳ китоб бетини сийпалаб, ҳарфларини супуриб туширишга тиришаётгандек бўларди.

Абай орқасидаги эшикнинг ланг очилганини эндигина пайқади. Тонг отгандан буён унинг эшиги очилиб, одам киргани ҳам шу эди. Абай қайрилиб қаради. Нафаси оғзига тиқилиб, битта-битта юриб келаётган онаси экан. Шу кунларда гавдаси анча оғирлашиб, юриши ҳам, қўзғолиши ҳам қийинлашиб қолган Улжоннинг икки томонидан икки аёл қўлтиқлаб келаётган эди. Абай иргиб туриб, онасига кўрпача солди. Яхши кийинган, Абайга ўҳшаб кетадиган оппоққина гўзал жувон ястиклар келтириб қўйди. Бутун қиёфаси блан Қунанбойни эслатадиган бу ёш жувон,— шу уйнинг келини, Абайнинг опаси Макиш эди. Иккинчиси — Улжонга ҳамроҳ бўлиб, овулдан бирга келган Қалиқа деган жувон. У, Улжоннинг олдига ялтироқ мис жом қўйиб, ўймагулли қашқар обдастада сув келтириб қўлига қўйди. Макиш катта уйнинг ўртасида турган буклама хонтахтани очиб юборди-да, эшикка қараб:

— Қани, кел, дастурхонни ёзавер! — деди.

Эшикдан Макиш блан тенгқур оқ-қызыл юэли, баланд бўйли бир жувон кирди. Уқа тутилган қора баҳмал камзил кийган, қопқора йилтироқ соchlарини силлиқ қилиб тараган бу гўзал жувон нонуштага дастурхон ёзиб, меҳмонлар учун ҳозирланган таомларни қўябошлади.

Онаси юз-қўлини ювиб бўлғандан кейин, Абай ҳам камзилини ечиб, юз-қўлини ювабошлади. Уйқусиз ўтказилган кечадан кейин боши гангиг қолганини энди пайқади.

Макиш уни меҳмондек иззат қилиб, қўлига сув қуяётганида:

— Макиш, сувинг жуда ёқимли, муадаккина экан. Бироз тетикланиб олай. Бошимга ҳам қўйиб юборчи! — деб, бўйнидан то бошигача ювинди.

Юз-қўлини артиб, эндигина нафасини ростлаб олган Улжон, Абайнинг иш столига кўз ташлади-да, боласининг юзига қаради. Абайнинг ранги анча синиққан, икки кўзи қизарган эди.

— Абайжон, тонг отгунча ухламадингми дейман-а? — деди.

— Йўқ, ярим кечага боргандада бироз кўз илинтириб олдим! — деди Абай.

— Ҳадеб хатга тикилаверса, кишининг хаёли чалғиб кетмайдими? Қўйга бўри келганини нега пайқамай қолдинг, ухлаб қолгандирсан-да! — деганимда, бизнинг Қўдифа: «Ухлаганим йўқ-ку, броқ тонготарга яқин кўзимга таянинг ўркачи ҳам тўртта бўлиб кўринабошлади, ана шу пайтда думини қисиб ёнгинамдан физиллаб ўтиб кетган бўрини ит экан, деб қўрага киргизиб юборибман» деган эди. Уша айтганидек, таянинг ўркачи тўртта бўладиган пайтда, гангиг турган бошга илм киравмиди, болагинам? — деди.

Онасининг ҳазилига Абай ҳам, Макиш ҳам кулиб юборишиди. Абай:

— Опа, Қўдифанинг гапи тўғри. Лекин, вақт тифиз. Йўловчилар бугун жўнашади-ку! — деди.

Улжон: «Йўловчиларнинг қайси ѹйл блан боришини китобга қараб аниқ билса бўлар эканми?» — деб сўраган эди, Абай: «катта, яққол йўлни билиб бўлмаса ҳам, ҳар ҳолда истаган ерга олиб борадиган сўқмоқ йўлни» билалоганини айтди. Яна шу сўнгги кунларда китобдан яхши билиб олган янгиликлари ҳақида онасига:

— Ана энди, ўша ерларга ўзим бормасам ҳам боргандан зиёд билиб олдим! — деди, худди қимматли ўлжа топган кишидек мамнун бўлиб.

Йўл жуда узоқ эканини Улжон яхши биларди. Энди чой устида Абайдан ўша сафарда учрайдиган хавф-хатарлар, азоб-уқубатлар тўғрисида сўрайбошлади. Уйда бегона одам йўқ эди. Абай ўзи билган ҳақиқатни ҳечқачон опасидан яширмас, яшириш зарур деб билмас эди. Макиш ҳам Абайнинг шу тўғридаги жавобига интиқ бўлса керак, онасига қўшилиб:

— Ха, Абайгинам, шуни айтиб берчи! — деди ранги ўчинқираб, ичиде қаттиқ ташвиш тортаётганини сездиради.

Абай опасининг авзойини кўриб, бироз ўйланаб қолди. Гарчи Макиш, шаҳарлик катта бойнинг эрка келини бўлса ҳам, ўз уйи, ўз она юрти, овулини эслаганда, юрак-бағри узилиб, қизғин тилакдошлик блан ўйларди. Унинг қалбидаги кечинмаларни яхши тасаввур қилиш учун ёшлигига ёт элга узатилган қиз бўлиш керак-да, ҳаётга уннинг кўзи блан қараш керак. Бу ғоят мунгли, армон-ҳасратга тўла нозик бир дард.

Вақт ўтиши орқасидагина эмланадиган, бориб-бориб тузаладиган, тезгина унугтиб бўлмайдиган ғусса.

Абай, Макишининг аҳволини кўриб, онасига очиқ айтмоқчи бўлган гапларини унинг олдида айтмай қўяқолай, деган эдио, Макиш унъ қўярда-қўймай:

— Қозоқ боласигина эмас, ҳатто бу атрофдан ҳечким қадам босмаган жойлар дейишади-ку... Яна қайтиб эсономон келадими, келмайдими? — деди.

Айтишга Абайнинг юраги бетламай турган гапни Макишининг ўзи очди. Абай бир пиёлагина чой ичди-да, пиёласини четга суриб қўйди. Қуйи хонадаги пазанда пиширган сомсалардан ҳам емади. Тонг отгупча ўтириб, китобга қараб ёзган қоғозларини олиб, онаси блан Макишининг саволларига жавоб берабошлади. Макишга қараб:

— Макиш, отанг осон сафарга кетаётгани йўқ. Лекин таваккал қиласан-у, умидингни узмайсан! — деди.

Опасининг қаттиқ ҳаяжонга тушганини кўриб, Абай жим бўлиб қолди.

Улжон Макишга:

— Отанг сафарга кетаётгандан: болам қўрқоқ экан, деб кетмасин! — деди.

Абай индамасдан ўринидан тураётган эди, эшик очилдида, Такежои блан Ғабитхон шошилганларича Қушанбой-

минг келаёттанини айтиши. Улжондан бошқа, ўтирганларнинг ҳаммаси дув этиб туришди-да хонтахта атрофига кўрпача солиб, ястиқлар қўйиб у ёқ-бу ёқни тузата бошлаши.

Қунанбой блан Изиқутти олдинда, орқаларида эса бир гала одам келаётган экан. Лекин, кўпчилик даҳлизда қолди. Даҳлиз ҳам яхши жиҳозланган каттагина хона бўлиб, у ерда ҳам дастурхон ёзилаётган эди. Ичкари уйга Қунанбой блан шу уйнинг заси Тинибой кирди. Тинибой, Қунанбойнинг қадрдан қудаси, кўнгли яқин дўсти эди. Шаҳарнинг отоқли бойларидан бири. Яхши кийимлар кийган Тинибой, бемалол ёэилиб ўтирамай, Улжонга ғалати кўринган бир тарзда, муллавачаларга ўхшаб чўкка тушиб ўтиреди. Тўрга чиқинг, деганларига унамай, Макишдан хиёл юқорироққа ўтиреди. Шунда ҳам, Қунанбойнинг пиёласини ўзи олиб бериб, хизмат қилиб туришлик учунгина шу ерга ўтирган эди. У худди имом ҳазратларини кутаётган кишидек одоб сақлаб, вужудидан камтарлик ёғилиб, эшон олдидаги муридга ўхшаб ўтиради.

Қунанбой Улжоннинг ёнига ўтириди-да, Макиш блан Абайнинг юзларига қаради. Ўйдагиларнинг кайфиятини бир қарашдаёқ биларди. Айниқса ҳозир болаларига алоҳида бир диққат блан қарагандай кўринди.

Қунанбойнинг афти-ангоридан, унинг ҳозир кексалик қаҳрига учрагани очиқ кўриниб турарди. Кеч оқарабошлиган соч-соқоли ёши етмишга етгунча ҳам мош-турунч бўлиб, энди оқ кўпроқ оралаган эди. Юзи ва пешонасидаги ажинлари чуқурлашган. Лекин, ҳали ҳам қадди-қомати келишган, этдан тушмаган. Юриш-туришда Қунанбой ҳали тетик эди.

Ҳозирги қиёфасида ҳам ҳечқандай руҳий ўзгарниш кўринмайди. У ҳечқачон ҳаяжонланган одам эмас. Макишининг икки кўзи қизариб, ранги ўчиб ўтирганидан унинг ийғлаганини пайқади. Нариги уйдаи битта-битта киришиб, хонтахта атрофига ўтиришаётган яқин кишилари ичиде Такежон, Успон, Жақин, Мойбосар, Фабитхонлар бор эди. Бу сафарга чиқишига Қунанбой бундан бир йил аввал аҳд қилган эди. Шундан бери, ўтган йил кўклидан бошлаб, бутун ёз, куз ва қиши бўйи мол сотдириб пул жамғарив, ҳозирлик кўриб келганди.

Шундай қилиб, пулдан ҳеч фам емайди. Бу машаққатли сафарнинг ягона ташвиши — кескрайиб, куч қувватдан кетиб қолганилиги, холос. Қунанбой айниқса шу томонлар-

ни ўйлаб, Изиқуттини ҳам бирга боришга ундан ҳамроҳ бўлишга кўндирган эди. Чунки у, кўпдан бери Қунанбойнинг ишончли йўлдоши ҳисобланарди. Сафар кийимларини шаҳарда Макишга тикдириб, кийиб олган Изиқутти ҳозир ҳам Қунанбойнинг ёнгинасида ўтиради. Изиқуттининг ёши қирқдан ошиб қолган бўлса-да, йигирма беш яшар йигитдай ғайратли, тетик, абжир эди.

Қунанбой уйга киргач, бироз индамай ўтириб, чой ичди, иссиқ сомсалар, яхна гўштлардан еб, обдон тўйиб олди.

Гарчи дастурхон ёнига келипмаса ҳам, Қунанбой жўнаши олдидан бирнафас унинг ёнида ўтиргиси келган қариндош-уруғлари битта-битта кириб келабошлишди. Қунанбой йироқ сафарга жўнаш олдидан холироқ бир жойда бола-чақасига айтмоқчи бўлган гапни шу ўйда, шу дастурхон устида айтаман деган эди, қараса одам кўпайиб кетадиган.

Макишга яна бир назар ташлаб, яна ҳам жиддийлашиб кетди-да, гап бошлади:

— Эй менинг болаларим, ёру дўстларим, оға-иниларим!—деб ўтирганларга ўйчан кўзи блан совуққина назар ташлади. Ўйга сукунат чўқди, чой қуийш ҳам тўхтатилди. Қунанбой бироз қаддини ростлаб олиб, ягона кўзи блан тўғрига тикилганича гапида давом этди.

— Сенлар мени шу сафарга жўнатишни лойиқ кўрматгандаги ўхшайсанлар. «Кексайган чоғида қаерга боради, яна қайтиб кўраолмаймиз! Энди қайтиб келмайди-ку!» деб, юракларинг увушиб қараётисранлар! Бундай қилишларинг мени шу сафарга лойиқ кўрмаслик эмас, шу сафарни менга лойиқ кўрмаслик бўлади. Ўт бошида¹ набираларга, қозон бошида келинларга, мол бошида молбоқарларга «ҳой-ҳой» лаб бақироқ чол бўлиб ўтсам қандай мурод ҳосил қилган бўлар эдим!? Бу сафарим — қолган умримдаги сўнгги мурод-мақсадим. Ҳаммаларингдан қиласидаги илтимосим, шу сафарда буйруқ бўлиб, куним битиб, қазо қилғанимни эшитсаларинг, бирортанг менга ачиниб, ўксисиб: «Оҳ, шўрлик, армони ичида кетди» деб эсга олма. Бу менга дўстлик эмас. Ҳали сенлар узоқ яшаб ўтказадиган ёшлиқ даврини, мен ҳам ўз вақтида беармон ўйнаб-кулиб ўтказганиман. Сенлар энди тотиб кўрадиган ачиқни ҳам, чучукни ҳам тотиб ўтдим. Озми-кўпми, насиб

¹ Ут боши — ўйдаги ўчоқдан юқори жой, я'ни уйининг муқаддас саналган тўри. Қадимги вақтларда бу ерга фақат оила бошлиқлари ва ҳурматли кишилар ўтиришар эди.— Ред.

бўлган кунларни жигарлар, қариндошлар блан бирга ке-чирдик. Менга шунинг ўзи ҳам етади. Увалик-жўвалик бўлиб бирга яшаб, бирга турганимиз блан ҳарбиримизнинг қазойимиз ўз ҳолича, алоҳида-алоҳида етади. Тўпдан, тўдадан айриб олиб кетади. Қазои-қадар етган бўлса, унинг қаерда, қайчоқда келганининг нима фарқи бор? Боши берк жарни ўзига сўнгги макон қилган кекса архарнинг¹ қисқагина сўқмоқ йўлидек, озгина умрим қолди. Менинг шу қисқа йўлимга сенлар ҳам рози бўлинглар! Йиғла-май-сиқтамай кузатинглар! Гап шу. Қани энди, бизларни жўнатиш ҳаракатига тушинглар! — деди.

Изиқуттига қараб, тайёргарлигинги кўр, деяётгандай ишора қилди. У ўрнидан қўзғолиши блан Такежон, Ғабитхон, Ўспонлар сингари ёшларнинг ҳаммаси туришди. Абай ҳам қўзғолган эди, отаси Қунанбой қўли блан астагина унинг тиззасидан босди:

— Қани, болам, сен топган-билганингни айтчи! — деди. Абай чўнтағидан сиёҳ блан ёзилган бирқанча қофозларни олди-да, Изиқуттига қараб:

— Мана, Изиқутти оға, нимаики топган бўлсам, ҳаммаси шу қофозда, буни ёнингда сақлагайсан! — деди.

Абай қофозларни Изиқуттига бераётганида, Қунанбой ундан йўлда учрайдиган катта шаҳарларнинг номини яна сўради. Абай қозоқ еридаги қумларни, чўл-биёбонларни, Қарқаралидан Қунанбойга ҳамроҳ бўлиб кетадиган Ўндирибой халфанинг ўзи билади деб, йўлнинг бу қисмини тушунтириб ўтирумади. Тошкентгача қозоқлар ичидан борилади. Ундан нарида учрайдиган Самарқанд, Марв, Машҳад, Исфаҳон, Ободон шаҳарларининг номини қайта-қайта такрорлаб, айтиб берди. Ундан ўёғига ё Арабистоннинг чўлларидан ўтиб, ёки, яхшиси, кема блан айланиб бориб Макканинг рўпарасига тушилади, — деди. Абайнинг кўп китобларни қараб тузган энг қисқа йўл режаси шу эди. Бу йўлларни Абай отасига бугунгина эмас, китобдан ўқиганларни ҳар куни айтиб берарди. Йўлдаги вилоятлар, уларнинг ҳалқи, ҳаёти, географик тузилишлари, касб ва ҳунарларини бирнечча бор айтиб берган эди.

Қунанбой блан бирга боришга ва'да берган Ўндирибой халфа Қарқаралидан қўшилиб кетиши керак эди. Ҳозир йўловчилар Иртиш дар ёсидан четлаб, қозоқ саҳросининг ўртасидан йўл олиб кетишлари керак. Ундан ўёғига йўлов-

¹ Тоғ қўчқори. — Ред.

чиларнинг улови турли-туман бўлиб алмashiб борса ҳам ҳозирча Тинибойнинг маслаҳатига кўра Семейдан Қарқа-ралигача извошда кетадиган бўлишиди.

Қунанбой блан Изикутти тушиб кетадиган кенг ишошга отлар қўшилиб, Тинибойнинг катта ҳовлисида турарди. Қиши бўйи ем блан боқилган, яхшилаб совутилган, ўйноқлаб турган учта жийрон от сўлиғини чайнаб, тез-тез пиширишар, дўғасини силкитиб, қўнғироқларини жараглантиб туришарди.

Озиқ-овқат, кўрпа-ёстиқ, турли-туман ёзлик, қишлиқ кийимлар извошга жойланган. Қунанбойни Қарқаралига-ча шу извошда элтиб қўйишга тайёр турган кучер Мирзахон ҳам аллақачон ўрнига чиқиб олган эди.

Шундай қилиб, эрта баҳор, чошгоҳ пайтида, Тинибойнинг икки қаватлик уйини тўлдириб ўтирган одамлар дув этиб ҳовлига чиқишиди. Кўпчилиги қир кийимини кийган, элдан келган одамлар. Ораларида шаҳарли савдогарбойлар, халфа-ҳазратлар, мадраса муллаваҷчалари сингари меҳмонлар ҳам кўп. Қунанбой буларга Тинибой орқали садақасини тарқатиб, ҳаммасининг фотиҳасини олган. Бу тоифа меҳмонлар зиёфатнинг қуюғини еб, чўнтакларидаи ҳам рози бўлиб, кайфи чоғ, илжайганларича уйдан чиқишиди.

Қунанбой шу тўданинг олдига тушиб, извош томон келаётган пайтда, ўша извош соясида ўтирган икки одам ўрнидан туриб, унга қарши келабошлади. Олисдан салом бериб, тўғри Қунанбойга қараб келаётган бу икки одамнинг бири — соқолига анча оқ оралаб қолган Даркембой, иккинчиси — жулдир кийимли, озғин, яланг оёқлари ёрниб-ёрилиб кетган, ўн-үн бир яшар бир бола эди. Даркембой, Қунанбойнинг олдига келиши блан: «Сафарингиз бехатар бўлсин» деди-да, дарҳол тапни бошлади.

— Қунеке!¹ худо йўлига тушиб йироқ сафарга кетаётган экансиз. Буни ҳам мусоғирчилик сафари дейдилар. Кетаёттан чоғингда бу ердаги бир чин мусоғирнинг арзига қулоқ солиб кетсанг, деб кутиб ўтирган эдик. Мана бу боланинг арзи бор экан. «Худо ҳақига менинг арзимни унга тушунтириб бер» деб мени бошлаб келди! — деди.

Қунанбой бир ҳурпайиб тушиб, қовоғини солганича тўхтаб қолди-да:

¹ Қунеке — Қунанбойни қисқартиб, ҳурмат юзасидан Қунеке дейилган. — Ред.

— Мен дун'ёниг ишларидан овлоқ кетаётган киши-
ман, арзинг бўлса, мендан бошқага айтсанг бўлмайди-
ми? — деди.

— Қунеке, ўзгага эмас, ўзингга айтиладиган арз
эди да.

— Арзини мендан бошқага айтмайдиган қандай бо-
ла бунииг ўзи?

— Ўзингга айтиладиган арз бўлгани учун келдик да.

Қунанбой атрофидагилардан, айшиқса шаҳарли савдо-
гар-бойлар, муллалар, ҳалфалардан хижолат тортди.
Кўз қириши ташлаб, ҳамманинг бу гапга қулоқ солмб, ҳай-
рон бўлиб турганини пайқади. Мойбосар Даркембойни
энди таниб, уни Қунанбойнинг йўлидан четга қоқмоқчи
бўлди.

— Даркембоймисан?! «Арзим бор» деб, сафарга чиқиб
кетаётган одамниг оёғига нега ўралашаётисан? Нари-
роқ тур! — деди. Сўнгги сўзларини астагина айтган бўлса
ҳам жеркиб айтди.

Лекин Даркембой бунга парво қилмади. Қунанбой
блан Мойбосарнинг кўпчилик олдида хижолатда қолга-
нини пайқаб, энди товушининг борича барала сўзлай-
бошлади:

— Бу боланинг арзи — мингларча ғариб-ғураболар
ишида сен қулоқ солишинг зарур бўлган арзлардан. Худо
йўлига кетаётгандан эшитиб кетадиган гап.

— Бу қандай бола ўзи? Нима арзи бор экан? Қанн,
бўл, гапир! — деди, зарда блан, қовоғидан қор ёғилиб
бораётган Қунанбой.

— Бу бола ўша Бўрсоқ Қўдарининг иниси,— Қўгедой-
нинг ўғли. Ўша Қўдар ўлдирилган вақтда унинг ёлғизги-
на иниси Қўгедой узоқ Сибонда бир оламга ёлланиб иш-
лаб юрган эди. Ўзи нимжон, касалманд одам эди. Мача
олти йил бўлди у ҳам ўлди. Шундай қилиб, Қўдар авло-
дидан мана бу ёлғизгини етим бола, Қиёсбой қолди! —
деди, болани кўрсатиб.

Озғин, юзидаги туклари пих боғлаганга ўхшаб ҳурпай-
ган, эти бориб устихонига ёпишган, чакка томирлари бўр-
тиб чиққан, бир кўзини кир латта блан боғлаган бола
турарди.

Қиёсбой кўз ёшларини зўрга тўхтатиб, ияги титраган
ҳолда Қунанбойнинг юзига эндиғина қаради. Қунанбой
унга ҳам ўқрайиб турган экан.

— Бу боланинг менда нимаси бор экан?

— Нега нимаси бўлмасин, Қунеке?— деб, Даркембой ўт кир кўзларини Қунанбойнинг кўзларига қадаб, синовчи назар блан тикилди.

— Қани, гапир бўлмаса, нима демоқчи бунинг, юр бу ёқка!— Қунанбой Даркембой блан болани четроққа бошлиди. Даркембой кўпчилик олдида гапирадиган бўлса, бошига оғир қалтак бўлиб тушишини, обрўйи тўкилишини яхши биларди.

Қунанбойнинг атрофида, ҳовлида турган ўшу қари Иргизбойларнинг усти-боши шай, яхши кийинган, айниқса шаҳарнинг қундуз телпакли савдогар-бойлари, саллакалалик, зарбоб тўнлик муллалар, имом-халфаларнинг ҳам савлати бўлакча. Мана шу қазо-казолар орасидан туртиб чиқарилгандек бир четда туришган Даркембой блан Қиёсбой ўз қиёфалари, озғин-тўзғинликлари блан яна ҳам ғарифроқ кўринишарди; жуулдир-жуулдир, кўҳна кийимлари блан ўзгача бир азоб-уқубат оламидан келгандарга ўхшашарди. Йўқчилик қўлида асири-мажруҳлар эди. Қунанбой буларни эргаштириб четга чиқаркан, Такежон блан Мойбосар уларнинг орқасидан кетди. Абай ҳам ўша томонга борди. Даркембой сўзида давом қилиб:

— Қўдарнинг гуноҳи бўлмаса-да, хун деб ун ҳам чиқарилмади. Сенга боққан замоннинг беомонлиги-да!

Унинг: «Сенга боққан замоннинг» деган гапи Қунанбойга қаттиқ тегди. Зардаси қайнаб, жаҳл блан жеркиб сўзлайбошлиди.

— Нима деб алжираисан ўзинг, Даркембой? Бориб Қунанбайдан Қўдарнинг хунини талаб қил, деб сени менга қайси Бўрсоқ блан Бўкенши юборди!? Отини айтчи менга ўшаларнинг!? — деб, ғазабланганида, Қунанбойнинг қиёфасида эрталабдан бери акс этиб турган мўминлик, сўфиликдан из ҳам қолмади. Яна ўша, илгариги ёвлашиб, қасдлашиб, жанг қилиб юрган чоғидаги сингари, кучли ғазаб пайдо бўлиб, кўкариб кетди. Шу ондаёқ тиши-тирноғинп қайраб, юнгини ҳурпайтириб, душман устига ташланишга, уни титиб ташлашга ҳозир турган йиртқич қиёфасига кирди қўйди.

Даркембой унинг бу важоҳатидан ҳам чўчимади.

— Хун сўра, деб юборган Бўрсоқ йўқ. Бўрсоқда хун талаб қилгудек кун ҳам йўқ. Хун деяётганим йўқ. Лекин, Қорашибуки ҳақида нима дейсан? Ўша ер мана бу боланинг ҳақи эмасми? Қорашибукида мана бугун катта хотининг, Қункенинг овули яйраб-яшнаб, молини боқиб, дав-

латини ошираётгани йўқми? Тангрининг уйига кетаётисан... Ёлизги етимчанинг ҳақини гардонингга юклаб кетаверасанми?

Қунанбой ҳайқириб юборди.

— Бас қил, Даркембой!

— Мен айтадиганимни айтиб бўлдим.

— Умрбод пайт пойлаб, пайимни қирқадиган, мудом орқамдан тифини тираб юрадиган душманим, беомон бало сен экансан-да?

— Қунеке! Мен бало бошловчи эмас, балодан бош асрорчи бўлиб келганман.

— Ўша вақтларда ҳам, менга милтиқ ўқталган сен эдинг-да!

— Милтиқ ўқталган бўлсан ҳам отмаган эдим. Бегуноҳдан бегуноҳ бўйнимизга сиртмоқ солиб дорга осган ҳам омон юриптикул— деди Даркембой, ғазабига чидамай Қунанбойга ўқрайганича.

Қунанбой қанчалик мудҳиш қиёфага кирмасин, Даркембойнинг гапи уни гангитиб қўйди. Ранги ўчиб, титроқ босди.

— У вақтда отмаган бўлсанг бугун отдинг. Мана бу менинг гўримга отаётган ўқинг-да. Еқамдан олаётирку бу-а!— деди, чорасизлигидан шикоят қилаётгандек ялт этиб Мойбосарга қараб. Гапида: «Қандай тоқат қилиб турибсан?» деган оҳанг бор эди. Шу тобда зардаси қайнаб кетган Мойбосар юлқиниб бориб Қунанбой блан Даркембойнинг орасига кирди. Кўпчиликка орқасини ўгирдида, Даркембойни ҳақорат қилиб, муштуми блан кўкрагига бир урди.

— Еп оғзингни!— деди, ғазаб блан пичирлаб,— энди товушингни чиқарсанг соқолингдан олиб, улоқдек бўғизлаб ташлайман!

Шу чоғ Қунанбой ўрнидан қўзғолди. Такежон блан Мойбосар Даркембойнинг икки баридан босганларича ўтираверишиди. Қиёсбой товушининг борича йиғлаб юборди.

— Ҳақим кетди бўйнингда... ҳақим!— деди.

Даркембой, икки зўравон миrzанинг чангалида ўтирган бўлса ҳам, товушининг борича қичқириб Қунанбойнинг орқасидан сўнгги сўзларини айтиб қолди.

— Кечагина ҳукмингни оғасултон бўлиб юргизган эдинг, энди Қунанбой ҳожи бўлиб юргизгали кетаётган экансан. Билдим, худонинг йўлини эмас... Яна ўша Қунанбойлик йўлингни йўқлаб кетаётган экансан. Талат, ға-

жит мана бу бўрибаччаларингга! — деди. Мойбосар блан Такежон Даркембойга икки томондан ўдағайлаб:

— Учир товушнингни, аblaҳ! — дейишди титиб ташла-гудек бўлиб.

Шу тобда Абай, тўпланиб турганларга орқасини ўги-риб ўтириб олди-да, Даркембойнинг ёқасидан олган Мой-босар блан Такежоннинг қўлларини силтаб-силтаб, қаттиқ қоқиб юборди.

— Худо ургир орсизлар! Торт қўлингни! — деб қолди.

Даркембойнинг кўзи Абайга тушган эди, унинг ранги ўчинб, икки кўзи қон талашиб Такежон блан Мойбосарни тешиб юборгудек бўлиб ўт сочиб турган экан.

— Кўп ҳадларингдан ошма, беорлар! Бу айтаётган гап отам тангри олдида жавоб берадиган гап. Сенлар нимани биласанлар! Виждонсиз беномуслар! Отам Мак-кага ҳам шундай гуноҳларим бор деб, тавба қилгали кетаётгани йўқми? — деб, Мойбосар блан Такежоннинг оғзини очирмади. Шу ондаёқ Даркембойга қараб:

— Даркембой! Айтмасликнинг иложи қолмаганга ўх-шайди. Арзинг жўялик бўлгани учун, шундай пайтда айтдинг деб айблайолмайман. Отам учун мен қарздормай. Қарғаб, ранжиб кетма, азизим. Сўзларингни хўп англа-дим. Этимдан ўтиб, устихонимга бориб етди. Боринглар, ҳозирча кетавериивлар! — деб, Даркембойни суюб турғиз-ди-да, чўнтағидан юз сўм чиқариб, Қиёсбойга бериб, ик-ковини жўнатиб юборди.

Қунанбой анча вақтгача дамини чиқаролмай, тавба қилаётгай кишидек пичирлаб, серрайганича қотиб қолди. Изиқутти блан Улжон энди унинг ёнига келиб, жўнаш кераклигин эслатишиди. Қунанбой шундан кейингина, кузатгани келган шаҳарлилар блан тезгина хайрлашдию, извошга тушди.

Қунанбойнинг извошига Изиқуттидаи кейин Улжон ҳам чиқди. У ҳам қариндош-урufe, ёр-дўстлари блан бирга эрини анча ергача узатиб қўймоқчи эди.

Учта жийрон от қўшилган чиройли извош қўнироқ-ларини жиринглатиб бой ҳовлисининг катта дарвазасидан чиққанида, кузатучилар ҳам салт от ва арава блан қўз-ғолишибди. Қунанбойнинг извоши орқасидан яна икки извош чиқди. Биттасида — Макиш блан Абай, иккимчисида — Тинибой блан унинг хотини ўтирган эди.

Шу зайлда, кўчанинг чангини бошига кўтариб, бара-ла сўзлашиб кетаётгани тумонат йўловчиларни тамоша қи-

лиш учун кичкина шаҳарнинг эркак-хотин, бола-чақа, кек-саларидан тортиб, ҳаммаси юргурганича келиб дарвозалар, деразалардан қарашди.

Чувалишиб бораётганиларнинг олдида отлари қаттиқ елиб кетаётган Қунанбойнинг извоши тезгина шаҳардан чиқиб, кун ботишга томон чўзилниб ётган йўлга тушди. Кузатиб қўйгани чиқсан салт отлиқлар тоҳ тўпланиб, тоҳ узилиб-уланиб отларини елдириб боришмоқда эди.

Қунанбой бирор марта орқасига қайрилиб қарамади. Ёр-дўстларини, ҳеч бўлмаганда, бир бекат ерга узатиб қўйишини биларди.

Даркембайдан ажралгандан кейин, анча вақтгача Қунаябойнинг дами ичига тушиб, ковоғи солиниб қолди. Ичиди бирнеча бор: «Тиниғимни лойқатди», «тип-тиниқ сувимни лойқатиб кетди, ҳалиги!» деб тақрорларди. Баъзан кўз ўнгидаги тип-типниқ, тинч турган сувга кесак отиб тўлқинлатган бир ҳаракат гавдаланарди. Жўнаш олдида ўзини қандай тутиш ҳақида аввалдан ўйлаб юрган режаси, эрталабгидек эди. Ундаги мулойимлик, сўфиликларнинг ҳаммаси орқасида қолаётганиларни ўзига тилакдош этиш ниятида қилинган гап эди. Даркембой ўшаларнинг ҳаммасини қуондек учирив тўзғитди, кетди. Шу блан бирга Қунанбойни ҳаётдан қаттиқ туртиб, четга улоқтириб ташлагандек бўлди. Бундан зардаси қайнаб узоқ вақт сукут қилиб ўтирида, ниҳоят ўзини тутиб олди. Энди ҳеч бўлмаса, Улжон блан рози-ризолик тилашиб, қўнглини ёзив кетмоқчи бўлди.

Мирзахонга отларни бўшаштиrmай, шу зайлда қаттиқ ҳайдаб кетаберишни буюриб, ўзи Улжонга ўгирилиб ўтириди. Зийрак Изикутти Қунанбой блан Улжон охирги сўзларини бемалол сўзлашсин, дегандек қилиб, дарҳол сирғилиб кучер томон ўтириди-да, уларни ўз ҳолига қўйди. Ўзи йўлни, бурилишларни кўздан кечирганича Мирзахон блан суҳбатга тушди.

Эрта баҳор эди. Бу атрофда ҳали майсалар бир текис бош кўтармаган, қиши заҳрининг шу дамгача кетмай тургани ҳақида гаплашиб кетди.

Қунанбой энди биратўла Улжон томонга ўгирилиб ўтириди-да, унга:

— Бойвучча,¹ уй йўлдошимгина эмас, умр йўлдошим ҳам эдинг. Кўп йиллар бирга кечирган ҳаётимизда қай

¹ Бойвучча — қозоқларда катта хотинни байбише дейилади.— Ред.

дөвоннинг остида юрсам ҳам орқамдаги суюнган тоғим әдинг. Сен мендан норози бўлсанг ҳам, менинг сендан ҳеч гинам йўқ. Соф қалбинг, оқ кўнглинг учун болаларинг-нинг баҳти очилсин, — деди.

Улжоннинг нурли, қизил товланиб турадиган юзи юрагини увшутириб юборган ҳисдан оқариб, кўкимтир товланиб кетди. Лекин, анча вақтгача индамай ўтириб, ўзи ни босиб олди.

— Мирза, шундай сафарга кетаётганингда гина у ёқда турсин, бирор ноз билдириб жўнатсам тушунмаслик қилган бўламан! — деб, ма’нолик қилиб эрига қаради. Энди у, ҳар жиҳатдан тенг одам блан суҳбатлашаётгандек, бамайлихотир ўтирас, ўйчан кўринарди. Бу чоғ унинг ранги ўз аслига келиб, чехрасига бир турли нур югорди. Аввалгидек виқор ва кўркамлик кашф этди, мазмундор сўзлар қўйилиб келабошлади.

— Ешиликда одамга тўшак ҳам, уй ҳам, ҳатто олам ҳам тор кўринар экан. Ёши қайтиб, субҳи ўтиб, шоми яқинлашган сайин олам кенгаяборар экан. Узи бўлса кичиқлашиб, атрофида бўшлиқ пайдо бўлиб, ўзгаларга ўрин бўшатгуси келаверар экан. Фараз камайиб, узр кўпайиб совунаборар экан. Мана шу ҳис мени қамраб олганига кўп вақтлар бўлди! — деб, бир нафас жим қолди. Қунанбой борлиғи блан берилиб, жим ўтириб қулоқ солди. Улжоннинг юзига телмуриб қолди. Улжон қошларини кериб, кўзларини хиёл қисиб, яна сўзида давом этди.

— Хотин киши эрининг ёнида юрса ҳам, четлаб атрофида юрса ҳам, гўё онасининг бағридаги қулундек, унга суюниб ўсар экан. Хотин киши эридан ёмонликни ҳам олади, яхшиликни ҳам олади. Камчилигим бўлсин, фазилатим бўлсин, бир чети ўзингдан ўтган. Шунча йил бирга умр қилиб, энди сен розилик тилаб кетаётганингда сендан норози бўлиб қоламанми, Мирза! — деди. Кўп йиллар бирга кечган ҳаётида эри туфайли тортган кўп озорлар ёдида бўлса ҳам, ичига ютиб, у ҳақда гап очмай қўяқолди.

Шундан кейин Қунанбой гапни кўнгиллироқ, кишининг руҳини сиқмайдиган томонга бурди. Эндики суҳбатга Изиқутти ҳам қўшилди. Қунанбой блан Маккага бирга кетаётган Ўндирибой унинг кўп йиллик қадрдонларидан бири эди. Мана ҳозир ҳам бошқа қариндошларидан кўра ўзини яқин тутиб, шу сафарга ҳам бирга жўнамоқчи.

Ўндирабой Қунанбойга кўнглидаги бир орзусини айтиб: «Е қиз олиб, ё қиз берниб, қуда бўлсақ» деб юради. Агар ўша гап яна очилгудай бўлса, Қунанбой шу гал гапни бир жойга қўйиб кетмоқчи эди. Ўндирабойнинг ёшгина қизи бор экан. Агар иш битиб қолгудек бўлса, Мирзахондан хат қилиб юбормоқчи бўлди. Ушани Улжон келин қилиб, ўз қўлига туширишни маслаҳат кўрди. Қунанбойнинг кенжা ўғли тентак, шўх Ҳспоннинг уйланганига икки-уч йил бўлган эди. Ҳзининг парвойига келмаса ҳам, кенжা ўғилдан набира кўрмаслик ота-опани анча ташвишга солабошлаган эди. Қисқаси, Ҳспонга яна бир қиз айттиришнинг хонаси келган, Улжон шунга ҳозирлик кўриши керак.

Қолган йўл давомида бу извошдаги суҳбат шу сингари масалалар устида кетди.

Учта саман от қўшилган иккинчи извошда Абай блан Макиш кетишмоқда эди. Улар анча вақтгача индамай боришиди. Ўйдан чиққандан кейин, Макиш тўхтамай йиғлаб борди. Абай бир-икки марта: «Макиш, бўлди энди!» деб, юпатмоқчи бўлган эди, опаси қулоқ солмади. Шундан кейин Абай жимгина, хаёл сурганича кетаверди.

Ҳозир Абайнинг бутун хаёлини банд қилган нарса — Даркембойнинг бояги сўзлари, қилган ишлари эди. Абайнинг назарида ҳам у, Қунанбой эндигина олдига қўйиб, ичай деб турган лаззатли овқатни бир тепиб тўкиб, косасини тўнкариб кетгандай туйиларди. Қўдар... Қўдар... Үндан қолган шўрли етим... Паноҳсиз қолган бола Қиёсобой. Озғин бола Абайнинг кўз ўнгидан нари кетмасди. Унинг бошидаги кир увадаси йўқсиллик гирдобига ўхшайди. Боланинг ҳаёти, ғариб-қашшоқлиги, Даркембойнинг оғзидан чиққан ҳаққоний да'волари Қунанбойнинг устидан ҳаётнинг ўзи чиқарган қат'ий ҳукмга ўхшарди. У — тоат-ибодат, намоз-шиёз, рўза, ҳожилик блан оқлаб бўлмайдиган ҳукм. Кошки Қунанбой: «Мана шундай гуноҳларим бор эди» деб, пушаймон қилиб кетаётган бўлса. Йўқ, отасининг қиёфасида пушаймонликнинг изи ҳам кўринмайди. Ҳалигидек, қаҳр-ғазабгина кўринади. Ҳамон шундай экан... бу сафарга чиқишининг, бу ишларнинг нима ҳожати бор? Ўша Даркембойнинг гапи тўғри! Худо йўлини излаб эмас, ҳали ҳам ўша Қунанбойлик йўлини излаб кетаётир-ку!. Абай, қовоғини солиб истеҳзо блан кулдида, тўсаддан Қунанбойни ҳам, унинг сафари ҳақида ўйлашни ҳам йиғиштириб қўйиб, бошқа хаёлларга чўмди.

Бу вақтда отларини елдириб бораётган извош икки томони эндигина сабз уриб келаётган кўмкўк майса блан қопланган йўлга тушиб кетаётган эди.

Кўп вақтлардан буён шаҳардан чиқмаган Абайга эрта баҳор ўзининг эндигина келаётганини баён этабошлади. Чап томонда, олис уфқда кўкимтири туманга чулғаниб ётган Семей тоғ кўринди. У ҳам қор ёпугини ташлаган экан. Катта, юмалоқ бир тўлқин қаттиқ отилиб бориб, мангу қотиб қолганга ўхшайди. Бепоён дала ўртасида, тўсатдан пайдо бўлиб қолгандек қаққайиб турган ёлғиз тоғ. Абадий жимликка чўкиб чўзилиб ётган шу саҳронинг бир замонлар нимадандир бўғилиб, тутоқиши орқасида отилиб чиқсан даҳшат тўлқиними? Е ғазаб оқибатими?— худди шунга ўхшаб турган бўлакча тоғ.

Абай тоғ тузилишида шу сингари ўзгача бир ҳолат кўриб, тикилганича бошидаги тумоғини олди. Семей тоғдан эсаётган майип шабада терлаган бошига, юзларига келиб аста урилди.

Вужуди тетиклашиб, енгил тортиб, бир хўрсинганида, кўнгли ҳам кўтарилмандек бўлди.

Абай ер юзининг кўркини, ўз кўнглининг эркинлигини куйлайбошлади...

Ана шу майнин шабада эсиб турган ёқимли баҳор кунида Абайнинг кўнгли алланечук тўлқинланмоқда эди. Қанча-қанча алангали ҳислар гўё вужудига сифишаолмай сиқилишарди... Эркаланиб ше'рга, куйга айланарди... Маромсиз тўлғанарди.

Абай пайқамапти. У айтаётган бор ўланни — қўшиқни Макиш эшишиб келаётгани экан. Бошқа кишининг ўлани эмас, инисининг ўз ўлани эканлигини ҳам билиб ўтирган эди.

— Абай, дейман, сен оқин бўлсанг керак-а!— деб, кулиб юборди.

Абай ёнида Макиш борлигини унутиб юборган экан. Аввалига чўчиб кетиб, бироз ўнғайсизланди-да:

— Ҳа, қаердан билдинг?— деди.

— Эшишиб келаяпманку... Ё яшиromoқчи эдингми?— деб, Макиш яна кулди-да,— Эрбўлдан тортиб, ҳамма ўртоқларинг гапиришади, «ўлан айтишларда қатнашмагани бўлмаса, Абай чин оқин» дейишади, ростми?— деди.

Абай кулиб юборди.

— Рост! Оқинман!

— Қандай ўлан айтиётурсан?

— Эй, Макишжон, ўланларимнинг ҳаммаси елга учуб кстаётир.

— Нега энди?

— Мен суйган блап куйганни куйлаётирман. Суйганим йироқда, ҳечқачон келмайди. Дардим-аламим бўлса, мудом қошимда, бирнафас нари кетмайди. Шуни куйлаш елга куйлаш блан баравар эмасми?

— Дарди-аламинг нимаси? У нима деганинг? Сенда қандай дард бўлиши мумкин?— деб, Макиш азмойиш блан Абайга қаради. Иниси қошларини чимириди-да, ранги яна ҳам ўчинқираб кетди. Унинг тўладан келган юзида ҳали биронта ажин пайдо бўлмаган, ҳозир хиёл узайиб қолган мўйловлари, қисқароқ қора соқоли ҳам унинг гўзал чеҳрасига ярашиб турарди.

Макиш энди мароқ блан инисининг юзига боқаркан, Абайнинг бурни усти бироз йилтираб, юзларидан ёқимли нур ёғилиб турарди. Эндигина камолга етган йигитнинг гўзал чеҳраси. Ўт сочиб турадиган, жасоратли, ўткир кўзларининг оқи оқи, қораси қора бўлиб, порлаб турарди. Бу кўзлар, худди магнити бордек, бир қараган одамни беихтиёр яна қаратадиган жозибали кўзлар эди. Чаккасига тушган ингичка ва қийғоч қора қошлари ҳам йигитнинг ҳуснига ҳусн қўшарди.

Макиш ўз жигарига — инисига боқаркан, ич-ичидан фаҳрланарди. Унинг: «дардим бор», деганига ишонмади. Шундай бўлса ҳам тапга солиб кўрди.

— Ўша дардингни қандай қилиб айтдинг, қани айтичи! — деди.

Абайнинг кўнглида ўша вақтлардан буён гўзал саробдек бўлиб қолган бир хотира ётарди. Ўша куни юрак дардларини шу куйи блан изҳор этган эди. Бу куй ҳам содиқ ҳамроҳига айланган. Хотирида ҳамон Жонибек яловида ўтказилган ўша кеча. Суюнлик овулидаги аргимчоқ. Тўғжон блан иккови аргимчоқни тепиб туриб, сирларини шу куй блан изҳор этишган эди. Кўпчилик олдида юраклари фақат шу куй орқали топишган эди. Абай ўша «Тўпай кўк»¹ куйини бошлади. Бу куй яшнаб турган баҳор кунида Тўғжонни яна соғинтириб, йўқлатаётир.

Опасининг айт, деб қилган илтимоси унинг ўз кўнглидаги истаги эди. Бу гал у «Тўпай кўк» куйини баланд

¹ Тўпай кўк — кўркам оғ.— Ред.

овоз блан эмас, хиргойи қилиб куйларкаи, сўзлари ўзгача бир ҳазин дардни ифода этди. Макиши айниқса, ўланнинг сўзига алоҳида этибор бериб тинглади. Қалби изтиробга тўла ёш йигит:

Ярқ этмас қора кўнглим на қилса-да,
Осмонда ой блан кун барқ урса-да.
Дун'ёда менга сра сендаи ёр йўқ.
Сенга ёр мендан ортиқ топилса-да!..
Шўрлик ошиқ сарғайса, согинса-да.
Ёр аҳду паймонидан янгилса-да,
Чидайди рози бўлинб ёр жабрига,
Шафқатсиз мазах қилса, хўрласа-да.—

деб, ранги ўчиб жим бўлиб қолди. Шу ўланда ўзини ҳам, унинг ҳам ҳолини изҳор этган эди. Иккни интиқ. Иккови ҳам ўт ичида ўртанади. Лекин начора, беомон тақдир шу экан. Ўша дарднинг сўнгги пайтларда асти нари кетмайдиган нафасидек бўлиб шу ше'р қолгаи кўринади.

Лекин, Макиши уни англайломади. У авваллар ўзи эшишиб кўрмаган, куттимаган гаплардан фақат «ёр» деган сўзнигина англаб, қараб туриб-туриб, Абайга:

— Тушунмадим. Ёр деяётганинг киминг ўзи?— деди.

Абай кўнглидаги гапларни опасига айткиси келмас эди.

— Ёр деяётганим шу кўйларга солгаи кимса-да! Ёр деган гапни билмас эдингми?

— Билишимча, киши ёр деб умр ўўлдошини айтадида!— деди.

Абай бир сесканиб тушиб, ялт этиб опасига қаради.

— Дилда демоқчи бўлсанг керак?

— Ҳа! Дилда десам, нима бўпти?

Гап шу ерга етганда ёш йигит айтганларига ҳам ўкингандек, тўсатдан тескари қаради, хуноб бўлиб:

— Е раббий, Макиши тушкурей, Дилданг нимаси? Нима деяётирсан ўзи!— деди.

Макиши оғзидан Абайга қаттиқ тегадиган гап чиқиб кетганига хижолатда қолди. Ўнғайсизланиб, кулганича:

— Епирим, Абай, гапим сенга жуда қаттиқ тегди-а, Дилда шўрликнинг нима ёзиғи бор?— деди.

— Тўғри, Дилданнинг ёзиғи йўқ. Лекин унга интиқлик блан ўлан чиқаргудек менинг ҳам ёзиғим йўқ. Тўрт болалик бўлган Дилдани айтиётганингни қара-я?

— Ҳа, бола туғиб берса сенга гуноҳкор бўлдими?

— Йўқ, нега гуноҳкор бўлсин, қайтага болаларни жуда яхши. У — болаларимнинг онаси. Отам блан онам кўшган умр йўлдошим, холос. Самимий юрак, оташин интиқлиқ, дўстлик десанг, унинг кўксидаги бундай ўтли дислар сўниб кетган. Илгари ҳам у қадар ярқираб турган аланга кўринмаган эди. Юрак ўтн эрта сўнган, эрта совуган бир жон-да у! — деб, Абай гапни қисқа қилиб қўяқолди.

Шундан кейин суҳбат узилиб, бу извошдагилар, шаҳардан чиқсан вақтларидагидек, йўлда жимгина давом этишди.

Салт от блан учта-тўрттадан, беш-олтитадан бўлиб, кўчанинг чангини кўкка кўтарниб бораётган шаҳарлилар, дала одамларининг бир учи араваларга бориб тақаларди.

Шу отлиқлар тўпининг ўртасида Такежон ҳам кетаётир. Унинг ёнида мулла Фабитхон, Жумагул, Эрбўл яна қўшли¹ йигитлардан Дарқон ҳам бор эди.

Такежон отаси вожидан шаҳарда ҳам, йўлда ҳам анчагина ташвиш тортиб келаётган бўлса-да, энди анча тинчиган эди. Аслида у Абай айтган йўл машаққатлари ҳақида у қадар чуқур ўйламади. Шаҳардан чиқсанларидан кейин кўнгли ғаш тортиб, Фабитхондан сўраган эди, оқ кўнгил мулла Фабитхон унинг кўнглидаги чигилини ёзиб юборди.

Такежон ҳозир анча тўлишиб, ўзини қўйиб, йигит мирзоси бўлиб қолган, ўзи яна кўп хушчақчақ асқиячи ҳам эди.

Айниқса, у, битта-яримтани тилга олиб, тегажаклиқ қилиб, асқияга кўтармаса, ичган оши танасига сингмайдигандек туйиларди. Бирга юришга тўғри келган пайтларда, у ҳамиша шу Фабитхонни эрмак қилиб асқия қиласарди.

Тили қизиқ, соддаликда Хўжа Насриддиндан қолиши майдиган Фабитхон ҳақида Такежон халқ ўртасига қанчаканча кулгили ҳикоялар тарқатган эди. Бу қиссалар кўпинча Фабитхоннинг қозоқ тилини ўз тилига қўшиб, бошқа ма'но чиқариб қўядиган сўзлари устида тўқиларди.

Такежон ба'зан ўзининг икир-чикир, керак-яроғи учун ҳам Фабитхоннинг соддалигидан фойдаланиб юради.

¹ Қўшичи — кўп йилқини бокучи одам.— Ред.

Бундан икки кун аввал Тинибойнинг меҳмонхонасида ётган сон-саноқсиз меҳмонлар ўртасида Такежоннинг қамчиси йўқолиб қолди. Шундан кейин Такежон, уй очамлардан холи қолган бир пайтда Жумағул блан Дарқонга буюриб, уйни яна бир остин-устин қилиб қамчисини излатди. Топилмагандан кейин бутун меҳмонларниң қамчисини олдига териб қўйиб қараса, қамчилар орасида бир ажойиб сариқ қамчи бор экан. Суриштириб кўрса, Фабитхоннинг қамчисн экан. Аслида Фабитхон энг чиройли, нодир, антиқа қамчи, камар, қин ва пичоққа ўхшаган икир-чикир буюмларга кўп ишқибоз одам эди. Қаердан бўлса-да, қўлга тушириб оларди.

Такежон бошқа қамчиларни четга улоқтириб ташлаб, сариқ қамчини қўлига олиб пиқ этиб кулди да:

— Менинг қамчим шу бўлади! — деди.

Жумағул ҳадиксираб:

— Ие Такежон, Фабитхон бермайди. Қизилга қиздек ёпишади. Асти бермас! — деди.

Такежон қулоқ солмади.

— Дамингни чиқарма, сўраб олади деяпсанми? Үғирлаб оламан! — деди.

Уччози ҳам тушуниб кулиб қўйишди.

Шу ўртада Жумағул Такежоннинг буйруғи блан Фабитхоннинг қамчисидан чиройли боғични олиб ташлаб, дағал қайнишдан боғич тақиб, бошқа уйга беркитиб қўйди. Такежон уни узоқ сафарга чиққандагина тутиб чиқмоқчи бўлди.

Фабитхон икки кунгача бутун меҳмонларнинг жонига тегиб, қамчисини излагани блан тополмай тинкаси қуриди, ноилож қамчидан умидини узди. Фабитхон куйиб-пизишиб қамчисини излаб юрганида, Такежон пинагини бузмай, парвои фалак ўтираверди. Уша қамчини Такежон бугун биринчи марта тутиб чиққан эди.

Такежон Фабитхон блан ёнма-ён кетаётган бўлса ҳам, анча ергача жўрттага мулланинг ўнг томонида юриб, қамчини эгасига сездирмай келди. Лекин Такежоннинг қўлидаги қамчига Фабитхоннинг кўзи тушиб қолиб, бирдан отининг бошини тортди да:

— Ҳай, Такежон, қамчиним сенда экан-ку? Бу қандай хиёнат! — деди, бир фалокатнинг устидан чиқиб қолган-дек Такежонга қараб.

Такежон сиртига ҳам юқтирмади.

— Қўйинг-е, мулла. Қамчи ўзимники, билиб гапи-
ринг-да!— деди сиполик блан, ҳайрон бўлга: кишидек
қараб туриб-туриб. Қамчини энди биратўла кўрсатиб,
отининг ёлига кўндаланг қўйиб ушлаб турди. Ғабитхон
ҳайрон бўлиб бир қамчига, бир Такежонга қаради. Үри-
лиши, сопи, боши... сопига ўралган сариқ жези — ҳаммаси
ўзининг қамчиси. Гумон йўқ. Энди жаҳли чиқиб, Такежон-
ни койиб ташламоқчи ёўлди. Унинг ёши катта бўлгани
учун, тегажаклик қиласверадиган Такежонга ба'зан қаттиқ
гапларни ҳам айтиб юбораверар эди.

— Оббо аҳмоғе, буни кўр, қамчимни ўғирлаб олипти-
я!— деб, қамчига қўл чўёзи. Такежон қаршилик қилма-
ди. Ўзиёқ қамчини муллага узататуриб:

— Мулла, аччиғланмай туриб, аввал яхшилаб таниб
олинг. Қамчи мана, дурустроқ қаранг. Ҳақиқатан шу
сизнинг камчинингиз бўлиб чиқса: «кўзим етди, имоним
комил» дeng-да, олақолинг. Агар сизники бўлмаса, бундай
кўпчилик олдида одами беҳуда гуноҳкор қилманг!—
деди.

Ғабитхон қамчига ёпишиб, у ёқ-бу ёғини айлантириб
кўриб, ниҳоят боғичига қаради-да, қовоғи солиниб кетди.
Искаб кўраётгандай дам кўз олдига олиб келиб, дам
узоқлаштириб кўрди-да, охир танглайнин қожиб бошини
чайқади. Жумағул, Дарқон, Такежон учкови ҳам кўзини
олмай, мулланинг бор ҳаракатини кузатиб туришарди.

— Эҳ, эссиз, эссиз...— деди Ғабитхон умидсизланиб.—
Ҳаммаси меники, фақат шу беўхшов боғичи меники ту-
гул... Үшашга ўхшаб турипти-ку, лекин қамчи меники
эмас. Ма, Такежон, хафа бўлма!— деб қайтариб берди.

Такежон аввалгидек, сир бой бермай, вазминлик блан
қамчини оларкан:

— Ҳа, муллака, айтмадимми!— деб, Жумағулга қараб,
кўзини қисди-да, мийигида кулиб қўйди.

Ғабитхон олдинга ўтиб, узоқлашиб кетганида, Дарқон,
Жумағул учкови хўп кулишиб олишарди. Шундай қилиб,
улар Кунанбойни кузатиб борилаётган бир бекат ерга
қандай етганларини ҳам пайқамай қолишиди.

Олдинда кетаётган извошлар тўхтаган экак. Извошда-
ги йўловчилар, катталар ерга тушиб бўлишипти. Уларга
етиб олган салт отлиқлар ҳам отларидан тушишаётир.

Тинибой извошининг орқасига бир катта мешда қимиз
боғланган эди. Кузатучиларнинг ҳаммаси йиғилишган-
дан кейин, ўша қимиз келтирилди.

Кузатучилар Қунанбой блан Изиқуттининг қаторида лавра олиб ўтиришиб, сўнгги марта у блан бирга қимиз ичишди.

Қунанбой энди тезроқ жўнаб кетиш пайида эди. Изиқутти шунга ишора қилгандай, кузатучиларни шошира бошлади. Ниҳоят, Қунанбой ўрнидан турди. Ўтирганлар ҳам дув этиб туришди. Қунанбой бу ерда гапни кўп чўзиб ўтиrmади.

— Қани энди, биродарлар, шу ерга кузатиб келганларингиз ҳам етар. Эл-юртимга салом айтинглар. Хайр энди! Туз-намак қўшилган бўлса эсон-омон, ўйнаб-кулиб лийдор кўришни насиб қилсин! — деди.

Тинибой бошлиқ катталарнинг ҳаммаси:

— Иншоолло, иншоолло, омин! — дейиши.

Шундан кейин Қунанбой Улжондан бошлаб ҳамма блан бирма-бир қучоқлашиб хайрлашиб чиқди.

Қунанбой Абай блан ҳаммадан кейин, сукут ичидага хайрлашиди.

Бирозгина терчигани бўлмаса, ҳали ортиқча терламаган, учта бақувват жийрон от қўнғироқларни жиринглатганича извошни олиб кетди. Тез кетаётган извош орқасидан кўтарилиган чанг ичидага жаранглаб бораётган қўнғироқлар анча вақтгача ўйнаб, сўзлаб борди. Лекин, секин-аста товуши сусаябошлади. Тикилиб, қотиб қолгандек чурқ этмай қараб турганларга сўнгги марта бир «жикинг» этди-ю, сўниб кетди...

Извоип йироқлаб бориб, майса блан қопланган довондан ошабошлади. Яна бир нафасдан сўнг йироқ сафарга чиқкан йўловчилар кузатучилар кўзидан ўйниб бўлди...

Шу дамгача сўзсиз тикилиб, қараб турган кузатучилар эндигина қайтиш ҳаракатига тушишди.

Улжонни Абай блан Макиш қўлтиқлаб келиб, ўзлари тушиб келган извошга ўтқазишиб. Улжон ўтиргандан кейин извошда жой торлик қилди. Абай извошга тушмасдан оласини олдин жўнатиб юбориб, ўзи отга минди. Енига Эрбўлни олиб, тўпдан айрилиб, шошмасдан астасекин қайтди.

2

Кўплан бери Тинибоянинг уйини тутиб ётган меҳмонлар Қунанбой жўнаши блан тез тарқалишиб. Лекин Улжон эрини жўнатгандан кейин ҳам элига тез қайтмади. Кўп вақтлардан буён шаҳарга келгани ҳам шу эди. Яна

мудом ўз овулини, элинин соғиниб юрадиган Макиш ҳам онасини юбормади. Қудаси Тинибой ҳам Улжонга: «Шошманг, туратуринг, мана бу Макиш болам жуда ғарид бўлиб қолади. Эри ёўлса савдо блан узоқ сафарга кетган. Шунинг кўнгли яна ҳам ўксимасин, кетишни қўятуринг» деди...

Энди Тинибойнинг уйидаги иззат-икром блан кутила-ётган азиз меҳмонлар — Улжон блан Абай яна Такежон ва уларнинг ёнида қолган уч-тўртта йигитларгина эди. Ҳозир Тинибойнинг икки қаватли ёғоч уйининг бутун хоналари янгидан кўп жиҳозлар блан безатилиб, яшнаб кетган: гилам, шюлча, гулдор наметлар қоқилиб, тозаланиб қайтадан солинган.

Яқин кунларда эл яйловга чиқиб кетади. Шаҳардан йироқлашади. Бола-чақа, келин-кеватларга ёзлик кийим керак, ўз овулуга ва келди-кетдини кутишга қанд, чой каби кўргина нарсалар ҳам олиниши керак. Кўп овулли, сержамоа уруғ-йамоқнинг онаси ҳисобланадиган Улжондан совға-салом умид қиуличилар ҳам кўп. Улжон шаҳарда тураркан, ҳар куни эсига тушган нарсаларни Абайга, Такежонга, Ғабитхонга, Эрбўлга айтиб, бозордан олдира бошлади.

Онаси жўнайдиган кун яқинлашган сайин, Абай ҳар кун кечқурун бошқа буюмлар блан бирга тўп-тўп китоблар ҳам келтиради. Шу қиши олти ой элга Сормай, отасини жўнатиш ҳаракатида шаҳарда ётган Абай рус тилини ўрганишга кўп қунт қилди. Бирнече йиллар давомида босим ўтириб, қаттиқ уринматан бўлса ҳам, шу тилни ўрганиш, ундаги ма'рифат-билим булоғидан баҳраманд бўлиш ниятидан қайтмаган, интилишини қўймаган эди. Лекин, олдинга босган сайин бу тилни тўла-тўқис ўрганиш нақадар оғир эканини англар, мудом: «Аттанг, ёшлигимда фурсатни бой берибман-да, ўша вақтлардаёқ ўрганиб олсан бўлар экан!» деб кўп ачинарди.

Абай шу кунларда, шаҳарда турганида, айниқса шу қишининг узоқ кечаларида ёлғиз ўтириб изланиш, уринини ѡрқасида енгил тил блан ёзилган русча ҳикояларнинг кўп жойларини тушунадиган бўлиб қолди.

Ҳозирча унга оғирроқ англашиладигани — рус шоирларининг асарлари эди.

Лекин, энди қандай бўлмасин, рус китоблари дўсти бўлиб қолди. Онаси блан элга бериб юбориш учун китобларни йигиб юришининг боиси ҳам шунда эди. Ҳозир у

аввалгидек эмас, элга қайтганда ҳам бутун вақтини шў
китобларга бағишламоқчи эди.

Улжон унча шошилмаётган бўлса-да, охири элга жўйа найдиган фурсат ҳам келди. Унинг блан Тажжон, Габитхон, Дарқон, Жумагуллар бирга кетадиган бўлишиди.

Извошга Улжон-у Қалиқа тушди. Асов отларни ўргатучи ёш йигит — Масақбой кучер бўлди.

Онаси Абайга бирга кетайлик деган эди, лекин боласининг ҳали бери битмайдиган ишлари бор экан. Қунанбой топшириб кетган Ҷа'збир олди-берди ишлари бор экан. Халқ яйловга кўчар пайтда етиб боришга ва'да бериб, Эрбўл блан яна шаҳарда қоладиган бўлди.

Абай узун бир сандиқни китоб блан лиқ тўлдириб, извошнинг орқасига ортди, онасини қўлтиқлаб ўз қўли блан аравага ўтқазган пайтда, Улжон боласининг қўлидан ушлаб туриб:

— Олти ой қиши овулга бормай, йироқ сафарга кетган йўловчидек бўлиб кетдинг. Уйда ёринг-рафиқанг сарғайиб кетди-ку, болам. Жўжалардек қанот қоқиб толпинаётган болаларинг кўз тутаётир. Қачондан буён: «оғам, оғам келади,» деб кутишаётир. Абишим блан Мағашим қандай дегин, худди эгизак қўзиларга ўхшайди! Ушаларни ўйлаб, соғинганимда, менинг уйқум ўчиб кетади-ю, сен қандай чида борибсан? — деди.

— Опа, уларни мен ҳам ўйлайман... Мен ҳам соғина-ман. Ҳалиги иккита набирангиз ўзим ҳам яхши кўрадиган болаларим. Менинг оталиққа бўйсундирган ҳам ўша иккови. Лекин мана бу ишларни ўзингиз кўриб турибсиз-ку.

— Қайдам. Баҳонага баҳона қўшилаберганига кўни-киб, ўзинг ҳам шу шаҳарнинг чангини ютишга ўрганиб қолдингми, дейман. Бундай қилаверсанг уй ҳам бир, дала ҳам бир бўлиб, маконидан безган ёш кулонга ўхшаб кетасан-ку. Теэроқ бор, болам, Абайжон! — деди.

Унинг сўнгги сўзларида, Абайнинг кўнглидаги шикастликни сезгандек, шубҳа ва безовталик ифодаси бор эди. Фоят зийрак, ҳуш'ёр она шаҳарга келгандан бошлаб қиши бўйи овулга бормаган боласининг авзойига зимдан зеҳн солиб юради. Лекин унинг на овулни соғинганини, на юраги узилиб уйдагиларни йўқлаганини билолмади. Бундай бирнече йил муқаддам, Абай бундай эмасди.

Ёки: Макиши блан ҳали ўтириб сўзлашганида ўғлининг Диlldа ҳақида, унга кўнгли йўқдек, айтган совуққина гапларини эшийтдими?

Гарчи Улжоннинг гаплари ётири блан мулойимгина айтилган бўлса ҳам, чуқур ма'ноли оғир гап эди. Лекин шу тобда бу гапларни очишнинг хонаси эмас. Абай онасиning кўнглида қандайдир ғашлик қолдирганини билса ҳам индамай қўяқолди. Фақат:

— Худо хоҳласа эл яйловга кўчиб, сизлар Чинғизни ошган пайтда етиб борамиз. Бола-чақаларга салом айтинг. Қани энди, оқ йўл бўлсин! Ҳормай-чарчамай, ўйнаб-кулиб, эсон-омон етиб олинглар!— деб онаси блан хайрлашиб, жўнатиб юборди.

Такежонлар отларига миниб, Макиши ва Тинибойлар блан хайрлашиб бўлиб, катта дарвозанинг олдида тўпланиб туришган эди. Масақбой ҳам отини ҳайдади. Уч саман от қўшилган кенг извош қисирлаб қўзғолди-да, гулдираб юриб кетди.

Шундан ўн беш-йигирма кун кейин, Абай блан Эрбўл ҳам элга қайтиб кетиши. Шаҳардан қуёш чиқар-чиқмас отта мингган йўловчилар баҳорнинг узоқ кунида яхшигина йўл босиши. Абай блан Эрбўл иккови ҳам қаттиқ юришга чидамли ва чиниқсан эди. Қишида ҳам, ёзда ҳам қанча узоқ, қанча оғир йўл босишимасин бир-бирига: «чарчадим, уриндим», деган гапларни айтишмасди. Аксинча, ҳарқандай юриши қаттиқ отлар блан кун бўйи дам олмай, йўл босиб келганларида ҳам, чидамликка бас бойлашгандек, кечқурун тушган жойларида бир-бирларига чарчашганини, а'зойи-баданлари қақшаб оғриёттанини билдирамасликка тиришар эдилар.

Айниқса шу бугун, айтса айтгудек йўл босиши. Бу йўл уларгина эмас, ҳатто умр бўйи ўз касби туфайли отдан тушмай, қаттиқ юришга жуда чиниқиб кетган Қорабос, Жумагуллардек чопарлар ҳам, Элевсиз ва Бесбебойлардек Улжай ичидаги абжир ва шер йигитлар ҳам аҳ ён-аҳ ёнда юраоладиган йўл эди.

Семейдан чиқдан икки йигит кун ботарга яқин Ўрда тоғининг Шиликти кезенги деган бир четига етиб келиши. Бор эллар яйловга томон кўчиб кетиб, йўл юзида қўниб ўтгудек овул сийракланиб қолганди. Мабодо қўнтар жой топилса ҳам, Ўрда тоғининг мана шу еридан топилиши мумкин эди. Шиликти кезенгида Мамай қабиласининг Бойшўра уруғидан бечораҳол овуллар қишлиарди. Улар яйловга ҳам бироз кечикироқ кўчишарди. Йўловчилар шу овулларнинг биронтасига қўниб ўтамиз, деган умидда эди. Абай ўз қистовларининг юқорисидан ўтмай, йўлни

Ўрдадан олгани — Улжоннинг овули бу йил ҳам Бўкенши эли кўчиб чиқадиган Кўлдененгдан ўтиб, Боқонос сувининг бўйига жойлашмоқчи эди. Уша ерга тикка кесиб чиқадиган яқин йўл Ўрда тоғидан ўтарди.

Шаҳар блан Шиликти Кезенгининг ораси юз ўттиз чақирим келарди. Абайнинг остидаги кулранг қашқа от—босқинчилар минадиган михти отлардан. Бу отни илгари миниб юрган Изиқутти унинг қадами илдамлигига, асти ҳормаслигига завқ қилиб тулпор деб атарди. Эрбўлнинг остидаги бақувват, қорамтири човкар от кулранг қашқа отнинг юришига дош беролмади. Намозгарга бориб хила қамчи талаб бўлиб қолди. Шундан кейин Абай Эрбўлнинг ўзи етаклаб кетаётган човкар отга минишини таклиф қилди. Бу отни Абай, келишган жуссаси, мармардек човкарлигига қизиқиб «уюрга қўшиш» ниятида бозордан сотиб олган эди.

Эрбўл отни алмаштириб минган бўлса ҳам, кулранг қашқа от ҳамон ўйноқлаб кетаётир. Қўёш ботиб бораётган пайтда Ўрда тоғининг орқасидан булат кўтарилиди. Йўловчиларнинг қаршисидан кучли ел эсиб, момоқалдироқ гулдираб, шаррос ёмғир қуйиб келаверди. Абай буни пайқади-да: «қош қораймасдан элга етиб олайлик», деб яна жадаллади, кулранг қашқани елдириб кетди. Қўкрагига урилиб эсаётган совуқ шамол кулранг қашқанинг қаддини ростлаб елинидириб юборгандай бўлди. Ҳозир ҳориб қолади, деган шубҳа тугилгани пайтда, кулранг қашқа ўчакишгандек, сўлигини чайнааб, бошини чайқаб, пишқирганича ер сузиб бормоқда эди. Агар Абай отиникин бошини қаттиқ тортиб ушламаса, олиб учиб, алангадек кўтарилиб кетишга ҳозир эди.

Эрбўл анча вақтдан буён кулранг қашқага зеҳн солиб келаётганди. Абай отини елдириб кетганда, човкар от блан Эрбўл орқада қолиб кетди-да, отини чоптирганича қувиб етди. Кулранг қашқадан хиёл ўзиб бориб, кўз қирини ташлади:

— Оббо қурғурей, буни кўр, Абай! Тўшидаги теригача қуритиб олипти-я. Епирим, бунинг ҳорадими асти ўзи?— деди. Абайнинг ўзи ҳам кулранг қашқани содиқ дўстдек ҳис этиб, чидамлигига завқ қилиб келаётгани эди.

— Ким билади, Эрбўл. Ўзим ҳам ҳайронман. Белининг бақувватлиги ўша Тинибойнинг дарвозасидан чиққан чоғимиздагидек. Одам чидаш беролса, бу от юриб борадиган ернинг охирин йўққа ўхшайдику!— деди.

Кучли шамол ҳайдаб келаётган ёмғир Абайлар Шили.... кезенгига етиб қолганда қуйиб юборди. Шамол тұхтади. Илиққина ёмғир ёғабошлади. Үрда тоғининг ёнбағри ямшил эрмон, филғонлар блан қулф уриб турарди. Йұловчилар шаррос қуийи берган ёмғир остида яна ҳам мавж уриб кеттан майса ичидағи шағал йўл блан боришаркан, мурғак эрмонларнинг ҳиди анқиб турарди.

Лекин ёмғир кучайиб, булут туташди. Қай вақт бўлганини билиб бўлмайди. Кун ботиш томонни булут қоплаб, кункинг кўзини бутунлай яширган. Худди қош қорайиб бораётганга ўхшайди. Шом пайти яқинлашғанми, ёки ботиб бораётган қуёшнинг кучсиз нури булут орқали сузилиб ўтаётirmi, ҳар ҳолда кун ботиш томон уфқида, кўкимтир туман устига сарғиши шу'ла қўнди. Сўниб бораётган умид узилай деб турган ҳаёт сингари тобора ҳолдан кетиб, заифлашаётган охирги шу'ла. Бироздан кейин у ҳам хираланабориб, ранги ўчабошлади. Сарғиши шу'ла кул рангга кирди. Яна бир нафасдан кейин гунгурт тортиб бориб, қора-қизил товланди. Кўкиш тортиб бориб ғамгин, ҳазин осмоннинг тун қоронғилигига йўл берди.

Қош қорайиб, қоронғи тушди. Абайлар отларини тасирлатганларича келиб кичкинагина тошлоқ тепага чиққандаридагина олдиндан итлар ҳуриб чиқди. Ёмғир ёғиб, қоронғилик босаётган бир чоғда, йилт этиб ёнган умиддек милт-милт қилиб кечки ўтлар кўринди. Яқин ерда, йўлнинг чап томонида, майсазордаги булоқ бошида етти-саккиз уйлик юпунгина овул кўринди. Бечора ҳол овулнинг озгинна ҳўйи қўрада ётарди. Озгина сигир ва туялари ёмғирдан қочиб, пана-пана ерларга тўпланишган. Эчкилар ҳам уйларнинг кетига тиқилишиб, орқаларини ёмғирга қилиб, жимгина жунжиб туришарди. Овулнинг атрофида арқонланган, тушовлаб қўйилган беш-олтигина от кўзга чалиндарди. Отларни қаттиқ елдириб келаётган Абайлар овулга яқин келганларида юришни секинлатишида-да, қайси уйга тушишни мўлжаллаб келаверишди.

Олдиндан боя ҳуриб чиққан итлар овулни Сошларига кўтариб, тоғ-тошни янгратиб, шиддат блан ташланмоқда. Йўловчилар овулга яқинлашған сайн уларнинг сони ортиб, ғаттарроқ ташланиб,чуввос солишиди. Туллаган юнги тўқилиб битмаган, думи эгри қанжиқлар. Шалпонг қулоқ, найнов кўппаклар. Овозини ўчириб бўлмайдиган акилдоқ, озғин-озғин кучуклар:

«Авлок! Құнмайсан! Тентираб юрган йүлөвчиларға жой үйк! Сенларга бераверсак, сочнинг туки ҳам етмайди. Емғир ғәаётган бўлса, бизга нима? Бор! Бор! Кетавер. Емғирдан отингнинг пинжига тиқил. Менга деса тўқиминингни ёпин. Жўнаб қол! Бор! Бор! Бор!» деб ҳайдагандек ҳуришарди.

Эрбўл, тушадиган уйни сиртидан мўлжаллаб келаётган экан. Мана шу саккиз уйнинг ичида энг бутуни ҳам, каттароғи ҳам ўша ўртадаги беш қанотли яласқигина уй эди. Эрбўл Абайдан олдинроқ бориб, ўша томонга қайрилди.

Абай етиб келган пайтда, уйнинг эгаси эшикка чиқсан эди. Елкасига чакмон ташлаган, серсоқол бир одам экан. Афтидан, бир оёғини оқсаб босса керак. Эрбўл олдин гап бошлаб «меҳмонмиз», деб ўзларининг ким эканилигини танитди. Уй эгаси:

— Қани, йигитлар, тушинглар. Насиба ҳайдаб келган экан-да! Боримизни баҳам кўрамиз! Қани!—деб келиб, Абайнинг отини олиб бойлагани кетди...

Эрбўл бу одам блан кўз таниш экан. Уйга кираётганида Абайга секингина:

— Шу Үрдада Бекей, Шекей деган икки оға-ини бор эди-ку, Бойшўра уруғидан, уларнинг Бекей дегани шу,— деди.

Йигитлар бу овулга илгари келмаганди.

Уйда ўт ловуллаб ёниб туради. Меҳмонлар ичкари кириб, сўрашиб бўлиб, уй ичига зеҳн солабошлишди. Бу оила кўпчилик бўлмаса керак. Ўнг томонда, кўрпачала оқ-сариқдан келган бир кампир тўрт-беш яшар набирасини бағрита босиб ўтирипти. Яна бир баланд бўйлик, қотмагина, оппоқ, қора кўз, қирқ ёшлар чамасидаги бир хотин ҳам бор эди. Афтидан, бу аёл ўз вақтида жуда гўзал бўлган кўринади. Уйда Бекейнинг ўзидан бошқа кўзга чалингандар шуларгина бўлди.

Абай уй эгасини энди яхшилаб кўрди. У тўлқинланиб тушган узун қўнғир соқолли, икки юзи қипқизил, кўзлари мовий, бурни каттароқ, гўзал одам экан. Йигитларниң қаердан келаётгандар, қаерга кетаётгандарини сўраб билди. Товуши салмоқли, йўғон экан. Абайлар келгандан буён гуриллаб ёнаётган қоқ-қуруқ қий ҳали ҳам қизғин аланга сочиб, уйни иситар, меҳмондўст, кўнгилли мақонга айлантириб туради. Ут устига ўрнатилган уч оёқли баланд темир ўчоқда каттакон қора чойдиш осиғлилек экан.

Бекей онаси томонда ўтирган эди. Абайларнинг ким эканлигини билгач, бироз сурилиб онасига ёндошди-да, ивир-шивир қилабошлади. Буларнинг ўзаро гаплари узоқ-қа чўзилмади. Бекей ўрнидан туриб эшикка чиқиб кетаётib, хотинига:

— Оловни тежаброқ ёқ. Қуруқ ўтининг етмай қолмасин. Қозон осишга сувинг етарликми?.. Мен ҳалиги бола блан бориб, қўй олиб келай. Қозон осиб, сувингни ҳозирлайвер!—деб буйруқ берди. Хотини ҳам эрининг гапини ма'кул кўрди шекилли, индамасдан овқатнинг ҳаракатига кириши. Бироздан сўнг ташқаридан Бекейнинг:

— Найманто! Ҳой Найманто! Қани бери келчи, болам!— деб кимнидир чақираётган йўғон, салмоқли товуши эшитилди.

Тезгина қайнаб чиққан чой Абайларпинг олдига келтирилган пайтда, ўтовнинг эшиги катта очилди. Сўйила-диган қўйни олиб кириш учун эшикни очиб турган Бекейнинг ўзи экан. Уйнинг ичидаги ловиллаб ёнаётган оловдан ҳуркиб, тихирлик қилаётган қўзини кўндалапгидан туртганича ёшгина йигит Найманто кириб келди.

Қиши ярим бўлмайтуриб, бемаҳал туғилган қўзи семизгина кўринди.

Абайлар чой ичишмоқда. Қизил чит кўйлагини липасига қистириб, билакларини шимариб олган ҳалиги оппоққина хотин, энди қозон осиб, сувни ҳам иситабошланган эди.

Бекей бўлса энди меҳмонларпинг ёнига ўтириб, ўзи чой қўябошлади. Найманто қўзини бир зумда сўйди. Каллапочаси ҳам куйдирилабошланди.

Абайлар хўб қониқиб чой ичиб олишди. Қўзи сўйилаётган пайтда, Бекей:

— Шукимон қаёқда юрипти-а? Келиб сенга қарашсанчи!— деган эди, хотини:

— Шукимонни нима қиласиз? Нариги уйда, куёв йигитларнинг ёнида ўтирипти. Үзимиз ҳам саранжом қиласиз! Уйнаб-кулиб ўтирсин!— деб, уни чақиртирмади.

Эрбўл Шукимон деган исмни эшиганидан буён: «Бу, қизининг исмику! Эҳтимол буларнинг бўйи етиб қолган қизи бўлса керак?»— деган хәёлга бориб, атрофига на зар солабошлади. Уйнинг чап томонида, Бекей ётадиган ёғоч кроватънинг бошида ерга ёзиб қўйилган яна бир тўшак кўринди. Кўрпа-ястичи қизил-яшил гуллик, янги қопланган экап. Агар бу уйнинг қизи бўлса, у ўша Шу-

кимон-у, бу, ўшанинг тўшаги бўлса керак. Уй ичини кўздан қечираётган Эрбўл шундай фикрга келди. Бекей қозонга гўшт солаётган хотинига: «Сол! Уни ҳам стол!» деб турарди. Хотини: «Кўп-ку, бўлди-да» деяётгандек эрига бир қараган эди, Бекей:

— Ҳалиги куёв йигитларни ҳам бир чақириб олиш лозим эди. Шукимонинг ҳам даромад қилаётган эди-ку. Меҳмонлар озчилик, яна ўзларининг тенгқурларидан экан, уларни ҳам шу ерга айтдириб юборақол. Шекейнинг хотинига айтиб юбор! — деди.

— Уидай бўлса, овқат пишганда, Шукимон меҳмонларни ҳам бирга олиб келсин. Сен бориб айтиб қўй! — деди, ҳалиги оппоқина хотин Наймантойга қараб.

Қозон осилгандан кейин, кўп ўт ёқилди-да, уй исиб кетди.

Ташқарида ёмғир тинган, шамол босилган, илиқ кеча эди. Одамни лоҳас қиласидиган, ҳавоси оғир қопқоронги тун ҳукмрон эди.

Жимгина ўтирган Абайнинг боши гангиди, иссиқ элитиб уйқуси келди. Овқат пишгунча мизғиб олмоқчи бўлди-да, ёнбошлаб ётди. Эрбўл ҳам ухлаб қолди.

Абай ўзининг қанча ухлаганини билмайди. Лекин чўчиб уйғониб, ёстиқдан бошини озод кўтарганда, уйқусираб сўзлаб, уйғониб кетганини фаҳмлади. Сўнгги сўзлари тўла айтилиб ҳам бўлмагандек, ҳали кўнглида турарди, назаридা:

— Кел! Келчи, маш'алим! — деган сўзларни аниқ айтгандек бўлди.

Товушини чиқариб айтдими? Уйдагилар ҳам эшитдими? Уни билмайди. Абай уйғонганида Эрбўл ҳам бошини кўтарганди. Абайнинг икки кўзи қипқизариб, бўртениб турарди. Босинқираб қолдими? Лекин гап унда эмас. Абай туриб ўтириши бланоқ ялт этиб қараб, ташқарига қулоқ солди-да, диққат блан тинглайбошлади. Эрбўл эндигина тушунди. Қўшии уйдан ёлғиз бир аёл киши айтаётган ғоят та'сирли, майин куй эшитилаётган эди. Абай шу куйни тингларкан, борлиғини титроқ босиб, ҳаяжонланиб бетоқат бўлабошлади. Эрбўл қарасаки, йўлдоши уйқусираётган кишидек, ирғиб ўринидан туриб кетадиган бир вазиятда. Ранги қараса: ранги ўчиб кетипти. Қўзлари ёшланиб, пафаси қалтираб чиқиб, елкаси, қўлларигача титраётир. Ўзини бутунлай йўқотиб, эс-ҳушидан адашиб қолғанга ўхшайди. Икки кўзи қон тала-

шиб, қинидан чиқиб бораётгандек бежо; ажиб бир сирли шу'ла кўриб, бу оламни унудиб юборганга ўхшайди. Тўсатдан Эрбўлни қаттиқ туртиб:

— Тур, тур! Турсангчи Эрбўл! — деб қолди.

Эрбўл:

— Ҳа, нима, нима бўлди, Абай? — деб, чўчиб кетди. Ховотирланди. Кўнглига: «бирор нарса тегиб кетдими, авзойи бузуқ-ку, ёки тоби қочиб турдими?» деган ҳархил ваҳимали гаплар келди. Абай унинг кўнглига келаётган гапларга парво қиласидаган ҳолатда эмасди. Тумоғини кийиб, чопонини елкасига ташлади-да, Эрбўлга:

— Эшикка чиқайликчи, юр! — деди.

Үй ичидагилар буларнинг шундай аҳволга тушганини пайқашмади. Қампир ухлаб қолган. Бекей ўчоқ бошида, меҳмонларга орқасини ўгириб мурдоқ босиб ўтиради. Уларнинг сеzmагани дуруст бўлди. Ўрнидан бирхил бўлиб турган, ўзгача ҳаяжонга тушган Абай, ҳали ҳам ўзига келмаган. Қулоғи ҳам, бутун хаёли ҳам ўша эшикда. Ўша кўйда. Борлигини ўша куй асир этганми? Ўрнидан отилиб тураётгани чоғида бўғинлари титраб йиқилиб тушаёзди. Эрбўл суюб қолиб, зўрга турғазиб қўйди. Шунда ҳам Абай эс-хушини йиғиштираолмади. Бир туманли туш ичидаги олдаги бир нурга қаттиқ интилиб, энтикиб бораётганга ўхшади. Ўзгача куй узлуксиз давом этмоқда. Абайнинг қулоғи ўша кўйда. Борлигини ўша куй мафтуҳ этган. Қай тахлитда эшикни очиб, қай ҳолатда уйдан чиққанини ҳам билмади. Эшикдан чиқиши блан Абай бошидаги тумоғини юлиб олиб, ўша куй эшитилаётган томонга тикилганича берилиб қулоқ солиб, қотиб қолди. Айтилаётган куй «Тўпай кўқ» куйи. Гўзал куй тўлқини шунчалар нозиклик блан латиф тўлқин отиб, эркаланиб бориб эндигина тўхтади. Куй тамом бўлди. Абай Эрбўлга қараб интилиб:

— Тўғжон! Епирим, Тўғжон-ку! Менинг Тўғжоним-ку! Худди ўзининг овози, ўшанинг куйлаши! Эрбўл, мен қаердаман ўзи? Ўша уйда мени чақираётган Тўғжоним-ку! — деб, яна бетоқат бўлиб биратўла ўзини йўқота-бошлиди.

Абай қанчалик кучли ҳаяжонга тушаётган бўлмасин, Эрбўл буни энди англайбошлади. Ҳалиги товуш дастлаб уйда эшитилгандек қулоғига иссиқ кириб, у ҳам: «Бу кимнинг товуши бўлди экан?» деб ҳайрон бўлган эди. Лекин Абай ихтиёридан айрилиб, эс-хушини йиғиб ол-

маган ёш боладек ҳаллослаб, ошиқиб бораётир. Эрбўлни ҳам сургаб бораркан, эс-ҳуши ўша куй чиқаётган уйда эди.

Абайнинг Тўғжонга нақадар интизор, нақадар муштоқ эканлигини, кўп йиллардан буён Тўғжон дарди унинг қалбини тилкалаб келаётганини Эрбўл яхши биларди. Лекин, Абайнинг ҳозиргидек, сабри-тоқатидан айрилиб, жонини фидо қилишга ҳам тайёр бўлганини кўрмаганди. Абай шу кайфиятда, мана бу бегона одамларнинг олдида хунук кўринадиган ишлар қилиб, ўринсиз гаплар ҳам айтиб юборадиган. Шу томонларини назарда тутган дўст уни қаттиқ силтаб тўхтатди-да:

— Ҳай, Абай, шошмай тур! Бу нима қилиқ? Ўзимизни ўтга ташлаймизми? Аввало эс-ҳушимизни йигайлик. Ўзи нима гап! — деб зўр-базўр ушлаб қолди.

— Йўқ, ўша уйда Тўғжоннинг ўзи ўтирипти. Тўғжон эмасми ўша? Ҳеч бўлмаса шуни билиб берчи! — деб, Абай қани энди Эрбўлнинг гапига қулоқ солса.

— Ҳўп, Абай, бироз сабр қил. Ахир, икки киши бирданига кириб бормаймиз-да у уйга. Мен ўзим бориб билиб келаман.

— Қани бор, бор бўлмаса. Бошиигни суқасан-у қайтиб чиқасан. Ўша уйда Тўғжон ўтирипти.

— Вой Абай, уйқусираётиссан-ку. Ву ерда Тўғжон нима қилисин? Тўғжон йўқ...

Абай Эрбўлни оғиз очгани қўймади.

— Қўй, Эрбўл... ундан дема. Ҳалигина ўзи келиб белги берди, — деди.

Айниқса бу гап, Эрбўлга ажиброқ туюлди. Телбаларнинг гапига ўхшайди. Броқ Абайга ёмонлик са'я қилгуси келмайдиган дўсти ичидан зил кетиб, қаттиқ ачинди. Худди инисини эркалаётгандек, узромиз кулиб юборди. Ўнг қўли блан Абайни қучоқлаб олди-да, Бекейнинг уйи томон олиб борди.

— Ўша куйни куйловчи ҳам ҳозир шу ерга келади. Бироз тоқат қиласайлик-да, шу уйда кутиб олайлик. Лекин: «белги берди» деганинг нимаси? Гўдакларга ўхшаб, бунчалик ўзингни ўтга-чўқقا уришингнинг боиси нима? Қани олдин шуни айтчи! — деди буюраётгандек.

Абай ўзининг бу ҳаракати Эрбўлга қандайдир бошқача кўриниб, ғалатироқ туюлаётганини эндинина аиглади.

— Айтаман, ҳаммасини айтаман. Ҳозир мени «гўдак» де, «эсар» де, «телба» де... ўзим ҳам тушунаолмай-

ман. Лекин, умримда бошимдан кечириб кўрмаган ажабир бир кайфиятга тушиб турибман. Фақат айтиб беришдан олдин сендан ва'да оламан. Ким келади, қачон келади, аҳамияти йўқ, бирор он кутгудек тоқатим йўқ. Ҳозир мендан эшишиб бўласан-у, юргурганингча ўша уйга бориб, ўтирганларнинг ҳаммасини кўриб келиб менга айтасан. Шунга хўб десанг айтаман, бўлмаса йўқ,— деди.

Абай, Эрбўлнинг икки елкасига икки қўлини ташлаб, дам бағрига босиб, дам силкитиб итариб, сабрсизлик блан жавоб кутиб турарди. Эрбўл ҳам ҳозир боришга ва'да берди. Шундан кейин Абай, товуши қалтираган ҳолда, шошганича ҳозиргина бошидан кечган бир ажойиб ҳодисани дўстига изҳор эта бошлади.

— Бу туш эмас! Бу иш ўнгимда бўлди. Ўнгимда бўлмаса киши ҳайрон қоларлик иш-ку ўзи, Эрбўл. Бошида ўша камчат телпаги, чўлписи, ўша қора бахмал камзули. Худди ўша Жонибек сувининг бўйидаги кеча эмиш. Умримда учрашиш жуда оз насиб бўлган дамларда ҳечқачон шундай интилиб, шундай дадиллик блан келмаганди. Қисилиб-қимтиниб тортинаверар эди-ку! Энди шу қадар қизғинлик блан келиб, интизорлик блан «Юрак багрим эзилиб кетди-ку, зориқдим-ку!» деди. «Ўзинг ўргатган «Тўпай кўк» бор эди-ку. Уни мен кечаю-кундуз айтаман. Мана эшиш!»— деб нафис овоз blaш бир оғизгина айтиди-да, «Кел энди, яқинроқ келчи, мана меп ёнингдаман, ҳечқандай тўққинлик йўқ. Ёнингда ёлғиз турибман-ку!» деди. Мен ҳам қучоғимни ёзганимча интилиб: «Кел, келчи маш'алим!» деб туриб, уйғониб кетдим.

— Тўғри, шундай дединг. Шундай деб туриб, уйғониб кетдинг,— деб юборди Эрбўл ҳам.

— Шошмай тур, ажабо... Қўзимни очсан туш экан. Лекин куй, «Тўпай кўк» куйи, худди Тўғжоннинг ўзи айтаётгандек, ҳалигина тушимда эшиганимдек узилмай янграб турипти. Бошқаси-ку туш бўлсин, буёғи нима бўлди? У туш эди, ўнгимда ҳам ўзганинг товуши эмас, чип ма'шуқамнинг товуши ёнгинамда янграб туриши қандай гап? — деб, Абай яна ҳайрат ичидা бетоқат бўлди. Юлқиниб Шакенинг уйи томон бурилди.

Абай ўзининг шу кеч қандай кўйга тушганини кечаси ҳам, эртасига ҳам англаёлмади. Аслида, Эрбўл иккови ўйлагандек «ажаб иш» дсгудек ҳеч гап йўқ эди. Абай аввало туш кўрган. Тушида Тўғжонни кўраётуб, бетинч уйқудан чала уйғонганида, бошқа уйдан келаётган куй

қулоғига кириб, тушга аралашиб кетганди. Шу сингари, уйқу блан уйғоқлик, туш блан ўнгнинг орасида бўладиган, айниқса қаттиқ чарчаб уйқига кетганда рўй берадиган қизиқ бир ҳолат эди, холос.

Эрбўл ҳали Абайга ва'да берганди. Шунинг учун яна айтдириб ўтирумай, ўша уйга қараб кетди, кетаётганида ҳамроҳига:

— Қани энди, сен тўхтаб тур, мен бориб келай. Шу ерда кутиб тур, кираман-у чиқаман! — деди.

Айтганидек, Эрбўл дам ўтмай шошилганича Абайнинг ёнига етиб келди. Броқ ҳозирги Эрбўл, ҳалиги Абайдан ҳам баттарроқ гангигб қолганди.

Етиб келиши блан ёқасини ушлаганича, нафаси оғзига тиқилиб:

— Е раббий, Абай, сенинг кўрганинг туш эмас. Узи, худди ўзгинаси ўтирипти,— деди.

— Нима дединг, ростми! Тўғжонми, ўзими? Айтмадимми! Айтдим-ку! — деганча Абай ўша уйга қараб югуракстди.

— Тўхта! — деди Эрбўл товушининг борича.— Тўғжон эмас. Узи эмас!

Абай тўсатдан қайрилиб қараб, умидини узган ҳолда:

— Ие, нима деяпсан ўзинг? Бу нима деганинг? — деди, жаҳли чиқиб.

— Узи эмас. Лекин Тўғжон блан туғилган эгизакнинг биттаси. Эй, худоё тавба қилдим, Тўғжоннинг ўзгинаси-я, яна ўша Жонибекда қандай бўлса худди ўшандай. Гулгун, ёш, ма'sум чоғи. Тўғжондан айриб бўлмайдиган бир қиз ўтирипти.

— Ростдан-а! Бу ажойиб ҳодиса-ку. Куйлаган ҳам ўша ёканми?

— Қим куйлаганини билмадим. Отини ҳам сўрамадим. Қўрдим-у, кайфим учиб кетди.

— Агар ўшанинг Тўғжонга ўхшагани рост бўлса, куйлаган ҳам ўша. Бошқа киши ундан қуйлаши мумкин эмас.

— Куйлаган ўша, менинг ҳам кўнглимга шу келди. Ўзини кўришим блан сўрашнинг ҳожати ҳам йўқ деб билдим. Хўш, энди Абай, бу қандай афсун? Маст уйқуда ётиб сен қандай сездинг? Еки муаккилларинг борми, азизим? Бу туш эмас, бу бир авлиёлик-ку. Е икковимиз ҳам уйқусираётirmизми? — деб, Эрбўлнинг ўзи ҳам довдирай бошлади.

«Тўғённинг ўзгинаси» деган гапни эшитгандан буёи, Абай пичирлаганича қайта-қайта шу сўзни такрорлаётир. Юраги отилиб борарди. Унинг кўнглида ҳам шодлик, борди-ю, ўхшамаса, унда бунинг ҳаммаси туш, алаҳлаш бўлиб чиқиб, саробдек бир лаҳза кўздаш фойиб бўлиб кетади-ку, деган қўрқинч ҳам бор эди.

Энди қандай бўлса ҳам бир нурга қаттиқ интилар, умид боғларди. Гарчи ўртаб юборадиган ўт бўлса, шу интилишда бориб ўзини ўша ўтга ташлашга ҳам тайёр эди.

Иккови уй томон юришди.

Шу онда Шекей уйининг эшиги очилиб, ташқарига қизғиши шу'ла тушди. Кулишиб, гангир-гунгир сўзлашиб, эшикка чиқиб келаётган эркак ва аёлларнинг товуши эшитилди.

— Ана, улар ҳам чиқишиди. Ҳозир ҳаммаси овқат егани Бекейнинг уйига келишади! — деди, Эрбўл улардан олдинроқ уйга кириш ниятида Абайни уйга томон сударкан.

Икки йигит уйга кириб, аввалги жойларига, тўрга чиқиб ўтиришди. Эрбўл ўчоқдаги ўтга яқинлашиб:

— Еруроқ бўлсин, шу ўтга ўзим қўл уриб жўнаштириб юборай! — деди ўтнинг кулини тушираётуб.

Абай сабрсизлик блан кутмоқда. Ешлар эшикда ҳаззил, аския блан бўлиб, ҳа деганда уйга киришмади. Уйдаги Бекей блан Наймантой обдаста, жом ҳозирлай бошлишди. Ҳалиги оппоққина хотин онасини уйғотди-да, тутқични¹ олиб қозон бошига келди.

Шу онда ўтовнинг эшиги очилиб, келаётганларга йўл берди. Уйга аввало иккита йигит кирди. Уст-бошлари юпингина, қўнжи узун этик кийган, ерга қараб салом бериб, уялинқираб кирган бу икки йигит, куёв йигитлар экан. Уларнинг орқасидан ёш-ёш қизлар киришди. Биринкита жувон кирди. Ҳаммаси бўлиб етти-саккиз киши зди. Абайда на сабр қолган-у, на тоқат. Эшикка тикилганича ўтиради. Яна бироздан сўнг бошига кумуш ранг чопон ёпиниб, юзини ярмигача беркитган ўрта бўйлик бир қиз кирди. Бурни хиёл кўтаринки, қора тўридан келган қизга ўхшайди. Шекейнинг қизи — қаллиқча шу бўлса керак. Унинг орқасидан чўллписини астагина шилди-

¹ Қозоннинг қулоғидан ушлаб кўтариш учун ишлатиладиган кичкина рапида.— Ред.

ратиб, оппоқ юзидаги иимранг қизили нурдек ҳуснига ҳусн қўшиб турган «Тўғжоннинг ўэгинаси» кўринди. У эшикдан мулойимгина жилмайиб кириб келди. Садафдек оппоқ тишлари қўл блан тизиб қўйилгандек. Икки юзидаги ним қизиллик Абай зориқиб кутаётган тонг шафағига ўхшарди.

Қисилиб-қимтаниб меҳмонлар блан сўрашаёттанида, юзидаги нафис қизиллик дув этиб туташди-ю, бутун юзини қоплаб олди. Беғубор, ма'сум ёшлиқда бўладиган уятчанлик аломати кўринди. Уни уялтирган Абай эди.

Ўртacha келган бўйи ҳам худди Тўғжоннинг бўйидек. Юз тузилишлари, оқлиги, юзидаги ниҳол қизили Эрбўл айтганидек, худди Тўғжоннинг ўзи. Бунинг ҳам ипак толалик, қўнғир-қора сочи бор экан. Лаблари, бурни даф'атан кўринишдаими, Абайга худди ўша интизор бўлиб юрган ма'шуқасининг, мудом ўзгача, иссиқ кўринадиган гоят латиф бурун ва лабларига ўхшаб кўринди. Бироз кўтаринки қирра бурнининг учи юмaloқлашиб, жуда бежирим кўринарди. Нимпушти лабларида гўдаклик, ма'сумликдан дарак беручи ҳароратли бир шарпа билинарди... Атрофга шодлик тарқатиб тургандек алланучук ёқимли табассум кўринарди. Ма'шуқаси Тўғжоннинг ўзи... Ҳали тушида кўрганидек, губор қўнмаган ўша ёш ма'сума Тўғжон. Даставвал баҳор оқшомида Суюндикнинг уйида, Туйеўркешда кўрган гўзалини кўрди. Ажиб бир тасодиф устида янги туғилган ой намоён бўлди. Аввалиг սевгили ой ўша ҳусни, ўша латофати блан янгиланди-да, ҳаёт кўкиннинг саҳнида ўзига муносиб, алоҳида бир ўрин олгандай бўлди.

Эс-ҳуш, борлиқ ҳислар, то қиз келиб ўрнига ўтиргунча бир мажҳул туманга чулғонди. Абай ўзини ҳам, атрофдагиларни ҳам унугиб юборди. Фақат кўрган тушидан кейин юрагида қуондек кўтарилиган ҳисларнигина сезарди, холос. Унинг устига бутун сири мажҳул бўлиб, кўриниши, келиши бу.

«Қошингдаман. Мана келдим!» деган эди-ку. Ўша айтгани рост, ёлғон-яшиғи йўқ. Ўзи, ўзи келди. Ўша беғуборлиги, сезирлиги блан қалбидаги нозик ҳислар жўш урган ҳолда келди.

Ёш қиз кириб келган пайтда, маҳлиё бўлиб турган Абайнинг ранги бутунлай ўзгариб кетганди. Икки кўзи қинидан чиқаёзиб, қадалиб қараб турарди. Мурдадек

оқариб кетган юзида, кўқдан тақдир юлдузйи кутаёт-гандек, ўзгача бир ифода бор эди. Саросимага тушган, эсанкираган ҳолда, сукут аралаш ўтинаётгандек, лаблари беихтиёр аста қимиirlарди, холос.

Ўйга кирганлар кўришиб, сўрашаётганди. Абай уни ҳам пайқамади. Кўзига ҳечким кўринмас, борлиғи блан ўша жон офатига берилгану, муккасидан кетган.

Гўзал, зийрак қиз эшикдан киргандәёқ ўзига тикилиб турган кўзлярни сезди. Ўнғайсизланиб тортинибгина сўрапди. Лекин, ақлу-ҳушидан айрилгандек тикилиб турган йигит, қизнинг саломига жавоб бермади. Лаблари алланучук, астагина қимиirlади, холос. Шунинг учун гўзал қиз ўнғайсизланиб, қипқизариб кетганди.

Эрбўл, Абайнинг эрш кўринадиган тарзда ўтирганини билиб турар, уй ичидагилар, келган меҳмонлар блан очилиб-ёэзилиб сўзлашишга тиришарди. Куёвлар шу Мамай элидаги Эломон авлодидан экан. Эрбўл уларнинг овулини, оқсоқолларини яхши биларди.

Ҳозир уларга: овуллари қаерда? Яйловга кўчишганими? Чинғизни ошиб кетишдими? — деб, шу сингари одатдаги саволларни бераёттир.

Қиз ҳақида Абайнинг билаолгани—бу қиз шу уйнинг боласи экан.

Меҳмонлар жойлашиб ўтиришгандан кейин, Бекей унга қараб:

— Шукимон, қароғим, онангга қарашиб юборсангчи, ана у сочиқни олиб бер, дастурхон ёзib юбор!— деди.

Шундан кейин Шукимон меҳмонлар олдида мулойим ҳаракатлар блан бир-икки бор ёлғиз юриб, қоматини кўр-еатди. Бунинг ҳам камзили, оқ кўйлаги қадди-бастига кўп ярашган. Фақат бошидаги анча уринган сариқ қундуз телпаги унча ўтиришмапти.

Абай, кўнглидаги гўзал кўринишларни шу телпак хира қилиб тургандай, ўз ичидаги: «олиб ташларми эди» деб ўтиради. «Шукимон» деган исми ҳам ма'қул бўлмади.

Дастурхон устида ҳам Эрбўл блан куёв йўлдоши — чўйқи соқолли қора йигитнинг гали чортанг келди.

Шукимон Абайнин сиртдан биларди. Бундан бир йил муқаддам шу элдаги Қўнғир-Кўкше бўлисига Қунанбойнинг ўғли ёшгина йигит Абай сайланди, деган гапни эшиятган эди. Шу йил қиши ўша бўлисликдан ўз

иҳтиёри блан тушганини ҳам эшитганди. Лекин Шукимон бу гапларга баҳо бериб, бир фикрга келиб ҳам кўрган эмас. Абай ҳақида эса яхши гапларни ҳам, ёмон гапларни ҳам эшитмаган.

Заҳри ўткир изғирин эсиб турадиган олисдаги тоғ сингари Қунанбой деган мирза бор. Ушанинг бўлис бўлиб юрган ўғли блан бу кичкина, мўмин овулнинг нима иши бор? Мирза аталадими, бўлис аталадими, бу ердагиларнинг иши йўқ. Айниқса шуларнинг ичидаги жонидили куй бўлган, ёшлик даврини ўйнаб-кулиб, эркалик блан ўтказиб, эркин ўсаётган Шукимонга ҳеч алоқаси йўқ.

Абайнинг келганини Шекейнинг уйида эшитган эди. Лекин, кўришга шошилмаганди. Ҳали келиб сўрашганида, Абайнинг дамини чиқармай, жавоб қайтармай ўтиришини у ёмонликка йўйди.

Ҳукмрон овулнинг босар-туарини билмай қолган мирзасига сўрашиш ҳам малол келса керак, деб кўнгли озор топиб, дарҳол ўзини босиб олганди. Энди Абайга қиё боқмай қўйди.

Овқатдан кейин қайтадан катта қора чойдиш осилди. Яна аланга олиб, кўнгилли шу'ла сочиб ўт ёнабошлади.

Наймантой нариги уйга бориб анча уринган дўмбрини олиб келди-да, куёв йўлдошига узатди.

Бекей бу йигитга қараб:

— Болалар, нариги уйда ўлан айтишиб, чақчақлашиб ўтирган эдинглар-ку. Бу ер ҳам тортинаидиган жой эмас. Бемалол ўйнаб кулиб ўтиринглар, чироқларим! — деди. Бекей аввал ҳам Абайнинг дидига ёқсан эди. Бу гапи айни муддао бўлди. Энтигина тилга кириб, Бекейнинг сўзини қувватлаб, очиқ чирой блан:

— Дарҳақиқат, биродарлар, бу ерга келиб, бизга қўшилиб, ўйин-кулгиларинг совумасин. Ҳали бир яхши куй ҳам эшитилган эди. Етсираб тортинманлар! — деди.

Эрбўл ҳам Шукимонга: «ўзинг айтган эдингку» деяётгандек, «ўша бир куй» деб ёпишиб олди.

Шукимон ўнғайсизланиб, қизариб жилмайган бўлса ҳам, жавоб беришдан тортинаиди. Ипакдек майин товуши блан астагина кулиб қўйди-да:

— Куй фақат биздами? Кўп куйларни эшитиб юрганси. Сизда кўпроқдир. Олдин меҳмондан деган гаплар ҳам бор-ку! — деб Абайга қараб жилмайиб қўйди,

Унинг кулгиси ҳам ёят жозибали, ёқимли, майин экан. Товуши Тўғжоннинг товушидан ҳам та'сирироқ, асти унутиб бўлмайдиган сеҳрли куй сингари экан.

Абай тортинмасдан:

— Куйлаш менинг зиммамга тушган бўлса, яхши бўлмаса ҳам бир қўшиқ излаб қарайчи! — деб уйдагиларни кулдириб олди да, дўумбирани жаранглатиб, енгилгина машқ қилиб, куйлайбошлади.

Дардга тўла содда куйнинг сўзлари Шукимон эшигмаган, билмаган ғамгин ва сўлим сўзлар эди:

Ярқ этмас қора кўнглим на қилса да,
Осмонда ой блан кун барқ урса да,
Дун'ёда менга сра сендей ёр йўқ,
Сенга ёр мендан ортиқ топилса да...

Бугун бу сўзларда, одатдагидек армон эмас, зўришонч, алангали умид порлаб турарди. Ниҳоят эгасини топиб, ўшангагина айтилаётгандек бўлар эди. Дўумбира садоси ҳам, куйловчининг тўлқинланиб чиқаётган овози ҳам отилиб, шу сингари умид қирғогига ташданаёттир.

Абай уйдагиларнинг нақадар эриб қулоқ солаётгандикларини пайқаб, бу ше'рни уч бандигача айтди.

Шундан сўнг Шукимонга қараб, ўзи илтимос қилди:

— Шукимон, ҳисобли дўст ажралмас, дейдилар-ку. Нариги уйда айтилган «Тўпай кўк» Эрбўл икковимизнинг қулоғимиизда қолди. Уни ким айтган эди, деб сўрашнинг ҳожати ҳам йўқ. Сиз айтганингизга шубҳа қилмайман. Шуни яна бир қайтариб айтиб берсангиз! — деди.

Шукимон мулойимгина кулиб, ҳазил аралаш:

— Оббо, уни ўша уйдаги бир кекса янгамиз айтган эди-ку, аттанг, асли айтдириб юборсак бўлар экан!... — деди, йигитнинг ўзига шунчалик ишончи бўлганини кулгига олиб.

Ёнидаги қизлар блан қаллиқча ҳам кулишиб, буларни бироз қалака қилмоқчи бўлишган эди, Абай блан Эрбўл кўнмади. «Ўзингсан», «ўзинг айт» деб, қўярда қўймай ўтинишди.

Шундан кейин Шукимон «Тўпай кўк» куйини бошлаб юборди. Сўзлагандаги ёқимли овози, куйлаганида бира тўла ўзига асир этиб борарди. Ипак толасидек майин, нозик бир соз. Бу куй Абайга ер юзида учрамайдиган, умрида эшигмаган сирли, гўзал навозишдек туюлди. Йигитлар яхши билса ҳаг «Тўпай кўк» ҳечқачон бундай сеҳрли товуш блан, шу сингари жонланиб, юрак сирла-

рини изҳор этганини кўришмаган эди. Абай лол бўлиб, тикилганича тинглади. Шукимоннинг юзига бир кўзи тушиб қолгаи эди: гўзал қизнинг энди тортинаасдан бор қалби, бор вужуди блан қўшиқ тўлқинига ғарқ бўлиб кетганини кўрди. Ингичка, қийғоч қошлари гоҳ хиёл чимирилиб, гоҳ эркин ёзилиб, юрак тўлқинининг шарпасини акс этдиради.

Энди Шукимон нафис, жаранглаган тиниқ созида бор фазилатини очди. Сиймосида бир ўзгача сан'атнинг нури жилва қилиб, яна ҳам латофати ортди. Куйлаётган қўшиғида ёқимли куйдан бошқа, яна бир оромбахш шарпа сингари, енгилгина тўлқинлананаётган ўзгача оҳанг ҳам бор эди.

Ингитнинг юрагига айниқса мана шу қўшимча оҳанг ўзгача та'сир этди. Унинг кўз ўнгидан гўзал манзаралар ўтабошлади. Гоҳ шилдирааб ингичка бўлиб оқаётга! булоқ сувига ой нури тушиб ярқираб жилваланадими! Гоҳ кечакидан шодланиб келиб, чароғон нурни тўқадими! Айниқса шу сингари бир манзара кўз олдидан кетмасди. Шукимон ёқимли овозини пасайтириб бориб, вазмин бир эркалик блан куйини астагина тўхтатди.

Утирганларнинг ҳаммаси сукут этиб, тикилганичада завқ блан қулоқ солиб туришарди.

Абай даминин чиқаришга мажолсиз, термулиб ўтиради. Чехрасида қувонч, баҳтиёрлик акс этган ҳолда қаттиқ хўрсинди. Шукимонга қараб турди-да, астагина бош эгди.

— Шўрлик куй, айтучисига дуч келмай юрган эканда! Бу тахлитда айтилган «Тўпай кўк»нинг армони ҳам йўқдир! — деб юборди Эрбўл ҳам азбаройи завқланғанидан.

Абайнинг ҳам кўнглидан шу гап ўтганди. Лекин қалбидаги оромбахш ҳисларни сўз блан ифодалашдан ожиз эди. Қўнгли тўла нур, ўша чароғон нур тўлқини борлигини ёритмоқда... Сўз қотиб бирор нарса деса, ўша ҳаловатини ўзи бузиб, қувлаб юбораётгандек туюларди. Назарида, қалбига қуёш чиққанга ўхшайди. Чексиз баҳтиёр. Йўқолган, умидини уздирган баҳт-саодати ўзи төпиб келиб, уни аяб, яна эркалаётгандай туюларди.

Шу онда Абайнинг кўнглида қат'ий бир аҳд пайдо бўлди. Бир вақтлар-ку ёшлиқ, чорасизлик, нотовонлик орқасида баҳт-саодатидан айрилган эди. Шунини учун ўзини айбдор ҳис этарди. Энди мана бу юлдуздан на кўз олишни истар, на айрилишни... Унга деса бутун дун'ё

остин-устун бўлсин. Ота-она, қариндош-уруғ, ёри-дўстлар юз ўгирсин... Борлиқ олам воз кечиб, беҳсин бундан... Шунда ҳам бу гўзалдан Абай безмоқчи, айрилмоқчи эмас. Айриладиган бўлса, ҳаёт ҳам керак эмас. Унинг ягона орзуси шу, шунга содиқ бўлишга аҳд қилди.

Ёшлар тарқалишаётган пайтда, Абай Шукимонга қайта-қайта оғарин айтди, холос. Ранги ўчган, товуши қалтираб чиқаётган йигитнинг оғзига шундан бошқа гап келмади.

Шукимон ғоят ҳуш'ёр, кўп серфаҳм эди. У, қизариниб турди-да, мулојим табассум блан сўнгги марта Абайга қаради. Ҳозир у ҳалиги йигит эмас. Даставвал кўринганидек, қовоғидан қор ёқсан, мағрур Абай эмас. Хушфे'л, барчага баравар, оқ кўнгил, олийжаноб одамга ўхшаб кўринаётган эди. Шукимон учратмаган, ўйламаган бир яҳши одамга ўхшайди. Қиз уни ўз жигаридек кўрди. Очиқ чирой блан тикилиб туриб хайрлашди... Ёшлар тарқалаётганида, Шукимон бир яқин янгасининг уйига ётгани кетди. Мәҳмонларни кузатгани чиқиб кетганича қайтиб келмади.

Эртасига, Абай блан Эрбўл отланиб Шиликти кезенгидан чиқишилари блан Шукимонни тилга олишди...

— Керим¹... Керим... Нимасини айтасан! — деди Абай.

— Ай, керим!.. Ай, керим.— деди Эрбўл ҳам суқланиб.

Абай «Нима дединг, нима дединг?» деб, ҳамроҳининг ҳалиги гапини бирнеча марта такрорлатди-да:

— Ҳўп, бўлмаса мен бир гап айтайми? Унинг Шукимон деган исми гўзал исмлардан эмас. Жисмига лойиқ эмас!.. Янги исм қўямиз. Уни ҳам ҳозир сен топдинг. Шукимон демайлик. Чин исми «Айгерим!» Айгерим бўлсин! — деди.

Буларнинг суҳбати яна кечаси Абай кўрган тушдан бошланиб, охири ҳайратда қоларлик ҳақиқат блан тамом бўлган сирли воқиага кўчди. Иккови қанча сўзлашмасин, бу воқиада қандай сир борлигини, нима учун бундай ҳолат рўй берганлигини англашдан ожис эди. Кўп хаёлларга боришди. Ниҳоят, Абайнинг ўзи дудмолроқ бир тахминга келди.

— Эрбўл, гарчи ақл бовар қилмаса ҳам, мен бир гап айтайми? Шу сингари олдин тушда кўриш,— баҳшилар, фолбинларда бўлади. Еки китобларда ривоят қилиниши-

¹ Керим — олийжаноб, сарвпоз.— Ред.

ча, авлиё-анбиёларгагина хос хусуснят. Мен буларнинг биттаси ҳам эмасман. Нега менга аён бўлди? Бундай фазилатим борлигини бир-иккита синааб ҳам кўрган эмасман. Лекин ўзгача ақл ва идрок блан иш тутиш шу сингари ҳуш'ёрлик, сезгирилик яна бир нав' одамларда ҳам бўлади... Бу хислат — оқинларда учрайди. Мен ҳам аслида оқин бўлсан керак! — деди.

Эрбўл Абайнинг оқин эканлигига ишонар эди. Лекин, бу масалага келганда тушунолмай қолди. Англаб бўлмайдиган ажиб бир ҳол деган фикридан қайтмади. Абайнинг ўзи ҳам, Эрбўл ҳам, бу тушга дурустроқ тушунаолмай, фақат фол очаётгандек дудмол тахминга боришиди. Лекин Абай: «Оқин бўлсан керак», деган гапни ҳозир очиқдан-очиқ сезилиб келаётган кучли илҳом та'сири остида айтган эди.

Йўл Шиликти кезенгидан ошиб, тўғри ўша Ўрда тоғининг фарб томонидан ўтарди.

Йўловчиларнинг қаршисидан Чинғиздан келаётган шабада эсди. Йироқда саҳронинг ажойиб эртаги сингари гўзал сароб жилваланарди. Алвоң турли сиймолар, шакллар намоён бўлиб, ғойиб бўларди. Ба'зан кўкимтири туманга чўлғанган қистов ва баланд соғоналао, торлар, ба'зан тўқайзорлар ердан узилиб парвоз қилиб кўкка кўтарилиб кетарди. Ўша сароб орқасида кетма-кет қад кўтариб юксалган, кўкимтири туманга чўлғанган буюк Чинғиз тоғининг қорамтири чўққилари кўринарди.

Бутун атрофни ямяшил филғон, сада-сада пушти ранг саҳро кўкати қоплаган. Йўл бўйида ўтган йилдан қолган тўп-тўп чийлар учрайди. Тагигача тебраниб-тўлғаниб, тўпи блан ғоят нозик бир куйни куйлади. Ҳар-қайси тўп ўз овозига эга бўлгани ҳолда, ҳамма тўпи бирга қўшилиб, бирлик куйини куйлаб чайқалаётни? Яиги униб чиққан мурғак майсаларини бағрига босиб улар ҳам янги ҳаёт, янги баҳорни мадҳ этаётни?

— Севинчу, баҳт сездим: турар ямлаб,
Сиримни сўзлаб келдим синааб-синааб.
Эскам сайин шивирлаб, ел сирлашиб,
Эгади чийлар бошин чин-чинлашиб.

деб Абай, ўз-ўзидан қулоғида чалинаётган одангни хотира ида қолдиришга уринди. Шу кунга қадар кўнглида бўлган ма'юслик шу кечадан кейин, айниқса ҳозир ўз-ўзидан кўтарилиб кетгандай бўлди. Орзуси, илҳомига

қалбида кенг йўл очилди. Ше'р мисра'лари сиқилишиб, жўш уриб чиқаркан, хилма-хил бўлиб келарди. Юрак жўшқин шодликка тўлган. Фикру хаёли беқарор. Олов ёшлиқ, шўх тентаклик истаклари сингари, бебош хаёлларга ўҳшайди. Ҳозир тўқиб келаётган ше'рлари ҳам шу ондаги юрак тўлқинига мос, узилиб-узилиб чиқаёттир. Қалтираб чиқаётган қисқа-қисқа пафасдек, дам ўтмай ўзгариб, тўлғаниб чиқаёттир. Бир лаҳзада янгишиб йўлдан, куйдан адашиб, бошқа хилга тушиб отилиб-отилиб чиқади. Одатда Абай ўз ше'рларини тўқиша қўллайдиган бирхил йўл, бузилмас «вазн» йўқ. Ба'зан у:

— Сенсан жон лаззати,
Сенсан тан шарбати... —

деб, шарқ шоирларига тақлид қилишга уринарди. Яна ўзича уни куйга солишга тиришарди. Қуйини ҳам ўзи чиқармоқчи бўларди. Бошқалар айтганни айтса, ўз ҳисларини ифода этаётган эмас, ёлгон айтаёттанга ўҳшайди. Юраги яна бир жўш уриб келганда, Тўғжон блан Айгеримнинг қошларини кўз олдига келтириб, уларнинг бегубор, ўтдек иссиқ ҳуснига маҳлиё бўлиб:

Чизиб қўйган ингичка қора қошни.
Ўхшатаман туғилган янги ойга...

дейди. Уша ой аввалгидек, йироқда, кўк саҳнида эмас, уни танлаб, ўзи таниб келиб, қошига яқинлашиб тушгандек. Абай шуни ҳис этган сайин тинмай ше'р тўқиди. Қалбида болалиқ, ёш йигитлик қайтадан уйғониб, қайтадан шодланиб ўйноқлади. Эндиғи ҳаёт ҳам, ҳозир кўз олдида жилваланиб турган сароб сингари, оромбахш орзулар томон тортуб боради. Ешлигини, чексиз порлоқ ёшлигини қайтадан топди. Соғиниб шодланиб топди. Уни топиш блан бирга ўз кўнглидаги бўғилиб, яшириниб ётган шоирлик ҳам отилиб, парвоз қилиб қанот қоққанини кўрди. Сон-саноқсиз ше'рлар қуялиб келмоқда.

Сўзлар, қафасдан қутилиб озодликка чиқсан, баҳтсаодатга эришган қушдек эркин парвоз қилиб, ўйноқлаб, эркаланиб келаёттир. Куй қофияга енгил чирмавиб кетаёттир. Дамба-дам ўзгариб, бир лаҳзада олмошишга қараб қасрданadir куйлар пайдо бўлаёттир. Абай ўзининг ҳали Эрбўлга: «Мен оқин бўлсам керак!» деган гапига мана шу бепоён гўзал далада, кимсасиз, жимжит йўл бўйида ишонч ҳосил қилабошлади.

Абай Үрдадан чиқиб, Қоровулга етгунча, то тушлик қилинадиган жойга боргунча бир нафас тинмай, узлуксиз шे'р түқиб, куйлаб борди. Қаерда, қай ҳолатда келаётганини ҳам унугиб юборгандай кўринарди. Фақат Қоровул сувининг бўйига етгандагина хаёл-тушидан чўчиб уйғонгандек бўлди. Бу уйғониш ҳам ором баҳш этди. Қиши бўйи элини, ўлкасини соғиниб қолган экан. Ўзи туғилиб ўстган ўлка. Айниқса кўзга иссиқ кўринадиган Қоровул суви.

Кўз ўнгидан қатор-қатор манзаралар ўтаётир. Даставвал Тўғжонни кўрганида, шу сувининг бош томонида, ана у, олисда кўкимтир товланиб кўришаётган — Туйеўркешда кўрган эди... Мана шу Қоровул суви тошиб кетган эди. Тошқин қаҳри блан қирғоқларга отилиб ўтаётган пайтда, Абай Тўғжонни беғараз, гўдакларча биринчи марта интнқ, иссиқ қучогига олган эди. Ўша Тўғжон, кўйдирган, армон-ҳасратда қолдирган Тўғжон, бугун мана, йиллар, аламлар, дардларнинг ҳаммасини бир ҳул'е каби учирив юборди. «У гаплар бекор. Мен ҳали ҳам ўша ма'sум ёшлигимча турибман. Ўша соғ кўнглим блан сени яна топаоламан. Севиб, қувонтириб баҳтли этаоламан» деб, келди.

Ўлан ва ширин хаёллар, ниҳоят, қат'ий бир фикрга олиб келди.

Абай эндиги сирини ғоят зўр ишонч блан Эрбўлга ҳам билдириди. Кечаси қилган аҳдини айтди. Бу аҳд — кечадан буён қуюндеқ остин-устун келаётган, сабрни ҳам, тоқатни ҳам билмайдиган ҳислар оқибатида пайдо бўлган кескин аҳд эди.

Абай кечаси, бугун эрталаб ва бутун йўл бўйи кўнглини жўш урдириб келаётган ҳисларини сирдош дўстига сўзлаб келди-да, ниҳоят:

— Эрбўл, мени айблама, мени англа! — деб қўйди.

Ҳамиша бир кутилмаган ишни бошлашга қарор қиласа, Эрбўлни ўз фикрига мойил қилиш ниятида, гапни шундай деб бошларди. Эрбўл ниманидир сезгандек, кўзларини шинграйтириб қараб, илжайиб қўйди. Афтидан, дўстининг ҳолини жуда яхши тушуниб келаётган бўлса керак. Абай унинг бу хилдаги кулгисини пайқамади. Сўзида давом этиб:

— Эндиги ҳаёт мени авваллари қадам босмаган бир соҳилга тортаётир. Мен эришаолмаган, менга насиб бўлмаган бир даврга бошлаётир. Бораман. Боришга аҳд

Қилдим. Айгерим менинг ёрим бўлади. Ўшани оламан!— деди.

Ҳамроҳининг Айгеримга мубтало бўлиб, йўлга чиққанини Эрбўл яхши билган эди-ю, лекин ишнинг бунчалик «оламан» гача боришини кутмаган эди... Ҳайрон бўлиб, ҳа деганда жавоб беролмай, ўйланниб қолди. Энди, йўл бўйи икковининг сұхбати шу гап устида кетди.

Чинғиз ошиб, Шалқарда ўтирган Улжон овулига күн ботар пайтда етғанларида, икки йигит Абайнинг аҳдини амалга оширишга қарор қилиб келишди.

Бепоёнлигидан Шалқар деб аталадиган бу яйлов қулф уриб турар эди. Оқар сувлари типтиниқ, булоқлари муздек, мавж уриб турган ўтлоқлари чексиз, эни блан бўйи баробар кенг. Киройи Шалқар деса дегудек жой эди. Кечаю-кундуз Сари-Орқадан¹ бир зайлда эсиб турадиган шабада, айниқса Шалқарда ёқимли бир шарпага айланниб кетарди, ўт-ўланлар блан қопланган пасти-баланд тепаликлар — яшил ипак тўлқинига ўхшайди. Бу йил Шалқарга беҳисоб овуллар ўрнашган экан. Абайлар то ўз овулларини топгунча, бирқанча овулларни оралаб ўтишди. Бу ерда шу қўниснинг эгалари — Бўженши, Бўрсоқ элларидан ташқари, кўнгли яқинлиги орқасида бу йилча шу ерни қароргоҳ этган Жигитек овуллари ҳам бор экан. Улжон овули блан кўчган Иргизбой, Жуантәёқ, Қоработир элларининг овуллари ҳам бор эди. Кўкше элидан ҳам битта-яримта овуллар келиб қўниpti.

Афтидан, насиба² олиб келган ҳадрдон овсин-ажинлар, бойвучча келин — Улжоннинг овулини босиб ётган қўринади. Абайлар яқинлашиб борган пайтда, арава-арава хотинлар шарқ томонга, Суюндик овулига қараб йўл олишди. Яна яхши-яхши йўрғалар, катта-катта семиз отларга мингган бир гала хотинлар фарбга қараб кетишли. Булар, Сарикўлдан, Жигитек овулларидан келган меҳмонлар бўлса керак.

Абай блан Эрбўл меҳмонлар тарқаб бораётган пайтда стиб келганлари учун ўқинишмади.

Эшикка чиқиб, меҳмонларни ўзи кузатган Улжон ҳали уйга кирмаган эди. Абайларни катта уй ёнида турган бирқанча хотинлар, ёш-яланг йигитлар, бола-чақа бир гала бўлиб қарши олишди.

¹ Сари-Орқа — Орол — Иртиш сувларининг раҳаси (оралиғи)даги сариқ қумли саҳро.

² Насиба — товоқ, дастурхон олиб келиш ма'носида.— Ред.

Янги жой. Кўмкўк сўрқулдоқ ўт-ўланлар ҳали деп-салмаган. Овуллар — уйларнинг атрофи топтоза. Шунингдек Улжондан тортиб, атрофида турган овсин-ажин, келин-кеват, болаларнинг усти-боши ҳам чиннидек, янги кийимлар кийишган. Хотинларнинг пахтадек оқ рўмоллари, қийиқ бел камзуллари, рангбаранг бўлиб оқ уйнинг олдини, кўмкўк майсазорни безатиб, нақш бериб турарди. Четроқ уйлардаги ранги-рўйи бир ҳолатда, усти-боши титилиб кетган мол соғучилар, тезак теручилар, чўпонларнинг бола-чақалари бу тўдага яқин келаолмай, чекка-чеккада юришарди. Кундузи меҳмонлар келгандан буён Ойғиз блан Қалиқа уларни бу уйлар томон йўлатмай қўйиншганди. Шундай пайтлардаги одатларини қилиб, улардан кулиб: «Қўсқинг қурғур, ҳамманинг ўтини ёриб, тушига киргали кўринмоқчимисан? Нари бор!» дейишинб, қурум босган кўҳна кулбаларга, мол соғиладиган жойларга ҳайдаб юборишганди.

Қариндош-уруглари Абайни шодланиб, очиқ чеҳра блан қарши олишди. Аввало Улжоннинг ўзи кулиб келиб, юзини ўғлининг юзига қўйиб кўришди. Дарҳол кичик набираси, икки-уч яшар Мағашини рўпара қилди. Суяги ушоқцина, оппоқ, рангпаргина, қош-кўзлари попукдек Мағаш ширингина бўлиб, нозик ҳаракатлар блан Абайга яқинлашиб келган он, ўзига томон энгашган отасининг бўйнидан қучоқлаб олиб, юзини-юзига босди. Мехри товланиб кетган Абай «Мағашим», деб кўтариб олиб ўпгандада, уялиб тортингмади. Кўпдан буён отасини кўрмаган бўлса ҳам, ётсирамади. Энасига қараб маржондек майда, оппоқ тишлигини кўрсатиб илжайди. Ўнг қўли блан отасининг юзини силаркан, шўхлик қилиб, ёпишиб кулганича:

— Оға, сен мени Мағаш дедингми? Вой, эсингдан чиқариб қўйибсан-ку. Мен Мағаш эмас, Абишманку! — деди.

Ким ўргатган, ма'лум эмас. Лекин ҳали ғубор қўнмаган тугмачадек соф, шу қадар ёқимли, яна энг севикли боласининг оғзидан чиқдан бу киноя Абайга қаттиқ тегди. Овулдагиларнинг ҳаммаси блан ўйнаб-кулиб кўришаётсиб, Абай, Мағаш айтган ҳалиги гапга кўчди. Буни Улжон ўргатган эмас, унга Абай ишонади. Мағаш ҳалигингидек деб юбориши бланоқ, Абайнинг дили сиёҳ бўлиб кетганини Улжон пайқади. Мағашнинг орқасига қоқдида, салмоқлаб:

— Ҳай, тентак, у нима деганинг? Одам йироқдан сөғиниб келган оғасини шундай деб қарши оладими? — деди. Лекин онаси шундай дегани блан, Абайнинг күнгли таскин топмади. Кимдантир нолигандек, күнглига келган гапни ўша ондаёқ онасига айтди.

— Бу боланг нима деяётир-а, опа-а? Шу гапни ким ўргатган бўлса, эси йўқ киши экан! — деб, ғижинганича уйга кирди. Ҳалиги ясанган-тусанган, хушчақчақ одамлар ҳам тўдалашиб катта уйга киришди.

Улар: «Дарак борми», «хабар келдими», «соғ-саломат кетаётган эмишми!» деб, Қупанбойнинг аҳволини сўрай-бошлишди. Абай отасидан фақат Қарқаралига, Үндирбой халфанинг ҳузурига эсон-омон етиб келдик деган қисқагина хабар олган эди. Шуни айтди.

Ташқарида Абайни қарши олган одамлар ичидан Дилда ҳам бор эди. Қатта уйга у ҳам бирга кирди. Ҳалиги гапни Мағашга ўзи ўргатиб қўйган эди. Дилда Абайнинг қаттиқ озор чекканини сезди, лекин заррача ўкинмади. Аксинча, ичидан «ажаб бўлди» дегандек истеҳзо блан кулиб қўйди. Олти ой қиши ўтиб, бир марта уйга келмаган эрига жаҳли чиққан Дилда, бирпеча бор ёмонлаб, қарғаган ҳам эди. «Ўша ёқда битта-яримтада илинжи бордир-да. Ўша бош-кўзини айлантириб қўйгандир... Бола-чақа, уй-жойидан кечиб, топгани ким экан? Бир кўргилигинг бор-ку, тортарсан ахир. Келмасанг, сатқайисар!» деб ба'зан назар-писанд қилмаган бўлиб Улжонга ҳам эшилтириб, барада қарғайверарди.

Ўн ёшдан ошиб, кўзга кўриниб қолган Оқилбой дегани ўғли Нурғанимнинг қўлида ўсарди. Үндан кейинги олти яшар қизи — Гулбодон, тўрут яшар ёқимтойгина ўғли Абдураҳмон, энг ширин кенжаси Мағаш — ҳаммаси ҳам Дилданинг бағрида ўсаётган эди. Эл-уруғ бўлсин, Улжон блан Ойғиздек оналари бўлсин, Диляданинг күнглига қарашади. Болалари — катта оғалар, янгалар, овсин-ажинларнинг чин кўнгилдан севадиган овунчоги. Шу сингари бирдан-бир ширин ўғиллар туғиб берган, яна кимсан, фалончининг қизи бўлган келин, қайин бўйнига эрка бўлмай иложи йўқ. Тили ҳам узун, аччиқ-тизиқ гапларга ҳам чечан бўлади. Дилда Абайга жаҳл қилиш орқасида яна ҳам тўнгланиб, кибраниб, думоғдор бўлиб бораётган эди.

Абай сафардан шу гал келганида, Дилда икковининг ўртасига раҳна солиб турган шу сингари совуқчилик бор

эди. У кўпдан буён ингичка бўлиб билйниб келди-да, энди биратўла сиртга тепиб, ўзини кўрсатди. Қеч кириб, уй бошқалардан холи қолган пайтда ҳам Абай блан Диљда бир-бирига у қадар иссиқ муомила қилишмади. Лекин Абай хотинига нақадар совуқ, бепарво бўлса, соғинган болаларига шу қадар меҳрибон ота бўлиб келди.

Умрида биринчи марта, Улжон олдида Гулбодон, Абиш, Мағашларни бағрига босиб, пинжидан чиқармай эркалатди. Абай ичидаги бугун йўлда қилган қароридан қайтмаган бўлса ҳам, болаларига ҳамиша мана шу буғунгидек меҳрибон, ғамхўр ота бўлишга аҳд қилди.

Бугун кечқурун, Улжон блан Ойғизни ҳайратда қолдириб, ўзгача бир қарорни айтди. Маслаҳатлашмай, ўзи ўйлаб, ўзи ҳал қилгани иш экан.

У: Гулбодон блан Абишни шаҳарга олиб бориб, рус мактабига бериш масаласи эди.

Улжон Абишининг ҳали ёшлиқ қилишини, унинг устига соғлиги ёмонлиги, нимжонлигини эслатиб, бу набирасининг ҳозирча овулда, ўз қўлида тарбия қилинишини ма'қул кўрди. Абай қайвақт юбориш ҳақида тортишмади.

— Лекин, опа, шу иккала болангни одам қиласман. Билим ва тарбияни ёшлигидан бериб, яхши одам қиласман. Ҳали иккови ҳам ёш-ку, лекин шаҳар тарбиясини, ўз замонасига яраша тарбияни беришим турган гап. Шунга аҳд қилдим! — деб қўйди.

Отасини қаттиқ соғиниб, эркалаб ўтирган болалари Абайнинг гапидан хурсанд бўлишиб:

— Борамиз. Тезроқ шаҳарга олиб боринг! — дейишиди. Ўрдада қилган аҳдини Абай уйдагиларга ҳали-бери билдиromoқчи эмас эди. Аввало бу ниятии амалга ошириш осон ишми, мумкин бўладими? Қай тахлитда бошлаб, қай йўсии киришиш керак? Айгеримни айтдириб қўйган ери бор дейишиган эди, у ким? Қизнинг ўзи қандай қарайди? Қариндош-уруглари нима дейишиади? Уни билиш керак. Эҳтиёт бўлиб қадам қўймаса, шошилиб, ҳовлиқиши блан бир иш чиқариб бўлмайди.

Эрбўл блан иккови пинҳон тутаётган бу сирни ўзаро маслаҳат қилганларида, бу ишга бирорта ишончли дўстни кўмакка чақириш керак, деган фикрга келишди.

Бу ишга ма'қул кўриб, лойиқ топғанлари — Жиренше бўлди. Абай блан бирнечча йилдан буён дўст бўлиб юрган Жиренше ҳозир кўп эслик-ҳушлик, сўзамол деган ном чиқариб, э'тиборли киши бўлиб қолган эди. Сержамоа

Котибақ элиниңг ичидә Бойсолининг ишоңчли йўлдоши бўлган, билимдон йигит-да.

Абайнинг ўзи Кўнгир-Кўкше элига бўлис бўлганида, Жиреншени ўша элнинг бир бийи қилиб кўтарган, ҳамиша бирга юриб, бирга турган эди.

Утган йил қишида Абай отасининг сафарга жўнаш баҳонасида, ўз ихтиёри блап бўлисликдан тушганида, у ўз хоҳиши блан бийликдан тушмай ҳали ҳам Кўнгир-Кўкшенинг ўша Мамай элида бийлигини қилиб келаётган эди.

Абай Эрбўлни юбориб, аввало Жиреншени айтдириб келди.

Жиренше Улжоннинг овулида бир кечада ётиб, яна эртасига тушгача қолиб, ёш дўстининг бор дарднини эшилди. Уёғини ўйлаб, буёғини ўйлаб, салмоқлаб кўрпб, ниҳоят қаршилик қилмади. Яна ўзи ўртада туришга ҳам разилик билдириди. Абай унинг фикрини билгач:

— Ундаи бўлса, мен бор инон-ихтиёри ўзингга бераман, Жиренше. Қиз қалай, аввало унинг ўзини синаб билиб ол. Даставвал ўшанинг кўнглини бил. Ундан кейин ота-онаси, қариндош-уруғларининг авзойига қара. Бир ишдан жуда эҳтиёт бўл. Сенга қаттиқ тайинлайдиганим шу. Қайсибири кўнса ҳам, Қунанбойнинг ўғли бўлса, юрт устида турган, қўлидан ҳар иш келадиган ҳукмрон овул бўлса, бермасам яна бир балога дучор қиладими, зиён-захмат етказадими, деган андишага бормасин. Худонинг ўзи гувоҳ. Борди-ю, қизнинг кўнглига ёки қариндош-уруғларига ёқмасам, иложим йўқ. Отаминг донгри, қариндош-уруғимнинг обрўйи орқали оладиган бўлсам, унда қиз олган, ёр олган бўлмайман, иснод олган бўламан. Сендан алоҳида ўтинаидиганим шу. Нима бўлса ҳам, менга очигини айтасан! — деди.

Жиренше кетаётганида топширилган гапларнинг ўрнига қўйиб бажарилишини кузатиб тuriш учун Эрбўлни ҳам бирга юборди.

Мамайга юборган дўстлари, Абайнин кўп интизор қилиб сарғайтиришмади. Уч кун деганда келақолишиди.

Жиренше Айгеримнинг ўзи блан сўзлашибти. Қизнинг ҳусни унга ҳам кўп ма'қул бўлипти. Айниқса ақли-ҳушидан, хушфе'ллигидан хурсанд бўлипти.

Абай эндигина билди. Айгеримни айтдириб қўйган жойи Мамай уруғининг ўзидан экан. Лекин аввал айтдирилган йигит ёшлигида ўлиб кетиб, кейинчалик урф-одат

бўйича қайнағасига унаштирилган экан. У киши кекса-
йиб қолган, яна ёшлигида олган хотини ҳам бор экан.
Илгаридан қалин моли бериб қўйилган қиз бўйига етиб
қолгандан кейин, ҳалиги қайнаға ўзим оламан деб, Айгеримни
бошқа биронга узатишга розилик бермапти. Шундай
қилиб, Бекейнинг қизи ипсиз боғланаб қолипти. Қизнинг яқин
қариндошлари қудасидан Айгеримнинг бошини
очиб беришни илтимос қилишган ҳам энг. Лекин қай-
наға: «худо қўшган бевам¹, ўзим оламан» деб кўнмапти.
Лекин, шундай деб қизнинг бахтини бойлаб ўтиргани бўл-
маса, ҳали қалин молини ҳам батамом беролмай, қаллиқ
кўргали ҳам келолмай, яна хотинининг юзидан ҳам ўтол-
май, сарсон бўлиб юрган экан.

Жиренше Бекей, Шекейлар блан сўзлашиб бу томон-
ларига хўп қаноат ҳосил қилди-да, Айгеримнинг кўнгли-
ни ҳам ўз оғзидан эшилди. У — озодликка чиқишини ўй-
лар, унга теккиси йўқ экан. Броқ Абайнинг ҳам бошида
Сирқанча чигал тугунлар бор. Қариндаш-урufe, ёри-дўст-
лар, оналари ҳали унинг бу ниятини билишмайди. Од-
шинбойнинг қизи Дилда бор. У нима дейди? Ма-
лум эмас. Бу томонларини назарда тутган, уддабурон
Жиренше, Бекей ва Айгерим блан сўзлашган чоғида, бу
иши ҳозирча мумкин қадар сир тутиш кераклигини сез-
дирди. Оғзидан чиқармай туришни маслаҳат кўрди.

Бу Абай учунгина эмас, айниқса қиз учун қилинган
ғамхўрлик эди. Борди-ю кутилмаган бир мони'лик юз бе-
риб, бу гаплар беҳуда гап бўлиб қоладиган бўлса —
Айгеримнинг бахтини бойлаб қўйиши мумкин. Яна қуда
томон билса, икки элнинг ўртасида ғараз туғулиб қоли-
ши ҳам мумкин.

Шу томонларини ўйлаб, яна эл тарозисига ҳам қараб
чукур мулоҳаза блан иш олиб бораётган Жиренше, бу
ердагиларга ҳам уқдириб қўйди. Мамай элининг бевасини
айнитиб, Қунанбойнинг ўғлига олиб бермоқчи бўлди, икки
элнинг ўртасида ғараз туғидирди деган гаплар чиқиб
қоладиган бўлса: яна Абай қизни ололмай, бир иш чиқа-
раолмай, фақат бадном бўлиб қоладиган бўлса, унда бу
гап Жиреншенинг ўзига ҳам иснод бўлиб тушади. Шундай
қилиб, бир томондан Абайнинг Айгеримга уйланиши-
ни юрақдан олқишилаб қайтса, иккиси томондан бу сирни
четга чиқмайдиган қилиб, усталик блан устини ёпиб келди.

¹ Бева — қозопларда унашиб қўйилган бўлажак келин. Ред.

Абай блан тапни чўзиб ўтиришмади. Бор маслаҳат учковининг ўртасида битди. Энди гап шунга ўтганда, **Абай Жиреншедан** ғоят миннатдор бўлгани ҳолда:

— Қани энди бир ишни бошлаганингдан кейин охирiga ҳам ўзинг стказ. Бу менинг бошқа бирор блан маслаҳатлашадиган ишим бўлмаса ҳам, онам — мен сўзини ерда қолдирадиган кишим эмас. Отам бўлса, йироқда. Энди онам блан сўзлашиб, унинг рухсатини ҳам ўзинг олиб берасан! — деди. Абайнинг бу иши Улжонга асти ма'қул тушмади. Жиреншенинг узупдан-узоқ гапини беҳад ранжиб, қовоғини солиб ўтириб тинглади-да:

— Чироғим, ҳамон Абай шундай иш қилмоқчи бўлса, бу хупия эмас, ошкора қилинадиган иш-ку, нима қилиб энди ўртага ғодам қўйиб, гапни ингичка қилиб чиқараётир. Ўндан кўра ўзини чақир. Ўзини ҳам айтиб кел. Уч киши ўтириб сўзлашайлик, — деди. Абай келгандан кейин Улжон тикка гап бошлади. Оғир хаёлга чўмган, ғамгини ҳолда, боласининг юзига тикилганича салмоқлаб:

— Абайжон, болам, мақсадингни ағладим. Қизиқаётган кишинг ким? Уни ҳам мана бу Жиренше айтиб берди. Менга маслаҳат солибсан. Шу ишим яхшими демоқчисан-ку? Яхши демайман. Сўзим қисқа. Мен айтадиганинг кўпини ўз кўзинг блан кўриб ўсган эдинг. Кўп хотинининг биттаси мен бўлганимда, ўша кўп хотининиг биттасидан туғилган кўп боланинг бири сен эдинг! Сирдош, ҳамдард эдик-ку. Мен ширин ҳаёт кечирдимми? Сен яйраб-яшиаб ўсдингми? Биз босган изни босмаса экан, дер эдим, бирдан-бир тилагим шу эди. Ўкинарсан деб қўрқаман. Олди қизиқ кўрингани блан, осон туюлгани блан бундай ишнинг охири заҳарлик бўлади. Пушаймотлар қиласан, яхши болам. Мана, айтадиган гапимни айтдим. Лекин, ҳузур-жаловатини ҳам ўзинг кўрасан, заҳрини ҳам тортадиган ёлғиз ўзинг бўласан. Мана бу Жиренше ҳам, мен ҳам четда қоламиз. Мен кўнглимдаги қийнаётган хавфимни айтдим. Ўёнини ўзинг биласан! Узинг ўйлаб, ўзинг ҳал қил! — деди.

Абай жавоб қилмади. Индамай кетди. Онаси блан биринчи марта бир-бирларини англайолмаганлари шу эди. Абай айтар эди, кўп гапларни айтар эди. Лекин унинг ҳозирги кўнглини англаш керак эмас, ҳис этиш керак. Ҳисларни эса Абай шу сингари муздаккина ўтаётган маслаҳат устида англатаолмайди. Ақл югуртириб кўрилганда, бу ишнинг нотўғри бўлиб чиқишини йигитнинг ўзи

ҳам билади. Онаси ҳам шуни айтаётир. Юракдагисичи? Борини очиб сирлашишга онасини аяйди. Қўнглидаги энг оғир тугун мана шу ота-онасининг, унинг ихтиёрини, кўнгли бор, йўқлигини сўрамай, бўйнидан бойлагандек олиб бориб Дилдага қўшганлари эди. Ма'шуқаси Тўғжон ҳақида оғиз ҳам очмай, унинг ёш умрига зомин бўлиб, айргани эди... Лекин бугун қандоқ қилиб бу ҳақда онасига айтади? Яна келиб-кслиб: «Заррача бўлсин айбим бор» деб озор чекиб кўрмаган, ўз тушунчаси бўйича: «Ғамхўрлик блан ўтдим» деб ҳисобладиган, ўз хатоси борлигини билмайдиган меҳрибон онасига нима деб айтади. Шу сингари юз ёқнинг мулоҳазасига бориб, Абай жўрттага индамай чиқиб кетди. Лекин ўйлаган ишини тўхтатмади. Жиренше яна Мамай элига кетди. Бу гал ўн беш кунча юриб, бутун гап-сўзларни ўзи бартараф қилиб, битириб келди. Айгеримпи айтдириб қўйган қуда томонни ҳам тиндириб, рози қиласидиган бўлиб келди. Чигал тугун шунинг блан ечилди. Абай Бекейга ҳам, Мамайларга ҳам кўпгина мол берадиган бўлди.

Қунанбойнинг катта уйида, Улжоннинг қўлидаги мол-дун'ёга бош бўлиб Ўспон қолган эди. У Абайдан ҳечнараси аямасди. Айгерим учун бериладиган молни қаторлаштириб, биратўла ҳайдатиб юборди. Жакип, Жиренше, Ўспон, Фабитхонлар бўлиб, Бекейнинг овулига бориб куда тушиб сарпалар кийиб келишиди. Шундан кейин ҳалиги Ўспон яна қолган-қуттаги қалин мол, оқсолар ва фотиҳа қилиб қўйишларга бериладиган мол-дун'ёларни ҳам битта қилиб юборақолди. Шунинг блан бирнечча кун ўтди, ниҳоят, Абай қаллиқчанинг уйига борадиган кун ҳам келди. Яна Жиренше бошлиқ Эрбўл, Ўспон, Фабитхонларни олиб, бир тўда йигитлар блан жўнаб кетди.





Я ИЛОВДА

1

Қенг чаманзорда сийилиб ўтирган катта овулнинг ўнг томонида катта-катта оқ ўтовлар. Булар мол тунайдиган қўтандан, қўланса ҳидлардан, ғала-говурдан атайлаб нарироққа, четроққа ўрнашган.

Овулнинг иккинчи томони блан мол тўхтатиладиган ерда деярлик ҳаммаси, эски-туски ўтовлар. Бу томонда йиртиқ-ямоқли кулбалар, қурум босган капалар, кичикичик чодирлар ҳам бор, «қашшоқ-қўшни» деб аталадиган хизматдаги кўпчиликнинг бошпанаси шу ерда. Кекса чўпон, қўзи боқадиган бола, туячи, мол согучи, йилқи боқучилар шу томондан чиқади.

Ҳозир катта овулнинг мана шу томонидаги қўли бўш ёш-яланглар ҳам, пилта ўраб, урчуқ йигириб ўтирган кекса хотинлар, кампирлар ҳам — ҳамма овулнинг у томонига қулоқ солаёттир. Ҳамма ўша томонга боришни орзу қиласди. Уларни сабрсизлантириб, шунчалар шайдо қилаётган — янграб турган ягона овоз; у — куй. Қизиқ туш пайтида, жимжит овул устидан ошиб, парвоз қилиб, беғубор кўкка кўтарилаётган фоят та'сирли, фоят нафис, гўзал куй.

Четки уйларда яшовчилар бу куйлаётган одамнинг куйини йироқдан бўлса ҳам эшишиб, тўё ҳумордан чиқишган.

Мўнкиллаган бир кампир, куй нималигини англамайдиган гўдак набирасини опичганича букчайиб, ўша қўшиқни эшитишга ошиқиб бораётир.

У, кексалик орқасида оғирлашиб қолган қулоғи устидаги лачагини орқага қайриб қўйиб, бошини юқори-роқ кўтариб, қулоғини тутиб қўяди. Қуёш нуридан қамашиб, ёшланган кўзларини шинграйтириб қисганича юзларидаги қинғир-қийшиқ ажинларини чуқурлаштириб бораркан:

— Вой ўвалик-жўвалик бўлгур, куйчи бегим! Бизнинг кўнғлимишни кўтарсанг, худо сенинг ҳам кўнглингни кўтарсан!..— деб, тищсиз энгагини олдинга чиқариб сўзлаб келаётир. Қўтан ўртасида турган Қалиқанинг энсаси қотиб, кесатди:

— Ҳа, қариб қуйилмаган, сен қолма-да! Сени эшигсин деб айтаётир, балога йўлиққур! Ула!..— деди.

Кампир Ийс бу кесатиқни эшигтан бўлса ҳам, тўхтамади, ёнида яна бир кекса хотин блан кетаётиб:

— Ҳа, сен кесатмасанг Қалиқа бўласанми! Куйиб ўл!..— деди-ю кетаверди.

Оувулнинг катталари яшайдиган катта-катта оқ уйлардан ҳам четлаб ўтди. Нарироқдаги алоҳида ерга тикилган тўртта уй томон кетаверди.

Бу оувулдаги донғи кетган ўланчи меҳмон сўнгги кунларда элларни оралаб юриб, кечашу ерга келган эди. Бу оувулдаги одамлар унинг эртага ўз элига кетар эмиш, деган хабарни ҳам эшитишган. Бу оувулнинг кўпчилиги буғун унинг сўнгги куйларини эшишиб қолиш орзу-сида эди.

Лекин, орзу қилгани блан четки кўҳна уйдагилар, хизматкорлар, молбоқарлар оиласидан шу куйни энишишга интилган кўплари боролмай, ўксиганларича доғда қолишиди.

Ойғиз уйининг ёнидаги эски бир уйда иркит¹ пишаётган икки аёл ҳасратлаштаётир. Бунинг биттаси — озғингина қопқора жувон Баян, иккинчиси — қирғий бурун, оппоққина Эсбике. Икковининг ҳам юзларини эрта тушган ажин босган, чакак-чакаги кириб кетган, устларидаги

¹ Иркит — қатиқ.—Ред.

кўйлаклари ҳам бирхилда, равақ-равақ. Яна кўпдан буён ювилмаган, кир. Баян — шу огулнинг неча йилдан буён чўпони бўлган Қаскенинг хотини. Эсбике блан тенгдош, ҳамдард. Қора қурум босган уйнинг ўртасига қурилган дош қозонни тўлдириб Эсбике қурут¹ қайнатаётган бўлса, Баян тонг-саҳардан бошлаб тинмай катта кувда иркит пишаёттир.

Баян ўзларининг ўлан эшитгани боришолмаганидан ўксисб, ҳасрат қилди.

— Ўйин-кулги сен блан менга муносиб ишми! Ҳали Ойғиз Қалиқадан шуни айтиб юборган-да. Иккови қимириламай қурут қайнатиб, кув пишсин депти-ку!² — деди.

Юзини ажин босган, ранги заҳил Эсбике қовоғини солиб, чимирилди-да, бу оғир меҳнат остида икковининг аҳволи нақадар оғир эканлигидан гап очди.

— Бизга ўлан эшитдирадиган Қалиқами? Е Ойғизми? Биз — сигир соғсак, қўй соғсак, кув пишсак, қурут, иримчик² қайнатсак, ундан бўшасак елкаси узилиб тушган кўйлагимизнинг устига қоп ташлаб бориб, тезак териб келсак бас.

— Улиб қолмай юрганимизни айт. Эл ётгандан кейин уйга бориб, кун бўйи қадам қўймаган уйимни йифиширишга ҳам мадорим қолмайди. Тинкам қуриб, остоандан ҳатлашим блан гуп учаман.

Эсбике ҳам Баяннинг гапини эшитиб, яна ўз ҳасратига тушади.

— Ҳали «арқон эш», ҳали «нуқта эш» деб, бошингда калтак ўйнатади. «Оқсоч, ялпайиб ўтиришни сенга ким қўйди» деб куни кечагина жон-жонимдан ўтказди: «Сепинг блан оқсоч бўлиб келган сен эмас эдингми? Эринг Башибек — қулогини кесиб қўйган қулим эди-ку?» деганида, худди бошимга таёқ блан ургандек бўлди. Мени шундай оқсоч қилиб, у шўрлик Башибекни қул қилиб қўйгандан кейин, отар тонг, ёруғлик кун йўқ бўлса нима ҳам дейман! — деб, ўчиқдаги алангаланиб турган ўтни кавлаштирганича ўпкасини тутолмай, кўз ёшларини тўқади, — оёғимдан адо бўлиб юрсам ҳам ҳеч нарса ортдирганим йўқ. Қизим Сақиши ҳали: «Жон опа, мен ҳам борай, ўлан эшитай!» деб ҳоли-жонимга қўймади. Борсанг борақол, қуёшим, деб усти-бошига қарасам, бўйга етиб қолган қиз-

¹ Ба'зан қатиқни қайнатиб, сўнг қурут қилинади.

² Иримчик — пишлоқ. — Ред.

ку, остана ҳатлатиб, бирорнинг кўзига кўрсатадиган эмас. Кийими менинидан ҳам баттар, ит талагандек, равақ-равақ, ямоқ устига ямоқ,— деб Эсбике, оқиб бораётган кўз ёшларини тиёлмайди.

Баян кув пишиб туриб, Эсбике томон эгилиб пи chir-лайди. Қалиқа, Ойғизлар эшитиб қолмасин, деб олазарак бўлганича, яна икковининг дарди-ҳасратини чўзади.

— Тонг ғира-шира отар-отмас, бўзтўрғайлар чирилла-масдан туриб, то бескалар ётгунча, оқ уйларнинг тундиги¹ ёпилгунча, бир нафас тиним топмай ҳаммадан кейин ёта-миз. «Эл ётса ҳам, энагам ётмайди» деган биз-ку. Қишип-ёзин қулоч отиб, меҳнат қилганимда Ойғизнинг менга қўйган оти —«исқирт оқсоқ» бўлипти. Яна ўлан деймиз. Ўланни бизга ким қўйипти?— деб, икки аламзада босла-ридаги оғир кун, унумсиз меҳнатнинг ғамгин куйини куйлашади. Қунаанбойнинг катта овуладаги оқсоқ хотин-лар, мол соғучилар ош-сувнинг ишон-ихтиёри қўлида бўл-ған шафқатсиз Ойғиз солаётган тинимсиз меҳнатдан зорланиб, бўзлашади.

Мана шу қурум босган уйниг ёнидаги уч қанотли қўхна кулбада, шу он узоқдан келаётган куйни эшитиб, Эсбикенинг қизи Сақиш, бир тўп увадани олдига олиб, эгнидаги қирқ ямоқ кўйлагининг тиззасини ямаб, товуш чиқаришга ботинолмай, пиқ-пиқ йиғлади. Жингалак сочли, қайгули бошини икки тиззасининг орасига қисгани-ча, ўзининг бахтсизлигига йиғлади. Ахир, унинг орзузи катта ҳам эмас-ку. Ҳеч бўлмаса ўша кетаётган Ийс кам-пирдек ўша ўлан айтилаётган уйга бориб, останада ўти-риб, мўралаб, ўша уйдагиларни кўриб эшилтса бас. Лекин кеча Қалиқа келиб Ойғиз айтиб юборди, деб зуғум блап буйруқ қилиб:

— Оқсоқ Эсбикенинг, Башибек қулнинг исқирт қизи ёмон туюнинг ёлигидек жуллур эгни блан девоналарга ўхшаб оқ уйларга бормасин. Улан эшитишни унга ким қўйипти, уйгинасида ўтирсин!— деб кетди.

Овул устида куй янграмоқда. Лекин уни бориб эши-толмай, йироқдангина қулоқ солиб армонда қолаётгандилар Эсбике блан Баянларгина эмас. Эртадан қора кечгача жели² бошида бия соғадиган Буркутбой ҳам ҳар бияни

¹ Туидик — ўтов тепасига ёпиладиган тўрт бурчакли памат-ча.

² Жели — соғин бияларнинг қулушларини боғлаш учун тортиб қўйилган арқон.— Ред.

соққаны ўтиаркан, ёнидаги ёрдамчиси Боймағамбет деган йигитчага ўзининг оғир, дарди-аламли ҳасратларини айтади. Битта-яримта эшитиб қолмасин деяётгандек, атрофга кўз ташлаб астагина пичирлайди. Сариқ қошлари қуюқ-қуюқ, ўткир мовий кўэли йигитча Боймағамбет борлиги блан берилиб, кекса Буркутбойнинг ҳасратига қулок солади.

— Куйлаёттир! Қеча-ю кундуз куйлаёттир. Ез бўйи меҳмон бўлиб ётган ўша куйчининг афтини Буркутбой ҳали кўрдими десангчи! Йўқ, йўқ, йўқ! Кўришга ҳол қани? Тонг саҳарда боғланган эллик бияни кунига ўн марта соғаман. Жели бошига боғлоқлик қулунлар блан бирга боғланиб, арқонланган отек банди бўлиб куним ўтиб кетаёттир. «Улжоннинг уйи қимизсиз қолмасин, Ойғизнинг уйидаги мешлар тўла турсин, меҳмонхонадаги икки мешдан қимиз узилмасин. Қалиқанинг уйида қимиз бўлсин» дейвериб, тинкани қуритди-ку. Кўриб турибсан, қош қорайгунча бу овулнинг биялари бўшатилмайди. Қулунларни бўшатишм блан ечинишга мажол қолмайди, уйга бораман-у, таппа ташлайман! — деди. Олисдан куй янгрраб кетгандা Буркутбой чала-чулла эшитиб, тўхтаб қолади-да, яна челагини қўтарганича иккинчи бияга қараб кетади. Боймағамбет ҳам нўхталаб қўйилган қулунларнинг биттасини қўшоққа боғлаб, иккинчисини ечиб келиб онасини ийдираётган пайтдагина йироқдан келаётган оҳангни тинглайди. Дам ўтмай яна, биянинг бағрига тиқилиб, икки қўли моромсиз ҳаракат қилиб, биянинг эмчагини чўзғилаганича, оғир ҳаётидан ҳасрат қилаётган озгин, кекса Буркутбойнинг нолишини тинглайди.

— Йигирма йил, роса йигирма йил Буркутбой тинмай бия соғипти. Кошки Буркутбойнинг бири икки бўлса. Ойғиз блан Қалиқа бир коса қимиз берса: «Мечкай ўлгур», деб ништарини саншиб туриб, заҳарини қўшиб беради. «Охират ошингни ичкур, сутидан ичақолсанг бўлмайдими, соққанингдан кўпроқ қимизни ўзинг ичасан» — деб қақиллади туради. Менинг бўлса, икки тиззам сариқ сув йигиб оғирлашиб боради. Икки қўлим соғишнинг зарбидан юқумли касалга учраган қўйнинг ёғидек керикиб кетди. Қечалари оёқ-қўлимнинг қақшаганидан тонгни тонгга улайман, — деди.

Боймағамбет Буркутбойнинг доимий кўмакчиси бўлмаса ҳам, унинг қўл-оғи дардга чалиниб қолганини биларди. Одамнинг устида жонини фидо қиласидиган, раҳимдил-

лиги орқасида ба’зан Буркутбойга маслаҳат бериб ёрдамлашгуси келарди:

— Қўйсангчи, шу соғиш қурғурнинг баҳридан ўтақолсангчи. Бирорта бошқа ишни қилақолсанг бўлмайдим, Буке!— деди.

Буркутбойнинг кулгуси қистаса ҳам, ранжиб турганидан юзида истеҳзоли тиржайиш пайдо бўлди, холос.

— Оббо, боласи тушкурей! Менга қолса, ташламай дейманми, лекин, қаерга бораману, нима касб қиламан. Болаларим Бейсембой блан Оғай бўлса ҳали ёш. Узим бўлсан оёқ-қўлдан айрилиб, нотовон бўлиб, дардга чалиниб қолган ҳолимда қандай ишга ярайман,— деди.

Овулдан ҳали ҳам куй, янграган гўзал куй парвоз қилиб келмоқда. Гоҳ узилиб бораётгандай сусайиб кетар, гоҳ яна янграганича четдаги кулбаларга, жели бошига, булоқларнинг ёқасигача келиб кўпларни турли-туман кўйларга соларди. Бирорни ғуссаға кўмиб, бирорнинг кўз ёшини оқизиб, яна бирорнинг дилини вайрон қилиб «оҳ уришга» олиб борарди.

Катта сувнинг бўйида, чўлоқ тоёга миниб юрган бурни катта, озғин бола Бойсугир ҳам овулга яқинлаб келиб, отининг ёлига ёпишганича куй эшитаётир. У ҳам шу бадавлат овулнинг нариги четидаги қурум босган кичкинагина кўҳна кулбада яшайдиган чўпон бола. Кўп йиллардан бери шу овулнинг қашшоқ қўшниларидан бўлган, ҳозир оғир дардга чалиниб, сомондек сарғайиб, чўпдек қотиб ёстиқ устида ётиб қолган кекса, ғарип Бойтўрининг ўғли. Тонг отар-отмас қўзи боққани кетган бола, туз тотмай, оч-наҳор юрган бўлса ҳам, куйга қулоқ соларкан, очлингани ҳам унутиб, тойнинг устидан энгашганича анча вақт қотиб қолди. Овулга бориб, тойдан тушиб, уйга кириб эшитаолмайди. Овуда қўй ётипти. Қўшоқланган қўйлар орасида буқчайганича қўлидаги челягини кўтариб, иссиқда терлаб қўй соғиб юрган онасининг бўйини ҳам Бойсугир онда-сонда бир кўради.

Овулга келса, қўзилар оналарига қараб ёпирилиб кетади. У ҳолда бунинг кичкина боши каттакон кулфатга қолади. Шу ёз беларволик қилиб, икки марта қўзиларни оналарига қўшиб юборганида, Мойбосардан эшитган ҳакорати ҳам, егаи калтаги ҳам эсида эди. Ҳозир қўзилар Борлибой сувнинг бўйида тинчгина ётгандек эди. Оналарига қараб югурақолмас деб ўйлаган бола, той блан жели бошига яқин келиб, куйга қулоқ согланича турарди. Эриб

тинглаганича анча туриб қолди. Хоргинлик, ёлғизлиқдан эзилишнинг оқибати бўлса керак, ёш бола ўзини унутиб юборгандай, узоқ туриб қолди. Шу куйнинг товушидан бошқа товушларни унутиб юборгандай кўринарди. Шу ҳолда тураркан, орқа томонидан қаттиқ, ғазабли овоз чиқди. Семиз югурик отда ҳайқириб-ўшқириб келаётган яна ўша Мойбосар экан.

— Отангни... ҳа, куй эшитмай бўйнинг узилгур, сен расво ҳам эшитаётисанми! Қўзингни ўйиб олай! — деб, узун қамчисини кўтариб келаётир. Қўрқиб ўти ёрилиб кетган бола тойдан йиқилиб тушаёзди. Ялт этиб қараши блан Мойбосарнинг шунчалар ғазабланишининг боисини ҳам кўрди. Ҳалигина сув бўйнда баҳузур ётган қўзилар энди ба'рашганича, сувдек оқиб келиб, овулга яқинлашиб қолипти. Овулдаги қўшоқлаб қўйилган қўйлар ҳам ба'рашаетир.

Қўзиларга қарамай, ёпирилтириб юбординг, деб ғазабига олиб келаётган Мойбосар Бойсугирга кетма-кет қамчи тортиб юборди. Аямай урилган қамчи орқасини қилич блан тилгандек жизиллатиб ўтганда озғин боланинг қўрқув аралаш аччиқ фар'ёди кўз ёшлари блан бирга чиқди.

— Жон оға! Оғажон дейман! Улдирасан-ку! — деб тойдан юмалаб тушди. Мойбосар ҳайқириб-ўшқириб боланинг ота-бобосидан тортиб ҳақорат қилганича, отнинг бағрига тиқиб савалайбошлади.

Қунанбой ҳажга кетганидан буён бу овулнинг ичкарисидаги инон-ихтиёр такаббур, шафқатсиз Ойғизнинг қўлида бўлса, ташқарига «бош-қошлиқ» Мойбосарда эди. У, Қунанбой йўқлигига мол боқучилар, чўпонлар бебош бўлиб, санқиб кетмасин, деб сўнгги йилларда бу овулнинг отбоқари, чўпони, бия боқучи, тuya боқучилари, ҳатто қўзи боқучиларигача, ҳар қўнисада бир-бир калтаклаб, юрак зада қилиб турарди.

Мойбосарнинг ғазабига бу ёз Бойсугир шунинг блан учинчи марта дучор бўлди.

Қўзилар оналарига аралashiб кетишди. Мойбосар отини нихтаб, болани чинқиртириб савалаганича, ҳали ҳам ҳайқирмоқда. Бойсугирнинг овулда қўй соғиб юрган кекса онаси, саваланаётган боласига ичи ачиб, қўлидаги челаги блан жон аччиғида унга томон югурди. Боласини Мойбосар яна ураётганини уйида ётган Бойтўри ҳам эшитиб, ўрнидан туроғомай:

— Ниятиңгга етмагур! Чумчукдек боламни яна чирқи-ратди-я, қонхүр Мойбосар! — деб ажриққа ағнайды.

Қўзиларнинг югуришиб кетаётганини Бойтўрининг сезигр қулоги аллақачонлар эшишган. Ёш боласи ҳақида: «Үйқуси қонмай эрта кетган эди, далада ухлаб-нетиб ғафлатда қолдими, ёки тойдан йиқилиб тушдими?», деб ётганди. Энди хотинининг: «Мойбосар япа ураётир-ку бу шўрликни, бир қарич болани отининг бағрига тиқиб савалашини қаранг, шўринг қурғур бетолимни», деганича югуришиб кетаётганини ҳам эшишти. Қўйлар қўтоғ ўртасига қўшоқланмай: овулпинг шу кўхна уйларига яқин бир четда, Бойтўрининг уйига яқин ерда соғилаётган эди. Фалаговур оқ уйлардан нарироқ бўлсин деб Ойғиз блан Қалиқа қўйларни шу қора-қура уйларнинг ёнида соғидирадиган қилишган эди.

Узун оғриқ бўлиб қуруқ ерга ташлаб қўйилган увадага елимлаб қўйилгандек ётган Бойтўри, туриб-туриб ўзи-нинг касалидан ҳам хафа бўлиб:

— Шу касофат дардни сенинг йилқинг орқасида, қор тўшаниб, муз ёстапиб юриб ортдирмаган эдимми, Ўскенбойшинг ўғли! Шудринг тушиб, қиров босиб кузнинг қора совуғи қақшатиб турган кечаларида қўрангнииг четида, қўйингни кузатаман деб, ортдирган эдим-ку-я! Ноинсоф Мойбосар, ўзим бўлиб, энди заҳринги мурғак боламга сочаётисанми? Сенинг дўзахинг авлод-авлодимга стади-ган бўлди-ку. Худо-худо эмас, мени қаҳри-ғазабига олган ноинсоф, бераҳм худо сен бўлдинг. Дўзах ўтида ёндирган ниятиңгга етмагур Мойбосар! — деб, Бойтўри ўпкаси тўлиб энгаги титраб, қовоғи солиниб, кўзларини юмганича мук тушди; бошини муштига уриб, унсизгина йиғлаб ётди.

Ойғиз блан Қалиқанинг қаҳрига қарамай, ўлан эшиштили кетган Ийс кампир меҳмонхоналарга етди.

Бу уйлар бутун овуллардан четроқда эди. Узгача қадрли меҳмонлар кутилаётган уйларга ўхшайди. Тўрт уйнинг орасига ҳам кермелар¹ ўрнатилган. Олти қанотли кашта тикилгаи катта уйни ўртага олиб ўрнатилган бир тўл уйларнинг деярлик ҳаммасининг олдида этар-жабдуқ уйиб ташлангани. Эркаклар эттар-жабдуқларидан кўра, аёллар учун маҳсус ишланадиган Қўқон эгарлари мўлроқ. Кермеларда боғлоқли от йўқлигига қараганда, меҳмонларнинг келганини анча вақт бўлган кўринади.

¹ Керме — от бойлаш учун сим дорга ўхшатиб ўрнатилган ёғоч дор.—Ред.

Үйларнинг ёнида, эшикла юрган олам кам. Фақат бир-нече жойга ўрнатилган қозонларнинг бошида, яна катта-катта сариқ самоварларнинг тутунини бурқиратиб қўйиб, жимгина юрган аёллар, қозон бошида ўтин келтириб юрган йиртиқ кийимли бир-иккита хизматкор кўринарди, холос.

Ҳозир меҳмон кутилаётган тўрт уйнинг учтаси бўш. Ҳамма ўша ўртадаги катта уйда экан... Кўпчиликни ўзига тортаётган куй, ҳануз гоҳ янграб кўкларга кўтарилиб, гоҳ тўлқинланмоқда.

Қозон бошидаги ошпазларнинг ёнига яқинлашиб борган Ййс, самоварга тобилғи ташлаётган қора тўри жувондан:

— Янги келин, ёш келин ўлан айтдими?— деб сўради.

— Ҳа, айтди. Қўрқар эдими?.. Айтмаганига қўйиша-дими!..— деди жувон.

Ййс ҳайрон қолгандек тамшаниб қўйиб:

— Ана у бойвуччалар ёқтиришмаётган эди-ку, «келин бўлиб овулга келар-келмас куйламасин, кўп тантиқланма-син» деб, тийиб қўйилган эмиш дейишаётган эди-ку...

— Улар айтмасин дегани బлан, бу ердагилар айт деб, қўярда-қўймай айтдиришаётир-да.

— Ҳа айланай яна битта айтсачи...

— Ўшанинг овозини яна бир эшитсан экан!.. Ўзи ҳам ипакдек мулойим, камтаргина экан-ку!— деди иккинчи кампир ҳам гапга аралашиб.

— Ҳаммадан ҳам қўни-қўшнига муомаласини айтинг? Ҳаммани «сизлаб» одамнинг бағрига кириб кетади!— дейишиб, кекса аёллар янги келиндан хурсанд бўлишди. Ўша ёш келининг оқсочи, қора тўридан келган Злиҳа деган жувоннинг ўзи ҳам севиниб, сир айтаётгандек пи-цирлаб:

— Фе'ли жуда яхши, камсухун. Лекин, ана у уйдаги-лар «кўп ошинмасин», «қандай жойга тушганини унутма-син!» деб ёзғиришаётир!— деганда, бошқа аёллар танг-лай қоқишиб:

— Ҳалитдан-а?

— Ҳа, кундош-да!

— Ойғиз блан Қалиқа борми, айтади!..

— Вой, шундоқ лобар келинга-я!..— дейишиди.

— Бу ердагилар уларнинг гапини писанд қиласидиган эмас... «Қани айт! Кўкрагини кўкка тираганлар сенга етиб кўрсин-чи... Тортинма!» деб, қайтага кечаю-кундуз айт-

диришаёт! — деб, Злиҳа қиқирлаб қулиб юборди. Қелган аёллар, уй томонидан келаётган қуйни эшишиб, ўшадеке кетишиди.

Қўшнилар мақтаган «ёш келип», «ўланга уста келин» — Айгерим эди.

Мана бу меҳмон босиб ётган ўтов ҳам ўшанинг уйи.

Абай бундан уч ой муқаддам Айгеримни олиб келган эди. Ҳозир бошидаги желегини¹ олмаган янги келин кўп меҳмонлар ўртасида, Абайнинг ёнида ўтиради.

Буларнинг икковининг шу галги меҳмонлари ҳам ўзгача. Фақат — қиз-жувонлар-у, ёш йигитлар. Буларнинг бошлиғи Абай бўлиб, ҳозир бу овулнинг ўзга тириклигидан бегона бўлиб кетган бир гуруҳга ўхшарди. Қамчисидан қон томган катта, ҳукмрон овулнинг осойишини ўлани, сан'ати блан бузәётган эди. Шунинг учун бу уйларни Мойбосар, Ойғиз, Қалиқалар сиртдан чипқондек кўришарди. Орқадан ёзғириб, чекка-чеккала кесатиб юришади. Битта-яримта, шу овулга келишни истаганлар бўлса, уришиб, жеркиб, асти яқин йўлатишмайди.

Абай ўзининг кичкинагина, сан'ат оролидек бўлган уйларининг шу сингари нафратли назар, кўролмовчилик қуршовида қолишига парво ҳам қилмади. Яйловдаги мөҳир ўланчилар, сан'аткор ёшларни йигиб келиб, ҳурматлаб, қадрлаб кутаётир. Уйин-кулги сан'атига берилгандарнинг ўртасида бирнечча, кўп қадрли меҳмонлар бор. Бошқа элдан келган меҳмонлар. Булар — ҳозир тўрда, кўрпача устида катта-катта оппоқ ястиқларга ёнбошлаган сол-серилар.² Буларнинг ичидаги кўзга кўринган, яна мажлис аҳлига қадрли, севнклиси — мана шу жаранглатиб дўмбира чалаётган ўрта бўйлик, қипқиңзил магиздек, пешонаси кенг, икки юзидан нур томган йигит. У,— Сарн-Орқага донғи кетган, бутун Ўртаюзни³ бебаҳо сози, гўзал куйлари блан ўзига мафтун этган Биржонсол.

Тўбуқтига олисдан, Кўкшетовдан келган, фоят қадрли ноёб меҳмон. Ўзи ҳам шоир, ҳам ашулачи, ҳам бастакорлик фазилатларига молик бўлгани учун сол деб атала-

¹ Желек — келинчаклик лаккиси.

² Сол-серилар — бастакор, шоир, ашулачилик фазилатларига эга бўлган одамлар. Булар рангба-ранг кийимлар кийиб юришарди.

³ Қозогистон Ўлуғ Октябрь социалистик революциясига қадар учга бўлинниб, ба'зан Ўлуғ юз, Ўрта юз, Қичик юз деб ҳам айтиларди. — Ред.

диган Биржон. Этнида кенг, яланг қават қора баҳмал тұп. Оқ яктагининг устидан сарғиши хитой товаридан камзил кийган. Бошидаги зар дүпписининг попуги аста силкяниб турарди. Мажлис ахыр уннинг гүзәл, үйноқи куйини эриб ўтириб тинглаётган пайтда, олий жаноб ашулачининг үз юзи ҳам хиёл қизил товланиб, нурланиб кетди-да, үзи ұқида:

Құжагұлнинг боласи — Биржон солмаа,
Юртимга энёним йүк, жорған жонман.
Үзим қатор кишикта бөш әгмайман,
Үзим шоир, үзим сол, кимга зорман...—

деб, күйлайбошлади.

Ашулачининг «Биржон сол» деган шу ашуласы үзининг нафис, сирли сози блан бошланғанда — мажлис ахылининг ичидә нафас ҳам олмай қотиб тинглаган кишининг биттаси Абай эди.

Абай үзининг қадрлы оқин, ҳурматли мәдмөнинг тикилганича ўтиради. Оқ-қораси ҳали ҳам тиниқ, беғубор, қийғоч күзлари катталашып, алланечук бўлиб термулганича боқарди. Лекин ҳозир киприк қоқмай тикилгани блан, бу күзлар куйловчининг юзини кўраётган кўзлар эмас. Куйни, ундаги сўзларни, сан'аткорнинг үзини — ҳаммаси ии бир қўшиб, бир бутун хаёлий манзарадек кўз олдига келтириб, ўшанга боқаётган кўзлар.

Абай, ўзгача та'сирли куй блан кўп ма'қул бўладиган ашулаларни тингларкан, куйланастган сўзлар қаторида яна бир ўзгача дун'ёларни ҳам ўйлаб кетарди. Кўз олдидан ҳаёт, хаёлий манзаралар, воқиа тошқинлари, яратилиши, емирилиш тўлқинлари гавдаланиб, ўшанга кўмилиб кетарди.

Ҳозир ҳам мана, ма'lум юксак ғояси бўлган куй, олий жаноб ўланчини шу ерлардан айриб олиб кетди. Аллақайларга, йироқларга олиб кетди. Кенг яғринлик, барваста келган, жараглаган баланд овозлик оқин, саҳронинг ажойиб баҳодирига айланди.

Уша баҳодир, сан'ат баҳодири, Сари Орқанинг энг буюк чўққиси Кўкшетовнинг бошига чиқиб олиб, бепоён Сари Орқага, саҳронинг салқин тепаликлари, тиниқ суали кўлларнинг бўйини қароргоҳ этган эллар — ҳалқларга кўз ташлайди. Зўравонлари кўкрак кериб, мағрурлари гердайиб, кўпчилик ҳалқи оҳи-зор чекиб ҳаёт кечираётган бепоён далалар, тепаликларга кўз ташлабгина қўймай, ун қотаёттир. Куй блан сўз қотаёттир. Жанговар индо' сингари,

Улуғ вужудидан қайнаб чиқаётган баҳодиропа куйини тўкаёттир.

«Мен келаётирман! Мен — сан'ат келаётирман! Танимай кўрчи, англамай кўрчи! Суяк-суягинг бўшамай, томир-томирингча эримай кўрсинч!..» деб, бош эгдириб, куй тўкаёттир, куй эмас, порлоқ нур тўкаёттир. Оламдан ёвузликни, жабр-зулмни ҳайдаб кетиб, ер юзини, Сари Орқанинг устини ҳамма офат-фалокатларидан тозалаб кетаётгандек туюларди... Куй парвоз қилиб, кўтарилиб кетганда Кўкшетовнинг қалин қарағайлари — ўланчининг бошидаги зар дўппининг ипак полуғидек чайқалиб бориб, ёпирилиб, бир томонга энгапиб йўл берар, бош эгарди... Сари Орқанинг қоронғи туши ҳам, мана шу оқиннинг эгнидаги қора бахмалнинг сиртидек мулойим, шафқатли кечага айланади... Шу чоғ ҳалқнинг юзида ҳам шу оқиннинг сиймосидаги сингари порлоқ нур акс этади. Ҳалқнинг юзида, шу куйлаётган оқин чеҳрасидаги мулойим табассум сингари шодлик кулгиси кўринади Абайнинг кўзига.

Мажлис аҳли жони-дили блан оқинни олқишилаётган экав... Куй тамом бўлипти. Фақат Абайнинг хаёлигина узилмай, энди охирига етиб қолган экан. Унинг қинидан чиқиб кетгудай бўлиб ўт сочиб турган ўйчан кўзлари оқиннинг юзига тикилганича қотиб турарди.

Абайнинг а'зойи бадани ивишиб қолгандек кўринди. Ундағи ҳолатни ҳаммадаи олдин сезган Айгерим эрининг тиззасига суяпган кипи бўлиб, тирсаги блан хиёл қўзғотиб, астагина кулиб, уйғотди... Абай ялт этиб Айгеримга қараб эси-ҳушини йигиштириши блан ўзи ҳам кулиб юборди. Лекин ранги қум-қўйт ўчган, нафаси қалтираб чиқаётганди. Унга шунчалар диққат қилиб, аҳволини англаб турган зийрак Айгеримдан хурсанд бўлиб, қараб турди-да, сўнг Биржон томонга ўғирилиб:

— Башқасининг кима кераги бор, Биржон оға! — деб, сўз бошлади, меҳмонга шодланиб ҳараб, — сан'атига кўпчилик иқрор бўлган оқинлар ҳам бор. Тилини безаб, жонини фидо қилиб, тиланчилик блан бойларни соғиб, сўзининг қадрини тушириб юришарди. Номига ўланчи бўлишса бас. Кимнинг бўлмасин ҳайбаракалласи бўлиб, кўринган мансабдорга елпatakлик қилиб, куйнинг қийматини тушириб, бир отим посвойдек арzon қилиб юборишган. Сен куйни бўсағадан юқорилатиб тўрга чиқардинг, шунгагина қувонаман. Сенда нақадар буюк фазилатлар борлигига шупинг ўзи шоҳид! — деди.

Биржон, қулоқ солиб турди-да, ҳурсаид бўлиб, қадди-ни ростлаганича:

— Ҳа ўлма, куйлаш мендан-у, тушунтириш сендаи бўлса ҳани энди, Абай!— деди. Айгерим ҳам, бошқалар ҳам уларнинг гапига дув кулиб юбориши.

Эрталабдан бўён катта дастурхоннинг уч четида дамба-дам шопириб қўйилиб турган қимиз бироздан бери ичилмай қолган эди. Ҳозир Эрбўл, Мирзагул, Ўспон уччови уч томондан яна шопириб, заранг косаларни меҳмонларга тутабошилашди. Куй тамом бўлгач, мажлис аҳли чекка-чеккада гангур-гунгур гап бошлаб, кулги кўтарилиб турди.

Абай ҳалиги фикрини охирига етказмоқчи бўлиб:

— Йигит деган бой-кибор бўлиш блан қадр топавермайди! Лаёқатли бўлиб, ўша лаёқатини ишга солабилиш орқасидагина қадр топади. «Сан'аткор бўлсанг — юкеак бўл» дейдилар-ку, Биржон оға. Қашшоқ бўл, камбағал бўл, у нуқсон эмас. Сан'аткор оқин, зўр ўланчи бўлсанг халқнинг кўнглидаги дардини ифодалаб, кўз ёшини тийсанг, сендан улуғ, сендан қадрли одам бўлмаслиги керак!—деб Абай ёнида ўтирган Айгерим блан иинси Амирга қаради, гўё шуларга айтиётгандек.

Бу мажлисдаги Тўбуқтн ёшларининг ичидаги ёши улуғ бўлган Бозорали кулиб жавоб қилди. У ҳам қадрли меҳмонлар қаторида, тўрда ўтиради. Абайга қараб ҳазил қилиб:

— Бу гапларинг ҳақ гап, Абай. Йигитнинг қадри-қиммати, исте'доди блан ўлчансин! — деб, ҳушчақчақлик блап гапни чертиб-чертуб бошлади,—шошмай тур, гап шу! Хўш энди мен нима деган эдим?! Ҳа, менинг бор айтадиганим, Тўбуқтининг бор одамига англатишга уриниб юрган гапим ҳам шу эмасми эди,вой, омон бўлгурей! Қашшоқлигимга қарама, одамгарчилигимга қара, дер эдим-ку? Оббо хумларей, сени талга анча тушунадиган йигит деб юрсам, сен ҳам шундай юзаки ўйлар эдингми, Абай? Сенга шу гапни уқдириш учун ўша Кўкшетовдан, ўша Сарив Орқадан Биржон оға келиши керак эдими?— деб, чеҳрасида қувноқ ҳазил акс этгани ҳолда хаидон ташлаб кулиб юборди...

Бозоралининг беғубор ҳазили Биржон блап унинг ҳамроҳларидан тортиб, мажлис аҳлининг ҳаммасини кулдирди.

Абай ҳам кулиб туриб, гапни илиб кетди:

— У ку, түғри-ку Бозеке, ҳаммаси түғри! «Қашшоқлигига қарама, одамгарчилигига қара», деганда. Тұбуқтидан әлғиз сени күреатса бұлади. Лекин, ҳозир гап исте'дод устида кетаётір. Биз, бир тоиға Тұбуқты деган элнинг ёшлари эканлыгымиз рост. Ешлари — сиз блан биз, лекин бизлар исте'додли йигитларми? Ана шу исте'додга келсак, сиз блан мен — халқнинг хотирида қолгудек нима қылдик, ұрнак бұларлык иш қылдикми? Тенгдошларимиз ичидә қандай хизмат күрсатдик?!— деб Абай товушини барада құйғанича жиддій вазият блан шу саволни ташлади-да, бир нафас жім бўлиб, ұтирганларга бир қур қараб чиқди. «Мен ўз исте'додимни күрсатдим», «Мен мәднен қылдым» дегудек одам чиқмади. Шундан кейин Абай Бозоралига тикилганича астагина, салмоқли товуш блан:

— Бозеке! Сиз блан биздан халқ: «Еш бўғиним», «янги авлоидим», деб умид қилади. Бизлар ҳам бирор сан'ат қолдирадиган кишидек, умидвор қилиб юрибмиз. Қани энди тұғрисини айтаб, ҳақиқатта келайлик-чи! — дейніши блан Бозорали ұтирган ерида бир қўзғолиб қўйиб, кулим-сираганича гапни илиб кетди:

— Қани шундан кел, тұғрисини айтасанми, ҳақиқативи айтасанми, муддаонгни айтчи! — деб, хиёл олдин сурилди.

Абай ҳали гапини тамом қилмаган эди. У ҳам қимизни күтариб юбориб, қизишиб олди-да:

— Бозеке!—деди жиддийлик өлан. Бозорали синовчи назар блан Абайга тикилганича қараб турди.

— Сиз блан биз халқни умидвор қилиб қўйдик-ку. Лекин улар кутган нарсаны берганимиз йўқ. Биз сирти силлиқ безҳсон човкарми? Йўргаси қаттиқ, лекин ўзидан насл қолмайдиган қисир бедовми? Ҳамма гап шунда эмасми? — деди.

Бозорали танглайини қоқиб, бошни чайқади-да:

— Бозорали бундай гапни айтмаган эди шекилли. Мен бу ўйнда йўқман. Менда йўқ фазилатларни излаётисан. Энди, Бозорали йўқни йўндирадими!?— деб, четга қараб кулди-да, ястиғига ёнбошлади. Абайнинг саволига жавоб йўқлигини ёшларнинг ҳаммаси англағади. Бозорали на оғин-у, на ашулачи. Ұтирганлар гапнинг тагига тушуниб, кулиб қўяқолиши.

Абайнинг бу гаплари Биржоннинг сан'атини юксакларга күтариб, ўз элининг ёшларига «бу биздан ортиқ!» деган фикрни англатди. Буни шунчаки ёлғондан номус

қилиб эмас, соғдиллик, самиййиллик блан айтиши Биржонда янги бир ҳис уйғотди.

Биржон яна дўмбирасини жаранглатиб чалиб турдида, «Жонбўта» деган куйни куйлаб юборди. Ёшлар бу куйнинг нима учун яратилганлигини, Биржоннинг кўксидаги қандай жароҳатларни очиб кўрсатишини билишарди.

Бу — Биржоннинг ҳали Абай сўзлаган «бойлар», «киборлар» дан бири ноҳақ савалаб урганини очиқ ифодаловчи куй эди.

Жонбўта ўзинг бўлис, отанг Қарпин.
Сакиз бўлис ичиде ченинг ортиқ.
Сен каби, Азва бойнинг югурдаги
Қўлимдан дўмбирамни қолди тортиб.

Тортса-да дўмбирамни берганим йўқ,
Телтакни югурдакдаи кўрганим йўқ.
Қамчилаб, тўп ичиде урган эди,
Номусдан во дариғо ўлганим йўқ.

Жонбўта, шуми эди ўлган ерим.
Қўкшетовда номусга қўйган ериниг.
Бир бўлис фуқаросин, бирор саваб,
Бормиди ҳеч қонуцида кўргая ерияг?..—

деди.

Дарди-ҳасратни айтиб, аламли ғуссаларни изҳор этиш. «Сен мени ҳаммадан ортиқ десанг, менинг кўёсимни мэна шундай алам, номус дарди босган; зўравонлар, ҳукмронларнинг қамчисининг изи, доғи босган» дейиш эди.

Бу — чуқур ғояли кўнгилнинг мунгли дарди: «назарингда мени камолот эгаси деб биласан, қани Биржоннинг ортиқлиги шуми?» дегани эди. Биржонга Абайнинг жони ачиdi, юпатгуси келиб:

— Ўша Жонбўта, яна биттаси Азнабойми, ҳукмрон, золим деганлари. Бойлар, киборлар деганлари? Улар «тўнг ёйинлик блан қанчалик ваҳшийлик қилаётган бўлсалар ҳам Биржон оғамнинг мана шу «Жонбўта» деган ше'ридан кейин «Бўта»гина эмас «бута»дек ҳам бўлолмай, ер блан яксон бўлиб депсалиб қолгани йўқми?» — деди, қандайдир чуқур хаёлларга кетгандек.

— Азнабойлар бу ерда бугунгина азнашаётгандир¹. «Ер тангриси менман» деяётгандир. Лекин, эртага улардан из ҳам, зарра ҳам қолмайди. Қолмаслиги турган гап!

¹ Чен — русча (чин) сўзидан бузиб олинган, «мансаб» ма'носида.

² Азнаш — янграш, гуркираш ма'носида.— Ред.

Ўшандада Сари Орқанинг атрофидаги Атиғай, Қоровул, Керей, Уоқ уруғларининг тарихида сенинг номингтина қолади. Яна ўша ёвуз Азнабой, ҳукмрон Жонбутанинг юзига улоқтирган калтагинг қолади. Қейинги наслларчи улардан жиркантарирадиган иснод тамғаси, кетмас дөф бўлиб қолади. Иложи йўқ. Албатта қолади Биржон оға!— деди.

Бу гапларни ёпиларнинг кўпчилиги тушунаолмаган бўлса ҳам, эси-ҳушини тутганларнинг ҳаммаси қувватлашди. Айниқса тўрда ўтирган Бозорали, Жиреншелар ма’қуллашдик.

— Номи қолгани шу эмасми. Шу ерда ўтирган, ўланчи бўламан деб юрган, юрагида ўти бор ёшларнинг ҳаммаси икки ойдан бери эргашиб юриб, Биржоннинг куйларини ўрганишди. Энди ундан ўрганиб олганларини астн унугтас. Шу куйларни унумагандан кейин, ўргатган, та’лим берган Биржонни унугтадими? — деди Жиренше, шундай пайтларда ғилинадиган зийраклиги, хуш фаҳмлигига бориб, Абайнинг ҳалиги гапини илиб кетиб яна ҳам очиқроқ ифодалади. Шунинг блан ўз сўзига далил келтирмоқчи бўлгандек, Амирга қараб:

— Мана, айтайлик, Амирнинг кўнглида Биржондан устун турадиган сан'аткор борми? — деди.

Ҳамма бирдан Амирга қаради. У дўмбирасини аста чертиб, Биржон ўргатган «Жийирма бес» куйини машқ қилаётган эди.

Биржон ёш йигитнинг илҳоми келиб турганини пайқагандек бўлиб:

— Қани, шу куйни бир олиб юборчи! — деб оға буйруқ қилди.

Амир тортиммади. Фақат оппоқцина юзи хиёл оқариб кетди-да, янгратиб куйлайбошлиди. Овози нафис, ажаб ёқимли, тиниқ экан. Биржон ўргатган йўлни бузмасликка тиришиб, зўр ихлос блан қунт қилиб айтиётир. Сўзларини ҳам блан бирга Биржондан ўрганганди. Яқиндагина Зилқоро чиқарган бу гўзал «Жийирма бес» куйин ҳали Тўбуқти эли эшифтаган тўлқини, ажиб сози бўлган, бутун томирларига қадар та’сир этадиган кўй эди. Сўзлари ҳам ёшларнинг юрагига ўт ёқадиган сўзлар эди.

— Бериб кет узугинигни мис ҳам бўлса,
Юрайлик, ўйнаб-кулиб, қиши ҳам бўлса,
Этигингни ечгин-да, пайпоқчан кел,
Пешонамдан кўрайин ушлаб олса... —

деб, эркалик блан тўлғағтириб кетганда Бозорали ястиқдан бошини юлиб олди. Сўлим чеҳрасида иссиқ тошқиндеқ қон ўйнаганича:

— Оҳ, ўзим ўргулай ўша қиздан! Жовдираб турган қора кўздан, кўраманми сени ё мен бетоли' кўрмайманми!— деб, ўтирганларни дув кулдириб юборди.

Биржон Бозоралининг юзига тилакдошлик блан дўстона назар ташлаб:

— Бозеке, у нима деганингиз? Кўраманми деганингиз нимаси? Ўша қора кўз, Болбола бўлиб ёнингизда ўтирипти-ку!— деди. Бозоралининг ёнида Болбола деган бир нозанин, бўйи етган қиз ўтирган эди. Биржон шундоқ дейиши блан Бозорали ялт этиб қизга қараб:

— Э, тавба, шундай депг? — деб, жўрттага шўхлик килиб, Болболага қарай қолди. Унинг бу қарави занжирбанд, қирон бургутнинг қалпоғи тагидан мўралаб, ёвдан ўтиб кетаётган мушукка қаравишига ўхшарди... Утирганлар яна кулиб хурсанд бўлган пайтда, Болбола ҳам ялт этиб Бозоралига бир қараб қўйди. Қирин ўтирган еридан порлаб турган қопқора шаҳло кўзлари яширин бир нигоҳ ташлади. Катта-катта кўзларига ярашадиган ғамзали нигоҳ эди. Үнгайсизланишдан юзларига қоян югуриб, хиёл қизариб кетди. Тортиниб, жиддийлик блап қошлигини чимирганича жилмайиб қўйди... Оппоқ чиройли тишлари хиёл кўриниб кетдию, яна яширинди. Бозорали Болболанинг кўзига кўзи тушганда гуноҳини бўйнига олиб, тавбага келгандек бўлди. Лекин бу ҳолатни талантли артистдек шу қадар жойига қўйиб, усталик блап ўйнаб берди.

— Тавба! Таңба! Куфурга кетган эканман-ку... Тфу, тфу, тфу,— деб тупуринган бўлди. Болбола томон бошини эгдию, яна ялт этиб ўтирганларга қараб:— шу ерда экан, бор экан-ку нозанинлар!— деб қаторда ўтирган гўзал қиз-жувонларни бир-бир кўздан кечириб чиқди.

Биржон ҳам Болбола ўнгайсизланмасин, яна бошқаларнинг кўнглига гап келмасин, деб Бозоралининг оғзидан гапини олди.

— Куйлашни ҳам билади, гап-сўзлари ҳам жойида, куйласа овози ширалик, ипакдек мулойим яхши шогирд, яхши ипиларим одоб блан ўтиришипти-ку?— деди.

Биржон «қизлар», «сингиллар» деган гапларни жўрттага ишлатмади. У сўзларни ишлатиш одобдан бўлмайдигандек, дағалроқ кўринди. Яна оғалик ҳиссини ифодалаб,

Жигарларча гапирди. Шу ерда ўтирган бирнсча сан'аткор гўзал қиз-жувонларга бир-бир қараб қўйди. Номлари тилга олинмаса ҳам, ҳурмат блан назарда тутганлари ўзи блан Абай, Бозоралиларнинг қаторида ўтирган Болбола, Керимбона, Умитей, Айгеримлар эди.

Ма'ноли сўз қотган Биржои, ундан ҳам ма'нолироқ қилиб кўз ташлаганида, ҳалиги хушфаҳм қиз-жувонларвинг юзига бир бошдан дув этиб нағисгина қизғиши нур югурди. Бамисоли: әрталаб тундикни очиб юборилганда, уйга ҷарақлаб тушган қуёш нуридан шоҳи чимилдиқ, дуроя қўрпа, баҳмал чойшаблар ҳархил товланиб, гулгун ёниб, яшнаб кетгандек бўлди. Еш қиз-жувонларга Биржондек кам учрайдиган оға, моҳир сан'аткордан эшигтан мақтov ҳам шу зайл та'сир қилди.

Уйда ҳазил гаплар ҳам, мулоийм, ёқимли кулгилар ҳам эшитилди.

Бир-бирига ҳурмат билдириб ўтирган ёшлар сиймосига, мажлисга яна ҳусн киргандек бўлди.

Абай блан Айгеримнинг ёу сафарги меҳмонлари ҳақиқатан ҳам Тўбуқти ёшлари ичидаги энг сан'аткор, энг закки ёшлар эди. Қунанбойнинг овули ўтирган Борлибой суви бўйига Ирғизбойлардан, Тўрғай, Қотибақ, Жигитеклардан, улардан ҳам йироқдаги Бўкенши элларидан қиз-жувонлар, ёш йигитлар икки кун олдин зиёфатга таклиф этилган эди.

Абайнинг ёнида ёш йигитча — иниси, Қудайбердидан қолган ўғил Амир ўтирипти. У ҳамроҳлари блан келаётганида, гўзал Умитейни ҳам олакелган эди. Бозоралининг ёнида ўтирган Болбола — Анет элининг қизи. Буни ҳам зиёфатта бир гала ўртоқлари блан айтилган.

Бўкенши элидан Сугирнинг Акимқўжа деган ўғли айтилган. У ўзининг синглиси Керимбонаи, Бозоралининг ўланчи иниси Уролбойни олакелган.

Бу ёшларнинг деярлик ҳаммаси сан'атга ишқибоз, ҳаммаси ҳам яхши ўлаичилардан. Булар аввал ҳам Биржонянинг мажлисидан баҳраманд бўлиб юрганлар.

Бундан икки ой аввал, Абай Тўбуқти ерига келган Биржоннинг дарагини эшитиб, Амирни юборган эди. Абайнинг яхши кўрадиган акаси Қудайберди ёшгина вафот қилганда, ундан етим қолган бешта боланинг ўртсанчаси Амир эди. Қудайберди рози-ризолик тилашаётганда, Абай унга: «Болаларнингга оталик қилиш менинг бурчим, етимлигини билдирумасман» деган эди. Айтгандек,

Абай ўшандан буён Қулайбердининг болаларини ўзи блая туғишиган Успондан ҳам, ўз болаларидан ҳам кўпроқ эркалатарди.

Амир бўлса, ўша болаларнинг ичida ўланчи, сан'аткор бўлиб келаётir. Шўj, қувноқ йингит. Ўзи ҳам жўшқин илҳоми қайнаб чиқишига умид туғдирадиган ёшлардан. Тилакдош оғаси Абай бўлса, асти унинг ра'йини қайтармас, ким бўлмасин уни хафа қилишига йўл қўймасди.

Абай, Амирни Биржонга юборганида, айғиб кел, деб юбормай: «Боргин, тин сан'аткор бўлса элга таклиф қилгин, яйраб ўйин-кулги қилинглар. Ёшлар сан'ат ўргансин, ўрнак олсин. Мен ҳам кўмаклашаман...» деб юборган эди.

Амир элнинг четидаги овуллардан бирида Биржон блан учрашиб, икки-уч кув бирга бўлиб, ўз элларига таклиф қилди-да, ўзи ўтов тикдирмоқчи, уларни соллик йўсунин блан яхшилаб кутиб олмоқчи бўлиб, олдин йўлга чиқди. Ҳаялламасдан Абайнинг олдига келиб, олган ўзгача қизғин таассуротини чеҳрасида акс этдирган ҳолда айтиб берди.

Абай шундан кейиноқ Биржонни Амирнинг меҳмони сифатида Қунанбойнинг шу катта овулида кутиб олди. Мана икки ой бўлди. Биржон Амирга эмас, Абайга ҳам кўп ма'қул бўлди. Иккови қадимдан мунгдош дўстлар сингари теэзина топишиб кетишиди.

Абай Тўбуқтидаги ўланчи йигит-ялангларни, қиз-жуонларни ҳозиргидек бирнеча бор ўз овулига йиғдирди. Уларни Биржон блан таништириб, уларга оқин ўланчнинг фазилатини, қадри-қийматини билдириб, ачагина қизиқ мажлислар қурди.

Биржоннинг куйлари, ўланларини ўрганиб, қадрига етганларидан кейин кўп овулларнинг ёшлари Биржон блан Абайни ўз овулларига таклиф қилиб, ўйин-кулги ўзлусиз давом этган кечалар, кундузларни ўтказишганди.

Биржонлар Амирнинг, Үмитейнинг ҳам меҳмони бўлишиди. Сугирнинг кўп нозанин, бўйи етган ўланчи қизи, Керимбона блан Ақимқўжанинг зиёфатида бўлишиб, бу меҳмондўст овулда кўп иззат-икромлар кўришиди. Қайта келаётганларида, Бозорали блан Үролбой уларни Жигитек овулларида ҳам кўп ерларга олиб бориб, бирнеча кунлар зиёфатлар қилишди. Жигитек, Бўкеиши элларининг ёшлари доимо биргалашиб кутишиди.

Шундай қилиб, Биржонлар кетадиган пайт етганда, Абай мана шу тўрт уйни, меҳмонлар блав хайрлашув зиё-

Фатига атаб тиктирган эди. Меҳмонларнинг кўпчилиги бу-
гун тушлик овқатдан кейин жўнаш ҳаракатида. Сабаби, эр-
тага Биржонлар ҳам ўз элига жўнашади. Шуни назарда
тутиб Бозорали, Эрбўл, Жиреншелар Абайга: «Қадрли
меҳмонлар, бир кечча холироқ қолиб, тиниқиб олишсин»
дейишди. Абай ҳам шуни ма’қул кўрди.

Шундай қилиб, бу зиёфат бутун ёз бўйи қадрли оға,
катта устоз бўлган Биржон билан Тўбуқти ёшлиарининг
хайрлашадиган зиёфати эди. Шунинг учун ҳалиги Амирга
«Жийирма бес» куйини айтдириб, синов тариқасила тинг-
лаганларидек, бошқа ёшлар ҳам бир-бир янги куйни куй-
лаб, ўз сан’атларини кўрсатишилари керак эди.

Амир куйни тамомлаб, ҳазил-аскиялар тўхтагандай
кейин Уролбой дўмбирани жараанглатиб чертганича ёнида
ўтирган Керимболанинг куйига жўр қилди.

Керимбона Абайнинг қўзига қадрдондек жуда иссиқ
кўринарди. Ёш қиз экан, Абай слан Тўғжон ўртасидаги
алангали ҳисларнинг озми-кўпми шоҳиди бўлган эди. Ма-
на ҳозир у ҳам катта бўлиб, бўйга еттан. Ўзи бой овул-
нинг эрка ва эркин ўсаётган қизи. Бўкенши, Жигитек
овулларининг ягона қувончи бўлиб, ардоқланиб, ҳозирга-
ча узатилмай келаётир. Овулнинг шодлиги, яшнатиб
турган сўлмас гули сингари хушфе’л, гўзал қиз, қариндош-
уруг бошига қўядиган ёшлардан бўлгани учун Сугирнинг
ўзи ҳам, айниқса Акимқўжалек жон-дили ўйин-кулги
бўлган оғалари ҳам уни Қоракесекдаги унашиб қўйган
жойига узатишга учча ошиқмас эди.

Керимбона ҳозир бу ердаги Тўбуқти қизлари ичидаги
ўтириб қолган қизлардан. Лекин овулнинг, ота-онасининг,
ўзининг ҳам ша’нига иснод келтираслик иш қилган эмас.
Сугирнинг узатмай олиб ўтиришига ҳам, унинг шу сингари
ўзгача фе’ли сабаб бўлган эди.

Қосасидан хиёл қабариб чиққан катта-катта қўй кўзли,
оппоқ, гулгун юзли, соchlари узун Керимбона ғайратга,
ўзини тутабиладиган, ажиб оғир табиатга эга. Бу фази-
латлар уни ҳам кўркам, ҳам ўзгача гўзал қилиб кўрса-
тарди.

Керимбона ҳам ўзи хуш кўриб Биржондан ўрганган
куйни куйлади.

Бу ҳам Тўбуқтига Биржон келтирган эски бир куй.
Биржон сингари бирнечча оқишининг оғзидан-оғзига ўтиб
пухталаниб кетган, нома’лум бир бастакор чиқарган
«Севгулим» деган куй. Керимбона:

— Севгулим сўргаймисан ҳолим мени...— деб, чўзиб бошлади. Бу куй шу ерда ўтирган ёш сан'аткорларнинг бир-Сирига кўрсатаётган иззат-ҳурмати, сұхбатларининг нағис ифоласидек бўлиб тушди. Биржон блан Абай ҳам берилиб тинглашди.

Керимболанинг куйига ҳамоҳанг қилиб Үролбой ҳам «Гавҳартош» деган бир эҳтиросли куйни бошлиб юборди:

Бир-бир босиб, йўлни териб,
Кумуш исирғанг, чўлпингни силкитириб.

Жаранглаган овозли, оппоқ, гўзал йигит айтаркан, бу куй янги бир сир кашф этгандай бўлди. Айниқса Үролбойнинг айтишида ўша ўзи тасвирлаётган «чўлли таққан» нозанинга мафтунлик, Сорлиғи блан ўшанинг шарпасини хис этаётгандек ҳарорат бор эди.

Мажлис аҳли Үролбой куйлаган қўшиққа завқ қилиб тўяолмай, унга тикилиб қолди. Биржондан олдин Керимбала бир кулиб қаради-да, билакузуклар таққан оппоқ қўлини бироз кўтариб, сиполик блан:

— Жуфт бўлсин!— дес қўйди.

— Жуфт бўлсин! Жуфт бўлсин!— деди Биржон ҳам ихлоси ошиб... ўланчи аввалги бандининг охирини узмай, яна ўша ёқимли товуши блан янгратиб, тўлқинлатириб кетди:

Дар'ёнинг ул юзида кўрдим сени,
Исиргангни қайиқ қилиб ўтказ мени.
Исиргангни қайиқ қилиб ўтказмасанг,
Бўлсанг-да, ҳурнинг қизи, кўрмам сени.

Йигит нозли тилак айтаётир. Дўст юрагига ишонади... Интиқлик блан эркаланади. Қуёш нури остида керилаб эркалангаётган шербаччага ўхшайди. Ўз қалбидаги ўтга, унинг қалбидаги ўтга ҳам шодланиб ишонади. Бусиз ёш йигитнинг шодлиги—шодликми? Эркалат-да, эркалан. Ўт блан ўт туташиб, ягона алангага айлансин.

Ўтирганларнинг ҳаммаси, айниқса Бозорали, Жиренше, Абай сингари ёши каттароқлар завқланишди. Керимболанинг юзидаги қизил тўлқинланиб гул-гул ёнади. Ёқимли товуши блан астагина кулиб Айгерим қизаради.

Пушти ранг лаблари орқасидан оппоқ гўзал тишлари кўриниб, яна яшириниб, Болбола жилмаяди.

Умитей ўз ёнида ўтирган, ўланга моҳир гўзал йигит Амирдан кўзларини ололмайди.

«Шу-да! Бундай ҳисларни тортинмасдан ўрнига қўйиб айтадиган фақат шу Амир-да!» дейди ичида. Пешонаси кенг, оппоқ пахтадек гўзал қиз Умитей, этини ивишириб, титроқ бостирган бир тўлқинга берилгандек бўлиб, ҳиринглаб кулади.

Дўумира ўтирганларни айланиб, куйлаш навбати Умитейнинг ўзига келганда,— кўп илтижо қилдириб ўтирмай «Баян огулъни бошлаб юборди. Амирнинг дўумириаси жўр бўлди. Астагина чертилиб, мунгли садо чиқараётган бўлса ҳам, ўзгача жўшқин, тилакдош, ҳамоҳанг бир куй янграрди.

Баян огул болидан булат кетмас,
Қоядаги тулкига қушни етмас.
Оқ ўтовнишг ёнида отлантириб,
«Хўш, жонгинам» деганинг эсадан кетмас.

Умитей бу куйининг сўзларини шубҳали орзудек, фоят маҳфий сирдек қилиб айтди. Шунинг учун бу сўзлар, бу соғ илгари эмас, биринчи марта шу ерда айтилаётгандай сезилди. Ҳилолдек, қилдек нозик, лекин оғиқ изҳор этилаётган дардга эга бўлган қалб садосидек бўлиб чиқди.

Мана шу камчат телпакли, тилла исирғали, зўр нафосат блан кийинган гўзал қиз бу куйни айтиб бўлганида, юзидағи ниҳол қизили ўчиб, ранги оқариб кетди. Ўнг юзидағи қопқора хол аниқроқ билиниб бориб, яна ўз ҳолига келди.

Мажлис аҳли унинг куйини ҳам эриб ўтириб, берилиб тинглади...

Умитей куйни узилтириб, сусайтириб бориб: «Шунинг блан тамом» дегандек бошини кўтарди. Тикилиб, бўсоғадан тўргача ўтирган-турганларга бир қур назар ташлаб, яна тиниқ овози блан кулиб юборди.

Умитей ўзи айтиб бўлиши блан ёнида, ўнг томонида ўтирган ёшгина янгаси Айгеримга қараб:

— Қани, навбат куйининг асли агасига ҳам келиб қолиптику-а! Энди ўзингиз айтинг!— деди.

Унинг бу ҳазилидан кейин, ўтирганларнинг ҳаммаси Айгеримга қаради.

Четдаги уйлардан ҳали келиб остонаяга яқин ерда ўтирган қари-қартанг аёллар ҳам:

— Келин, келин айтади!— деб, ивир-шивир қилиб қолишади.

Айгеримниң күйига ҳам Амирнинг дўмбираси жўр бўлиб, пастки пардалардан садо чиқариб «юр-юрлаб» сайраб турарди. Айгерим ўнғайсизланиб, қизаринганича Умитейга қараб:

— Қўй, азизим, қўй, менга тўғри келмайди... — деб, тортивис астагина кулиб кўйди...

— Сенинг ҳам қатордан қоладиган ўрнинг йўқ. Ҳеч бўлмаса, овулингизда айтилиб юрган ўланлардан бир-иккни оғиз айт! — деди Абай, ўзи ҳам жон-дили блан тингвайдитандек ғўлиб. Биржон, Бозоралилар ҳам, Болбола, Умитейлар ҳам Айгеримниң гўзал чеҳрасидан кўзларини олмай қараб туришарди.

Унинг гулгун юзлари, айниқса қийғоч келган қопқора кўзлари — аста унутиб бўлмайдиган кўзлар. Уша мулоҳим нигоҳли, ўйчан, нурли кўзларда ўзгача бир шу'ла порлайди. Энди етилган ёшлиқ чоғида, оппоқ юзли қора кўз аёлларда камдан-кам учрайдиган бу шу'ла ба'зав кўзнинг остида бир соядек товланиб туради.

Беғубор ма'сумлик, ниҳол ёшлиқ қисқа муддат сақланиб туриб, сўниб кетгандек — ўчиб кетадиган бир нишон.

Қора кўзли сўлимлар кўп, лекин, бу хилдаги жозибадор кўз аҳёнда бир учрайди.

Абай Айгеримниң юзидағи ҳечкимда кўрилмаган ма-на шу латофатига узоқ-узоқ тикилиб қаарди. Ичида: «Сурмадор кўз», «Наркас кўз» деб, шуни айтилса керак» деб ўйларди.

Мана шундай нур сочиб, порлаб турадиган кўзлари тўрдаги Болболага тиқилганича, Айгерим куйлай бошлади. Куйнинг бошланишидаги чўзиқ оҳангниң ўзи ҳам гўвал созга ўхшарди.

Еш ёрига ён томондан қараб ўтирган Абай, яна Биржон куйлаётгандаги сингари ўзгача ҳис қучоғида тўлқинлаваниб, бир ажойиб хаёл дун'ёсига чўмиб кетди.

— Эй, биби розимни сенга айтаман...

Бундан кейинги сўзлар Абайнинг қулогига киргани йўқ. Бор ҳисларни изҳор этаётган сўзлар эмас, оҳанг блан овоз... Бирқанча кумуш қўнғироқлар қўшилиб, бир садо берәётирми? Қандайдир, кўзга кўринмас оқ қанотли асл зот, кўк саҳнида қуёш нурига чақилаётирми? Зарразарра нур сочиб сирли самога, вома'лум сафарга чақираётирми?! «Қани, сенинг ғам асири, мажруҳ борлиғинг! Бандда ётган юрагинг. Изҳор этилмай, пинҳон тутилган сиринг бор. Оч ушани! Бор овозим блан юксакларга,

сан'атга чорлаётирман! Қаддингни буқкан өғир юқдан, мана бу девонавор ҳолингдан халос бўл!. Шунда.. шунда сени ҳам қалбингдан ана шу товланиб турган ипак рўмол ёпинган гўзалдек, қошингда ўтирган ёрингдек, шунинг наркас кўзлари, булбул сифат тиниқ овози, оппоқ томоғи, гулгун юзи сингари беғубор порлоқ сан'ат жўш уриб чиқади! Тортинма, буқинма энди! Мени ҳам бошла, ўзинг ҳам юксалиб, эркинлаб парвоз қил! Мана бу ғамзали қора кўзлар остига тўпланиб, қуршаб турган кўкимтириш шу'али соя сингари, ёшлиқ блан бирга сўниб кетадиган бебаҳо сан'атингни оч!.. деяёттир. Кўпчиликка қараб куйлаётган бўлса ҳам, нозли тилакларини Абайга айтаётир.

Куйлаётган Абай «Оппоқ иягинг нега ҳаракатесиз қолди? Нимпушти нафис лабларинг нега ўша нозларингни такрорламайди? Оппоқ тишларинг нега ўша юракка ўт солучи қаторини яширди?», деяётгандек апчагача Айгеримнинг юзига тикилиб қолди...

Куйлаб бўлган Айгерим кулимисираб қимиз тутиб, Абайнин яна ўзи уйғотди.

Абай қимиздан қўлинин тортиб, косани олмай, қошлирини чимириб туриб ўзига келди-да:

— Э, тав-ба-а-а! — деб кулиб юборди.

Узатган қимизни олмаган ёридан хижолат тортган Айгерим қизариниб, кулимисираб ўтирган эди. Абай эндинга фаҳмлаб, дарҳол унинг қўлидаги косага ёпишди. Яна бир қўли блан қаллиғини қучоқлаб, ипак рўмолининг ўстидан орқасини муҳаббат блан силаб-сийпалади.

Пойгакда ўтирган ҳалиги Ийс кампирдан бошлаб, кесса аёлларнинг ҳаммаси:

— Ўзим ўргулай, келинжон, ўвали-жўвали бўл!

— Худойим ҳамиша кўнглингни кўтарсан...

— Бу дун'ёдан асти кам бўлмай қўшиқ куйлаб ўт!— дейишиди. Сўнгги олқишини Ийс эна айтган эди. Абай ялтуб Ийсга қаради-да:

— Епирим, мана бу Ийс энамнинг олқиши қандай яхши-а! Қани Айгерим, бир омин дечи!— деди.

Айгерим алоҳида бир эҳтиром блан Ийс энага қараб:

— Омин, эна!— деб ўзи хиёл орқага сурилди-да, Ийсни ёнита чақириб қимиз тутди.

Айгеримнинг куйи Биржонни ҳам лол қилган эди. У, ҳушомад бўлиб тушади деган андишага бориб индамай қўяқолди.

Фақат Жиреншегина сабри чидамагандан:

— Эй, жонгинамей, бу Айгеримнинг томоғидан чиқа-
ётган товушми ё биҳиштдан эшитилаётган товушми?— деб,
ҳаммани кулдирганида, Биржон Бозоралига қараб ас-
тагина:

— Куйласа, Айгеримдек куйласа-да!— деди.

Чин сан'аткор ўзга ёшлар қаторида ўзини ҳам аямади.

Уй эгасининг куйлаши «тўй тарқади» таомилига ишо-
радек бўлди.

Овқат тайёр эди. Ҳамма қўзғолиб, пойгакдагилар ов-
қатдан хабар олгани чиқинди. Шу тобда мәҳмонлар ҳам
айланиб келгани ташқарига чиқабошлиди. Айгерим ўрни-
дан туриб, қимиз ичилган косаларни йиғишириб олиши
буюрди.

Шу онда, эшикка чиқиб кетаётган мәҳмонларга қарши
келиб, сиқилиб ичкарига кирган Қалиқа Абайнинг ёнига
келиб:

— Телқора! Сени опанг чақираётир!— деди.

Абай Амир, Успон, Айгеримларга қараб:

— Мен кечикиб қолсам кутиб ўтирганлар! Мәҳмон-
ларга овқатни тортаверинглар,— деб чиқиб кетди.

2

Катта уйда Улжон, Ойғиз, Диљда учкови ўтирган экан.
Шулар чақиртирган кўринади.

Рўмолининг тагидан кўриниб турган қўнғир сочи шу
кунларда оппоқ оқарган Улжон, аввалгидек тўла бўлса
ҳам, қариликка анча енгилгандек кўринарди. Юзлари
сарғайган. Пешонасидаги ажинлари кўпайган, яна чуқур-
лашиб тулашиб кетган эди.

Абай онасининг дун'ёдан ўтиб бораётганини, айниқса
мана шу сўнгги йилларда унинг икки лунжига тушган
иккита чуқур-чуқур ажинга зеҳн солиб, билиб юрарди. Бу
иккита чуқур из — ғусса изи, қайғу-алам доғи.

Мана шу ажинлар ҳозир айниқса кўзга ташланиб ту-
рипти. Паришонҳол ўтирган онанинг юзини ёшларнинг
ўйин-кулгига тўла ўтовидан келган Абайга ғазаблироқ
қилиб кўрсатди. Индамай ўтирган онасининг юзиёқ Абай-
га «гуноҳкорсан, айблайман» деяётгандек кўринди.

Абайнинг кўнгли қўрқув аралаш озор ҳам топди-да,
ўзининг устидан чиқариладиган ҳукмни кутди. Лекин,

онасининг одатдаги меҳрибонлигӣ чөхрасида акс этмаган бўлса-да, ичида аввалгидек экан!.. Гапга оғиз очиши бла-ноқ рўй беражолди.

— Абайжон,— деб астагина сўз бошлаб, Улжон ўғли-нинг юзига қаради-да,— ўй ҳам кўп, қайғу ҳам кўп ўйлай-версанг, ўй ҳам йўқ, қайғу ҳам йўқ ўйнайверсанг!— де-гандаридек, сен ҳам шу гапга риоя қилиб юрибсанми, болам?— деди.

Абай бу иборанинг тагида қанчалик оғир гап борлиги-ни сезиб, тезроқ айтаколсин дегандек:

— Шундайдир-да, опа!— деб, бутун гавдаси блан онаси томон ўгирилиб,— нима эди?— деяётгандек, дами-ни чиқармай қараб қолди.

— Кекса отанг сафарга кетганига кўп бўлди... Дом-дарак йўқ. Зимзиё бўлди кетди, ҳамманинг кўнглн ғаш. Ҳали у ёқда нима гапу, бу ёқда нима бўлаётир?— деб бир нафас жим қолди.

Ойғиз гапнинг бу тахлитда бошланншига энсаси қотиб сабри чидамаганидан:

— Биз гапирмасак сенга ким гапиради? Бир марта эмас, бир кун эмас, бутун бошлиқ ёзни такасалтанглик блан ўтказганинг нимаси? Кимнинг кўнглига сиғай деб турипти? Ҳеч ўйлайсанми ўзинг?— деди.

Абай, бор гапни тўкиб солишин дегандек чурқ этмади. Икки онанинг қаттиқ гапларидан жасоратланган Диlldа энди гап бошлади. Жони ҳалқумига келиб, тарс ёрилгудай бўлиб турган экан, қаттиқ кесатиб:

— Нимани ўйлайди? Ўйлайдиган аҳволдами, сиҳри-жоду блан боши айланиб қолган-да. Ошиқ бўлиб олган ёру-жодугари ўланга уста бўлгандан кейин, жонини ҳам фидо қилиб ўшанга ёқишнинг пайдада!— деди. Кўзла-рида газабли ёш томчилари пайдо бўлди.

Улжон бу хилдаги аччиқ-тиззиқ гапларни қайирмади, аксинча устига устак қилиб:

— Овулдаги меҳмон фақат ўша сол-сери, қиз-қирқинлар эмас. Мана, Диlldанинг онаси ҳам шу ерда. У ҳам онанг-ку, болам. Ўшанга ҳам қиё боқиб қарагинг келмайди-я. Қадрдон қудасини кутадиган отанг бўлса ҳам майли эди. Мени деб келган эмас-ку. Жон бор ерда қазо бор, кўриб, фотиҳа бериб келайнин, деб сенинг учун келган. Бу гапларни ҳам хаёлингга келтирмайсан. Бошингни суқмайсан. Кимдан бегоналашиб, кимга оғиб кетаётисан асти?— деди.

Алам ичидა ёш тўкиб ўтирган Дилда гап шу ерга келгандা тutoқиб кетиб:

— Исқирти чиқсан қашшоқнинг қизи бўсағамни бо-сишга лойиқ эдими! Мана энди бошидан желагини олмай туриб ўзини йўқотиб, кечаю-кундуз ашуласини айтиб тепамда ўйин тушаётир. Гадойваччани бунчалик қутурти-раётган...— дейиши блай, Абай томогини қаттиқ қириб ранги ўчиб кетди-да, газаб блан Диlldага қаради.

У уй, қуёш нурига мўл, ёрқин ҳаётнинг баҳор ойига ўхшарди. Бу уй ют келадиган йилнинг кузидек, қора бу-лутлар қоплаган совуқ изгирин эсаётган кузга ўхшайди.

Абай Диlldанинг сўзини бўлиб:

— Бас қыл Диlldа, Тиленшидек бой отангдан сени кар-қулоқ қилиб туғдирган мен эмасман. Сени фаҳмдаи, завқ-дан маҳрум қилиб яратган мен деб ўйлайсанми? — деди аччиқ койиб. Шундан кейин ҳам оналарига, ҳам унга жавоб тарзида,— менинг меҳмоним Биржон. У — Тўбуқти эли кўрмаган сан'ат эгаси. Элдаги ёшларни шайдо қилиб, жони-дили блан қулоқ солдираётган ёлғиз мен эмасман-ку. Биржонни кўрган ҳам армонда, кўрмаган ҳам... Ундан кўра, ана у Ақлбой, Абиш, Мағаш сингари болаларнинг ҳаммасини юбориб эшилдириб қолсангчи, сенда ақл бўлса! — деди.

Дилда аввалгидан ҳам тutoқиб, бобиллаб кетди.

— Бормайди болаларим... Энди бир ками жодугар хо-тиннинг бўсағасидаи мўралашми, отаси ҳаёт туриб тирик етим!..— деб, ўкириб йиглаб юборди-да, отилиб уйдан чи-қиб кетди.

Дилда чиқиб кетгандан кейин ҳам Абай блан оналари бир-бирларига гап уқдиришаолмади. Бирқанча гина-куду-ратлардан кейин ниҳоят иккала онасининг уқдиролгани— ҳеч бўлмаса шу ўйин-кулгини Диlldанинг уйида қилса яхши бўлмас эдими, демоқчи экан.

Ойғиз бўлса очиқдан-очиқ:

— Айгерим ошинмасин. Сенга орқа қилаётган бўлса, қилаверсин. Қаерда ўтирганини, Бойшўранинг қизи бўла-туриб қандай даргоҳга келин бўлиб тушганини биладими? Тушган ерига ҳам қарасин-да. Куйлаши бизнинг юзимизга оёқ қўйгандек бўлаётир. Бундан буён чурқ этмасин!— деди.

Бу — буйруқ, бузиб бўлмайдиган буйруқ.

Абай ичидан Айгеримга раҳми келиб, ҳалигидай адo-латсиэлик блан қилинаётган зўрликларга қарши бўлса

ҳам, дамини чиқармади. Оналар буйруғи айтилди. Уни Дилда айтдираёттир. Үшанинг ўжарлиги, дағаллиги айтдирди. Абай шуни англаған сайин Диlldадан ранжиб, ичичидан қаттиқ хафа бўлди. Оналарининг бундан кейинги сўзларига яна дамини чиқармай ўтириб қулоқ солди-да, чиқиб кетди.

Ўз ўтовларн томон кетаётган Абайнинг орқасидан Ойғизнинг уйидан чиқиб келаётган Мойбосар чақирди.

Соқолига оқ оралагани бўлмаса, Мойбосар ҳали қипқизил мағиздек эди. Бу кунларда ўзини қўйиб юбориб, янада барваста, серсавлат бўлиб кетган.

У Абайни катта уйнинг орқасига, четроқقا олиб бориб ўтқазди-да:

— Абай, мени ана у Тусипнинг хотини—меҳмон бўлиб келган қайнананг юборди. Атайин «сен айт» деди. Мендан айтдираёттир, уқдингми?—деб, инисига совуққина на зар ташлаб: — «Ким блан сўзлашаштганингни унутма», деяётгандек қаттиқ тикилди. Абай, Мойбосарининг важоҳатини эрмак қилаётгандек, бир ўқрайиб қаради-да, кулиб юборди.

Мойбосар парво қилмаган бўлиб, қовогини солгалича давом этди.

— Қайнананг бўлса илтимос қилаёттир, мен эса буюраман. Мана шу Тусипнинг хотини кетганча Диlldанинг уйида бўл. Айланиб Айгеримнинг уйидан чиқмайсан, бошкўзингни айлантириб қўйганми? Йўғ-а, қўш хотин олган ёлғиз сенми? Ота-бобонг, ҳаммаси олган. Олган бўлсанг энди таомилини ҳам сақла-да. Диlldадан бутунлай бегоналашиб кетдим, деб юрибсанми?— деди.

Абай ҳали ҳам уни эрмак қилишини қўймаган эди. Мойбосар гапини тамом қилгунча зўр-базўр қулоқ солди.

— Мойака дейман, шу...— деб чертиб гап бошлаб,— умр ўзади, ҳусн тўзади. Ба’зи соқолларга: «энди бас қил» дегандек оқ ҳам оралайди. Лекин, қараб турсам, ўшанда ҳам тийилмайдиган тил, қонмайдиган истак ҳам бўлар экан-да!— деди истеҳзо блан кулиб юбориб.

Иигитпинг кулгиси кор қилди шекилли, Мойбосар дар-ҳол тушуниб ўзининг сонига бир урди-да:

— Оббо, айёр замонанинг боласи-ей, тинкамни қуритдинг-ку! Эсингдан чиққандир, деб юрган эдим. Пайт пойлаб юрган эдингми?— деб хандон ташлаб кулди. Абайнинг ғазабини ҳам, истеҳзоли кулгусини ҳам ҳазилга

олиш блан сиртига юқтиrmади. Яна сўзини ма'қуллашга тушди.

— Дилда сенинг ёринг эмасми? Ёки мен ножёя гап гапираётirманми? Ё русча китобларни кўп ўқиганинг учун, русларга ўхшаб иккита хотин олмайдиган бўлиб кетдим деяётirсанми?

— Бу масалага келганда рус бўлганим ма'қул, нима қилар эдингиз.

— Ийе, нима деб алжираётirсан ўзинг? Шунча болалари блан Дилла нима қилади?

— Дилдага менинг керагим йўқ. У менга нисбатан ғазаб блан кекдан бошқа ҳислардан ажралган..

— Хўш, шу блан жавобини бердингми энди?

— У болаларимнинг онаси. Яхши она бўлса, қадрдон дўстим бўлади. Үнга қаноат қилмаса, ихтиёри ўзида! Йўли бўлсин... Гап шу!... деб, Мойбосарнинг сўзини чўрт кесиб ташлади-да, ранги ўчиб, қовоғини согланича ўрнидан турди.

Мойбосар нима дейишини билмай, бир мудҳиш хабар эшитгандай, нимадир айтмоқчи бўлган эди, Абай:

— Қўйинг, бас қилинг шу блан. Бу менинг ўз ишим— қариндошлар корчалонлик қилмай қўяқолсин, аралашманг!— деб жеркиб, Мойбосарни оғиз очгани қўймади.

Шундан кейин Мойбосарга айтмоқчи бўлиб юрган бир гапни бошлади. У Мойбосарнинг хаёлига келмаган бошқа бир гап эди.

Абай оналарининг уйига келаётганида, йиғлаб юрган Бойсугирни кўрган эди. Болани юпатиб, етаклаб келаётган Боймағамбет Абайга Мойбосарнинг қилиғидан арз қилган эди.

Хозир ўша гап Абайнинг эсига тушнib қолди:

— Дарвоқи' менинг ҳам сизга айтмоқчи бўлиб юрган битта гапим бор. Қаттиқ ранжиб, азобланиб айтаман. Бойсугирни нега урдингиз? Ҳаёт блан ўлим ўртасида ғарип бўлиб отаси ётипти. Умуман бу овулнинг молбоқарларини нега урасиз?!— деди.

Абайнинг ранги ўчиб, ғазабидан тутоқиб бораётган эди. Лекин Мойбосар бу гапларни парво қилмагап бўлиб:

— Оббо, қўйсангчи энди! Молбоқарлар, чўпонлар ошиниб кетади. Тавбасига таяниб турсин. Ҳечқиси йўқ!— деб, аҳамиятсиз қолдиришга уринди.

Абай яна тутоқиб, қаттиқ-қаттиқ гапирабошлади:

— Йўқ, бекор айтибсиз, ошинмайди молбоқарлар. Қайси ҳол, қайси аҳволига ошинади? Икки кўзини чивин талаб ётган шўрликларда ошингудек ҳад борми? Бир эмас, икки эмас, ҳа деб бу овулнинг устида қамчи ўйнатверманг!— деди.

Мойбосарнинг шу йил ёз бирнеча бор молбоқарларни савалаганини эсига олган эди.

Мойбосар бўлса бу блан ҳам паст келмай, гап талашмоқчи бўлиб турганда, Абай гап бермай, тўкиб солди.

— Нима! Сиз ҳукм юргузадиган етим гўдакларнинг овулими бу, ўзимиз ҳам бормиз, ёш бола эмасмиз. Бундан буён тинч юринг! Уриш у ёқда тўрсин, турта кўрманг кўшниларни. Энди биронтасини чертманг. Бўлмаса, хафалашиб қоламиз. Қаттиқ хафалашамиз. Үнда мендан гина қилманг. Бугун Бойсугирни урганингиз ўзимни ургандан қаттиқ тегди. Билдингизми?.. Гап шу!— деди-да кетаверди.

Абай меҳмонхонага қараб кетди. Мойбосар бу ерда дамини чиқармай қолган бўлса ҳам, сиртдан бу овулдаги ўйин-кулгига хотима беришнинг чорасига киришган эди. Абайнин оналарининг Ҳузурига чақирирганда, ба'зи меҳмонларга ҳам одам юборган эди. Сугирнинг ўғли Ақимқўжага Мойбосарнинг ўзи: «овулда мирза йўқ, кўпчиликнинг кўнгли ғаш, Ақимқўжапинг ўзи ҳам биладику. Бу овулни қиз-қирқинга бёқости қилдиравермай, ўзи бош бўлиб тарқатсан», деб ётиғи блан айтдириб юборди.

Гўзал Умитей Ойғизга сингил ҳисобланади. Қора Ботир элидан Эскўжа деган бойнинг қизи эди. Үнга Ойғизнинг ўзи опаларча бўйруқ қилиб: «энди бас, овулга жетсин» деб айтиб юборди.

Мойбосар блан Ойғиз шу тахлитда Абайнинг меҳмонлари тагига сув қуяётганиларини Абайга сездиришмади. Меҳмонлар ҳам кетиш ҳаракатига тушиб қолганиларининг боисини бир-бирларига айтишмади.

Овулдаги қўни-қўшнилар, молбоқарлар, бола-чақаларни Абайнинг уйига йўлатмай, зириқтириб юрган Ойғизлар Абайга билдирмай шу снігарн ҳаракатларни қилишди.

Шундай қилинб, Абай қайтиб келганда, кўп ўтовлардаги меҳмонларнинг отлари эгарланиб, кермаларда семиз-семиз югуриклар, бели бақувват йўргалар, пишқи-

риб турган катта отлар боғлоқлик турган эді. Кумуш безакли әгар-жабдуқлар, әгарнииг устига солинган хилма-хил кўрпачалар овулнинг олдини яшнатиб туради. Абай меҳмонларнинг бирданига жўнашига ҳайрон бўлса ҳам: «Эртага кетадиган Биржон тиниқиб олсин дейишаётган бўлса керак», деган хаёлга борди-ю, бошқа ма’но бермади.

Абай уйга кириши блан, сўнгги косалардаги қимизларни ичиб бўлган меҳмонлар хайрлашиб, Абай блан Биржонга сўнгги марта миннатдорчилик билдириб, ўринларида туришиди.

Тўп-тўп бўлиб, теварак-аврофга тарқаб кетаётган меҳмонларни Абай, Биржон, Эрбўл, Айгеримлар эшикка чиқиб кузатабошлишиди.

Энг олдин бир тўп бўлиб Сарикўл, Қапа томонга қараб Акимқўжа блан Керимболалар кетишиди. Уролбой ҳам улар блан бирга кетди. Умитейни олиб асқиячи, хушчақ-чақ йигит Мирзағул блан Пушантой томонга қараб Амирлар кетишиди. У, жўнаш олдидан Абай блан Биржонни ўз овулига меҳмондорчиликка таклиф қилиб кетди. Эртага жўнайдиган Биржонларнинг қўниб ўтишига шу овлу қулавай эди. Унинг таклифи Абайга ҳам ма’қул тушди. Ўз овулларида яна бир кеча меҳмон қилиб жўнатишни кўп ўринли бўлади, деб билган эди.

Яна бир тўп Болболалинг тўпи эди. Отини аллақачон әгарлатиб қўйган бўлса ҳам, қай томонга боришини билмай ўтирга! Бозорали, Айгерим келиб, Керимболани отга миндираётганда, юраги узулиб қараб турди-да:

— Во, дариғо! Лайлосидан айрилган Мажнуннинг куни қурсин! Менинг ҳам отимни келтиринглар! — деди. Эрбўл уни ҳам отлантириди.

Бозорали Болболага эргашиб, ёнма-ён кетаётганида, Абай уйининг олдидаги ҳалиги сўнгги сўзларини эшитиб, қараб турган бир совуқ нигоҳли қизғончиқ кўз ҳам бор эди. У Қулуншоқнинг «Беш қашқалари»дан бири — Монос Ойғизнинг уйида ўтирган Мойбосарни чақириб чиқди-да, номус ва кекка тўла бир гап гапирди.

— Бозорали Болболага оғишта бўлиб юрган эмиш, деган гапни эшитиб, бизнинг Тўрғай эли ич-нчидағи гижиниб юрган эди. Ша гапларнинг, ўша ишнинг ҳақиқат эканлигига бугун кўзим етгандай бўлиб турипти, Мойака... Айрилиққа тоқат қилолмаганидан, апа, Анет эли-

га кетаётир. Унашиб қўйган қизимишни йўлдан уриб кетаётир, кўрдингми?.. «Эрни номус ўлдирав» деганлари-дек, мен ҳам тинч ётмайман. Қизни айтдирган куёв бизнинг Бесбесбой деган инимиз, ботир, чапдаст йигитлардан. У ҳам ўзини оёқ ости қилдириб қўймайди. Гапим шу. Хўш, Қовменпинг мана бу тўнг бўйинни нима қилсан бўлади, а?— деди.

Ранги оппоқ бўзариб кетган, сабри чидамаганидан қамчи ушлаб турған қўлининг узун-узун бармоқлари қалтираётир.

Мойбосар Бозоралининг Нурғоним блан гап-сўз бўлиб юрганини шу йил эшишиб, пайт пойлаб келаётган эди. Кўзлари кулимсираб, бурун катаклари женгайиб, ранги ўчиб кетди-да, жавобини қисқа қилди:

— Ҳозир тегма. Фақат кечаси кут. Болболанинг осто-насидан буёққа ҳам чиқадику. Онт омонсиз, жон гумон-сиз деб, ҳудо оёқ-қўлини бойлаб, бор гуноҳини гарданига ортиб бергани шу эмасми? Хўш, мана Бесбесбойнинг бор, Бешқашқанг бор, ҳайиқсаларинг сенларни ер ютсии дейман. Үндан кўра ўлганларинг яхши, билдингми?— деб. Моноснинг кўкрагига туртди-да,— бор!— деди.

Шу кеча Борлибайдаги Қунанбой овулидан теварак-атрофга тарқаб кетаётган тўп-тўп ёшлар, зич ўрнашган бирисча юз овуллар ёнидан, «шамалоқдек» қалин халқ ўртасидан ўтиб бораётганларида, эркин, гўзал куйларни куйлаб кетишиди. Гоҳ булбулга ўхшаб куйланадиган «Жийирма бес» эшитилар. Гоҳ ғазабли кинояга тўла куй—«Жонбўта» янграрди. Дам шўх, ўйноқи, жозибадор «Жомбос сийпар» қулоққа чалинади. Қалқиб кўтарилиб, дар'ё тўлқинидек атрофга тарқалиб кетаётган, асл Биржоннинг ўрнаги блан сан'ати. Сари-Орқанинг ўша олиб келган туганмас хазинаси гоҳ янграб Амир, Уролбойларининг овози блан чиқади. Гоҳ тўлғониб, товланиб чиқаётган ингичка, лекин шу қадар кучли, йироқларга тарқалиб эшитилаётган, нозанин Болбона, серзавқ гўзал қиз Умнитея, зебо Қеримболаларнинг хониши блан сирини баён этади.

Эркин орзули куйларнинг ҳаммаси: «Эй ҳаёт, ҳаёт сени севаман! Сан'аткор ўланчи қаддингни ростла, қаног қоқ. Созли кечада нозли кўнгил сирларини очаётир. Озод, асл, чин қалблар дардини изҳор этаётир» деяётгандек бўлади. Ба'зан: «қайлардасан, мени кўр, топ мени, қадрли ёр, азиз қора кўзим!»—дейди.

Пешонамдан кўрайин ушлаб олса..
дэяётган қиз қурбон бўлишга қанчалар тайёр!

Сен эсимга тушганда эй қарогим,
Йўртайнин оч бўридай тоғ ёқалаб.

дэяётган, ўт-оловдек йигит қандай! Ёки:

Оқ бўз ўтов сиртида отландириб,
«Хўш, жонгицам» деганинг эсдан кетмас —

дэяётган вафодор йигит қандай!

Оқ дийдоринг кўрганда болқидим-ай

дейдиган юрак нафаслари тўлқинланарди! Нақаротларида бўлса: Қора кўз «Ойим», «Маш’алим», «Ягона шодлигим», «Сабрим қолмади» деб, юрак-бағри узилиб бўарди. Жонини фидо қилгудек бўлиб, ҳаёти, борлиғи блан сўнгги нафасини ошиқ ёрига бағишлаб чин кўнгилдан новқиронлик дуоси айтилаётир.

Тилдан бол томган, ловуллаб ёнган ёшлик алангалири Тўбуқти яйловларининг шу ғамгин кеч қоронғилигини чақмоқ сингари тилиб-тилиб ўтаётир. Биржон шу элининг ба’зи ёшларига келтириб берган дил куйи, сезги нури шу эди.

Шу кеч, Анет элига юз тутган Бозорали, от устида куйлаб келаётган Болболанинг қадди-басти, сарвдек бўйи, хипча белидан кўзини олмайди.

Шу кеч, Керимбولا блан Үролбой бирлашиб, гўзал бир куйни куйлашди. Узи куйлашни билмаса ҳам борлиғи блан куйни севучи Ақимқўжа — Керимболанинг акаси, йўл бўйи иккита моҳир ўланчини куйлатади.

Шу кеч, сутдек ойдин, сирли кечда, кўп ҳамроҳларининг қуршовида келаётуб Амир блан Умитей созини қўшади.

Шу кеч, зўр сан’ат, та’сирли куй блан видо’лашиш кечида, уйда қолган Биржон блан Абайнинг мажлисида яна Айгерим куйлади. У аввало:

— Мен айтдим-ку, бўлди-да энди. Мени қўйинг, Абай! Биржон оғамнинг ўзларидан эшишиб қолайликда! — деб бирнеча бор ўтиниб кўрди.

Айгерим куйга диққат қилиб, берилиб тинглаш блан бирга, ўзи ҳам айтишни севар эди. Қулоқ солиб ихлос блан тинглайдиган, куйни англайдиган одамлар ичида

айниқса рухланиб қанот қоқиб, жон-дили блан куйлар эди. Сұнгги ойлар ичидә ёнида Абай қулоқ солиб ўтира, куйлаш ўша Абайдан олган илхоми, оромбахш шодлик алангасига ўхшарди.

Биржон блан Абай бирга қулоқ солаётган чөгларда ўша икковига атаб, күйнинг ҳар түлқинида бор ихлоси, бор ҳұрматини бағишилаб айтаётгандай бұларди. Сақар өғида, ўз новдасини тоғиб құнған, ўзи туғилиб ўстап ошиён олдидә биттан гулларни маджлаётган ошиқи-шайдо булбулу, құмрилардек навозиш қиласы.

Лекин, бу кеч у күйлагиси келмай астайдил тортина-ётган эди. Чунки кундузи катта уйда Абайга айтилған корозилик, кечга томон бунга ҳам айтилған эди.

Абай Айгеримни аяб, кундузи бұлған гапларни айт-маган бұлса ҳам, уннинг ўзини Ойғиз блан Диңда чақи-риб олиб, күп совуқ, оғир гаплар гапиришди. «Бу гаплар Абайға кор құлмаса ҳам кattаларнинг сенға айттаётган маслағати ерда қолмаслиги керак» деб, ўртага олиб ўтириб, уннинг қашшоқ Бойшұра әлининг қизи эканлигидан тортиб, то ҳозир қандай мартабага эришиб ўтирганинча юзига солинган: «Құқрагингни керма, оғеңингга қараб бос.., құзингни очиб қара, кимнинг елкасига чиқмоқчи бұла-стырсан!» дейиңшган эди. Айгеримнинг бир умр хәелига келмаган, уннинг табиатида бұлмаган такаббурлық деган туҳматларни ҳам юклашди. Айгерим құзига жиқ-жиқ өш олган ҳолда дам мұзлаб, ранги ўчиб, ёниб сұнғандек, ўтга тушиб чиққандек бұлған эди. Үндаги одоб блан тарбия, Абайнинг дүстлігига аталған соғ қалби, яна күйни ғоят севиши— ўзини оқлад бирор оғиз бұлса ҳам сүз қотишига йўл қўймаган эди. Айгерим бирор оғиз сүз қотмади. Күйда нима гуноҳ. Айниқса Абайнинг буйруғи блан айтган, соғ күнгил, севги блан шодлик орқасида айтган пок, беғубор куйларида гуноҳ йўқ. Бу куйларни болалик өғида овудида, камбағал ота-онасининг уйида айтганида, ҳечким гуноҳкор қылған эмасди: зўравон овул куйга ҳам зўрлигини, кattалигини қиласы экан. Шуни англади-ю, индамай қўяқолди. «Абай айтдираётир-ку!» деб ўзини оқлагуси ҳам келмади...

Лекин унга ғоят қаттиқ теккан, асти эсидан чиқмайдиган даражада хўрлигини келтирған: «Биз — бой овулмиз, сен — оқсоғчикка лойиқ қашшоқсан. Бу оталик-ўрдалик овул. Сен уннинг чўпонлари, хизматкорлари чиқадиган овулдан чиққансан, йўлинг ингичка бўлиб, яли-

ниб-ялпоқланиб юр. Бошингни қуи солиб юр. Товушинг чиқмасин. Бундан ортиғи ошинишлик бўлади. Бу ердагилар сен тенглашаман дейдиган одамлар эмас! — деганлари бўлди. Айгерим адолатсизлик, қўпол шафқатсиз зўрликнинг кучини кўриб қайтди.

Қамчисидан қон томган, хиёнаткор овулнинг Айгеримни қаттиқ чўчитган мудҳиш қиёфаси шу эди.

Лекин Абай блан Биржон ҳам, бугун кечқурун шу уйга келиб ўтирган қайниси Үспон ҳам, Эрбўл ҳам Айгеримнинг айтмаганига қўйишмади.

Айниқса, бир сўзлик ўжар Үспон, янгасининг олдига ёнбошлаб келиб:

— Ҳой, Айгерим, кечагина тушган келиннинг сўзни ерга ташлашини қайси ота-бобонгдан кўрган эдинг? Буюрамиз! Айт, жонинг борида! — деб, барча янгаларини аямай, буйруқ қилиб, ўз сўзини ўтказиш одатини қилди.

Айгерим ноилож кўниб, томонини қириб олди-да, куйлайбошлади.

Бир-икки оғиз куйлади, Биржон блан Абай, синовдан ўтаётган шогирднинг куйлашини тинглашаётгандек, диққат қилиб қулоқ солишли. Айгерим ёз бўйи Биржондан ўргангап бутун куйларнни ўзлари буюриб, бир-бир айтдиришиди.

Лекин Айгерим ҳозир ўзининг синовдан ўтаётганини ўйлаб сиқилаётгани йўқ. Ҳали кечқурун эшитган, иззатнафсига тегадиган туртки жароҳатини ҳис этаёттир. У зўр дағал кучнинг адолатсизлик блан қилаётган зўрлигини ҳозир ҳам бор пок қалби блан сезиб, ич-ичидан хўрлиги келаёттир. Лекин шуни англаган сайин Абайга яна ҳам бағир босади. Шунчалар қувонтирган қалби тўла алангали севгиси бўлган ёрини жони-тани блан берилиб сенади. Авваллар ҳеч сезмаган, бу йўсун чуқур миннатдорлик блан севиш алансини айниқса бугун очиқроқ ҳис этади.

Абайнинг ҳам ўз кайфиятига ҳамоҳанг вазиятда, ошиқ-ма'шуқлардай алнга отиб, иштиёқ блан севиб ўтирганини англайди. Куйлаётгандан икки томондан икки турли та'зийқ ҳис этган сайин, кўнгли ҳам бу оромбахш хисдан яна ўсгандек бўлади. Бир томонида оғу ётса, уни оёқости қилиб, пастга уришга тиришаётган куч ётса, иккинчи томонида ўша аламли дардларни Абайдан ҳам яшириб, ҳам унга ўз садоқатини намойиш этдириб куйлатаётган куч ётарди.

Айгеримнинг қўшиғи, унинг қўнгироқдек жаранглган тиниқ овози катта уйларга етиб бориши блан шу ондаёқ Қалиқа юборилди.

Бениҳоят маккор, ғоят уста, яна бу овулнинг бутун сирини, ички ивир-шивирларини, оғуси блан заҳарини яхши биладиган кекса овсин, Айгеримнинг ўтовига индамасдан, гезарид кириб келди.

У, ўзи пайдо бўлиши бланоқ: «Айгерим тушунар, тўхтатар» деб, ўйлаган эди. Айгерим фақат куй орасида ўрнидан туриб, юқоридан жой берди-да, Ўспоннинг ҳалиги бўйруғига биноан яна куйлайверди.

Қалиқа Айгеримнинг ўланини бир оғиз тинглар-tingламас, ўзидан пастроқда ўтирган келиннинг сонини қаттиқ ўймалаб олди... Айгерим куйни узмади. Лекин, мана бу та'зийқ жонидан ўтиб кетди. «Енбош сийпар»нинг сўнгги бандини икки юзи ўтдек ёниб, қипқизил бўлиб тамомлади-да, кўзларидан мунчоқ-мунчоқ ёш тўкиб юборди. Қалиқанинг орқасида, панада ўтиргани учун унинг кўз ёшларини ҳечким пайқамади.

Қалиқа сезди-ю, лекин парво қилмади, аксинча ўшқиргандек қилиб, секингина:

— Бас қил... кўп ошма!..— деди.

Шунинг блан Айгерим куйлашини бас қилди. Сўнг Биржоннинг дўмбираси жарангллаган садо чиқарди. Оға ўланчининг ёқимли, баланд овози янграб кетди. Куй парвоз қилиб, яйлов кечасининг юлдузлар блан тўла ёрқин кўкига кўтарилиб турди...

Шу кеча, Анет эли ичида, шу Биржон куйларининг кучли та'сири остида бир алоҳида воқиа рўй берди. Бу ҳодиса Бозоралининг бошида бўлди. Қош қорайган вақтда Болболанинг нозик белидан қучогини ёзолмаган Бозорали балоғатга етган қизининг овулига бориб тушди.

Чин кўнгилдан Бозоралини севиб ҳурмат қилган Болбола ҳам ундан айрилгуси келмай:

— Бозеке, бугун менинг меҳмоним бўлинг!— деб, бирга олиб келган эди.

Болболанинг отаси вафот қилган эди. Овулга бош бўлиб қолган катта акаси уйда йўқ экан. Бозорали қиз блан бирга уйга кириб борганида, Болболанинг ўзига ўхшаш оғир табиатли, оппоқ паҳтадек, қизил мағиздан келган кампир онаси бироз ўнғайсизланиб қолди. Чой қўйиб юборишга буюрди-да, қизини ёнига чақириб олиб, астагина:

— Жоним болам, бу нима қилганинг? Унашиб қўйилган Тўрғай эли бўлса, ит ҳурса эшитиладиган жойда-я. «Уйга аллакимларни нега бошлаб келади» деса нима дейман? Қора ерга кириб кетаман-ку!— деди.

Саботли, сабрли Болбола, оппоқ тишларини кўрсатиб жилмайиб қўйди-да:

— Ола, «оз кунлик меҳмонимсан», деб эдинг-ку! Токай яйраб-яшина б юраверар дейсан. Бош боғлиқ бўлиб, Тўргайингизга ҳам борармиз, жони чиқмас, Бозеками қайтиб кетақолинг дейишга қандоқ кўнглим бўлади... Ташвиш тортма! Яхшилаб кутиб меҳмон қилиб юбор!— деди.

Шундан кейин қўзи сўйилиб, қозон осилиб, уй ичи жонланиб кетганида, Болболанинг руҳи кўтарилиб, очи-либ-ёзилиб ўзининг эни яхши қўшиқларини Бозоралига бағишлаб куйлаб ўтириди. Унинг очиқлиги, ҳазилкаш, ўйинқароқлиги Бозоралини энди бутунлай ўзига асир этди. Йигит Болболадан минг тасаддуқ бўлиб ўтириди.

Гўзал қизнинг онаси блан уйи бўлак янгаси кўп илтимос қилганларидан кейин, меҳмон йигит Бозорали ҳам кўп ўланлар айтиб берди. Ўтирганларнинг ҳаммаси ўйин-кулги, ҳазил, асқияга аралашди. Бу кечада бемалол ўтказилган кўнгилли кечага айланди.

Ётар пайтда она, Болболанинг ша'нига бирон доғ тушиб, бадном бўлиб қолишини ўйлаб, қизини янгасининг уйига юборди да, Бозоралига ўзининг катта уйига ўрин солиб берди. Бундай қилишига яна бир сабаб, кечқурунги ўтиришда бу уйга одатда келиб-кетиб юрмайдиган, эсликкина болалардан бир-иккитаси келиб-кеттан эди. Булар Тўрғай элининг, Қулуншоқ овулининг болалари. Ҳўқизга мингашиб, киши билмас бўлиб келишди. Устибошлири ҳам юпингина, қўзи боқучи болаларга ўхшайдилар. Келишларининг боиси ҳам ўринли. Кундузи қўшилиб кетган бўлмасин, деб «мол излаган» киши бўлиб қўзиларини излаб келишди. Лекин, булар «қўзидан» кўра уйдаги меҳмонга, ўтирганларнинг чиройига, бўлаёттан ўйин-кулгига кўпроқ диққат қилишди. Ҳийла устомон болалар эканлигини кампир дарҳол сезиб, яхшилаб кутиб жўнатган эди.

Бу болалар қўйининг ичини оралаган бўлиб, мол кузатучилар блан гап сотишиб, ярим кечагача кетмай, шу ерда ўралашиб юришиди. Фақат Болболагина уларни сезмай, меҳмонини катта уйга ётқизиб, ўтовнинг тундигини

• ёпиб, ўзи бошқа уйга бориб ётгандан кейингина «қўзи боқучи» болалар кетишган эди.

Чала ярим ечиниб ётган Бозорали, тун яримдан оқсан пайтда бир амаллаб катта уйдан чиқиб, Болбола ётган ўтовга кетди. Ой ҳали ботмаган, дала сутдек ойдин. Сурранг ўтовнинг тундиги ёпиқ. Овулда кузатучилар ҳам, итлар ҳам жим-жит бўлгани учун, йигит у ёқ-бу ёққа қарамасдан тўғри бориб, қиз ётган ўтовнинг эшигини очабошлади. Шу онда, ўтовни пана қилиб, яшириниб келган бир давангидек, қопқора киши Бозоралининг елкасидан ушлаб:

— Тўхта!.. Бу ёққа юр! — деб қолди.

Монос экан. Бозорали шошиб қолмай, ранги ўчиб, ялт этиб совуққина бир назар ташлаб, таниди-да:

— Ҳа, Монос, сен эдингми? — деди.

— Моносманми, толосманми¹, униси блан ишинг бўлмасин, юр бу ёққа,— деди зарда аралаш заҳарханда қилиб астагина.

— Оббо, худо ургурей... бор, йўлингдан қолма!..— деб Бозорали парво қилмай қутилишга уринди, Монос бўш келмади.

— Болболани бутун яйловга шарманда қилмайман десанг қайт орқанга! Йигит бўлсанг, ҳеч бўлмаса қизнинг обрўйини тўкма! Бўлмасам, худди шу бўсоғанинг ўзида фавро кўтараман! Юр бу ёққа!— деди.

Бозорали бошини чайқади-да, орқага чекинди. Иккови ҳам ўтовдан йироқлашиб, уйининг орқасига ўтиб бориша-ётган эди, шу тобда, ўша ердаги бир туп тол тагидан уч йигит чиқиб келди.

Улар тўрт киши бўлиб, Бозоралини ўртага олиб, турткилаб овулдан четга олиб кетнинди. Бир йигит бориб Бозоралининг эгарлоғлик ҳолда катта уйининг орқасида қантариғлик турган семиз кўк отини ечиб келди.

Шундан кейин қўлга тушган йигитни ўз отига миндириб, ўзлари ҳам ирғиб отларнга қўниб, бир гала бўлиб Тўрғай овуллари томон олиб кетишиди...

Овулдан четга чиқиб олгақларидан кейин Бозорали:

— Бўшат энди, сенлар ҳам бўй етиб ўтирган келинингни бадном қилма. Эртага эл-юртлинг оғзиңга тушиб, гап-сўз бўлиб кетади,— деб, дўқ қилиб кўрди. Моноснинг ёнидаги Кўшпесбой блан қолган иккита йигит қулоқ ҳам

¹ Т о л о с — тадаш, можаро.— Ред.

солищмади. Кўшпесбой Болболанинг бўлажак қайниси эди. Ўзининг акаси Бесбесбой, Моносларга ўҳшаган у ҳам Алломишдек йўғон гавдали, полвон, сўйил тутишга ҳам моҳир азаматлардан эди...

Огулдан йироқлашиб кетгунларича Монос ҳам, у ҳам Бозорали блан қисқа-қисқа бўлса-да, сўзлашиб боришиди. Огулдан бутунлай йироқлашиб олганларидан кейин, тўрт йигит бирдан имлашиб олди-да, тўсатдан ёпирилиб, Бозоралини қамчи блан савалаб кетишиди. Отининг тизгин чилвиригача билакларига маҳкам ўраб ушлаб олишган эди. Шундай қилиб, Бозорали кўп калтакланди. Ўша кечка тўндан ҳам, отдан ҳам айрилди.

Эрталаб, Мойбосар Ойғизнинг уйида ўтириб, Абайнини қиртириди. Абай келганда, бу ерда Мойбосардан бошқа яна: Бозорали, Эрбўл, Ойғиз, Нурғонимлар ўтиришган эди...

Мойбосар ҳам бу уйга ҳозиргина келган бўлса керак. Абай ҳали уйга кирмасданоқ, эшикда Ўспондан Бозоралининг калтакланганини эшишиб, дили оғриганича уйга кириб келди.

Бозорали иккови бир қарашдаёқ бир-бирининг кўнглини англағандек бўлишиди. Кайфиятни билишиди. Сабабини айтишнинг ҳожати ҳам йўқ эди. Фақат Бозоралининг ўнг юзида қамчининг изи қипқизил дое бўлиб, кўзга ташланиб турарди. Шу қадар гўзал, олийжаноб, нор йигитни шунчалар ғариб аҳволда кўриш — Абайга фоят аянчли бўлиб, номусига тегадиган ишдек оғир туюлди.

Мойбосарнинг кўнгли ундан эмас. Оқи-оқ, қизили-қизил бўлиб, шодлигини ҳам яширмай, сайраб сўзлаётир. «Қандай урди, қанча урди?» сингари саволларни завқ блан берарди. Батафсил эшигиси келарди. Бозорали ғазабини ичига ютиб, ранги ўчган ҳолда ўтиради. Мойбосарга ёритиб жавоб ҳам бермади. Шунга жини отланган Мойбосар мана бу ўтирганларнинг олдида, айниқса яширип сири бўлган Нурғоним олдида йигитни ер блан яксон қилмоқчи бўлиб бир шум қилиқни ўйлади.

Шинграйиб Бозоралига қараб туриб, мийигида кулиб қўйди-да, ажаб бўлти деяётгандек қилиб:

— Бозем дейман, қамчи юзингга ёмон текканга ўхшайди-ку! Тўрғай обдан қутурипти-да, а? Қирғий бўлиб бошингта қўниб, нима қилмоқчи ўзи? — деди... Шу дамгача тортиниб, ма'юс ўтирган Бозоралининг тўсатдан ранги ўчиб, юзида номус ва ғазаб акс этган ҳолда ялт этиб Мойбосарга қаради-да:

— Ҳа, Тўрғайнинг Тўрғай бўлмай, қирғий чиққапили энди билибсан-да?! Аввало орқангга қўндириб чўқитга! ўзинг эмасми эдинг? Сенинг орқангга мингандан кейин, менинг бошимга қирғий бўлиб қўнимайдими? — деди шартта. Бор жароҳатни осонгина силкиб ташлаб, аламдан чиққандек ҳузур қилиб қаҳқаҳлаб кулди.

Унинг гапи ўтиргацларга ҳам кор қилиб, умумий кулаги кўтарилиди. Мойбосар гўё бошига бир мушт тушгандек, оғиз очолмай, чарс этиб тескари қараб:

— Оббо, тилинг тутилгур аблаҳ-еї! — деб, уялганидан ўзи ҳам кулиб юборди. Абай ҳам ҳузур қилиб, шодлиги ичига сиғмай кулганича:

— Асл Бозекем, ана шунаقا тифдек тилинг бор-да, сендан қозоқнинг қамчиси эмас, милтигининг ўқи ҳам ўтмас! — деди.

Бу овул Биржонга ўхшаш бегона меҳмонларга Бозоралининг сирини билдирамасликка тиришди. Шунинг учун Абай тезлик блан Бозоралига эгар-жабдуқ ҳозирлатиб, отга миндириб юборишни ўз зиммасига олди. Ойғиз блан Нурғонимга қараб:

— Бозекенгга чопон, камзил, бошига тумоқ кийдиринглар,— деди...

Бозорали жўнаб кетаётган пайтда, Абай буюрган эгар-жабдуқ, отга қўшимча қилиб, Нурғоним янги бир яхши тўн келтириб ўз қўли блан Бозоралининг елкасига соларкан, одамлардан бир нафас холи топиб:

— Қадрингга ачинаман, Бозекем, фақат, нега ўз бошингни буичалик кор қилдинг? Юрак-бағримни ёндиридинг-ку! — деди...

Уша куни, тушдан кейин Биржон Қунанбойнинг катта овулидан жўнаб кетди. Кеча Амир блан Умитей меҳмонга айтиб кетган эди. Бугун бу меҳмонлар ўша ерда бўлишмоқчи эди.

Биржон жўнаш олдидан Улжон уни ўз уйига таклиф қилиб, дастурхон ёзисиб, фотиҳа берди-да, сафарининг бехатар бўлишини тилади. Шунинг блан бирга Ойғиз, Нурғонимларга буюриб Биржоннинг олдига тўққиз-тўққиз блан сарпо тортиди. Биржоннинг ўзига ўз қўли блан катта кумуш тойтуёқ тортиқ қилди. Ёнидаги ҳамроҳларига хуржун-хуржун мовутлар, баҳмаллардан совға-саломлик буюмларни берди.

— Бизнинг овулга келиб, катта оғалар, кичик иниларни сан'атингдан хўп баҳраманд қилиб кетаётисан. Қа-

даминг етган жойга шикаст етмасин. Сан'атинг, қадри-
қимматинг ортсин, чироғим. Бизларниңг ола, янга бўлиб
сенга қилган ҳад'ямиз шугина, рози бўлиб қайтгин!...—
деди.

Бу уйда Биржон ҳам кўп раҳмат айтиб:

— Ўғил-қизингизнинг эгилигини кўринг. Марҳаматли
она, овулингизда, элингизда кўрган иззат-ҳурматим ҳеч-
қачон ёдимдан чиқмас, худо рози, мен рози,— деб, кўп
ҳурмат блан Улжон ва Ойғизларнинг қўлини қўш қўлн
блан олиб хайрланиб чиқди.

Абайнинг ўзи Биржонга бир саман йўрга берди. Ун-
дан кейин ҳамроҳларига ҳам семиз отлардан етаклатди.

Мана шундай қўш-қўш ҳад'ялар блан Биржонлар Пу-
шантойга, Амирнинг уйига жўнаганларида Абай, Эрбўл,
Айгерим ҳам бирга отланди. Амир блан Умитей кетиша-
стганида, Айгеримни ҳам албатта олаборинг, деб Абайга
кўп тайнинлаб кетишган эди.

Шу гап ёдига тушиб, Абай Айгеримнинг торгинишига,
уялишига ҳам қарамай, бирга олиб кетди.

Булар ўша куни кечқурун Қунанбойнинг катта овули-
да, Амир уларга атаб тиктирган уйда бўлишди.

Бу сўнгги кечада ҳам жуда кўп ўланлар айтилди. Ов-
қатдан сўнг Абай блан Биржон яна тонг отгунча суҳбат-
лашишди.

Ез бўйи Биржоннинг ўланларини эшитиб, куйнинг қад-
рига етиб, уни улуғ сан'ат чўққиларидан бири деб баҳо-
лайдиган Абай, ҳаркун жўш урган кўнглининг сирини
ифодалайдиган бир ше'р тўқиган эди:

Тингласанг, тортиб олар
Яхши оҳанг, ширин куй,
Кўнгилга хил-хил ўй солар,
Куйни сўйсанг — менча сўй!..

деб, бошланадиган ше'рини, шу ўтиришда Биржонга
ўқиб берди. Биржон ўз кўнглида Абайнин ғояли, ақли ка-
мол топган йигит деб биларди. Мана бу ше'р унинг савия-
сини, оқин-шоирлик қуввати блан сан'атини ҳам очиқ
кўрсатди.

— Абайжон, сен, куйларинги менда кўп олийжаноб
ҳисларни уйғотди, дер здинг. Сен бўлсанг кийдаги биз-
ниңг ўзимиз пайқамай, аҳамият бермай юрган негизлари-
ни очаётиссан. Эндиғи ҳаётимга кўп бурч юкладингку-а! —
деди.

— Ундаи бўлса, муддаойимиз бир жойдан чиқипти-да,
Биржон оға!

— Муддао йўлида биримиз наридан, биримиз беридан чиқармиз-ку. Фақат сенга айтиб кетсам деганим — сен куйни кўтариб, қадрлаганинг сингари, мен ҳам ше'рнинг биринчи марта қадрига етганим шу десам нима дейсан? Сенга менинг берганим кўп десанг, сенинг менга берганинг, йўл озиғинг қанча эканлигини ўзинг ҳам бир ўйлаб кўр-чи? — деди.

Ез бўйи Абай, Биржондан Урта Юздаги, Арғин, Найман, Кевей, Уоқ элларидаги нотиқ бийлари, бастакорлари, ўланчилари, шоир ва донишмандлари ҳақида кўп эшитиб, кўп нарсалардан хабардор бўлган эди. Ҳозир шуларнинг бири ёдига тушиб:

— Биржон оға, агар сан'атнинг қадрига стабилганимиз чин бўлса, ҳаётимизда фақат юксак ғояларга, ҳақиқат йўлидан олға ундовчи сан'атигина қадр қиласайлик. Турган гап, у ҳолда сиз озчилик қилиб, ёлғизлик тортасиз. Лекин, ана шу эзгулик йўли блан ёмонлик ўртасида мудом кураш кетишини унутмайлик! — деди.

Бу — ҳар иккенинг ҳам топишиб, бир-бирини англашган пайт эди. Биржоннинг Жонбўта блан Азнабойлар бебошлигини ўз ўланларида фош қилиши, унинг эзгулик йўлида қилган ҳаракатларидап бири эди.

Суҳбат шундай масалаларга келиб тўхтаб, ҳар икки илҳомкор қалб бир-бирини англаб, кўнгиллари таскин топди.

Кеч ётган меҳмонлар тушга яқин туриб, нари-бери чой ичишди-ю, тезгиша жўнамоқчи бўлишди.

Отларнинг эгарлаб қўйилганига анча вақт бўлган эди.

Ниҳоят, Абай бошлиқ Биржоннинг барча дўстлари ёркак-аёл аралаш эшикка чиқиб, сол-серийларни қўлтиқларидан олиб, отларга мидиришган пайтда, Биржон сўнгги марта оғаларча бир тилагини ёш ўланчиларга йўллади.

— Амир, ўзинг бошла, Айгерим блан Умитейлар қўшилсин, қани бир «Жийирма бес»ни куйлаб юборингларчи! Мен блан хайрлашганларинг ана шу бўлсин, асл иниларим! — деди.

Үзгача тилак. Лекин Биржоннинг ҳадди сигадигани — чин серийлик, эркалик блан қилган тилаги.

Абай дарҳол англаб, ма'қул кўрди. Ёшлар ҳам баравар куйлаб юборишли. Булар бир-икки оғиз айтгунларича

кўзларини юмиб, хиёл жилмайиб, эриб қулоқ солган Биржон от устида туриб «энди бир нафас тўхтантларчи» деяётгандек ишора қилди. Қундуз жиякли яшил баҳмал телпагини орқага сурниб, ёшлар томон эгилиб, бошини эганича бир куй бошлади. Бу куйни илгари, ёз бўйи айтмаган эди. Армонга тўла, мунгли куйнинг сўнгти банди ҳақиқатни очди.

Эй, бўз бола-эй,
Утди-ку замон-эй,
Хўш бўл амон!..

деб, кулди-да, қандайдир ҳаяжон ичидаги ранги ўчиб кетган Биржон, отининг бошини узоқ сафарга буриб юборди.

Ҳайрон бўлиб, орқасидан тикилганича қараб турган Абайларга багишлаб айтиётган куйини узмай, янгратиб куйлаганича кетаверди. Ҳаммадан олдин фаҳмлаган Абай:

— Бу янги куй!.. Шу ерда туғилган, биз блан хайрлашиб айтилган куй-ку!.. Ҳақиқий илҳом-ку!.. — деб, қизиқиб қулоқ солиб турди.

Абайнинг бу сўзларидан, янги куй туғилиб кетаётганини уқсан Амир, сапчиб юрганича керманинг ёнига бориб, боғлоғлик турган бир ола отга иргиб миниб олди.

— Ўрганиб қолай! Эсимизда қолмаса ачиниб юрамиз! — деди-да, отини чоптириб кетди. Меҳмонларга етиб олиб, ёндашиб кетаверди.

Биржон куйни тўхтатмай тўлқинлатиб, янгратиб, куйлаб кетаёттир.

Абайлар бир тўп бўлиб, ҳамон қулоқ солиб туришипти... Куй бир нафас узилмади.

Эй, бўз бола-эй,
Утди-ку замон-эй,
Хўш бўл амон!..

Йўловчилар йироқлаб кетаёттир... Айгерим, Умитейларнинг қулоқларига куйнинг сўнгги бандлари ҳамон аниқ эшитилиб турипти. Меҳмонлар йироқдаги кўмкўк майса блан қопланган довонга кўтарилиб кетишаёттир.

— Қўзиқўш¹ ерга етиб қолди. Ҳалигача эшитилиб турипти-я, бу қандай товуш! — деб Эрбўл завқ қилиб турарди.

¹ Қўзиқўш — кўзи мадори етгунча юрпб бораоладиган, беш-олти километр келадиган масофа.— Ред.

Мәҳмонар куйлаганича бориб, бироздан кейин довондан ошиб кетишиди.

Уша довоннинг тагида хайрлашган Амир қайтиб келаётир, то у етиб келгунча Абайлар уйнинг ёнидан қўзғолишмади.

Амир куйни ўрганиб қайтди. Яқин етиб келиб: «Эй, бўзбала-эй!» деб, ҳалиги сўнгги бандини бузмай, ўзгартмай олиб келди.

— Бу куйнинг оти нима экан? — деди Умитей. Амир тўсатдан берилган бу саволдан шошиб қолиб:

— Ажабо, э аттанг, отини сўрамабман! — деди.

— Отини ҳали Эрбўл айтди-ку? Қўзиқўш ергача кетса ҳам эшитилиб турипти деди-ку, бу куйга ҳали Биржоннинг ўзи ҳам от қўймагандир. Оти — «Қўзиқўш» бўлсин! — деб, Абай эндигина уйига қараб кетди.

Шу чоғ буларнинг ёнига сирланган қизил хассасинн таяниб, бойвучча Кунке келди. Абай бошлиқ ёшларнинг ҳаммаси одоб блан салом беришиди. Айгерим эҳтиром блан икки букилиб та'зим қилди.

Лекин Кунке бошқа ёшларга қарамай, фақат Абайтагина тикилиб:

— Абай, бу нима қилганинг, чироғим? Кимга ўрнак кўрсатаётирсан? Бизнинг овулдан меҳмон шу тахлитда жўнаганини қачон кўрган эдинг? Кимни бунчалик ошириб, бу қадар бошимизга чиқараётирсан? Бундай енгилтакликини ҳеч бўлмаса энди думбул Амирга берсанг ҳам бўлар эди. Сени эс-хуши жойида, ақллик деб қилган умидим шуми, нури-дийдам?! — деди.

Абайнинг жаҳли чиқиб кетаёзиб, ўзини базўр тутиб олди-да:

— Оббо, опа, фикри-ёдингиз овулнинг, элнинг жимжитлиги-ку. Назокат ва одоб шунда, дейсиз-да. Лекин одоб топилар-ку, куй топилмас! — деб кулиб ёшларга қаради.

Эрбўл блан Амир унинг гапини қувватлаб кулиб:

— Ҳа, чиндан ҳам, одоб топилар-ку, куй топилмас... — деб такрорлашиди.

Кунке ҳўмрайиб Абайга бир нафратли назар ташладида, орқасига бурилиб кетаверди. Амир эпди bemalol кулиб:

— Абай оға, ниятингизга еting! Қўпдан бери энди катта энамни ёнбошга олиб, улоқтнриб бердингиз-да! — деди.

Айгерим блан Умитейлар шу сингари қалтис ҳазилдаи қаттиқ кулиб юбориши-да, уялиб юргурғанларича ўтовнинг орқасига қочиб кетишди. Эрка, эркин ўсган Амир ҳамон энасининг орқасидан қараб тургапича:

— Ҳеч қўймайди-да... бу нимаси-а, куйлаш блан Амир диндан чиқар эканми? — деб шўхлик қилиб, хандон ташлаб кулди.

3

Биржои жўнаб кетиши блан, сал кун ўтар-ўтмас Улжай ичида бир катта ғалаён кўтарили. Бунинг боши яйловнинг жимжит кечаларидан бирида, тўлин ой нур сочиб турган осмонга кўтарилаётган ҳазин нола, нозик тўлқинли куй блан бошланди.

Халқ тоғ бағирларига кўчиб тушаётган пайт эди. Яйловдан икки томонга айрилиб кўчаёттган икки аҳил эл,— Тўбуқти блан Керейга келадиган баримтачилар, ёсқинчилар авж олиб, олди-қочди кучаярди. Ҳар кеча: «олиб кетди», «урниб кетипти» дегани овозалар чиқаверарди.

Мана шундай бетинч кунларда эҳтиёт чорасини кўзлаган Жигитек эли кечалари йилқисини халқ зич ўрнашган ўтлоқларга ҳайдарди. Ша йилқилар Қорашиб, Қавмен овуллари ўтирган Собуқ булоқдан кечки пайт сугорилиб, ўтлоққа ҳайдалганда, қўшни бўлган Қаршиғали ўлкасига яйлатилганди.

Шу сингари олди-қочди кўп бўладиган вақтларда, эл орқа қиладиган азamat, эр йигитлар тоғ отгунча йилқи қайтариб, от устида юришарди.

Ўз отасининг йилқиси йўқ ҳисоби — озгина бўлса ҳам, йилқи қайтаришни баҳона қилиб, бугун Үролбой ҳам йилқичилар блан сирга чиқди.

Бу йилқичилар ичида Қорашанинг кўп абжир, гоят чапдаст ўели Абулғози ҳам бор эди.

У, елиб юрадиган семиз қора-ола отга мишиб, қаттиқ қора сўйилини эгарининг қошига кўндалаиг ташлаб олган. Кулранг чакмонининг ёқасини очис ташлаган ҳолда, кўкрагини ёруғ ой нурига бериб, кичкина тумогининг бир қулоғини ичига қимтиб кийганича Үролбойни гапга солиб, ўзи онда-сонда бир туплаб қўйиб, кўп йилқидан йироқ-лапиб атрофни кўздан кечириб юради.

Йилқининг ёйилиши блан ҳам, атрофни кузатиш блан ҳам иши йўқ, гўё бир туш-тумани ичида кезиб юргандек, ранги кетиб ўзини олдириб қўйган Үролбой, Абулғози-

дек ёши катта яқин оғасига юрак дардларини очиб келарди. Бугун отга миниб уйдан чиққанда ҳам азбаройи бошини қаерга уришини, қандай қилишини билмаганидан, гангид қолганидан чиққан. Унинг ўйин-кулгини, уйқуни унтиб юборганига ҳам анча кун бўлган эди.

Унинг орзу юлдузи учар юлдузdek шу қадар ярқираб учди-ю, мана энди сўниб бораётир. Сўнгани шу-да! Қалбидаги оташин алансини шу йил фақат бир оқшом ўтириб изҳор этган Керимбола оз кунда унинг кўзидан гойиб бўлади.

«Қоракесекдан куёв келади, шу гал келиб олиб кетади», дейишаётир. Энди Үролбой фақатгина дард қучиб, айрилиқ ўтида зор йиғлаб қолай, деб турипти. Дун'ёда бу дарднинг борми давоси? Ешлик ҳаётида ўзга тилаги йўқ. Бошқа тилакларнинг ҳечбери вужудга чиқмай қўяқолсин. Йигитнинг тилаги қисқа, ягона тилаги шу! У фақат Керимбола! Шунинг йўлида қурбон бўлиш. Лекин билагини ушлаб жон бериш. Йўғон ўримли қопқора, узун соchlарини Үролбой ўз бўйнига ташлаб, унинг матол белидан қулоқлаб бағрига босадиган, айрилмайдиган кун бўлса, ундан уёғига бутун олам ўртаниб, келиб уни ютсин! Укинмай, сесканмай беармон кетади.

Үролбойнинг Абулғозига айтган оҳи-зори шу эди. Шу йил кўкламда, Биржон келмасдан бир ой аввал, икки ёни бир-бирларига ўз юракларини очишган экан. Шундан бўён инсон боласига сездирмай, пинҳон тутиб келишаётган экан. Йигитнинг фуссасига чурқ этмай, сир бой бермай қулоқ солган Абулғози, Үролбой сўзини тамомлагач, қисқагина илова қилди.

Абулғози кекса эмандек, қайишмайдиган, ғоят оғир, кескин табиатли одам эди. У аввал Үролбойга: «тўғри-нотўғри» деб, гап қўшмай туриб, бир масалани билмоқчи бўлди.

— Қиз қалай? Сенга ўхшаб унинг ҳам жигаридан урганими?—деди.

— Қиз, «жонимдан кечсам ҳам сендан кечмайман!»—деган эди.

— Ундай бўлса, аҳдни бузганни арвоҳ урсин. Таваккал қилиб тош ют!— деб, гапни қисқа қилди.

Үролбойнинг катталардан маслаҳат сўрагани ҳам шу эди. Тил блан берилган ёрдам бўлса ҳам шу сингари мардонавор кўмакка беҳад қувонли. Эндиликда унинг кўнглини ғаш қилаётган Бозорали эди.

— Бозекем нима дейди? Таваккал қилсам, у қандай қарайди?—деди.

Абулғози бу ҳақда ҳам иккиланиб ўтирмай:

— Қизинг Керимбала бўлса, ўшандоқ нозаниндан: «Жонингни ая»— дейдиган Бозоралими?! Үзининг кечагина оёқ-қўлини боғлатган Болболасичи? Сен ишингни битира-вер. Ундан ўёғига Бозоралигина эмас, бутун Жигитек эли сенга кўмаклашади. Кўмаклашмай қаерга боради дейсан?— деди.

Ўролбой бу маслаҳатни эшитганда, остидаги думи кумуш ранг кўкиш-оқ отига қамчи босиб ўйноқлатди.

Худди шу пайтда бу икки кузатчи¹ йигит Қаршиғали томондаги сўнгги довонга чиқиб қолиши. Отларини тўхтатиб, бир нафас қулоқ солишлари бланоқ Ўролбойнинг қулоғига Қаршиғали томондан ингичка овоз блан чўзиб куяланаётган куй эшитилди. Қўярда қўймай: «қайдасан», деб излаб чорлаётир. Үзилиб, толиб келиб, зўрға эшитилаётган бўлса ҳам нечукдир бир сабрсиз қалб чирқираб чақираётир.

Ўролбойнинг тоқати қолмади.

— Оғажон, мана бу куй мени чақираётир-ку! Қўринг, худди ўша Бўкенши яйловидан, Қаршиғалидан, ана худди Сугирнинг овулидан чиқаётир!— деди. Оти ҳам тиним топмай тепиниб, ёрқин ой нури остида ўйноқлаётир.

— Тўғри, Сугирнинг овулидан келаётир... Оббо, шўрлигей, тилагингга етган экансан-ку!— деб, Абулғози ҳе-ҳелаб кулиб қўйди.

Абулғози хатардан қочган одам эмас. Унинг ҳали Ўролбойга берган маслаҳати ҳам қийналиб, ўйланиб топилган эмасди. У тинчликдан кўра мудом от устида олишиб, ғовға-тўполон кўтариб юришни яхши кўрарди. Шунинг учун ҳам йигитнинг юрак ўтини аланигалатиб, уни киши-кишлатиш Абулғози учун эрмакдек кўринди. Тўғри, агар бирор можаро юз берса, ўз бошини қўриқлаб, четга чиқиб турадиган одам ҳам эмас. Мана бу қора-ола оти блан қўлидаги қаттиқ сўйилини Ўролбой учун ишга солишдан ҳечқачон бош тортмайди.

Ўролбойдек ихтиёри ишқ ўти қўлида бўлган йигит маслаҳат берадиган одамни излаганда, айни маслаҳатгўй ҳам шу Абулғози экан...

Энди ёш йигитнинг тоқати тоқ бўлиб:

¹ Кузатчи — соқчи, қоровул ма'носида.— Ред.

— Айтгап гапингиш чиң бўлса, қани юрингчи бирга борайлик, жон оға! Бахтимми, ёки шўримми, ўшанинг чақираётгани мен-ку! Бўйин тўлғагандан кўра, ерга кирганим яхши!— деди.

Шундай қилиб иккови:

«Қани, юр! Юр!» дейишиб, отларини тепиниб юбориб, қуйига қараб учиб кетишиди.

Ўрлбой бундан хиёл илгари кўнглида қандай нияти борлигини ўзи ҳам айтиб беролмас эди. Ҳозир оқ бўз отининг сур'ати сингари, қуондек сабрсиз, биргина умиди бор.

Унинг тоқати қолмаган қалбига ҳалиги куй фақат Ксиримболанинг қуийдек, шубҳасиз ўшанинг ўзидек туюларди. Ким айтаётганини билмаса ҳам «ўша!» дейди... Отини чоптириб қсларкан, кўз олдида севгилисингинг куй блан тўлқинланётган оппоқ томоғи, нозик бўйни гавдаланиб турарди.

Шу кеч, мана шу амри кучли, қудрати зўр куй бўлмаганда, ҳали бирнеча кун тўлғониб, бундай қарорга келган бўлар эдими! Мана бугун шу куй эшитилди-ю, юрак ўтини аланга отдириб юборди. Зилол сувли, кўмкўк майса блан қопланган бепоён яйлов — Қаршиғали ҳозир ой нури остида ажиб гўзал шу'лаларга чўмилиб, оқиш товланиб турарди. Туш маконидек оппоқ туманга чулгонган. Оқар сувларидан, ўтлоқлардан кўтарилган кўкимтири туман ба'зи овулларни чулғаб, кўздан паналайди. Улканинг баланд ерларига қўнгаи ўштacha овулнинг кўпчилиги ётиб қолган, ўтлар ҳам сўниб, тундиклар ёпилган. Фақат онда-сонда гоҳ у ерда, гоҳ бу ерда мудроқ босиб юрган кузатчилар ҳай-ҳайлаб қўяди. Итлар ҳам ортиқча ҳурмайди.

Ўша мудраб ётган ўлкада борган сайин янграб куй эшитилади. Йигитлар от қўйиб келаётисиб, билишса, аёл киши куйлаёттир... Сугирнинг овули — ўртадаги кўп уйлик овлу. Куй гўё ўша овулга чақираётир.

Лекин ҳар икки йигит Сугирнинг овулига ётиб келиш-гапларида, куй бу овулдан эмас, қўшни овулдан чиқаётганини ма'лум бўлди.

Ўрлбой куйнинг Сугир овулидан эмас, бошқа овулдан келаётганидан умидсанланмади. Чунки яқиндан қулоқ соглан сайин, тўлқинли овози, ўланнинг айтилиш йўлидан Керимбона айтаётганини билди.

Йироқдан чирқираб, чорлаб, ихтнёридан айирган куй унинг қалбини алдамай, севгилисингинг куйи бўлиб чиқ-

қанига ошиқи-шайдо йигит, шукур қилаётгандек, ичида: «қандай яхши ирим», «шу қадар кенг яйловда қанча элнинг ичидан тун кечада қалбинг янгишмай менинг қалбимни топаолганини қара!», деб, Сорлиғи блан Керимболани олқишилаб келаётган эди.

Бевақт отларини тасирлатиб келган иккн йигит, бу овулнинг кўп итлариничуввос солдириб ҳуритди. Шунда ҳам куй сусайиб узилмади. Кўп итлар баравар ҳуриб, овулдаги ўзга товушларни босиб кетишга уринса ҳам, Уролбой Керимболанинг «Жийирма бес» ни куйлаётганини билди. Итларнинг овулни бошларига кўтариб, дунъёни бузгудай бўлиб ҳуришлари мана шу кунларда Керимбала блан Уролбойнинг атрофини қуршаб турган совуқ ҳаётнинг ма’шум нафасига ўхшарди.

Керимбала блан янгаси Қапани қўшни овулдагиларнинг бўй етган қизларидан бири бостонғига¹ таклиф қилиб, «олти боқон аргумчоқ» солишган экан. Боядан бери, ёшлар Керимболани қайта-қайта аргумчоқقا чиқариб куйлатишашётган экан.

«Яқинда узатилиб кетади-ку, энди ёт элнинг одами бўлади-да, новқирон азизим!» дейишиб, ичларидан Керим болани кўзлари қиймай куйишиб, лекин чурқ этиб сиртта чиқаришмай хафа бўлишаётган ўртоқлари, айниқса, янгалари кўп эди. Керимбала блан жуда тотув бўлган, Қападек кўп если янгаси, бугун бошқаларга гал бермай, ўзининг қайнин синглисингагина дарди-ҳасратини арз қилишга эрк берипти. У ўз қўли блан арқонни тортиб, аргумчоқни тебратиб туриб, Керимболага сездирмай ўқтин-ўқтин кўз ёшлирини артиб ташларди.

Уролбой бир лаҳзада пайдо бўлди. Оқ отлиқ, оқ сўйиллик, қадди-қомати келишган матолгина ёш йигит, аргумчоқ ёнига ҳамроҳидан олдин этиб келди. Ўйноқлаб турган отидан иргиб тушганида, Керимболанинг куйи узилди. Ойнинг кучсизгина оқиши шу'ласидан туғилгандек, сокин тун тумани блан нурдан пайдо бўлгандек йигит келди. Фойибдан пайдо бўлган бу хаёлий йигит — тун йигити, куй блан рақобат қилиб, ўзи ҳам куйга айланиб келганга ўхшарди.

Уролбой илдам қадам ташлаб, аргумчоқ олдига келганида, сўзнинг ҳожати бўлмади, фақат кўнгиллари, кўз

¹ Бостонғи — катталар қула тушгани кетганларида, ёшлар йигилишиб қилинадиган ўйин-кулги. Ред.

қарашлари, ҳарбир ҳаракатлари «Келдингми?», «Қўрдимми?» деяётгандек бўлди.

Керимбола ҳечкимдан тортинмай келиб, йигитнинг қўлидан ушлаб, бармоқларини қисди-да, аргумчоқда торти.

Моҳир ўланчиларнинг жуфт бўлганига ҳамма шодланиб, дарҳол аргумчоқдан жой бериши.

«Оқ дийдоринг кўрганда болқидим ан!». —

деб, Үролбой бошлаб, Керимбола тўлқинлатириб қўшилди. Икковининг соғиниш акс этиб турган чеҳраларида ҳаяжон ўйнаб, ой нури остида оппоқ бўлиб кўринарди. Гўё устоз ўланчи, унутилмас Биржон қошлирига келиб: «Қўшилганинг блан қўша қари?» деб йигит фотиҳасини бериб, бутун қийинчилкларни енгишга бошлаётгандек туюлди.

Керимбола блан Үролбой кўп куйлашди. Соғиниишб, зориқиб қолган юраклар сўз блан ифодалай олмайдиган дардларини, сирларини куй блан изҳор этаётир. Ба'зан бирининг куйига иккинчиси қулоқ солар, ба'зан айрилишаолмай, шу оромбахш дамларга тўяолмай биргалашиб айтишарди. Мана шу куй икковини ҳам элитиб, бор ихтиёридан, ақли-ҳушидан айрди... Келажак ҳаётларини ҳам ҳал қилди.

Абулғози бу икки ёшнинг чеҳрасига тикилиб туриб, ҳамоҳанг овозларига кўпгина қулоқ солгач, кўнглидан: «бу икковини фақат ўлим ажратиши мумкин» деган гап ўтди.

Ўзи Акимқўжанинг хотини Қапа блан тенгдошлардек ҳазиллашаверарди. Аслида унинг ёши Акимқўжа блан тенгдош эди, яна кўп қадрдон, тотув дўст ҳам эди. Бир оға, бир янга бир-икки оғиз сўз блан бир-бирларини англашди-да, барча ёшларни ўзлари бошлаб, ўйинга алаҳситиб кетишиб, Керимбола блан Үролбойни холи қолдиришди.

Үролбой Керимболанинг хипча белидан қучоқлаб қисиб туриб, ўзининг шу кеча нима учун келганини айтабошлаган эди, Керимбола гапни чўзиб ўтиrmай:

— Жоним, маш'алим!— деб, йигитнинг юзига иссиқ юзини босди. Икки кўзига жиқ ёш тўлди. Бир нафасдан кейин ёшини ютгандек бўлиб, томоғини қириб қўйди-да, бутун оламга арз қилаётгандек:

— Тангрининг бизни қуриладиган куни, маш'ум кунй ҳам келиб қолди-ку сен блан менинг бошимга! Лекин бир бурдадан қилиб ташласалар ҳам сендан айрилгудек ма-жолим йўқ. Нима учун келганингни тушундим. Қайси куни айтганингда мудҳиш туялган эди. Энди ихтиёр ўзингда... Майли! Бизлар ҳам авлод эдик-ку, арвоҳлар ёр бўлсин, ёrim! — деди.

Ўрлбой ма'шуқасининг оғзидан «ёrim» деган гапни эшитганда ўртаниб кетгандек бўлиб, бағрига босиб ўлга-нича қотиб қолди... Керимболанинг ўзига ўхшаб, чин ошиқларча алангали нафас блан «жоним ёrim» деди, пи-чирлаб.

Шундан кейин бир кунгина ўтди, келгуси кечаси Ўрол-бой ўзи тенги уч ўртоғи блан келиб, Керимболани олиб қоғди.

Икки ёшнинг ихтиёрини олган ишқ ўти буларни ана шунга етказди. Улжай эли бўлса, гўё осмон ёрилиб, устк-га яшин тўкилгандек дув кўтарилиди-ю, ичидан ғалаёни чиқди кетди.

Керимбала кимсан Сугирдек бирталай «ола-қораси» бўлган, минг-минглаб мол ҳайдаган бойнинг қизн. Унашиб қўйилган жойи ҳам Қоракесек элида, кимсан Қамбардек донг чиқарган, дун'ёдор катта бойнинг ўғли. Ӯшалардан бирнеча бор уйири блан сон-саноқиз йилқи олган Сугир энди қизининг оқ уй, олабаргагини тикиб, «орзу ҳавас» блан узатмоқчи бўлиб турган эди.

Бўйей, Суюндикларнинг замонидан буён, шу кунга қадар Бўкенши блан Жигитек орасига низо' ҳам, совуқчи-лик ҳам тушмаган эди. Лекин ёшларнинг мана бу қили-ғи бутун Бўкеншининг ғазабини қўзғотиб, ўртаб юборгу-дек бўлди. Яна унча-мунча Бўкенши ҳам эмас. Келиб-келиб Сугирни-я. Суюндик ўлиб бутун Бўкеншининг жилови шунинг қўлида қолган одам. Кўп йилқисидан «бировга вақтинча фойдаланиш учун», «бировга сов-рин учун» от бериб юриб, Сугир салмоғи зўр бой бўлиб олган.

Шунинг учун ҳам ҳишиниб, босар-туарини билмай гердайиб кетган эди. Сўнгги йилларда Бўкеншилар ора-сida бир муболига юради. Сугирбой саман отга минган одамини кўрса:

«Мана, бу миниб кетаётган от менини эмасми?» дес эмиш,— дейишар эди. Энди ўша Сугирга қарашли Бўкен-шиларнинг Бойгўбек, Жангўбекдек оталаридан тарқал-

ган, сержамоа авлодлар, Бўрссқ, Даликен сингари қўши-ни-қариндошларнинг ҳаммаси бирдек ғазабланди.

Сугирнинг Акимқўжа, Болқўжа, Нурқўжа деган ўғиллари блан ўзи тутоққанида, аввало: «Жигитекнинг йилқисини босиб оламиз», деб бир шайланишди. Қавмснин чопиб ташлаймиз, деб бир дўқ қилишди. Бутун Жигитекка: «Майдонини тайин қилсин, бўлмаса бир кечаю-бир кундуз ичидаги қиз блан йигитнинг оёқ-қўлни боғлаб олдимизга келтириб ташласин!» деб бир дағдага қилишди... Шу сингари, гўё ловуллаб ёниб, ўртанаётган кўпчиликнинг ғазаби гуруллаб, ҳар томонга бир аланготиб келиб, ниҳоят, Бўжейнинг овулига одам юборилди.

Бу кунларда Жигитекнинг аввалги бошлиқлари — Бўжейгина эмас, Бойдали, Тусиплар ҳам вафот қилган эди. Ҳозир элнинг сўзига эга бўлган бир қатор ёш бўғиш этишган. Улар Бўжейнинг болалари: «Жабай, Адил, ундан кейин янги Пари деб ном чиқарган, саботли, ўжар Бейсемби, яна «Қоқбошдан қовурдокли гўпти олади» дейиладиган кўп учар Абдилдалар эди.

Эрталаб хунук хабар тарқалиши блан Бўкеншиларнинг югуришиб бир жойга тўпланишиб, типирчилаб қолишганини қўшни ўтирган Жигитек эли кун бўйи эшишиб, билиб ўтиришганди. Айниқса, бир довонгина айириб турадиган Қорашанинг овули тинмай хабар эшишиб турди.

Айғоқчилар юбориб Бўкеншиларнинг жаҳл устида гоҳ ундоқ, гоҳ бундоқ қилмоқчи бўлиб, ўзаро қилаётган маслаҳатларидан ҳам хабардор бўлиб туришди. Ўзлари билиш блан бирга, ўзга Жигитекларга ҳам қайта-қайта одам юбориб, хабар қилиб туришди.

«Йилқисини оламиз!», «чопиб ташлаймиз» деган гаплар ўша куннинг ўзидаёқ Жигитекларни Бўкеншиларга ёвластириб қўйди. Сон жиҳатдан кўп, унинг устига умрбод бирон жангдан қочиб, қўрқиб ўрганмаган Жигитеклар, ўша куни тушдан кейиниқ сўйил, чўқморларини ҳозирлаб, яхши отларининг ҳаммасини эгарлаб миниб соутабошлашди.

Бўкеншилар бўлса Жигитекларга одам юбориш блан бирга, сал эс-хүшини йигиштириб, атрофдаги холис биродарларга ҳам чопар юборишди. Жигитеклар ҳам Бўкеншиларнинг бу ишидан хабардор бўлишлари блан ўша холис биродарларга қўш-қўш отлар блан одам жўнатишли.

Ҳар икки элниңг: «Үртага түшсин, бир одилона жавоб қиласин» деб, мурожаат қиласигани — Ойдўс.

Улжай учга бўлинганда — Ойдўс, Қайдўс, Жигитек бўлиб тарқаган. Қайдўси — ҳозирги Бўкешилар. Ойдўс бўлса, бу атроф. Тўбуқти ичидা, кучи ма’лум, иши ма’лум — Иргизбой яна Котибақ, Тўпай, Тўрғай бўлиб — тўрт отадан иборат.

Ойдўс деб мурожаат қилган ҳар икки қардош эл Иргизбойлар блан Котибақларга бирдек хабар етказишди. Одамни Қунанбой блан Қулуншоқ овулига юборишди. Котибақ элида бу кўнларда Бойсолининг ўрнига эл сўзига эга бўлган — Жиренше бор эди. Унга ҳар иккита томоннинг чопарлари кетма-кет етиб келишди.

«Ойдўс» деб хабар келганилиги туфайли Жиренше ҳам, Тўпай, Тўрғай одамлари ҳам ўзларича жавоб беришолмади. Иргизбойларга бош қўшиб, Қупанбойнинг овулига келишди. Кечагина Биржон жўнаб кетган Борлибой сувининг бўйидаги Улжон овулига тўпланишди.

Иргизбойларга келсак, бу кўнларда Қунанбойнинг ўзи йўқ эди. Қолган овулларнинг бундай пайтда сўзига эга бўлган каттаси, маслаҳат боиси — Мойбосар блан Такежон. Булар иккови ҳам шов-шув эшитилиши бланоқ «излаб келганлар шу ердан топсин» деб Улжоннинг уйига, Ўскенбойнинг даргоҳига ўрнашиб олишди.

Шунчалар катта ғалаёнга сабаб бўлган икки ёш, бугун тонг отгандан бўёп бирор жой тополмай, сарсон бўлиб юришарди. Аввало Қавмен, Қорашаларнинг овулида қолишининг иложи бўлмади. Булар Бўкеншига яқин қўшни. Сугирнинг ғазабли сўзлари эшитилган сайин тилакдош янгалар, ўртоқлар ёшларни бу ердан йироқлатишни лозим топишди. Айбдор, жавобгар, деб ҳаммадап олдин кўзлайдигани шу овуллар бўлганидан кейин, ҳақиқатда ҳам бу ерда туришнинг ҳисоби йўқ эди.

Бу овулдан сирғилгандаридан кейин Жигитек авлодининг гуркираган отаси, Тўбуқти ичидা катта даргоҳ ҳисобланадиган — Қенгирабойнинг овулини паноҳ қилиб, ўша ерга яширишди.

Кейин Бўкеншиларнинг элчиси тўғри шу ерга тушабошлигани учун бирор бўлмаса, бирор шипшитиб қўяди. «Бўжейнинг покиза уйига эл ғалаёни доф тушкириб қўяди» деб, бу овулдан ҳам сурин юборишди.

Шундан сўнг, ҳозирги ёшлар ичиде обрўйи баланд, сўзи ўтадиган ўткири деб, Бейсембининг овулига силжи-

тишди. Бейсембиннинг овули фақат битта чой ичиришга яради, холос. Шундан кейин Бейсемби: «Эртага мен Бўкенши блан тортишувга тушаман. Тилим қисиқ бўлиб қолади. Бошқа ерга олиб боратуринглар!» деб бу ҳам илиқ-иссиғида жўнатиб юборди. Кечгача шу зайлда туртилиб юрган Ўролбой номусига чидолмай: «Бозоралининг ўзи келсин. Жигарим бор эди деса, шу бугун келиб кўзимга бир кўринсин!» деди. Бу, номус чангалида туриб айтилган қисқа, шунчалар қаттиқ, совуқ гап эди.

Бу гапни эшитган он Бозорали отга минди. Ўнинг ўзи бу ишни даставвал эшитганида ажиг аҳволда қолиб, бир оғиз сўз қотмаган эди. Дуруст деганими, ё чакки иш бўлипти деганими, ма'лум эмас. Қаттиқ ғазабланганиданми? Ёки қандай бўлмасин! «Улсам ҳам чидайман» деб довюраклик блан аҳд қилганиданми? Ҳарқалай, кучли бир ҳис уни бўғиб қўйди-да, шу чоққача дамини чиқармай юрди. Лекин кун бўйи индамасдан атрофдагиларнинг гапига, авзойига зеҳн солиб юрди. Бўкеншиларнинг ҳадидан ошибб, кўпираётганларини ҳам эшитди. Бу бўлакча хабарни Жигитеклар даставвал эшитишганда, бирқанча оқсоқол, қорасоқоллар бўлиб Ўролбойни қаттиқ койингланарини ҳам эшитди. Бугина эмас, ба'зи гуруҳларнинг аввалига: «Бўкенши блан хафалашмаймиз, қардошларнинг юзига қандоқ қараймиз! Иккита тентакни деб, эл ўртасида ғавро кўтармаймиз. Бор айбни йигитнинг устига қўйиб, қизни қайтариб бериши керак» деганларини ҳам эшитди. Шунда ҳам чурқ этмай, жавоб қилмай тинглади.

Фақат, тушдан кейин Бўкеншиларнинг: «Йилқи оламиз, овул чопамиз», «Жигитек блан беллашиб, жанг қиласми» деган дўйлари келабошлагач, Жигитекларнинг ҳам авзойи бузилабошлади.

Авзойи бузилишига биринчидан ўша гаплар сабаб бўлса, иккинчидан — бир тўда ёшларнинг фе'ли-автори сабаб бўлди.

Уларнинг бошлиғи — Қорашибининг ўғли Абулғози эди

У, Ўролбойнинг иши Бўкеншиларга ма'лум бўлиши бланоқ от устидан тушмади. Ҳатто элдан бурун Қеримболани кургани келиб: «Қадаминг қутлуғ бўлсин!» деб, табриклаб ҳам кетди. Бу ишга тилакдош оғаларнинг бошлиғи ўзи эди.

Шундан кейин кун бўйи ҳали чўпонларни — қўзи боқучи болаларни, ҳали бия боқучи йигитларни, ёки Бўкеншига меҳмонга кетаётган хотинларни айғоқчи қилиб юриб,

икки қулоғи Бўкенши томонда бўлди. Бу одамлари фақат ташқи ҳаракатни кузатадиган «сиртқи кўз» бўлса, ундан бошқа бир усталик ишлатиб Бўкеншилардан тушган ўз овулидаги бир ёш келинни эрталаб худди Сугирнинг овулита юбориб қўйди. Уша келин бориши блан Қапани учратиб, кун бўйи Акимқўжа блан Қапанинг уйидаги бўлди. Енида тойга мингандаги бир бола — қайниси Эржон бор эди. Уша болани Қапа блан иккови бирнече бор Абулғозига юбориб, хабар қилиб туришди. Болани бир довоннинг остидаги Абулғозининг чўпонлари тўсиб олиб, қайтариб юбориб турарди. Керимболани Қапанинг ўзи отлантириб юбориб, аzonда Акимқўжадан ўлгунча калтак еди: «Сендан яширадиган сири йўқ. Овулга қасдлик қилдинг!» деб, эри хўп калтакласа ҳам, Қапа қайнисинглисининг сприи очмади. Дамини чиқармай, сир бой бермай таёқни ҳам кўтариб кетди-да, энди қўлидан келганча Керимбола блан Үролбойнинг хизматида бўлмоқчи бўлди.

Бўкенши ҳақидаги муҳим ма'лумотни Жигитекларга етказиб турган Абулғози шу ерда бир чапдаслик ишлатди.

У, аввало Үролбойни оқладиган киши бўлиб келгани йўқ. Ҳамма гангид, Үролбойни ушлаб беришнинг ҳам, Бўкеншига қарши туришнинг ҳам ҳисобини тополмай ўтирганида, Абулғози Бўжейнинг уйига кирди. Оқсоқолқорасоқолларнинг ўртасига тикка кириб борди-да, уйнинг ўртасига бир тиззаси блан чўккалади. Тумоғини олганда гўзал чеҳрасида совуқ бир жиддийлик кўринарди. Бошини жангга тайёр кишидек, оқ рўмолча блан қаттиқ танғиб олган эди.

Гапни у Бўкеншиларнинг сўзи ортиқ тоқат қилиб бўлмайдиган даражага етганлигидан бошлади. «Овулни чопмоқчи, йилқини босиб олмоқчи, майдон тайинлаб жанг қилмоқчи. Энди қизни қайтариб берганда ҳам қутилмайдиган кўринамиз. Бутун Жигитек эли айбли бўлиб, уларнинг қошида бош эгиб тиз чўкиши керак. Ундан бошқасига Бўкеншилар жаҳлидан тушадиган эмас. Энди унга билганингни қил, акажон, эллигимиз қолган эмас. Хор бўлиб қолганимиз, аламдан чиқ, бизни савала, жаҳлдан туш, молимни ол! Мени хотин тенги қил. Чунки менда азамат йўқ. Менда мажол ҳам йўқ. Ер блан яксонмай», дейлик бўлмаса. «Шундай қилиб оёғига бош урайлик» деб Жигитекларнинг иомусига қаттиқ тегиб гапирди. Сўнгра яна жиддийлашиб, ғазаб блан:

— Хўш, шунчалик ер ўпиб ёппасига оёқости бўлгудек нима гуноҳ қилдим ўзи?! Иккита эсини йиғиб олмаган ёшнинг қилган бебошлигими? Шунинг учун эл-уруғликдан, арвоҳдан, аввалги дўстликдан кечадиган бўлса, Бўкеншидан топган қадри-қийматимиз шу эканда? Сенни хор қилишга унинг кўзи қияди ю, нега эпди биз аяб қўянимиз? Ниманг қолди эпди? — деб бор гапини тортина масдан шартта-шартта тўкиб солди.

Шу гапдан кейин, Жигитеклар бир қарорга келмаса ҳам, энди иккиланиш, мулоҳазага боришни йиғиштириб, гапни бир жойга қўйиниши. Чунопчи: Бўкеншилар ўзини қандай тутса, булар ҳам шунга қараб иш туталиган бўлишиди. Ҳозир Жигитек жавобгар эл, шунинг учун уларнинг ҳаракатига қараб иш тутишдан дурустросқ чора йўқ. Ҳозирча Бўкеншидаи узр сўраб, айини бўйнига олиб бўйсунмайди. «Агар Бўкенши яхшилик блан мумомала қилса, яхшилик блан уларнинг кўнглини олиш керак, ёмонлашадиган бўлса, гинаси ўзида — бориб оёғига йиқилмаймиз!» — деб, гапни шунга тўхтатишиди.

Бозорали бу маслаҳатни ҳам ўз қулоғи блан эшишиб, яна дами ичида кетганди.

Тунаб ўтгудек жой тополмай юрган айбдор иниси блан янги келиннинг олдига кетаётганида, бутун гапсўзларни батафсил эшишиб кетган эди.

Ўролбой блан Керимболани кечга яқин уч-тўрт уйлик кичкинагипа камбағал бир овулга олиб келишган эди.

Харобагина уйнинг эгаси — ёш йигит Бўкембой булардан чўчиб, ўзини четга олмади.

— Жоним сендан азиз эмас. Шу ерда туравер! — деб, озгина улоқларидан биттасини сўйди.

Бозорали шу уйга келса ҳам, Ўролбой блан ортиқча сўзлашмади. Уни бўлса мутлақо сўзлатмади. Фақат Керимбона икковига:

— Эл кўзинга тентак бўлсангиз ҳам кимсасиз, паноҳсиз эмассиз. Гуноҳкор қилганда қаерга борарди элинг? Оғирлиғингни кўтармайман, деса ҳам кўтаради. Бўлар иш бўлди, фақат ўқинманглар. Беридирмаймиз!.. Бермайман, ёнингда ўзим бораман. Ҳабар олиб тураман! — деди.

Шундан олдин, ўзи шундай қарорга келгандан кейин туш оққан пайтида Абайга хат ёзиб одам юборган эди.

Оғалик, дўстликни ўртага солиб, «бўлар иш бўлди. Бош қўш, тортинма, қўргон бўл. Ишчувалиб кетаднган бўлса, ўзинг қози бўл» деб юборди.

Абай бу хатни олган пайтда ёнида Эрбўл блан Амир бор эди. Йикковига маслаҳат солаётгандек қилиб:

— Қани энди, бунга биз нима дер эканмиз? — деб қўйди.

Айниқса Эрбўлни назарда тутаётган эди. Ушанга қараб:

— Бўкенши — ўзинг бўлсанг, Жигитек — жигаринг. Уларнинг ичидаги Үролбой блан Керимбола бўлса тенгдошларинг, ёш дўстларинг. Энди шуларни сарсон-саргардон қилиб қўйиладими, бу қандай бўлади, Эрбўл! — деди.

Эрбўлнииг ўзи ҳам шу ташвишда эди. У:

— Бу ишда, энг оғири холис қардошларнинг фе'ли-автори бўлади. Ҳали уларнинг гапи бир ердан чиқақолади дейсанми, Абай. Бундай пайтларда ғовғони босиш ўрнига тулкилик қилиб, ишни чалкаштиручилар кўп бўлади. Мана бу икки ёш, можаро чиқаришга қулай баҳона-ку. Қўлингдан келса бости-бости қил. Бу ҳақиқий дўстнинг иши! Менинг фикрим шу! — деди.

Абай дўстидан беҳад миннатдор бўлди. «Бўкеншиман» деб уронга учётгани йўқ. Абайга «сеп одам бўлиб олий-жаноблик блан иш тут!» деяёттири... Яна гаплари чуқур ўйлайдиган одамнинг ма'ноли гапи... Эрбўл ҳақида ичидан: «Бу гап чин инсоннинг, мардларнинг гапи. Аслида Элбўл бора-бора элнинг энг э'тиборли одами бўлади-да!» деб қўйди.

Амир ўзига гап ташланган бўлмаса ҳам Эрбўл сўзини тамом қилиши блан, гапни илиб кетди. Абай Эрбўл ҳақида хаёл суриб қетганидан унинг гапининг бошини англайломай қолди. Энди қараса оқ кўнгил, ўтилик-шудлик ёш йигит:

— ... Үролбой блан Керимболадан бирор нарсани аяшимиз уят. Ҳар жиҳатдан кўмаклашиш керак. Қоракесек эли кўп бўлса молини олар, хунини олар... Қараб турмасмиз, ахир... Менимча, ҳозир минарлик от, сўйиб егудек мол юбориш керак! — деди.

Абай астагина кулиб, бош эгди-да:

— Бир қараб тургандা, бунинг ҳам дуруст маслаҳат Ҳозир сенинг қўлингдан ундан ошиқ ёрдам ҳам келмайди. Замондош дўстларинг њеч бўлмаса шу сингари марҳа-

матингни кўрсий, Амир. Бошқаларга довруқ қилма! Ўрол бой блан Керимболага қиласидиган ҳалиги ёрдамингни сенигина ўз номингдан юборавер!— деди.

Уйда бўлган ўзаро маслаҳатдан кейин Абай Улжоннинг уйида йиғилиб ўтирганларнинг олдига борди.

Бу вақтда Ойдўснинг ҳарбири отасидан келган мансабдорлари қимиз ичиб, қизишиб ўтиришган экан. Ҳозир тўр ҳам, гап ҳам Мойбосар блан Жақипда. Уларнинг ёнида қипқизариб, бўртиб, кайфи чоғ бўлиб онда-сонда кулиб, гап қистириб қўйиб Такежон ўтирипти. Қотибақ элиздан келган Жиренше ундей эмас, анча нашқи паст кўринади. Тўплай элининг одами Бозор ҳам унча очилиб сўзлаётгани йўқ. Лекин Тўрғайнинг одами Додонбойгина, Мойбосар, Такежонларга ўхшаб хушчақчақлик қилиб, нимадандир курсанд бўлиб, бир гапириб ўн кулиб ўтирипти.

Абай аввало индамай, ўтирганларнинг авзойига зеҳн солди. Тўрт ота Ойдўсларнинг иккитасининг кайфи бир хилда-ю, иккитасиники бир хилга ўхшайди. Абай яна бироз синчилаб қараб ўтириди да, Мойбосар блан Жақибга қараб:

— Хўш, мана бу икки қардош ўртасидаги ғалаёнга бу ўтирганлар — холис қардошлар нима демоқчи бўлаёттири? Ойдўс номидан жавоб қилиб, Бўкеншилар блан Жигитекларга одам юбордингизми, йўқми?— деди.

Аввало Жақип қисқагина жавоб бериб:

— Йўқ, юборганимиз йўқ!— деган эди, Мойбосар гапини илиб олиб:

— Нима деб юборамиз одамни? Қошки бир битимга келтиринглар, дейишаётган бўлса. Униси ҳам, буниси ҳам «сўзимни қувватла», деяпти-ку? Қайси бирини қўллаймиз?..

— Шундай қилиб, холис қардошлар ҳеч нарсадан хабарсиздек, индамай четга чиқиб қараб ўтироқчими?

— Қараб ўтирақолмас... нега қараб ўтирсин?

— Демак, икки эл ўртасидаги низо' кучайсин, деб ўтирган эканмиз-да?

Абайнинг саволлари терговдек бўлиб, ўтирганларни беинтиёр бўйсундириб борарди. Уйдагилар бошқа гапни йигиштириб, мана бу тортишувга қулоқ беришли.

Ҳозирча Мойбосар гапдан қолмай:

— Бу бало, тутоқиб кетай деб турган ёнғин эмасми? Унга ҳозир ҳечқандай сўз кор қилмайди. Аксинча ўтни пуллаб олдириш бўлади.

— Э, ундоқ бўлса, ҳамон чиқадиган ўт экан, чиқиб бўлсин, деб ўтирган эканмиз-да...

— Жаҳл олдин, ақл ксийп дейдилар. Аввало Бўкеши хўп ошиб, тошиб бориб, ғазабини тиядиган бир ҳолатга етсин. Ёнгин чиққандан олдидан бориб ўчирилмайди, орқасидан бориб ўчирилишини ўзинг ҳам биласан-ку! — деди.

— Шуни ҳам «элнинг тинчлигини, аҳиллигии ўйлаш» деб билсак керак! Мен ўртага тушаман, синиғингни ямайман, ҳозиқ бўламан. Броқ мени аралаштириш учун аввалио балога хўп бот... Кўпроқ ўртан» дер экансиз-да, а?.. — деди. Энди Абай жуда аччиғланган эди. Жиренше блак Бозор: «Тўғри, шу гапинг ма'қул» деяётгандек, диққат блан тинглаб, сўнг:

— Шуни айт, бу тахлитда чурқ этмай ўтиришларини мен ҳам тушунолмай турган эдим. Жонкуярлар бундай қилмаслиги керак эдику!.. — деди Жиренше азбаройи куюнганидан.

Аслида у Жигитек блан Котибақ ўртасидаги дўстлик-нинг бузилишига рози эмасди. Бўжей, Бойсоллардан қоғлиб келаётган дўстликни муқаддас сақлашни ҳозирги бошлиқ — Жиренше ўз бурчи деб билар эди. Тўпай бўлса азалдан қардошларнинг шу сингари уруш жанжал, ҳийла-найрангларига аралашмас, тўғри одил туришликни ортиқ кўрарди. Мана шу икки отанинг авлоди келганидан буён Мойбосарни тортиниб, четланишидан қайтаролмай, яна кўиглидаги гапларини очиқ айтольмай туришган эди. Абайнинг сўзлари очиқ сўзлашишга қамчи бўлди. Шу жиҳатларни яхши тушунган Такежон, Абайнинг терговга олишидан норози бўлиб ўтирган эди.

Абай ҳали булардан койиб: «Қардошларнинг тинчлигини кўзлаш ўрнига, низо' ёнгинини ёқучилар бор» деганида, у жеркиб:

— Ёнгин-ёнгин дейсан! Бунинг тўғри, ёнгин. Броқ ўша ёнгинни биз бошлаб, биз ёқдик демоқчимисан ўзинг? Ўйлаб қаралганда, ёнгин энди чиқмоқчи эмас — илгари чиқиб бўлган-ку! Уролбойнинг блан Қеримболанг ёқмадими? Ким ёққанини билмайсанми! Еки: «Куй» деб, «ўйин-кулги» деб бутун бир ёзи санқиган эдинг, энди ширикларингнинг айини ёпмоқчи бўлаётисанми? — деб, кесатиқ аралаш эрмак қилиб кулди.

Абай кулмади, шунингдек хижолат ҳам тортмади.

— Э-э айбдор топилди, дегин!.. Айбдор — куй экан!.. Куйни севган мен эканман-да! Уролбой блан Қеримбона

менинг овулимда күйлапти, ўшандан экан-да!.. Ундай бўлса тинчлик, тотулик вақтида Жигитек блан Бўкенши ёшлиарининг сенинг овулингда ичган қимизини, еган қўйипи ҳам айбдорларнинг қаторига қўшамизда! Сана, санайвер!— деб, бироз қаттиқ тикилиб турди-да, яна жаҳли чиқиб, қаттиқ-қаттиқ гапирабошлади.

— Ўртадан низоҳи кўтариб ташлашга ярамай, тўғриси хоҳламай бекинмачоқ ўйнаб ўтириб айбдор топиш! Эмини қилмай, эпини қилиб, баҳона топишнинг пайдада ўтирибсан-ку ҳамманг!— деб Иргизбой тўпнии ерга уриб, сўзинн тамом қилди.

Сўнгги йилларда қардош эллар ўртасида Абайнинг анчагина э'тибор топиб келаётгани шундай пайтларда билинарди. Ҳарқандоқ гапни кўзни ўйиб, бошга муштлағандек гапиради. Яна дарғазаб қози, одил бийлардек қаттиқ жеркиб чўрт кесиб гапиради. Ҳозир олишиб кетиб яна ўша одатига кўчганда, Мойбосарлар жим бўлиб қолишиди. Абайнинг олғирлиги, юз амри яна одиллиги тарозини босиб кетди. Мойбосарлар йўлдан, сўздан ечгилди. Лекин шунда ҳам бу ўтиришда Абайнинг айтгани бўлмади. Иргизбойларнинг ҳаммаси бир томон, ёлғиз Абайнинг ўзи бир томон бўлиб чиқди. Ойдўслардан бунинг томонига — Жиренше блан Бозор ўтди. Озчилик эмас, икки катта отанинг одами Абайга эргашди. Лекин икки отанинг одами қарши чиқди. Буларнинг ичидаги элининг одами Абай томонга эмас, Мойбосар томонга ўтиб кетишига кек сабаб бўлди. Жигитекларнинг ичидагуноҳининг каттаси Бозоралининг бўйнига тушишини сезган Додонбой қайси куни Болбода важидаги фараз блан ичидан:— «Ажаб бўлди», деб қўйди.

Шу зайл келишолмай, Ойдўслар гапларини бир жойга қўйишиб, ана у икки элга киши юборишомлади. Шундай ҳам: «Фалокат улғайиб кетиб, эл қон тўкишадими» деб қийналётган Абай, ўз ҳолича Сугирнинг овулига одам югуртируди. Эрбўлни юборди.

Абай, холис қардошларнинг саломи блан илтимосларини Сугирнинг ўзига, Акимқўжага йўллади. «Лашкар ишга солинмасин, ишин оғирлаштириб, қадрдан дўсти Жигитеклар блан низо'лашмасин, эм топайлик. Фақат жароҳатни улғайтирмайлик. Кўпчилик Ойдўснинг ўтинчи шу!» деб юборди.

Лекин Абайлар бехабар қолипти. Ойдўслардан Бўкеншиларга борган аввалги хабар бошқача экан. Мойбосар

кўпчилик олдида Бўкеншидан келган одамга Ойдўс номидан очиқ бир жавоб қилмай, дудмол жавоб қилгани блан, холи ерда сўзлашиб. Сугирга зимдан: «Жигитекни ая масин, салмоғини солаверсин, тортинмасин. Ойдўс тен-такларни қўлламайди. Бугун одамини олдириб ўтирган Бўкенши блан бўлади» деб юборган экан.

Мойбосар блан Такежон бундай яширин саломни текинга айтган эмас. Алоҳида сўзлашганларида Сугирнинг одами бу икковига бир айғир уюри блан йилқи ва'да қилган. Иккови қабул қилиб, Ойдўсни сотиб, ҳалигидаи ва'ла бериб юборишган эди.

Шу тахлитда қўлтиққа пуркилган сув усиз ҳам ғазабига чидолмай турган Сугирга қамчи бўлиб тушди. Чунки жаҳл устида турган Сугир бошқа сўзлар орасида фақат шунигина уқди. Яна бу сўзни Ойдўс бамаслаҳат айтиб юборган деб ўйлади.

Абайнинг саломи бундан анча кечикиб келди. Бу чоғ, кундузи Жигитекларга юборган элчилари Бўжейнинг овулига келиб, зўравонлик қилиб: «Қиз блан йигитни ҳозир олдимизга сол, қўлимизга бер, бўлмаса олишадиган майдонингни тайин қил!» деб ўтириб олишган эди.

Абулғози киришганидан кейин Жигитеклар бундай қилишга кўнмади. «Бу — қардош элнинг эмас, ёвлашашётган араз элнинг гапи. Элнинг шохини синдирма, келиширадиган сўз олиб кел. Ҳаммамиз бирга ўтириб маслаҳатлашиб, бирга давосими қилдиган сўз олиб кел. Ана у—аҳилликнинг сўзи бўлади. Бу ишларинг қора куч, зўрлик. Жигитекни оёқости қилиш. Итнинг эгаси бўлса, бўрикнинг тангриси бор, бу нима қилганиларинг? Фақат шу галгина бўлмаса, илгари Жигитек Бўкеншидан бунчалик жазо кўргудек нима ёмонлик қилган эди? Бизлардан тутув, бизлардан аҳил қардош борми эди? Орадан қил ўтмайдиган аҳилликни бир жаҳлга сотмайлик. Кечагина шу авлодларнинг ғамини еб доимий дўстлик, тотуликини бизларга мерос қилиб қолдириб кетган Бўжей, Суюндиқ, Бойдалиларни ўйлайлик. Бўшенишилар сўзини ўйлаб айтсан!» деб, Бўкеншидан келган элчини шундай бир жавоб блан кечга томон қайтармоқчи эди. Бу гал Бўкенши томондан элчи бўлиб, ўша Бўкеншининг ҳозирги ёш бўғин амалдорларининг бошлиғи Кунту деган барваста бир йигит келган эди. У, жўнаб кетиш олдидан Жигитекнинг ўзи қатори янги бўғин бошлиқлари Жабай, Бейсемби, Абдилда уччовини бир четга чақириб олиб:

— Бу жавобларингга Сугирни кўндираман деб айтадилмайман, у тутоқиб ўтирипти. Балони бошладинг, биродар. Айтмадинг дема!— деди.

Бу гапдан Жабай бўшашаёзид: «Хой, тўхта-чи, бу нима деганинг ўзи? деб юборди.

Кунту сиймосида совуқ бир сабот акс этган ҳолда қопқора ўтили кўзларини қаттиқ тикиб:

— Шундай деганим!— деди.

Жабай сир бой берса ҳам, шу кунга қадар бундай хавфдан юзпана қилиб, ҳайнқиб кўрмаган, сўзамол, шаддот Абдилда тап тортмай:

— Хой, Кунту, тарозига сен блан мен тушай деб турганимиз йўқ. Арвоҳ блан эл тушиб турипти. Улардан каттаман деб, уларни хатлаб ўтаман деса, Сугир ҳам худодан топар!— деб, гапни чўрт кесиб ташлади қўйди.

Мойбосардан келган хабар у бўлса, устига устак Жигитекларнинг жавоби бу бўлди. Қиз блан йигит ҳам йўқ. Гуноҳини бўйнига олиб, узр сўрайдиган Жигитек эли ҳам йўқ. Ҳалиги гапларнинг ҳаммасига —«тил ёғламалик, бўлмағур қуруқ гап» деб баҳо берилди.

Шу бўлди-ю, Сугир бақирнб-ҳайқириб, ўтбошлии савалаб, Бўкеншининг арвоҳини чақириб жазаваси тутди кетди. «Минг кўк ола отимни номус йўлига тикдим, борйўғимни сочдим, бердим қўлларингга! Фақат шундан ўчимни олиб бер!» деб, катта бой ёмоиликка юз тутди. Оти ҳам, сўйили ҳам тайёр турган Бўкеншилардан юз йигитни юз бўз отга миндириб шом пайтида Жигитекка қарши жўнатди. Евликка отлантирди. Уларга:

— Жигитек мендан одам олиб кетди. Моли-дун'ёси блан аламдан чиқмайман. Босиб олингган одам ўрнига одам олинисин. Менга ҳам Жигитекнинг жони ачидиган қилиб бир одамини, бир келишини тортиб олиб келинглар!— деб юборди.

Абайнинг саломи мана шундай ҳаддидан ошган босқинчилар жўнаб кетгандан кейин келган эди. Сугир Эрбўлнинг гапларини дамини чиқармай ўтириб батафсил эшитди-ю жавоб килмай, сўррайганича қотиб қолди.

Бўкеншидан босқинчиликка кетган йигитлар босиб бориб, ишни кўнгилдагидек қилиб келишиди. Жигитеклардан Жопо деган йигитнииг яқинда тушган гўзал, нозанин рафиқаси бор эди. Бошидан лаккиси тушмаган ўша келинчакни қўрқитиб, ўтини ёриб тортиб олишиди. Овулни босиб, янчиб борган юз йигит, овулдаги одамлардан бирон-

тасини қимирлатмай, келинни зўрлик блан кийинтириб олиб кетишиди.

Ўша кеча Бўжейнинг овулида ётган Бейсемби, Абдилдаларга бу хабар бориши блан жаҳл устида кескин бир қарорга келишиди.

— Қариндош деб, ғафлатда қолиб юрган эканмиз-да, ёт эканмиз-ку! Қирғин қиласман дегани-да, бу. Қани тур, сен ҳам отлан! — деб Абдилда Абулғозига буйруқ берди...

«Куч йиғиш, эс-ҳуш йиғиш» деб ҳаяллашмади. Жигитекларнинг газаби энди бўғзига келган эди. Улар шовқин-суронсиз, бир ўшқиришнинг ўзида гезариб, кўкариб кетганга ўхшарди. Сўз қотучилар кам, ҳамма илдам ҳаракат блан ҳозирланмоқда.

Бироздан кейин булардан ҳам Абулғози бошлиқ юз йигит шайланиб, тун ярим бўлар-бўлмас Бўкенши элига қараб от қўйди. Улар тонг отар-отмас қайтиб келганларидан, йилқига ҳужум қилиб мол олиб кетишимади. Булар ҳам одам олиб қайтишиди. Бўкеншининг э'тиборли йигитларидан, шу йил уйланган Сўлтабой деганинг ҳали бошидан лаккиси тушмаган хотинини босиб олиб келишиди.

Бу кечаки Бўкеншида ҳам, Жигитекларда ҳам от боқарлар, кузатчиларгина эмас, бутун эл уйқусиз ўтказди.

Сўлтабойнинг хотинини босиб олиб кетганлари эшитилиши блан Бўкеншининг бутун яловларидағи кечаси яйлаб юрган бор йилқи овулга ҳайдаб келтирилиб, кун чиқар-чиқмас отлар ушланди. Белида белбоғи бўлган Бўкенши борки, ҳаммаси қўлига сўйил, наиза, ойболта олиб, отга қўниб, Сугир овулига тўпланди. Худди шу пайтда Жигитеклар ҳам шу сингари чўғдек бўлиб, босиб бориш, жанг қилишга ҳозирланиб туришган эди.

Шундай қилиб, қуёш наиза бўйи кўтарилиши блан Жигитек элига қарашли — Сарикўл блан Бўкенши элига қарашли — Шалқар ораси. Сувук булоқ блан Қаршиғали ораси куролли лашкар блан лиқ-лиқ тўлди. Дам ўтмай яшил тепаликлар, ямияшил дала, тоғ бағирлари туташ жанг майдонинг айланди.

Еши олтмишдан ошиб, етмишга бориб қолган Сугирнинг ўзи ҳам қўлига наиза кўтариб жангга чиқипти. Лашкарлар бир бетма-бет келиб олишаётган пайтда, Жабай блан Бейсемби унга дуч келиб қолди. Чол наизасини уларга ўқталиб югурди. Жабай ёнидагиларга:

— Мана бу чол қонига беланиб ўлмоқчи бўлаётир. Қўл тегизманглар! — деб буйруқ қилди.

Лекин Сугир тақаб келиб, найза урадиган бўлиб қолганда, Жабайларни мудофаа этиб, Жигитекнинг бир йигити ўзини қалқон қилиб қолди.

Сугир наизани ҳалиги йигитга уриб, учирив тушнрдида, олдинга интилди.

Лекин «яша ҳалигини ўлдириб қўйиб, хунига қоламанми?» деган хавф остида ҳалидан ҳали орқасига қайрилиб қараб, кетаётган эди. Олдидан лоп этиб Бейсемби чиқиб қолди, Сугир энди наизани унга ўқталди. Бейсемби олишмади, фақат наизани ушлаб олмоқчи бўлди. Сугир шунки фаҳмлади шекилли, наизасини Бейсембига тутқазди-ю, орқасига қарамай қочиб қолди. Шошиб эсидан адашмайдиган, ҳеч нарсадан тап тортмайдиган Бейсемби ҳандон ташлаб кулиб юборди-да:

— Кўрдингми бунинг қилиғини, кўрдингми?! — деди наизашин тик кўтариб Жабайга кўрсатганича: — ана у йигит ўлиб қолгудск бўлса, ҳали бутун гап ўртага ташланганда «мен урганим йўқ, наизамни Бейсемби юлиб олган», дейишлик учун наизасини менга тутқизиб кетаёттири!.. — деди.

Бу — жангнинг бир жойида... Бошқа жойларида қанча-қанча одамлар ярадор бўлиб қонига белашиб, отдан қулавб, майиб бўлаётган эди.

Жигитклар блан Бўкеншиларнинг кўп азамат, полвон йигитлари ҳам бирнече бор бетма-бет келиб олишишди. Айниқса бугун ботирлик блан маҳоратда кўзга кўрингланлар: Жигитклардан — Абулғози, Бўкеншилардан — Марқабой бўлди. Гавдаси бир қучоқ, ҳар сони бешикдек кела-диган, ёши энди ўттизга борган, юзи ялпоқ, ола кўз, қопқора Марқабой — чин баҳодирона ғайратга эга. Узи Тўбуқтига ма’лум тияполвон, яна донги чиқсан мечкай эди.

Бугун шу Марқабой қайта-қайта от алиштириб миниб, қанча-қанча йигитларни отдан учирив юборди. Узи ҳам хўп сўйил еди. Бошнининг соғ ери қолмай, ёрилган бўлса ҳам писапд қилмади.

Тушга қадар чўзилгап бу жанг, ҳали-бери тўхтайдиган эмас эди. Ярадор бўлган, майиб бўлган жангчиларни ҳар икки томон ҳам ёв қўлида қолдирмай овул-овулига олиб кетаётган эди. Икки қардош эл қипқизил қонга беланаётганди. Бу ишдан хабардор бўлган Ойдўс тушга яқин беҳисоб лашкар блан майдон устига бостириб келди-да, икки томонни ҳам босиб қўйди. Жақиб ҳайқирганича Ойдўс шомидан буйруқ қилиб:

— Ким тўхтамаса, айб ўшанда! Энди тўхтамаганинг — бизларни ҳам ўзингга ёв қиласан! — деб, уларни ноилож тўхташга мажбур қилди.

Олишаётган ҳар икки томон чор-ночор жангни тўхтатиб, эл-элига қайтабошлиди.

Ойдўс тўпи ўртада туриб олиб, икки тараф ҳам тарқаб кетгунча кутиб турди. Ҳамма тарқаб кетгандан кейин, тўпи блан Жигитек томон қайрилмай, Бўкеншига қараб кетишди. Бу жигитеклар учун ёмон аломат эди. На иккига бўлинмай, на холис эллардан биттасига қараб кетмай, Ойдўснинг Бўкенши томонга юз тутиши «Озор топган шу, шунинг ёнида бўлайлик» деганими? Еки «айб буларда эмас, шуларнинг ёнини олайлик» деганими? Ҳар ҳолда бу иш кўп Жигитекни ташвишга солди. Ойдўс тўпи блан Сугирнинг овулига тушадиган бўлгандан кейин, Бўкеншининг кўп лашкарлари, шу атрофдаги ўз овулларига тарқалиб кетишди.

Қирғин-қиёмат жанг бўлаётганига қарамай, бу элларда ҳамиша бир мақтаниб, эрмак қилиб кулиб айтиладиган қизиқ ҳикоя ҳам дув-дув гап бўлиб юради. Бугун Жигитеклар Сугир тўғрисида бир афсонавий эртак тўқишиган бўлса, иккинчи биттасини Марқабойнинг бир шўхлиги тудирди. У, атрофини қуршаб, шодланиб, унинг блан фахрланиб келишаётган бир тўп йигит блан Далекепиниг овуллига келиб тушди. Уша срдаги овулларнинг бирида ёз бўйи уни ошиқи-шайдо қилиб юрган қизи — Қундуз бор эди. Қизнинг ҳам унга кўнгли бўлгани блан, онаси қизини қаттиқ тежаб-тергаб, олти ой ёз Марқабойни овуллига яқин йўлатмай қўйганди.

Марқабой бугун мана шу бесаранжомликни ўша тила-гига баҳона тарзида фойдаланмоқчи бўлиб, йигитлари блан қизнинг қўшниларидан бирининг уйига тушди-да, ёнидаги бир-иккита ўртоғига: «Сенлар Қундузниң онасини ўртага олиб, гапга тутаверинглар!» деди.

Жойлашиб ўтириб олиб, қимизга қониб кўпириниб гапга тушиб кетишган пайтда, Қундузниң онаси — қопқора, бужмайган кампир ҳам шу уйга кириб келди. Йигитлар уни гапга тутабошлиди.

Гап чортаңг келган пайтда, Марқабой сурғилиб чиқди-ю, отилиб Қундузниң уйига кириб борди. Эшиги кўтариб қўйилган ўтовнинг ўртасида катта қозонда иримчик қайнаётир. Қундуз ёлғиз ўзи кашта тикиб ўтирган экан.

Қиз гап очиб, жаңг ҳақида савол берабошлаган эди, Марқабой унга дурустгина жавоб ҳам қилмади. Боши-нинг ёрилиб-ёрилиб ётганини ҳам унуди. Фақат, қизга ёлвориб қучоқлаб олди. Қиз сесканиб, иргиб туриб кетди. Марқабой Қундузни әркига қўймай, чирмашиб туриб кст-тиб, томоғидан ўпганича қотиб қолди. Қиз қутулишга уриниб тиپирчиласа ҳам қўймай, қаттиқ қучоқлаганича тураверди. Шу онда ҳалиги бало камлир, унинг уйдан чиқиб кетишидан хавф олиб, дик этиб туриб ўз уйига келди. Қизни қучоқлаб, ўпиб турган Марқабойга:

— Ҳой бўйнинг узилгур! — деб, ҳайқирганича югурди. Марқабойнинг қулоғига гап кирадими, қизни қучоқлаб ўпганича турипти. Кампирнинг қони қайнаб, яна қичқир-ганича қозондаги иссиқ чўмични юлиб олиб, Марқабойнинг каттакон чеълакдек ялангбошига тушириб қолди-да:

— Вой, қуриб кетгурей! Бугун еган таёғинг камлик қилдими? — деди.

Шундан кейингина Марқабой қучогидан қизни бўша-тиб юбориб, эшикка уриб кетди. Марқабой шу «чўмич егани»ни ўртоқларига ўзи айтиб берди. Ўша куни бутун элга шундай ғалаён устида шу сингари бир қулгили гап ҳам тарқалган эди.

Ойдўснинг Бўкеншиларга қараб кетишининг жони бор экан. Жигитекларни бебош деб айблаб, Бўкеншиларнинг айтганини қилдирмоқчи экан. Яна ёлғиз Абайдан бошқа бутун Иргизбой, Тўргайлар шу ерда. Котибақ, Тўпайлар ҳам шу ерга келишган. Жиренше блан Бозор кеча тунга-ча ҳам Абай блан бирга бўлишди. Эрталаб Жигитеклар босиб бўришиб, Сўлтабойнинг хотинини олиб қочишди, дес-ганиларидан кейин: «Булар холис қардошларни ҳам пи-санд қилмаймиз дейишаётган эканлар-да. Бўкенши-ку аччик устида Үролбойнинг тентаклигига яраша бир ўрин-сиз иш қилинти. Лекин, қаерга борар эди? Сабр қани? Бироз чидаса, холис қардошларнинг ҳам тили узун бўл-мас эдими? Энди ишни ўзи расво қилди. Үролбой блан Керимболага қутулгудек йўл ҳам қўймади. Уларнинг ҳам шўрини ўзлари қуритишли. Энди ўша қизни қайтармай илож йўқ!» деб, Бўкенши томонга ўтишди. Гап шунга кел-ганди Жиренше блан Бозор Абайдан айрилиб, Мойбосар блан кетди. Абай ёлғизланиб, хафа бўлиб уйда қолди.

Абай элдаги расволик учун Үролбой блан Керимбола-дан уялди. Беҳисоб элнииг ғалаёни, беомон йўл-йўриқ-пинг зўрлиги қўл-оёғини чамбарчас боғлай деб турипти.

Лекин Абай энди бошқача бир иш тутмоқчи бўлиб, тезлик блан сафарга ҳозирланабошлади.

Бўкеншига тушган Ойдўс, Жигитекка чопар юбориб, шу иш юзасидан сўзлашадиган бош одами тезлик блан Сугирнинг овулига келсин, деб буйруқ қилишилти.

Бу хабарни эштишлари бланоқ Жабай, Бейсемби, Абдилдалар йигирмадан ошиқ одам бўлиб, отга минишди. Ишнинг бундай кетишидан чўчиган Бейсемби жўнаб кетиши олдидан Абулғози орқали Бозоралига хабар қилди.

— Ишнинг кетиши хунуклашиб бораёттир. Уролбой блан Қеримболани олиб, бошқа бир ишончлироқ ерга боратурадими, нима қиласди?! — деб, айтиб юборди.

Бу гап Бозоралининг номусига қаттиқ тегиб, ўртаниб кетди.

— Эй, тутириқсиз бий, марҳаматсиз тошбағирлар! Ҳали сенларга орқа қилиб, ишониб юрибманми? Сугир — бой, мен — қашшоқман. Унинг сўзини минглаб човкари сўзлайди. Ойдўснинг келиштиручи сотқинлари етагида юриб, остида туриб, кишинай-кишинай сўзлайди. Менинг бўлса, зарур бўлганда миниб кетгудек уловим ҳам йўқ. Жигитекнинг порахўрларига сўйиб бергудек молим ҳам йўқ... Узим бораман ўшаларнинг тортишувига! — деб, бир шайланган эди.

Абулғози бунга қўшилмай, йўлдан қайтарди. «Ғазаби бўтэзига келиб турган элнинг ўртасига сен борсанг можарони улғайтириб юборасан. Баттар тутоқиб, ўчакишиб кетади» деди. Шундан кейин на чора? Бозорали Уролбой блан Қеримблани эргаштириб, Чинғизнинг кимсасиз тошбағирларини паноҳ тортди.

Шербаччаларини орқалаб бораётган ярадор шердек дарғазаб бўлиб ғижинганича йўртиб кетди.

Отланиб кетай деб турган пайтда, ягона бир юланч бўлиб Абайдан хабар келди. Амир блан Мирзағулни юборган экан. Улар қўша-қўша қилиб, тўртта семиз от, яна сўйишга бир той ҳам олиб келишилти.

— Шуни керак-яроғига ишлатсин. Қардошларнинг нияти бузилди. Ерга киргудай бўлиб ўтирибман. Бир маслаҳатимга кирса, Бозекенг бу ўлканинг элидан марҳэммат кутмасин. Эртага жигитеклар ҳам қувловчи бўлиб, кетига тушади. Шунда ёлғизлик билиниб қолади. Энди ҳандай бўлмасин, иккала ёшли олиб шаҳарга, улуғнинг олдига борсин. Агар шунга кўниб, Семейга борадиган бўлса, менга тездан хабар қилсин. Мен ҳам шаҳарга бораман. Ҳозир

жўнашга тайёрман. Ўша ерда ёрдам қилиб, кўмаклашаман. Шу гапимга ишонсин. Борсин. Тезлик блан йўлга чиқсан. Бўлмаса мен бу ерда ёлғиз қолиб, куч-қувватдан айрилиб ўтирибман,— депти.

Бозорали бошига мушкул иш тушиб турганда, Абайнинг от юборганига беҳад хурсанд бўлиб: «Элим безса ҳам, сен безмабсан. Бугунги Тўбуқтида бирон одам бўлса, у ҳам сен экансан-ку, Абай. Шаҳарга борсам ёрдам қилишинг ҳам аниқ. Лекин шаҳарга элдан безган, қувғинди бўлиб, нима деб бораман? Бу атрофда ундан иш қилган одам ҳам йўқ. Ушанинг ўзини ҳам орқамдан шумлик, дейишади. Яхшиси, мен шу элнинг қиладиган марҳамати натижасини билай. Одамгарчилиги борми-йўқми, бор сирини билай. Агар хоинлик қилса, ёқалашиб ўламан. Олишмай, қон тўкмай кўнмайман. Лекин шаҳарга ҳам бормайман. Жонимни мана шу икки ёшнинг йўлига тикдим!»— деб юборди. Шунинг блан Бозорали ёш қочоқларни олиб бориб, Чинғиз тоғидаги Қораша қўйтоси деган, киши бориб бўлмайдиган қояларнинг орасига яширди-да, уларга Абай юборган тойни сўйиб берди. Үзи белига ханжар, тақимиға чўқмор қистириб, қўлига қора эман наизасини олди. Буқиниб, ғорнинг оғзини қўриқлаб ётган йўлбарсдек қўйтосга кирадиган йўлни тўсиб, кузатиб юрди. Зўр, барваста гавдаси ҳозир пишиқ бўлиб, ихчамлашган, ҳаракатлари кескин эди. Юзидаги қизил нури ўчиб, кучли ғазаб акс этиб турарди. Кўкимтир товланиб, қовоғидан қор ёғилиб, гезариб кетган эди.

Сугирнинг овулидаги жамоат, Жигитек кишилари боргандан кейин бир кечаю-бир кундуз тортишиб, ниҳоят Бейсемби, Жабайларни эсанкиратиб енгди-да, ҳукм чиқарди. Гуноҳи учун Жигитекнинг бўйнига мол қўйди. Бўкеншига қараганда ери мўл деб, Қоровул сувининг бўйидаги Жигитек қистовларидан учтаси Сугирнинг фойласига кесилди. Унинг устига, Қеримболани Ўролбойдан айириб, Қоракесек элига жўнатиладиган бўлди. Жигитеклар уларга паноҳ бўлишдан бош тортиши. Шу ҳукмга биноан югурдаклар чопганларича қочқинларни тутиб келгани кетишиди.

Буларнинг ўн йигит бўлиб келган олдинги тўпи Бозоралига дуч келди. Бозоралининг танҳо ўзи улар блан қаттиқ жанг қилди. Шу йўлда қурбон бўлиши аниқ эди. Бир овқат пишгунчалик вақт ичida танҳо ўзи олишганда: ўн йигитнинг бештасини наизалаб, қолган бештасини яра-

дор дарғазаб шердан қочаётган қўрқоқ итлардек қочириб, ҳайдаб юборди.

Лекин бу бештаси Чинғизнинг бутун чўққиларида изғиб юрган кўп Бўкеншилар блан Ойдўсларни йиғиб келиб, қайтадан ёпирилишди. Иккинчи гал ўттиз киши бўлиб келиб ҳужум қилишди-да, Бозоралини чекинтириб, Қораша тосидан четлатиб олиб кетишиди. Лекин енгиб, йиқитиб қўлга тушираолишмади. Дуч келган Тўбуқти йигити боркин, ҳаммаси, жон олиб жон берәётган баҳодирнинг ҳозирги важоҳатидан сесканди.

Шу чоғ, кўп суворийлар Уролбой блан Керимболани топиб олишди. Йигитнинг олишганига қарамай бэғлаб ташлашида, қизни отнинг олдига ўнгариб олишди. Айрилар чоғида, бояглаб ташланган Уролбой ҳайқириб:

— Керимбона, маш'алим, қайта излаб бориб, яна олиб қочмасам, отам Қавмендан туғилмаган бўлай!— деб қолди.

Керимбона ҳам кучли газабдан қизариб, ўртанганича:

— Етар бўлсанг, ўйлингга жоним қурбон!— деб кетди.

Зўрлик зўрлигини қилди... Уша куни кечқурун Бозорали от қўйганича, Бўжейнинг овулига келиб, қўранинг ўртасида туриб, арвоҳларни, Қенгирбой, Бўжейларнинг номини атаб: «Бормисан арвоҳ, кўраётиссанми бу разилликни? Қарға, мана бу эллигидан айрилган ҳезалакларингни!» деб қарғиш тилаб, урон солди. Овулда ўтирган Бейсемби, Жабай, Абдилдалар югуришиб келиб ўртага олишди. Қараса, Бозорали Бўкеншига ҳужум қилиб: «Қон тўқиб ўламан» деб, турипти. Улар: «Бу яна бир фалокатни бошлайди», деб келиб отнинг жиловига ёпишишди. Икки томондан ёлвораётганлар Бейсемби блан Абдилда эди. Ғазабп бўғзига келиб тутоққан Бозорали:

— Виждонини сотган хоинлар... Элнинг шўрисан-ку!.. Ҳали кўп шумликларни қиласан икковинг... Тўсма ўйлимни!— деб, бош-бошига қамчи блан тортиб-тортиб юборди. Бейсемби блап Абдилда шунда ҳам тизгинга ёпишганича қотиб қолишиди. Жабай овулдаги бор йигитни ёпирилтириб юбориб, Бозоралини зўрға отдан тушириб, зўрлаб, ўйга олиб кириб, қўмирлатмай босиб ўтиришдн. Қуролларини ҳам ўғирлаб, яширишиди. Йигирма-ўттиз йигит тун бўйи Бозоралини шу зайлда ўйга қамаб ўтиришди.

Керимбона Бўкеншига келиши блан, ҳали Уролбой блан қилган аҳди кўпчиликнинг қулоғига етди. Сугир ҳам: «Бу чириган тухумни овулимда сақлаб ўтирамайман»

деб, қўйган эди. Унинг устига, Бозорали блан Ўролбойнинг тинчимаслигига кўзи ётган, яна Керимболанинг ҳам аҳдидан қайтмаслигичи билган Бўкеншилар ўша куни кечқурун беш йигит блан Керимболани Қоракесек элига жўнатиб юборишиди. Сугир аввал ҳам қудасига хабар қилган эди. Энди: «Сарпа-сирихини келиб олиб кетар, ҳозир мана бу бузилган келинини кўзи тиригида қўлига топширдим. Ўзи эга бўлсин, тинчимайдиган бўлса, ўлдириб қўяқолсин, йўқламайман. Худонинг олдида ҳам хун талаб қилмайман» деб юборди.

Улжай ичидаги ғалаён шу блан босилди.

Орадан икки кун ўтгач, бойлоқдан бўшаган Ўролбой тоқат қилиб туроғолмай, ма'шуқасининг орқасидан чопганича Қоракесек элига етиб борди. Нега келганини, нимасига ишонганини ўзи ҳам билмайди. Фақат дардли қалбининг қонли жароҳатини йўлдош қилди-ю, келаверди. Лекин ҳечкимга билдирамади. Броқ Керимбона озиб, қўнгли чўкиб қолган экан... Атрофида кўз бўлиб, тикилишиб турган қайнин-бўйин, овсинлар бор... Қовоғидан қор ёғилган бир йигит ўтирипти. Қўш қаноти қайрилган, узоқ ётиб оғир дарддан тургандек шалвираб, сўлиб қолган Керимбона бор... Иккови ҳам ноҷор ғариб бўлипти...

Утов уйдаги ўт бошида бир узун бўйли, кенг яғринли қопқора йигит бутун кеч пичоғини қайраб ўтириди. Бир вақт, Керимболага қараб тўнғиллаб:

— Бугун ё сен ўласан, ё йигитинг ўлади... Агар ра'йингдан қайтмаган бўлсанг, гап шу! — деди.

У йигит Керимболанинг қайнағаси экан. Қозондаги гўшт пишиб, янги келин гўштни товоққа кўтараётган пайтда, ҳалиги йигит уйдан чиқиб нариги уйдагиларни айтиб келгани кетди. Шу онда уйнинг бўсағасида Ўролбой пайдо бўлдн.

Керимбона даҳшат ичидаги орқага чекинди. Қайнағасининг гаплари, қардошларининг яқиндагина қон тўкиб қилган жанглари, Чинғиз қоялари — ҳаммаси бир лаҳзада кўз ўнгидан ўтди. Ўролбой дарҳол билди: Керимболанинг қанотлари мангуга қайрилипти. Иккови ҳам сукут қилди. Қиз товоқдан тилпи олиб, бир четидан ушлаб туриб, Ўролбойга қараб:

— Тақдир шу экан, Ўролбой. Чўлоқ кампирнинг сўнгги саломи шу бўлсип. Келиб мана бу тилни менинг оғзимдан олиб е-да, шунинг блан ўзингни босиб ол, қуёшим! — деди.

Шуидай деб тилнинг бир учини оғзиға олиб, тишлага-
нича Ўролбойга қаради.

Йигит ҳам ҳечнарсадан ҳайиқмай отилиб, тикка борди-,
да, Керимболани сўнгги марта бағрига босиб, сўнгги мар-
та ўпиб туриб, тилнинг ярмини тишлаб узиб олди. Ўксиб-
ўқсиб йиғлаганича орқасига чекинди. Керимбона ўзини
ҳаётнинг бутун шодликларидан маҳрум бўлган чўлоқ
кампир қаторига қўйди. Ўролбой отга минди-ю жўнаб
кетди. Қаерга кетгани ма’лум эмас, бағрини қонли жаро-
ҳат босган ёш йигит йўқ бўлди кетди.

Орадан анча кун ўтди. Уша Ўролбойнинг ўлик-
тириклиги нома’лум бўлиб, ғуссага ботиб кетганига қай-
гуриб ўтирган Абай, Биржонни хотирлаб ёнидаги Эрбўл,
Амир, Айгерим уччовига:

— Қимматли Биржон, нақадар ноёб эдинг! Элимнинг
асл кучини орқалаб юрган экансан-ку! Ёшларни бу кўй-
ларга солган сенинг жозибадор куйларинг-да. Сан'ат
бўлса, шу сингари, тинч сувга катта тош отгандек, остин-
устин келтирсан. Ҳаётнинг талаби ҳам шу-ку. Шу сингари
қуюндек келиб уриладиган кучлар бўлмаса, кушлар
чириб-бисқиб ўтар эди-ку,— деди.

Эрбўл ҳали ҳам Ўролбойга ачинарди.

— Ҳамма оғирлик истиқболи баланд, навқирон ёшлар-
нинг бошига тушди-да. Қанотини қайриб кетди-ку!—деди.

Абай бу ишга бошқача қаради.

— Саҳродағи бу ярамас ҳаётга шунингдек қаттиқ
зарба берадиган куч керак. Бора-бора эр-азаматларнинг
дардига шу даво бўлар!— деб ўтириб, бир улуғ фикрға
келди:— Арслон ойга сапчиб нобуд бўлгани блан, орқа-
сида югуриб юрган боласи арслонлигини қилмай қўймас.
Оқ шунқор тузоққа илингани блан уясидан учиб чиққан
боласи шунқорлигини қилмай қўймас!— деган қозоқ хўб
доно экан-да! Тўбуқтидаги зўрлик блан авомлик Ўрол-
бойни енггани блап ҳаётни, тарихни енгаолмас, орқага
қайтаролмас... Қайтаролмас!..— деди.





ҚУЙИДА

1

Эшиги ланг очиқ, тундиги сидирилиб ташланган кенг ўтов күкклам чошгоҳининг бор нафаси, бор овозига тўлган. Қимматбаҳо суяклардан нақш қилинган баланд кровать ёнидаги ғилдирак хонтахтага тирсакларини тираб ўтирган Абайга эшикдан кираётган шабада ҳам ором бағишаёттири.

Бир-биридан ўзишиб чиқаётган садолар, филғон, эрмон ҳидлари ҳам баҳор чошгоҳининг ёқимли шарпасидек келаёттири.

Чириллаб учиб бораётган бўзтўрғай товуши, уй устидаги фазога илиниб қолгандек, шу ердан узилиб кетолмай, ўмбалоқ ошиб, айланниб сайрайди.

Оқшўқига яқин сойлардан онда-сонда какку чақиради. Какку-каккулаб, мудом жавобсиз қоладиган сўротини такрорлайди. Дун'ёning энг беозор, беғам сайроқи қушчалари жуфтини чақираман деб, кичкинагина сирини тоғу тошларгача фош этади.

Ба'зан яқин ердаги сув босган кенг ўтлоқ — «Қўриқ» дан адирларга қараб учиб бораётган бир тўда ўрдакларнинг визиллаб қанот қоққани эшитилади. Тошлоқ сойларга уя солиб қўйиб, эндигина жуфт-жуфти блан яйрайди-

ган кунларга етишган сариқ-ола ғозлар қичқириб ўтишади. Абай китоб ўқиётган бўлининг қарамай, баҳорнинг шу сингари алвон-турлик янги ҳаётини ҳам баравар ҳис этарди.

Нимадандир ҳуркиб қочишиб, уйнинг ёнидан кичкина туёқчаларини тиқирлатиб, ўйноқлаб югуриб, бирқанча қўзилар, улоқлар ўтишди. Ҳали ҳаётни билмайдиган ёш бўғин ўз ҳаётини шу сингари чўчиб-чўчиб севади.

Нариги уйда ўқиётган, шу қўзилар сингари болалар-синг товуши ҳам ўқтин-ўқтин Абайнинг қулогига кириб қўяди. Бу ҳам инсон баҳорининг, янги бўғин, янги ҳаёт эгаларининг уни.

Абай китоб ўқиб ўтиаркан, ташқаридаги ҳаёт садосини, ёқимли ҳидларини ба'зан юзаки ҳис этса, ба'зан хаёли бўлиниб қўша ўйлаб кетарди.

Қадди баланд ўтовнинг ўнг томонидаги чойшаб, чимилдиққа чанғароқдан тушиб турган қуёш шу'ласида ҳам яшнагани баҳор акс этиб турарди. Тоза супурилган, саришта, холи уй Абайнинг руҳини енгиллаштирди. Уйда танҳо ўзи ўтиаркан, эндигина яшнаб, борлиқни безатиб келаётган баҳорни уйдан ҳам, эшикдан ҳам баравар ҳис этиб, шодланиб эркин нафас оларди.

Яна ўзгача бир майл блан китоб устига энгашади. Ҳозир ушинг китобга бўлгани ихлоси бўлакча. Ниҳоят китоб блан китобхон Абай бир-бирини англади. Рус тилида ёзилган катта асарни Абай биринчи марта эркин тушуниб, тил қийинлигини енгани шу эди. Мана шу тушунарли бўлган китоб биринчи ўткал¹ бўлди. Очик, қулай, равон ўткал, Абайни кўп йиллардан бери етсам деб орзу қиласан, тармашиб, интилган соҳилига олиб чиқсан ўткал бўлди.

Мана шу ўтган қиши бўйи Абай турли-туман дарсликлар, лугатларни ҳамроҳ этиб, ёлғиз қунт қилиб тикилгани рус китоблари эди. Ниҳоят, қўкламга чиқиб яшнаб турган янги бир оламга чиндан эшик очилабошлагандан кейин, Пушкинга кўчди. Прозадан бошлиди. Ҳозир ўз ҳолича ўқиб тушунаётган китоби,— Пушкиннинг повести «Дубровский». Тили тушунарли бўлиб қолган «Дубровский» повестининг ўзаги ҳам тушунарли бўлди.

Бугун эрталаб ёлғиз ўтирган Абайнинг бутуни олами, уй-жойини, оромбахиш баҳорни ўзгача шодлик, ёрқин кўн-

¹ Ўткал — кечув.— Ред.

тил блан ҳис этишининг бонси ҳам, ўша янги нафас, яқин дўстга айланган қизиқ китобнинг та’сирি эди. Кўп вақилардан буён бу қадар шодланган ҳам эмасди.

Утган йил ёз, шу қиши бўйн бор ишдан, гап-сўзлардан безор бўлиб, қочиб ётиб олиб, уйдан чиқмай ўтиришининг самарасини ҳам кўрди.

Мойбосар, Такежон, Жиреншелар унинг орқасидан ҳазиллашиб эрмак қилиб:

«Айгеримни олди-ю, асти дийдорига тўяолмай, мубтало бўлди қолди. Осмонда юрган йигит илоннинг авроғига учраган тўрғайдек тўп этиб, Бойшўра кизининг олдига тушди қўйди!» дейишарди.

Бу гаплар Абайнинг қулоғига етганда кулиб қўяр, лекин мадрасадаги толиби-ilm, серҳавсала шогирдек мутолаа қилишни қўймасди. Ерилиб, кўиглидаги гапини ҳеч кимга айтмас, маслаҳат ҳам солмас эди. Чунки ўзи яшаётган даврда, доираси тор саҳро ҳаётидан четга чиқмай ўтириш тўғри келмаслигини яхши биларди. Шаҳар, дўсти «Оқбош Андреевич», кутубхона, яна болаларининг тарбияси ҳақида ўйларкан: «Қолган умрни шаҳарга яқинроқ ерда ўтказиш керак» деган қарорга келди.

Шундай қилиб, ердан қор кетиши блапоқ бошқалар ҳали қистовда ўтирган пайтда мана шу Оқшўқига кўчди.

Шу ерда ўзига бир қистов солдирмоқчи бўлиб, Айгерим блан ўзининг Дилдадан бўлган болалари Ақлбой, Абиш, Гулбодон ва кичкина Мағашларни олиб келди. Жидебойда онасининг уйи, Успон, Дилдалар қолишли.

Абай уй соладиган усталар, мардкорлар, яна тўртбеш уйли қўшилари блан келиб, ўша ишларни бошлаб юборди. Уй солаётганлар ўз ишларини қилаётирлар. Бу ишларни кўпроқ Эрбўл блан Айгерим бошқарарди. Абай яна бошқа бир уй тикитириб, ота-онасининг овулидан бирқанча ёш болаларни ҳам Кишкене Мўлда деган муллага қўшиб олакелган эди. Ҳозир улар ҳам Абайнинг болалари блан ўша уйда чувиллашиб ўқишаётир.

Абай китоб ўқиб ўтиракан, эшикдан гангур-гунгур сўзлашиб Айгерим, Эрбўл, Кишкене Мўлда кириб келди. Кишкене Мўлда уйга кириб келаётганида ҳайрон бўлганича Айгеримга:

— Эҳ, тангрим! Бугун янги уйнинг пойдевор-ғиниши қўйилаётган пайтда, Абай нега бормади? Мен шуига ҳайрон бўлаётирман. Ўзи согми? Еки бетобми? — деди.

Айгерим эркаклардан кейин бўсағадан ҳатлаши блан астагина қулиб:

— Йўқ, бетоб эмас, лекин бизнинг уй солишимиздан кўра бу кишининг бу ердаги меҳнати қийинроқми дейман. Уша ишдан қўли бўшамаётган кўринади! — деб, Абайга қаради.

Абай, Эрбўл блан Айгеримдан уйининг пойдевори солингани ҳақида бир-икки оғиз гап сўраб, хайрлик бўлсив деди-да, кейин кулганича Айгеримнинг ҳазилига жавоб берди.

— Менинг машаққатим гишт териб уй-жой тиклаётган Тўранинг меҳнатидан оғирроқ десам, Эрбўл икковингиз куласиз-ку.

Лекин Тўранинг меҳнат оқибати — уй бўлиб тикланса, мен ҳам ўз меҳнатим орқасида бугун бир шодликка эришдим! — деди.

Эрбўл Кишкене Мўлдага қараб кулди-да:

— Тинчгина, салқин уйда, тўрт қават кўрпачанинг устида ўтирган одамнинг чекаётгани азиятидан ортиқ машаққат бор дейсизми? — деди.

Кишкене Мўлда, чеҳрасида ҳамон ўша порозилик аке этган ҳолда, ҳайрон бўлганича:

— Уй-жой сизнинг яшайдиган маконингиз. Бугун омад келиб дўстларингиз, севикили ёр-жуфтингиз яхши ниятлар блан япги уйининг пойдеворини кўтаришиди. Яхши умиллар блан тиклашди. Ана шундай дамларда оиласигиз шодлигини баҳам кўрмаслигингиз мени чиндан ҳам ҳайратда қолдираётир, — деди.

Айгерим Абайни айбламаганидек оқламоқчи ҳам эмас эди.

— Биз бугун мўлдани ҳам айтдириб келиб, яхшиликларга буюрсин деб фотиҳа олиб, бир бўз қашқа сўйдирдик. Мўлда арвоҳларга сифиниб, кур'он ўқиб фотиҳа берди! — деди.

Абай бу ишларнинг ҳаммасидан жуда мамнун бўлган-дек чин кўнгилдан Айгеримнинг ўзининг ҳам, бола-чақалари, ёри-дўстларининг ҳам шу уйда яйраб-яшнаб, баҳти ҳаёт кечиришларини тилади. Сўнг кўзлари кулимсираб, Кишкене Мўлдага қараб эрмакомиз ҳазил қилди:

— Муллака, Айгерим Оқшўқида уй солгаңда ўқилсин деган дуо ҳам бор экан-да? Қандай дуо ўқиднингиз?

Кишкене Мўлданинг жаҳли чиқиб, заҳил бети дув этиб қизарип:

— Сиз ишундай дуо йўқ, деб биласизми? Кулли мусулмоннинг билици ғозимдирки, ҳарбир яхши ниятга, яхши фотиҳа йўлдош бўлсин дейилган. Мен: «Ё розиқул ибоди» дуосини ўқидим. Ножўя ўқибманми? — деди.

Абай аввалгисича вазминлик блан:

— Муллака, у хирмон кўтарганда ўқиладиган дуодир дейман. «Лавҳинома»да шундай дейилгандек эди? — деди.

Абайнинг дуони бу тахлитда ҳазилга олиши Кишкене Мўлдага ёқмай, қаттиқ ранжиб, қошларини бир чимиридид, катта-катта кўк кўзлари ялт этиб, масала талашаётган Абайга бир қараб жим бўлиб қолди. Фе'ли тез, баджаҳл, лекин соф ихлосли муллани ранжитишга Эрбўлнинг кўнгли бўлмай:

— Оббо, Абай, яхши ниятишг ҳаммаси ҳам яхши эмасми, хумпар! «Оқ қўйининг калласи, қора қўйининг калласи мен худонинг баидаси» деб ҳам намоз ўқиб юрибмиз-ку. Унинг олдида мулланинг ёқимли оҳанг блан қироат қилиб ўқиган дуоси, хирмон эмас, пичан бошида ўқиладиган дуо бўлса ҳам, Айгерим икковимизга дуоларнинг бийидек туюлди! — деб, ҳаммани кулдириб юборди. Даставвал учрашганларида, пайдо бўлган ғашликни кўтариб ташлади.

Шу чор Айгерим Абайнинг ёнида турган тўғарак хонтахтага янги дастурхон ёзди. Эшикдаги Злиҳани астагина имлаб чақириб, қимиз шопиртириб эркакларга узатабошлади. Абай китобни ўқиб бўлганидаги шодлигини қайтадан топгандай очилиб кетди-да, Кишкене Мўлдага, Эрбўлга тортган машаққатининг роҳатини англатмоқчи бўлди.

Заранг косадаги муздек, қуюқ қимизни онда-сонда бир ҳўплаб қўйиб, олдидаги русча китобни варақ-лэркан:

— Ўй солиш ҳам меҳнат. Хирмон кўтариш, лой қилиш ҳам меҳнат. Лекин бирнече йиллар давомида иштилаётган тилакка англашиларли тилда жавоб қилмай келаётган чуқур ма'ноли китобларни англашиларли қилиб олиш ҳам оз меҳнат талаб қилмайди. Мана Эрбўл блан Айгерим гувоҳ-ку. Узингиз ҳам сезгандирсиз мулла, мен ўтган йил ёз, бу йил қиши бўйи фақат бир мақсадга эришмоқнинг пайида эдим. Мана, ҳозир ўша истак маконининг тикланган биносини илк даф'а кўраётгандай бўлиб турибман! — деб бироз жим қолди.

Айгерим блан Эрбўлга қараб: «Бу гапим тушунарлик бўлмади шекилли» деган шубҳага бориб, жим қолган эди. Энди яна бир янги фикр келди-да, Эрбўлга қараб гап бошлади.

— Бу киши, Кишкене Мўлда, яхши билади. Ихлосманд шогирд, бирнече йиллар қунт қилиб кўп ўқигандан кейин, бир кун келиб ўз-ўзидан ўша ўқиб юрган йиллари, ойлари, кунларидан ўзгача бир янгилик топади. Юриб-юриб, илм оламининг эшиги, унинг идроки олдида ўз-ўзидан кенг очилиб кетгандек бўлади. Илм толибларининг ҳаётида бу энг баҳтли дам бўлади. Уни мана бу кишилар, муллалар: «Мутолааси очилди» дейишади. Ўзингизга ма'лум, мен кўп изланган, устозсиз шогирд тарзида ўқиб, рус тилидан мутолаам очилган пайтга етганга ўҳшайман. Бунга Айгерим, Эрбўл, сизлар Оқшўқидаги уй-жойнинг пойдеворини тиклаган пайтингизда етишдим десам бўлади. Мен чекаётган машаққатнинг ҳам ана шундай сирлари бор эди, дўстларим! — деди.

Бу гапларни айтиб бўлган пайтда Абайнинг юзида камдан-кам кўринадиган ҳақиқий шодлик тўлқини акс этиб, ранги ўчинқираб кетди. Гаплари шунчаки гап эмас, ҳаяжонга солган туйғуларни ифодаларди.

Эрининг авзойидан кўнглини дарров сезадиган Айгерим, Абайнинг қувончига қўша қувонди. Негадир кўзлари шодлик ёшига тўлиб қизарди. Мехрибонлик блан Абайга қаради-да, астагина кулиб:

— Бўлмаса шодликнинг каттаси сизда экан. Хайрли бўлсиннинг каттасини сизга айтиб табириклаймиз! — деб, яна қимиз қўйиб, ўнг қўли блан Абайга узатди. Эрбўл жавоб қилмади. Тушуниб кулиб қўйди.

Кишкене Мўлда бу икковидан бошқача фикрда эли. Абайнинг гапига асти қўшилмади.

— «Мутолааси очилди» деб, Мантиқ, Ақонидни ўқиб юриб устоздан, халфадан та'лим олмай, «Қоғия», «Шарқ Абдуллоёнинг ма'носига ўзи тушунадиган бўлганда айтилади. Бўлмаса, русларнинг аллақандай «алай-балай»-ини фаҳмлайдиган бўлдим, деб бу ерда «мутолаа» ҳақида гапириш мумкин эмас. Бу тўғрида, хато қилаётисиз, Абай! — деди.

Абай аввало жаҳли чиқиб кетиб, бир нафас қовоғини солиб турди-да, «тўхта мулла!» деди, зарда аралаш. Сўнг бироз жим қолиб, қимиздан бир ҳўплаб олди-да, вазминлик блан гап бошлади.

— Бизнинг бу кунги ҳалфа, ҳазрат, эшон, уламоларнинг ана шундай шўри бор-да. Кишкене Мўлда, сиз ҳам ўшандан ҳалос бўлолмаганларнинг биттасисиз-ку!

Кишкене Мўлда гап берадиган эмас.

— Абай, сиз исломият йўлидан гапираётган бўлсангиз, мен ҳечқандай этироф билдирамасдим. Сиз кимнинг китобини, нимани айтиётурсиз? Дун'ёвий илм ма'жусий, насронийларда қадимдан бор эди. Лекин мусулмон уламоларидан ҳечким уни қаноат этарлик, шукур қиларлик илм деб ҳисоблаган эмас-ку? — деди.

Абай янги бир баҳс, узоққа чўзиладиган баҳс бошлинишни англаса ҳам, Кишкене Мўлда блан гапни кўп чўзиб ўтиргиси келмади. Кўнглида бирқанча далиллар бўлган ҳолда, мулланинг дамини ичига туширадиган бир оғизгина гап гапириши лозим кўрди.

— «Ҳечбир уламо» дейсиз, «айтмаган» дедингиз. Ўзгаларни қўйиб туриб, пайғамбарнинг ҳадисидаги олимлар ёзадиган сиёҳ — «шаҳид қонидан қимматли» деган гапга нима дейсиз? Иккинчидан — оламнинг, инс-жинснинг яратилиш тарихини «Қисссасул анбиё» дан ўқиб билиш ҳам, илмга кирадими? Бутун кишилик оламини, ҳар бир ҳалқнинг хусусият ва фазилатларини фақат «қирқ ҳадис», «Лавҳинома», «Фики Кайдоний» минбаридан қараб билиш ҳам этарли илм бўладими? — деди.

Кишкене Мўлда бунга ҳам жавоб қилди.

— Булар кам бўлса, ўқинг! Бутун умрингизни сарф қилиб ўқиб кўринг. Бўлмаса, мусулмон олимларининг китобини ўқинг. Сизнинг бутун умрингизга этарлик илм ўшалардан ҳам топилади!

Абай энди насиҳатомиз гап бошлади.

— Мен сизга ҳайронман домла! Чин олимлар расми: силм қаерда бўлса, кимда бўлса шундан ол» дейдилар. Сиз айтиётган озиқ маконларини мен ҳам кезиб чиққанман. Мен илмнинг, я'ни фанларнинг бирнеча аср давомида одам боласи йиққан ҳазинасига қўлимни узатаман деб сафарга чиққанман. Сиз ўқимаган одам бўлсангиз ҳам майли эди. Ўзингиз устоз ҳисобланасиз. Лекин илмни фақат бир сўқмоқ йўлдан юриб изла дейсиз. Илм демак — бир чексиз, кенг олам демак эди-ку. Мусулмон уламоларишнинг донолари, Сўқрот ҳакимдан, Афлотундан, Аристотельдан ўрганган эмасми? Шулар мусулмон эдими! Ойлар, йиллар давомида илмнинг кетига тушиб юрган бир толибул илмни кўрсангиз «уринма,

олисга интилма» деб, этагидан тортасиз! — деб, бир патфас жим қолди-да,— қисқаси бу масалада, сиз блан биз бир-биримизни англайолмаймиз. Лекин ҳарбир умринг, ҳарбир талабнинг етадиган бир чўққиси, бир нуқтаси бўлади! Уша ерда сўзлашармиз! Менинг талабим — талаб, юксалишим олдинда. Гап тамом!— деди-да, сирланган қора нос қовоғини қоқа-қоқа, носвойидан бир отимни чекди. Яна ранги ўчинқираб бориб, сўнг ўзига келди.

Эрбўл индамай қулоқ солиб ўтирган эди. У саводсиз бўлса ҳам, хуш'ёрлиги, зийраклиги орқасида дўстининг гапини ма'қул топди. Эди гапни ҳазилга айлантириб, шилқиллаб қулди-да:

— Мен ўзим оддий одамман. «Оми мулла дин бузар» деб, нима учун айтилганинг ҳам фаҳмига етмайман. Лекин шуни биламан. Уни ҳам бўлса, Абай орқали билиб келаётиман. Шу бизнинг мўлдаларимиз ба'зан ўзгалар, мусулмон бўлмаган элларнинг ма'рифати, билимига келганда, худди мана шу Тўбуқти ичидаги, ўзимиз кўриб ўрган Иргизбой, Жигитекларнинг килигини қилишади. Гарчи Қоработир, Анет, Бўкенши, Бўрсоқларнинг гали тўғри бўлса ҳам, ўз айтганини ма'қуллаб кетиппади-ку, бизнинг Мойбосар, Такежон, Бейсембилар,— деган эди, Абай хурсанд бўлиб, хандон ташлаб кулиб юборди. Эрбўл сўзиши тамом қиласкан:

— Бизнинг мўлданинг рус китоби блан ма'рифатига қилаётган эўрлиги худди Мойбосарнинг Қулуншоқ боқаларига ишлатмоқчи бўлган зўравонлигидан бўлаётир деб ўйлайман,— деди.

Эрбўлнинг гапи Абай, Айгеримларгагина эмас, қимиз куяётган хушрўй келинчак Злиҳага ҳам ма'қул бўлди. Абай Эрбўлдан хурсанд бўлиб, ўзини тўхтатаолмай, қаттиқ қулди. Буларнинг қилиғи Кишкене Мўлдага тарбиясизлик, дағалликдек туюлди-да, қовоғини соганича уйдан чиқиб кетди. Афтидан, мулла нариғи уйда ўқиётган шогирдларининг олдига дарғазаб бўлиб, заҳрини сочиб кириб борган кўринарди. У кириб бориши блан, болалар товушининг борича, кечқурун келган қўзилардекчуввос солиб ўқишга тушишди. Шу чоғ Айгерим туриб, бўсағада ҳатлаб эшикка чиқиши бланоқ, келаётган суворийларни кўриб, уйдагиларга хабар қилди.

— Катта овлунинг кўчи келаётирми дейман? Биринкита отлиқ киши келаётир. Булар ким экан ўзи-а?— деган эди, Эрбўл уйда ўтиргац ерида:

— Узи кимга ўхшайди? Эҳтимол кўчдири!—деб, эшикка чиқмоқчи бўлиб қўзғолди.

Айгерим ҳали ҳам келаётганларни аниқлай олмай, тикилганича қараб туриб:

— Биттаси каттакон йўғон одам!— деб, туриб қулиб юборди-да:

— Епирим, Алпомишдек бўлиб келаётган ким экан десам, Кенжам экан-ку. Ўша эмасми? — деб, уйдан энди чиққан Эрбўлга қаради.

Айгерим Ўспонни кенжам дер эди. Унинг дарагпни эшишиб Абай ҳам уйдан чиқди.

Буларнинг катта овулдан, кўп элнинг ичидан айрилиб, бирнеча уйликкина бўлиб, кўчиб келишганига бир ойдан ошган. Ҳозир элни, қариндош-уругларни жуда соғиниб қолишганди.

Ўт-ўланлар етилиб, яшнаб ёз чиқмагунича қистовдан силжимай, Жидебой блан Чингизда қолган Қунанбой овуллари энди кўчиб келиб, баҳор фаслинни мана шу Оқшўқига яқин ердаги ўт-ўлани мўл, суви кўп Кўриқ бўйида, Ашишисув ўлкасида ўтказишмоқчи эди.

Ҳозир уларнинг кўчиб келадиган вақти ҳам бўлиб қолган эди.

Овулга яқинлашиб қолган Ўспонни кўриб, Абай ҳам Айгеримга ўхшаб ҳайрон қолди. Ўспон думи узун, семиз тўриқ отга минган. Устидан қиши кийими — қалин гуппи тушмаган экан. Оёғида узун қўнжли этик. Бошида қишлиқ тумоққа ўхшаш юнги узун элтеридан тикилган тумоқ. Отини секин-секин қамчилаб, қаттиқина елдириб келаётир. Аслида дуркун Ўспонни қалин кийим яна ҳам каттароқ, йўғонроқ қилиб кўрсатаётир. Шу қиёфадаги Ўспон бугунги Тўбуқтида ҳечкимга ўхшамайди, зўр паҳлавонларга ўхшайди. Узун-узун осёклари сўхталиқ катта отнииг тиззасигача тушиб, этигипинг боши отнииг қўлтиғидан ошиб, шалвираб келаётир. Абай ўз инисини, шунингдек кўп вақт кўришмай юриб, даф'атан кўрганида, ҳамиша ҳалиги Айгеримга ўхшаб аввало ҳайрон бўлиб туриб, сўнг танир эди. Лекин бу гал ўзининг ҳайрон қолганини билдирамади.

Бу овулдаги, элни соғиниб қолганлар Ўспон блан унинг ёнидаги ҳамроҳи Дарқонни шодланниб, хушчирой блан қарши олишди. Айгерим Ўспоннинг олдидан чиқиб, сиполик блан отини олди-да, қисқагина сўрашгач, ҳазил қилди:

— Кенжам! Тун кечада чиққан эдингми? Худди олисдан келган йўловчиларга ўхшайсан-а! — деди. Абай Ўспоннинг саломига алик олар-олмас:

— Кўч қани? Ота-онанг эсон-омонми? — деб, усти-устига савол бериб, ҳол-аҳвол сўрайбошлади. Ўспон бу-гун катта овулнинг яқин ердан, мана шу Ўрта Оқшўкининг нариги ёнбошидаги Эсиргемисдаи кўчиб Қўриққа қараб кетганини айтди-да, уйга кирди. Паҳлавонлар сингари зўр гавдали, шу кунларда энди йигирмага чиққан Ўспоннинг эрта чиққан соқол, мўйловлари ҳам анча узун бўлиб ўсиб қолипти. Лекин бу ўзгача жуссали норғил йингитнинг соқол-мўйловлари сийрак бўлиб, туртиб-туртиб чиққан. Отнинг қилига ўхшаб, ҳарбир туки тиккайиб-тиккайиб санчиб қўйгандек битган. Катта ўтли кўзлари уйқудан қолгандек, қонталашиб қизарган. Қўринишда Абайга ўхшаб кетгани блан ундан шижоатлироқ, қора сариқдан келган. Қуюқ қошлари остидаги қовоқлари ҳам қалин-қалин эди.

Айгерим чой қўйдириб, тушлик овқат қилдириш ҳаракатига тушиб, Злиҳага иш буюрабошлади. Ўспон бу ҳаракатни пайқashi блан Айгеримга қараб, ҳечнарсанинг ҳожати йўқ деди. Белбогини ҳам ечмади. Очилиб-ёзилиб гап ҳам қотмади. Абайнинг ҳарбир саволига қисқа-қисқа, кўнгилсизгина жавоб берарди. Оқшўқига булар бир совук хабар олиб келишган эди. Қунанбойнинг Такежон блап Қоражондан бўлган энг катта невараси, энг севикли невараси — 12 яшар Мақулбой кўкламдан буён бетоб ётган эди. Кеча ўша вафот қилипти. Шунинг учун кўчиб келаётган овуллар йиги-сиги қилиб, та'зиядор бўлиб қолишипти.

Абай бу хабарни эшитгандан кейин, Ўспон шунинг учун ғамгин бўлса керак, деган хаёлга борди. Инисининг уйланганига етти йил бўлса ҳам, боласи йўқ эди. Такежон блан бу икки оға-ини ортиқча дўст, тутув бўлмаганларига қарамай, Ўспоннинг шу сингари ғамгин тортиб, қайфириши Абайга ма'қул бўлди. Запти тез, қаҳри қаттиқ инисидаги жигаржонлик, меҳрибонликни кўриб хурсанд бўлди.

Ўспонга энди ҳадеб савол бериб тиқилинч қилмади. Қимиз ичиб бўлганларидан кейин, Абай индамай ўтириб қолганида, Ўспон блан Дарқоп қистов солгани келгап бу овуллардагилардан ўша ишларнинг қай тахлитда бораётганини сўрайбошлаши. Лекин бу ҳақда Абай дуруст-

роқ жавоб беролмади. Успон эпди бу гапларни кўпроқ Эрбўл блан Айгеримдан сўраб билмоқчи бўлди.

Успоннинг ўзи мол боқиш, тириклик ишларини бошқаришда Абайга нисбатан кўп эпчил, уддабурон эди.

Успон ўз акаси Абайнинг бундай ишларга уқуви йўқлигини яхши биларди. Ердан қор кетиши блан Абай Оқшўқига кўчганида, унга уй соладиган усталарни, серғайрат мардикорларни, асбоб-ускунани, ҳатто ун, чой, озиқовқатларни ҳам етарлик қилиб, ўз қўли блан ғамлаб бериб Успоннинг ўзи жўнатган эди. Лекин Абай кўчиб кетгандан кейин уй ичидагилағга, оналарига ҳазил қилиб:

— Бизнинг Абай йўқ ҳудаги қилиқни чиқариб, эпчил йигит бўлипти. Ишнинг ҳам чангини чиқарар дейман. «Сен гап ҳайда, мен мол ҳайдай» десам, бу йил ҳунар чиқариб, уй солишга тушипти. Қани, кўрамиз ҳали қоилил қилганини! — деб, кула-кула қолган эди.

Энди гап иш устига кўчгандада, Абай катта эмас, Успон ундан кўп катта, тажрибакор, иш кўрган одамга ўхшаб қолди. У гап бошлиши блан Абайдан:

— Неча ерда лой қилдингиз? Неча минг ғишт куйдингиз? Қолип қандай? Йигитларнинг олди кунига қанча ғишт қуяди? Уйнинг пойдеворини никма блан кўтардингиз? — деб ижикилаб сўрайбошлади. Абай унинг кўп гаволларига жавоб беролмай, ҳадеб Айгерим блан Эрбўлга қарайверди. Успоннинг кўнгли ғаш эди, шунинг учун уни кулги қилмади. Лекин Абайнинг уй солишга бел оғритиб ҳаракат қилиб, бош қотириб бу ишларни бошқармаётганигини гап бошланганидаёқ билди. Астагина жилмайиб қўйиб, Айгерим блан Эрбўлни қўлга олди.

Айгерим Мақулбойнинг ўлганини эшитгандан буён пиқ-пиқ йиғлаб ўтирган эди. Бироздан кейин Успон унинг йигисига қарамади. Мана бу ишлар тўғрисида жавоб бериб, сўзлашиб ўтиришини илтимос қилди-да, қўярда-қўймай гапга солди. Бир нафас сўзлашиб ўтирганларидан кейин, ишнинг бошига Успоннинг ўзи бормоқчи бўлиб, Эрбўл блан Айгеримни олди-да, ўрнидан турди. Эшикдан чиқиб кетаётган ерида тўхтаб, бошқаларни чиқариб юборди-да, уйда ёлғиз қолган Абайга қараб, бир нафас жим тургач:

— Абай, отингни эгарлат. Мен блан бирга Кўриқ томонга борасан, катта уйга бориб, отангга ҳам салом берасан-ку! Такежоннинг уйига кириб, қур'он ҳам ўқиб чиқарсан, яна булардан ташқари сен блан бир катта иш

юзасидан қиласыдан маслаҳат ҳам бор. Шундай бир иш чиқиб қолди!— деди.

Абай инисининг юзига тикилиб туриб, унинг келгандан бери ёрилиб гапирмай ўтиришининг асли сабаби шу сўнгги сўзларида эканлигини англади.

— Қандай гап экан, эл важиданми?— деди. Үспон ҳозирча очиқ жавоб қилмай:

— Эл важиданми, ёки қардошлардан ўтаётган аламми, нима эканлигини ўзинг тушунарсан. Ҳарҳолда бугун сенга айтадиган гапим бор. Отингни олдир!— деди-да, чиқиб кетди.

Абай блан Үспон Оқшўқидан Қўриқقا қараб йўл олишгандан Қишкене Мўлда, Дарқон ҳам бирга кетишди. Қишкене Мўлдани Такежоннинг ўғлига қур'он туширтиromoқчи бўлиб, Улжон айтдириб юборган эди. Олдида бегона одамлар борлигидан Үспон ҳали Абайга айтаман деган гапини очмади. Йўл бўйи гап, солинаётган бинони қандай қилиб тез битириш, пичан ўрдириш, молнинг қишилик озиғини ғамлаш тўғрисида кетди. Бу ер Чинғиз блан Жидебойдек эмас, қиши қаттиқ бўлиб, қор қалин тушади. Бу ерда қишлийдиган огуллар бир томондан пичанга суюниб чиқмаса, ютдан қутилаолмайди. Айниқса Абайнинг қистовига яқин ердаги ўтлоқлардан кўпроқ пичан ҳозирлатиш зарурлигини айтди, лекин гап шу жойга келгана, бу ерга яқин бўлган Қўриқка ҳозир кўчиб келган, моли кўп, бирқанча бой огулларнинг Абай огулига зарар етказниши эсига тушиб қолди.

— Йилдаги одат бўйича беҳисоб моли бўлган кўп огуллар шу атрофга ўрнашиб қолиши. Боланинг ўлими блан овора бўлиб дурустроқ ўйлаш менинг ҳам эсимга келмалти-да, эсга келгандা бу йил асли анча нарига ўрнашгап бўлар эдик!— деди.

Бу ҳам Абайнинг эсига келмаган ишларнинг биттаси эди. Инисининг келгусини ўйлаб, ғамхўрлик қилаётганига хурсанд бўлди.

— Бунинг ҳам тўғри маслаҳат, шу атрофдаги Анет, Котибақлардан эмасман-ку. «Молингни қайир, қўриғимга туширдинг, кўк ўтимни едирдинг» деб қайси биттасига айтаоламан. Онанг, қариндошларинг блан ўзинг сўзлашиб, бизнинг қишилик ғамимизни ўзинг ейсан-да! — деди.

Үспон, Абай айтмаса ҳам, унинг ғамини еб қўйган экан.

— Мана бу боланинг еттиси ўтиб, фотиҳа ўқигани келадиганлар бироз тайсалласин. Яқин ўн кунлар ичидашу ерга қўнган овулларнинг ҳаммасини кўчириб, қистовинг блан Қўриғингдан олиб кетаман. Бу йил Ашишису қаттиқ тошганга ўхшайди. Бу атрофнинг пичанлик ўти кейинчалик ҳам тез етилиб кетади. Пичансиз қолмайсиз,— деди.

Йўловчилар Оқшўқидан чиққанларида, Қўриқ бўйида ўтлаб юрган мўрмалаҳдек мол кўрингани бўлмаса, тикилган уй, жойлашган овул йўқ эди: Абай энди зеҳи солабошлади. Узуплиги беш чақирим келадиган ўлкага кам деганда ўн беш овул келипти. Бир-бирига яқин қўпган овуллар уйларини эндигина тикаёттир. Ҳар овулнинг атрофига қўй-қўзилари, сигир-туялари, беҳисоб отлар юради. Бутун мол мана шу сувга сероб, сўрқулдоқ ўт-ўланлари қулф уриб турган кўмкўк ўтлоқда тиним топиб, ором олаётганга ўхшарди. Ўтлоқ-яйловларда юрган молдек кўп қўзғолиб, юриб ўтламай, мавж уриб ёнган ўтнинг орасида тумшуғи теккан ерга ёпишиб қолгандек турарди. Мол туёғи ҳали пайхонламаган, яшиаб турган ўтлоққа келгандা, бор мол шу сингари бир ерга ёпишиб олади. Үспон блан Дарқон ҳозир шу Қўриқ бўйидаги мол аҳволини кўкламдан бўён, кунда кўриб, кўзи пишиб қолганидан дарҳол билишди.

— Мол жонивор ернинг қадрини одамдан ҳам яхши билади-а. Қўриқнинг сўрқилдоқ ўтига канадек ёпишиб қолганини қаранг, қимиrlамайди-я!— деб қўйди Дарқон. Үспон ҳам молга қараб хурсанд бўлганидан:

— Ҳар йили кўкламда келадиган макони-да, ҳатто сингиргача Қўриқни соғинганини билдириб турипти!— деди.

Шу сингари қимиrlамай тўп-тўпни блан ўтлоққа ёпишиб турган молнинг орасида ҳар ер, ҳар ерда тикланаштган ўтовларнинг шакли қўриди. Абай ўша ўтовларнинг тептекис, мавж уриб турган кўмкўк далада, биринкетин қад кўтариб, ўлкани тобора тўлдираётганига зеҳи солиб келаёттир.

Бутун овуллар баравар кўчиб, бу манзилга бир вақтда етиб келган бўлса керак. Бутун овулларда керегелар бир вақтда ёйилиб, чанғароқлар баравар кўтарилиб, кегайлар бир вақтда санчилаёттир. Қизил бўёққа бўялган, зич қилиб терилган кегайлар ўтовларнинг шаклини аниқ кўрсатиб турарди. Яна бир нафасдан кейин қизил гўр шаклида кўринаётган ўтовларнинг склетини, қулоч ёзиб

устига ташланыётган наматлар қоплаб, чанғароқларига түрт бурчаклик тундиклар ёпилди. Эндн төп-текис күмкүк дала, ямяшил дарё юзига гумбаз-гумбаз уйлар ўрнашаётир. Апа ўша овулларнинг ўртасига Улжоннинг катта уйи тикилди. Бу овулда шу уй тикилиб бўлган пайтда, бошқа овулларнинг ҳаммасида ҳам шундай катта уйлар олдин тикланыётган эди.

Оқшўқи блан мана шу овуллар ўрнашган қўнисининг ораси саккиз-ўи чақирим келарди. Йўловчилар келаётган томон балапдлик эди. Уша ердан то Қўриқقا етгунча бу овулларнинг кўписини, уй тикишини яқиндан санзандек, кўздан кечириб келаётган йўловчилар, Улжон овулига келиб етгунча, бутун уйлар батамом тикилиб бўлди. Ўи беш овул бу кимсасиз ўлкага, гўё кўчма ярмарка келгандек, гуркираган жонли ҳаёт барпо қилди. Ҳар овуднинг бир томони бойлик, бир томони йўқчилик, қашшоқлик бўлиб ўрнашди. Чет-четдаги қопқора капачалар, чайла-лар ҳаммадан кейин бўлса ҳам энди бош кўтаришди.

Абайлар катта уйга тушмади. Улжон уйининг пинжига кириб ўриашга, та'зиядор овулга — Такежоннинг уйига тушишди. Бўлис бўлгандан буён моли-дун'е ортдириб, бойиб кетган Такежон ёзда ҳам, қишида ҳам ўзининг хизматдаги — қўшиллари блап ўз олдига бўлак овул бўлиб кўчиб юради. Фақат мана бу Мақулбой ўлгандан кейин, сўнгги кунлардагина манзилга етгунча қўниб-қўниб кўчиладигап сафарда Улжон Такежоннинг овуллипи ўз уйига яқин қўндириб келаётган эди.

Бу кунларда Улжон ҳам, бошқа катталар ҳам эртаю-кеч кўпроқ вақтларини ўз уйларида кўра ўша Такежоннинг овулида ўтказишарди. Бу овулнинг катталари бало-ғатга етиб қолган, тўнғич боласи ўлган Такежон блан Қоражоннинг атрофида фармон-бардор бўлишиб, меҳри-бонлики ҳам бошқача қилишаётган эди.

Иифида, юпатишда, ёш арвоҳнинг хайри-худойисини беришда ёлғиз Улжонгина эмас, Қунанбойнинг ўзи ҳам, одатдан ташқари бир тарзда, ўғли блан келинининг атрофида ўралишиб қолган эди.

Абай Такежоннинг уйига от қўйиб келмади. Одатда ёш болага йироқдан йиглаб от чоптириб келинмайди. Ишим қилишади. Яна бу ўлим Абай синаладиган ўлим эмас. Мақулбойга Абай ҳам ака, ҳам ота қаторидаги одам. Эшикда турган Такежон блан Абай қучоқлашиб кўришди-да, одат бўйича уйда йиги бошлаган Қоражон блан

бошқа хотинларнинг олдига: «Қулиним-қулничоғим» деб йиғлаб кирди.

Үй тұла әркак-хотин, ҳамма йиғлаётір. Абай блан Қишкене Мұлда, Қоражондан бошлаб, Ойғиз, Улжон сингари кекса хотинларнинг ҳаммаси блан күришишди. Тұрда ўтирган отаси Қунанбой, Қоратойлар блангина күришмай, ўшалардан пастроқ ердан жой олиб, индамай күз ёшларини тұқиб ўтириши.

Бироздан кейин бошқалар йиғи-сифини тұхтатиб, Қоражоннинг үзи оналик зорини айтиб, йиғи берди. Гарчи қайғы ичидә бўлса ҳам Абай Қоражонни синамай қолмади. Яңгаси товушининг борича йиғлаганини күргани шу эди. Унинг товуши ёқимсиз, әркакларнинг товушига ўхшар, дўриллагангина экан. Сўзлари ҳам Қоражон жонини қийнааб, қуйиб-ёнганидан чиқарган сўзлар эмас. Мақулбой яхши бола, ўлимни раво кўриб бўлмайдиган жигар бўлса ҳам, Абайнинг жигари учун эзилаётган кўнглига Қоражоннинг товуши қаттиқ тегди. Шунинг учун Абай йиғидан тез тұхтади. Йиғининг охири Қишкене Мұлданинг салмоқли баланд овоз блан, бухор мақомида бошлаб юборган қур'онига уланди.

Қур'он бошланиши блан Қунанбой бошини қуий солиб, пинакка кетгандек ягона кўзини хиёл юмди. Ҳали йиғини тұхтатмаган келининга чап қўли блан «тұхтат» дегандек ишора қилди. Қоражондан юқори ўтирган Ойғиз, Қалиқалар, Қунанбойнинг ҳаракатини кўриш блан келинга:

— Бўлди энди, қур'он блан олишма!— дейишди.

Чойга, тушлик овқатга қараб Абай блан Ұспон шу үйда анча ўтириб қолиши. Овқат чоғида бўлмаса, бошқа вақтда бу үйда одам кам бўларди. Кун бўйи қимирламай босиб ўтирганлардан Қунанбой, Қоратой, Улжонлар. Яна бошида салла, кўзида кўзойнақ, олдига — оқ ястиққа қур'онни очиб қўйиб, қур'он тушираётган Ғабидхон мулла бор эди. Қўнғир соқоли бу кунларда анча узайиб қолгаи Ғабидхон мулла, афтидан зўр ихлос блан муножот қилаётганга ўхшарди.

Сузилиб, қур'онга тикилган кўзлари ба'зан юмилиб кетиб, ярим товуш блан пичирлаб кетарди. Еддан билган сураларини кўзини юмганича ўқиб ўтарди. Булардан ташқари бу үйда яна Абай, Ұспон, Қишкене Мұлда ҳам ўтирган эди. Қунанбой секингина шивирлаб буйруқ килгандан кейин Қишкене Мұлда ҳам ўрнидан туриб, таҳо-

рат қилиб келди, ўзи олиб келган қур'онини олиб, Ғабид-хон мўлдадан пастроқ ерда ўтириб, олдига ёстиқ қўйида, упинг устига шарофатли китобини ёэди. Тез сур'ат блан шивирлаганича қур'он туширишга кириши. Уй ичи узоқ вақт жимжит бўлди. Успон Абай томон ғенбошлаб, боши, елкаси блан тахлаб ташланган юкларга суянганича мудраб кетди. Бу ўтиришда Абай блан отаси ўртасида эсон-омонликни сўрашдан бошқа ҳечқандай гап бўлмади.

Қунанбой тўрт йилга яқин узоқ йўл юриб, шу йил қишлоқчидан пайтда Макка сафаридан қайтиб келган эди. Бу кунларда унинг соч-соқоллари оппоқ оқариб, жуда қариб қолган эди. Барваста гавдаси ҳали ҳам букилмаган, ба-қувват бўлса ҳам, юзидағи ажин кўпайган. Заҳил тортиб, бужмайган юзлари бир замонлар забардаст, ғайратли, бақувват бўлгац одамнинг энди куч-қувватдан анча қайтиб қолганини кўрсатиб турарди. Бошида ҳаждан кийиб келган оқ, чўққи дўппи. Эгнида Тўбуқтида кийилмайдиган сирма ёқалик оқ шойи тўн. Ҳозир у нима ҳақида сўзламасин, аввалгандек кескин, дағал товуш блан сўзлашмайди, мулойимлик блан астагина сўзлайди. Енидаги Қоратой, Улжоопларга нисбатан ҳозирги Қунанбой бошқа оламда, ўзгача устоз қўлида та'лим олиб ўсган кишига ўхшайди. Унинг сиртқи кўриниши ҳам сўфиёна, мулойим, пушаймони ичидан бўлган одамга ўхшайди.

Қунанбой Маккадан келгандан буён Нурғонимнинг уйида, чимилдиқ ичидан, ўзича ўз маконини чиллахонага айлантирган. Барчадан бегона бўлиб, узлатга чекинган одамдек ётарди. Мана шу боланинг ўлими гўё уни ўз ихтиёрига қўймай, кўпчилик ичига келтиргандек кўринарди.

Қунанбойни ҳазин, сокин дамлар қучоғидан онда-сонда бироз сұҳбатга тортадиган одам ўзининг тенгқурларидан бўлган кекса Қоратой эди.

Абай, отасининг ўзи блан сўзлашгудек сўзиң йўқлигини билиб, кун бўйи индамай ўтириди. Бирор гап қўзғолса ҳам, Қунанбой блан Қоратай ўртасида борарди. Қунанбой Маккадан келгац вақтда Қоратой ундан кўп нарсаларни сўраган эди. У вақтда Қунанбой Маккага бориш-қайтиш сафарида кўрган-кечиргандарини айтиб берганди. Истаса, ҳарқандай одамни гапга солабиладиган, ҳуш'ёр, дилкаш Қоратой Қунанбойни яна сўзлatabошлади. Гапни шу азадор уйга мос келадиган, ҳарбир диндор одам ихлос блан сўзлаб бериши фарз ҳисобланадиган бир ердан бошлади. Қунанбой ҳожи Маккаю-Мадинада зиёрат қи-

либ келган авлиёларнинг қабрлари ҳақида сўради. Қунанбой қўлидаги тасбиҳини ўгириб ўтиаркан, «Мадина-да кимларнинг қабри бор» деган саволга жавоб қилди.

— Мадинада Расул-оллонинг, ҳазрати Абубакир, ҳазрати Умарнинг, яна ҳазрати Биби-Фотиманинг ётган жойларини зиёрат қилдим! Қейинчалик пайти блан — ҳазрати Аббос, ҳазрати Ҳамза, ҳазрати Үсмоннинг қабрларини зиёрат қилдим! — деди.

Қоратой тақводор, диндор мусулмон қиёфасига кириб:

— У ерда бошқа саҳобаларнинг ҳам қабри бор эканми? — деди.

Қунанбой унинг бу саволига ҳам бажонидил жавоб қилди:

— Са'дий бинни Ваққос, Абдураҳмон бинни Ғовф, яна ҳазрати Биби Ойша ҳам ўша ерга қўйилган экан. Бу жойни пайғамбаримизнинг ёри-биродарлари қўйилган ер дейилар экан,— деган эди, Ғабидхон қур'ондан кўзини олмай туриб:

— Оширай-Мубашшара демак лозимдур! — деди·да, қур'онни тушираверди.

Қунанбой муллага та'зим қилгандек бош эгиб: — «Тўғри айтасиз мулла, мен ўз тилимизда айттаётиман», — деди.

Шундан сўнг Қунанбой Мадинадан Маккага бориш сафарини сўзлаб, Шомдан чиққан карвонга эргашиб 13 кун тияга миниб Арабистон чўлларида кезганини айтиб берди. Қоратойнинг илтимосига кўра, Маккага кириб боришида қаерда ихром боғлаганини, Арофатга қандай чиққанини, Байтиллонинг ичидаги Ка'бада неча ракат намоз ўқиганини батафсил айтиб берди. Маккадан чиқишида олдин пиёда юриб чиққанидан бошлаб, қайтиб келаётгандага кўрган-кечирғанларини яна бир хотирлаб ўтди. Шу чоғ — бирқанча вақтлардан буён узлатга чекиниб ўтирган Қунанбой учун ғоят ёқимли бир суҳбат бўлди. Бамайли хотир ўтириб чой ичилаётгандага ҳам, туш оғиб тушлик овқат чоғида ҳам, Қунанбой Қоратойга эўр ҳурмат билдириб ўтирди.

Абайлар отланай деб турган пайтда, Қоратой эшикка чиқиб кетган эди, Қунанбой кун бўйи бўлган суҳбатдан хулоса чиқараётгандай Улжонга қараб:

— Ўқимаган қозоқларнинг ичидаги Қоратойдек идрокли одам кам-да. Сўраб билган бўлса ҳам, ўша мен кўриб келган кўп нарсаларни худди ўзи кўргандек дилига жоқилиб олган! — деди.

Улжон, Қоратойнинг гап очиб, бугун ҳожини кўп нарсалар ҳақида сўзлатгани учун миннатдор бўлиб ўтирган эди. Ҳозир эрининг фикрига қўшилиб:

— Ниятингга сткурнинг идрокининг фойдасини ҳозир кўрдим. Сиз бизларга очилиб гапирмайдиган кўп гапларни айтдири. Шупча ишларни кўриб билиб келиб, ичингиизда сақлаб юрганингизни айтдириб, тоза гапга солдику,— деди.

Кам гапирса ҳам ўришлатиб гапирадиган Улжон, Қоратойни мақташ блан бирга, ҳазил аралаш эри Қунанбойни илиб кетди. Буни Қунанбой блан Абай иккови ҳам сезди. Абай астагина жилмайиб, онасига қараганда, Қунанбой Улжоннинг бу гапини енгилтаклиқдек билиб: «Хотин деган хотинлигига боради-да, буларнинг олдида на кўнгилдаги мұқаддас сирларни очиб бўлади-ю, на бир гап гапириб бўлади» деяётгандек, қошлигини чимириб қўйди. Қўлидаги тасбиҳини тез-тез ўғирганича Улжондан юзини ўгириб олиб, пичирлаб таҳлил айтиб фотиҳа қилди.

Абай отасининг ҳали Қоратойга ҳикоя қилиб берган гапларини эслаб, сўнг онасининг усталик блан ишлатган ҳазилини ўйлаб, яна отасининг ҳозирги кайфиятига зеҳі солиб ўтириб, истеҳзо блан боқди. Қексаликни кулги қилиш унинг хаёлида ҳам йўқ эди. Лекин, ҳажвга лойиқ бир ҳолат ўз-ўзидан туғилаётир. Қунанбой ҳақидаги ҳозирги фикр — куларлик эмас, ҳатто куярлик, ачинарлик ҳам эди.

Тўрт йил кекса устихонини сургаб, йироқларга бориб келганда, одамнинг олиб келадигани: «ана у ерда бир мозор, мана бу ерда бир мозор дейишгина бўлса, у одамнинг қўлга киритгани нақадар оз? Унинг устига уй ичидан, ёри-биродарлардан, болалари, жигарларидан юз ўгириб, узлатга чекиниш қандай катта йўқотиш?» деб, отасининг эндиги ҳаёти ма'нодан нақадар хориж эканигипи ўйлади.

Бироздан кейин Абай Ўспонни эргаштириб, Такежоннинг ўйидан кетаётгандан, кеч кириб кун ботиб бораётган эди. Ака-ука қаерда қўниш ҳақида ўйлашмаган бўлса ҳам, отга миниб ўлка бўйлаб катта сувни ёқалаб кетишиди. Кечқурун сув ичгани келаётган йилқиларнинг четидан ўтиб, бирарта овлуга ҳам тушмай, нома'лум сайлга чиққан кишидек кетаверишди. Ўспон отга миниб шундай бир

айланиб келайлик, дегандан кейин ҳалиги гапини айтмоқчи бўлса керак, деб Абай ҳам индамай кетаверди. Броқ то Үспон гап бошлагунча бўлмай, ўртадан бир мони'лик чиқди-ю, уларнинг асосий гали орасига тушиб кетди. Бунга — ўзларининг семиз оқ бедов миниб, қўлига чиройлик кўк қарчигай қўндириб келаётган овчи иниси, Қулойбердининг катта ўғли Шаке сабаб бўлди.

Абай блан Үспон катта сувнинг бўйига қараб кетаётгандарида, бу йигитча ҳам отини чоптирганича буларнинг орқасидан қувиб келиб, етиб олди. Эгнига аврастар тўн, бошига сариқ шоҳи сирилган юпқа қора элтери тумоқ кийган, хушчақчақ гўзал йигит Шаке елкан кемадек чайқалиб, елдек учиб юрадиган оқ сур бедов блан бирлаҳзада етиб келди-да, салом берди. Иккала акасига қараб илжайиб кулганича:

— Абай оға, сизларга қарчигайимнинг сан'атини кўрсатгали келдим, мен блан бироз шу сувни бўйлаб юринг, Қанжуғаларингизга биттадан ўрдак боғлаб юборай,— деди.

Абай, қизариб ботиб бораётган қуёш нуридан кўкраги ва елкалари олтин суви югуртирилгандек йилт-йилт қилиб турган кўк қарчигайга мароқ блан қаради. Унинг олтиндек сариқ кўзлари қуёш шу'ласида, қон хумор қилаётгандек ўт сочиб, ёниб туради. Ялт этиб кўзи кунга тушаркан, ўқрайиб-ўқрайиб қаради. Абай азбаройи қизиққанидан, Шакенинг қарчигайнин ўз енгига қўндириб олди. Қуш тобини биладиган қулай ҳаракат блан унинг орқа-бошини силади. Толпиниб, човт қилишга тайёр турган қушнинг авзойидан, атрофга сергаклик блан кўз ташлашидан унинг хўп тобга келтирилганини пайқади. Қушнинг сонини ҳам ушлаб кўрди.

— Афтидан, бу қуш ҳечбир паррандадан тап тортмай ташланадиган кўринади. Парвариши ҳам ўрнига қўйилган экан. Буни ким тобга келтириб берди,— деди жиянига қараб.

— Ўзим ўргатдим. Қарчигай-лочинни тобга келтириши ҳам хўп ўрганиб олдим,— деди жияни.

Абай инисининг шундай ҳунарни эгаллаганидан шодланиб:

— Ҳақиқатан бу ҳам бир сан'ат. Сайёдлик ўзи — киши жуда қизиқадиган сан'ат. Кўп сабру тоқат ва чидам талаб қиласи. Бу сенинг азамат бўлганлигининг аломати-да. Қани энди, бўлмаса бизга сан'атинги кўрсат-

чи. Юр,— деб, тақимлаб, тепиниб, остидаги семиз жий-рон отини йўргалатиб кетди. Узининг ҳам овга жуда қи-зиқишини айтди.

Шакенинг остидаги оқиш-сур бедов, тизгиннинг учи тегиши блан отилиб, елганича олдинга тушиб кетганда, булар сувнинг бўйига яқинлашиб қолншган эди. Сувнинг овчилар кўп борадиган жойи бирқанча ергача тошиб кетган экан. Ҳали булар отга минишиб келаётганларнида, ўша ерда гоҳ пастлаб сув юзини қучиб, гоҳ баландлаб кўкларга кўтарилиб гала-гала суқсурлар, тўп-тўп ўрдаклар, жуфт-жуфт бўлиб учиб кетаётган бўйни кўк ғозлар кўриниб турган эди. Лекин ҳозир Абай блан Ўспон яқин ерда биронта қуш кўраомлади. Шакенинг ўзи ҳам яқин ўртада қуш борлигини пайқамаган эди. У отини бир зайлда елдириб кетаётган пайтда, чангалига илинадиган қуш кўринганини кўк қарчиғайнинг ўзи билдириди. У овчи йигитнинг қўлига тўшини уриб «қўйиб юбор» дегандек ишора қилди. Толпиниб парвоз қилишга ҳозирланди. Шаке дарҳол отнинг бошини тортиб, бир лаҳзада атрофга кўз ташлаб чиқди. Лекин на яқип ердан учган, на сувнинг юзида юрган қуш кўринмай, ҳа деганда қарчиғайнини қўйиб юборақомлади. Шу тобда Абай тезлик блан отилиб келиб, қарчиғайнинг авзойини кўрди-ю:

— Қўйиб юбор, ўзи кўрди-ку,— деди.

Шу гап буйруқдек бўлди-да, кўк қарчиғай лип этиб овчининг қўлидан ерга тушиб кетгандек бўлди. Оқиш-сур бедовнинг томоғи тагидан ўтиб, яшириниб кетаётгандек ер бағирлаб кетди. Қарчиғай шу кетганича ўқдек отилиб, сувнинг нариги томонига ўтиб, кўк чўпни оралаб бориб, овчиларнинг кўзидан ғойиб бўлди. Унинг қай тахлитда ов қилишини тамоша қилиб дамини чиқармай серрайиб турган овчиларнинг оғзидан фақат: «Буқуниб кетаётир, буқуниб кетаётир» деган гап чиқди, холос... Шу онда кўк қарчиғай яна ўқдек отилиб, сувнинг у томонига ўтатуриб қизил шафақ остида тўшини ялтиратиб тикка кўкка кўтарилди-да, тўсатдан худди отилган тошдек ўзини пастга ташлади. У ташланган ердан бир лаҳзада, чўчиб қийғос-сурон кўтариб, қушларнинг патиллаб учгани эши-тилди. Теварак-атрофга сочилиб, безиб кетаётган катта-кичик ўрдак-ғозлар кўрниди.

Овчилар отнинг бошини қўйиб юбориб, чопиб кетишди. Қарчиғай тушган ерга ҳаммадан олдин Шакенинг ўзи этиб борди. Кўк қарчиғайнинг иккита сариқ-ола ғоз блан

қаттиқ жанг қилаётганини Абайлар ҳам узоқдан кўриб келишаётган эди. Кўмкўк ўтлоққа тошиб чиққан саёз сув ўртасида, тепадан келиб, тўсатдан қонли чангалига олган ёв блан икки сариқ-ола ғоз жон аччиғида қаттиқ жанг қилаётир. Сариқ-ола ғознинг биттаси қарчиғайнинг тагида бўлса ҳам товушининг борича қичқириб, икки қаноти блан сувни савалаб, устидан қарчиғайни улоқтириб ташлаб, унинг чангалидан қутилиш пайида олишаётир. Иккинчи сариқ-ола ғоз қарчиғайнинг устида, гўё ўзи ҳам қуш олиб юрган қирондек, ботирлик блан жонининг борича тепкилаётир. Бу икки ғоз ўртасидаги кўк қарчиғай гўё сандонга ташланган пўлат парчаси-ю, уларнинг қуёш шу'ласи остида ялт-юлт этиб, шунчалар тезлик блан ҳаракат қилаётган қора, қизғиши-сариқ патлари — ловиллаб ёнаётган аланига. Ҳаллослаб олишиш, уринишлари эса жон талашининг сўнг даража қизғин дамларини эслатарди.

Хаёт учун жооп талашиб бўлаётган курашнинг шу қадар тезлик блан учқун отиб, дам ўтмай минг оҳанғга тушиб турган пайти. Абай завқ қилиб, хандон ташлаб кулганича, яқин етганда отдан иргиб тушди. Чалчиқ сувни ёқалаб юрганича ўша ерга кетди. Чунки, отдан аллақачон тушган Шаке ҳали ҳам ўша иккита сариқ ола ғознинг ўртасида жанг қилаётган қарчиғайга қўли етмай юрган эди. Иккови илдам одимлар блан қушларнинг жанг майдонига энди етишди. Кўк қарчиғай, устидаги сариқ-ола ғознинг боядан бери тепкилаши энди кор қилгандек, дарғазаб бўлиб, ғоз яна бир тепганда, ўнг оёғи блан шап этиб чанг солди. Бўйнидан олиб сувга чалқасидан улоқтириб урди. Шаке шодлиги ичига сирфмай шошиб қолганидан: «Ё арвоҳлар!» деб юборди. Яна бироз кечикса, қарчиғайнинг остидаги сариқ-ола ғоз унинг чангалидан халос бўлар эди. Патлари юлиниб-юлиниб, эндигина қарчиғайнинг чап оёғидан сирғилиб чиқиб кетаётган экан. Шаке товушининг борича қичқириб келиб, қамчи блан ўша ғознинг бошига бир урди-да, босиб олди.

Бу чайир кўк қарчиғай олганда ҳам бирданига икки ғозни олди. Бу — овчилар тажрибасида кўрилмаган бир ўлжа эди. Агар ирнмчироқ овчи бўлганда: «қушимга кўз тегади» деб, назар-нафасдан сақлаб, қушини кўздан пинҳон тутган бўларди. Шаке икки ғозни икки оғасининг қанжуғасига боғлаб бериб, Ўспоннинг қанжуғасидаги ғознинг бошини кесиб олди. Патини тозалаб ташлаб, мия-

сини ўйиб олди-да, чўнтағидаги шакардан сепди. Ҳали ҳам қони қайнаб, ғазаб ичидан бетоқат бўлаётган пўлат қанотли қиронига едирди, яна иргиб оқиш бедовига минди. Ҳалиги ердан кўтарилган қушлар у қадар йироқлашиб кетмаган экан. Отининг бошини қўйиб юбориб, чоптирганича бир гала ўрдакларниг олдидан чиқди. Қарчиғай яна тўшини унинг қўлига уриб, талпинганида, отини қаттиқ чоптириб борди-да, қулочини ёзиб туриб, ўрдаклар кўтарилиши блан рўпарасидан қарчиғайнин улоқтириб юборди. Шаке улоқтираётган пайтда қуш икки елкасини чиқариб, бўйини ичига олган эди. Энди бир нафас қалқиб бориб, сўнг қўши қанотини чақмоқдек ярқиллатиб, лип-лип қоққанича отилиб кетди. Абай яна шодлиги ичига сиёмай қувониб, товушининг борича:

— Қушни заб солдими, усталик блан солганини кўр,— деб, ўша томонга қараб чопиб кетди.

Шаке қуш солиши блан чопиб келаётган ерида қамчисини буқлаб олиб эгарининг қошига боғлоқлик добилни қаттиқ дангирилатиб урабошлади. Суворийдан чўчиған ўрдаклар, аввало тўзғиб учишган эди. Энди добилниг товуши чиққанда, аввалгидан ҳам шошқолоқлаб, тикка ҳавога отилишди. Шу тобда қарчиғай ҳам эркин қанот қоқиб, қушларнинг тегидап стиб борган эди. Энди башқа ўрдаклардан ўзиб юқорироқ кўтарилган оёги сарриқ, бўйни яшил бир ўрдакнинг остидан бориб, пайзадек санчилди-ю, кўз очиб-юмгунча чангалига олди қўйди. Борлиғи блан овга берилиб, икки бари шамолда учеб елпиллаганича, нимагадир шовқин-сурон кўтариб, югуриб келаётган Абайнинг назаридаги қарчиғай бориб, ўрдакка ўзи интилиб човт қилгандек эмас, аксинча, ўрдакнинг ўзи қандайдир юмалаб келиб қироннинг чангалига илингандек туюлди. Бўйни яшил ўрдакнинг бўғзидаи чангальлаб, чалқасидан тушириб олган кўк қарчиғай ҳавода бемалол айланиб келди-да, Шакенинг ёнига, кўмкўк майсага тўп этиб тушди. Унинг бу ўрдакни олиши ҳали бирданига қўш ғозни олгандан ҳам таажжуроқ бўлди. Абай завқ блан тамошга қилганини айтиб битираолмас эди. У:

— Мана буни қирон деса бўлади... Заб тобланнптими... Жуда қизиқ ов қилас экан.— деб, бир қушни мақтар, бир — ҳақиқий овчи — сен экансаи-ку, йигит бўлса

Добил — қуш чўчктиш учун ясалган овчилар ишорачаси.
Ред.

сөндек бўлсин... Эр йигит эканингни бугун билдим,— деб инисини мақтарди.

Успон овга чиққанларидан буён бу тамошаларни қандайдир лоқайдлик блан, индамай кўздан кечираётган эди. Орқада келаркан, эндиғина от устида орқасига ташлаб қаҳқаҳ уриб кулди. Қарчиғайнинг овига завқ қилганидан эмас, Абайнинг шунчалар хурсанд бўлиб, гўдакларча елиб-югуриб, шодланишини эрмак қилиб келаётган эди.

Бу уччаласининг ичидаги моҳир овчи бўлиб, ўзини тутиб олганиданми, ёки яратилишидан шундай оғир табиатли, вазмини бўлганиданми,— ҳар қалай Шакеда ҳечқандай ўзгариш пайдо қилмади. Абай Шакедаги вазминлик ва саботни кўриб, ғоят хурсанд бўлди. Абай инисининг ҳунарига завқ қиласр экан, унда оталар-оғаларча, соғдил жигарларча фахрланиш ҳам сезилиб турарди.

Успон блан Абай отларига миниб, энди Шаке блан хайрлашиб кетмоқчи бўлиб туришган эди, шу чоғ яқин срдаги овулдан чопганича, укпар тақилган қора ғунанга миниб Ақлбой етиб келди. Анчагина бўйи чўзилиб қолган бу бола, бироз оқзилиги бўлмаганда худди Абайга ўшшар эди. Абай блан Диљдининг тўнгич боласи шу. Ақлбой отини қаттиқ чоптириб келиб, Успонга салом берди-да, Шаке блан Абайга қараб: «Ўлжа-ўлжа» деб, кулганича:

— Мени Аний опам юборди. Ҳалиги овлаган қушларининг ҳаммасини бизнинг овулга юборишсин деяётир,— деди. — Шунга келдим. Шаке оға, қани ҳаммасини менинг қанжуғамга боғлаб беринг,— деб, укпар тақилган семиз қора ғунанини кўндаланг қилиб тўхтади. Шаке ўз қўлидаги ўрдакни Ақлбойга бермоқчи бўлган эди, шу он Успонга тил битиб:

— Тўхта. Ҳамма ўрдакни эмас, битта ўрдакнинг синиқ қанотини ҳам тутқазмайман Анийнингга — Нурғонимингга,— деди.

Абай блан Шаке Успоннинг ғазабланиб айтган бу гапининг оҳангидан, тагида қандай бир оғир алам борлигини пайқашди. Овланган қушларни болага беришмади. Ақлбой қипқизариб, икки кўзига жиқ ёш тўлиб кетганича, ялт этиб Успонга қаради-да:

— Успон оға, ўҳӯ бунча қуримсоқлик,— деб, отининг бошини қайриб, чоптирганича қайтиб кетмоқчи эди, Абай уни тўхтатиб: «Оқшўқидан қачон келдинг?» деб сўради. Бола ҳамон ҳалиги гапкинг алами чиқмаган ҳолда:

— Аний опам, от арава юборган экан, бугун туш пайтида Абиш, Магаш ҳаммамиз бирга келдик,— деди-ю, отини чоптирганича овулига қараб кетди.

Ақлбойниң остидаги отига қуюқ қилиб кумуш блан зйнатланған эгар-жабдуқ урилған. Үзининг бошида эса құндуз телпак, устида кумуш тұгмали құқ мовут камзил, беліда олтін суви югуртирилған, қийматбақо тошлар қадаб ишланған камар. Отини чоптириб келаётған боланиң згар-жабдуқлари, кийим-кечаклари худди бир арзаңда, әлғиз қызыннан кийимігі үшарди. Уни шундай кийинтириб, шундай кутадиган, үз бағрига босиб асраб олған ҳозирги онаси — Нурғоним, ҳали Ақлбойнинг үзи айтған Аний опаси эди. Ақлбой ҳозир Нурғоним блан Құнанбояның құйылдаги кенже үғли ҳисобланарди. Үзи Абай 16 ёшдалық чөғіда туғылған, ерта балогатта етиб қолғандан, яна Құнанбояның құйылда, әлғиз үйде кенже үғилдек үсганидан Абайға ота деб қарамас эди. Абай ҳам унга нисбатан оталарча мұносабатда бұлмай, гүё бир инисидек қаарди. Ҳозир Ақлбой отини чоптириб кетгандан ҳам, худди акаларидан аразлаб, зарда қилиб кетаётған боладек кетди.

Уша боланиң авзойини ёқтиргеманыданми, әки Ұспоннинг құрслиги ҳайрон қолдирдими, ҳархолда ҳалиғина сайёдликка қызықиб, гұдакларча қувониб, тамоша қилаётған Абайнинг бирдан нашқи паст бўлиб қолди. Шаке блан хайрлашиб-ю, отининг бошини буриб үз овулига, Оқшұқига қараб кетаверди. Шаке ҳам қарчигайға яна бироз овқат бериб, сувни бўйлаб отини слидирганича кетди.

Ұспон әлғиз кетаётған Абайнинг орқасидаи елиб югуриб, етиб боргандан, Абай инисига совуқ назар ташлади, зарда блан жеркиб:

— Хўш, сенинг ичингга қандай ўт тушган? Бола-чақалар олдида заҳриниң тўкиб согланинг нимаси? Еки ҳали ҳам кундошваччаликнинг алами бўғаётирмн? Қани гапирчи,— деди.

Бугун эратлабдан бўён, бирга юрганларида ҳарбир гапда билимдонлик қилиб, үзини кайта тутиб, гердайиб юрган Ұспон энди бир лаҳзада ўзгариб қолди. Абайға кўз қирини ташлаб, униң авзойи бузилиб турганини пайқади. Бунинг устига оғасининг товушидаги зарда оҳангини сезгач, сесканиб кетиб, үзини йиғишириб олдида, астагина:

— Жеркиб юборишим ўринсиз бўлса бўлгандир, Абай. Чиндан ҳам болага билдирганим чакки бўлди. Лекин бекорга шундай қилди дейсанми? Эрталабдан бери сени холи топиб сўзлашмоқчи бўлаётганимнинг боиси ҳам шунда. Қечадан бошлаб битта-яримтанинг қўлида ўлгим келиб, қонимга ташна бўлиб юрибман. Биз, Қунашибой болалари, мана бугун бир иснодга қолдик,— деди.

— Нима деяпсан ўзинг? Қандай иснод? — деб, Абай тўсатдан отининг бошини тортид.— Айт, ҳозир,— деб, Ўспоннинг кўзларига қаттиқ тикилди. Ранги ўчиб, борлигини титроқ босган ҳолда, иснод бўлиб тушган гапнинг айтилишини кутди.

Ўспон энди ғазаб блан қовоғини солганича Абайнинг юзига тикка қаради. Қуёш нурига чақилиб турган ўткир кўзларида ғазаб ўти ёниб туради.

— Бу иснодни Нурғоним келтираётир. Уч кундан буён ўша кичик хотинчанинг аэзиз меҳмони бўлиб, отангнинг уйида Бозорали ётипти. Отамнинг покиза тўшагини харом қилаётир. Мана менинг дардим шу. Гарчи бу ишларни кўпдан буён сезиб юрган бўлсан ҳам бугун сендан яширгудек тоқатим қолмади. Ниҳоят, айтишга мажбур бўлдим. Бу сирни сендан бошқа кимга айтиб, кимга изҳор қиласман. Отам ана у та'зиялик уйда ўтирганида, шу бугун кечаси ўша иккала юзи қорани ўша уйнинг чанғароғига осиб ўлдирсам деб турибман,— деди.

Абай кўкрагидан ўқ теккандек ва ҳозир нафаси узилиб бораётгандек, от устида серрайиб қотиб қолганида, бутун а'зоси ларзага келиб, узангилар ҳам оёғида турмай сирғониб кетаётгандек бўлди. Лекин ғазаб ичидан бўғилиб, томоғига тош тиқилиб қолгандек туюлди. Кўзлари қоп талашиб кетди-да, Ўспонга ҳайқириб:

— Бас қил. Алжима. Бу номус эмас, номуссиэлик. Тўнг бўйинлик, дағаллик, нодонлик. Қайси юз блан шуни гап деб гапираётисан?.. Шу тўғрида бирон шумлик қилиб, жанжал чиқарадиган бўлсанг, ўша чанғароқча ўзингни остираман. Мана шу гап тилипгга тийим, қўлинингга киshan бўлсин. Бир оёғи ерда, бир оёғи гўрда бўлган отангни қабрига тўнаб киргизмоқчи бўлаётисанми? Юртиоламга шарманда қилиб, гўшитини итга ем қилиб, ўлдирмоқчи бўлсанг керак, аслида? — деди-да, отига зарб блан қамчи босиб, йўргалатганича ёлғиз ўзи Оқиүқига қараб кетди. Бу вақтда қуёш манзилига эндинга кириб бораётган эди.

Бутун ўлка, дала кеч пайтида ботиб бораётган қүёшнинг қипқизил, шафақ шу'ласига чулғакган эди. Остидаги жийрон отини тобора қаттиқ йўргалатиб кетаётган Абайнинг хаёли остин-устун бўлиб кетмоқда. У Нурғонимдан ҳам беҳад ғазабланар, отасининг ориятига тегадиган сирни айтишга оғзи борган Ўспоннинг ясама номусидан ҳам ранжиб, ғазаби қайнарди... Бозорали. Қозоқлар ичидаги биттаю-битта суюнган тоғи, Абай учун бу атрофда ундан азиз, ундан ҳам қийматлироқ жон бормиди. Мана, энди у ҳам бир нафасда таниб бўлмас даражада бегона бўлди қолди.

Кўпдан бери Абай: номус ва ғазаб, алданиш ва хибнат, аянч ва орнинг шу сингари кўп қиррали, мураккаб бўлиб келиб исканжага олганини кўрмаган эди. Ҳар қирраси устаранинг дамига ўхшайди. Юракни аямай, тилкалаб ташлайдиган ҳислар кўнглида қуюндеқ тўс-тўполон кўтармоқда. На бир нарса дейишни ва на бир нарса қилишин билади. Гангид қолган. Фақатгина, шу дилозор фикрлар ичидаги, Бозоралини ҳам хотирлаш блан, тўсатдан бугун эрталаб ўқиган «Дубровский»нинг тақдири эсига тушди. Шуни ўйлади-ю, кўнгли апча таскин топгандай бўлди. Қунанбой блан Бўжей, Такежон блан Болоғози, Үролбой блан Керимбола — қисқаси наслдан-наслга кўчиб, суюк суриб келаётган ғазабни ўйлади. Бозоралининг бўғин-бўғинидан тортиб, Қунанбой авлодидан узлуксиз равишда иззат нафса тегадиган, туртки сб келаётгаш қариндошларини эслади. Шунинг блан бирга яна, Троекуровнинг зулмидан ўлгани Андрей Дубровскийни хотирлади.

Сўнгра душманлик ўти ичидаги дардига даво бўладиган гулни, жонидан азиз севгили ёрини топган Владимир Дубровский блан Машанинг аламли дардлари беихтиёр келиб, ўзгача бир салмоқ блан босди. Адолат тилаб, ҳақиқатпавар қалбга: одил ҳукм чиқар, деб амр қилаётгандек бўлди.

Тасирлаб, йўргалаб келаётган жийрон отини ба'зан қамчилаб, янада қаттиқроқ елдириб кетарди. Шу сингари юришни тезлатиш блан бирга, гўё ўз ўйларини ҳам қамчилаб ҳайдагандай бўларди. Броқ, унинг идроки яна қистаб: «Йўл топ! Йўриқ топ!» дсяётгандек бўлса ҳам, кўнглида ҳали эшифтгани маш'ум хабарнинг тенг тарозуси пайдо бўлди-ю, нари кетмади қўйди. У тарозининг бир палласида Қунанбой, Нурғоним ва Бозорали бўлса, иккин-

чи палласида Троекуров, Владимир Дубровский, Маша бўлиб, тенг босиб туриб олди.

Абай учун китобдаги ҳақиқат ва ҳаёт оғуси бирга қўйилиб, бетма-бет келиб, унинг кўз ўигида тўқинишгани шу эди.

Абай ўз овулига қош қорайиб, қоронғи тушабошлаган пайтда стиб келди. Эшикда ҳечким йўқ, жимжит экан. Одатда Абай бир ердан келганда олдидан югуришиб чиқадиган болалар ҳам йўқ. Кўп овуллар бугун Қўриқقا келиб жойлашиши блан, домласи ўша ерга кетгандан кейин болалар ҳам ўша ёққа кетишгани экан. Афтидан, ўй солаётган ишчиларнинг кўпчилиги ҳам яқинга келган қариндош-уругларини кўриб келгани ўша ерга кетишган кўринади. Абай жийрон отини аста-секин бостириб келиб, ўз овулнинг ёнига тушди. Отини ҳам ўзи боғлаб, уйга қараб юрди. Шу тобда уйнинг ичидан ипакдек майин овоз блан айтилаётган куй эшитилди. Абай шу товушни эшитган он, ўша куйни тўхтатгиси келмай, ўтовнинг бўсағасига яқин жойга ерга ўтирақолди. Унинг келганини ҳечким билмади. Куй ҳамон эшитилиб турарди. Абайнинг келганини фақат ошхонада юрган Злиҳагина билган эди. У дарров келиб, эшикни очиб, Абайнин уйга киргизмоқчи бўлди. Лекин ёш жувон яқинлашиб келганда, Абай астагина имлаб чақирди-да:

— Злиҳа. Овора бўлма. Уйга кирма. Айгерим жуда яхши куйлаётир. Бузмасдан бироз эшитайлик,— деди.

— Уйда чироқ ёқилмаган, шам ёқай,— деди Злиҳа.

— Майли, ҳераги йўқ. Куй бузилиб кетади,— деди Абай.

Злиҳа мулойимгина жилмайиб, оппоқ садафдек каттакатта тишлигини кўрсатди-да, эҳтиётлик блан қадам босиб, орқасига чекиниб, ер ўчоқнинг бошига қараб кетди.

Абай тумоғини олиб, чопонининг енгини ечди, қора желаткаси блан оқ кўйлагининг тутгамаларини чиқариб, ёқасини очди-да, борлиғи блан ўша мунгли ва содда куйга берилиб, эриб қулоқ солди.

Холи уй, қоронғи тушиб келаётган сокин кеч пайти. Елғиз ўзи қолиб, шу эркинликка шодланиб ўтирган Айгерим бир яхши куй куйлаётир. Куйлашининг боиси: бэррига босиб ўтирган икки яшар ўғли Турош бўлса керак. Ўшани аллалаган бўлиб, айтилаётган куйга ўхшайди. Абай энди қулоқ солабошлаган пайтда, кичкина Турош бир-икки гингшигани эди. Лекин, ухлаб қолдими ёки куй

юпатдими, ҳарҳолда товуши чиқмай қолди. Айгерим «Қора күз» куйини айтадиган. Бу куйни ҳам шу элга ўтган йил ёзда Биржон келтириб тарқатган эди. Сирли кеч, оғир сукунат қучогида та'сирли, мунгли соз майнингина тўлқинланадиган. Айгерим бу куйни товушини барада қўйиб куйламай, астагина айтганда, хилма-хил дардларини яна ҳам чуқурроқ ифодалаётгандек тууларди.

Қора күз ойим!
Қолдинг кейин,
Кетгандা кўнглинг олис,
Мен не дейин!—

деган бандини, ғоят та'сирли қилиб айтадиган. Бу куйни Айгерим фақат товуши блан эмас, қалби блан куйлаётгандега ўхшарди. Куй орасидаги нақаротли бандларининг кўп сўзлари айниқса «кетгандада кўнглинг олис» деган жойларини шу кеч, шу айтишида ўзича ўзгартириб айтадиган эди. Бу сиҳрли куйга ҳақиқий оқин, ўланчи ҳозирги соатда ўз кўнглидаги армони ва барчадан пинҳон тутган нозларини қўшиб ифода қилаётгандек тууларди. Шу орзуладиган оқшомида, шомигарибонда садоқатли ёр ўз сирларини ҳам, Абайнинг дард-аламларини ҳам қўшиб, бир созда чертаётгандега ўхшарди. Айгерим кўп вақтлардан буён куйламайдиган бўлиб кетганди. Биржон кетгандан кейин, Айгеримнинг ўланга моҳир деган номи бутун Ирғизбойларга тарқалди. Лекин, худди шу Қунанбой овулининг ўзи, шу сингари отоқли катта даргоҳда куйга уста келин бўлишини бир нуқсон деб билган эди.

Айниқса Қунанбой Маккадан қайтиб келгандан кейни эса, бирорта келиннинг куйи, ўланни унинг қулоғига етмаслити керак эди. Эркин равишда ўйин-кулги қилишларини сездириш мумкин ҳам эмасди. Бунинг устига, Дилданинг кундошлик орқасида ғазаб блан гапирадиган аччиқ-тиззиқ гапларини қулоққа илиб оладиган овсин-ажинлар, қайнағалар, оналар — ҳаммаси ҳам Айгерим учун Абайнин койишарди. Ҳазил аралаш эрмак қилганларида, орқасидан гапиргандарига ҳамиша гапни Айгеримнинг ўланидан бошлашарди. Ба'зан эри-хотин иккови ёлғиз қолиб, ўзлари ўтиришганда, Абайнинг илтимосига биноан бир куйлаб қолса, ўша ҳам ёмон кўриниб, соvuқ бир хабардек дарҳол Қунанбойнинг овулига тарқаларди.

Ниҳоят куй Айгеримга ором бағишлиш ўрнига, озор бағишлиайдиган майдага гапларнинг манбаига айланиб қол-

ди. Шунинг учун Абайнинг бу оқила ёри бундан кейин ўлан айтдирмасликни илтимос қилди. Айгеримнинг кўз ёшлари блан шунчалик ўтишишининг сабабини Абайнинг ўзи ҳам англаган эди. Шунинг учун у ёқ-бу ёқни ўйлаб кўриб, уининг сан'атини ерга кўмишга розилик берган эди.

Лекин, ҳамиша илҳом келиб, дўмбирасини чертиб, ўзи астагина куйлаганида, ёки янги куйлар тўқиб узоқ-узоқ машқ қилиб ўтирганида, Айгерим алланечук ўзгариб кетарди. Ранги ўчиб, қопқора наркас кўзларида ўйчанлик акс этар, ба'зан ёшга тўлиб жовдираб, қошлири чимирилиб кетарди. Абай ундаги бу ҳолатни яхши англаса ҳам, сир бой бермас эди. Айрим вақтларда Айгерим томонидан ҳечқандай ишора, илтимос бўлмаса ҳам, Абай жараглаган дўмбирани фақат Айгерим учун чаларди. Дўмбирасининг жараглаган садоси блан уни юпатишга уринарди. Шунинг блан гўё зўр сан'аткор оқин қалбини бир қадар юпатиб, эмлагандек бўларди. Сўнгги йилларда Абай дўмбира чалганда кўши ихлос блан чалар, иккови ёлғиз ўтирган пайтларда гўзал-гўзал куйларни чаларди. Шундай вақтларда бор сан'атини ўзининг шитиқиб севган ёри Айгеримга бағишларди. Шу йил қиши ҳозиргидек кеч кириб, қош қорайиб келаётган вақтда, катталарнинг уйига ёндош уйда Абай дўмбира чалиб, Айгерим эшишиб анча вақт ўтиришида, ниҳоят ёш келин «оҳ» ургандек қаттиқ хўрсиниб юборди. Абай дўмбирасини ташлаб:

— Айгерим, сенга пима бўлди? — деб, хотинининг бўйиндан қучоқлаб олган эди, қўлига мунчоқ-мунчоқ иссиқ ёшлар юмалаб тушганини сезди. Ўша куни Абай, кўнглидаги аламли армонини чор-ночор очиб айтишга мажбур бўлди.

— Сен булбул эдинг! Ҳавода эркин учиб, ямяшил повдаларга қўпиб, шу нафис, ёқимли товушинг блан булбулдек сайраб юрган бўлар эдинг. Юракдаги ҳисларингни ифодаловчи гўзал куйларинг блан тингловчиларингни лол этгани яратилган эдинг. Мен ўша дилбар булбулни домга илинтириб, чиройли қафасга солиб қўядиган овчилардан бўлдим. Сен ўша қафасга тушган булбул бўлдинг. Мен товушингни ўчириб, сезтир, зийрак қалбинингни бўғиб, бошқалarda бўлмаган ажойиб фазилатингни кўмиб ташлашда шу овулдагиларга ёрдамчи бўлдим,—деди.

Мана, ҳозир ҳам ўша қафасдаги булбул товуш чиқариб куйлашга ботинаолмай, ўз дардини, асирик қайғу-

ларини ҳаста овоз блан ифодаламоқда. Айгерим «Қора кўз» куйини ғоят тўлқинлатиб, ўзига хос бир ма'но, ўзига хос бир сир бағишлаб, жуда нағис ва мунгли қилиб куйлаёттир. Бу куйда: соғдил, меҳрибон она, бағридаги ўзига ўҳшаш гўзал, шу қадар ширин тўнғич фарзандига чин кўнгилдан баҳт-саодат тилаёттир. Ҳали гард тегмаган алангали севгиси блан вафодор дўстига—Абайга ҳам энг яхши ниятларини бағишилаёттир. Бу куйда тугун-тугунчаклар босган қалбини ўз ихтиёри блан банд қилганлик ифодаси ҳам бор. Яна: бугун ана у Қўриқда кўз ёшлиари ни тўкаётган она — Қоражоннинг доғи-ҳасрати, қайгусининг оғир излари ҳам бор. Абай анча вақтгача қулоқ солиб ўтири. Ўзининг тор қафасида кечки пайт рухсатсиз эркинликка чиққан, борлиқни унутган, кўнгил дардларини куй блан ифодалаётган моҳир ўланчи анча куйлаб ўтириб, бутуплай қоронғи тушгандагина куйини тўхтатди. То Айгерим куйлаб бўлмагунча, Абай ўтирган жойидан қимириламасдан, пишакка кетиб қулоқ солди. Айгерим куйни тўхтатгандан кейингина уйга кирди. «Тўсатдан келар» деб хаёлига ҳам келтирмаган Айгерим, уни кўрган замон ўнғайсизланиб кетди. Ўрнидан учиб туриб:

— Сиз қачон келган эдингиз? — деди.
Абай мулойимгина кулди-да:
— Мен, Турош ҳали ухламаган, «Қора кўз» эндигина бошланган кезда келган эдим,— деди.

Абай блан кетма-кет кирган Злиҳа шам' ёқди. Шу кеч Абай, кўнглида пайдо бўлған бир гапини Айгеримга айтди:
— Сен эртага Такежоннинг уйига бориб, фотиҳа ўқиб келасан. Овулнинг бор катталари ўша ерда бўлишади. Мен бугун зеҳи солиб кўрдим. Қоражон Мақулбойнинг онаси бўлгани блан, дурустроқ айтиб йиғлаётгани ҳам йўқ. Сен ҳали куйлаётганингда мен шу куйга мос қилиб айтиб йиғлаш учун сўзларни ўйлаб қўйдим. Мен ёзиб берай, сен ёдлаб ол. Куйга ўзинг солиб оласан! Менингча ҳалиги ўзинг айтгани «Қора кўз» куйини қайгули, мунгли куйга айлантириш мумкин. Ўша оҳангга солиб, айтиб йиғлайсан!—деди.

Иккови ҳам шунга қарор қилишди. Кечаси Абай, ухламасдан ёнида ўтирган Айгеримнинг юзига қараб-қараб қўйиб, Мақулбойга атаб марсия ёзабошлади.

Абай Айгеримнинг «Қора кўзни» ўзи чиқарган бир янги йўл блан айтиётганини пайқаган эди. Унинг билишича,

Айгерим моҳир ўланчигина эмас, бастакор ҳам эди. Энди Айгерим Абайнинг қоғоз устида тез-тез ҳаракат қилаётган қўлига қараб туриб, шу онда бир ўзгача ше'р аратилаётганига севинарди. Шодлигидан мулойимгина жилмайиб қоғозга телмуриб турарди. Бу кеч ҳар иккови учун ҳам хайрли ва саодатли, ижодга ундовчи, илҳомбахш кеч бўлди. Абай ҳам ўз зиммасига олган марсияни тезги на битирди. Ёзиб бўлиши блан овозини барала қўйиб ўқийбошлади:

Қизил билак қароннинг
Гўдагини дард олди.
Мевали ёғоч — бойтерак,
Ниҳолини ўт олди.

Кетига ёдгор ташламай,
Ёл, қўйругин калта олди.
Оға-япини тўйғизмай,
Озроқ қўймай, эрта олди.

Қўп яшамай, ёш кетган.
Яраси улкан — ёш ўлим!
Қақрган ерни тез ўрган,
Кундош дун'ё — қасд ўлим!

Кетига ёдгор қолдирмай.
Багри қаттиқ тош ўлим!
Ингламайнин деса-да,
Чиндарликми шу ўлим!

Бурро тилинг бор эди,
Югрук ақлинг бор эди.
Қўп яшамай — тез кетдинг,
Қўз ёшимни оқиздинг!

Кўпдан бери ўз юрагида ҳам оналик меҳри пайдо бўлган, яна Мақулбойни ўлимга раво кўрмайдиган Айгерим, эри ҳозир ёзган марсиясини ўқиётгандада, йиғлаб ўтирган эди. Зеҳни ўткир, зийрак аёл, Абай тўрт-беш қайтариб ўқиб бериши бланоқ марсиянинг сўзларини ёдлаб олди-да, бирга қўшилишиб айтди.

Эртасига Айгерим Абай блан бирга, ёнига Зилиҳап ҳам олиб, та'зияга олиб бориладиган лозимадаларни кўтаришиб, азага кетди. Такежоннинг уйига яқинлаб боришлари бланоқ Айгерим нафис ва ёқимли овоз блан айтиб-айтиб йиғи бошлади. Та'зиядор уй бугун ҳам кечагидек йиғлашаётган одамларга лиқ тўла эди. Булар келиб, уйдаги хотинларнинг ҳаммаси йиғлаб кўришиб бўлган-

ларидан кейин Қоражоннинг ўзи йиги бошлаган пайтда, ундан пастроқда ўтирган Айгерим катталарга юзини тўла кўрсатмай хиёл қиялаб ўтириб, икки қўлини биқинига тираб олиб, ингичка ва ғамгин овоз блан йиги бошлади. У йиги бошлаши бланоқ Қунаңбой бошлиқ ўтирган катталарнинг ҳаммаси борлиғи блан берилиб, диққат қилиб тинглашди. Мақулбой ўзидан ҳечқандай ёдгор қолдирмай кетганини айтиб, ҳазон урган ниҳолдек бўлдинг, деган жойларининг та'сири Айгерим қўшиб айтаётган мунгли қуй блан эшитилгандай, икки баравар кучлироқ бўлди. Ҳамманинг юрак-бағриши эзив, йиғлаганинг ҳам, йиғлагаманинг ҳам кўз ёшларини оқизди. Гарчи уйдагилар бир қайта йиғлаб тўхтаган бўлишларига қарамай, Айгеримнинг оҳи-зоридан кўнгиллари бўшашиб, яна йиғлаб юборишиди. Улжон ҳам ўзини тутолмай товушининг борича:

— Қўзларимнинг нури, у қулунчоғим, армони ичидан кетган қўзичоғим,— деб ўкириб-ўкириб йиғлаб юборди. Эркакларининг ҳам кўпчилиги кўз ёшларини тияолмай йиғлайбошлашди. Айгеримнинг оҳи-зорида ёлғиз Мақулбойнинг доғигина эмас, Абайнинг ўзи блан Айгеримгагина ма'лум бўлган бирқанча жароҳатлар ҳам борлигини эслаб, Абайнинг ўзи ҳам йиғлаб юборди. Армонда кетгаш ёш ўғлоннинг ҳақиқий азаси энди очилиб, ота-онанинг чин оҳи-зори энди эшитилгандек бўлди. Фақат Айгерим аралашгандан кейингина, йиги йиғидек бўлди. Ўтиргачларнинг ҳаммаси ачагача ўзларини тутолмай йиғлашиб ниҳоят сабр қилишиб, қур'онга навбат беришиди. Йиги босилгандан кейин, Қунаңбой Улжонга қараб:

— Болангнинг йиғисиши мана шу келин берсин. То қирқи ўтиб, келди-кетди босилгунча шу ерда турсин, кичкина Мақулбойнинг та'зиясига келганларга йиғини шу берсин!— деди.

Бу гап Улжонга ҳам ма'қул тушди. Шундан кейинги кунларга мана шу гап буйруқ ҳисобига ўтди. Айгерим шу келганича Оқшўқига, Абайнинг ёнига кетмай, Қоражон блан ёима-ён ўтириб, оналик оҳу зорини бирга айтишиб қолди.

2

Мақулбойнинг еттиси ўтгунча, Қунаңбой Такежоннинг уйида бўлиб, Нурғонимнинг овулига бормади. Шу кунларда унинг ёш хотини уйидан йироқлашиши, Нурғоним-

нинг бошида кўп можароларни туғдираётган эди. Бу сир тутиладиган, лекин кўп оғир ва чигал мёжаро. Қунанбой овулининг ша'нида бўлмаган оғир бир тортишув бораётир. Бу тортишув Үспон блан Нурғоним ўртасида кетаётир. Иккенинг шу кунларда бир-бирига бўлган қасдлиги ишлажон тутимиб, изҳор қилинмай келаётгани учун яна ҳам кескинлашган.

Кечада Үспон Абайга етказган хабардаги аҳвол бугун ҳам ўзгармаган эди.

Бозорали Қунанбойни кўргани келди. Қунанбой уни Тўбуқти йигитлари ичидаги ҳаммадан кўра бошқачароқ ҳисоблар, ортиқроқ кўрар эди. Уз болаларига, иниларига қилмайдиган илтифотларни қиласар эди. Еш йигитнинг суҳбатини ҳам яхши кўради. Қунанбой Маккадан келгандан бўён Бозорали блан учрашгани шу эди. Шунинг учун ҳам бемалол ўтириб, ундан ҳол-аҳвол сўради. Үнинг ота-оналари шу кунга қадар ҳам йўқчилик чангалидан чиқолмаганини, айниқса шу кунларда жуда қаттиқ муҳтоҷликка тушиб қолганларини ҳам эшилди.

Бозорали азаматлиги, мардлиги орқасида кам-кусти, фақирлигини бирорга айтмай келарди. Лекин Қунанбояндан бирор сирни яширмади. Ҳайдалиб кетган Болағозининг бола-чақалари, тўргайдек тўзиб, саргардон бўлиб юрганинг яширмади. Үнинг эси кириб қолган болалари кунларини ўтказиш учун ўзларига тўқ қардошларининг эшигига хизмат қилиб юрганиларини, уйидаги гўдакларининг бир қошиқ оби-ёвғонга зор эканликларини ҳам қолдирмади.

Эри ҳурмат қиладиган бу азамат йигитдан Нурғоним ҳам ўзини тортмайди. У Бозоралига атаб, турли-тумап кийим-кечаклар тикитираётир. Нурғоним ҳали ҳам Бозоралининг гўзал сиймосига, унинг шердек, келишган ва кўркам қадди-қоматига ўша қизғин дўстлик блан боқарди. Унинг ҳаётидаги, ҳечқачон қадри йўқолмайдиган бирдан-бир азиз одами — шу меҳмон. Ўзининг бундай қилишига бу овулдаги ўзга одамларнинг нима дейиши, қандай қарашига парво ҳам қилмас эди. Үспоннинг жини қуришиб, орқасидан сўйиб-сотиб юрганини бирнеча бор эшилган бўлса ҳам, этибор бермай лабларини чўччайтириб, «вос-вос» деб қўяқоларди, холос.

«Бозоралига кийим тикитиргани нимаси! Бу қандай расвонлик! Жўрттага билсин деб қилаётгандир-да? Бундан ҳам зўр шоҳид борми?» деган гаплари етиб келганда

ҳам, Нурғоним қисилица қимтихнади. «Нима деса дер, қўлидан келганини қилсан!» деб баттар ўчакиши. Энсаси қотиб, Қунанбойнинг буйруғи блан тикираётганини айтишга ҳам тили бормади.

Нурғоним кеча кечқурун Ақлбойни кўл бўйига юборганда ҳам Успонни синамоқчи бўлиб, унинг жинига тегиш учун ўсмоқчилаб жўрттага юборган эди.

Успоннинг дағаллигини Ақлбой оқизмай-томизмай етказди. Лекин баланд қоматли танноз Нурғоним на хафа бўлди-ю на сиқилди. Кўнглига ҳам келтирмай, сиртига ҳам юқтирмай, боягисидек юраверди. Гарчи Успоннинг Абай олдida ҳам уни кесатиб-нуқатишини эшифтани шу бўлса-да, ундан ҳам хижолат қилмади. Ичидан: «Абай жиловини Успоннинг қўлига бериб қўядиган бўлса, уни ҳам кўрарман!» деяётгандек бир вазият олди, холос. Шу кайфиятда икки-уч кун ўтди. Успон ҳали ҳам аламига чидолмай, фижиниб юради. Бугун эрталаб суғоргани олиб келинган молга сув қўйдириш учун ўтиб кетаётib, Нурғоним блан Бозоралининг уйда ҳазиллашиб, қаттиқ кулишгаётганини эшитиб қолди. Шу баҳона бўлди-ю, Нурғонимнинг уйидан чиқиб сув олмоқчи бўлиб келган ёш келинчакка ҳайқириб:

— Қайт ҳозир! Бу қудуқдан Нурғонимга сув берилмайди. Олдирмайман, қудуғимни харом қилдирмайман. Йўқол, бориб айт! Бундан буён шу қудуққа Нурғоним учун сувга келган кишининг бўйини узиб ташлайман!—деди.

Бунинг устига, ҳалиги келинчакка эшифтириб, новга сув қуяётган Масоқбой, Дарқон каби бирнечча эркакларга қараб: «Кечаю-кундуз шу қудуқнинг бошидан нари кетмай қўриқлаб туринглар. Нурғонимга бир қултум сув берманглар!» деди.

Успон кун бўйи ҳормай-толмай қудуқ бошида юриб, ўз буйруғини жойига қўйди. Шу куни Нурғонимнинг овулни бир томчи ҳам сув ололмади. Успон қўлига йўғон қамчи олиб, гоҳ қудуқ бошида ўтирас, гоҳ катта тўриқ отнга миниб, Нурғоним овулдан сувга келаётган биттаяримта одам кўриниб қолса, ўшқирганича олдига солиб ҳайдарди. Ба'зиларни қамчи блан савалаб, қувлаб ҳам юборди. Кечга томон овулдан анча наридаги катта сувга туя блан бориб, бочкалаб сув олиб келаётган иккита кек-са хотинни кўриш блашоқ, Успоннинг ўзи уларнинг йўлинни тўсиб, туяга ортилган сувни бочкаси блан ағдариб юборди-да:

— Нурғонимга бориб айт, Бозоралини жўнатмаса бир томчи сув тортиirmайман, ташналиқдан қотириб ўлдираман. Жони борида ҳозир Бозоралини жўнатсан! Бир катта можаро чиқишини истамаса, энди бас қылсан!— деди.

Кечаси ҳам сув бермади. Тонг отиши блан яна шу ахвол бошланди. Бугун Үспон тутоқиб, қопқора унниқиб кетган, ўтиргани жой тополмас, титроқ босиб, ёрилиб кетгудай бўлиб юрган эди. Нурғонимнинг уйи блан бутун овули энди ҳақиқатан ҳам бир қатра сувга зор бўлди. Унинг устига, Үспоннинг бу қилиғи ишнинг очиқдан очиқ душманликка юз тутганини кўрсатарди. Фийбатлар кимнинг бўлса-да номини булғаб, обрўйини тўкади. Икки тарафа ҳам хатарга қадам қўйди.

Ғайратли Нурғонимнинг ғазаби ҳам бугун Үспоннинг ғазабидан қолиши мас эди. Бозоралини жўнатмади. Жўнатиш у ёқда турсин, меҳмонга кечадан бўён бўлаётган ёвлашишнинг шарпасини ҳам сездирмади. Эшикда юрганда жони халқумига келиб қовоғини солса, уйга киргандага ҳеч гапдан хабари йўқ кишидек, гул-гул ёниб, чақчақлаб куларди. Бозоралини еру-кўкка қўйгиси келмай, атрофидага парвона бўларди. Бозорали эса, эшикда бўлаётгани мажароларнинг ҳаммасини оқсоч хотиндан аллақачон биллиб олган эди. Лекин у ҳам ўзининг тепса тебранмаслиги, саботлигига бориб «қани нима қилар экан?» дегандек Нурғонимнинг қилаётгани ишидан завқланиб, унинг авзойига зеҳи солиб ўтиради-ю, ёрилиб гап очмасди. Шундай қилиб, ички дард сиртга тепиб ора бузиллаётганда, ҷошигоҳга бориб. Нурғоним бундай пайтларда унча-мунча аёлнинг қўлидан келмайдиган бир кескин қарорга келди.

Бу овлу кўмкўк майсали созлоқ ерга қўнган. Қаерни қазилеа, ўша ердан сув чиқиб, қудуқ бўларди. Нурғоним шунни ўйлаб, хизматдаги қўшнилардан учта йигитчани бошлаб келди-да, ошхона ўтовига кирди. Ўша ердаги келинчакка айтиб, ўтовнинг ўртасидаги ўзоқни олдирнуб ташлади. Ҳалиги йигитчаларга:

— Худди мана шу ердан қудуқ қазинглар!—деб буйруқ берди.

Йигитлар Нурғонимнинг рад этиб бўлмайдиган буйруғини бажо келтириб, айтган ердан қудуқ қазийбошлашди. Нурғоним бамайли хотир юрар, косасидан хиёл иргиб чиқкан қопқора шаҳло кўзларипп ўйнатиб куларди. Ҳечнарса кор қилмайдиган нурли юзида қасос ва масхаралаш очиқ акс этгани ҳолда:

— Кўдар қулдек¹ зўравонлигига, кучига ишонган Уғион, аҳмоқ бўлиб қолганини тезроқ билсин. Қудуқни тезтез қазиб, самовар қўйиб юборинглар!— деди.

Онҳонадан чиқди-да, кўркам ва сұмбатли қоматни кўз-кўз қилиб, ўзгача бир танновлик блан керилганича оёгини битта-битта босиб ўз уйига қараб кетди. Унинг сочидағи оғир чўлписи, гўё Ўспондан кулаётгандай, салмоқ блан шилдир-шилдир қилиб борарди. Нурғонимнинг шунчалар мардлик ва чин садоқатни кўрсатадиган бу иши кейинчалик шу атрофдаги хотинларнинг оғзида ағсона бўлиб қолди.

Шу кунларда Қўруқдаги овуллардан ўн беш чақирим нарида худди шу Қўруқ сингари текис дала, салқин қўниш Эралида мұхим воқиалар рўй берәётган эди. Ашшису-нинг сувга сероб жойини Эрали деб атайдилар. Эрали бу йил кўкламда ўз соҳилига ғоят говжум элни, юздан ошиқ овулни чорлаган эди. Бу ерда: Иргизбой, Бўкеншин, Жигитек, Котибақлар бор. Бу ерга яқин жойдаги, узоқдан кўрининб турадиган баланд Ўрда тоғида қишлиядиган Мамайлар ҳам бу йил Эралида. Мана бу Эралидаги элнинг устига сайлов келди. Бу — бўлис сайлови эди. Қўп овуллардан четроқ ерга қаторлаштириб йингирма-ўттизга яқин оппоқ ўтовлар тикилди. Ўларнинг шундай бир тартибда тикилиши—уларнинг бадавлат овулнинг уйлари эмас, балки тўй ёки ош бериш учун ҳозирлик кўраётган ё бўлмаса катта бир амалдор — улуғнинг келишига атаб тикилганинги кўрсатиб турарди.

Қурилган оқ уйларга бу гал келиб тушиб, сайлов ўтказадиган улуғ, шунчаки сайлов ўтказиб кетадиган «крестьян начальники» эмас, Семей уездининг начальники эди. Үяз² ёнига бир тўда стражник, урядникларни, икки крестьяни начальниковини олиб келди; булар бирқанча извошларга тушиб, қўнғироқларини жаранглатиб, олди-орқаларида рус ва қозоқ ясовуллари от ўйнатганлари ҳолда, ас-аса, дабдаба блан келишди. Шу ўлканинг бир четига қадами етиш блан йўлда дуч келган: Қизиладир блан Чинғиз уездларининг иккى старшинасига яхшилаб дарра урдирипти. Элга унинг ўзи блан бирга халқнинг юрагини

¹ Қўдар — «Қўзи-кўрнеш ва Баян сулу» поэмасидаги зўравон, ўзимнинг кучига ишониб иш тутадиган шахс. — Ред.

² Үяз — уезд начальники.

орзиқтирадиган дағ-даға ҳам етиб келди. Ҳозир Эралнда ўтирган икки бўлисга қарашли элнинг қуми тупроқдек халқи ўртасида бу Ўяз: «Тентек Ўяз» деган ном чиқарди.

Абай Оқшўқидан келаётганда, Эрали бўйида улуғларнинг уйига яқин ерда турган бир қашшоқ овулнинг қошига келиб тўхтади.

Бу овул бадавлат овулларга қараганда, кўриниши бошқача, тузилиши бўлакча кўп уйлик овул. Уйларнинг деярли ҳаммаси қурум босган, йиртиқ-ямоқ намат блан ёпилган кўхна уйлар. Бир қарашдаёқ бир парча ерда тиқилишиб турган мұхтож эл эканлиги кўзга ташланиб турарди. Бу атрофдаги овулларнинг ичидаги уйининг сони кўп бўлган овул шу. Уттиз-қирқ хонадондан иборат. Атрофида боғлоқлик турган қулун ҳам кўринмади. Қўтан ўртасидаги қўй ётадиган жой ҳам кичкинагина. Овулнинг атрофида қорамол ҳам сийрак. Қамбағалликнинг шафқатсиз чангалида сиқилган овул экани яққол кўриниб турарди.

Абай бу овулнишг кўп эллардан ташкил топган, «кўп жотоқ» деб аталадиган овул эканлигини биларди. У эрта кўклам қистов солгали Оқшўқига кўчиб келганда, қишидан қийналиб чиқсан ўша жотоқларнинг: Дандивой, Эреной деган кексалари Абайдан ёрдам сўраб келишиб, бирозроқ озиқ-овқат олиб кетишган эди. Шунда улар Абайга ўзларининг қимлигини, ҳол-аҳволларини ҳам айтишган эди.

— Жотоқ деган бир тоифа элмиз. Бир четимиз — қишида Бойғобил Миялида қишлиайди. Бир тўпимиз — мана бу ўзингга яқин Киндик, Шўлпоннинг паноҳига тиқилади. Бу жотоқлар қирқ уруғдан қуралиб, ташкил топган эди. Үрдадаги Мамай элидан ҳам, Чинғиздаги Кўкше элидан ҳам бор. Иўқчилик қанотини синдириб, қиплангоч гўшт бўлганларнинг кўпи шу ерда. Қиши кунларида кўпинча сой-сойнишг бағрига тиқилиб, буқиниб тирикчилик қиласиз. Кўклам чиқиб, йилт этиб куннинг кўзи кўринди дегунча уч-тўрт уй бирлашиб, бор кучимизни сарф қилиб ер тирмалаймиз. Ер кўкрагини эмсак меҳнат зойи' кетмас, ҳеч бўлмагандага тамаддиқ топилар деб, экин экишипи касб этдик. Қошимизга келиб қистов солинганда, эллик қилиб кўмаклашсак бўлар эди. Ишга ярайдиган йигит ялангларимизни хирмон совириш, лой қилишдек хизматнинг бўлса юборамиз. Агар керак бўлса айтавер! — дейишган эди.

Абай Дандибойнинг гапларидан одамгарчилиги жойида экан, деб баҳо берган бўлса ҳам, у вақтда улардан кўмак олмади.

— Жотоқ бўлганингиздан кейин тирикчилигинги экин экиш блан ўтар экан. Баҳор фасли сизларнинг оғир меҳнат қиласиган пайтингиз. Экинингизни экиб олинг. Усиз ҳам озгина кучингизни мен бўлмайман. Одамгарчилигинги учун раҳмат. Қўрани бўлса, шу ердагиларнинг ўзи солса ҳам бўлар. Лекин мен ўзимни сизлардан четга тортмайман. Ер бироз селгигандан кейин, овулингизга ҳам бориб келаман. Эсончилик бўлса, тутув қўшни бўлармиз. Қариндош-уругларга салом айтинг! — деб юборган эди.

Уша гапдан кейин Абайнинг бу ерга келгани шу эди. Сайлор бўлаётган жойга бормай аввало шуларни кўриб кетай, деб жотоқлар томонига қайрилди. Эрбўл иккави қиялаб йўл солиб келаётиб, бир-бирига: «Бунчалик кўп эл кимлар экан?» деб, келишаётган эди.

— Жотоқлар шулар бўлса ксрак. Ёпирим, йўқчилик қандай аҳволга солган-а, бу элни. Овулинг четидаги ана у тўп-тўп бўлиб сочилиб ётган нима экан,— деб, Абай отининг бошини тортиб, Эрбўлни ҳам тўхтатди.

Абайнинг кўзи тушган четдаги уйларнинг ўрнида фақат тўп-тўп бўлиб уйилиб ётган увадалар ғоят ғарид ва аянчили аҳвол кашф этиб турган эди. Кичик-кичик, қопқора қурум босган капачалар ҳам кўринарди. Ба'зи ерларда эски кажавалар, синиқ эгарлар, синиқ кроватълар, чурук-чориқ уй анжомлари бошпанасиз сочилиб ётарди. Мана шу уйилиб ётган увадаларнинг орасида қилтираб бошлари кўриниб турган болалар, йиртиқ-йиртиқ қўскни тўн ва чакмонлардан қолган эски-тускиларга чулғониб юрган ранги сомондек чол-кампирлар кўзга чалинарди. Бу кўринишга Эрбўл ўзича ма'но берди.

— Эралида довул жуда қаттиқ бўлар эди. Шу овланинг кўпчилик уйлари йиқилиб тушганми дейман. Ана у томонини қара, деярли ҳаммаси бош-панаисиз қолиптику! — деди.

— Қани юрчи, бориб, билиб келайлик. Буларга нима бўлган ўзи! — деб, Абай ўша кўп уйли қашппоқ овулга қараб кетди. Буларнинг олдидан узун ҳасса тутган, сочсоқоллари оппоқ кекса бир одам чиқди. Унинг яланғоч этига кийган чакмони илма-тенишк бўлиб кетган, озгин юзини беҳад ажин босган эди. Бу чол Даркембой экан. Иигитлар уни танишлари бланоқ отдан тушиб, салом бе-

риб сўрашганларича, яқин ердаги бир ката ёнига келишиди.

Даркембой шу жотоқларнинг ичида эканлигини Абай билмас эди.

— Даркембой, сен ҳам жотоқларнинг ичида эдингми? Нечук бу ишдан мен бехабар қолдим?—деди.

Даркембой аввал индамасдан туриб, кейин сўз қотди.

— Сен хабарсиз қолишингнинг сабаби шуки, мен буларга яқинда келиб қўшилдим. Эндиги қолган ҳаётимда маконим ҳам, юртим ҳам шу эл!— деб, бошлади-да, гапга тушиб кетди...

— Шу ерда ўтирган қирқ уйлик қашшоқларни сўрасанг, ҳаммаси ҳам менга ўхшаганлар экан. Суюндиқ блан Сугирнинг моли бор деб, уларнинг кўчига эргашиб кўчаман деб юриб, кўп умрим сарсонгарчилик блан ўтди, лекин бирон наф' бўлмади. «Куч-қувватинг борида сўйилимни кўтарган эдинг, овулимнинг четида ўтирган соқчи эдинг, қиши бўлса молимнинг қўриқчиси эдинг, энди кексайиб, путурдан кетганда меҳнатнинг роҳатини ҳам кўрсин. Кексалиги ҳам кам-кўстлик, муҳтоҷлик блан ўтмасин» дегундек одам топилмади. Мана энди қарасам, ҳаркимнинг ўз йўли ўзига экан. Эпидиликда синиқ эгаримни орқалаб тентирашни қўйиб, мана шупдай эл орасидан паноҳ излаб келдим. Шулар қандай тирикчилик қилаётган бўлса, мен ҳам шундай тирикчилик қилишга қарор қилдим!— деб, ўзининг ғариб аҳволини ғамгинлик блан изҳор этди. Эрбўл:

— Бу элнинг ичида бирорта қариндош-уруғинг борми ёки йўқми? «Заҳар ютсанг ҳам эл-уруғинг- блан бирга ют» деган гаплар бор эди. Уз тўпингдан айрилиб бу ерга келганда, кимга орқа қилиб келдинг?— деди.

Эрбўл ҳам Бўкеншилардан бўлгани учун Даркембайдан қардошларча койиган бўлиб гапирди. Даркембой Эрбўл блан гап талашиб ўтиrmади. Абайга қараб:

— Бўкенши блан Бўрсоқ элида менинг жонкуярим ҳам, яқин одамим ҳам йўқ. Жонкуярни бу ердагина эмас, ўша тумонатдек сержамоа Бўкеншининг ўртасида ўтирганимда ҳам кўрганим йўқ. Энди қариндош деганимда, шу ердаги қирқ уйликнинг ҳаммасини назарда тутаман. Булар бир отадан тарқамаган бўлса ҳам тирикчилиги бир хил бўлган қариндошларим. Буларнинг ҳаммаси ҳам кўрган куни, чеккан жафоси блан менга қариндош бўлган одамлар,—деди.

Эрбўл ялт этиб, Даркембойга қаради-да:

— У нима деганингиз?—деди.

Даркембой яна Абайга қараб:

— У шундай деганим-да. Худди шундай, Абай!—деди.

Яна бир нафас жим қолгач, қўлидаги ҳассаси блан қатор турган кулбаларни бир сидра кўрсатиб чиқди. Даркембойнинг эндиги сўзларида ба’зан истеҳзоли кесатик эшитиларди. Лекин уни ҳам совуққонилик қилиб, вазминлик блан сўзларди.

— Бу ерда жамийки Иргизбойлар ичида ҳозир бойиб кетган Оқбердисига, Мирзатойига, Қунакенгнинг овулига—ўзларингга, қишин-ёзин чўпонлик, хизматкорлик қилган бир тўп Анет, Қоработирлар бор. Бир вақтлар Бўжей, Бойдали, Тусипларга молбоқар, хизматкор бўлган бир-қанча одам ҳам бор. Котибақ элидан—Бойсолнинг хизматини қила-қила барака топмай элдан айрилиб, тентираб келганлар бор. Қўкшедан, Мирза, Мамай элидан тўпини ташлаб, панд еб келганлар бор. Буларнинг ҳаммаси ҳам менинг ўзимга ўхшаш икки қўли бир тепа бўлганлар. Ота-онаси, ота-бобоси, авлод-аждодидан тортиб, умри бирорвнинг эшигида ўтган, бир умр ёлчимаганлар. Шу жиҳатдан ҳам булар менга қариндош. Бу элда ким бор десанг, кекса Даркембой, эти бориб устихонига ёпишган чол Дандибой, дард мажруҳ этгап кекса Эренойлар бор. Ҳаммаси ҳам куч-куватидан қолган бечоралар. Қўпчиликнинг меҳнатига ярарлик ўғли ҳам йўқ. Азаматлари бойларнинг моли орқасида юриб дардга чалиниб, нотавон бўлиб қолишган. Умр бўйи куч ва ғайратларини оқ қорда, кўк музда ва даҳшатли бўронларда сарф этганлар. Бойдан мақтов эшитиш, бойвуччадан ёир коса ёвғонни ортиқ ичиш учун жони-жаҳди блан хизмат қилиб, ниҳоят ҳолдан кетиб, қилтираб қолганлар. Бирининг ўзи нотавон, бирининг кампири. Башқа бирининг боласи касалмайд бўлиб ишдан чиққан. Шу уйларнинг кўпига кириб қарасанг, бири қариб чўкиб қолган, бири ёшлиги сўниб, хазон бўлган. Биттаси бол касалига йўлиққан, биттаси сил дардига мубтало. Бири кўздан айрилган, яна бири синиқ кемтиқ бўлиб қийшайнib кетган, майнб-маймоқлар. Қисқаси, мана шу хилқа-хилқа наматлик, кўҳна, кулбалардек тўзиб, одо бўлган юзларча ҳаётин кўрасан. Ҳалиги Қунаибой, Бўжей, Бойсол, Суюндик, Сугир, Қоратойларнинг кўчига эргашаолмай, хизматига ярамай қолганлар. Ушалар кўчганда ташлаб кетадиган сициқ эгар, тешик челяк, эски

тўқимлари бўлар эди-ку, булар ҳам шундай бир гап-да!— деб, асқия қилиб кулди.— Ҳўш, менинг ўшалардан нима фарқим бор? «Заҳар ютсанг ҳам эл-уруғинг блан ют» ледингку ҳали, Эрбўл. Ҳозирги аҳволимда менинг қариндошларим шулар. Уруғим ҳам, уроним¹ ҳам шулар блан бир!— деди.

Абай, Даркембоининг гапларидан қаттиқ ўйланиб қолиб, дам қовоғими солар, дам ғазаб ичида тўлғониб тумоғини қўлига олар, ўтиргани жой тополмаётган кишидек типирчиларди. Даркембой томон хиёл энгашиб:

— Эй, Даркембой. Иўқчилик блан ёвузлик бутун элнинг ичини кемираётир-ку. Сенинг кўзингни шунқор — қироннинг кўзидек очиб қўйган ана шу гаплар экан-да. Қозоқнинг сўзамоллари, устига сув қуйсанг тўкилмайдиган йўрғалари, қизил тилдан асал томизадиганларнинг нима кераги бор! Сўзнинг қуввати ҳақиқатда дейдиларку. Мана шу, сен айтаётган, ўтдек ёндириб юборадиган ҳақиқатларга қайси Қунанбой, қайси Суюндиклар жавоб берсаолади? Юрагида ўти бўлган бир мард одам бўлса, «буларнинг ҳаммасини йигиб туриб, ёлғиз Даркембойнинг ўзи енгди» демасмиди?! Бўйинни қимирлатмай туриб, юлиб олди дер эди-ку. Ўзингнинг кўзинг очилиши блан бирга, менинг ҳам кўзимни очдинг десам бўлади!— деди.

Шу чоқ буларнинг олдига бир тўп одамлар келишди. Үй-удан: ба'зилари қурум босган капалардан, ба'зилар бошпанасиз сочилиб ётган чурук-чориқ увада орасидан чиқиб биргалашиб келишди. Шулар келгандан кейин, Абай бу овулнинг шу аҳволга тушишининг сабабини сўради.

— Ҳўш, мана бу рўзғори ҳарер-ҳарерда тўп-тўп бўлиб бошпанасиз қолганлар кимлар? Бир уйлик эмас, бирқанча тўйликнинг аҳволи шундай кўринади-ку. Бу уйларни довул қоқиб кетганми? Ана у гўдаклар, чол ва кампирлар мутлақо бошпанасиз қолипти-ку! Нега бундай бўлди?— деди, янги келган жотоқларга қараб.

Келганларнинг ичида Абай аввалдан танийлигиган Дан-дибой, Эреной сингари кексалар, яна озғин, ранги-рўйини олдириб қўйгаш, кийимлари титилиб кетган, икки-учта ўрта ёшли одам ҳам бор эди. Оғзига носвой солган, ранги

¹ Уроғи — қозоқларда ҳар авлодининг ўз урони бўлади; бу ўша авлодининг сулоласидаги машҳур, ҳукмрон ўтгани одамнинг номи бўлиб, ўша ном аталганда унинг авлодидан бўлганларнинг ҳаммаси оёқка туриши керак.—Ред.

зажил, қовоғи солиқ йигитлар ҳам бор. Буларни Абайнинг ёнига бошлаб келган жотоқлар эмас, шу ерга меҳмон бўлиб келган Абулғози экан. У Абайлар блан сўрашиб бўлгандан кейин, ҳаммадаи олдин келиб унинг ёнига ўтириди. Абайнинг ҳалиги саволига Дандибой жавоб бериб:

— Довул қоқданми деяпсан-ку, чирофим, Абай! — деб, истеҳзо блан бир кулиб қўйди. — Чиндан ҳам довул қоқди. Довулга учрамаса, шунча уй бирданига шу зайлда вайрон бўлармиди?! Уша, довулга учради-да. Лекин худонинг довулига эмас, улуғларнинг, бўйиснинг довулига учради. Ана у ердаги, Ўязга атаб тикилган оқ уйларнинг бу томонида, алоҳида турган ўнтача кўхна уйларни кўраётиссанми? — деб, ияги блан улуғлар учун тикилган уйларнинг чап томонига ишора қилди. Абай блан Эрбўл эндигина пайқашди. Уша оқ уйлардан овлоқроқ ерда бирнеча кўхна уйлар, гўё бош қўшиб маслаҳатлашаётгандек, кичкина яйдоқ ерда тўпланиб туради.

Абайлар ўша уйларни кўрипгандан кейин, Дандибой улугни боплаб бир ҳақорат қилиб олди-да:

— Етиш-туришга оқ уй керак. Оёқости қилиб масхара-лашга бизларнинг кўхна кулбаларимиз керак бўлипти-ку.

Эрбўл бу гапга тушунаолмай:

— Оёқости қилгани, масхаралагани нимаси? — деди.

Эреной бошлиқ тўпланиб турган камбағалларнинг ҳаммаси теварак-атрофдан:

— Бу оёқости қилмаганими, жазолагаи одамларини қамайдиган авахта қиласиз деб ба'зибир уйларимизни олди.

— Ба'зи уйларни ошхона қиласиз деб олди.

— Униси ҳам майли-я, худди бутун бошлиқ Эрали даласи камлик қилгандек, улуғларга ҳожатхона қиласиз деб яна бирканча уйларимизни олди.

— Бу ишларнинг ҳаммасини бўлис блан чопарлар, бир-биридан муттаҳам старшинлар қилаётир.

— Бу муттаҳамлар тўдаси қачон йўқолишини ит билади. Қасал кампирларимиз, майиб-маймоқ, оқсоқ-тўқсоқ оталаримиз бор эди. Чурук-чориқ увадага чулғониб ўтиришлари ана у. Ҳаммасининг бошпанасини йиғишиштири-ди-ю, олди кетди! — дейнишди.

Абулғози Абайга бу ердагиларнинг арзи-додини очиқроқ қилиб гапирди.

— Худди эндиги бўлис блан бий ана шу жотоқлардан сайланадигандек, бор оғирлиқни шуларнинг устига таш-

лашипти. Ҳатто буларнинг розилигини сўраган киши ҳам бўлмапти. Мойбосар буюрипти-ю, чопарлар келиб ҳамаёни остин-устун қилиб, юлиб-юлқиб, олиб кетаверишипти,— деди.

Абай, атрофига ўтирганиларга қараб:

— Туҳмати ўзига эди, сизлар нега бердингиз?— деди.

Шу ош булар ўтирган ерда, сочилиб ётган эски-туски уй рўзғорларининг нариги четида йиртиқ чакмонга ўралаб ётгап, чакка томирлари кўмкўк бўлиб ҳабариб чиққан иккита кичкина бола безовта бўлиб инграшди. Иккови ҳам касал экан. Уша, ҳурпайлан қўнғир соchlари орасидан бош териси сарғайиб кўриниётган тўрт-беш ёшлилардаги болаларга Абайнинг кўзи тушди.

Болалар инқиллаб-инқиллаб яна тинчланганда, уларнинг икки кўзига, лабларининг четига ва қулоқларининг ичига кириб, уймалашаётган пашшаларни кўрди, шунга қараб туриб:

— Кўзларини пашшага талатиб... у сиз ҳам ҳолатдан кистган оч, ялонғоч халқа шунчалар зулм қилишга нима ҳақи бор экан-а, барака топмагурларни г? Даркембой, сенинг аввалги ғайратинг, ғазабинг қаерга кетди? Чопарларини бош бошига уриб, ҳайдаб юборсанг бўлмасмайди?— деган эди, жотоқлар:

— Ийе, у шима деганинг... Унга қулок солай деб туриптими?

— Тепамизга келиб ўдағайлаб турса-чи?

— Чопармон эмас, савармонлар-куй— дейишди.

Жотоқларининг ҳаммаси бирдан гап бўшлаб, Абайга арзи-ҳол айтишларининг тагида гап бор эди. У гапни ҳайрон бўлиб турган Абай блан Эрбўлга Даркембой ётиғи блан, батафсил айтиб берди.

Бундан ўн кун аввал Абулғозини ёнига олиб Бозорали шу ерга келган экан. Афтидан, у, Қунаңбўйнинг овулига шу Эралидан борган бўлса керак.

Шунда Даркембой Бозорали блан ҳўб ҳасратлашиб, Эралида ўтирган кўп жотоқларининг ҳоли аҳволини унга айтиб берипти. Бозорали блан Даркембой, бирининг ёши улуғ, бирнинг ёши кичик бўлгани блан, иккови ҳам мард, ҳамиятли, яна ўткир зеҳнли одамлар бўлгани учун, учрашди дегунча бир нафасда топишиб, суҳбатлашиб кетишар экан. Даркембойнинг айтишича:

«Кимсасиз саҳрова бўри ёлғиз бўлса ҳам, тап тортмайди» деганларидек, у ҳам йигитларининг шери бўлгандан

кейип, мен ҳам унга яқинлашиб, кўнглимдаги бор гапни ўшанга етказақолгим келади!» дер эди.

Бозорали уч кун шу ерда туриб Жигитек, Бўкечи, Котибақ, Мамай, Кўкше элларидан чиққан жотоқларнинг ҳаммасининг уйига бирма-бир кириб, уларнинг ҳол-аҳволидан хабар олиб чиқипти. Бетобларнинг кўнглини сўраб, соғларга йўл-йўриқ кўрсатиб маслаҳат берипти. Бирининг уйидан айрон, бирининг уйидан пишлоқнинг зардобини ичса ҳам, ўзини гўё зиёфатда бўлгандек тутипти. Ҳаммаси блан суҳбатлашиб, кўп ҳасрат ва қайгуларига қулоқ солиб, ҳамдард бўлипти. Сержамоа жотоқларнинг кўнглини кўтариб, яхши-яхши куйлардан куйлаб берипти. Шундай қилиб, ширин суҳбатлар ўтказиб, юпун кўхна қулбаларнинг яқин дўсти бўлиб кетипти.

Бозорали доимо от устида юргани учун, Даркембойга Тўбуқтунинг бирнечча ерида шуларга ўхшаш жотоқлар борлигини айтиб берипти. Дўғолонг бағрида Соқтўғалоқ, Тоғбўлат элининг жотоклари борлигини, Билда, Киндида — Анет, Бўкенши, Котибақлардан чиққан жотоқлар, Урдада — Мамай жотоги, Мияли, Байғабилда — қирқ уруғдан қуралган жотоқлар борлигини ҳам айтиб берипти. Яна Чинғизнинг нариги томонида, Боқонос бўйидаги Қерей элидан чиққан жотоқлар борлигини ҳам билар экан. Кўкенда — Үоқ элидан чиққан, «Қирқ уйли» деб аталадиган, яна Семейдан бир бекат беридаги Жалпоқда, Болтўроқда сон-саноқсиз жотоқлар борлигини ҳам айтиб берипти. Бозорали буларни шунчалик айтиб беришлик учун эмас, буларга ўша жотоқларнинг турмушидан мисол келтириш учун гапирган эди. Унинг айтишига қаратанды Қерей-Үоқдан, Бура-Мотойдан, Иртиш бўйидаги эллардан чиққан жотоқларнинг деярли ҳаммаси деҳқончилик блан шуғулланишар, қишин-ёзин тинмай меҳнат қилиб, деҳқончилик орқасида кун кўришар экан. Бу ердаги жотоқларга ҳам Бозорали шундай қилишни маслаҳат кўрипти.

— Ер кўкрагини эм. Икки-уч хонадон бирикиб, бир ер икки ерга¹ деҳқончилик қилсаларинг ҳам, ер тирмалаб бор куч-қувватингни шунга сарф қил. Шу ерда бўш турган кузаклар, булоқ бошилари, турли қўнислар кўп-ку. Эз бўйи ёлғиз ўроқ блан бўлса ҳам пичан ўринглар. Аслида Чинғиздан кўчиб, Семейга яқинроқ ерга бориб

¹ Бир десятина, икки десятина ер ма'носида.— Ред.

турсанглар яна ҳам яхши бўларди. Чунки бозорга яқин бўлгандан кейин ортиқча пичанинг борми, сомониниг борми, бозорга ташмалаб, чой пули чиқариб тураг эдинг. Сенлардек қаширға тирноғи йўқ қашшоқлар учун ўша ердан дурустроқ жойни отанг ҳам топиб бермайди. «Эл ораси олтин бешик, олтин бешик» деб, умидвор бўла-бўла мана, бор куч-қувватдан ҳам айрилдинглар-ку! У, борларга бешик. Ҳукмрон блан зўравонларга бешик. «Қардошлар очимииздан ўлдирмас, бир кун бўлмаса бир кун кўзим очилар» деб, беҳуда умидлар блан тинкаси қуриб ўзини олдириб қўйғанларинг озми? Ўз элим — Жигитекдан марҳамат кўрмай, бир умр ёриб-ёлчимай йиғлаб, шу ерга келиб ўтирган Жигитек жотоқларини мен билмайманми! Шу кўп уйли жотоқлар, ҳамманг ҳам ота-онангдан тортиб, ҳарбиринг ҳар эллинг бир киборига бор кучинг, бор қувватингни, соғлик ва новқирон — ёш умрингни ҳад'я қилиб бўлдинг. Энди тўналиб қип-яланғоч, потавон бўлиб қолган чоғингда эсинг ўзингга келиб, шу ерга келибсан. Келганда ҳам ҳаққа таяниб келибсан. «Фалон ерда тилла бор, борсанг бир пақирлик жез ҳам йўқ» деган гапнинг ма'носига ҳамманг ҳам хўп тушундинг, шундай эмасми? Эндиликда бир-бирингга суюнчиқ бўлиб, шу ерда бир тирикчилик қилиб, ўлмасликнинг чорасига киришинглар! «Заҳар ютсанг ҳам эл-уругинг блан ют» деб, отлиқнинг орқасидан югурган пиёдадек, ҳаллослага-ҳаллослата оқибат, ҳаркимнинг ўз йўли—ўзига, деб кетадиган, бир отадан тарқалганлардан без. Энди сенларга мен Жигитек, мен Бўкениши, Кўкше, Мамай деб ота тагларингни суринтиришнинг ҳожати ҳам йўқ. Энди отаангнииг номи «Эралининг жотоги» бўлиб қўяқолсин. Энди бир-бирингга мана шу ўтиргаи ўзларингдан бошқа меҳрибон йўқ, кўйи бирнинг — куни бир, дини ҳам бир бўлсин. Шу бирликни ўқотманглар! — деб насиҳат қилиб кетипти.

Бу гаплар Даркембойга кўп ма'қул тушганидан уни худди китоб сўзидек ёдлаб олипти. Бирор жойини ўзгартирмай, Абайга батафсил айтиб берди. Абай блан Эрбўл ҳам Бозоралининг ҳаётни шунчалар синчиклаб кўриб, аччиқ ҳақиқатларни очиб ташловчи гапларига диққат блан қулоқ солишиди.

Абай ичидা:

— «Оббо, Бозорали қурмагурей, агар ўқимишли бўлганида борми, бир Тўбуқти элининггина эмас, бутун қозоқ ҳалқининг пешонасини силаб, оғир кунда дардлашувга

қўллоши, яхши куида ҳамиятли йўлдопли бўлар эди!»— деб ўлади.

Бу—Даркембой айтмоқчи бўлган гапларнинг боши экан. Ниҳоят, гап айланиб, кўп жотоқларнинг «чопармон-савармон» деган сўзига келди.

Бозорали бу ерда уч кеча ётиб, энди жўнай деб турганида, жотоқларнинг устига бирнечча чоларлар бостириб келади. Бу ерга теварак-атрофдан турна-қатор кўч келиб, бирқанча уйларни ортиб келишган экан. Сўйиладиган молларгача ҳайдаб келишилти. Ҳалиги чоларларни, «Ўяз келади, уй тикилади, бор жанжалтўполон шу ерда бўлади» деб Мойбосар блан Такежон юборган экан.

Даркембой эрталаб, Бозорали, Абулғозилар блан уч киши бўлиб, нонушта қилиб ўтиришганда, чоларлардан учтаси келиб жотоқларга ёвдек ҳужум қилинти. Гарчи Даркембой овулнинг нариги четида шов-шув бўлаётганини эшитиб турган бўлса ҳам, Бозоралига айтмай ўтираверипти, лекин Бозорали ҳам бўлис томонидан бўлаётгаи барча ҳангомаларни билиб турган экан.

— Оқсоқол, нима бало бўлди, овулнингни бўри босиб кетдими, нега у томонда шовқин-сурон кўтарилиб кетди? Яна улуғ блан бўлиснинг ғалвасими?— деб сўрапти.

Худди шу онда Даркембой танимайдиган чоларлардан учта ёш йигит отини тасирлатганича келиб, Даркембойнинг эшиги олдида тўхтаб: «Ҳой Даркембой, қаёқдасан, чиқ буёққа!» деб, ҳайқирипти. Даркембой ҳа деганда чиқавермапти. Ҳаллослаб, нафаси бўғизига тиқилиб бораётган ҳовлиқма йигитлар: «Ийи, чиқ деяпман сенга, чиқ тезроқ, кўп катталик қилма! Бўлис блан стражник тиқилинч қилаётган пайтда гердайиб ўтиришини сен камбағалга ким қўйипти?» деб ҳақорат қилиб, ўшқирабошлапти.

Бозоралининг ранги ўчиб кетганича Абулғозига қараб, бир имлаб қўйипти-да, Даркембойга: «Чиқма, жавоб ҳам қилмай туратурчи, нима қилар экан» деб, ўзи ўтирган жойида ҳалиги йигитларга: «Ҳой йигитчалар. Қимсан ўзларинг? Гапинг бўлса отдан тушиб айтақол-да!» депти, мулойимлик блан. Лекин, йигитлар асов отлари блан бостириб келиб, Даркембойнинг уйини қулатаёзиб: «Чиқ деганда чиқ» деб, ҳақорат қилабошлапти. Бунинг устига қўлларидаги катта қамчилари блан ўтовни савалаб, кегай-ёғочларини қасирлатиб синдираёзипти.

Иш шунга етганда, Даркембой ортиқ тоқат қилиб туролмай, отилиб уйдан эшикка чиқса, қутурган чолар-

ларнинг иккитаси икки томондан келиб, отасидек одамни қамчи блан тортиб-тортиб юборипти. Шу он зардаси қайнаб, ғазабига чидаёлмаган Бозорали блан Абулғози, буқиниб ётиб, тўсатдан ташланган йўлбарсдек, ҳайқиргандарича уйдан отилиб чиқишипти. Бозоралининг ёлғиз ўзи икки чопарни ёқасидан олиб бир силташдаёқ, оёғининг остига олипти. Яна биттасини Абулғози юмалоқ-ястик қилиб кетипти.

— Иккови, уч чопарнинг бошига миниб ўтириб, этакларини тушиб қўйинб: «Ол, савала-я!»— деб, Даркембой қўзини шинграйтириб кулиб қўйди. Қўпдан буён бир ҳузур қилиб аламдан чиққан кишидек, завқ қилиб гапирди.

— Асти қўявер! Бола-чақа, қиз-қирқини бланчувалашиб келган жотоқлар ҳалигиларнинг атрофини қўршаб туриб, хўп аламдан чиқиб тамоша қилишди-ку! Учновининг ўртасига тушиб, бирор оғиз сўз қотган одам бўлмади. Бозорали баҳодирим, тобилғи соплик қамчининг сопи синиб кетгунча, тоза савалади! Ўзи ҳам йигитларнинг сардори-да! Азаматим!—деб, Даркембой сўзини тамом қилди.

Шундан кейин Даркембой бир нафас жим қолган эди.

— Хўш, нега энди уйларингиздан айрилиб қолдигиз? Биратўла бошпанасиз қолибсиз-ку,— деди Эрбўл сабрсизлик блан, ишнинг оқибатини билишга қизиққапидан.

Бу саволга Даркембой қисқагина жавоб берди. Бозорали яна икки кун шу ерда бўлипти. Чопарлар кетиб жотоқлар ҳам тинчиб қолган экан. Шундан кейин Бозорали отланиб Қўриққа кетипти. Эртасигаёқ бўлис томонидан старшини, элликбошилар бошлиқ ўттиз киши келишипти-да, жотоқларнинг мана шу ҳозир бошпанасиз очилиб қолган уйларининг ҳаммасини дас кўтаришипти-ю, олиб кетишипти.

Даркембой энди Абайга қараб:

— Бўлиснинг, улуғнинг орқасида юрган итлар «ҳайт» деса отасининг гўрини титкилайдиган итлар эмасми? Сен ҳали, Даркембой, нега кўндинг, дединг. Даркембойда ҳад борми, Абайжон?! Чироғим, азаматим! Үндан кўра қўлингдан келса уларга ўзинг гапириб, уйларимизни ўзинг олиб бер. Нима, жотоқларнинг уйи бўймаса шунча вақтдан бери ош ҳам ичолмай, ҳожатга ҳам боролмай юрган эканми, бу ўнгмагур абллаҳлар!— деди.

— Уйларимизни олиб бер. Ҳеч бўймаса шуларнинг масхара қилиб, хўрлашидан қутқар!— дейишди шу ерда-

тиларнинг кўпчилиги, Абайга илтимос блан мурожаат қилиб.

Эндиги сўз қисқа, маслаҳат қилиб ўтиргудек иш ҳам йўқ эди. Абай этагини қоқиб, қамчисини икки бувлаб, биқинига тиради-да, Даркембой блан ўтирган одамларга қараб:

— Юр, юринглар, ҳамманг ҳам юр! Абулғози, сен ҳам юр!— деб, бир тўда жотоқларни зргаштириб олди. Эрбўл иккови ҳам отларига минмай етаклаб олишди. Жотоқлар блан сўзлашиб, улуғларнинг уйи томон пиёда кетишиди.

Булар бир тўп бўлиб, бирқанча кўхна кулбаларнинг орасидан юриб, қўтан четига чиқишгунча, уйилиб ётган ҳарбир уй рўзғорларининг орасидан, кулбалардан чиқсан яна бирқанча эркаклар ҳам буларга қўшилди. Улар жадаллаб Абайларнинг тўпи орқасидан келиб қўшилган сайнин, сони ортаборди. Орқадан етиб келиб сўрашаётганлар ичидан баланд бўйли, серғайратлилиги кўриниб турган ўрта ёшлик кишилар ҳам бор эди. Бошига чамбарак қилиб рўмолча танғиб олган, қуёшда куйиб, қопқорайиб кетган тўши очиқ йигитлар ҳам кўринарди. Қовоғидан қор ёрилиб тишини-тишига қўйиб, индамай ғазабини ичига ютиб келаётган мошгурунч соқолли, оқ соқолли тунд юзли кексалар ҳам бор эди.

Абайлар бу ерга келишаётганда эркаклари сайловга кетган оиласар бўлсин, шу атрофдаги эллар бўлсин, зўр таҳлика остида эди. Чунки Ўяз фақат сайлов ўтказиши учун эмас, катта бир тергов олиб боришни ҳам ўз зиммасига олиб келганди.

Такежон ҳам шу сайлов таҳликаси остида боласининг ўлигини нари-бери чиқариб бўлиши блан, ўз овулида қолишининг иложини қилолмай, ичидан зил кетиб, ҳаяжон ичидан Эралида юрган эди. Чингиз ғалининг этиборли одамларидан: Ўроэбой, Жиренише, Аслбеклар ҳам жон титроғида. Кеча Абайга хат ёзиб чақиртирган Такежон эмас, Аслбек эди. У Абайга Бозорали ҳақида хабар қилиб, унинг саломини стказди. Бозорали қўлга тушиб, ҳамоққа олинган эди. Куни кеча ҳамоққа олинган Бозорали, Абулғози орқали Аслбекка: «Мени Такежон ушлатди, шуни Абай билсин!» деб, айтдириб юборипти.

Аслбек, Абайга хабар қилди-ю, лекин Абулғозига: «Бу гапни ҳечкимга изҳор қилмай туратур, яна фалокатдан фалокат туғилиб, иш улғайиб кетмасин» деб қўйди. Шу-

нинг учун Абулғози, Бозоралининг қамалганини жотоқ-ларга билдиримади. Бу масалага келганда Үрөзбой, Жириншелар ҳам ўз мулоҳазалари юзасидан Бозоралининг ёнини олишаётган эди. Афтидан, шу сайловда Такежон блан уларпинг ораси бузилиб қолган кўринади. Чунки Такежон буларнинг ҳам номини Бозоралига қўшиб улууга чақипти. Шунинг учун ҳам улар энди ноиложлиқдан Бозоралининг тарафдорлари томонига ўтишга ҳозир эди. Абайнинг йўлига кўз тикиб турганлар шулар.

Абай келиши блан уни холироқ ерга олиб бориб, ахволни англатишди. Уларнинг бири олиб, бири қўйиб гапирган гапидан Абайнинг англағани шу бўлди.

Бу ерга Тентек Ўяз блан Үр Найман элдан бир тўп да'вогарлар ҳам келипти. Улар бир катта ишини қўзғотмоқчи бўлиб келишибти. Мана шу ўтган қиши Үролбой бошлиқ, Тўбуқтининг бирқанча қароқчи йигитлари, ўша Найман элиниң Қудайсугир деган бир катта бойининг овулидан йилки олган эмиш,— дейишаштирилар. Үролбой ўтган йил Қеримболанинг дарди блан кетганича яна қайтиб элга келмай, дом-дараксиз кетганди. Бутун газаби ва қайғусини ичига ютиб, ўч олишга аҳд қилган йигит, атрофига куч тўплаб, қўлига қурол олган ҳолда бир йилдан буён Тўбуқтининг Керей, Сибон элларидан, яна ўша Үр Найман элидан жуда кўп мол олипти. У, ҳарқайси элиниң устуни ҳисобланадиган, ўзинга тўқ овулларни кўзлаб бориб, олган ўлжалари блан денгиз томондаги Керей элиниң бирқанча оп-ялангоч овуллари ичига келиб жойлашган экан. Қудайсугирпинг улууга бергап аризасида Үролбойни: «Улуғларга ҳам қарши, элнинг бойлари ва яхшиларига ҳам қарши, фитна боши одам» сифатида кўрсатипти. Ана шу ариза, бир-бирига қўшни бўлган Еттисув ва Семей жондорларининг маҳкамаларини оралаб, ашчадан бери сургалиб келаётган экан. Икки область ўртасида, хилват-хилват ерда ҳаракат қилиб юрган ўткир, жасур, қалби тўла кек бўлган ботир йигит, подшо аскарларидан ҳам ҳайикмапти. Шу йил қиши кўкламга томон Аягўз ва Семейдан чиқиб, уларнинг орқасидан қувлаган бутун бир отрядни хўп эрмак қилипти. Уларни анча ергача қорама-қора илаштириб бориб, кимсасиз саҳрова отряд овқатлангани ўтирган чогида пайт пойлаб, ҳамма отларини олиб кетипти. Йигирма-ўттиз кишини чўли-биёбонда бирнеча кун пиёда сарсон қилиб, очлик ва сувсизликдан итдек қотириб ўлдираёзипти.

Бундан ташқари яна бир ёмон ҳабар ҳам бор эди. Уни Үрзбой ва Жиренше кулгиликка олиб гапирган бўлсалар ҳам, табиатида бундай шаддотлик бўлмаган Аслек бетинчланиб гапирди.

Бу иш Аягўз блан Шубароғош орасидаги бекат йўлида содир бўлипти. Ёнида икки стражниги блан Семейдан Қополга кетаётган крестьян начальникнинг йўлини кимдир тўсив чиқиб, тунаб кетган эмиш. Найманлар бу ишга ҳам Үролбойни айбдор қилиб кўрсатишган эмиш. Шундай қилиб, бутун айни ўша йигитнинг гарданига афдараётган Үяз шу ишнинг терговини бошламоқчи бўлиб турган экан. Найманлар биринчидан, ўзларининг молига да'вогар бўлса, иккинчидан, крестьян начальникнинг ўчини ҳам оладиган бўлиб келишипти. Қисқаси: ҳам гувоҳ, ҳам да'вогар бўлиб келишган. Беш киши бўлиб келган Найманлар Ўязнинг пинжидан чиқишмайди. Афтидан, ўзлари блан холи ерда сўзлашиб, қозоқ йўл-йўриғи блан келишишга асти ра'бати йўққа ўхшайди. Келган улуғ бўлса: «Элингдан ўша Үролбойдек бебопилар чиққан, у подшо ҳукуматига қарши одам. Нега уни тутиб бермадинг?» деяётир. «Бўлис, бий, старшин — ҳамманг ҳам судга бериласан. Ҳамманг ҳам айбдорсан» деди. Тушган аризаларнинг ичиди Бозоралининг оёғидан тортадиган аризалар ҳам борга ўхшайди. Кечак Тентек Үяз келган замон Такежон блан мана шу ўтирган учковимизни чақириб олиб: «Үролбойни топ, Бозоралини ҳозир қил!» деб дағдаға қилиб, буйруқ берди. Афтидан, буларни шу таҳлитда исканжага ол, деб Такежоннинг ўзи пухталаб қўйган кўриниади. Үролбойни топиб бўладими? Агар Бозоралининг бизлардан яшириб, латтага туғиб юрган бир сири бўлса, уни ўзи билади. Бўлмаса, отаси бир демасак, у гал Болағозининг ишида иштироки бўлмаганидек, бу гал ҳам Үролбойнинг ишидан у мустасно, мутлақо четда эди! — дейишиди.

Қолган гапларни Жиренше гапиаркап, пиманингdir андишасига бориб, тутилиб, дудмол қилиб сўзлади.

— Такежон бўлиснинг фикри, кўпчиликнинг фикридан бошқачароқ. Биз улуғга:— Үролбойнингни билмаймиз. У йигит бу элнинг сонидан ҳам, саноғидан ҳам чиқиб кетган. Элга ҳам, Бозоралига ҳам бош бермай кетган. Қаерда юрганини, қандай ишлар қилаётганини биз билмаймиз. Ўзинг ушлаб ол-да, нима қилсанг қилавер. Тўбуқти унинг ўртасига тушмайди. Унинг ёнини олиб оқ-

лайдиган одам ҳам йўқ!— демоқчи эдик. Аввало Такежон, Мойбосарлар блан бирга ўтириб қилган маслаҳатимиз ҳам шу эди. Лекин кеча кечқурун Үспон, Дарқон орқали Такежонга бир хат бериб юборипти. Бозорали блан икковининг ўртасида бир хусумат бор эканми? Ҳар ҳолда Үспон ҳатида: қандай бўлмасин ўз бошингни оқлайвер. Бозорали менинг қўлимда, шуни бир илож қилиб илинтириб юбор,— деб, тайинлапти. Шундан кейин Такежон Жумағул чопар бошлиқ тўртта стражникни овулга юбориб, Бозоралини ушлатиб, туш пайтида улуғнинг қўлига топширди. Энди ҳайронмиз. Такежон Бозоралини гуноҳкор қилиб ҳайдатиб юборишлик учунгина ёмонлаётирми, нима эканлигига тушунолмай қолдик. Шунга сени чақиртирдик. Улуғ-ку биз блан ҳисоблашадиган ҳам, сўзимизга қулоқ соладиган ҳам эмас. Буёғига ўзинг бир маслаҳат бер!— дейишиди.

Абай бу ерда, бир катта чигал тугун пайдо бўлганини пайқади. Үспон зидан ишлатаётган душманликка қараганда, мана бу сиртдан келган фалокатнинг ҳар иккови ҳам даҳшатлироқ эди. Жуда катта фожиали ишлар рўй бериб келаётганини Абай Аслбекларга қараганда чуқурроқ англарди. Сиқилиб кетганидан қошларини чимириб, қаттиқ хўрсинди. Сайлувга атаб тикилган ўйларнинг ўртасида учта катта-катта, олти қанотли ўтов бир-бирига улапиб тикилган экан. Абай ўша томонга кўз ташлаб, ўша уйнинг атрофида юрган қаҳри қаттиқ ясовуллар блан, жонсаракка учраб юрган елпатак чопарларни кўрди. Уларнинг оёқ учи блан авайлаб босиб, елиб-югуришлари, мумкин қадар илдам ҳаракат қилишга уринишлари ичкарида ўтирган баджаҳл улуғ дағдағасининг зарбидан дарак бериб турарди. Абайнинг ҳамон жавоб қилмай ўтирганини кўриб, Аслбек:

— Сайлувга келган улуғ ўз ишини аввало сайловдан бошласа керак эди. Бу эса, ҳалқни тўплаб, қамоққа олиб ўтирипти. Бўлис ёмонлаган одамларни суриштирмай исканжага олаётир. Ўша қаттиқроқ айбланган одамга дарра урдираётир. Такежон, булар ҳой-нахой Бозоралининг ёнини олади, деб бизларни ҳам чаққан кўринади. Одамларни ушлатиб, ҳайдатиб юбораман, деб Такежон Бозоралигача ўзи кўрсатиб берадиган бўлса, бутун фалокатнинг бошомили ўзи бўлади-да унда! Ҳали, бегуноҳ одамнинг ёнини олиб, ҳақиқатини айтамиз деб ўзимиз ҳам айбдор бўлиб қоламизми, нима бўламиз. Ари-

за блан чақиқни тияоламизми, йўқми? Афтидан, бу улувинг ҳали бизларга ҳам Бозоралини айблайдиган ариза тўпла, деб тиқилинч қиласидиганга ўхшаб турипти. Шундай қиласан, деб ёпишадиган авзойи бор,— деди. Абай ҳамои сўз қотмай ўтиради.

Энли Урзбой гап бошлаб:

— Қисқаси, бутун гапдан хабардор бўлдинг. Сен пима десанг бизлар ўшандан чиқмаймиз. «Элнинг шохин синмасин, юрт балодан омон бўлсин» деган гапни сендан бошқа ўйладиган одам йўқ. Мана шу ўтирган уччовимиз сен блан бўлайлик. «Бу йўлдан юрма — у йўлдан юр. Ундоқ қилма—бундай қил» деган гапингни ўз оғзингдан эшишиб олайликчи шу ерда! — деди.

Абай бу одамларга дурустроқ жавоб қилгунча ҳам йўқ эди, улуғларнинг уйи томонидан бир стражник блан бир чопар қамчисини тўлғаб: «Шўқа ўғли! Шўқа ўғли!» деб. Жиреншени, «Суюндик ўғли» деб, Аслбекни, «Оққули» деб Урзбойни чақирганича келабошлади.

— Ана, улуғ бизларни чақирираётир! — деди Жиреншени, Абайга тезроқ жавоб қил энди деяётгандек. Абай шошмасдан уччовига бир қараб қўйди. Кескин бир қарорга келиб, муштумини қаттиқ қисди-ю:

— Улуғдан ҳайиқманглар, қиласидиган дўқларидаи қўрқманглар. Такежон Үролбой учун Бозоралини ўтга ташлайман деса, сенлар йўл қўйманглар. Үролбой керак бўлса, улуғнинг тузоги узун-ку, ўзи ушлаб олсин. Гап шу деб тураверинглар. Агар Такежон бошқача гапирадиган бўлса, уни ҳам кўрармиз. Уларга нима алам қилаётганини биламан. Бутун бир элнинг бошига кулфат солиш орқали ўч олишларига йўл қўядиган бўлсам, тириклиайн қора ерга кирганим яхши. Гап менинг ор-номусим устида эмас, халқ қийналмасин. Бозоралини бу балодан қутқаринглар! — деди.

Шу он буларнинг ёнига ҳалиги одамларнинг помини атаб чақираётган стражник блан чопар етиб келди. Улар стражникка эргашиб, улуғнинг уйига қараб кетишили. Абай уларнинг орқасидан кетаётган чопарни чақириб олди-да:

— Улуғ мана буларга қандай дағлаға қиласди, сен шуннинг ҳаммасини менга етказиб тур. Бу ишни фақат сенга топшираётиман, билдингми? Боравер! — деди.

Чопар Абайни яхши биларди. Гарчи улуғнинг орқасида юрган йигитлардан бўлса ҳам, шу элнинг ўзидан чиқ-

қан бўлгани учун Абайнинг сўзларига дарҳол тушунди. Бу топшириқни ўзига синовдек билиб, бажаришга ва'да бериб кетди.

Абай Эрбўл блан Абулғозига ҳам топшириқ берди.

— Тезлик блан яқин-яқин овулларга одам юргуртинглар. Эр азаматларнинг ҳаммаси: отлиқ-яёв дарҳол улуғнинг уйи олдига тўплансин! Мана бу сайловга йиғилган эркак-аёл, катта-кичик ҳамма одамларни тездан шу улуғнинг уйига яқинлаштириб, тўплайверинглар! — деди.

Абай Жиреншелар блан даставвал ўтириб сўзлашган ерида бир соатга яқин ўтирган эди, сайлов ўтказиладиган уйларнинг атрофига жуда кўп халқ тўпланди. Стражниклар, чопарлар халқни уезд бошлиғи ўтирган уйларга яқинлаштирамай, орқага чекинтириб, узоқлатишга тиришарди. Ҳайқиришиб, қилич ва қамчилар ўқталишиб, ўдагайлаганича, халқни қўрқитиб орқага чекинтиришаётир. Лекин, бугун халқнинг авзойи бузуқ, қандайдир ўзгача бир ишни кутаётгандек бетинч. Бозоралининг бегуноҳдан-бегуноҳ ушланганини халқ энди билган эди. Унга ачиниб, Такежонга жирканч назар блан боқар, ғазаби кучли эди. Буларнинг деярли ҳаммаси эски чолон, меҳнат аҳллари. Ҳали Абай блан бирга келган жотоқлар ҳам шу ерда.

Улар, Бозоралининг қамалганини эшишиб, ниҳоятда қизишгаи, зардаси қайнаб, кескин ҳаракатга бел боғланлар.

Абулғози ҳам шу ерда. У ўзининг бу ерга Бозорали учун келганини энди билдириди.

Абай бирордан кейин кўпчилик орасига, Даркембой, Абулғози ва Эрбўллар юрган тўпнинг ичига келди.

— Мен ҳозир мана бу улуғнинг уйига кираман. Ҳозир Бозоралининг иши кўрилаётган бўлиши керак. Жиреншеларни ҳам жавобга чақириб кетди-ку. Келган тўраларнинг афти-башарасини ҳали кўрганимча йўқ. Лекин йўлда келаётганимда ҳам, шу ерга келганимдан бери ҳам эшитишимга қараганда, мана бу Ўяз бўлисларининг да'вати блан дарра уриш деган бир мудҳиш, кишининг ҳамиятига тегиб хўрладиган ишни бошлаётган кўринади. Агар ўша ўринсиз жазосини бугун ҳам тиймайдиган бўлса, бу иш бизнинг эл учун номус! Бозоралига ҳам қамчи ишлатадиган бўлса, қараб туриб бўлмайди. Бегуноҳ азаматнинг ша'нига иснод бўлиб тушадиган ишга йўл қўймай-

миз. Тарқалмасдан шу ерда туриңглар! Эрбўл, Абулғози, юр икковинг, бирга кирамиз! — деди-да, иккала ҳамроҳи ни эргаштириб улуғнинг уйига кирди.

Абай узоқлашиб кетар-кетмас пичирлаб айтилаётган бу буйруқ тўпланиб турган халқ ўртасида оғиздан-оғизга ўтиб, бир лаҳзада тарқалиб кетди. Даркембой сингари кексаларнинг, яна жотоқ йигитларининг ранги ўчиб, қовифидан қор ёғиб, авзойи бузилган. Юзлари яна ҳам тундлашиб, ҳаяжон ичиди, бир жиддий тўқнашувга ҳозирланиб тургандек кўринишарди.

Бир-бирига улаб тикилган уч уйнинг биринчи хонасида эл одами кўринмади. Фақат қилич, яроғ-аслаҳа таққан стражник-урядниклар блан ўрта даражали мансабдорлар—тўралар туришган экан. Афтидан тергов ўртадаги уйда олиб борилаётганга ўхшайди. Эшик қаршисидаги уйнинг ўртасида, яшил шойи ёзилган стол атрофида улуглар кўриниди. Узун қўнғир мўйлови буралган, баланд бўйли, қовоғи солиқ, қора тўридан келган Ўяз—Қошкин ўшқириб тергов қилаёттир. Унинг гапини қозоқчага таржима қилаётган, кўзлари қисиқ-қисиқ, бурни пучук, семиз тилмоч оёқ устида турипти. Бошини қимирлатиб қўйиб, тергов берәётган Ўразбойга қараб у ҳам ғазаб блан ер тепиниб, ўдағайлаб сўзлаёттир. Абай ҳамроҳлари блан биринчи хонага кириши бланоқ жавоб берәётган Ўразбойнинг ягона кўзи уларга тушиб қолди.

Тергов қилаётган Ўязнинг дағдағаси, қўпол гаплари, ҳамиятига тегиб, зардасини қайнатганданми? Еки Абайнинг далласи блан жасоратланиб, йигитлик ғуурига, кескин сўзлигига бордими, ҳарҳолда тиэ чўкиб ўтирган Ўразбой кўтарилиб, бир тиззаси блан чўккалади-да, овозининг борича тилмочга:

— Айт, Ўязга! Мен Ўролбой эмасман. Элнинг бегуноҳ, беозор одамиман. Мана бу Жиренше блан Аслбек тўғри сўзлаёттир. Мен ҳам шуларнинг гапини айтаман. Бу ерда Ўролбой учун жавобгар бўладиган киши йўқ. Иўқолиб кетганига бир йил бўлган одам учун эл уёқда турсин, ота-онаси ҳам жавобгар эмас. Агар бутун гап шунда бўлса, ўшандай бебошни шу маҳалгача қўлга тушираолмай, тияолмай юрган улуғнинг ўзи айбдор. Мана бу ушлаб ўтирилган Бозоралининг ҳам ҳечқандай гуноҳи йўқ. Такежон бўлис Бозоралини ёмонласа ҳам, биз — эл кишилари бўлиснинг сўзини қувватламаймиз. Бозоралида хусумати бўлгани учун ўтга ташламоқчи бўлаёттир. Эл

қишилари блан келишиб, бамаслаҳат иш тутсин. Улуттингга айтиб қўй, кўп ҳайқириб, ўшқиравермасин! Шу гапларимни батамом етказ ҳозир! — деди.

Тилмоч бу гапларни таржима қилиб берадётган пайтда, Ўрзобойнинг жавобидан мамнун бўлган Абай, Эрбўл блан Абулғозига қараб, астагина:

— Ҳақиқий мард йигит экан-ку бунинг, гапини қаро! — деди. «Тилмоч қандай таржима қилар экан» деб тўрдаги уйнинг эшигига интилди.

Шу он эшикнинг икки томонида турган соқчилар Абайнинг қаттиқ жеркиб:

— Шошма, тўхта! — деб қолди.

Абай салмоқли товуш блан русчалаб:

— Сабр қилингиз! Мен уезд начальникининг олдига киришим керак! — деди.

Шундай бўлса ҳам икки стражник эшикни тўсиб олди. Шу чоқ ўнг томонда турган истараси иссиқ, келишган ва мулоим бир чиновник, Абайнинг русча сўзлаганига ҳайрон бўлгандек, стражникларнинг олдига келди-да, кулимсираб:

— Сиз ким бўласиз? Мумкип бўлса, билишга рухсат этсангиз! — деди.

Абай бу одамнинг мулоимлик блан қилаётган муомаласига яраша ҳурмат билдириб, тумогини олди. Лекин ўз фазилатини камситмайдиган бир вазиятда, тенг тарбия топган кишилардек сиполик блан бош эгиб:

— Мен Ибрагим Қунанбоевман. Халқдан чиққан оддий одамман,— деди. Кулимсираганича мароқ блан тўрага тикилиб турди. Абай блан сўзлашаётган тўра энди аввалгидан ҳам ёқимилироқ бир вазият олиб, яқинроқ келди-да:

— Ҳа, шундоқ денг. Ибрагим Қунанбоев сиз бўласизми? Мен сизни биламан. Яхши биламан. Дўстингиз адвокат Андреевич сизнинг ҳақингизда менга кўп гапирган эди. Қани, танишайлик бўлмаса, мен — советник Лосовскийман! — деди.

Абай бу киши блан танишиб бўлингян бланоқ, ичкариги уйни кўрсатиб:

— Бу ерда ўзи нима гап бўлаётир? Бу ишларнинг ҳаммаси биз учун — халқ учун қаттиқ озор...— деб юборди...

Абайнинг йўлини тўсган стражниклар Лосовскийдаги вазиятни пайқаб, ўрин-ўрииларига қайтиб кетишган эди.

Советник Абайга яқин келиб, бир қўли блан оғзини пана қилиб:

— Тўғри айтәтирсиз. Сизларгагина эмас, дурустроқ ҳокимлар учун ҳам озор бўладиган қўполлик. Самодурство!— деди. Сўнгги сўзларини қизариниб кетиб, ғазаб блан айтди.— Лекин, кейинчалик ҳақиқатга етармиз! — деб, орқасига чекинди. Уша ердаги майда-чуйда тўраларга билдириш учун атайлаб намойишкорона бир вазиятда «кирингиз, марҳамат», деяётгандай, Абайнинг олдидан қўлини кўндаланг чўзиб, ўртадаги уйга йўл очди.

Броқ, Абай ўртадаги уйга бошини суқиши бланоқ Урозбойнинг ҳалиги жавобини батафсил эшишиб бўлган Уяз ҳайқирганича Бозоралини кўрсатиб буйруқ қилди. Икки стражник Бозоралининг елкасига чанг солиб, чал-қанчасига тушириб, кўз очиб юмгунча юз тўбан ётқизиб, қамчи блан солиб-солиб юборди. Абай шуни кўрди-ютовушининг борича ҳайқириб:

— Постой! — Не смей! — деб қичқириб юборди. Уйда ғала-ғовур кўтарилди. Илондек пишқириб, ҳамла қилиб ўрнидан турган Уяз Абайга яқин келиб:

— Сен кимсан ўзинг? Сени ким чақирди? — деди.

Узун мўйловлари қалтираб, кўзларидан нафрат ўти-ни соғганича ўдагайлаб келиб, Абайга тикилиб турарди. Абайнинг бўйи Уязнинг бўйидан баландроқ эди. Унинг ҳам ранги ўчган, юзида бир томчи қон қолмаган. Икки кўзи қон талашиб улууга юқоридаи ўқрайиб турарди. Уни айблаетгандек ўшқириб:

— Ҳайқирманг! Мени йиғилиб турган ҳалқ юборди. Мана бу бебошликни ҳозир тўхтатинг! — деди.

Уяз ғазабдан тутоқиб кетиб, ҳали Абай аралашган пайтда қамчиларини кўтарганича тўхтаб қолган стражникларга «ур!» деб, яна буйруқ қилди-да, худди Абайнинг кўзини ўйиб оладигандек, бармогини унинг кўзига ўқталди.

Ховлиқма, баджаҳл улуғ, Абайга ҳам ўшқириб:

— Сени авахтага қаматаман! — деди.

Абайнинг: «Урма!», «Тегма! Қўлингни торт!» деб, қичқирганини ур-ийқит ичидаган ҳам, э'тибор қила-диган ҳам киши бўлмади. Бозоралининг устига қамчи ёғилди. Энди улуғ Жиренше, Аслбекларни ҳам, четроқда ўтирган Урозбойни ҳам дарра остига оладиган бўлди. Атрофга йиғилиб қолган тўрт-беш стражникка қараб қўли блан ҳалиgilарни кўрсатганича:

— Йигирма беш қамчи, ўттиз қамчи! Эллик қамчи!— деб, энг сўнгги қамчини Бозоралига буюрди. Шу тобда Абай, худди ёниб турган ўтга тушиб кетгандек бўлди. Ғазаб ичидаги жасорати ортиб, кўзини чирт юмди-ю, ғазабдан кўра номус кучли келганидан курашга чоғланди-да, улуғга қараб:

— Энди бугун ишга сен жавоб берасан! Помни, сам виноват!— деди-ю, эшикка қараб отилди. Эрбўл блан Абулғозига кескин буйруқ қилди, товушининг борича:

— Интил, бутун элни бостириб юбор! Вайрон қил ҳаммасини!— деганича эшикдан ўзи ҳам отилиб чиқди. Ташқаридан Даркембойлар қўлларига аллақаердан то-пидиб келишган қисқа чўқморларини, йўғон қамчиларини кўтариб, шайланиб туришган экан. Абайга фақат:

— Қулат! Буз ҳаммасини! Талқонлаб ташла мана бу уйларни!— дейишгина қолган экан. Атрофии қуршаб турган ҳалқ, Даркембой: «Қир, ер блан яксон қил!» деб, ҳайқирган он уч уйга баравар ташланиб қамчи, чўқмор уриб чангини осмонга чиқариб юбориши. Тўралар бошлирига ғазабли жазо тушганини энди ҳис этишди. Уяз: Жиренше, Аслбекларни ур, дейиши бланоқ, стражниклар қамчи кўтарга пайтда биринчи хонадаги советник Лосовский отилиб ичкарига кирди. Ўязга бетма-бет келиб, тепа сочи типпатик бўлган ҳолда тупугини сачратганича қичқирди-да, шапалоғи блан уй ўртасидаги столни бир уриб:

— Бас қилинг бу бебошликини! Тўхтатинг ҳозир! Сиз тузатиб бўлмайдиган хато қилдингиз! Тўхтатинг дарра уришни! Ҳозир тўхтатинг!— деди.

Советник, Абайнинг ғазаб ичидаги қанчалик тутақиб кетганини, ҳалқнинг қанчалик даҳшатли ҳаракатга бориши мумкинлигини Абайнинг овози борича қичқириб, отилиб чиқиб кетаётган чоғидаги важоҳатидан пайқаган эди. Лосовский буйруқ бергандан кейин уй ичидаги бир нафас жимлик чўқди. Кўтарилиган қамчилар ҳам Жиренше, Аслбек, Бозоралиларга урилмай, кўтарилиганича қолди. Фақат Бозоралига аввал қамчи тегиб қолгани бўлди, холос. Энди у ҳам ўрнидан иргиб турди. Ўязнинг пинжига тиқилиб, ранги мурдадек оқариб, нима қилишини билмай турган Такежонга қараб:

— Душманим бўлдинг, Такежон! Бошимга қамчи урдиришинг— номусимни ерга буқканинг бўлди! Тирик бўлсам, ахир бир кун қасдимни оламан!— деди.

Бу уйда шундан бошқа гап бўлмади. Бутун уйларга ёпирилиб келиб, тасир-тусирига олиб урилаётган чўқморсўйил, қамчилар кегай ва керагаларни қасирлатиб синдириб бораётгани эди. Үруғларнинг бошидаги юпқагина бошпана, отилиб ҳамла қилган халқ ғазаби остида талқонланадаётир. Эндини эси ўзига келган урядник дарҳол милтиғини олиб кўкка қараб ўқ узди. Үнга эргашиб яна бирнече стражниклар ҳам ўқ узиб қолди. Энди Уязнинг ўзи уларга: «Тўхтат!», «Отма!» деб, ўшқирганича буйруқ берди. Милтиқ товушни чиққанда, ёпирилиб уйни қулатаётган халқ ичида фақат бир-иккита кексаларгини орқага чекинди, холос. Қўпчилик уч уйни исказижага олиб, чангалидан чиқармади. Уйдаги улуғнинг: «Милтиқ отма! Тўхтат!» деган буйруғини эшишиб қолган Абай ўша он халққа қараб товушининг борича:

— Қўрқманглар! Энди отолмайди!— деб жар солди.

Шу орада Эрбўл, Абулғози, Даркембойлар бараварига ғазаб блан:

— Қулат мана бу уйларни! Йиқит! Ағдариб ташла! Юлиб ол бошпанасини!— деб ҳайқиришиди. Бутун эл ёпирилиб келиб биринчи уйнинг чап томонидан ҳужум қилди. Бу ҳаракатнинг илғорлари жотоқлар эди. Қўпчилик бирлашиб келиб, зарб блан урганда даҳлизнинг кегай ва керагалари қасирлаб синиб кетди. Пачоқланган уй тобора ичкарига ўририлиб, бориб-бориб, ниҳоят қасирлаб қулаг тушди.

Ўртадаги уй блан даҳлиз уйнинг ўртасида эшик бўлмай, фақат бир қанот кераганинг ўрни очиқ қолдирилган экан. Халқ ғазабидан қўрқиб, тўрдаги икки уйга тиқилишган улуғлар, даҳшат ичида бир-бирларига сиқилишиб туришган эди. Абай Уязга қараб:

— Айб ўзингда. Сен элни тузатучи эмас, бузучисан!— деб, бир бақирди-да, шаҳдам одимлар блан бориб, Бозоралининг қўлидан тортиб: «Чиқ буёққа», деб силтаб турғизди. Бозорали отилиб туриб, Абайнинг орқасига ўтиб кетди.

Пайтдан фойдаланиб, Жирение, Аслбек, Үроғбойлар ҳам иргиб туриб, Абайнинг орқасидан ўтиб, халқа қўшилиб кетишиди. Бу вақтда Даркембой, Абулғози, Эрбўл яна шуларга ўхшаш қўпчиликнинг ғазаби чекдан ошган эди. Улар — бий ҳам, старшин ҳам эмас; бой-бадавлатлар ҳам эмас. Лекин шу сингари синов пайтларида таваккал қилиб эл салмоғини елкасида дас кўтариб кетадиган, ҳечнарас-

дан тап тортмайдиган мардлар. Ҳозир улар Ўяз блан Такежонга ҳайқириб, теварак-атрофдан бошига ёғдирилаётган қамчикдек буйруқлар беришаётир. Абай эндиги гапни уларнинг ўзига қўйиб берди. Эрбўл блан Абулгозилар Такежон блан Ўязга қараб очиқдан-очиқ:

— Сайлор бермаймиз! Сен сайловчи эмас, халқни вайрон қилуучи. Йўқол, тезроқ! Кет ҳозир! Энди сенинг буйруғингга итоат қилмаймиз!— деб, улуғларга ҳайқиришиди. Шу блан бирга тўпланиб турган халққа қараб:

— Ҳамманг уй-үйингни кўчириб кет!

— Халқ тарқалсин бу ердан! Каллакланган тўнкадек шўппайиб улуғларнинг ўзи қолсин!

— Қоладиган бўлса, уларнинг пинжига тиқилис юрган муттаҳамлар, аблажлар қолсин!..

— Жотоқлар, ол уйларингни!.. Зўрлигига кўнма. Ҳечнарса қолдирма, ҳамма уйларингни олиб кетавер!

— Тарқал ҳамманг! Улуғни ташлаб кет, ёлғиз ўзи қолсин!

— Даشتси-саҳрова ёлғиз ўтириб кўрсинг-чи бир!— дешишиб бирининг орқасидан иккинчиси ҳайқирди.

Кўпчиликка шундай буйруқ бериб юборишиди-ла, Даркембой, Абулгози, Эрбўллар ўзлари олдиндан йўл очиб, жўнаб беришиди. Халқ тарқалганда ҳам қуруқ шовқин-сурон кўтариб, тарқалиб кетавермади. Кимнинг ақл-идро-ки идора қилганлиги ма'лум эмас, ҳарҳолда аввало улуғларнинг атрофидаги ҳамма отларни ҳайдаб кетишиди. Шундан кейин эса, улуғлар ҳурматига тикилган барча уйларни халқ бир лаҳзада йиқитиб бўлди. Уйларни ҳаммадан олдин жотоқлар йиқитди ва кўз очиб-юмгунча олиб ҳам кетишиди. Дам ўтмай кенг водийда довул уриб пачақлаб, бир-бирига мингаштириб кетгандек, қўққайиб, улуғларнинг ярми қулаган иккитагина уйи қолди, холос. Атроф ҳувиллаб қолди.

Ҳали яқиндагина, бундан бир соат олдин, улуғлар макони бутун Эралида гердайиб, яс-аса, дабдаба блан: «Мен шу ердаман» деб, турган эди. Ҳозир эса кўл юзидағи кўпикдек йўқолиб, ўчиб кетди. Қатта ва салмоқли халқ тўлқини, ғазаби зарб блан келиб урилди-да, лоп этди-ю, қулади тушди.

Халқ бирлиги шунинг ўзи блан чегараланмади. Эралида ўтирган бутун овуллар, улуғларнинг уйини даشتси-биёбонга ташлаб, ўша куни туш пайтида кўч-кўронини ортиб, дув кўтарилиб жўнаб кетди борди. Ўз атрофидаги халқни

ўзидан бездириб, бутун бошлиқ саҳрода ёлғиз ўзи қолган улуғлар түдаси, шарманда бўлиб, роса кулгилик аҳволда қолди.

Атроф бўм-бўш, ҳувиллаб одамни ютиб юборгудай. Қўзга илинарли бирор нарса йўқ, зоғ ҳам учмайди. Эшикка чиқиб бу кайфиятга зеҳн солиб юрган Йосовский икки кафтини ёзиб, ўз-ўзидан кулди-да:

— Ҳеч бўлмаса адашган ит ҳам қолмапти! — деб бошини чайқади. Ўзининг ҳаддидан ошганини энди англаб дами ичида, ғазаб блан бошини қимирлатиб қўйиб, гангигиб юрган Тентек Үязга қаради.

— Қирғиз даласини шунча йиллардан бери билиб юриб, шундай бирлашган элни кўрганим йўқ эди. Қилмишимиизга яраша бўлди. Асти кечирилмайдиган хато қилдик. Бу аҳволга тушганда, ҳалқнинг бегуноҳ вакилларини ваҳшийларча жазолашимиз орқасида тушдик. Ҳиснинг соғ виждоним бутун ҳақиқатни сизнинг юзингизга айтишга мажбур қилаётир. Шаҳарга боргандада бу хатарли сафар учун сиз блан юқоридаги улуғлар олдида алоҳида сўзлашадиган бўлдим! — деди.

Тентек Үяз жавоб қилмади. Қўлинини бир силтаб тескари қаради-ю, кетаверди. Улуғларнинг ёнида фақат ўзининг икки чопари ва икки старшини блан Такежонгина қолди. Амри-фармоннинг обрўсинн йўқотиб, мажолсизлангани шунчаликки, энди бир қултум сув, бир дамлам чой ва бир дона бўғирсоқ, бир бурда пишлоқ топишнинг ўзи маҳол бўлиб қолди.

Улуғларнинг сайлов ўтказаолмаслиги очиқ кўриниб туради. Энди кўп ҳаялламасдан, туёқни шиқиллатиб, Семейга жўнашдан бошқа чора қолмади. Тентек Үязнинг сўнгги амалдорлик кучи фақат шунга етди. У Такежонга тезлик блан от топиб, ўзларини кечиктирмай жўнатишга буйруқ берди. Бўйлис ўзи блан атрофидаги чопарлари, старшинларининг отларидан қўшиб-чатиб, кечга яқин тўрт извошни зўрға юргизиб юборди. Стражниклар пиёда кетишиди.

Тентек Үяз жўнаш олдидан, бугун содир бўлган қизиқ воқиадан ўзича холоса чиқариб, бир қарорга келди, уни ўзига қарашли чиновникларига ҳам айтди. Ўйлаб топгани: тиљмоҳ орқали Такежон, старшинлардан суриштириб сўраб, ёнига ўзининг улуғлик фикрларини ҳам қўшиб, юқоридаги улуғларга юз қилиб олиб боришлик учун акт ёзиш бўлди.

Езган актининг асосий «вазифаси» Ўязнинг ўз гуноҳини оқлашдан иборат эди. Унда: «Ўролбой катта қароқчи. Бозорали унинг эл ишидаги суюнчиғи, кўп уста маккор, ақлли йўлбошчиси. Ўроғбай, Жиреншелар йўлса Бозоралининг ёқловчилари. Уларнинг ичидаги мана шу Чинғиз элининг бўлиси Такежон Қунанбоевининг бир туғишгаш иниси Абай ҳам бор. Сайлов қилдирмай арзимаган нарсадан баҳона топиб, қўзғолон кўтарғанлар — ўша Абай блан Бозорали тайёрлаб қўйгацамбағаллар, хизматкор бўлиб юрган фуқаролар».

«Бу элнинг бўлиси Такежон ҳам бўлисликка лойиқ одам эмас. Ўролбой блан Бозоралида хусумати бўлгани учун, уларга қарши бўлгани блан улуғга қарши кўтарилиган норозиликни босишини уддасидан чиқолмади. Улуғлар бошига келган шундай хатар устида халқ э'тиборга олгудек бирор оғиз гап ҳам айттолмади. Улуғларни ёлғиз далаға ташлаб кетаётган огуллардан ҳеч бўлмагандан биронта огулни ушлаб қолиш ҳам қўлидан келмади. Унинг халқ ўртасида ҳечқандай э'тибори бўлмаганини орқасида шундай ишлар содир бўлди, бу ишда айбли фақат — шу бўлис. Қўлга тушган Бозоралини қочириб юборган халқҳа ҳам ҳечқандай жазо беролмади. Шу сабабларга биноан, яна халқни сайловга тайёрлайолмагани учун, Такежон Қунанбой ўғли бўлислик ўрнидан туширилди. Унинг ўрнига кандидат Жабай Бўжей ўғли вақтинча бўлис қилиб тайинлаанди» леб ёзилди.

Бу актни Ўяз извошга тушаётган пайтда тилмоч орқали эшиттириди.

Шундай қилиб, Ўяз ўз бошига тушган бу кулгили аҳволнинг жароҳатини ўз тили блан ялаб, қоғоз блан сийпаб эмлагандек бўлди. Такежоннинг ўрнидан туширилгани ҳақидаги буйругини маҳфий топшириқлар блан мана шу эл ичидаги айғоқчи қилиб қолдириб кетаётган тилмочга берди-да, жўнаб кетди.

3

Абай ўн кундан бўён Семейда, «Каталашқада» ётипти. Бу чинакам авахта эмас, лекин, жазоланучи вақтинча тутиладиган ер бўлишига қарамай, бу каталашка, ўз асирини бутун ҳисбхоналарга хос бир сиқиқда тутади. Деразасида темир панжара, эшиги мудом қулфлоғлик. Ана шу эшик ўртасидаги кичкинагина тешик тутқундаги одам.

нин, ташқи дун'ё — ясовуллар блан бўладиган алоқаси учун торгина йўл ҳисобланади.

Ясовул, маҳбус чақирса, ҳа деганда келавермайди. Сариқ серҳашам қилич осган, мудраб ўтирадиган, ўрга ёшли, юзини ажин босганд соқчилар ўтирадилар. Буларниңг ба'зилари Тентек Үяз блан бирга элга чиққан стражникларга ўхшарди. Қамоқхона ўша Тентек Үяз маҳкамасининг ёнида. Бу ердаги ҳаёт Абайнинг озод юрган чоғидаги ҳаётидан жуда катта фарқ қиласли. Шундай бўлса ҳам Абай ўзининг бу ақволига бир қадар кўникиб қолганга ўхшарди. Атрофини хилма-хил китоблар блан тўлдириб олган. Кўпинча шу китоблар устида мук тушиб ўтиради. Кунларнинг қандай ўтиб кетганини билмай ҳам қоларди.

Шу кунларда, Абайга чин қалбларидан дўстлик қилаётган бирнечча шаҳар одамлари бор. Булар ичидан ҳаммадан ҳам Оқбош деб аталадиган Андреевичнинг оқибати ўзгача эди. У, Абай каталашкага тушган куннинг эртаси-гаёқ келди.

Шундан буён икки-уч кунда китоб келтириб берадиган бўлди. У Абайнни қамаб қўйилган кичкинагина хонадаи соқчилар турадиган, деразаси кичик, ўзи ҳам қафасга ўхшаш, пашша босиб ётган уйга чиқартириб, гўё иш блан танишгани келган киши бўлиб, узоқ-узоқ сұхбатлашиб ўтириб кетарди. Китоб орқасидан китоб келтириб: «Елғиз тутқунга шериклар келтирдим» деб Абайнинг кўнглини кўтариб кетарди. Андреевич овулда содир бўлган воқиани эшитиши блан Абайнинг олдига келганда:

— Қаҳри-ғазабини сочиб, ас-аса, дабдаба блан борган улуғни шунчалар масхаралаб, обрўйини тўкишингиз осон иш эмас... У — одилона ғазабининг иши. Лекин бу иш, сизнинг адолатпарварлигинизни кўрсатиб, қимматингизни қанчалар оширмасин, қонун олдидা ва ҳокимларнинг на-зарида уларнинг ғазабини қўзғатадиган иш. Бу тўғридан-тўғри бунтга ҳозирлик кўриш деб қараладиган ва қат'иян ман' қилинган иш! — деди.

Андреевич Абай блан бу тўғрида сұхбатлашишдаи олдин ўзининг яқин ошнаси бўлган советник Лосовский блан ҳам хўп сўзлашиб, воқиани батафсил эшитиб келгас эди. Лосовский Андреевичга Тентек Үязни эрмак қилиб, унинг ишларини кула-кула сўзлаб берган эди. Советникнинг ўзи Абайнинг ишига азбаройи номус юзасидан қилинган иш деб қарарди.

Андреевичнинг уйида шу ҳақда яна бир гап кетганда, учинчи бир бегона одам ҳам бўлди. Бу одамнинг ёши ўтизга тўлган, қуюқ қора соқолли, очиқ ва кенг пешонали, серғайрат, чеҳрасида донолик акс этиб турадиган Михайлов эди. Бу одамнинг кўриниши ҳам, кийган кийими ҳам бу ердаги маҳкама ходимларига ўхшамас эди. У чиновниклар тақадиган ялтироқ тумалар, зарҳал уқаларни асти тақмас эди. Узи аллақачонлардан бери подшо ҳукумати терс кўзи блан қарайдиган, айборд одамлардан ҳисобланиб, бу томонларга сургун бўлиб келган эди.

Шундай бўлса ҳам дўстлари бир амаллаб уни облать маҳкамасига хизматга жойлаб қўйишган эди. Гердайиб босар-турарини билмай борган улуғнинг моховга ошна бўлиб қайтишини, улуғнинг бошидан кечган кулгили саргузаштни даставвал эшитганда, Михайлов ҳечқандай савол бермади. Фақат ўзига хос бир кулгисидан қилиб, шарақлаб кулганича қизариниб, ҳузур қилиб эшитди.

У кейинги кунларда, Андреевичдан улуғни расво қилиб, кулгили аҳволга солган ўша саҳро йигитини кўрсатиб, таништириб қўйишини илтимос қилди. Андреевич Абайнинг иши Лосовскийнинг берадиган гувоҳлигига боғлиқ эканлигини қайта-қайта такрорлайверди. Ниҳоят, советник ҳам бу иш ҳақида одиллик блан сўзлашга рози бўлди.

Абай ҳам Андреевичдек дўсти ўгу сингари ғамхўрлик қилаётганини билгандан кейин хотиржам бўлди. Унинг бу кунларда каталашка стражнигидан қиласидиган ягона талаби, кечаси чироғ ёқиб беришларигина эди. Абай бу кунларда жуда кам ухларди. Биридан-бири қизиқ романларни кун бўйи ўқиш блан қаноатланмай, кечалари ҳам ўқигиси келарди.

Каталашканинг хира фонари ерга қўйилмай, баланд қилиб деворга осиб қўйилар эди. Ӯшанинг тагига бориб, ҳарфлар эўрға кўринишига ҳам қарамай, китобдан кўзи ни олмайдиган Абай, шамъ жуда хиралашиб кўзи толган пайтлардагина бориб, муштуми блан каталашканинг эшигини уради. Хуррак отиб маст уйқуда ётган бутун стражникларни бўридек чўчитиб, уйғотиб юборарди. Уйқуси бузилганига жаҳли чиқиб, тўнғиллаб келадиган кекса стражниклар ба'зан Абайни кесатиб:

— Бу қирғизнинг ўқимишли бўлиб олганини қара-я! Бобонг блан отанг учун ҳам шу каталашкада ўқио олай

деяётурсанми? — Кундузи камлик қилдими сенга?.. — деб, ундан койиб кетар эди.

Абай уларнинг уйқусини безовта қилиб уйготгани бўлмаса, гап талашиб сўзга боришмасди. Аксинча, уларнинг ҳалигидай қаттиқ ҳазилларнига завқ қилкб куларди. Сиполик блан ҳалигиларнинг биттасини Сергей, биттасини Николай деб, ўз номлари блан атаб, саҳронинг ўзига хос тарбиясига биноан мулойимгина:

— Сергей, ўзинг ўйлаб кўр, каталашканг тўла қандала, кишига на уйқу беради-ю, на тинчлик беради, шу китобдан бошқа ҳамроҳим ҳам, юпанчиғим ҳам йўқ. Мана, каталашкангни овқатини ҳам еяётганим йўқ. Каталашкангни шу шамдан бошқа ҳечнарсага чиқимдор қилаётганим йўқ-ку, ахир,— деб қўярди. Бунга кўпинча дуч келадиган кекса Сергей, ҳар кеч аввалига гап ташлаб тихирлик қиласарди-да, сўнг иккинчи шамни келтириб, ўзи ёқиб бергач:

— Дуруст одамлар школда ўқигучи эди... Школда. Сенинг отанг турмада ўки деб та'лим берганми дейман? Топган школинг шу ер экан-да, ма! — дерди.

Абай каталашкани жуда оз чиқимдор қиласарди. Унинг қимизи, гўшти, иссиқ овқати ҳаммаси ташқаридан келтириларди. Үнга овқатни Эрбўл ёки шу гал Абай блан Эрбўлнинг аравасини ҳайдаб, кучер бўлиб келган эпчилгина Боймагамбет деган йигит олиб келарди. Ҳозир Абайнинг камерасида ярим тоғора муздек қимиз, яхна гўшт, чой блан ичиш учун келтирилган бир дастурхон овқатлари ҳам бор эди. Гарчи Абай ортиқча ташвиш тортаётган бўлмаса ҳам, шаҳарнинг иссиғи авжига чиққан пайтда кичкинагина дим уйда диққи-нафас бўлиб ётавергандан иштаҳаси бўғилиб қолган эди. Шунинг учунми ёки кўп вақтдан бери қуёшга чиқмай ўтирганиданми, ҳозир ранги анча заҳил тортиб, синиқиб кетган. Бу кеча ҳам, ўтган кеча ҳам ухламай чиққан Абай тун ошган қимиз блан поҳорлик қилди-да, мук тушиб яна қизиқ романнинг воқиасига чўмди. Бу «Соҳатий» деган китоб бўлиб, бирнече рус жасурларнинг ҳаётини тасвиirlайдиган қизиқ саргузашиб ли роман эди. Романда номусли ҳаққоний қасоскор, одил ва ботир йигит Соҳатий ҳақида, яна тоҳ инсофга келиб, тоҳ беомон ёв сингари иш тутадиган, донғи кетган қароқчи Ванъка-Қаинлар ҳақида ёзилган. Соҳатиларнинг буқиниб юриб, ба'зан куттилмаган жойда ўрмонлан чиқиб улуғларнинг йўлини тўсиб, ўз тақдирлари учун улардан

олган ўчлари ҳам тасвирланган. Абай бу йил кўклам Оқшўқида «Дубровский»ни ўқиган чоғида ўйлагай фикрларини яна ўйлайбошлади. Владимир, порахўрларни ўз уйига қўшиб куйдириб юборгандা, Абай ўша номусли йигитнинг олган ўчига завқ қилиб, кўп хурсанд бўлган эди. «Киройи йигитнинг ғазаби бўлса, шундай бўлса!» деб, шодланган эди.

Кейинги кулларда ўша китобдаги воқиани тез-тез эслаб турарди. Бир лаҳзада рўй берган ўзгача ҳаракат ичида шу сингари воқиани ўзи ҳам бошидан кечиргап эди. Тентек Үязнинг уйини қасирлатиб қулатиб юборилянда, қўрққанидан ичкаридаги уйнинг эшигига бориб, бир жойга тўпланиб турган Тентек Үяз блан беш-олти стражниклар-урядниклар ҳозир унинг кўз ўнгида гапдаланди. Шафқатсиз ғазаб, лоп этиб ёниб сўнгаш аланга учқунидек кўз олдидан ўтди.

....«Бир-биридан нақадар узоқ бўлган қавмлар, оламлар бор. Ба’зан булар аямай қилинган зўрлик, анлишасизлик блан қилинган хиёнатни кўрганларида оға-иницдек, бир-бирларига ўхшаб ҳаракат қилишади. Занжирбанл йўлбарслар ғазаби келганда йўлбарслигини қилганидек, ёки қалпоқ кийдириб, кўзини беркитиб қўйилган тутқун қиронлар ғазаби келганда қиронлигини қилганидек, орномус ҳам ма’лум одамларнинг ғазабини бир хилда қўзғотади. Шундай пайтларда одамни қавми-жинси, мартабаси эмас, бир-бирига ўхшаш ҳолат идора қилса керак!» деган хаёлга борди.

Ҳозир Абай шу сингари хаёлларга чўмиб кетиб, тиззасидаги китоб очиқ турганича парвосиз қолган бир пайтда тезлик блан камеранинг эшиги очилабошлади.

Каталашка надзиратели Хомутовнинг ўзи кириб келди. У ҳамиша бу ерга Абайнинг адвокат чақиртирса ёки бош терговчи келган бўлса киради эди. Абай: «Бўшатиб юборадиган вақт бўлдими?» деб, тўсатдан пайдо бўлган бир умид блан ўрнидан туриб Хомутов томони қадам ташлади.

Хомутов ичкарига қарамай эшикда турган жойида дагал товуш блан:

— Қунанбаев, юр дежуркага, сени қўргани овулдан отанг келипти! — деди совуққина қилиб.

Бу хабарни эшигандага Абай бир томондан ҳайрон бўлса, иккинчи томондан қандайдир номуси келиб, илдам одимлар блан полициянинг орқасидан кетди.

Ҳақиқатда ҳам дежуркада элдаи келган бирнечта одам ўтирган эди. Беш-олти киши блан бир тўп бўлиб келган Эрбўл блан Боймагамбет кўринди. Абай шошганича улар блан саломлашиб бўлган он уларнинг ичидан Қунанбойни излайбошлиди. «Кекса устихоннини сургаб, бу ерга келиб нима қилас эди» деб, ич-ичидан энсаси қотиб келган эди.

Шундай хаёлга боргани учун, Абай ўзини кутиб ўтирган бу ердаги одамларнинг олдига қовоғини солиб, чеҳрасида қандайдир иорозилик акс этган ҳолда кириб келган эди. Қелганлар ичida Қунанбой кўринмади.

— Отам келди деган эди, қани?—деди дарров. Эрбўл астагина унинг биқининг туртиб қўйди-да, стражникларнинг олдида Боймагамбетга қараб сўзлаётган киши бўлиб:

— Отанг мана бу ўтирган Даркембой эмасми, сени кўрсатмайдиган бўлгандан кейин айтилган гап-да!— деди.

Абай бу гапни эшишиб хурсанд бўлди-да, секин бош эгиб қўйди. Соқоли оқ бўлса ҳам ҳали тетик, кексалик ҳам енгаолмаган, зуваласи пишиқ, серғайрат Даркембой қулочини ёзиб, Абайнини меҳрибонлик блан қучоқлаб:

— Айланай ёлғизим, суюнган тоғим!— деб, бағрига босиб юзидал ўпди.

Бу гал Эрбўл Хомутовга порани аямай қистирган кўринади, чунки Даркембойнинг чиндан ҳам қамоқда ётган йигитнинг отаси эканлигига қаноат ҳосил қилган надзиратель, чолнинг Абайнини соғиниб, юраги узилиб келган оталардек қучогига олганини кўрганидан кейин: «сўзлашиб олсин» деб чиқиб кетди.

Абай Даркембойнинг қучоғидап чиқиши блан ўтирган иккита йигитни эндигина танида. Даставвал кирганида, ярим қоронғи уйда уларни яхши пайқамай қолган экан. Уларни таниб ҳайрон қолди, лекин ҳайрон бўлиш блан бирга, беҳад хурсанд ҳам бўлиб кетди. Шу онгача дамини чиқармай ўтирган барваста, баланд бўйли йигитларнинг иккovi блан ҳам қаттиқ-қаттиқ қучоқлашиб кўришди.

Абайнин ҳайратда қолдиргап шу икки йигит. Худди шу кунларда Семей, авахта уёқда турсин, ҳатто Қунанбой овулларининг кўзига ҳам кўриниши хатарли бўлиб, элга сиёмай юрган йигитлар.

Эралида бўлган мажародап кейин ўша фалокат сабаб бўлиб Такежон ўрнидан тушди. Абайнин жавобгарликка тортиб, шаҳарга олиб келиб авахтага қамади. Шундан буён бутун Иргизбой ва уларнинг ёри-дўсти бўлгач

элларнинг ҳаммаси: «ўша можарони бошловчилар, фитначилар» деб, бутун айбни Жигигек одамларининг устига қўйишган. Аслида бу ишлар Ўролбой, қолаверса, Бозорали туфайли бўлди дейишаётган эди.

Ундан кейин сайлов бошида ғалаён кўтариб, улуғга қаршилик қилиб, сержамоа жотоқларнинг ичига ғулғула солиб, яна улуғга қарши бош кўтариб, унинг уйини қулатиб, кўпчиликнинг бошини биритирган мана шу йигитлар бўлди дейиши. Уларнинг устидан: Такежон ва бошқа чақимчи мансабдорларнинг кўпчилиги Тонтек Уязнинг маҳкамасига пирговорлар¹ туширишган эди. Абай бирнече бор улуғ олдига сўроқقا борганида, терговчи улуғнинг айниқса мана шу икки йигит устида кўп тўхтаб, ўшалар тўғрисида тоза айлантириб, қаттиқ сурнштираётганини ҳам билган эди.

Ўз устидаги тергов узоққа чўзилишига ҳам қарамай, Абай бу икки йигит ҳақида, улуғнинг қўлига ҳужжат бўлиб кираврлик бирор оғиз гап гапирмади. Мана энди ўша улуғлар тишларини қайраб, ғазабига олиб турган икки йигит шаҳарга келиб, дамига тортишга тайёр турган улуғнинг авахтасига ўз оёқлари блан кириб келишипти.

Абай ҳатто Даркембойнинг келншини ҳам хагарли деб биларди. Унинг устидан туширилган қоғозлар ҳам анча оғир эди. Броқ Даркембойнинг унинг учун ҳечқандай хатардан бош тортмаслигини Абай яхши биларди.

Уни foят ҳайратда қолдираётган мана шу икки йигит. Ҳозир улар Абайнинг юзига кулимсираб, дўстона боқиб туришарди. Ўзларини чин тилақдош, айрилмас жигарлардек тутишаётир. Булар Жигитек элининг икки азатми, икки шери — Бозорали блан Абулғози. Абай уларга қараб:

— Азиз дўстларим, ғажиб ташлай деб турган арслоннинг оғзига сен икковингни ким келтириб рўпара қилди? Битта-яримтанинг сиқиғи блан келдингларми? Ёки бизнинг оувуллар мен учун сенларининг ичканларини газар, еганларнигни заққум қилдими? Шунинг учун келдингларми? Нега келдиларнинг ахир! — деди.

Бозорали Абайшинг бу масалада янгилашаётганини айтиб берди.

— У айтатётганинг бир бизни эмас, бутун Жигитек элини сенинг орқангданчувалаштириб шу ерга олиб

¹ Ҷақиқ қоғози ма'носида.— Ред.

келгудек сабаб-ку. Лекин ундаи гаплар бизни шу ерга олиб келаолади дейсанми. Шу авахтада сен ётмай, Такежон ётганда ҳам шу гапларни гапиришар эди. Ушанда ҳам бутун бало менинг бошимга тушар эди-ку! Лекин, Бозорали блан Абулғози у ҳолда бу ерга келиш уёқда турсин, «миқ» этар эдими? Ҳечким зўрлагани ҳам, қистагани ҳам йўқ. Мана бу Даркембой чолинг блан доюрак, шаддот Абулғозинг: «Сен ўтирган авахтада кенг қасрда ўтиргандек, ўкинмасдан ўтираман!» деди. Қўярда қўймай: «Ушандан айрилмайман!» деб келишиди! — деди.

Даркембой блан Абулғози иккови икки томондан бу сўзларни қувватлаб кетишиди.

— Биз учун сен ётма! Йўқловчи бўлиш бизнинг қўлимиздан келмайди. Нодонмиз, уддасидан ҳам чиқолмаймиз! — деб, гапни Даркембой бошлагац эди, уёғини Абулғози илиб кетди.

— Сен учун биз ётамиш. Бизларнинг нима фойдамиш бор. Сен ҳеч бўлмаса, элнинг кўз ёшини тўқдирмайсан-ку. Агар йўқловчи бўламан десанг, ор-номусни эрларча саклай билласан. Ҳаммамиз ҳам шунинг учун келдик. Сен чиқ, биз ётайлик! — деди.

Қайси куни Қўриқда Успон айтган совуқ хабардан кейин Абай Бозоралини дурустроқ кўргани ҳам йўқ эди. Фақат Эралида, Ўязнинг уйида, тутоқсан ғазаб ичидан бир кўзи тушган эди, холос. Мана бу қардошларни ўлимга боришидан ҳам бош тортмайсан деб, бир тўп қилиб бошлаб келган шу Бозорали эканлигини Абай билиб турарди. У Абай олдига: бутун айбимни «кечир» деятган-дек узр сўраб келди! Унинг учун ўзини қурбон қилишига ҳозир бўлиб, гуноҳларидан ўтишни ўтиниб турипти.

Абай ақл югуртириб, вазиятга қараб билиб бўладиган бу кайфиятни бироз ўйланиб туриб, англади. Шувин англаши бланоқ уларпинг уччовига мамнун чеҳра блан қаради. Яхши кайфият ичидан кулимсираб туриб, гап бошлиди.

— Эр йигит — бошга иш тушганда, нортую — кечувда синалади, дейдилар. Ҳалиги гапларнинг бошимни қўкка етказди. Мен чиндан ҳам хатарда қоладиган бўлсам, мана, оппоқ соқоли блан йўлимда қурбон бўлиш учун Даркембой келипти. Мағрур бошларнинг блан икковинг ҳам жонингни фидо қилишга ҳозир бўлиб келибсан. Сенлар ўзларингни ҳарқандай ўтга ташлашдан тортинмайсанларку. Мен нега ажалдан ўзимни четга оламан? — деб, ку-

либ юборди-да, илова қилди.— Лекин юрт чўчийдиган ҳеч гап йўқ. Тентек Ўязнинг қуруқ милтиқни отишидан, дўқидан ўти ёрилиб, ўлай деб турган Абай ҳам йўқ. Менга чивин чаққандек озор етказадиган жазо ҳам, ғазаб ҳам йўқ! Авваллар ҳам мен кўп миннатдор бўлиб юрган жуда яхши бир рус дўстим бор эди. Ўша одам ўзига ўхшаш яна бирқанча гапи ўтадиган, э'тиборли дўстларни топиб берди. Уларнинг биттаси Ўязнинг итлигини ўз кўзи блан кўриб келган эслик дуруст одам — советник. Ҳозирча аҳвол ана шундай. Яқин кунларда, Ўяз блан мени бетма-бет қўйиб сўроқ қилсалар керак. Энди у блан да-волашибга мана бу Даркембойни солмай қўяқолай! — деб, ҳазил қилди. Шундан кейип Бозоралига қаради-да:

— Гапга қолганда-ку сенга бас келадиган қозоқ йўқ-а, шундай бўлса ҳам Бозске, бу гал гапни менга қўйиб бер. Одам қанча кўпайса, тергоз блан да'во ҳам шунча кўпаяди. Иш тобора чалкашаверади. Текшириш ҳам, тергов ҳам жуда чўзилиб кетади. Ҳарҳолда, бу кунларда шу ерда сеиларнинг ҳеч керакларинг йўқ. Тезлик блан элга қайтинглар! — деди-да, улар блан яна бир-бир қулоқлашиб кўришиб, хайрлашли.

Абай орқасидан йўқлаб келган Жигитск одамларини ҳибсонадан қайтариб юбориб, ўзи яна бироз вақт ўша ерда ўтириб қолди. Даркембой, Бозоралилар бўлса Эрбўл блан маслаҳатлашиб, ўзлари учун хатарли бўлишига қарамай, Семейда қоладиган бўлишди. «Борди-ю, Абайга керак бўлиб қолсак, шу ерда ҳозир турайлик» деб, Семейнинг татар маҳалласидаги, даладаи келадиган қозоқлар кўп қатнамайдиган, хилватроқ кўчасидан бир уйни ижарага олишди. Гоҳ-гоҳида кечалари Эрбўл блан зимдан учрашиб туришарди. Абайкинг тергови оғирлашиб, қаттиқ жэзо бериладиган бўлса ёки иш чалкашиб кетиб, кесилиб кетадиган бўлса, ҳатто Эрали можаросини ҳам Бозорали ўз бўйнига олишга тайёр бўлиб Абайдан жонимни аяб қолгуича ўлганим ортиқ, деган қарорга келди.

Ў Нурғонимга бўлган кучли муҳаббатидан кечиб, ундан кўнгил узолмади. Шунчалар оташин ҳис блан берилган ёш жувон ҳам юрак ўтини сўндираолмади. Шу тахлитда юришаркан, Бозорали бошқалардан тортинимаса ҳам ичида: «Абай билган куни ерга кириб кетаман-ку» деб ўйларди. Қисқаси, бу ҳам ички ва ташқи жароҳатдек, дард устига чипқон эди. Айниқса эр бошига синов, эл

бошига фалокат бўлиб тушиб қаттиқ ботди. Гарчи Абай ўз олдида Бозоралининг гуноҳи борлигини билса ҳам, ҳозир уни мард йигитлар парво қилмайдиган жароҳатдек устини ёпиб кетди.

Авахтага кириб, Абайнин кўриб чиққандан кейин Бозорали бу ҳақда: «Ёлғон номус фазилат эмас, ор-номусни сир сақлашу фазилат деди-ку. Абай, ақлингдан ўзим ўргулай!» деди. Ичидаги тош-тумордек туғилиб юрган бир ғашликдан қутилиб, енгил тортганини шу зайл изҳор қилди.

— Йўлдошини топмаган эр озади, бошлиғини топмаган эл тўзади деса бўлади. Шу бугун йўлдошни ҳам, бошлиқни ҳам топиб меҳрим ортди. Аҳд шу. Ё Абайнин эсон-омон чиқариб олиб, ҳаммамиз бирга ўйнаб-кулиб элга қайтамиз. Еки Бозорали унинг йўлида бош тикади-да, элнинг бетини кўрмай, сургунга жўнайди. Қайта келмас ерга кетади. Лскин бу гал заррача ўқинмасдан кетади! — деди.

Даркембой ҳам Бозоралининг Абай ҳақида гапирган гапидан ўзича хулоса чиқариб:

— Ёвга ялияма, дўстдан жонингни аяма дегани-да бу! Баракалла! — деди.

Авахтада Абай ёлғиз ўзи ётди. Унинг дўстлари Бозорали, Даркембайларгина бўлмай, шу сингари тилакдошларнинг сони ортиб бормоқда эди.

Абай мапа шу сўнгги кунларда ўзига яна бир ўзгача дўст пайдо бўлганини Эрбўлдан чала-ярим эшилди. У дўсти Иртишнинг бўйидаги «тўқай бўйининг эли» деб аталашибган ғоят сержамоа Бура элидан келган. Тинибойнинг уйига учта семиз от қўшилган извошда келиб тушган кўп серзавқ қиз — Салтанат эди. Тинибой блан бу қизининг отаси — Иртиш бўйида япайдиган бой савдогар Алдеке — қуда-апда, яқин дўст эди.

Унинг овуллари саҳро элидек эмас. Иртиш бўйида шаҳарга яқин ерда бўлгани учун деҳқончилик ва савдо иши блан шуғулланарди. Тепаси чодир қилиб солинган чиройлик-чиройлик ёғоч биноларда туришарди. Шаҳар, бозор, ярамаркага катттадан-кичик, эркак ва аёл бара-вар қатнарди. Уларнинг кўриниши, кийимлари ҳам Тўбуқтиларникидан мутлақо бошқача эди. Мана шундай овулнинг узатиладиган, бўйи етган эрка қизи керак-яроғини олиш учун кичик онаси блан шаҳарга келган эди.

Бу бўйи етган қиз — Салтанатнинг Тинибой уйига биринчи келиши эмас. У мана шу уйнинг келини, Абайнинг

опаси Макиш блан айниқса тутув эди. Ўтган қишиш бир келганида, Макиш блан узоқ-узоқ сухбатлашиб күп сирлашганди. Макишидан Абай ҳақида сўраган эди. Ўша кечада Макиш Салтанатнинг илтимоси блан Абайнинг бир ше'рини куйга қўшиб куйлаб берди. Салтанат куйдан ҳам кўра Абайнинг сўзларига қулоқ солди:

Ярқ этмас қора қўнглим на қылса-да,
Осмонда ой блан кун барқ урса-да,
Дун'ёда мәлға сра сендаёт ёр йўқ,
Сенга ёр мендан ортиқ топилса-да!

деб, изҳор этилган юрак дардларини эшитганда, Салтанат астагина хўрсиниб қўйди. Икки қўли блан Макишининг бир елкасига осилиб ўтириб, тушиб келаётган қоронгиликка тикилганича, ма'юсланиб тинглади. Гулгун юзини бир нафасгина Макишининг елкасига қўйди-ю, кейин ўзининг бу ишидан уялгандек, тўсатдан дув этиб икки юзи яллиғланиб кетди-да, яна ўзини тутиб олди. Броқ ше'рнинг сўзлари унга умрида эшитмаган ажойиб ҳисларни изҳор этгучи сирдек туйилган эди. Ўша кечдаги сухбатни:

— Во дариғо! Юрак дардларини шу зайлда ифода этидиргап қизнинг нима армони бор дейсиз? — деб тамом қилган эди.

Эрталаб мана шу меҳмон қиз, Тинибойнинг катта хотини, Макиш, ўзининг кичик онаси блан ўтириб ионушта қилишаётган эди. Шу вақтда Эрбўл зарур иши бор кишидек шошганича тўсатдан уларнинг устига кириб келди. Макиш блан Тинибойнинг катта хотини Эрбўлдан: «Абайнинг иши қалай? Бўшаб чиқишининг иложи борга ўхшайдими? Адвокат нима деяёттир?» дейишиб иккени томондан савол берабошлишди.

Эрбўл ҳалиги меҳмон аёлларни танимас эди. Ҳайрон бўлиб Салтанатга қараганича гая бошлайолмай турди. Нима учундир қиз ўз-ўзидан бир қизариниб кетди. Катта-катта қуралай қўзлари порлаб, Эрбўлга мулоийимгина бир назар ташлади-да, дам ўтмай: «яширмай айтавер» деяётгандек, йигитнинг юзига тикка қаради. Макиш ҳам:

— Айтавер, бегона одам йўқ-ку! — деган эди, Эрбўл гапни кўп чўзмади.

— Адвокат блан Абай иш кўп узоққа чўзилмас, деб умид қилиб туришилти. Аммо, ҳали ма'лум эмас. Ундан ташқари адвокат: «Бундай терговнинг охири бирорвнинг

кафилга олиши блан тамом бўлади. Шунга тайёр туриш керак. Шаҳар улуғи биладиган э'тиборли кишилардан минг сўм «гаров» қўйиб, Абайнин кафилга оладиган одамини тайёрлаб қўй» деяётир. «Иш яхши томонга қараб кетса, шу блан тамом бўлади» деяётир. Кафилга оладиган одам ҳовли-жойлик савдогарлардан бўлса, яхши бўлади дейишашётир. Шунга келдим! — деди.

Эрбўл ё Тинибойнинг ўзини, ё унинг ўғилларидан биттасини назарда туваётганлигини ўтирганларнинг ҳаммаси тушуниди. Тинибойнинг катта хотини бундай ишларни илгари ҳам бирнечча бор кўрган эди. Энди ўкиниб:

— Оббо, бўтам! Энди бунинг иложи қандоқ бўлади? Узингга ма'lум, уйда бой ҳам йўқ, ўғилларнинг иккови ҳам сафарда. Қўлимизда пул ҳам йўқ. Уй эгаси бўлиб кафилга оларлик эркак оти йўқ-ку! — деди.

Бу иш Эрбўл блан Макишини гангитиб қўйди. Эрбўл Абай учун энг нозик бир пайт шу бўлишини фаҳмлаб, сиқилиб хаёл сурив кетди.

— Ёпирим! Шу ерга келганда иш чатоқ бўлмаса яхши эди-да! Мол олиб келишга эл олис, ҳамма яйловга чиқиб кетди. Кафилга оладиган меҳрибонлар уйда йўқ. Шошиб қолиб, элдан ҳечнарсага қарамай чиқиб кела-верган эдик. Кафилга оладиган одам худди шу кунларда зарур бўлиб қолса нима қиласиз? Бойвучча, ҳеч бўлмаса шу ердаги ўзларингизга ўхшаш ҳовли-жойи бўлган қозоқ савдогарлари, таниш-билишларингиздан бирон-тасига илтимос қилиб кўрсангиз қандай бўлади. Сизниг гапингизни уларга ўзим етказаман! — деди.

Шундан бошқа чора ҳам йўқ эди. Тинибойнинг катта хотини блан Макиши шаҳардаги кўнгли яқин ёр-биродарларидан икки-уч кишининг номини атасиди, лекин уларнинг деярли ҳаммаси сафарда эканлигини эслашди. Макиши қаттиқ куюниб, қопиларини чимирганича:

— Ёз бўлди дегунча аравасини ғичирлатиб бири «эл» деб тоққа, бири «илдий» деб, қўйига қараб кетишади-ку. Тинч ўтирадими булар? — деди.

Ўтирганлар гангиг қолишиди. Кўпдан бери буларнинг авзойига зеҳн солиб, кайфиятни пайқаб ўтирган Салтанат шу ердагиларнинг ҳаммасини ҳайратда қолдириб, кутилмаган бир гап галирди. Эрбўлга қараб:

— Абай мирзанинг дўсти сафарга кетган одамларгина эмасдир. Дўстликка дўстлик қилиш бурч, дейдиларку. Отам Абайнинг отасини ҳам, ўзини ҳам дўстона қил-

гай яхшиликларини кўп кўрганмас, дер эди. Мана бу онам блан менинг номимдан Абайга шу гапни айтинг. Бу гал қандай ҳожати бўлса биз чиқарамиз. Қафилга Алдекеновни кўрсатсан! — деди.

Шу қадар ишонч блан айтилган бу гапни эшишиб, ўтирганинг чироий очилниб кетди. Эрбўл азбаройи қувонганидан:

— Синглим, азизим, бу гапингиз эр-азаматлар айтолмайдиган, бебаҳо гап бўлди. Эр бошига озодлик келтирадиган дўстлиқдан ортиқ нима бор! Ҳарқанча раҳмат айтсан оз! Яна уни мен айтдим нима-ю, айтмадим нима. Худо хоҳлаб, эсон-омон қутилиш мұяссар бўлса, Абай ўз оғзи блан ўзи айтсан. Мен бўлсан бу жавобингиздан ўзимда йўқ хурсанд ва беҳад миннатдор бўлдим! — деди.

Салтанатнинг оппоқ, кенг пешонаси, бежирим қирра бурни, юмалоқ келган оппоқ иягида қизғиши шу'ладек тўлқинланиб турган нафис бир қизиллик кўринди. Гуллаб турган бефубор ёшлик. Кулламираганда юзлари шафақдек гулгун ёниб кетарди. Силлиқ қилиб таралган қалин сочлари қўнғир товланиб ялтираб турарди. Оҳиста ва қия боқучи катта қўй кўзларида нозли бир жозиба кўринарди. Гўзал қизнинг узун-узун бармоқларидаги тилла узуклар, оппоқ билакларидаги билакузуклар ҳам ўзига жуда ярашган. Қулоқларидаги жимжимадор тилла исирғалар ҳам ҳар силкинганида гўзал қизнинг ажойиб ҳуснига ҳусн қўшиб, ярақлаб ёниб турарди. Қизнинг исми Салтанат эканлигини билганда, Эрбўл ичидан: «Киройи Салтанат деса дегупдек экан. Кўриниши ҳам, қалби ҳам чин салтанат экан-ку!» деб, кўнглида бу қизга нисбатан зўр ҳурмат пайдо бўлди.

Абайнинг иши орқасидан юрган дўстлари шундай чораларни кўриб қўйишиди. Бир томондан адвокатнинг ҳаракати, иккинчидан орқасидаги йўқловчилари, Эрбўлларнинг аризаси, унинг устига Абайнинг терговда берган жавоби — ҳаммаси бўлиб, ниҳоят тергов «Областное управление» деб аталадиган жандарол маҳкамасида олиб бориладиган бўлди. Бир ярим ойга яқин ҳибсхонада ётиб қолган Абайнинг иши судга берилмай, улуғларнинг ўртасида кўриладиган бўлди.

Икки стражник Абайнин жандарол маҳкамасига олиб келиб, иккинчи қаватдаги катта уйга киргизди. Уйининг тўрига кўндаланг қилиб катта узун стол қўйилган. Абайнин ўша столга яқин турган четдаги курсига ўтқизишиди.

Бироздан кейин стол атрофига ялтираган сариқ тутмалар тақилган, расмий узун кийим кийган, ёш жиҳатдан тенг бўлмаган уч-тўртта чиновниклар келиб ўтиришди. Абайнинг иши орқасидан юрган аднокат Андреевич ҳам келиб Абайнинг орқа томонига ўтиреди. Унинг келганини Абай пайқамади.

Советник Лосовский ҳам келиб Андреевичнинг рўпаграсидаги бир курсига ўтиреди, унинг ёнида тепа сочи тўкилиб, бошининг олди тақирланган, қуюқ қопқора соқолли, кенг ягринлик бир одам бор эди. У, мана шу маҳкамада хизмат қилучи кўркам, сергайрат, бама'ни одам— Михайлова эди. Ўзидан кейинроқ ўтиришгани учун Абай уларни ҳам пайқамади.

Стол атрофига келиб ўтирган улуғларнинг каттаси мош-гурунч соқолли, оқариб қолган сочини тепага тараған кексароқ киши эди. Уша ўткир мовий кўзли чиновник мажлисни аввал ўзи бошқариб борди-да, кейин Кошкинни чақирди. Эралига борган чоғидагидек мансабдор тўраларга ўхшаб, ҳаддан оғган, гердайган бир вазиятда Тентек Ўяз кирди. Ўяз такаббурлик блан жимжит уйда шаҳдам қадам ташлаб келиб, Абайнинг ёнида турган курсиларга ўтирмай, тўғри бориб катта столнинг ёнига ўтиреди. Элдан келган одамлар кирмади.

Қулоғи чипоқ, юзи япасқи, кўзлари қисиқ, сочи дик-кайган, сийрак сариқ мўйловли бир тилмоч улуғларнинг столига яқинроқ ўтиреди. Бу тергов Абайнинг ишини алоҳида иш тариқасинда кўрадиган «алоҳида ўтириш»га ўхшарди. Сўроқ, Абай шу кунга қадар терговда айтган гапларни қайтадан сўрашдан бошланди.

Жавобгар Эралида бўлган воқиани батафсил айтиб берди. Тентек Ўязнинг халқни оёқ ости қилиб, қонунга қарши қилган ҳаракатлари тўғрисида гапирди. Дарра урдириб, қамчини ишга согланини ҳам қолдирмади. Фақат ўзининг ба'зибир режасига биноан, Бозоралининг ёнини олганини айтмади. У гапларни жўрттага ташлаб кетиб, ўзини Ўрозбойлар — мансабдорларнинг ҳақорат қилинишига тоқат қилолмаган киши қилиб кўрсатди. Гапида бутун салмоқни ўша халқ сайлаб, улуғлар манзур кўрган одамларни, «халқ бийларини» — Ўрозбойларни халқининг олдида Кошкиннинг дарра урдирганига соловерди. Бутун можаро шундан чиқди деб гапирди. «Ундей Ўязни ҳурмат қилиш халқнинг вазифаси эмас эди. Шунда ҳам халқ бу кишига заррача зиён етказмади. Фақат ҳукуматнинг қад-

ри-қийматини тушириб обрўйини тўкишидан ранжиди-да, сайловга қолмай тарқалнб кетди. Ўша халқнинг ичидагулланим учун, халқнинг топшириғи блан ўшаларнинг айт, деган гапинигина айтган менинг тарафимдан бу кишига нисбатан қандай хиёнат, қандай ёмонлик содир бўлипти?» — деди.

Абай биркенча гапларни адвокат ёзиб берган ариза бўйича гапирди. Ўша аризадаги ба’зибир эсида қолган жойларини қайтариб русчалаб айтди.

Аризадаги тартибдан чиқиб, ҳозир ўзидан қўшиб айтишмоқчи бўлган далилларга келгандаги, айтишга қийналиб тутилиб қоларди. Шу сингари, русчалаб айттолмайдиган сўзлар келиб қолса, ўнг томонида ўтирган тилмочга қараб буйруқомиз: «Шу жойини айтиб юбор» деб қўярди. Тилмоч бир-икки жумлани таржима қилиши бланоқ, уёғини ўзи илиб кетарди. Улуғнинг ҳузурида биринчи марта шу қадар узоқ терговда, ўша улуғнинг ўз тилида сўзлай олганига Абай ич-ичидан хурсанд бўлди. У сўзлагандаги «зер-завари» келишмай қолдими, деб тортинмас ҳам эди. Фақат асосий фикрни тўғри бериб, сўзларининг ма'носига бузилмаслигига э'тибор қиласарди, холос. Ба'зан ўша онда эсига келиб қолган бирхил чуқур ма'ноли қозоқча ибораларни ўша он ўзи русчага таржима қилиб айтарди. Унинг гаплари тингловчилар учун жуда қизиқ, ёқимли бўлиб чиқарди.

Бу мажлисда раислик қилаётган кекса советник, афтидан, қонунга қаттиқ риоя қиладиган одам кўринади.

Бу тўранинг ҳозирги кайфиятида икки турлик ваз'ият билиниб турарди. Аввало — оддий дала қозонини, подшо ҳукуматининг чиновниги блан юзма-юз қилиб қўйиб, ишларини қўша терглаши одатдан ташқари эди. Иккинчидан — мана шу юзлаштиришида ҳам, бу икки одамнинг ишини ўзи олиб боришида ҳам кекса тўранинг ма'лум мақсади бордек кўринарди. Абайнин шунчалик ўз эркига қўйиб бериб, истагани қадар сўзлатиши буни очиқ кўрсатиб турарди.

Аслида бу сиртдан адолатдек кўринаётган ҳолатнинг тагида қизиқ гап бор. Бу кекса тўра ҳозирги жандарманинг яқин одами, божаси эди. Унинг қайин синглисига ўйланган жандарол, тўрани яхши кўрар ва суяб юрарди. Тўранинг ўзи бўлса, ўлгунча порахўр киши эди.

Тентек Ўяз шу маҳкамадаги ҳамма чиновниклар сингари бу советникнинг ўша сирини яхши билар эди.

Криловнинг масалидаги ҳозиргина товуқни тутиб еган тулкига ўхшатиб, уни: «Ҳали тумшуғида товуқнинг пати туритти» дейишиб, орқасидан ҳажв қилишар эди. Кошқиннинг ўзи ҳам суюнчиғи бўлмаган ёлғиз одам эмас. У мана шу областъдаги судъларнинг каттаси, окружной суд раисининг куёви эди. Суд раиси бўлса, жандарол блан жошажон дўст, тили бир одамлар эди.

Жандарол блан суд раиси Кошқинни сақлаб қолишлик учун аввалига бу ишни — қирғизлар орасида бўлган можарони ёпти-ёпти қилиб, босиб қўяқолиш керак дейишган эди. Лекин Абайнинг авахтада ётиши блан Оқбош Аndereevich Абайнинг йўқловчиси бўлганлиги уларнинг кўкрагини кесиб қўйди. Бундай масалаларда адвокатнинг қаттиқ туриб оладиган одам эканлигини область маҳкамасидагиларнинг ҳаммаси яхши билар эди. Адвокат Андереевич бу ишни жуда осонлик блан ҳатто саҳро генерал губернаторининг маҳкамасига ҳам ошириб юбориши мумкин эди. Унинг устига, корпус маҳкамасидан бу ерга яқиндагина келган ёш чиновник — Лосовский ҳам жандарол номига ёзган ма'лумотида Кошқиннинг ғайри қонуний ишлари ҳақида гувоҳлик бериб қўйган, уни ҳам бости-бости қилиш энди ўнгайсиз эди.

Мана шундай чигал тугун ечиларкан, ҳам Кошқин омон қоладиган, ҳам одатдаги тартиб сақланадиган қилиб усталик блан иш олиб бориш керак. Довруқ қилмай, исини чиқармай, улуғларнинг ўртасидагина тезроқ битириш керак.

Жандарол маҳкамасининг ҳам обрўйи сақланмоғи керак. Бу ишни кўнгилдагидек қилиб, ётиғи блан ҳал қилишининг удласидан чиқадиган киши деб, мана шу кекса советник, Харьковга топширилди.

Броқ советник, улуғларнинг з’тиборли киши сифатида ишонч блан топширган ишини ўз зиммасига олиш блан бирга, ўз жигилдонини ҳам унутмади. Бундай ишлар асти унинг эсидан чиқмас эди. Иш блан танишиб, Оқбош блан сўзлашиб кўриб, қамоқхонада ётган Абайга бир яйб ортмагунча ишини тутатиб бўлмаслигини англади. Ишнинг боришини ўйлаб шундай хulosага келди. Тентек Үязни оқлаш учун Абайни айбдор қилиб ҳукм чиқариш керек. Лекин уни қамоқхонада узоқ вақт ётиб кетадиган катта ишга айлантириб қаттиқ жазо бермайди. Гарчи жазога тортилди, деб ҳисобланса ҳам Абай қутилади. Ишнинг ана шу томонларини Оқбош блан Абай фаҳмласин-

да, ўзларича эмини топсин. Гапни айлантириб келиб, шу мақсадини англатиб ўтди.

Оқбош Андреевич, Абай блан учрашгани авахтага бир борганида, жирканиб, газаб ичиде истеҳзо блан кулганича: «Советникни даволаш керак. Афтидаи, беш юз сўм рецепт бўлар ва шунинг блан шифо топиб кетар» деди. Эрбўл қирдан олиб келган бор харажат пулинини ма-на шунга сарф қилиб қўйганига анча бўлган эди.

Шундан кейин терговчи тўра ишни қай йўсинда олиб боришини, қандай натижа чиқармоқчи эканлигини холи ўтириб сўзлашиб, тушунтириб қўймоқчи бўлиб, Кошкинни чақиртирганида, кутилмаган ҳолда қаттиқ ўжарликка йўлиқди.

Кошкин, ўзини тергаш деганда, ғазаблашди. Ўз ишининг бир қирғизнинг ишига қўшиб қаралишидан номус қилди. «Саҳронинг ёвойи моли блан мени қатор ўтиризиб тергашдан оғир ҳақорат йўқ» деб, асти бўй бермади. Кекса советник шу ҳақда икки марта учрашган бўлса ҳам, Кошкинни бу ишга сра кўндиrolмади. Уни бироз ўйлатиб қўядиган гап гапириб, тилини қисиб олиш учун сўнгги далил қилиб, Кошкин қўллаган гайри қонуний дарра уриш масаласини қўйиб кўрди. Гап шунга келганда, Кошкин советникнинг ўзига чанг солди. «Виждон соғ бўлса, тумшуқ пора блап булғанмаган бўлса, қўл блан қилинган бир ҳаракат ҳеч гап эмас. У ишнинг кимга қарши қўлланганини ҳам унутмаслик керак. Мазмунни, сиз уни эсингиздан чиқариб қўйгани кўринасиз. Аввало тумшугингизни поклаб, кейин гапиринг. Мен сиз эмасман»— деди. Ҳовлиқма, бўйни йўғол ёш тўра, Эралида халққа қилган зўравонлигини кўрсатди.

Гап шунга боргандан кейин, кекса советникнинг ҳам жини қўзиб, сувлигини тишлиб олди-ю, қайсарлиги тутди кетди.

Бу тўғридаги ўзига ўтган аламни жандаролга ҳам әшиитдириб қўйиб, энди ўз обрўйини ўзи билгандек қилиб сақлаб олишини билдириди. Сўнгги кунларда Кошкиндеқ мағурулланган «чиранчоқ, тўрачага» қаратилган кесатиқ гапларни жандаролнинг хотини, унинг опаси — советникнинг хотини ҳам тез-тез гапирадиган бўлиб қолишиди.

Шунингдек зимдан ишлатилаётган қасдлашиш блан бошланган иш оқнбати юқорида тасвирланган ўзгача кайфиятни туғдирган эди.

Кошкін бұлса: «тергөя вақтида мени аллақапдай қирғизнинг қаторига ўтиргизганингни күраман» деб келган әди. Ҳали унинг айбдорлар курсисига ўтирмай, тикка келиб стол ёніга ўтиравсеришишінг боиси ҳам шунда әди.

Шундай қилиб, саҳронинг илон-ихтиёри қўлида бўлган мағрур чиновникларнинг шахсиятпаратстлиги оқибати бўлиб, иш шу сингари тартибда кўрилди.

Кекса советник ўзи чиниққан одат бўйича кўринишида сиполикни қўлдан бермай, бетарафдек ўтиргани блан, бугун Абайга бошқачароқ қараётганга ўхшарди.

У Абайнин истагани қадар эркин сўзлатди. Ўзи бераётгани саволларининг мазмунидан: Абай «айбдорнинг ўзи эмас, ҳақиқий айбдорларнинг ёнини олучи» деган назар блан қараётганга ўхшарди. Шундай саволларнинг бирида:

— Сиз хизматдаги одам эмассиз. Уезд начальники Қавменовни ҳам яна Шўқа ўғли, Суюндик ўғли сингари хизматдаги одамларни ҳам сўроқ қилувга ҳақли. Сиз нега ўртага тушасиз? Нима сабабдан аралашдингиз? Шунни айтib беринг!— деди. Абай ўша онда жавоб берди:

— Мени ҳалқ аралаптириди. Кошкін мирзанинг Аққули ўғлига дарра урдираётганини кўрган ҳалқ менга: «аралаш» деб буйруқ қилди.

Абайга шунчалик эркинлик берилганини кўриб, келганидан буён зардаси қайнаб ўтирган Тентек Үяз энди тоқат қилолмай қаттиқ жеркиб:

— Сиз ҳалқнинг кими бўласиз? Ҳалқнинг номидан сўзлашга ким право берди сизга? Қаердан унда кучга эга бўлиб қолдингиз?— деди.

Абай унинг жеркишидан ҳайиқмади. Үнга қараб туриб, эрмак қилиб кулиб юборди да кекса советникка қараб:

— Бу киши куч деяётир. Тўғри, бу кишининг ёнидаги стражникларда бўлган куч менда йўқ әди. Ҳалқнинг қўлида ҳам қурол йўқ әди. Лекин қуролдан кучлироқ қувват ҳам бўлади-ку. Тентек Үязнинг амридан эўроқ— орномус амри ҳам бор. Бу ҳақда бизнинг ҳалқимиз...— деб ўёгини тилмочга айтдирди.

— Шу гапимнинг ма'носини бузмасдан, тушунтириб айтинг,— деди-да, қозоқчалаб:

— Бизнинг ҳалқда: «кучинигга ишонма, ҳалол ишингга ишон. Ҳиёнатга кўйма, бошингга қилич келса ҳам одил бўл!» дейдилар,— деди. Бугунги жавобидаги асосий фикр бутун салмоқин шу сўзлар ичига олиб ифодалади.

Абайнинг шу гаплари русчага таржима қилиб айтилганда, унинг орқасида ўтирган Андреевич, Лосовский, Михайловлар бир-бирларига қараб қўйишиди.

Энди төргов қисқа-қисқа бўлиб тезлашиб кетди. Шу онда Тентек Ўяз блан Абай гўё бетма-бет келиб, яккама-якка олишаётганга ўхшарди. Улар икки-уч марта қисқа-қисқа гап талашиб қолишиди. Ўяз:

— Қунанбоев, сен Қавменовни ҳимоя қилаётирсан, унинг иниси, қароқчи!—деган эди, Абай:

— Мен аввало сиз дарра урдирмоқчи бўлаётган халқ бийларини, дўстларимни ҳимоя қилдим!— деди.

— Йўқ, бу гапингга ишонмайман, мақсадинг фақат уларни ҳимоя қилишгина эмас. Қавменовни ҳам қутқариб қолиш керак эди. Шунинг учун ғалаён кўттардинг.

— Мен тўгрисини айтдим. Лекин Қавменовни аралаштирадиган бўлсангиз, мен уни ҳам оқлайман.

— А-а-а! Шундоқ дениг. Ҳали сиз бир нафасдан кейин унинг қочиб кетган разбойник инисини ҳам оқларсиз,— деб Ўяз, терговчи советникка қараб,— Қунанбой ўғлининг мана шу жавобига алоҳида аҳамият беришларингизни ўтинаман,— деди.

Абай ҳам энди советникка қараб:

— Қавменовнинг иниси қочиб кетганига бир йилдан ошди. Йлгарилар элда юрган чоғида ундаёт бузуқ йигит эмас эди. Кўп ма'қул йигит эди. Ғойиб бўлиб кетиб, қаердадир гуноҳ қилипти. У, эли учун ҳам, қариндош-уруги учун ҳам йўқолган одам. Мана, ўзларингизга ҳавола қиласай. Русларнинг бир селосидан мисол учун, Семипалат обlastидан чиққан бир деҳқон йигит, айтайлик, Оренбургга бориб бебошлиқ қилиб юрсин. Қани энди унинг туғилган қишлоғига борган Тентек Ўяз ўша ернинг старостасига, волостнойига, мирзасига дарра уришга рухсат этар эдингизми? «Бу ишни хўп яхши қилдингиз?» деб, Ўязнинг марта басини бир поғона юқорига кўтариб қўяр эдингизми?— деди.

Бундан кейин сўнгги сўз, Тентек Ўязнинг: «Эл одамларнга дарра урдирганим йўқ» деб тонаётган ёлғон жавобяга келиб тақалди. Гап шунга келганда Абай Тентек Ўязнинг юзига тикка қараб, нафратли назар ташлади-да:

— Сиз фақат эўрлик ишлатучигина эмас, ёлғончи бўлишдан ҳам тоймайсиз дейман! У ҳолда менинг сиз блан баҳслашгудек гапим ҳам йўқ. Фуқаро ёлғон гапирса, уятсизлик деймиз. Улуғ ёлғон гапирса, жиноят демай, ни-

ма деймиз? Ҳамон ўзингиз ҳам айбор бўлганингиздан кейин, мени тергаётганларнинг қаторида ўтиришга қандай ҳақингиз бор? Мен ҳайрон бўлиб қолдим! Жавоб беришни тўхтатаман. Броқ, Кошкун мирзанинг дарра урдиргани рост. Ўша ишнинг ҳақиқат эканлигига гувоҳлик берсин. Советник Лосовский мирзани гувоҳликка ҷақиришингизни ўтинаман! — деди.

Абайнинг сўзи шунинг блан тамом бўлди-да, кекса советник энди Лосовскийдан қисқачагина гувоҳлик берипни талаб қилди. У, Ўязни оғиз очгали қўймай, чирпирак қилиб ташлади.

— Дарра урилгани тўғри. Кошкун мирза қонунга карши иш қилди. Менинг кўз олдимда бирнечча одамга дарра урдирди! — деди.

Кошкун, бу гапга қарши чиқиб, Лосовскийни ҳам қоралаёттандек:

— Виждон соф бўлса қўл блан қилган ғайри қонуний иш оғир гуноҳ эмас. Мен виждонимни сотиб порахўрлик қиласидиган уезд начальникларидан эмасман! Жиноятчиларга қарши ғазабим қайнаганидан, олишганим рост! — деди.

Бу жавобдан Лосовский хандон ташлаб кулиб юборди-да:

«Энди бу киши блан сўзлашиб ўтиришнинг ҳожати борми!» дегандек улуғларга қараб икки қўлинни ёзиб, елкасини қисиб қўйди.

Абай маҳкамама ишларига алоқаси йўқ одам, сахро қозоги, оддий бир киши. Шунинг учун бундан кейинги бўладиган гапларни унинг олдида муҳокама қилиш лозим топилмади. Зотан, Абайнинг иши ҳам шунинг блан тамом бўлган эди.

Бу терговдан кейин, Абай каталашкада фақат бир кече ётди. Эртасига эрталаб тутқун эшиги очилди.

Лекин Абай гуноҳсиз топилиб, оқланиб чиқмади. «Хизмат юзасидан иш олиб бораётган уезд начальниги Кошкунга ўша хизматни адo этаётганда тартибсизлик қилиб, халал бергани учун, олти ой авахта жазоси ўрнига Ибрагим Қунаибоевга минг сўм штраф солинсин!» деган ҳукм чиқарилди.

Бундай ҳукм чиқаришдан мақсад подшолик маҳкамаларининг обрўйини сақлаш, кучини кўрсатиш бўлиб, бундан ташқари саҳролилар олдида Кошкуннинг обрўйини сақлаб қолиш ҳам назарда тутилган эди. Шунинг учун

унинг иши қирғиз Құнанбоевниң ишидан ажратилиб алоҳида күриладиган бўлипти.

Шундай қилиб, ҳалқ кўзига тўнг бўйин, безори кўрини-
ган зўравон улуғнинг жинояти қўрсатилмай, унинг бутун
халқа берган озорига қарши одилона норозилик билдири-
ган одам жазога тортилди.

Михайлов шу ҳақда Оқбош блан ўзаро сўзлашганда,
ғазаб ва нафрат блан:

— Қандай зўрлик-а! Бу ердаги чурқ этмайдиган мў-
мин ҳалқнинг бошида бундан буёи ҳам яна бирқанча
Кошкинлар калтак синдириб, хўрлайверсин дегани-да!
Бу — жиноятку, ахир! — деди.

Бу ишларнинг тагида қандай гап борлигидан, ички
сирлардан хабардор бўлмаган Абай ўзининг авахтадан
қутилиб чиққанига хурсанд бўлди-ю кетаверди.

Абайнинг иши ҳалигидек ҳукм блан тамом қилинган
бўлса ҳам, улуғлар бу ишдан ажратиб, иккинчи бир иш
тузуб қўйиши. Бу иш: «Уролбой ва Бозорали Қавменов-
ларнинг иши» деб аталиб, бундан жейип алоҳида терғов
олиб бориладиган қилиб қўйилди.

Шундай қилиб, Бозорали гарчи қочоқ бўлмаса ҳам,
әлдаги ҳозирги бўлислар орқали «надзор» остига олип-
ган одам бўлиб қолди. Борди-ю, Уролбой қўлга тушгандек
бўлса, ёки ўчакишиб юрган бўлислардан биронтаси уни
қоралайдиган қофоз туширса бас. Бозорали жар лабида
қулай деб турган одамнинг ҳолига тушиб, илишиб қолди.

Абай қутилиб кўчага чиққанда учта чиройлик семиз
жийрон от қўшилган, яни қора извош уни кутиб турган
эди. Извошда ўтирган Макиш, Салтанат, Эрбўл уччови
Абайга қараб югуриши. Макиш, Эрбўл иккови Абай
блан қучоқлашиб кўриши.

Абай Салтанатни танимас эди. Одоб сақлаб ҳар икки
қўлларини чўзиб бир-бири блан эсон-омонлик сўрашиб
қўяқолиши. Эрбўл шу кунга қадар Абайга Салтанатнинг
ёрдами ҳақида оғиз очмаган эди. «Кўнглига бирор гап
келадими, яна қизнинг пулини, кафиллигини қабул қи-
лишдан номус қилиб кўнмай қўядими?» деган хаёлга бо-
риб, яшириб келган эди. Бу гапини Макишга ҳам айтиб
қўйганди. Макиш энди бироз ҳайрон бўлиб ўйланиб тур-
ган Абайга қараб кулди-да, унга ёндашиб келиб:

— Бу қизнинг исми Салтанат. Сен авваллар эшитган
эдингми? — деган эди, Абай эшитганлигига ишора қилиб
бош эгди. Ундан кейин Макиш:

— Ундаи бўлса, сенинг узоқдаги донғидан яқиндаги дўстлиги ортиқ бўлган замондошинг шу! Сени йўқловчи-ларнинг бири. Яна улуғнинг олдида залог бериб, кафил туриб сени олиб чиқсан ҳам шу!— деди.

Абай ҳайрон бўлиб шошиб қолганидан нима дейишни билмай қолди. Шодландими, номус қилиб ранжидими, билиб бўлмас эди. Бирор нарсани сўрай бошласа, ё шодланган, ё ранжигани билиниб қолишини сезди-да, индамай қўяқолди. Фақат Салтанатнинг қўлини қаттиқ қисиб, чап қўлини кўкрагига қўйиб та'зим қилди, холос. Салтанат қизариб кетиб, бирор жавоб кутаётгандек, нур сочиб турган шаҳло кўзларини қўйи солиб индамай тураверди. Кўнглига келган гапини шартта айтиб қўяқоладиган Макиш Абайнинг бу хилда индамай туриши ма'қул тушмади шекилли:

— Абайжон! Эс-хушинг жойида эди-ку. Бирор оғиз илиқ жавоб қилмай турганинг нимаси? Бу нима қилганинг?— деди.

Шу тобда Абай аёлларга: «аравага тушайлик» дегандек, ишора қилди-да, уларни қўлтиғидан олиб аравага чиқариб, сўнг ўзи ҳам уларнинг ёнига чиқиб ўтиргандан кейин:

— Ақл-фаросат фақат мендами, Салтанатда ундан ҳам кўпроқдир дейман. Лекин қадимгилар: «ақл одамнинг кўрки, сабр унинг шериги» деганлар-ку. Ҳозир мен шундан бошқа нима ҳам дейишим мумкин. Шундай эмасми, Салтанат?— деди.

— Шодланганда шошилмаслик керак. Тўғри айтиаётирсанз! — деб қиз кулиб қўйди.

Бир нафасдан кейин икки четдаги отларнинг боши шаҳар одатига мувофиқ чиройлик қилиб четга қайириб боғланган, енгил ва ихчам извощ қўнғироқларини жаранглатганича гириллаб, Абайни Иртиш дар'ёсининг уюзидағи Тинибой уйига олиб кетди.

Гарчи тергов ишлари тамом бўлгани блан Абай шаҳарда кўп туриб қолди. Фақат қутилиб чиқсан он эсон-омон чиққанини элдагиларга хабар қилиш учун Бозорали бошлиқ бутун Жигитек одамларини тезлик блан жўнатиб юборди. Узи Эрбўл, Боймагамбетларни шаҳарда олиб қолди. Абай бу кунларда Тинибойнинг уйида эмас, Иртиш дар'ёсининг уюзидағи Эрбўл блан ўзи синашта бўлиб қолган кўп мулойим, меҳмондўст Каримчнг уйида турарди.

Абай кейинчалик билса, Салтанатнинг унга қилган хизмати анча катта экан. Гарчи у Алдекенинг қизи бўлишига қарамай, улувлар Абайни Салтанатга кафилга беришга кўнмапти. Ундаи кейин қиз шу шаҳарнинг ҳовлижойлик отоқли бойларидан бўлган «Наматфуруш Дуйсеке» деган киши блан ўзи бориб сўзлашиб, уни Абайга кафил бўлишга кўндириб келипти. Шуниси борки, наматфуруш кўп қўрқоқ, сермулоҳоза савдогарлардан эди. Унинг устига тўбуқти эли блан борди-келдиси бўлмаган, яна ўзини улардан ҳамнша четга тортиб юрадиган одам эди. Бу наматфуруш Дуйсекенинг салтанатга тоға сифатида хешлиги ҳам бор эди. Отасининг дўстлигидан ташқари, шу сингари қариндошлик жиҳатларини ҳам ўртага солиб, шаҳарнинг бундай қуrimсоқ бойини қўярда-қўймай, бу ишга бош қўшдириб кафил туриб Абайни олиб чиқишга мана шу олийжаноб мард ва иродаси кучли қизгина мажбур этаолган. Гаровга тўланадиган пулни бўлса, Салтанат ўз қўли блан бериб тўлаттирипти.

Абай Салтанатнинг дўстларча қилган ғамхўрлигини кейинчалик билган сайин қаттиқ хижолат тортаверди. Турган гап, щунчалар дўстликнинг эвази осон бўлмас, унча-мунча блан битақолмас деган хаёлга борди. Абай, энди қандай бўлмасин Салтанат блан очиқ сўзлашмоқчи бўлди. Кўнглидаги бутун гапларини, бутун сирларини очиб ташлаб сўзлашишга қарор қилди.

Абай қамоқхонадан чиқкан куннинг эртасига Салтанатнинг кичик онаси блан Макиш извошга тушиб, ёнига Эрбўлни олиб, Иртиш дар'ёсининг ул юзидағи магазинларни айланиб келгани бозорга кетишиди. Бу кунларда уйдаги катталарнинг, кўпчилиги сафарда бўлиб, бўш хоналари кўп бўлган Тинибой ҳавлисида Абай блан Салтанат ёлғиз қолишиди.

Макиш уйининг кўкиш, қалин шойи парда тутилган дे-разаларидан қуёшнинг иссиқ нурлари ўтолмай, яхши жиҳозланган бу уйга кўкимтир ранг бериб турарди. Уй ғоят салқин ва холи эди. Атрофга қалин қилиб дуроя кўрпачалар солинган, шойи авра сирилган ёстиқлар ташланган, катта тегарак хонтахта ёнида қиз блан йигит ўтириб одоб сақлаб, сиполик блан суҳбатлашмоқда,

Абай гапни даставвал Қизнинг унга қилган унунтилмас яхшилигидан бошлаган эди, холи уйда ўтирганларидан ўнгайсизланиб бораётган серандиша Салтанат, аввалига бир дурустроқ жавоб ҳам қилолмади. Лекин Абай томон-

га хиёл ўгирилиб, гўё: «бу гапларни Қўйинг!» деяётган дек ғоят латиф бир ҳаракат блан қошларини чимириб, ялт этиб Абайга қаради. Бармоқлари узун-узун, оппоқ, латиф қўли блан юзини яширди-ю, жавоб бермади.

Қиз ўзи қилган иши ҳақида ўзига ҳисоб беришдаи ийманаётими? Ё Абайнинг олдида: «сенга яхшилик қилган, сени қутқарган мен эдим» дейишилик йигитнинг бошлига кутилмаган бир нўхта уришдек бўлар, деб уни аяётими? Ё бўлмаса шу тарзда индамай ўтириши блан: «мен айтадиган гапимни айтиб, қиладиган хизматимни ҳам қилиб бўлдим, энди сен нима дейсан, мен фақат сенинг фикрингни билмоқчиман демоқчими? Ҳарқандай бўлганда ҳам, Абай то Салтанат кўнглидаги бор гапини очиқ айтмагунча, ўз кўнглининг таскин топмаслигини биларди. Агар қизнинг кўнглидаги бор гап очиқ айтилмай қоладиган бўлса, у ўзини айбли ҳисоблаган бўларди.

Икковининг олдига Боймағамбет кичкина кумуш чорада муздек қимиз келтириб қўйди. Абай қимизпи бироз шопириб, заранг косага қўйди-да, қизга қимиз тутаркан:

— Салтанат! — деди. Бўйи етган, нозанин қизнинг шаҳло кўзлари шу ўтиришда биринчи марта Абайга тўгри қаради. Индамасдан, жавоб кутиб турди. — Ҳаётда эр йигитнинг кунига кўпинча эр йигит яраб қарздор қилар эди. Гардонимда оғаларнинг ҳам, ёри-биродарларимнинг ҳам шу сингарни қарзлари оз демайман. Лекин бошимга шундай оғир кулфат тушиб турган пайтда, ҳатто онам ҳам бўлса, аёл бўлатуриб мен учун ўз обрўйини, ўз номини ўртага солиб, шу қадар ўқтамлик блан дўстлик қила-диган яқин одамим, биродарим бўлар, деб ўйламаган эдим. Тўғри сўзининг айби йўқ. Тўғрисини айтинг. Агар сиз кўнглингиздаги бор гапни очиб айтсангиз, сизга софидиллик блан жавоб қилиш менинг ҳам бурчим бўлсин. Қандай кўнгил, қандай мақсад блан мени қутқаришга аҳд қилдингиз? — деди.

Афтидан, Салтанат ҳам шундай савол тушишини кутиб турган экан. Гарчи жавоби ҳозир бўлса ҳам, ҳа деганда гап бошлайолмади. Ба'зан тўлқинланиб келиб юзига чиқ-қан иссиқ қондан оқ-сариқдан келган чеҳраси пешонасидан тортиб яноқлари иятигача, салмоқли исирғанинг оғирлигидан чўзилиб турган бежирим қулоғигача, нозик қирра бурнининг устигача қизариниб бориб, сўнг оқарапди. Қипқизил ғунчадек нафис лаблари хиёл титрар, қимтиниб туриб сўнг жилмаярди.

Абай узатган қимизни вазминлик блан шошмасдан олган Салтанат, қандай жавоб беришини ўйлаб ўтириб, бир ҳўплаб қўйди. Чиройлик бармоқлари блан заранг косани ушлаб туриб, йигитга қаради-да:

— Сиздан беруҳсат, ҳечким блан маслаҳат қилмай, ўз ихтиёrim блан сизнинг шу ишингизга бош қўшдим. Фақат шуни айтмоқчиманки, буни фарз-қарзсиз фақат ёшлиқтилақдошлик орқасида қилинган иш деб билсангиз бас. Яна бир айтмоқчи бўлганим... кўнглингизга оғир олиб: «нега аралашади» деб, «мени бошқа йўқлайдиган одамим йўқ эдими» деб ранжимасангиз бўлгани!— деди.

Бу ишларнинг ҳаммасини қиз ўз ихтиёри блан қилганини Абай энди билди. Салтанатнинг шу қадар жасур, саботли ва нақадар иродаси кучли эканлигини кўриб хурсанд бўлган Абай, шодлигини яшираолмай.

— Кўп яхши гап гапирдингиз, Салтанат! Бу сўзингиз ҳечқачон ёддан чиқмас...— деб, энди гап бошлаган пайтда, булар ўтирган уйнинг эшиги очилди.

Қирдан келган йўловчи сингари оғигига қўнжи узун этик кийган, қўлига тобилғи соплик қамчи ушлаган, бошига Тўбуқти эли киядиган нусхада тикилган қора элтери тумоқ кийган, йўғон гавдали бир киши кириб келди.

Келган одам қоронғилатиб қўйилган уйда қўзи тиниб, ўтирганларни кўролмай турарди. Абай уни таниб салом берди-да:

— Буёққа кел!— деди.

Келган одам эҳтиётлик блан қадам босиб, Абайнинг ёнига келди-да, ерни пийпаслаб ўтириди. Уйнинг ичиди бир қиз блан бир йигит ўтирганини эндигина пайқади. Уларни кўриши блан ўз-ўзидан хижолат тортиб, Абай узатган қимизни ҳам ичолмади. Келган одам Қулуншоқнинг ўғли, ўша машҳур Бешқашқанинг биттаси — Монос эди.

У, Улжоннинг илтимоси блан Абайнин атайин йўқлаб элдан келганини айтди. Эл яйловга кўчиб кетипти. Қўпдан бери шаҳардан, Абайнинг ҳол-аҳволидан хабар эшитолмаган онанинг томоғидан овқат ўтмаётган экан. Йўл узоқ, хилват бўлиб, ёлғиз ярим йўловчи учун кўп хатарли эди. Шунинг учун Улжон Моносни таваккалчи ва ғайратли йигит деб, Абайдан хабар олиб келишини шунга буюрган экан.

Монос бола-чақа, ота-она, қариндош-уруг, ёри-биородарларнинг Абай учун ташвиш тортаётганини айтди. «Сарғайиб ётгандир? қафасда юраги қон бўлиб кетган-

дир?» деб, ҳаммасай ҳам тун уйқўсийни тўртга бўлаётир,— деди. Ниҳоят, у бир қадар эс-хушини йиғиштириб олгандан кейин:

— Шукур, чирофим. Ҳали келиб, шу дарвозадан киришм блан соғ-саломатлигингни эшишган он: «йўлимни берган экан» деб шодлигим ичимга сиғмай кетди. Боймагамбет бир киши блан сўзлашаётир, деб тўхтатса ҳам, соғиниб келганим учун сабрим чидамай устингга бостириб кирдим. Айбга буюрмайсизлар. У ерда ота-онанг кўл ташвиш тортаётгани блан, сен бу ерда ялло қилиб юрган экансан. Хурсандчиликка етказсан,— деб, кулди-да, қимиз ичабошлади.

Гавдаси паҳлавондек Моноснинг гапи Салтанат блан Абайга бир қадар дағал кўринса ҳам, бошқа илож йўқ. Чунки унинг бор мулойимлиги блан айтилган гапи шу эди. Бўлмаса, Монос бу даргоҳга ҳозир эмас, ҳали, учта жийрон от қўшилган извош дарвозадан чиқиб кетаётган пайтда келган эди. Макишини бироз тўхтатиб, остидаги ва етагидаги қора терга тушган қўш отини кўрсатиб, Абайдап хабар олгани келганини айтди. Абай оқланиб чиқиб, ҳозир шу ерда эканлигини эшилди. Кейин Боймагамбетдан уч жийрон от қўшилган қора извош Салтанатдек қизнинг извоши экапини билгач, Абайни тезроқ кўриш дардига тушиб қолган эди. Лекин Боймагамбет гапга тутавериб, ҳа деганда Абайнинг ёнига киргизмади. Шунга жаҳли чиқиб кетган Монос:

— Элдагиларнинг ичгани ичига тушмай, қон бўлиб ўтирсин. Мен бўлсам ундан хабар оламан деб, от ҳоритиб кеча демай, кундиз демай етиб келай-ю, у бир қизнинг қучоғида bemalol тушгача яйраб ётавермоқчими?— деб, ўзининг саҳродаги ўжарлигидан қилди. Шундай пайтларда ўринилк чиқадиган зўравонлигини ишлатиб, қоронги йўлакда тимискилаб, Абай ўтирган уйни излайбошлаган эди. Бутун уйларнинг эшигини очиб, бирма-бир бошини суқиб қараб, бу уйни зўрга топган эди. Абай Моносни кўп гапга солмади. Ҳалиги гапини тамом қилас-қилмас, тирсагини унинг сонига қўйган бўлиб, салмоғини солиб, туртиб қўйди-да:

— Аваҳтадан кеча чиқдим. Эл-юрт блан дийдор кўришиб, ҳол-аҳвол сўрашаётганим ҳам шу. Ҳали бутунлай қутилиб чиққаним ҳам йўқ. Шунинг маслаҳатини қилаётирмиз. Ҳозирча кафилга чиққанманку... гина-кудратни элга борганда, бамайлихотир ўтирганимизда қиласмиэ!—

леб қўйди. Сўпг эшикда юрган Боймагамбетни чақирдида, ёш йигит киргандада:

— Монос оғангни меҳмонхонага олиб бор, ўша ерда яхшилаб кутинглар. Ухламоқчи бўлса, қалин қилиб ўрин солиб бер. Бошлиб бор! — деди.

Моносни Боймагамбет эргаштириб кетгандан кейин, Абай яна ҳали узилиб қолган гапни давом эттириди.

— Сиз менинг ранжимаслигимни айтдингиз. Мен озодликка чиқиб, ниятимга етганимдан кейин шега ранжийман. Ундай хаёлга боришимнинг ўрни ҳам йўқ-ку. Менинг эйдиги мақсадим — сизнинг ҳам кўнглинигизда шу сингари орзу армонларингиз бўлса, унга эришишда жони-дилим блан ёрдам бериш. Сизни ўша ниятингизга етказишида фойдали бўлишдан, кўмаклашишдан бошқа ниятим ҳам, орзум ҳам йўқ. Борди-ю, фойдали бўлаолмай ранжитиб қўйсам, у ҳолда менинг шундан катта қайфим, ташпишим ҳам бўлмас, дейман! — деди.

Қиз бу ўтиришда Абайнинг шунчалар илтифотидан хурсанд бўлса ҳам, гапнинг ўёғини очгиси келмади.

— Қандай яхши гап Абай. Шундоқ бўлгандан кейин бугун менинг бошқа тилагим сизга изҳор этилмаса ҳам майли. Кечаки, биринчи кўришганимизда: «ақлнинг кўрки сабр» деган бир гапни айтган эдингиз. Мен шу дамгача сиз блан суҳбатлашмаган эдим. Броқ, сизни айтди деб, гапирган кўп яхши гапларни орқангиздан, Макишдан эшитган эдим. Қишининг кўнглига юланч бўларлик гап гапирса, шу одам гапирсан деб юрар эдим. Ўзим учун ҳалиги айтганларингизнинг ўзи ҳам — қаноатлантириб, хурсанд қиласидиган сўзлар. Чуқур ма’ноли сўзлар. Лекин уй холи, кенг бўлгани блан менинг йўлим тор-ку, — деб кулди-да, — энди менга руҳсат! — деди.

Фоят латиф бир ҳаракат блан ўрнидан тураётган қизни Абай билагидан хиёл суюб турғизди-да:

— Дўст кўнгли парда ичидан дўстларча очилаоладими, Салтанат? — деб ма’ноли қилиб кулиб қўйди.

Салтанатнинг олтин чўлписи гоҳ ингичка товуш чиқариб жиринглар, гоҳ шилдираб борарди. У эшикка томон Абай блан бирга, аста босиб келаётib, мулоҳимгина кулиб қўйди.

— Бўлур бир пардадин юз парда бежо! — дейилган бўлса керак Сўфи Оллоёрда? Ҳаммадан ҳам ўша пардани йиртмайдиган сабрни айтайми, Абай! — деди. Йигит очган эшикдан орқаси блан чиқиб кетаётib, ўзига ти-

Қилиб турған йигитга қараб, порлоқ шаҳло кўзларидан нур сочилиб, кулганича хайрлашиб кетди.

Абай қизни кузатиб юбориб, эшик олдида гаигиб тураркан: «бўлур бир пардадин юз парда бежо!»..— деб такрорлади.

«Яхши гап айтди-да. Узини тутабилиш ҳам, ақли фаросати ҳам кам учрайдиган одамларга ўхшайди. Балки ҳаётимда бир дуч келган ўзгача қадрли одамим шудир?»— деган хаёлга бориш блан бирга, ўзининг ҳали қиз блан ўтиргацда айтган гапларидан кўнгли ғаш бўлди.

«... Бунинг мен учун қилган ҳаракати бугунги қозоқ қизларида кўринмайдиган хислат. Бу иши енгилтакликдан эмас, одамгарчиликдан экан. Ҳали холи уйда ўтирганида ҳам шу қадар тортиниб, сиполик блан одоб сақлаб ўтириди. Бундай қилиш ҳам кўпларнинг қўлидан келмайди!» — деб уии бошқалардан юқори қўйиб, кўнглида қизга нисбатан ҳурмат сақлади. Абай бу қиз блан учрашувни ўзига бир синовдек билнб, ўз-ўзини тийиб, қўлга олиши зарур эканини қайд қилди.

«... Бу одамга ёлғон айтишлик яхши эмас. Чин кўнгилдан айтадиган тилаги бўлса, софдиллик блан тўғри жавоб берниши керак. Ҳаётда қимматли замондошларимнинг бинри бўларсан!» деб ўйлади. Энди Тинибой уйида кўп ҳаялламасдан Иртиш дар'ёсининг у томонига ўтиб, ўша ерда туришни ма'қул кўрди.

Эрбўл, Боймағамбет уччови Иртиш дар'ёсининг у юзида, Каримнинг уйида туришганига бирнеча кун бўлди. Бу кунларда Абай кечаю-кундуз кўп вақтини китоб ўқиш блан ўтказарди. Ҳаркун эрталаб Боймағамбетни олиб, салт от блан шаҳарнинг ўртасига борарди. Иртиш дар'ёсининг бўйидаги тор кўчада, икки қаватли тош бинонинг олдида тўхтарди. Ўзи отдан тушиб Боймағамбетни қайтариб юборар ёки қайтиб чиққанича ўша ерда қолдириб ўзи тош бинога — кутубхонага кириб кетарди.

Бугун бир керакли китобни олиб чиқмоқчи бўлиб Боймағамбетни тўхтатиб, яна ўша уйга кириб кетди. Китобхонанинг узун катта залида одамлар ўтиришга экан. Абай ўша уйга кирганда ҳар столнинг атрофида иккита-дан, учтадан бўлиб, китоб ўқиб ўтирганларга кўзи тушди. Ёши улуфроқ кишилар, ёш йигитлар, хотин-қизлар, ўқуви ёшлар ҳам кўринарди.

«Шаҳардаги энг олийжаноб жой — шу жой-да!» леб, ҳалигиларга қараб хурсанд бўлганича кирган эди. Юзини

ажин босгани, чўққи соқолига анча оқ оралаган, усти-бoshi юпингина кекса кутубхоначи Абайни танир эди. У, жилмайиб, гўё бир қадрли меҳмони келгандек, ҳурмат блан қарши олди.

Залиннг бериги четида мўйловларини бураб юқори кўтариб қўйган, жингалак сочли, юзлари йилтираган олифта бир чиновник ўтирган эди. У ёнидаги сочини причёска қилган, жуда яхши кийинган бир аёлдан кулимсираб турган кўзларини олмай, шу ерда ҳам хушомад қилиб ўтиради.

Абай кутубхонага кириб келганда, ўша йигит ёнидаги кўркам аёлга Абайни кўрсатди. Залда ўтирган ўқучиларнинг бирнечтаси эшитарлик қилиб, товушини барада қўйиб қўпол бир ҳазил қилди. Бу ҳазили блан шу ерда ўтирганлардан бошқачароқ кийимда келгани кенг чопонлик, саҳро қозоги Абайни кесатмоқчи эди.

— Э, ажабо! Қачондан бери Гоголь кутубхонасига түялар киритиладиган бўлган?— деди.

Шу тобда Абай кекса кутубхоначи блан қўл бериб кўришиб, ўзига керакли китобни эндиғина сўрамоқчи бўлиб турган эди. Ҳалиги қўпол гапини эшитиши бланоқ чиновникка ялт этиб совуқ ва ғазабли бир назар ташлади. Чиновникка яқин ерда ўтирган бир-иккита ёшроқ ўқучилар, упинг гапини қувватлаётгандек, беихтиёр кулиб юборишган эди. Лекин йигитнинг ёнида ўтирган ҳалиги тарбияли, гўзал аёл кулмади. Мовий кўзларида норозилик акс этган ҳолда жеркишомиз чиновникка қаради. Қовогини солиб, қошлирини чимирганича йигитнинг тарбиясизлиги учун қипқизариб кетди.

Абай дарров ғазабини ичига ютиб, ўзини босиб олди-да, чехрасида эрмак қиласётгандек, истеҳзо акс этган ҳолда кулимсираб чиновникка қараб туриб, дарҳол жавоб қилди:

— Чиновник мириза, тuya кирса нима бўпти, бу ерда тuya эмас, эшак ҳам ўтирипти-ку!— деди.

Чиновник бир қизариб, бир оқариб нафаси ичига тушиб кетди. Унинг ёнида ўтирган аёл хиёл орқасига ташланиб, хандон ташлаб кулиб юборди. У, мамнуният блан Абайга кўз қирини ташлади-да, қўллари блан юзини яшириб китобга эгилди. Абайнинг гапини эшитган китобхонларнинг ҳаммаси қаттиқ кулиб юборишиди.

Абай кекса кутубхонасидан «Русский вестник» журналининг ма’лум бир сонини сўради. Кутубхоначи журналнинг ўша сони бирорванинг қўлида эканини айтиб ҳам ул-

Мурмаган эди, уларнинг ёнига ўрта бўйлик, пешонаси кенг, қалип қора соқолли бир одам келди. У ҳали Абай келганидан бери бу кутубхонанинг саҳордан камдан-кам келадиган китобхонига зеҳи солиб, тикилиб турган эди. Абай блан енгилтак чиновник ўртасида ўтган можароини ҳам бошдан оёқ эшишиб турган эди. Энди ўша одам Абайнинг ёнига келиб:

— «Русский вестник» менда. Мен қараб чиқдим. Сизга беришм мумкин. Фақат бир нарсани билмоқчи эдим, сизга нима учун керак эди? Қайси жойини ўқимоқчи эдингиз? — деди.

— Ўша сонда Толстойнинг янги романи босилган экан, ўшани ўқимоқчи эдим! — деди Абай.

— Сиз Толстойнинг асарлари блан таниш бўлсангиз керак? Нега фақат ўшанигина сўраётисиз? — деди ҳалиги одам.

Абай бу одамга қайрилиб қараши бланоқ унинг сиймосидан, кўринишидан синовчи назар блан ўзига зеҳи солиб турган бама'ни одам эканлигини пайқадн. Мулойимгина жиљмайиб, илтифот блан:

— Мен илгари Толстой асарларини оз ўқиган эдим. лекин рус халқининг ҳақиқий доно ва ақлли одами деб эши таман. Ўша ақлли одам қандай ўгитлар айтар экан, шуни билгим келади! — деди.

Абайнинг янги таниши журнални унга бераркан:

— Кўп яхши истак. Мен сизни бундан олдин ҳам бошқа бир жойда кўрган эдим. Областное правлениеда. Тўғри, у учрашув кишини у қадар хурсанд қиласидан ҳолат эмас эди. Сизни мен илгари ҳам орқангиздан билар эдим. Бугун шу ерда учратишм, тўғрисини айтсан, аввал гидан кўпроқ та'сир қолдирди! — деди. Ўзининг кимлигини билдириб Абайга қўлини узатиб, — танишайлик, Михайлов Евгений Петрович! — деди.

Абай дарҳол унинг қўлини олиб, қаттиқ қисганича:

— Ибрагим Қунанбоев. Мен сизни яхши биламан. Дўстларингиз менга сиз ҳақингизда кўп галиришган эди. Танишганим учун беҳад хурсанд бўлдим! — деди.

Шундан кейин иккови кутубхонадан чиқиб, Иртиш дар'ёсини бўйлаб борадиган кўчадан пастликка қараб кетишиди. Абай тумоғи блан қамчисини орқасига қилиб ушлаганича, чопонининг барини елпиратиб борарди. Иккови ҳам гапга тушиб кетиб, аста-секии кетаверишиди. Абайнинг «бир рус блан сўзлашаман деб, кўча бўйи пиёда ке-

таётганини» ўринсиз деб билган Боймағамбет салт от блан уларга эргашиб кетаётир. Улар сув бўйидаги оқ тегирмоннинг ёнидаги узун тош бинога етишди. Михайлов парадний эшикни очди-да:

— Қани, бизнинг уйга марҳамат қилинг, яна бироз суҳбатлашиб ўтирамиз! — деди.

Боймагамбет Абайнинг бу уйда ўтириб қолишини билди-да, икки отни олиб Иртиш дар'ёсининг бўйига тушиб кетди. Михайлов кўп хоналик бинонинг эшикдан кираве-ришдаги, кўчага қаратиб солнинг катта уйлардан бирида ёлғиз ўзи турар экан.

Шу учрашганларинча Абай бугун кечга қадар Михайловнинг ёнидан кстаолмади. Унинг суҳбатидан ғоят мамнун бўлганидан анчагина ўтириб қолди.

Абайнинг Михайловга шунчалар ихлоси ортиб кетишининг сабаби кўп эди. Бу кунларда Абай кўп сўзлашиб, кўп сирлашадиган маслаҳатгўй дўсти адвокат Андреевич бу одамни кўп та'риф қилган эди. Мана шу Семей шаҳридаги энг ўқимншли, кўп ақлли одам шу, деган эди. Андреевичнинг айтишича, Михайлов ўз ҳаётини ҳалқ хизматига, ҳалқ манфаатини ёқлаш йўлига бағишлаган. Ана шу йўлда подшо ҳукумати тарафидан гуноҳкор ҳисобланиб, ёшлигидаёқ жазога тортилган. Қамоқни ҳам, сургуни ҳам кўрган одам. Лекин ўша тортишув йўлида «сургун бўлдим» деб орқага чекинган эмас. Аксинча қамоқда ҳам, сургунда ҳам умрини русларининг бебаҳо асл одамлари орасида ўтказиб, илм ва ма'рифатини аввалгидан ҳам ошириб олган. Замони келса, ўз ҳалқипинг илфор фикрли, пешқадам одамларидан бири, пешонасига битган ифтихори дейишга арзийдиган одам эди.

Андреевич шундай та'риф қилган Михайловни Абай ўз кўзи блан кўргани шу эди. Михайлов Абайдан шу кунга қадар рус тилида қандай китоблар ўқиганини суриштириб билиш блан бирга мустақил мутолаанинг фойдасини ҳам, ўзига хос қийинчиликларини ҳам айтиб берди.

Унинг сўзлари Абайнинг дилига худди шогирдининг кайфиятини яхши биладиган устоз сўзидек ўрнашарди. У Михайловга бир ҳазил қилиб:

— Менинг йўлимда учраётган қийинчиликларни шу қадар топиб айттаётисиз. Гапларингиз бамисоли синган суякларни жойига соладиган, кўзи лишган, зийрак табибининг синган жойни силаб ўтирган мулоим қўлига ўх-

шайди. Менинг бирқанча дардларимни ўзимга-ўзим айтиб кўрмаган тил блан англатаётисиз!— деди.

Абай бу гапларни Михайловга русчалаб айтаркан, тутила-тутила ўйланиб, зўрға гапирди. Абай тутилиб қолганда, унинг русча нотўғри айтган гапларига қизиқиб, ма’носини дарҳол ўзи топиб олаётган Михайлов кулиб юборди.

— Сиз ўхшатишни жуда ўрнига қўясиз, топиб гапирасиз. Агар мен дуруст тушунаолган бўлсанм, сиз бир нарсани иккинчи бир нарсага тенглаштириб айтганингизда тўсатдан жуда қизиқ мисоллар топасиз. Уни мен сизнинг Кошкін блан олишаётгандаги жавобларингиздан пайқаган эдим!— деди.

Абай ўзининг терговида Михайлов ҳам бўлганини энди билди. Кошкінга ўхшаш удуғларнинг қозоқ халқига киладиган қаҳри-ғазаблари, ўжарликларидан шикоят қылган эди. Михайлов Абайга ҳали чиновникларнинг кирдикорини билмаслигини ва ҳаддан ташқари содда эканлигини айтиб берди.

— Сиз чиновникларнинг Россия халқи ҳаётидаги зарарли, қабиҳ тўда эканлигини билмайсиз. Ўша Петербургдан тортиб, то сизнинг Семипалатинск уездигача қўйилган чиновникларнинг ҳаммаси бир хил қолипга урилган деса бўлади!— деб қўлини силтаб қўйди.

— Сиз уларни қылган ишларидангина тўла билиб ололмайсиз. Кошкінлар блан қайта-қайта олишиб, ҳар гал бир яrim ойдан авахтада ётиб, уларнинг кирдикорини билиб чиқиш жуда қийин. Бу йўл узоқ ва машаққатли йўл. Мен сизга уларнинг ҳаммасини уруғ-аймоғидан тортиб, осонгина билиб олишининг ўйламини айтиб берай. Буларни ўлгидай шарманда қилиб, бутун сирини фош этиб, уларга беомон хукм чиқариб кетган Салтиков-Шчедрин деган ёэучи бор. Сиз унинг асарларини ўқинг. Шундагина ўзингиз кўрган чиновникларнинг сирларини ва ҳақиқий қиёфаларини яхши билиб оласиз!— деди.

Абай чиновникларнинг ҳаммаси бирхилда ёмон деган гап устида ўйланиб қолди. Чунки, ўзи мутлақо бошқача фикрда эди. У ҳамиша: «Одам боласининг ҳаммаси бирхил эмас, беш қўл баравар эмаску? Чиновниклар ҳам шундайдир» деб ўйлар эди. Шу фикрни Михайловга тушунтирган эди, Михайлов Абайга узромиз назар блан қараб туриб, кулиб юборди.

— Нақадар соддасиз, дўстим, Қунанбоев. Чиновникларнинг ҳаммаси — юқори мансабдагиси ҳам, паст мансабдагиси ҳам, ёши-қариси ҳам бирхилда! — деди.

Абайнинг ҳали ҳам бу гапга унча кўнгли бовар қилимай, тушунолмай турганини кўриб, Михайлоп ҳам фикрини мисол блан англатмоқчи бўлди.

— Бир хилда бўлишининг боиси шундаки, улар худди бўр заминга, сепилган бир нав' донга ўхшайди. Уларни сепиб ўстираётган қўл ҳам битта, у ҳозирги подшолик тузуми! — деди-да, гапининг уёғини очгиси келмай, сўзини тамомлади.

Абай, Михайлопнинг фикрини энди англайбошлагандек бўлди. Лекин, ўзи билган одамларнинг ҳаммасидан бошқача сўзлаётган, юксак тоғояли, мулоҳазали янги танишига фикрини очиқроқ айтдириш учун яна ўша ҳақда сўз очди.

— Сўнгги сўзингиз ма'қул тушди-ку, лекин чиновниклар орасида Лосовскийга ўхшаганлар ҳам борку. Кечаги ишда одиллик блан гапирди-ку! — деган эди, Михайлоп гапни яна Абай кутмаган томондан бошлади.

— Хўп, Кошкни ёмон бўлгани блан Лосовский яхши демоқчисиз. Кошкнилар камроқ бўлса, улувлар фақат Лосовскийлар бўлса, бутун иш адолат блан юргизилган бўлар эди дейсиз-да, а?

— Тўғри, мен шундай леб ўйлайман.

— Лосовский ҳозир очиқдан-очиқ фойда келтирди. Агар шундай гувоҳлик бермаганда иш ёмон бўлар эди. Демак, у чиновникларнинг яххиси эмасми деяётирсиз, шундайми?

— Ҳа, фойдасини кўзингиз блан кўриб турибсиз-ку.

— Тўғри, у мана шу ишда фойда келтирди. Ундаи чакана фойданни бундан кейин ҳам келтираверади. Лекин ҳалқа фойдали ишга ёрдами тегса, бундан буён ҳам фойдаланиш керак. Мен сизга Лосовскийга ўхшаган кишининг бундай одатларидан фойдаланишнинг кераги йўқ демоқчи эмасман. Фойдаланишга фойдаланинг-ку, броқ, унинг аслида ким эканлигини ҳам унутманг, билиб юринг демоқчиман.

— Унинг ишидан бошқа яна қандай асли бор?

— Асли бор. Унинг аслида нима эканлигини билгиязиз келаётган бўлса айтиқолай. Сиз уни бундай чакана ишларда эмас, ҳалқ ҳаётига тааллуқи бўлган жиддий бўр ишда синаб кўринг. Аслида нима эканлиги ўшанда

яққол кўринади қўяди. Лосовский кўп чиновникларнинг ичидаги оқ қарға холос,— деб Абайга қаради. Абай бу иборанинг ма'носига унча тушунаолмаган эди. Михайлов энди тушунтириб кетди.— Бизда, рус халқида шундай нақл бор: кўп қора қарға ичидаги оқ қарға бўлади, деб мисолга оладилар. Оқлигига қараб уни қарға эмас, хосияти зўр қуш деб ўйламанг. Кўриниши блан кўзни алдагани бўлмаса, у ҳам қарға, у ҳам қарғанинг ишини қнлади. Қарғалигини қилмай қўймайди деб биладилар,— деди.

Абай Михайловнинг фикрига энди тушунганлигини билдириш учун қозоқларда бўлган бир мақолни айтди.

— Бизнинг халқда ҳам: «Қарға — қарғанинг кўзини чўқимайди» деган гап бор,— деди.

Михайлов хурсанд бўлганидан хандон ташлаб кулиб юборди-да, кейин жиддийлик блан сўзида давом этиб:

— Ростини айтсам, зоти қарға бўлгандан кейни кўзни бўямай қора қарғанинг ўзи бўлгани ма'қул. Халқ иши қарғаларнинг қўли блан тузатилмайди. Ҳамон шундай экан, Лосовский «оқ қарға» бўлиб, ҳалиги айтганингиздек сизни адаштирасин. «Чиновникларнинг ҳаммаси шундай бўлса, бутун иш яхши бўлар эди» дедир масин. Қишида беҳуда умид, алданиш туғдирганидан кўра, ҳақиқий қиёфасини кўрсатиб келгани афзалроқ. Кошкинга ўхшаб бўйни йўғонлик, ёвузлик қилиб, ўзининг рангини аниқ, равшан кўрсатиб тургани яхши. Шунда халқ уларнинг жирканч тусини очиқ кўриб, кимлнгини таниб юради. Лосовский бўлса, ўзининг ярим шубҳали одиллиги блан беҳуда умид туғдиради. Сиз гап сиёсий тузумда эмасу, одамларда... деб ўйлайсиз-да. Бундай «яхши чиновниклар» подшолик деб аталашиб қарғалар тўдасининг ҳақиқий қиёфасини, кирдикорини кўришга халал беришади,— деди.

Абай бу гапларни жуда яхши тушунди. Илгари эшишиб кўрмаган, халққа шундай ғамхўрлик блан айтилган фикрни ҳайрон бўлиб туриб, севиниб тинглади.

Ўзига шунчалик ишонч билдириб, кўнгил сирларини гапирган Михайловдан миннатдор бўлиб ўтиради.

— Сиз менга, бурун мен билмаган, қадам қўймаган янги оламнинг эшигини очиб кўрсатдингиз, шуғчалик ишонч билдириб кўрсатдингиз. Мана бу суҳбатингиздан жуда катта сабоқ олгандай бўлдим,— деди.

Михайлов Абайнинг елкасига қоқиб, ўзининг унга оқ кўнгилли ишончли дўст эканлигини сездириди.

— Сиз сабоқни мендангина олманг, мэндан кўра дў-
пороқ, мендан кўра чуқурроқ ўйлайдиган рус мутафак-
кирлари бор. Сиз сабоқни ўшалардан олинг. Мен сизга
шундай одамларнинг китобларидан бериб турай. Рухсат
этсангиз, бундан буён ўз мутолаангизни оширишда сизга
ёрдам берай. Ўқишига иштиёқингиз зўр экан. Сизнинг
халқингизда ўқимишли одамлар ҳали оз. Тунов куни тер-
гов қилинган сизнинг ишингиз сингари ишлар юз бер-
ганда, халқингизга чин кўмакчи бўлиш учун кўп нарса-
ларни билишингиз зарур. Кўп ҳақиқатни билиш шарт. Бу
йўлда рус китоблари сизга яхши дўстлик вазифасини ало
этади. Ишончли йўлдошингиз бўлади! — деди.

Абай Михайловнинг ўзига кўрсатган шунчалик ғам-
хўрлиги, самимий меҳрибончилигидан ғоят хурсанд
бўлди.

— Мен ўзимни сизга дуч келтирган тақдиримдан бе-
ҳад миннатдорман. Раҳбарлик қиласман, деган ва'дангиз
мен учун дўстлик, жуда катта дўстлик! — деди.

Шундан кейин Абай ҳар уч кунда Михайловнинг уйи-
дан топиладиган бўлиб қолди. Уларнинг эндиғи ўтириш-
ларида суҳбат саҳро ҳаёти, ўша элнинг дарди-ҳасрати
устида ҳам бўлиб турарди. Бир кун сўзлашиб ўтиришар-
кан, Михайлов Абайдан бу йил Эралида бўлган можа-
ронинг асосий сабабини билмоқчи бўлди. Қочқин бўл-
либ юрган Ўролбой ҳақида ҳам сўради.

Абай унинг аҳволини Михайловга жуда батафсил
айтиб берди. Ўролбой блан Керимболанинг бир-бирига
бўлган муҳаббати ва элнинг уларга қилган зўрлигини,
икки ёшнинг тортган жабр-жафосини қаттиқ афсуслаиib
ҳикоя қилиб берди. Ўша шафқатсиз жазо, оғир зулм
орқасида Керимболанинг ўлиб кетганини ҳам айтди.
Ўролбойнинг эса на давлати ва на бир қўллаб-қўлтиқ-
лагудек меҳрибони бўлмай, ғарибликда дарбадар бў-
либ кетганини ҳам айтиб берди. Ҳар икки ёшнинг ўз
тенгдошлари ичida кўзга кўринган сан'аткор, ўланчи
бўлғаникларини ҳам қолдирамади. Ердан ажralиш доғи
Ўролбойга жуда оғир та'сир қилиб, алам ичida ўч
олишга ундағанини Абайнинг ўзи ҳамиша қаттиқ афсус-
ланиш блан эслар эди. Чигал тугундек кўнглида сақла-
ниб ётган ўша ҳисларни ҳечкимга изҳор қилмай юрган
бўлса ҳам, бугун Михайловга ғоят усталик блан тасвир-
лаб берди. Ниҳоят, сўзнинг охирида Ўролбой кўпларга
ўрнак бўладиган, ўзининг ор-номусини ҳимоя қилаолади-

ган, иродаси кучли, сергайрат азаматлардан бири деб баҳо берди.

— Бугун унинг оти босқинчи, йўл тўсар бўлди. Ҳақиқатда у фақат улуғлар учун ўғри бўлгани блан халқ учун — ҳаққоний ўч олучи, жасур йигит. Мана шундай дард ва алам орқасида босқинчи бўлиб кетган кишилар, менинг билишимича, рус халқининг тарихида ҳам борга ўхшайди. Булар улуғларниңг зулмига қарши курашучи, киройи мақташта арзидиган азаматлар эмасми? Ҳозир барча халқлар фахр блан эслайдиган одамлар эмасми? Мен, қўлимдан келса, уларни ёқловчи, оқловчилардан бири бўлар эдим. Шунга сиз нима дейсиз? — деди.

Михайлов бу ҳикояни Абайдан кўзини олмай, ҳаяжон ичиди ўтириб бошдан-оёқ тинглади-да индамасдан бироз ўйланаб қолди.

— Сиз бир гўзал ҳикоя айтиб бердингиз. Ёзучи одам бўлса, шу айтиб берганларингизнинг ўзини бутун бир китоб қиласр эди. Агар ҳаёт учун, айниқса ижтимоий ҳаёт учун олсак, бу кўпчиликка йўл бўладиган кенг майдон эмас. Сизнинг жамиятингиз ҳали ёш-ку. Шу сингари, ёлғиз одамнинг якка ғалаёни ўзгача бир ҳаракатдек кўриниши мумкин, уни биламан. Броқ бир йигит блан бир қизнинг ишқ можароси халқ курашига майдон бўлаолмайди. Ўч олиш учун қочқин бўлиб босқинчилик қилуличлар ўрнак бўлолмайди! — деди.

Унинг шу гапларидан ҳам, Абайга қараганда анча чуқур ўйлаши кўриниб туради. Асосли, чуқур ма'ноли гаплар. Абай ўзининг отаси Қунанбойдан тортиб, бутун қозоқлар ичиди ҳечкимдан ўзини кам деб ҳис этмас эди. Андреевичдек адвокат ҳам ундан фақат илм жиҳатдан юқори эди. Аммо ҳаёт ва жамият ҳақидаги мунозарали масалалар устида далиллар келтириб тортишув олиб бориша Абайнинг ўзидан у қадар олисга боролмас эди.

Абай шу ёшга келиб, Михайловдек чуқур мулоҳазали, ҳарнарсага ақли етадиган, ижтимоий онги ўткир ва юксак бўлган одамни кўргани шу эди.

Ўролбой воқиасидан кейин у, ўзининг Эрали жанжалига қўшилишига Михайловнинг қандай қарашини билгиси келди. Ўзининг эл-фуқаросини бошлаб келиб, Тентек Ўяз блан қаттиқ олишганини хотирлади-да, дўстининг шу ҳақдаги фикрини сўради. Михайлов ўша он жавоб берди.

— Сиз боплаб Кошқиннинг та’зирини бергансиз. Айниқса кўпчиликни йигиб келиб, қўл остингизга жонли шоҳидларни тўплаб туриб, пайтини топиб жазолагансиз. Бу ишни чиниққан одамнинг усталик блан олиб борган тортишуви деб биламан. Сизнинг ишингиз Уролбойнинг ишидан енгил эдими? Бунга сиёсий тус бериб, сизнинг ишингизни зўр жиноятга айлантириб юбориш жуда осон эди. Лекин сиз томондаги гувоҳ ва далиллар кучли бўлди-ю, осонгина қуттилдингиз. Яна халқингизда бирлик ҳам жуда кучли экан деб ўйладим! — деди.

Шундай кейин бу ўтиришда Михайлов Абайга обласги ва уезд маҳкамасида сўнгги кунларда бўлган яшгиликларни айтиб берди. Бу кунларда Кошқин Семей уездининг бошлиғи вазифасидан олиниб, Усть-Каменогорскуга уезд начальниги қилиб сайланипти. Унинг ўрнига — Семей уездига советник Лосовский тайинланипти. У, Абайга яхши назар блан қарайдиган, «адолатли» чоловикларнинг бири. Область правлениеси Лосовскийга тез кунда уездга қарашли элларга чиқиб, Кошқин ўтказаолмай келган бўлис сайловини қайтадан ўтказишини топширипти. Абайларнинг бўлиси Чинғизда, яна уларга қўшни бўлган Кўнғир Кўкшеда, Кизил Мўлада қайтадан сайлов бўлар экан.

Михайлов Абайга бу хабарларни айтиш блан бирга, энди Абайнинг Лосовский блан бирга элга чиқишини лойиқ топди. Элга зарап етказмайдиган ҳалол, яхши одамлардан бўлис қилиб сайлатишни маслаҳат кўрди.

Михайловнинг Абайга бундай маслаҳат бериши, энди унинг жуда самимий дўст бўлганлигининг шоҳиди эди. Абайнинг жони ачинб, доимо ғамини еб юрган элига энди Михайлов ҳам бирга ғамхўрлик қила бошлади.

Шу суҳбатдан кейин Абай Андреевич блан сўзлашиб, у орқали Лосовскийга боғланишди. Ўззасайловга чиқиб кетаётганида бирга чиқишига қарор қилди. Лосовскийнинг ўзи ҳам Абайнинг бирга чиқишини ма’қул кўриб, Андреевичдан айтиб юборипти. Шундай қилиб, Абай китобхона блан Михайловнинг ўртасида яна бир ойга яқин юрди. Гап шундай бўлгандан кейин Эрбўл блан Боймамбет ҳам элни соғиниганини кўп айтмайдиган, шаҳарнинг иссиги блан чангидан аввалгидан кўра камроқ полийдиган бўлишди.

Абайнинг кўп куни Иртишнинг у юзидағи Қеримнинг уйида тинмай мутолаа қилиш блан ўтса ҳам, Эрбўл блан

Боймағамбет унӣ ба'зан қўярда-қўймай Иртишнинг бу томонидаги Тинибой уйига олиб келишарди. Салтанат ҳали ҳам онаси блан ўша ерда эди. Абай бўйи еткан қиз блан иккинчи марта яна Макишнинг холи уйида учрашди. Қизнинг онаси блан Макишни қўшилар меҳмонга айтиб кетган, уй холи қолтан бир кеч эди. Эрбўл Абайнинг жўртага шу пайтни мўлжаллаб олиб келдими ёки тасоди-фган шундай бўлдими, ҳарҳолда уйда ёлғиз қолган Салтанат блан bemalol ўтириб эркин сўзлашгудек фурсат топилди.

Дераза олдидағи катта сандиқ устига ташлаб қўйилган гилам блан қалин кўрпачада иккови қатор ўтириб узоқ сўзлашди. Эрбўл блан Боймағамбет уларни қўриқлаб, уйдаги хизматкорларни гапга тутиб, бошқа уйларда чалғитиб юришди. Абайнинг шу қиз блан холи ўтириб, бир нафас эркип суҳбатлашувини Эрбўл чин юракдан истар эди.

Лекин дўстнинг нияти шундай бўлишига қарамай, Абай қизни ўша дастлаб холи учратгандан кейин ўзини тутишга аҳд қилиб, ҳали ҳам шу аҳдида тургай эди. Уй ичидаги қоронғилик қуюқлашиб, кечки майин шабададан деразанинг пардаси аста тебраниб турарди. Ёшлиар уйга чироқ еқилишини истамагандек ўтиришарди. Қош қорайиб, қоронғи тушди, дераза ёнида ўтирганларни ўткинчиларнинг кўзи илғамайдиган бўлди. Абай парданни қайириб, дераза ёнидаги баланд кроватьнинг бошига ташлаб қўйди. Эрта кўтарилиган сарғиш тўлин ой нури уйга тушиб, қизнинг гулгун юзига тишиқ, оппоқ нур сочиб, шу'лалантириди. Қизнинг рўпарасида ўтирган Абайнинг ҳам қирра бурни, катта-катта кўзлари, қалам қошлари, қуёшда қораймаган, ажин тушмаган оппоқ кенг пешонаси ой шу'ласида ёрқин нур ичига ғарқ бўлганга ўхшарди.

Бугун қиз йигитни гўё эски қадрдони, яқип одамидек ҳис этиб, ўзи очилиб гап бошлади. У Абайнинг уй ичларини, оиласини, элдаги ёрини сўради. Гап орасида Абайнинг узоқ вақт шаҳарда туриб қолгани, у ердагиларни интизор қилиб қўйгани, ўзининг ҳам уларни соғинган бўлиши кераклигини одоб блан илова қилиб ўтди.

Абай ўзининг севгилиси Айгеримни кўп ўйлашни яширамади. Бу ҳақда ғапни қисқа қилиб, болаларини ҳам бирма-бир айтиб берди. Айгеримга уйланиши ўз ҳаётида энг мушкул ва оғир масалалардан бири бўлганини ҳам сездириб ўтди. Сўнг Салтанатдан унинг ҳаёти, ҳозирги аҳво-

ли, келажақдаги орзулари ҳақида сўради. Қиз бугун Абай олдида сир сақлашни истамади. Узун-узун нафис бармоқлари блан сочопугининг ипак шокилаларини дам ҳимариб, дам ўриб ўтириб, қалбидаги бор дардини Абайга изҳор этди. Қизнинг катта-катта қуралай кўзларида порлаб турадиган аланга гўё аллақайларга кетди-ю, аста сўниб ғойиб бўлди... Ба'зан кўзларини қисинқирааб қаррагандагина ўша соғ жозибанинг билинар-билинмас сўник шу'ласи акс этиб қоларди. У Абайдан кўзларини олмай сўзлар, кўриб юрган эл йигитларидан ўзгача сезилаётган бу дўстига, ўзига ишонгандек зўр ишонч блан боқарди. Салтанат ўз қалбидаги, хафагазак бўлиб, мудом хотирини паришон қилиб турадиган дардларини ғамгинлик блан очабошлади.

— Мен ҳам ихтиёрли, ҳам ихтиёrsиз қафасда, тутқунда ётган бир бечораман. Кўплар буни билмайди. Исимим Салтанат, юриш-туришим озод, босар-турарини билмайдиган эркаларнинг эркасига ўхшайман. Ихтиёрли қафас деганим шу. Лекин аслида, бизнинг элда, туйғун, лочин боқадиган овчилар ҳали ўргатиб бўлмаган қушларга ишонмай, оёғига узун ип бойлаб учиришади-ку, менинг озодлигим ҳам шу хилдаги озодлик. Эрта-индин бирорнинг ҳасми бўлиб, бошим боғланиб кетиш олдида турибман. Шу йил кузда бўлажак куёв биринчи марта келмоқчи. Унинг ким эканлигини, қанчалик йигитлик заковати борлигини яхши билмайман. Кўп эшигандирсиз, қозоқларда дарди ичидаги кетадиган қизлар озми? «Унга кўнглим йўқ, бошқа кимга берса ҳам розиман. Шундан мени озод қилсан» деб отамга ўз онамдан ҳам, мана бу кичик онамдан ҳам икки марта айтдириб кўрдим. Розилигини ололмадим. Елғиз қизман. Туғилганимдан бери кафтига солиб, шунга гард қўймаса экан, деб ўстирган отам, онам — уям эди. Ҳали ҳам бошқа тўғриларидан асти ражимни қайтаришмайди. Лекин қисматим шу бўлгандаан кейин, ўз уйим ўзимга қафас бўлди. Келгусини ўйладим дегунча умидим биратўла узилади. Ҳатто ҳаётдан ҳам, бор умидларимдан ҳам воз кечишга тайёр бўлган онларим кўп бўлади. «Е раббий, менинг бошимга хўрлик, тубанлик нўхтасини солгунча жонимни олсангчи, асти ўқинмайман, нолимайман!» деб тонг отгунча йиғлаб чиқадиган кунларим ҳам бўлади,—деб қиз нозик бармоқлари блан пешонасини ушлаб, бўртинган юzlари блан ёшлик кўзларига дастрўмолини босди.

Қиз бир нафас жим қолди-да, яна бошини кўтариб Абайга тикилганича бўғиқ ва қаттиқроқ овоз блан гап бошлади:

— Ёш қалбнинг дардларини биларсиз, Абай. Менинг ўрнимда қозоқнинг бошқа қизи бўлса: «Келгусини келганда кўрарман. Ҳозир ўз эрким ўзимдалиқ чоғида, отонамнинг бағрида давр суриб қолай, ўзимни ҳечнарсандан тиймайман» деб юраверарди. Алам устида бор бўлганича бўлар деб енгилтаклик блан ҳархил юришларни ғанимат биладиганлар ҳам бор. Мен шўрликнинг ҳеч бўлмаса қўлимдан шу иш ҳам келмайди. Бу кўнглимдаги эшикка катта қулф уриб, ўз қўлим блан ясаган қафасим. Келгусидан чўчишим, даҳшатим шу қадар кучликми дейман, ҳечбир ўйин-кулгига бир нафас бўлса ҳам очилиб ёзилиб, жоним-дилим блан берилаолмайман. Ҳамиша олдимда беш кундан кейин мени ютадиган бир зиндан ёки бир бўм-бўш олам турганига ўхшайди. Илон авраётган тўрғайдек қанот қоқиб туриб, ўша дамига тортаётган қоронғи зинданга қулаб кетадиганга ўхшайман, холос. Ба'зан ялт этиб қалбнімда бир қувонч пайдо бўлиб, ўзимни-ўзим биронта ёшга қизиқтириб, кўнгил кўябошлайман-у, яна тўсатдан қайтиб, тургап жойимда тўхтаб қоламан! — деди.

Қиз яна сукут қилди. Икки ёш анча вақтгача жим қолишиди. Абай шу дамгача ўзи эшишиб келган ёш қалблар дардн ичиди шу сингари назокат блан шунчалик та'сирли, юракка бориб тегадиган қилиб айтилган дардни эшиитмаган эди. Фақат бир русча китобда кимнингдир ниҳоят ёрилиб, бор ҳақиқатни очишга қарор қилинб, ўз ҳаётидаги яширии сирларни, аламли дардларни софдиллик блан изҳор этиб келиб: «Бу менинг исповедим» деганини ўқиган эди. Ҳечкимга изҳор этилмайдиган, фақат ўлим олдидан айтиладиган, яна бир мартағина ошкор этиб, шу блан тамоман сўниб кетадиган юрак китобининг тили шундай бўлса керак. Абай бироз эгилиб, қизнинг икки қўлинни ушлади. Қизнинг иссиққина, ипакдек мулойим, хиёл терчиган қўлларини бир нафас қисиб турди-да, юзларига босди. Сўнг бармоқларининг учидан ўпди. Қиз астагина қўлинни сүғириб тортиб олди. Үнга раҳми келган йигитнинг қалби ҳам қизнинг аламли дарди блан ғурбатга тўлиб кетди.

— Азизим Салтанат! Ҳаётимда шу кунга қадар юрак дардларининг сиз айтганингиздек асти эсдан чиқарип

бўлмайдиган қилиб айтилганини эшитганим йўқ эди. Сизнинг бу қадар ишонч блан тўғрисини айтишингизга тўғри жавоб беришдан бошқа гапнинг ўрни йўқ. Бир оғиз сўз блан тўғрисини айтай, ёлғон айтадиган бўлсам, катта гуноҳ қилгап бўламан. Мен сизга кўнглимдаги бор гапнинг тўғрисини айтишим шарт, деб биламан! — деди.

Қиз астагина қўэғолиб қўйди. Борлиғи блан йигитга яқинлашиб, хиёл эгилди. Шу ҳаракати блан бугун Абайдан фақат тўғри жавоб кутаётганини билдиради. Абай гап бошлиди:

— Сиз севмаслик азобини тортаётнрсиз, Салтанат. Мен — ўз ҳаётимдаги, қабрга ҳам бирга кетадиган севгимнинг дардини тортаётнрман. Шу кунга қадар бир он ҳам хира тортиб, учутилмайдиган юрак тонгим бор эди. У тонг — озгина вақт давр сурган икки интизорнинг ҳаётни эди. Менга насиб бўлмай, ой ботгандек ботиб кўзимдан пинҳон бўлган севгилим! Чин ма'шуқам — Тўғжон эди. Айрилганимга кўп вақтлар бўлди. Лекин шу онга қадар ҳатто хиёл жилмайиб кулишигача мудом кўз олдимда. Кўришган, учрашган чоғимиздаги озми, кўлми ёки шодланиб, ёки зорланиб айтган гапларининг ҳаммаси юрагимда, гўё ўз қоним блан ёзилган васиятномадек сақланади. Уша Тўғжондан айрилиб, ҳажрида алам тортиб ше'р ёзиш, куйлаш блан юрган чоғимда айтган бир мунгли созим сизга эшитилипти. Макиш уни сизга жуда ма'кул бўлди деб айтган эди! — деди.

Абай бир вақтлар Салтанатнинг илтимоси блан унга Макиш айтиб берган: «Ярқ этмас қора кўнглим...»ни эслатиб ўтди. Гап шу ерга етганда, қиз ўша куйни хотирлаб, бош иргаб кўзларини хиёл қисди-да, ўйланиб қолди. Қиз бошини эгаркан, қулоридаги олтин исирғасининг ҳарбир нозик шокиласи: «биз биламиз, шоҳидмиз, эшитганимиз» деяётгандек бирга эгилиб, силкиниб тасдиқлади. Абай сўзида давом қилди.

— Қалбим қовишмайдиган бир жонга тақдир қовишитирди. Бирнечча севикли боланинг отаси бўлдим. Лекин ўша дард, ўша аламни унутаолмадим. Тўғжонни ўйлаб, тушимда кўраётган эдим. Борлик блан йўқлиж срасида уйқу элитиб кўзим илиниб кетган бир вақтда, худди Тўғжонга ўхашаш бир қиз, ўша Тўғжон айтадиган куйни айтиб келиб уйғотди-да, мени ўша юпатди. Шодлигим ҳам, куйладиган куйим ҳам, эндиги ҳаётимнинг суюнчиғи ҳам, ҳаммаси ўшанинг ўзи бўлиб қолди. Соғ

Сөвгимизнинг поҳидидек бўлиб ўзгача гўзал бир бола турилди. Ҳозир одамларнинг назарида мен шаҳарда сабаб-сиз узоқ туриб қолгандай кўринсан ҳам, Айгеримни роят алангали ҳислар блан соғинаман! — деди.

Абай шу гапларни айтди-ю, жим бўлиб қолди.

Салтанат бир қадар бўшашиб, ранги ўчган ҳолда ерга қаради-да, Абайга раҳмат айтиётгандек, та'зим қилиб, бош эгди. Ҳар иккovi ўз кўнглидаги дардини очиб айтишганда ҳамдард чиқишиди. Ортиқча дардлашишининг ҳожати ҳам йўқ эди. Қиз учун Абай танҳо ўзига боғлиқ бўлмагандан кейин кўнгли таскин топмайди. Абайда бўлса енгилтак юриш-туришларга қизиқиб Айгеримга ёлғон айтгудек, бунга ярим ва'да бергудек ихтиёр йўқ. Үндай қилишни истамайди. Авахта эшигини ўз қўли блан очиб, ўз замонасадаги қозоқларга ғайри табиий кўринадиган бир одамгарчилик қилиб келган шу Салтанат эди. Шу ҳолатлар бу кунда элдаги йигитлардан бошқача бўлиб, янги фикр эгаси бўлиб келган Абайга қудратли амр қилиб ўзини тутишга мажбур этди. Шунинг блан ҳар иккovi ҳам юрак дардларини очишни тўхтатишиди. Уз-ўзига сабр бериб доюлик блан ўзини тутиб олган Салтанат, Абайга энди дўстона бир оҳангда иккичи тилагини айтди. Ёнидаги дўмбиранни Абайга узатиб:

— Уша кўйни ўзингиз астагина, фақат менинг ўзим учун айтиб беринг! — деди.

Абай дарҳол дўмбирани қўлига олиб: «Ярқ этмас қора кўнглимнк» даставвал Тўғонга айтилган сўзлар блан куйлаб берди. Кейин кўйни ўзгартмай туриб, шу ғамгив кечни қўшиб куйлайбошлади.

Сиполик блан бошлаб, чин кўнгилдан айтилаётган янги сўзлар блан мунг тўкди. Ёруғ ой шу'ласи остида нурли чеҳраси блан ишонч билдирган дўстига кўнгил сирларини очди. Шу ёшининг қайғуси асти унуптилмас, шоирнинг сози уни кўп йиллар давомида чертар, қарздор дўстининг қалби уни асло унумтмай, ўзгартмай кўп йиллар давомида сақлар. Айрилишиб, нома'лум йўллар блан кетганларида ҳам йигитнинг хотирида умрбод қоладиган, орзу қиласидиган азизи бўлар. Сирларинг четга фош этилмас. Юракда бир ҳовуч жавҳардек сақланар. Очилмагани учун ҳечқачон ўз қиймати ва фазилатини йўқотмас.. деб, юракдан айтилаётган янги ше'р, янги соз тўлқинланди.

Бу томондан бирор ишора бўлишини кутиб, даҳлизда ҳаракатсиз ўтирган Эрбўл, Абайнинг куйлаётган товуши

Эшитилгандан кейин Боймағамбетга буюриб, шам ёқдириб келди. Абай ўланини тамомлаб қолган пайтда, Эрбўл шам кўтариб уйга кирди.

Эрбўл ҳали чиқиб келаётган чоғида Абай блан қиз лераза олдидаги сандиқда қандай ўтиришган бўлса, ҳозир ҳам ўша тахлитда ўтиришарди. Унинг устига Абай бамайлихотир ўтириб куйлаёттир. Юзида Эрбўл кутгандек ўзгаришдан дарак ҳам йўқ. Эшикдан кириши блан икки ёшга, буларни худди энди кўргандек ҳайрон бўлиб назар ташлаган Эрбўлга ёшларнинг бу тахлитда ўтириши ҳам, чиройлари ҳам унча ма'қул бўлмади. У кутганича чиқмади. Уйга шам келтирилгач, Боймағамбет ҳам кирди. Ешигина оқсоч хотин чойга дастурхон ёзабошлади. Бирордан кейин Макишлар ҳам келишди.

Эндиғи ўтиришда Абай блан Эрбўл дам яkkама-якка, дам қўшилишиб кўп ўланилар айтишиди. Меҳмонга келган аёлларнинг, айниқса мезбон, Тинибойнинг катта хотинининг илтимоси блан бу иккоти аёллар мажлисини қизитиб кўп хизмат қилишди. Бу суҳбат давомида Салтанат индамай ўтирди. Фақат тўбуқтили Йигитларнинг Тўқай бўйи элида айтилганидан бошқачароқ қилиб айтадиган куйларига ўзгача ихлос блан қулоқ солди. Сипогарчиликни сақлаб, вазмингина ўтирди. Фақат тарқалиш вақтида, уй кўпчиликдан холи қолган бир пайтда, Эрбўл блан Боймағамбетнинг олдида:

— Шу кечининг қандай ўтганини билмай ҳам қолибман. Назаримда, кўз очиб юмгуича, бир лаҳзада ўтиб кетганга ўшрайди. Ҳечқачон ёдимдан чиқмас. Кўнглимда олқишидан бошқа гап йўқ. Орқангиздан аллакимларнинг биттаси бўлмасангиэ керак, деб ўйлар эдим. Етишаолмаганим учун ўқинмайман, сизга баҳт тилайман, умрингиз борича баҳтли бўлинг! — деди.

Абай қизининг нақадар иродаси кучли, нақадар зийрак эканлигини яна равшанроқ кўрди. Индамасдан қўлини куксига қўйиб бош эгди, сўз қотмади. Шу блан ҳаммасини билиб ўтирганини англатди. Йигитнинг ҳозирги ҳолатни сўз блан уқдиришга уринмагани Салтанатга ҳам ма'қул тушган эди. У энди нурли кўзларни ёшга тўлиб, киприк қоқмай, дераза олдида Абайнинг орқасидан узоқ вақт қараб қолди.

Абайнинг элга жўнайдигаи вақти яқинлашиб қолди. Сўнгги вақтларда у деярли ҳар куни Михайловининг уйига борар, унинг блан тез-тез кўрнишиб турарди. Иртиш дар-

ёсининг бу томондан қайтиб, яна дўстининг уйига қараб кетди Эшикни Михайловнинг ўзи очди. Унинг эгнида оқ канопдан тикилган юпқа ёзлик кийим. Еқаси очилиб, кўкрагининг туки хиёл кўриниб турарди. Қўлида кўтариб юрган китобини ўқиганича келиб қарши олди. Абай блан кўришар-кўришмас қўлтиқлаб олди-да, ўзининг хонасига олиб кетаётib:

— Кунанбоев, мен сизга рус ёзучиларининг китобларидан ташқари яна кейинги ўтиришларимизда сўзлашган бошқа фанларга оид бирқанча китоблар ҳам топиб қўйдим!— деди.

— Қайси фанларни айттаётисиз, Евгений Петрович?

— Умумий тарихдан! Европа тарихидан, яна географиядан. Қандай бўлмасин сиз шу йил ўқиб чиқиншигиз зарур бўлған китоблар. Ярмини ўзим топдим. Яна бир қанчасини Гоголь кутубхонасидан, Кузымичдан оласиз. Сизга атаб топдириб вақтинча олиб кетишининг учун тайёрлаб қўйдим. Ушани бориб оласиз!— деди-да, яна бир нафасдан кейин ўзи гап бошлаб:

— Менинг билишимча, сиз тарихдан унча-мунча ҳабардор бўлсангиз керак. Тарих илмларнинг онаси-ку.

— Мен тарихдан фақат ислом тарихини, уни ҳам мадрасада дарс сифатида эмас, ўзимча уриниб-туртиниб бир ўқиган эдим. Лекин, Евгений Петрович, сиз блан учрашганимдан бўён менинг шу куига қадар илм деб, йиғибтериб юрганлариминг ҳаммаси ўз салмогини йўқотиб қўйди. Назаримда гутунгами, бугами ўҳшаб, учиб кетгандай бўлаётир. Уша ўқиган тарихимни бир асосий илмга ҳисоблашга ҳам иккиланиб қолдим,— деди.

Михайлов бу гапга кулди-да:

— Ундаи бўлса, мен сизга айтдами, ислом тарихи ҳам билим, катта билим... Фақат қандай тарихчи ёзганлигини фарқ қилиш керак... — деб, Михайлов бугун шарқ ҳалқлари, шарқ ҳақида Абайни ғоят ҳайратда қолдирадиган кўп қизиқ янгиликларни айтиб берди. Шарқ ҳалқларининг маданияти бутун дунё ма'рифатининг ривожланишига, инсон фикрининг ўсишига кўп асрлар давомида кўп озиқлар берган. Қадимги антик давр блап Европадаги уйғониш даври тўғрисида бирнечча юз йиллар давомида фикрини тараққиёт тўхталиб, турғунлик вужудга келган. Ана шу бирнечча асрларча давом этган қоронғиликни ёритган фақат шарқ ҳалқларининг маданияти эканлигини айтиб ўтди. Қадим замон маданий меросларнин ўзида сақлаб

келиб, бугунги маданиятли халқларга ётказучилар шарқдан чиққан донишмандлар бўлганлигини эслатди. Буларнинг бугунги суҳбати шундай масалаларга кўчиш блаи Абайнинг кўнглида ғоят қувонтиручи бир янги фикр туғдирди. Уни шу оннинг ўзидаёқ Михайловга айтди.

— Евгений Петрович! Тўғрисини айтсан: мен кишилий жамиятининг билим хазинасида шарқ халқларининг ўзи бир бўлак, бошқалар блан бофланиши бўлмаган бир олам деб билар эдим. Сиз менинг сочилиб ётган, бир-бирига алоқаси бўлмаган, бир-бирига қарама-қаршидек туюли юрган оламларимни туташтириб берадиган кўринасиз. Аслида ҳамadolat, ҳақиқат, ахлоқ масалаларида жамиятиниг манфаатини ўйловчилар озми? Ҳарбир замон, ҳар бир давр ва ҳарбир халқнинг насллар манфаатини, инсоният баҳти-саодатини ўйладиган насиҳатгўй устозлари, ғамхўрлари бўлади. Гарчи «Улар турли тилларда сўзлашган бўлсалар ҳам туб мақсадга келганда, бир оқимга қуюлиб, бирлашмоғи керакку» деб ўзимча тахмин қилиб юрар эдим. Менинг шу кунга қадар «одамгарчилик» деб ишониб келган тарбиям, олган та'лимим сиз блаи мени осонгина таништириди. Бизларни шунчалик тез яқинлаштирган ҳам ўша бутун халқлар баҳам кўриб келаётган башарий хазина бўлди. Шундан биримиз тўла баҳраманд бўлсак, биримиз оз бўлса ҳам тотиб кўришимиз ёрқасида юзага келди! — деди.

Михайлов Абай қўзғаги бу масалалар устида асосли ва чуқур мазмунли фикрлар баён қилди. Михайлов ўзининг бугунги қиёфаси, кенг пешонаси, ўйчаш катта кўзлари, силлиқ қилиб таралган узун қўнғир соқоли блан улуғ олимларга, доноларга ўхшарди. Бугун у Абайнинг назаридаги гўё бир файласуф устоздек кўринаётган эди. Ўзоқ суҳбатдан кейин Абайга тушунарли қилиб, унинг шу кунга қадар ислом ҳақида ўқиган билимлари тарихий билимга киришини англатди. Суҳбатнинг охирида Абайни янада ҳайрон қолдирадиган бир гап гапирди. У Абайнинг ўзи халқи тўғрисидаги гап эди. Қозоқ халқи тарихида ҳам бу кунгача илм оламига ма'лум бўлмаган, балки Абайнинг ўзи ҳам ҳозирча қадри-қимматига етмайдиган фикрий хазинаси бордир, деди. Қозоқларининг ҳам инсоният оламидаги фан ва маданият мулкига қўшилиши керак бўлган, ҳали ер остида ётган соғ олтиндеқ сақланиб келаётган қимматбаҳо мероси бўлиши шубҳасиз, деди.

Абай бугунги суҳбатдан кейин Михайловни ўзига ав-

валгидан ҳам яқин ҳис қилди. Уни ўзига яқин қариндош, оға қиласидиган юксак ғояларики англади. Хайрлашиб кетаётгандада Михайловга:

— Бугун мен сизни ўзгача фазилатларингиз блан яна ҳам яхшироқ танидим, Евгений Петрович! Мен сизни фақат рус халқининг илғор ғоялари блан ма'рифатини ўзида сақловчи одам деб билар эдим. Ўзимни бўлса, бошқа бир ўлкадан — сиздан узоқда ётган, сизга ёт бўлган саҳродан келган одам деб ҳис қиласар эдим. Қараб турсам, мана сиз ҳозир мени худди қўлимдан етаклаб, баланд довон устига чиқариб турганга ўхшайсиз. Барча давр, бутун замонларининг, ҳамма халқларининг маконини — қароргоджини, адир ва водийларини кўрсатдингиз. Ироқдан бўлса ҳам одам боласи борки, ҳаммаси — гарчи бир-бираiga узоқ бўлса-да, қардош эканлигини англашдингиз. Энди билсам, маданият оламидан бегона халқ йўқда ўхшайди. Сиз менинг Тўбуқтимни ҳам ўша катта йўлдан четга чиқариб қўймадингиз. Шуин эшитиб, шодлигим ичимга сифмай кетаётир. Мана шуни англаш менинг энг катта ўлжам бўлса керак! — деди.

Михайлов хандон ташлаб қулиб юборди-да, келиб Абайнинг елкасидан қучоқлаб, бир қисиб қўйди.

— Қунанбоев! Бизининг дўстлигимиз ҳар иккимизга ҳам яхши натижалар берар, деб умид қиласман. Фақат кутубхонадан, Кузъмичдан қўлимни тортмайман деган ва'дангизга вафо қилинг! — деди-да, самимий дўстларча Абай блан хайрлашди.

Шу гал Абайнинг Семейдан бир арава қилиб олиб келган ўлжасиянинг қоқ ярми Михайлов айтган ёки ўзи топиб берган китоблар эди.

Лосовский сайлов ўтказгали саҳрога чиқиши олдидан Михайлов ўша Лосовский блан Андреевичнинг уйида учрашди. Ўша ерда Михайлов кўп хурсанд бўлиб, ўзини ҳайратда қолдирган саҳро йигити ҳақида гап очиб:

— Қунанбоевнинг илмга интилиши, илмга бўлган талаби гоят зўр. Бу иш — ба'зан ҳали қамолга етмаган элнинг борлиғи блан берилиб, чин кўнгилдан қунт қилиб илм ёгдусига интилишини кўрсатади. Илмга нақадар ташна эканлигини билдиради! — деган эди, афтідан, Лосовский бу тўғрида Михайловга қараганда бошқечароқ фикрда кўринди, у:

— Евгений Петрович! Елғиз унинг талаби — бутун халқ талабини кўрсатмас, дейман. Халқини олсак, бу эл

ҳали рус маданиятига «шу қадар эҳтиёжим бор» деб аяллаган, уйғонган халқ әмас. Агар Қунанбоевнинг ёлғиз ўзини айтаётган бўлсангиз унинг йўли бошқа, лекин унинг илмга чанқоқлигида ёши улғайганда келиб, илмга уринадиган одамларниң ҳаммасида бўладиган эҳтирос бордир! — деди.

Михайлов блан Андреевичнинг мақсади шу гал Лосовскийга Абайни яқинроқ таништириб юбориш эди. Шундиян блан яна ўзининг синчикасий кўрабилиши, ҳақиқат-парварлиги орқасида қандай фикрга келганини айтиб келиб, Михайлов хулоса чиқараркан, сўзининг охирида:

— Қунанбоевда мени қизиқтирадиган бир фазилат бор. Кўп марта ҳамсуҳбат бўлдим. Бутун фикрини билдим. Шунда унинг оғзидан: «Адолат, халқ, халқа ҳалол ҳизмат» деган гап кўп чиқади, яна шу фикр унинг бутун руҳини ҳамраб олган. Узи шуни одамгарчилик йўли деб билади. Саҳро вакилларининг оғзидан бундай гап чиққанлигини сизлар ҳам кўп эшитмаган бўлсангиз керак. Албатта сизлар менга қараганда қирғиз саҳросини, халқидаги одамгарчиликни, уларнинг хусусиятларини яхшироқ биласиз. Лекин мени шу одамдаги гуманизм қизиқтиради. Бу одамнинг истиқболи қандай бўлишини билишга жуда қизиқаман! — деди.

Абайнинг ўзига айтмаган бўлса ҳам, бу кунларда Михайловнинг у ҳақдаги фикри мана шундай эди. Андреевич Михайловнинг гапига қўшимча қилиб Лосовскийга:

— Сиз қирғиз управительларини уқувсиз, фўр, тушунчалиси тубан, муттаҳамлар деб биласиз. Ўша мансабга лойиқ одамларни ўзи яхши биладиган саҳродағи турғун одамлар ичидан Қунанбоев сизга топиб берса... Сиз бир гал ўшаларни сайлаб, синаб кўрсангиз қандай бўлар экан? — деди.

Лосовский бу фикрга норозилик билдирамади. Балки уни пазарда тутишни билдириб бош иргаб қўйди-ю, фақат:

Қирғизнинг эл бошлиқлари бизнинг маҳкамаси ходимлари учун әмас, ҳатто Қунанбоевнинг ўзи учун ҳам қийин жумбоқ бўладиган кишилар. Мен аввалгиларга қараганда кейингилари мутлақо бошқача бўлиб, саҳро ҳастига бирор янгилик киргизиб, тўғри йўлга солиб юборади деган ишончдан ҳозирча хорижман. Унсиз ётган белоён қирғиз саҳроси, ўзим билган ўша саҳро бўладиган бўлса, машаққати кўп беҳад мушкул саҳро. Майли, бир тажриба қилиб кўрайлик. Натижасини биринки йилдан

кейин сизлар Қунанбоев блан шодланиб кўраолсангиз, мен шунга тилакдош бўлайин. Броқ ўзим яхши натижа беришга ишонаман деб айтаолмайман!— деб, салмоқ блан истеҳзо аралали кулди да, гапининг охирини мансабдорларга хос мағрурлик блан тамом қилди.

Бирнеча кун ўтгач Лосовский сайловга чиқди. Абай блан Эрбўл яйлоғдаги овулга Чингизга хабар бергали Боймағамбетни юбориб, ўзлари Лосовский блан бирга Қизил Мўлага кетишиди.

Лосовский бу гал Андреевичнинг уйида берган ва'дасининг устидан чиқди. Қизил Мўла, Қўнғир, Қўкие, Чингиз бўлисидеқ уч бўлиснинг сайловида Абайни бир қадам нари юбормай, ёнида олиб юрди. Ҳамма ерда буларни ша'ни-шавкат блан кўп янги уйлар тикиб, қанча-қанча моллар сўйиб, зиёфатлар бериб, очиқ чеҳра блан кутиб олишиди. Лосовский бу элларга Абайни ҳурматли одам сифатида танишитирди.

Абай, уч бўлиснинг сайловига йиғилган элга бу сафар ўюят э'тиборли, зўр обрўй қозониб кетган кишидек кўринди. Эл-юрт уни бамисоли бир советник деб биларди.

Бу ишга Абай бош қўшгани учун бўлислик, бийлик, кандидатлик учун бирор ерда чурқ этиб жанжал кўтарилими. Ҳамма ерда ҳам Абай аввало ўша элнинг эс-ҳушли, ҳалол одамларн блан маслаҳатлашиб олиб, шундан кейингина Лосовскийга: «Фалончини тайинлаш мумкин» деб, кўрсағилган одамнинг номини айтарди. Ўша одамларни ўтказарди. Шаҳарда юрганида, аввалги тажрибаси Сўйича сахро одамларига ярим ишонч блан қарайдиган Лосовский шу гал бир ойлик сафар мобайнида Абайни ўзига яқин тутиб, яхши билиб олди. Анчагина ҳурмат ҳам қиласидиган бўлди. Сайлов кунларида ба'зан Абайга ҳазил қилиб:

— Ибрагим Қунанбоевич! Мен сизнинг маслаҳатигизга кириб кўрсағтан одамларингизни тасдиқлайвераман. Броқ, шу сайлаган одамларингиз ҳам аввалги бўлислардек порахўр, зўрлик қиласидиган, ёлғон приговор берадиган, эл жанжалига бошлиқ бўладиган хиёнаткорлардан бўлиб чиқса, жавобини ўзингиз берасиз. Дўстларингиз Михайлов блан Андреевич олдидаги мас'улият сизга юкланади, — деб кулар эди.

Бу ишдаги жавобгарлик ўз гарданида эканини, уларнинг олдидагина эмас, ҳалқ олдидаги жавобгар эканини ўйлагани учун, Абай бу гал мана шу уч бўлисга ҳечким-

Нинг хаёлига келмаган уч ёш йигитни сайлатди. Улар бўлисликка талабгор бўлмаган кишилар эди. Чингиз элига Абайнинг ўзи блан тенгдош, ёшлиқ чоғидан бери унинг одамгарчилигини, фе'лини ўзи яхши биладиган қадрдан дўсти, Тўғоннинг акаси Аслбекни кўрсатди. Қунанбой авлодини, Иргизбой уругини норози қилиб, Абай ўз элининг бўлислигини ўша Аслбекка олиб берди.

Кўнғир Кўкше элига бўлис бўламан деб, моли-дун'ё сарф қилиб, олишиб келаётган ҳам бой, ҳам ўжар, зўравон, ёш бўри — Абенин сайлатмай, унинг ўрнига «мўмин, если йигит» деб, Шимирбой деган йигитни сайлатди.

Қизил Мўлага бўлса — бўлисликни хоҳламайдиган, Абайга «умрбод самимий, тилакдош ини бўламан» деб юрган Исҳоқни сайлатди. Қунанбойнинг бу ўғли Абай блан бир онадан туғилган эди. Аммо Қунанбой уни Қудойбердига ини бўлсин, деб ёшлигидан Кункенинг қўлида тарбия қилдирган. Кейинчалик Исҳоқ кўпинча Такежоннинг пинжида бўлиб, фақат шу сўнгги йиллардагина Абайни соғдил оға, деб чин кўнглидан дўст тутишга қарор қилган эди. Бир онадан туғилиб, бошқа-бошқа ҳаёт кечириб келиб, энди эси кирганда беғараз кўнгил блан топишган жигар бўлгани учун Абай шу Исҳоқни кўрсатди. Шу кунга қадар яхши танишлиги бўлмаган Матай элига Исҳоқни овули блан кўчириб келиб, шу элда бўлислик вазифасини адо этишини топширди.

Шу йил кўкламда Эралида тўсатдан чиққан ғалаёндан бошланиб кетган «Абай блан улуғнинг тортишуви» ҳозирча шу йўсинда тамом бўлди. Абай енгиб чиққандай бўлиб, унинг ҳалқ ўртасидаги обрўси яна ҳам ортиб кетди.





У Н К И Р - Ч У Н Қ И Р Л И К Д А

1

— Э-э-эх, Абай! Ҳаҳ, Абай-а! Асти еруғлик кўрмалур! Чўли-биёбон, дашти-саҳро, кимсасиз маконда ёлғиз қолдириб кетиб, тоза сарғайтирдинг-ку. На таниш-билиш, қавми-қариндош бор. На овул эгаси, на уй хўжаси, хотинга бош эга, болаларга ота дегудек ўзинг бор!.. Учинг бордек шу аҳволда қолдириб кетдинг-а?.. Кўзимизни пашшага ем қилдинг-ку! Худонинг иссиғи бу — осмон айланиб ерга тушган. Кундан-кун куйдириб, қовжиратиб турадиган қандай касофат манзил ўзи буниси. Бу азобларнинг ҳаммаси — сен туфайли, Абай! Ҳа, асти ёруғлик кўрмассан ҳали. Нима гуноҳим бор эди? — деб, Абайнин барада қарғаганича, овулни чарх уриб келаётган Дилда эди.

Дилда шу қарғаганича келиб, Айгеримнинг уйига кирди. Уйда ёлғиз ўтирган Айгеримдан юқорироққа, тўрга чиқди. Ёши катта Дилда келгач, Айгерим ўрнидан туриб қарши олди.

Дилда бу кунларда анча қаримсиқ тортиб колган, юзларини ажин босиб, чакак-чакаги қуришиб кетган. Қотма, новча жуссасидан эт қочиб, фақат суюг-у пай бўлиб озиб-тўзиб кетган. Аслида ҳам озғин, куйгунчак,

серташвиш Диlldа кўп туғишининг оқибати бўлиб ҳақиқатда ҳам эрта қариб келаётган эди.

Ҳозир унинг Айгеримга эшитдириб, Абайни ерга уриб, қарғаб келиши одатдаги койишларидан бошқачароқ Буғупги қарғишининг тагида катта гап бор эди. Кечаси шаҳардан келиб Диlldанинг уйидаги ётиб, бугун тушга яқин яйловга чиқиб кетган Монос бир хабар олиб келган эди.

Абайни Алдекенинг қизи блан ёлғиз уйда ўтирган ҳолда кўриб, бупга ўзича бир ма'но бериб қайтган Монос, бу овулга яхши хабар олиб келмади. Диlldа блан қўни-қўшни хотинлар, молбоқорларнинг олдида Абайдан койиб:

— Уша яйловнинг бошидан, тупкарнинг тагидан, кун демай, тун демай, ётиб бор: «болам авахтада сарғайиб ётипти, эсон-омонлигини кўзинг блан кўриб кел!» деб кекса онаси мени юборган эди. «Шаҳарда азобу-уқубатда ётгандир!» деб халлос уриб ётиб борсам, қаёқда, парвойи палак ўтирипти!— деб кўрганинг ёнига қўшиб-чатиб анча гапларни айтиб кетган эди.

Монос даставвал гап бошлаганда: «Диlldанинг рашки келиб куюнади» деб, дудмалроқ қилиб гапирган эди. Кейин қараса, Абайнинг йигитчилик қилиб юрганини эшитганда, Диlldа шодланиб қулоқ солаётганга ўҳшади. Моносни қўярда-қўймай: «Қайнаға, кўрган билғанларигизни ҳеч яширманг! Мурод-мақсадингизга еting, ҳам-масини айтиб беринг. Бирор гапни яшириб қолдирсангиз, худонинг олдига боргандага бўйнингизда қарз бўлади» деб, Моносга ёпишиб олиб, анча гапларни эшитиб қолди.

Монос эркак блан аёл кишининг ўртасида ноз, койиш, кўйиши, қолишидек нозик ҳислар бўлишининг фаҳмига ҳам етмасди. Узи ўлгунча қўпол, ҳафтафаҳм, дагал одам. Шаҳарда Абай блан Салтанат деразасига парда тутилган, ярим қоронғилатиб қўйилган холи уйда ўтиришганини кўрганда, ўзича бир хулоса чиқарган эди. Шунинг учун кечаси Диlldанинг қисташи блан анчагина беҳуда гапларни ҳам гапириб келиб, охирида ёлғонни ҳам қистириб кетган эди.

— Мен Абайни қаттиқ койиб ташладим. Азбаройи жаҳлим чиққанидан ўша қизнинг олдида уришиб бердим. Келин, ҳарҳолда сенинг ҳақингни юборганим йўқ. Ҳа, уришмай қараб туради дейсанми? Ит ўз уядошларидан

қўрқмайди-да. Мен гапирмасам, ким гапиради у кишига! «Элда бола-чақанг қон ютиб, тун уйқусини тўрт бўлиб, хайри-худойи атаб ўтирипти. Ичган оши заҳар бўлиб турсин-да, сен бу ерда Алдекенинг қизининг қўйнида ҳузур қилиб ёт!» дедим, жаҳлим чиқиб кетди-да!— деган эди.

Дилда Моносни хўп гапга солиб, бор гапини эшитиб олиб, жўнатиб юборди-да, келиб ҳаммасини Айгеримнинг олдига тўкиб солди. Айгерим тушунаолмади, англаш ҳам қийин эди. Дилда Абай ҳақидаги бу маломат гапларни унга айтаркан, гоҳ кулиб қўйиб ўзини одатдагидан кўра Айгеримга яқинроқ тутиб, пинжига кириб ўтириб гапирди. Нима учундир терисига сиғмай шодланиб, юраги қипидан чиққундай бўлиб сўзларди. Монос дўндириб келган маломат гапни ундан ҳам кўпиртириб юборди.

Дилда ҳалигидай маломат гапларни бошлаган пайтда, иссиқдан бўртиниб ўтирган Айгеримнинг ранги оппоқ оқариб, бор вужудидан совуқ тер чиқиб кетди. Бу гаплар хивич — новда блан юрагини савалаётгандай туюлди. Бармоқларигача музлаб кетиб, Дилданинг қўлини маҳкам ушлаб олиб, қалтираган ҳолда:

— Нима дедингиз? Нима деялсиз? — деди. Бор бўйича Дилдага яқинлашиб, унинг юзига тикилган икки кўзидан ёш отилиб чиқди-ю, оқиб тушмай тўхтаб қолди. Ўша катта-катта икки томчи ёш муздек қотиб, косасидан чиқаёзган кўзларида тўхтаб қолди. Ўша битта савонни берганича Айгерим жим қолди. Даҳшат ичидаги ҳаяжонланган чеҳрасида гоҳ қон ўйнаб, қизариб кетар, гоҳ бехузур тортиб бораётгандек ранги ўчиб кўқимтири товланиб турарди.

Эркакларнинг товушидек дўриллаган, дағал товушли Дилда Айгеримнинг юзидан кўзини олмай, ўчакишгандек бир гапириб, ўн кулиб сўзлаёттир. Айгеримнинг тиззасига тиззасини тираб, энгашиб унга тикилганича:

— Айгерим, бу гапни эшиш. Гапнинг каттаси ҳали бу-еъда... Ўша учта арғимоқ қўшиб, ўзига эр излаб келган шаҳарниң шаллақиси — ҳалиги жодугар Салтанат, Абайга: «Энди мени оласан!» деяётгандай эмиш. «Ким блан ша-нингга дое тушган бўлса, ўша блан юв!», деган гап бор. «Сени авахтадан чиқараман деб эл-юртнинг юзига қарагундек ҳолим қолмади. Энди мени айтдириб қўйган кишин олмайди. Халқ-халойиқнинг ўртасида етти номусими ни ерга букиб, ташлаб кетадиган кишинг мен эмасман.

Энди мени оласан! — депти. Абай: «Саҳрода хотиним, болам бор-ку», деган экан, у: «Унинг менга оғирлиги йўқ, саҳронинг исқиrt қизи менинг тенгимми? У ердаги хотининг менинг кулимдан кириб, косовимдан чиқиб юраверади. Сенинг тенгинг мана мен. Ернинг устидан келиб, остидан кетмайман. Мени оласан! Олганингнинг боши шу, бутун ёз бўйи овулга қайтмайсан, шаҳарда турасан. Сен блан танҳо ўзим тураман!» депти. Мана, Айгерим! Менку эрдан аллақачонлар умид узган кишиман. Бевафо Абай икковимизга уй солдириб, дашти биёбонга жотоқ қилиб ташлади-ю, қорасини кўрсатмай кетди борди. «Эз бўйи шаҳарда юришинг бечиз бўлмаса керак!» — деб ўйлар эдим. Оқибат мана шу бўлди. Қирчишингда қирқилгурнинг: «Уйимга бориб етсин» деган хабари шу! — деди.

Дилда бутун гапни тўкиб солди-да, тантана блан чиқиб кетди. Айгеримининг беғубор ёруғ уйини қопкора булат босди. Кунлар, ҳафталар, ойлар ўтмоқда, ҳақиқатда ҳам Абайдан дарак бўлмади.

Абай уч бўлис элнинг сайловини ўтказиб, яйловдаги катта овулга, онасининг уйига келди-да, ўша ерда икки ҳафта туриб қолди. Авахтадан чиқиб келгани учун Абай оға-инилар, оналар, янгалар, жонкуяр қардошларнинг ҳаммасига таисиқ эди. Ташлаб кетолмади.

Шундай қилиб, эл яйловдан тоғ бағирларига кўчиб тушабошлаган пайтдагина, ўзининг қачонлардан буён интизорлик чекиб, соғиниб келаётган овулига кетди. Фақат Боймагамбетнингна ҳамроҳ қилиб олди. Эрбўл бўлса, яйловда, ўз уйида қолди. Эл кузакда Ўйқудуқ атрофига кўчиб боргунча Абайдан айрилиб турадиган бўлиб, дўстининг розилигини олиб қолди.

Ўз уйига кетишнинг тараддудига тушған Абай иккичу кундан буён жуда ошиқар, тоқати тоқ бўлиб борарди. Бошқаларга билдириласа ҳам, Айгеримни соғиниб юраги арзиқарди. Тун кечада йўлга чиқиб Ўйқудуққа, Айгеримнинг уйига кетди.

Шу кеча Абай блан Боймагамбет кимсасиз, жимжит, хилват тоғлардан — Чинғиз тоғи силсилаидан ошди. Эртасига ҳавонинг иссиғига ҳам қарамай, тушга қадар тоғ бағирлаб яна йўл босди. Йўловчилар кун қиёмга келганда Айгеримлар солдирган қистовга етиб келишди.

Абай бу қистовнинг пойдевори кўтарилигтан пайтда кетган эди. Энди келса, Оқшўқи тоғипининг Қўруқ томонига чўзилиб кетган адрларидан бирининг этагида, кенг увада

катта бино, данғиллама катта ҳовлӣ бун'ёдга келипти. Абай блан Боймагамбет дарвоза ёнида отдан тушиб, йўлак эшикдан ячариға кириши.

Боймагамбет узун далонга кириши блан, солингав бинонинг қадди баландлигини, тепасининг пишиқ ва мустаҳкам бўлиб ёпилганлигини мақтайдошлади. Абай аввали индамасдан, шошмасдан ўша далоннинг ўзини кўрди. Қишилик озиқ-овқат қўйиладиган иккита ҳужрани ва бинонинг ўнг томонидаги теласи чодир қилиб ёпилган шўшолони¹ кўриб чиқди.

Бу ҳовли — Айгерим блан Ўспоннинг раҳбарлигида шу атрофда донг чиқарган дурадгор-бинокорлардан уста Тўра деган киши томонидан солингав эди. Бинонинг қурилиш режасини Абайнинг ўзи чизиб берган эди. Ҳар бир хонанинг эни ва бўйини, бир уйдан иккинчи уйга чиқадиган эшикларигача Абайнинг ўзи қофозга чизиб, Айгеримнинг қўлига топшириб кетган эди.

Бесабр, шошма-шошар Боймагамбет, Абайнинг бамайлихотир юришига тоқат қилолмай, дам Абайдан олдин бошқа уйларга кириб, дам Абайнинг ёнига қайтиб келиб, чарх уриб юради. Абай ҳар бир хонанинг қай тахлитда кўтарилиганини, сувоғини, бўйини, энини, ўзи бериб кетган режасини эсига тушириб, ҳаёлан солиштириб келаётган эди. Боймагамбет олдин кириб кетган ҳар бир уйдан қайтиб чиқсан сайин:

— Абай оға, буёққа келинг! Ҳаммасидан ҳам мана бунисини кўринг! Шаҳар уйидан фарқи йўқ! Ости-усти тахтавонлик... Печкасини қаранг!..— деб, ичаги узилиб, мақтаб юрган уйларга келди. Бу уйларга келганда жуда курсанд бўлди.

Хоналарнинг ичида энг яхшиси — ўргадаги катта уй экан. Қадди баланд, кенг, ёруғ уй бўлипти. Бу уйнинг кираверишида узун, кенг даҳлиз. Орқа томонида шу даҳлиздан кирадиган ичкари уй. Ҳар уй ҳархил шаклда солинган. Энг катта уй тўртбурчак шаклида бўлса, ичкариги уй узун, кенг қилиб солинган. Абай блан Айгерим бу уйларни Дилда ва унинг болалари, меҳмон-изломи, болаларининг домласига атаб солдиришган. Бир нафасдан кейин Абай ўзи блан Айгеримга атаб солдирилган кичикроқ уйга чиқди. Абай, Айгеримга аталган уйнинг эшигини ҳалиги даҳлизга чиқадиган қилиб чизган эди. Айгерим у

¹ Қазы ислаш учун солинадиган мажус ҳужра.— Ред.

режани ўэгартириб, уйнинг эпигини бу томонга қаратмағ нариги томондан очдирипти-да, ўша томонга бир даҳли солдирипти.

Абай Айгерим киритган ўзгаришдан айб топмай, гўре ри тушунди. Ҳарнафас Диlldанинг кўз олдида кириб-чиقا веришдан тортиниб, бир қадар холироқ бўлай дега бўлса керак деб ўйлади. Унинг уйлари ҳам кўнгилдагиде кенг қилиб яхшилаб солинган экан. Абай Айгеримни тўрдаги уйида хийла вақт туриб қолди. Соғинган севикли ёр тўшагини кўз олдига келтириб, хаёлида кроватьни шу уйдаги печкадан юқорига ўрнатди. Қизғишиш кўк шойи чи милдиқ тортиб, ўз кўзидан ўзи яшириб қўйиб, узоқ вақт ўйланиб турди.

Ҳали ҳам тиним топмай, учиб кўниб юрган Боймағам бет чарх айланиб ҳовлини ҳам кўриб келди. Ўзи учун ва бошқа хизматдаги қўшнилар учун солинган уйларгачи бирма-бир кириб, уларни ҳам мақтаб келди. Абай энді унинг орқасидан юриб, ҳовлини ҳам шошилмасдан яхшилаб кўрди. Соя-салқин янги уйларда айланиб юриб, анча дам олди. Мол қўранинг эшиги алоҳида. Унинг олд томонида тuya қўра, узун қилиб солинган оғилхона бошқа-бошқа. Яна шу ерга ёндаштириб солинган иккита алоҳида қўра. Томнинг ҳар ер, ҳар еридан туйнук очиб солинган қўра — қўйхона экан. Катта эшик қурилган қўра отхона экан. Ез фаслида қистовга ташлаб кетиладиган буюмларни қўйиши учун солинган кенг омборнинг тепасини чодир қилиб, катта уйларга туташтириб солинипти.

Абай блан Боймағамбет туш оққунча ҳовли жойни айланиб, яхшилаб кўриб чиқишиди. Ҳали келишлари блан қудуқ бошидаги новдан сугориб, эгар-жабдуғини олиб, тушовлаб юборилган отлар йироқлаб кетипти. Абай ўша отларни олиб келиш учун Боймағамбетни юбораркан:

— Хайрли бўлсин! Сен блан мен бу жойларнинг қанча меҳнат ва қийинчилклар блан солинганини билганимиз ҳам йўқ, Боймағамбет! Бу уйларни бизнинг йўқлигинизни билдирмай, ҳормай-толмай солдириб қўйган Айгерим азамат десангчи! — деди.

Шундай деди-ю, уйнинг деворига суюниб, сояда ўтирган еридан ирғиб турди.

— Отни олиб кел, тезроқ уйга етайлик! — деди, Айгерим блан болаларини соғиниб кетганидан.

Боймағамбет ҳа деганда отни олиб келавермади. Тушов кенгроқ қилиб қўйилган экан, иккни от адирга чиқиб,

йироқлаб кетипти. Тоқати тоқ бўлиб бораётган Абай анча маҳтал бўлиб қолди. Айгеримни ўйлаганича, хуноб бўлиб, ҳамроҳини кутиб ўтирди...

Ёлғиз овул. Яйловга чиқмай, кимсасиз хилват дала — Эрали блан Ўйқудуқда қолган. Бу овул — ҳозир сарғайиб, ҳаёт сўниб, файзи кетган саҳрода, гўё унудилиб қолган бир бўлак ҳаётга, ҳаёт-тирикликнинг билинар-билинг мас аломатига ўхшарди. Атроф жимжит, мангуга сукут сақлаб ётган бепоён дала, сарғайган, ҳазон урган кимсасиз дашт. Мана шу бўм-бўш саҳронинг эртагидек, чин эртаги эмас, кўкимтири туманга чулғанган эртаги сингари ҳарорат ортган иссиқ кунларда лип-лип этиб, ёйнилиб бориб ўзгариб, тўлғониб ўйин тушив турадиган кўкимтири сароб кўринади. Ҳозир Абай ўз овулини тахминан ўша ерда бўлса керак деб, Ўйқудуқ даласига тикиларкан, ўша кўкимтири сароб алвон турланиб, унинг нигоҳи блан ўйнашарди. Сарғайиб ётгап далани «хилват, мудҳиш, бўм-бўш, дашти-биёбон» дейишга йўл қўймай, унга ҳаёт бахш этиб, турли-тумаи ажиб зотлар блан тўлдиради. Англаб бўлмайдиган — ажиб жон эгаларига тўла қилиб кўрсатади.. Сароб алдайди. Сароб — хаёл сингари. Йўқдан юпанч туғдириб алдайди. Гоҳ Эрали, Ўйқудуқлар, беҳисоб кўк гумбазлар қад кўтариб турган шаҳар блан тўлгандек бўлади. Гўё саройлар ўрнашгандек кўринади. Гоҳ бир тўп қорамтири нарсалар ердан узилиб бориб, кўк саҳнида муаллақ туриб ҳаёт кечира бошлайди. Гала-гала подаларми, тўп-тўп чанглаларми? Сочилиб ётган бениҳоят кўп хулёлар ўша йироқдаги кўкимтири туман ичиди дам у томонга, дам бу томонга югуришарди. Юз товланиб тўлғониб: «бүёққа, бүёққа» деб қўярда-қўймай чорлаётгандек, қаровчининг нигоҳини тортиб, уни ўзига мафтун этарди.

«Хаёл сингари, умидбахш сароб шу бўлса керак! Ушанинг кўзга кўринаётгап жилваси, дам ўтмай айниб, алвон турланиб, ўзига тортиши шу бўлса керак!» деб ўйлади Абай. Кимсасиз дашти-биёбонда ёлғиз қолган одамнинг ёлғизлигини эрмак қилиб, ўйнашаётган ўша юпанчиқни тамоша қиласди. Лекин бу гал ўша хаёлий олам ичиди, кимсасиз дашти-биёбонда ёлғиз овул бўлиб қолган — ўзининг кичкинагина овули, ундаги гўдаклэри. ёлғиз қолган гўзал ва ёш ёрини меҳрибонлик блан соғиниб эсга олди.

Бўй тортиб кетган филғон ўнг томонда эсаётган майин шабада остида тебраниб турарди. Кумуш тўлқи-

нидек ба'зан ялтираб, хиёл шувиллаб эшитилар-эшитилмае бир садо чиқаарди. Кўз илгар-илғамас даражада аста тўлқинланиб турган майда тўлқинга ўхшарди. Гўё бутун саҳро охори тўкилмаган оқ шойи парда остида ётгандек товланиб, оппоқ дengиз каби тинмай тўлқинланиб туради. Куз яқип бўлганидан филғон оқиш тусга кирган, эрмон сарғайгаи. Кўкламда яшил баргаклар чиқариб, кўк чечак отадиган дашт қуврайи ҳам қақшаб қиёғиши тусга кирган. Ўнгиб ўчган ранглари блан даври ўтиб бораётганини, сўниб бораётган ҳаёт ва умиднинг нақадар ҳолатдан кетганини кўрсатарди.

Узоқда кўқимтири тортиб, мук тушиб ётган Шўлоқ Терек адирি кўзга чалинарди. Ўйқудуқнинг шаҳар томонидаги, қорайиб чўзилиб ётган йўл ўтадиган оқиш узун довонлар: Қасқабулоқ, Шўлпон адирлари кўринарди. Бу ерларнинг ҳаммасида элсизлик... Улик оламдек унсизлик, ҳазон урганлик ҳукмрон эди. Абай ўз-ўзидан етимсираб, юраги увишиб кетди. Шу бепоён дун'ё, кимсасиз оламнинг сирларини ўйлаб кетсанг, киши мудом ёлғизлик ҳис этади. Ўша мудҳиш ёлғизлик Абайга шу ерда қаттиқ билинди. Юрагини санчиб кетгандай бўлди. Овулини, у ердагиларни аввалгидан ҳам кучлироқ қумсаб, зориқиб ўйлади-да, юришини жадаллатди.

Шу кайфиятда бораркан, Абай ўзининг аввалги бир-қанча оташин ҳисларидан хулоса чиқарди. «Шу сингари дашти-биёбон, кимсасиз саҳрони ватан, макон этган қозоқ халқининг аҳволи нақадар мусибатли? Мана шу эгасиз катта дун'ё ичida ҳарким ўз ҳолича, чор-ночор, ёлғиз-ёлғиз овул бўлиб ўтириши бу. Ҳозирги қозоқлар яшайдиган ерларнинг ҳаммасининг кўрининиши шу. Ҳаммасида эл оз, эгасизлик кўп. Муқим бир макон, маданиятли шаҳар йўқ. Олти ойлик дашти-биёбонда, мана шу чўли саҳрода, қурумсоқ хотиннинг кенг дастурхонга сочиб ташлаган бир ҳовуч бўғирсоғидек сочилиб ётган паноҳсиз эл...» деб ўйлади.

Абай Ўйқудуқдаги овулига қуёш ботмасдан хиёл олдин, салқин тушган пайтда етди. Овлуга яқинлаб келишганида, буларни таниб, олдиндан севинганича югуришиб болалар чиқишли. Қатталар эшик олдига чиқиб қарши олишиди.

Абай эшик олдида кутиб турган бир тўда одамларнинг ичida юрган Айгеримга қайта-қайта назар ташлади. Келиб, Абайнинг отини чилвиридан ушлагандаёқ,

Абайнинг назарида Айгерим бетоб одамга ўхшаб кўринди. Ранги-рўйини олдириб, озиб-тўзиб кетганга ўхшади. Бошқа вақтларда гулгун ёниб, ҳуснига ҳусн қўшиб турадиган нафис қизиллик ҳозир ўчиб кетгандай кўринди. Абай, олдидан югуришиб чиқсан Абиш, Гулбодонларнинг юзидан ўпид кўришди-да, Мағашни кўтариб олди. Айгеримдан туғилган, худди Айгеримнинг ўзига ўхшайдиган уч яшар ўғли Тулошни етаклаб олди.

Абай уй ичи, қариндош-уруғларнинг соғ-саломатлигини Дилдадан сўради-да, сўнг Айгерим блан сўрашди.

Абай ўз кўнглини асир этиб, соғинтирадиган латофатни Айгеримнинг чеҳрасидан тополмай ўтиради. Айгерим озиб, сўлиб қолгангина эмас, кўнглида оғир бир ранж ётган кишидек жуда ма'юс ҳам эди. Абай эшикдан бирга кирган Кишкене Мўлда, Дарқон, Башейларга ўхшаш, қўни-қўшнилар яна Дилда блан ҳол-аҳвол сўрашиб ўтиракан, дам ўтмай Айгеримнинг юзига назар соларди. Зеҳн солиб кўрса, Айгеримнинг юзи дам оқариб, дам кўкимтириб товланиб кетаётир. Ба'зан юзидаги қизғиши нури хиёлгина зеб бериб, гўзал чеҳрасига чиқардию, бир лаҳзада яна сўниб кетарди. Кейинчалик сўрашга Абайнинг сабри чидамади. Айгерим совуқ қотаётгандек бир қалтираб кетганда, Абай унинг кўзлари жиқ ёшга тўлиб турганини пайқади.

— Айгерим, буёқса қарачи! — деди.

Гарчи ўртада гап бўлмаса-да, бир-бирининг руҳий ҳолатини юракдан сезиб ўтиришган эди. Эрининг зийраклигини бир лаҳзада англаған Айгерим, ўша онда севгили ёрининг аввалгидек интизорлик чекканини пайқади. «Шуни сезганингга ҳам қувондим!» деяётгандек очиқ чирой блан боқиб, мулойимгина жилмайди.

— Нима дейсиз, Абай? — деди ялт этиб қараб.

Кўзларида тўхтаб турган ёш, ялт этиб қарashi блан гавҳар доналаридек думалаб кетди. Абай сесканиб, чўчиб тушди. Кайфи учиб ҳаяжон ичидаги хотинининг юзига тикилиб:

— Айгерим! Жоним, тобинг йўқми дейман! Сенга нима бўлди ўзи? Юзингда бирор томчи қон қолмаптику, қандай аҳволга тушиб қолгансан? — деди.

Икковининг ўртасида ўтирган Дилда дўриллаган дағал товуш блан олдин жавоб қилди.

— Тобинг йўқми эмиш? — деди кесатиб кулиб юбориб, — шукур. Ҳамманинг тани-жони соғ. Фақат ташвишдан соғ

эмас. Ҳали эшитарсан, бу дардларга ўзинг сабаб бўлдинг, биларсан, Абай!— деб яна кулди. Абайдан норози бўлиб ранжиганини, ҳамиша хонаси — пайти бўлар демай, шартта бетига айтаверадиган Дилда, ҳозир ҳам томдан тараша тушгандек, тарс этиб айтиб қўяқолди.

Уй ичидагилар Абайга анча катта гуноҳ ортишаётир. Семейда узоқ туриб қолгани учун айблашаётган кўринади. Абай сабр қилиб, дамини чиқармай қўяқолди-да, аёлларга қарамади.

Айгерим блан Абай ўртасида шу кунга қадар бирор оғиз кўнгил қоларлик гап ўтмаган эди. Ҳечқачон кўнгли бузилмас, ҳечқачон соф севгисига гард қўнмас, деб юрган ёрининг юрагига бу тикан қандай қадалди, қанча қийнади?

Бу гапларни Абай кўпчиликнинг олдида очишни истамади.

Болалари, хизматдаги қўни-қўшнилари блан овқат пишгунча унча-мунча суҳбатлашиб ўтирганида, гап фақат солингган қистов устида кетди.

Шу кеча тонг отгунча Абай блан Айгерим ухламади. Қайғули, дарди-аламга тўла тунни кечиришиди.

Айгеримнинг қалбига ранж ва рашк фоят қаттиқ ўрнашиб қолган эди. Абай блан ёлғиз қолган он, бир-икки оғиз гап блан, Монос келтирган хабардан сўнг юрагида пайдо бўлган жароҳатни очди. Бор вужудини ўртаётган рашк ўтида ёниб ўртанганича, ўқсиб-ўқсиб йигларкан:

— Айнидингиз! Бевафолик қилдингиз, Абай! Бу уйни баҳт-саодатимнинг олтин саройи дер эдингиз. Жонижаҳонимни ўртадингиз. Бу дардларга энди даво топилмас. Мен кўз ёшим блан бўламан. Уйингизнинг чироғи сўнди. Борлиғимни шу бедаво дард енгди. Қалбимдаги жароҳатларга даво, аламли дардимга шифо бўлгудек сўз топаолмайсиз. Яхшиси, оғиз очмай қўяқолинг!.. Менинг куним битди!— деди-ю, тўшак устида, Абайнинг оёқ томонида ўтириб олиб, қаддини кўтаролмай, бутун кечани йиглаб ўтказди.

Абай: «Моноснинг гапи беҳуда, ёлғон гап!» деб ўзини оқладиган сўзларни кўп қийналиб айтди. Бирнеча бор интилиб, Айгеримни бағрига босиб, шашқатор ёш оқаётган кўзларидан ўпса, кўз ёшларини ютса ҳам, севинкли ёрини юпатаолмади.

Айгеримнинг бу қадар кўнгли нозик, қаттиқ гина сақладиган одати борлигини авваллар сезмаган экан.

Энди қанчалик қийналмасин, уринмасин, юпатаолмаслигига кўзи етди. Эндиги ҳаётида суюнчиғидан айрилгандек, ич-ичидан зил кетди. Гўё бутун орзу-истаклари емирилиб, вайрон бўлаётган ҳаётини кўргандай бўлди. Шундай ҳаёлларга боришга юраги бетламай бўшашганича узоқ вақт ўйлаб қолди.

Оппоқ тонг отиб, ўтов устида бўзтўрғайлар чириллаб, алвон турли товуш чиқариб сайрайбошлади. Айгерим аввало хўп ме'ёрига етгунча йиғлаб, оғир дард тортаётган бемордай инграб, «ууҳҳ!» деб хўрсиниб юборди-да, сўнг қаттиқ озор топган кўнглининг аламларини тўкиб солди.

— Хотин шўрликнинг куни қурсин. Қурсинн-у, кул бўлиб кўкларга совурилсин! Йиғлашдан бошқа цима чораси бор? Фақат шу кеча тонг отгунча тинмай оқкан кўз ёшларим беҳудага кетмас деб қўрқаман. Шу кеча шу кўз ёшларим блан «қалбимдаги сизга бўлгак бор бебаҳо ҳисларимни, бор севгимни ювиб чайқаб ташладимми» деб, чўчиётиман. Назаримда на сизга, на ўзимга ачинмайдиганга ўхшайман. Айтмай илож йўқ. Сиздан на бирор ҳақиқатни, на бирор сирни яшириб кўрмаган эдим. Айтайн... Кўксимда на юрак, на аланга бор. Шу кунларда ҳаммаси сўнди-да, бир бўм-бўш оғулик ҳаёт қолди, холос. Ҳаммасини шу кўз ёшларим ювиб кетди! — деди.

Айгеримнинг тонг атгунча ёрилиб Абайга айтган гапи шу бўлди. Куйиб-ёниб ўтириб изҳор этаётган дардини у ўзининг эндиги маш'ум тақдири деб билар эди. Абай гўзал ва иродали ёрини бугун аввалгидан бошқачароқ таниди. Унинг ҳалиги айтган гаплари қат'ий ҳукм эди. Бу гаплар икковининг шу кунгача кечирган беғубор, баҳтли кунларига айтиётган алвидо' эди. Ёнбошлаб ётган Абайнинг кайфи учиб кетди, отилиб туриб Айгеримга тикилди-да:

— Сен нима дединг? Қайт бу гапингдан! Қайт бу хоҳишингдан! Ўтмишда ҳечқандай гуноҳим йўқ эди, ҳеч бўлмаса ўшани ая. Қелгуси кунларимиз порлоқ деб ишонаман, уни қурбон қилма. Бу тилинг блан баҳти-саодат йўлини кесма, қайт, ҳозир қайт! — деб ёпишиб ёлворди.

Айгерим тундиги ёпик турган уйга кирган кўкимтири тонг ёғудсида аввалгидан ҳам ранги ўчгандай, гезариб кетгандай кўринарди. Гўё мутлақо индамасликка қарор қилгандек Абайнинг ёлворишлирига жавоб қилмади.

Ўша жавоб бермаганича Абайни ўз тўшагида қолдириб, тонг отгунча мижжа қоқмай ўтириб чиқсан Айгерим ўрнидан сирғилиб пастга тушди-да, бошига яланг қават қора шойи камзилини ёпиниб, оқариб келаётган салқин тонгга юз тутди. Қалбини қора доғлар қоплаган қайғули ёр бошига қора шойи камзилини ташлаган куйича оқ уйдан чиқиб кетди.

Орадан кўп кунлар ўтди. Айгерим ўша кечадан сўнг, бир хилда, қаттиқ куйиб-ўртаниб, кўнгли совиб кетганича асти исимади қўйди. Абай бу ранж-аламни унинг кўнглидаи сра чиқараолмади. Икковининг ўртасига биринчи марта тушган бу совуқчилик кўтарилемади.

Абай учун Айгерим меҳрли ва қимматли ёр эди. Энди эса, ўртага туганмас дард, битмас жароҳат сингари бўлиб асти исимайдиган совуқчилик тушиб қолди. Аслида бу кўнгилсизликнинг тагида бошқа бировнинг хиёнати, бўхтони ётарди. У Дилданинг ҳаракати эди. Абай умрида биринчи марта ич-ичидан тутоқиб, қаттиқ ўқинди. Ўз хатосини, тузатиб бўлмайдиган хатосини энди англади. «Дилдани жўнатмай, биратўла ажралишиб, кўчиртириб юбормай туриб нега олдим, нега энди Айгеримни олдим-а...»

«...Бошқа кўп хотин олган, нодон, дағал, хиёнаткор эрларнинг қилмишидан менинг нимам ортиқ бўлди! Энди жазонгни торт! Ўз қўлинг блан ширин ҳаётга ўзинг оғу солдинг, энди жазонгни торт!..» деб хуноб бўларди.

Шу сингари кўнгли вайрон бўлган сайин Абай бир мунис, бир ҳамдард изларди.

Кечаю кундуз оғир сукутни бузмай, ёлғиз, сиқилганича китобдан бош кўтармас эди. Айгеримнинг ўтовида китоб кетидан китоб бошлаб, эндиги нафаси шу бўлиб қолгандек симириб ютаверди. Шаҳардан олиб келган китобларининг деярли ҳаммасини ўқиб бўлди. Сўнг Боймагамбетни икки марта шаҳарга юбориб, Кузъмичдан хуржун-хуржун китоблар олдириди.

Бу кунлар Абай учун кўнгил кузи бўлса, унинг кўнглига тортгандек табиатнинг ҳам ғамгин, салқин кузи келди. Эрали ва Ўйқудуқда ёғингарчилик бошланиб, тиниқ осмон тез-тез қора булутлар блан қопланиб турарди. Сари Орқадан эсган совуқ изғириндан узоқ кечаларда шудринг тушиб чиқадиган бўлди. Чинғизнинг ёнбағирларида, ораликларида қишлиб, ёз фаслини яйловда ўтказадиган беҳисоб эл, кўп огуллар куз фаслини ўтказнш учун

бу кунларда Абайнинг овули турган мана шу ерга келганды. Қунанбой овуллари ҳам Уйқудуқ, Қасқабулоқ, Оқшүкі сингари ўти мұл үтлоқлар, сувга сероб қудуқ ва булоқлар бұлған жойга келиб ғуж бўлишган диди. Ҳамма мана шу салқин куз кунларида молини тўйдирив, семиртириб олишнинг пайдаси.

Ез бўйи ёлғиз ўтирган Абай овулининг атрофига ҳозир беҳисоб овуллар кўчиб келди. Бир-бирига яқин қўнганды овуллар қуршаб олди. Зиёфатга, меҳмон-изломга юришлар қизиб кетди.

Фақат Абай блан Айгеримгина ҳечқаерга бормас, уйдан эшикка чиқмас диди. Китобдан бошини кўтармай, барчадан бегона бўлиб қолган Абайга бемаҳал тушган куз салқини эшикда ҳам, уйда ҳам баравар билинабошлади. Ба'зан кеч пайларида иши бўлмаса ҳам, мол оралаб келишни баҳона қилиб, отга миниб ёлғиз ўзи чиқиб кетарди. Бошини қаерга уришини билмай ёлғиз гангиг юриб-юриб, қайтиб келарди. Шу ёлғизликини гўё ўзига муносиб тақдирдек кўрарди. Гарчи оғир бўлса ҳам, кўниги қолган дардини тортаётганга ўхшар, кўпчилик ичига кириш ва гап-сўзларга аралашибдан шу ёлғизлигини афзал кўрарди.

Фақат, ба'зи кунларда қош қорайиб, қоронғи тушгунча эшикда: «Қани энди битта-яримта келиб қолса!» деб кимнингдир йўлига кўз тутаётгандай бўлиб юрарди. Шу кайфиятда юраркан, ба'зан ўзига ўзи:

— Шу менинг мудом кўз тутиб, кутаётган бир одамим борга ўхшайди-я... Назаримда худди ўша олдимга келади-ю, кўнглимни кўтариб, умидли, баҳтиёр кунларга етаклаб кетаётганга ўхшайди. У ким бўлиши мумкин? Мен кимни кутаёттирман? У фақат Айгерим бўлса керак диди-ку. Еки у яна менга кўнгил қўядими? Қайтадан очилиб-қувониб табассум ичидаги яна ўзини бағримга ташлайдими? — дер диди... — Эҳ, ким билади? Мен орзу қилаётган хәёлларга у яна қайтиб келадиганга ўхшамайди. Яна ким бор? Мен кимни кутаёттирман ўзи? — деб қўярди.— Ҳеч бўлмаса, Эрбўл келса диди. Шу сингари бошим ғамдан чиқмай қолган кунларда ҳеч бўлмаса қошимда ўша ҳам йўқ! — дер диди.

Қаттиқ боғланиб қолган дўстини куз кунларининг шундай ғамгин оқшомида жуда соғинаётганини сезди. Эрбўлнинг ўзи учун қанчалик қимматли эканини эндигина аниқ билгандек, аввалгидан ҳам қадри ортгандек бўл-

ди. Ўйлаб кўрса, Эрбўл блан иккови бирқанча йилларни неча ойлаб бир-биридан ажралмай, самимий дўстликка доғ туширмай, жуда ширин ўтказишган экан. Ҳаётнинг кўп иссиқ-совуқларини баҳам кўришиб, мардликни камо-йиши қилучи кўп довонлардан ҳам бирга ошишган экан. Икковининг ҳам то шу кунгача кечган умри худди йиртилмаган эндеқ бирга кечирилган умр экан. Сўнгги йилларгина бу икки дўстни шу кунлардагидек ёки қишида, ёки ёзда узоқ муддатга айирадиган бўлиб қолган эди.

Абай Айгеримни олган йилларда Эрбўл ҳам Дамелига уйланган эди. Унинг ҳам Тулош блан тенг Исмоғул деган ўғли бор эди. Зотан Абай Эрбўлнинг оиласи ҳақида дўстининг ўзидан кам ўйламас эди. Бир вақтлар Суюндик овулининг четидаги ўйлардан бўлган, соғарга сигир, минарга улов сўраб, қардошларнинг олдида бўйин эгиб юрадиган Эрбўлнинг қашшоқ оиласи айни замонда анчагина молга эга бўлиб, қаддини тиклаб олган. Бу кунларда Эрбўл Суюндик овулининг атрофида юрмайди. Абайнинг бу дўсти кўпчиликнинг ўртасида э'тиборли бўлиб қолган ва ўзининг камбағал қардошларидан 7 хонадоннинг бошини бириклириб, ўшаларнинг ўртасида бешқанотлик оқишроқ уйда яшайди. Соғиладиган моли ҳам, от-улови ҳам ўзига етарли. Бунинг устига Абай қошида ойлаб бирга юриб, ўзининг кичкинагина овулига қайтганда унча-мунча қора мол, қўй ва эчкиларни ҳайдаб келиб, хўжалигига қўшиб турарди.

Абайнин шунчалар соғинтираётган дўсти Эрбўл кўлчиликка эргашмай, ҳозир Қорашўқидаги қистовида қолиб, молининг қишлиқ личанини ғамлатиш, қистовини қишига ҳозирлаш блан овора эди. Абай дўстини қаттиқ соғинаётган бўлса ҳам, унинг тирикчилик ғамида майда-чуйда ишларни битириб юрганини яхши билар, шунинг учун ҳам сабр қилиб чидайверар эди. Агар ишларидан қутилгудек бўлса, Эрбўлнинг ўзи ҳам бирор кун чидаб туролмай, дарров етиб келишини яхши биларди.

Сўнгги кунларда Абай тез-тез уни эслаб тоқати-тоқ бўлиб, йўлига кўз тутаётганини гўё Эрбўл ҳам Чинғизда, узоқда тургаш жойида сезаётгандек бўлипти. Оғир сукунат босгаш уйда шам ёқилиб, Абай кундаги одати бўйича әндигина қўлига китоб олган ҳам эди, тўсатдан ўтовнинг эшиги очилди-да:

— Хайрли кеч! — деб, лоп этиб Эрбўл кириб келди. Абай қай алпозда ўрнидан турганини ўзи ҳам пайқамай

қолди. Отилиб бориб Эрбўлни қучоқлаб олганича, тўр-га бошлаб келаётib:

— Э, бормисан, келе! Сен бўлмасанг, ҳаво ҳам етил-маётгандек, дикки нафас бўлиб кетаман. Қани ўтири, ечин. Айгерим, кўрпача сол! — деб дўстининг атрофида парвона бўлиб, болалардек қувонди.

Эрбўлни кўриб Абайнинг шунчалик шодланиб учиб-қўшишидан Айгерим кулиб юборди. Бир нафас уларта қизиқиб қараб турди. Абайнинг ўртага совуқчилик тушмаган пайтлардаги муомалаларини хотирлади. Агар бир кун кўрмаса, худди шу зайлда шодлиги ичига сифмай қулоч ёзив кўришар эди. Уша аланга сўнмаган пайтларни кўз олдига келтириб, Абайга раҳми келди. Тўсатдан кўнгли исигандек бўлдию, яна сўнди.

Айгерим илгари ўзининг баҳтирида Эрбўлга ўз оиласидаги шодликни тўлдиручи, қувончга-кувопч қўшуви дўст деб қарап эди. Ҳозир кўнглида ғашлик туғилди. У, эр-хотин ўртасига тушган совуқчилик ва Абайнинг ўзга сирлари Эрбўл блан боғли эканини ўйлашдан келиб чиқди. «Менинг шўрим Салтанат» деб юрган Айгеримга бошига тушган кулфатнинг бир чеккаси Эрбўл орқали келгандек туюлди.

Одатда рашк енгган ёш юрак адолатсиз, инсофциз бўлади. Ба'зан жонидан азиз, бебаҳо ҳисларни ҳам арzon-гаровга бериб қўяқолади. Уша рашк қийнаётган Айгерим ҳозир Эрбўл блан бир-бирининг устида жонини фидо қилиб кўришаётгандарини ҳам Салтанат учун деб билди. Тили бир, сири бир бўлгани учун, деб тушунди.

Лекин Эрбўл шу кеч, Айгеримнинг ўзига ҳам, Абай блан буларнинг атрофидаги оқсоч хотинлар — овул одамларига ҳам бир шодлик олиб келди. Айгеримнинг уйида қимизга оғзи тегди-ю, хушчақчақлик блан ҳазил қилиб:

— Чойинг блан овқатингни боплайвер, Айгерим! Қорашўқидан саҳарда Дамелининг чойини ичиб чиққанимдан буён туз тотганим йўқ. Мен Диљдага кўрикиш бериб болаларнинг юзидан ўплиб келмасам, Олшинбойнинг қизи ёртагаёқ ўпкасини қўлтиқлаб юмма-талагани туради. Бориб кўришиб келай. Сен ҳам менга кўзингни кўп олайтираверма! — деб, Айгерим блан Абайни ҳам кулдириб юборди. Уз овулидек бўлиб кетган Абайнинг овулидаги ҳамма уйларга бир бошдап кириб, катталарга салом бериб, кўришиб чиқди-да, анча вақтдан кейин қайтиб келди.

Ўтириши бланоқ уйдагиларга бир янги хабарни айтди.
Эртага, Эсқўжа овулида тўй бўлар экан.

Киз узатилади. Шу атрофдаги бўйи етган қизлар ичидага ғоят эрка, гўзал ва тарбияли Умитей узатилар экан. Куёв — Кўкше овулидаги Қоратойнинг қариндоши, Олатойнинг ўғли — Дутбой деган йигит. Бутун Улжай ичидага усталиги, гўзаллиги ва одобилиги блан донг чиқарган Умитейнинг узатиладиган чори етипти. Абай овулидаги янгалар, тенгдош қизлар, ёру дўстларнинг ҳаммаси Эрбўл келтирган хабарни зўр қувонч блан қарши олишди.

Шу кеч бу огуллардан тўйга айтишга одам ҳам келиб қолди. Эртасига Айгерим бошлиқ бирқанча аёллар тўп-тўп бўлиб Эсқўжа овулига кетишди. Тушга яқин Эрбўл блан Боймагамбетни олиб Абай ҳам тўйга борди.

Абайлар аввало тўй келаётган огулнинг катта уйига кириб, Эсқўжага салом бериб: «Муборак бўлсин» деб, табриклашди. Ошни ҳам ўша уйда ейишди. Меҳмонларга атаб беҳисоб уйлар тикилган эди. Огули хўп безатилган экан. Эсқўжанинг уйида ўтирган Абай ва Эрбўллар, куёвлар ўтирган уйдаги базмда куйлаётган қиз-жувонларнинг нафис овозлари, куйлари, ўйин-кулгиларини эшишиб ўтиришган эди. Бир вақт эшикда тўсатдан шовқин-сурон кўтарилиб, бу уйда ўтирганларнинг диққатини жалб қилди.

Афтидан, эшикда ажойиб бир ҳангома бўлаётганга ўхшайди. Эшик олдидан югуришиб ўтаётган ёшлар ҳам кўринабошлиди. Болалар қий-чув кўтаришди. Ба’зибир ёши улғайган, ўрта яшар аёллар, эрқаклар ҳам бунга қизиқишаётир. Ҳовлиқиб югуришиб, барала:

- Ҳай, уни қаранглар, соллар келишаётир!
- Бу қандай шавкат-а?
- Қийимларига қаранг, қийимларига?!
- Ана униси сол оғаси... Ҳаммасининг қўлида укпар тақилган дўмбира. Бу бир ўзгача юриш экан-да.
- Киройи юрсанг шуларга ўхшаб юр! Эрка сол-серийлар шулар-да. Юришларини қаранг!
- Болалар ҳам қизиқишиб, товушларининг борича қичкиришиб:
 - Телпаклари ҳам худди савкеle¹га ўхшайди-я!

¹ Савкеle — узатилаётган қизга кийдириладиган, марварид кокиллар тақилган бош кийими. Ред.

лаётган йигитлар блан қизлар тұдаси яқинлашиб келганды, товушлари ҳам қүшилиб, күй яна ҳам янграб кетди. Үз тұпи блан Умитет ҳам «Жийирма бес»нинг нақаротига қүшилди. Шу нақаротни айтib бўлишлари блан икки томон аралашиб кетди. Йигитларнинг қўлтиғида келаётган оқ рўмолли жувонлар аста-секин сирғилиб чиқиб кейинги сафга ўтишди. Олдинги сафга, Бойтоснинг ёнига ҳам икки қиз ўтди. Бошқа солларнинг ҳам қўлтиғида биттадан нозанин, хушчақчақ қизлар келипмоқда.

Соллар овулга яқинлааб келишганда, уларнинг олдидан чопар бўлиб, яроғ-аслача таққан ясовуллари келишган эди. Улар анчадан буён овулни тұс-тұполон қилишаёттир. Куёв уйида ўтирган нозанин жувонларни салларнинг олдидан олиб чиққанлар ҳам шулар эди. Жувонлар келганды солларнинг ҳаммаси отдан тушиб, ҳалигидай шавқ-занқ блан пиёда куйлаб келишаётган эди.

Сони қирққа етадиган солларнинг олдидиа ўнтача ясовуллари бор. Этнида олабайроқ тұн, қўлларида йўғон ола қамчи, отармон-чопармонлари экан. Ҳозир соллар ўртадаги безатилган ўтовга қараб юз тутганды, ясовуллар йўл бўшатабошлайди. Қамчи ўйнатиб, болалар, катгалар демай, зирқиратиб, йўл очишмоқда. Тўйга келгандарнинг кўпчилиги солларни тамоша қилгани чиқишиган. Абайлар ҳам шу ерда эди. Куёв томонидан келган тўйбошиларидан тортиб, меҳмонларгача шу ерга йиғилишган. Лекин ясовуллар учун ҳозир ўз солларидан қадрлироқ меҳмон ҳам, улуғ ҳам йўқ эди.

— Пўшт! Пўшт!

— Қоч нари!

— Четроқ тур!

— Овлоқ! — дейишиб, қуми-тупроқдек мәҳмонларни икки томонга сидириб, ўтов бўсағасигача йўл очиб қўйишиди. Қатордан чиқиб сафни бузучилар кўринса, ясовулларнинг ранги ўчиб, қони қочиб ғазаб блан ўқрайишарди. Деярли ҳаммаси паҳлавон, саралаб олинган чапдаст йигитлар қамчи блан ба'зиларнинг оёғига, орқасига тасир-тусир савалаб юборишарди.

Лекин уларнинг дарғазаб бўлиб қилаётган дағ-дағасидан ҳалқ ранжимас эди. Қамчи еғанларнинг ҳам аксари кулгиликка олиб қочишар, кўнглига оғир олмас эди. Соллар тўпининг олдидиа — баланд бўлиб, қизғиши чўққи соқолли, хиёл қирғий бурун, сариз мағиздан келган Бойтос. Ү тамошабинларнинг биронтасига илтифот қилиб, қиё

боқмайди. Икки қиз икки томонидан елкасига қўл ташланган ҳолда келиб, уйга кириш олдидан Бойтос дўмбирасини яна бир дабдаба блан осмонга кўтарди. Бояги «Жийирма бес»ни, шу дамгача гўё яширин сирларини изҳор этаётгандек, дўмбирадан мунгли садо чиқариб куйлаб келаётган ўланчилар тўпи янграган овоз блан баравар кўтарниди. Қиз-жувонлар ҳам солларга қўшилишди. Соллар тўпининг энг орқасида келаётган қорасоқолли оға соллар ҳам қўшилишди. Бутун тўп ўландаги мана шу та'сирли нақаротни такрорлаганича, тантана блан астасекин қадам ташлаб келди.

Йўл очиб, икки томонга сидирилиб турган қуми-тупроқдек ҳалқ ичида сон-саноқсиз отлиқ тамошабинлар ҳам бор эди. Кўринишда ўзгача бўлган соллар, оддий ҳалқ ичида бамисоли чет вилоятдан келган бир тўп, бошқача одамларга ўхинарди. Амир блан Умитей бошқалардан олдинроққа, Бойтоснинг орқасига тушиб олган. Бу икковининг овози бошқаларнинг овозидан ўзгача эшитиларди. «Жийирма бес»ни бошлайдиганлар ҳам, янгратиб тўлқинлантириб бориб такрорладиганлар ҳам Амир блан Умитей. Соллар йўл бошлашни Бойтосга топширгани блан, куй бошлашда Амир блан Умитейга бўйсунишарди. Иккови ҳуснда ҳам, хулқи хушликда ҳам, бир-бирига мос тушган эди. Солларнинг тили блан айтганда: «тангри қўшгандек» қиз блан йигит мана шу ҳолида оддий, тотув дўстлардек эмас, «оҳ» деса ўпкаси кўрингудек бўлиб, эндинга топишган, эндинга баҳт-саодатга эришган жигар сўхталарга ўхшарди.

Камчат телпагига тақилган укпари, қимматбаҳо тошлиридан тортиб, кичкина бежирим оёқларидаги учи ингичка ихчам амиркон ковушигача ҳуснига ҳусн қўшган гўзал Умитей келмоқда. Унинг гулгун чеҳрасида тенгини топиб, ҳозир, шу оннинг ўзида баҳт бўсогасидан хатлагани келаётгандек шодлик жилваланар, шафақ қизиллиги ўйнарди.

Амир ҳам бошқа соллардан ўзгача. Унинг ҳам баланд ва келишган қадди-қоматига, сут блан сугоргандек оппоқ юзларига ҳаворанг шойи тўни жуда ярашган. Эчдигини сабз қилиб келаётган қолқора мўйловларининг ораси хиёл терчиган. Нурли юзлари, катта-катта кўзларида чексиз шодлик порлаб, Умитейнинг юзларига сифинаётгандек тикилганича келар, кўзларига ундан бошқа ҳечким кўринмас эди. Куйини ҳам фақат Умитейга бағишаёттир. Қизининг оппоқ тишлари хиёл кўриниб, шодлик наш'асини су-

раётгандек кулимсираб, ла'ли лаблари хиёл титраб турагди. У ҳам бир нафас кўзини олмай, Амирнинг юзига қиё боқиб, гул-гул ёниб келаётир.

Иккови ҳам бир-бирига борлиғи блан берилиб, жонини фидо қилгудек бўлиб келишар, шу онда яна бирор ҳаракатга мажоли келса, албатта жимгина ўпишиб, қотиб қолишган бўлишар эди. Севгининг дастлабки ҳароратли қучогида, кишини ихтиёридан айириб кетадиган алангали бўса бўларди, холос.

Эрбўл буларга қараб, дамини чиқармай кўздан кечириб борди.

Абай ҳам Эрбўл пайқаган кайфиятни сезиб қолди шекилли, аввал қизиқиб қараб турган одам, тўсатдан орқасига қайрилиб кетақолди. Эрбўл блан Боймагамбетни ташлаб ур-йиқит блан тамоша қилаётган одамлар ичидан сиргилиб четга чиқабошлади.

Броқ, отлиқ тамошабинлар блан пиёда турганларнинг авзойини пайқаб келаётган эди. Ҳамманинг оғзидан ҳайрон бўлиб айтилаётган бир хил гап чиқаётир. Бу гаплар Абайнинг қулоғига қисқа-қисқа, яримта-яримта бўлиб кираётир.

— Амир блан Умитейга нима бўлган ўзи? — деди бир кекса аёл ёнида турган эрига.

— Ну, Кўкшенинг тўйи эмас, Амир блан Умитейнинг тўйими! Бу қандай гап ўзи?! — деди бир мош-гурунч соқолли жигитек. Орқа томонида яна бирор:

— Жигаридан урган ошиқларга ўхшайди-ку булар! — деди.

— Киройи севсанг, шундай сев-да!

— Қўнгил узаолмаса қандоқ қиласин, ахир!

— Сир тутишнинг ҳам иложи бўлмапти! Ишқ ўти бир бало-да! Шўрликларнинг куни битиб, ҳижрон тунлари келаётир-ку! — деди орқада турган отлиқлардан бир Анет, гўё бир сирини айтаётгандек шивирлаб.

Абай мана бу эл-юртнинг маломатига қолган Амир блан Умитей учун ўнгайсизланиб кетди. Умитейни оладиган йигитни ўйлаб сиқилди. У йигит шулар блан тенгдош, э'тиборли, Абай ҳам ҳурмат қиласидиган йигит эди. Агар шу маломатлар унинг қулоғига етса, буларга ҳам, унга ҳам оғир бўлади-да! — деб, ич-ичидан хижолат тортиб борарди.

Абай шу кетганича тўйни ҳам, тамошани ҳам йиғишириб, куёв уйиннинг атрофини қуршаб турган одамларни

ҳам ташлаб кетди. Тўйга келганлар дув кўтарилиб, дастурхондан туришди. Отта минишиб, туғ кўтариб чиқишиди. Одат бўйича пойга бериб улоқ тортгани, от устида бўладиган ўйинларни ўтказгани кетишиди. Абай секингина отини топиб минди-ю, ёлғиз ўзи отини елдиргапича илиқиссигида жўнаб кетақолди.

Унинг кўз ўнгидаги ҳалиги чин ошиқ-ма'шуқ интизорларнинг сиймоси. Беҳисоб китобларда ўзи ўқиган амри қудрат ва тақдирдан ҳам устунроқ сиҳрли бир кучнинг алангаси кўринади... Ҳалити ўқтам ва гўзал ўланчи қиз блан сол йигитнинг юзида шу'ла сочиб турган интизорлик нури жилваланади. Кўзи юмуқ, кўнгли очиқ. Абай хаёлга чўмганича, боши оққан томонга қараб кетаверди. Илҳом жўш уриб, кўйга берилиб кетаётир. Унинг ақл ва идрокига бўйсунмайдиган, ёш ва эҳтиросли қалбнинг самимиятга тўла қудратли садоси сингари куйлар туғилаётир. Юракдан қайнаб чиқаётган сўзлар ўз-ўзидан куйга солиниб кетди...

Ошиқ тили — тилесиз тил,
Кўз блан кўр, қалбин бил,
Севишгап ёшлар янглишмас,
Майли инон, майли кул...

деб, тўсатдан пайдо бўлган сатрлар хаёлидан нари кетмайди. Ўзи-ўзини тўхтатаолмайди. Қайта-қайта куйлаганича, бирнече кун эл-юртдан узоқлашиб кетди.

Эсқўжа овулининг тўйи биринчи кун тўйдек бўлгани блан эртасига ёқ тўй эгаси Эсқўжа учун ҳам, Кўкше эли учун ҳам, қолаверса бир чеккада ётган Қунанбой учун ҳам сайл эмас, саргардонлик бўлиб тушди.

Амир, Умитейнинг қучоғида келиб, куёвга атаб безатилган уйга киргандан бошлаб, тўй-тамоша Дутбой блан Умитейнинг тўйи эмас, ўқтам, шўх ўланчи Амирнинг орзу ҳавасига айланиб кетди. «Мени ўзинг узат, ёнимда туриб куйинг, ўланларинг блан узат, деб Умитейнинг ўзи айтдириб юборган экан» деган миш-миш гаплар ҳам чиқиб қолди. Ундан кейин соллар келаётган пайтда, Абайнинг қулогига чалинган ўша ивир-шивир гаплар ҳам гўё шамол вақтида кетган ёнғин алангасидек лопиллаб, бирлаҳзада бутун яйловни тутиб кетди.

Бу тўйга фақат Иргизбой, Улжайларгина эмас, бошқа кўп эллардан ҳам одам келган эди. Эл яйловдан қайтиб, тоғ бағнрларига тушиб ўтирганида, мана бу Үйқудуқقا: Иргизбой, Қоработир, Анет эллари жойлашган бўлса,

Эралига: бутун Жигитеқ, Мамай, Бўкеншилар жойлашган эди. Тўйга уларгина эмас, турган жоий яқин бўлганидан қуда томон—Кўкше элидан ҳам кўплар пойгага от қўшиб, улоқда иштирок этиб, курашга солиш учун полвонларини олиб келишган эди. Уйқудуқдан кўриниб турадиган Шўлақтерак, Бўзамбой қудуғи, Оққудук — Кўкше элига қарашли қўнислар.

Шу элларнинг ҳаммаси Амир блан Умитейни маломатга қўйиб, кўпчиликнинг оғзига тушириб юборишиди. Иргизбойларда кеки бўлган ба’зи одамлар: «Амирнинг шу иши туфайли Иргизбойлар Кўкшенинг олдидага айбдор бўлиб қолса эди» деб кўз тутиб туришарди.

Уч кун ўтди. Куёвлар уйидаги базм кечаю-кундуз тўхтамай, ўйин-кулги авжига чиқаётир. Шу кунларда Амир блан Умитей бир нафас айрилишмади. Кўп вақтлардан буён куйламай дилгир бўлиб юрган ҳушхон Айгерим ҳач уч кечаю-уч кундуз куйлади. Қафасдан қутилган булбулдек хўп сайдади. Куёв Дутбой — Кўкше элининг орномусли, диёнатли, ақлли, гапи э’тиборли ёшларининг бирини эди. Эл ишини бошқаришда кўзга кўриниб келаётган ёш йигит, бу кунларда бешига тушган шу мушкул ишни ўзи учун оғир азоб деб билди.

Даставвал ўша миш-миш гапларни чиқарган куёв йўлдошлиарининг оғзига қоқиб, у гапларга хотима беришга уришиб кўрди. Уларни босиб қўйгандан кейин, жиддийлик блан Умитейга: «Соллардан айрилиб, ўзимиз холироқ ўтирасак қандай бўлади!» деб кўрди.

Узи Умитейни жуда яхши кўрарди. «Тўбуқти қизилинг оқ оҳусини, ҳаммадан ортигини олдим!» деб, мақтаниб юрарди. Узи ҳам ошиқлик дардидан бир нафас қутилаолмаган Дутбой Умитейни қаттиқ айбламас эди.

Лекин, унинг ҳалиги маслаҳатини Умитей қабул қилмади. «Мен эл-юртимдан айрилиш олдидаги хайрлашаштириман-ку. Ранжисанг ҳам илтимос қиласман, мени шу соллар блан ўтиришдан маҳрум қиласман!» деди. Умитей айтса, айниқса шу тахлитда айтса, кўндирамай қўймайди.

Дутбой ёш бўлса ҳам, одамнинг фе’лини бир қараща билидиган, кўп зийрак йигит эди. Яна ҳарқандай оғирликка чидаш бериб кетадиган, ўзини тутабиладиган ғоят бардошли, иродали йигит. Шу кунларда, у, Кўкше элидаги Қоратойнинг қариндошларидан чиқсан ёш мансабдорлар ичига жуда э’тиборлиги. Такежон, Аслбеклар қатори бу ҳам ўз элишинг ўткир, салмоқли одами бўлиб қолган.

Умитей илтимос қилгандая кейин, Дутбой, гарчи солларни ёқтириласа ҳам, тоқат қилди. Броқ бу тоқат уч кундан нарига бормади. Боришининг иложи ҳам йўқ эди. Кўпнинг оғзига тушиб кетган ивир-шивир маломат гаплар куёв йўлдошларининг деярли ҳаммасининг зардасини қайнатиб юборди. Амир блан Умитейнинг ўша сири ниҳоят Дутбойнинг ўзига ҳам ошкор бўлди. Бу иш охири хайрли бўлмаган тўйнинг учинчи куни, тоңг ғира-шира ёришиб келаётган бир пайтда рўй берди.

Утовлар орасида Умитейнинг қора камзилини бошлирга ёпиниб, Амир блан Умитей қучоқлашиб турган экан. Кўзларидан ёш тўкиб, ўпишиб турганларида, Дутбой келиб уларнинг бошидаги чопонни ўз қўли блан сидириб олди, кўзларидан ёш оқаётганини кўрди.

Уша ондаёқ куёв бутуи йўлдошларига буйруқ бериб, ўтлаб юрган отларнинг ҳаммасини олдинриб келди. Ҳатто бош қуда, кекса хотин қудага ҳам буйруқ қилиб: «Ҳозир отланинглар. Туз тотмасдан, ҳозир йўлга чиқ ҳамманг!» деди, қовоғидан қор ёғилиб.

Куёв бор йўлдошлари блан кун чиқар-чиқмас отга мишиб, Эсқўжа овулини ташлаб кетди. Ош-ошда, тўй-тўйда қолди. Бу иш қиз узатаётган овул учун ҳам, узатилаётган қиз учун ҳам ўлим эди. Ҳали олмаган қизни куёв талоқ қилди, ташлаб кетди деган гап-да, ахир!

Эсқўжа ўз овулидаги казо-казоларни йиғиб келиб, катта қудага, Жанатойга ёпишди: балони улғайтирма! Келиндан олдинроқ йўлга чиқдик деб қўяқолинглар. Арзиматан гап блан ўртамизга низо' туширамизми? Келинингизни бўлса, эл турган он ўтовини йиқитиб, катта-кичик бош бўлиб ўзимиз етказиб қўямиз,— дейишди.

Айтгандек, Кўкшелар жўнаши блан ўша куни чошгоҳ пайтида ўтов йиқитилиб, Умитей узатилди. Бахти-саодатининг туғи йиқилиб, шам'и сўниб, дилни вайрон қиласиган ғамгин куй блан алвидо' айтганича Амир кетди.

Айгерим ўша жанжал бўлишидан олдинроқ, кечга яқин ўз овулига кетган эди. Уч кун давомида ўйин-кулгига берилган, куйини топиб олган ёш сан'аткор аёл, кўпдан соғиниб юрган кунларига этишгандек, хўп яйраб-яшнаб келди. Кечки пайт ўз овулига келиб, икки от қўшилган енгил аравадан тушганда, Абай блан Эрбўл эшикда туришган эди.

Айгеримнинг оқи-оқ, қизили-қизил бўлиб, яшнаб кетгандек кўринарди. Орага совуқчилик тушмаган, ҳар кунни

ўйин-кулги блан ўтказадиган чоғидагиң түрлүүлүгүнүүштүрүп кетипти. Кийим-кечакларини ёнидаги Злиҳадан берилген юборди-да, ўзи одатдаги латиф ҳаракатлар блан Абай-ларнинг ёнига келиб, овулдагиларнинг эсон-омонлигини сүради. Абай қувониб, Айгеримнинг юзига ҳайрон бўлиб қараб турди-да, уни бошлакча бир ҳазил блан қарши олди.

— Эрбўл, Айгеримнинг юзига қараби, қачонлардан бери соғинган ўланларини хўп куйлаб, яшиаб кетиптими, а?— деди.

Эрбўл ҳам хурсанд бўлиб:

— Шуни айт, биринчн ёқсан қорга ағанаб турган қизил тулкидек жуни ҳиллпиллаб қолипти-ку!— деб, Айгеримнинг ўзини ҳам кулдириб юборди.

— Ўзи куйлаб, ўзи эшиксин деган экансиз-да. Ташлаб кетиб, энди эрмак қилиш учун жўрттага олдимдан чиқиб турган экансиз-да!— деди.

Лекин бундай гап Абайнинг кўнглида ҳам йўқ эди.

— Айбситайлик деб турганимиз йўқ азизим, хурсанд бўлганимиздан қараб турибмиз! Аслида куй учун яратилган эдинг, броқ биз бошингга қаллоқ, оғенингга боғ боллаб, қўлларингни банди қилиб юрибмиз-да. Куйлаб анча қаддингни ростлаб олибсан. Кўринишингдан кўз қувонади. Шамол бўлаётганда тобига келтириб туриб, қушга солинган қарчиғай кўкка кўтарилиб кетиб, осмонда ўйин тушиб келганда қандай бўлар эди? Чақирсанг, ҳа деганда келақолмай, қўлга қўнмай, ётсираб туради. Кўк саҳнидаги озодликни кумсаф юриб, унинг лаззатини бироз тотиб қолгандан кейин, қайтиб тутқунга тушибга бўйни ёр бермай қийиғлик қиласр эди-ку. Айгерим ҳам ўшанга ўхшаб туриптими? Кўзимга худди ўз жинсини топиб қайтганга ўхшаб кўринаётир. Ҳақиқатда ҳам шундай эмасми? Қани, ўзинг айтчи Айгерим?— деди.

Шу сингари тўсатдан айтилган бу ўзгача ўхшатишга учкови кулиб туришган бўлса ҳам Айгерим бироз ўнғай-сизланиб кетди. Қизариниб кетганича мулойимгина жилмайиб туриб, Абайнинг гапидан ранжигандек:

— Сиз билмайдиган куйим борми эди? Нимани аяган эдик? биттангиз «тулки» деб, биттангиз «қарчиғай» деб ҳазил қилаётисиз. Озод қушми? Еки умри синовда ўтаетган, нуқсонлари битмас мунглими? Қим билади!— деди-да, ранги ўчиғираб, хомуш тортганича қошларни чимириб уйга кириб кетди.

Умитей узатиладиган куни Эсқўжа овулида содир бўлган уятли воқиа осоилик блан битмади.

Кўкшелар жўнаши блан Умитей Ўйқудуқдан узатилиб Кўкшега кетганда, алвидо' айтиб куйлаганича бошқа томонга кетган Амир блан жўраларн гўзал Умитейдан кўнгил узишаолмади. Амир халқнинг гапларига парво қиласидиган эмас. Айниқса унинг бугунги дарди, айрилиқ дарди парво қилишга қўймас ҳам эди. Эсқўжа овулидан йироқлашиб, барча соллар бир ерга тўпланиб туришганларида, отининг ёлини қучоқлаб, қаддини кўтаролмай қолган Амирнинг аҳволини кўриб, Умитейни ёлғиз юбормасликка қарор қилишди.

— Уни Кўкшега қудалик қўшган бўлса, мени худонинг қудрати қўшган. Бу ёшлик — бебошлик эмас. Тақдиримда бўлган ишқ ўти. Менга Умитейсиз кун ҳам йўқ, ҳаёт ҳам йўқ. Қани ҳамманг отнинг бошини Кўкше томон бур! Умитейнинг кўчини қувиб ет,— деб дўстларига Амирнинг ўзи буйруқ берди.

Амирнинг дўстлари орасида ёш ҳаваскор ўланчи шоирлардан Мұҳаммеджон деган қипқизил нордек, қўй кўзли, гўзал бир йигит ҳам бор эди. Ўша Мұҳаммеджон Амир блан Умитейнинг бошига тушган бу жудолик дардига бошқа йигитларнинг ҳаммасидан кўра кўпроқ куяётган эди. Эди Амирнинг ҳалигидек тўсатдан ғайратга кириб кетганини кўриб, шодлиги ичига сифмай қулиб юборди да:

— Қани бўлмаса, шу оннинг куйини бундай деб куйлайлик, йигитлар! Қулоқ солинг! — деб, тиниқ овоз блан куйлаб юборди.

Унинг куйидаги энг та'сирли ери — сўзлари эди. У ҳозирнинг ўзида Амир номидан ше'р тўқиб:

Серянинг силкинишга кўнгли уйғонла,
Ўйладим бошлайин деб галәённи,
Кетдику ёрим олис, йўлдошларим,
Ҳайда-чи қамиш қулоқ бўз қўснин! —

деди.

Амир бошлиқ солларнинг ҳаммаси шу ўланни куйлаганича от қўйиб кетишиди.

Булутдек оппоқ отларга минган, қизил, яшил кийим кийган шўх, ўйноқи йигитларнинг нияти ўзгарди. От қўйганича кун чиқиш томонда қорамтири-кўкиш товланиб, бепоён саҳродаги уфқни қуршаб ётган тепаликка қараб йўл олишди. Умитейнинг кўчи — безатилган ўтовларни

ўнтача туяга ортган, яна бирқанча отлиқ эркақ вай аёллар
қуршаб кетаётган күч. От күйиб бораётган соллар сарғы-
йиб, қожираб ётган саҳрода Шұлақтерекка қараб кета-
ётган бир түп одамларни дарров кўришди. Биридан бирин
ўзининг уриниб, отнинг бошини қўйиб берганича, қизнинг
кўчи Кўжеш манзилига яқинлашиб қолган пайтда қувиб
етишиди.

Умитей куёвнинг газабланиб, тўсатдан кетганини бил-
са ҳам, парво қилмади. Уз овулида ҳечкимдан тортишмай,
Амир блан қучоқлашиб, анчагача йиғлаб кўришиб, аж-
ралганича от устида қаддини кўтариб ололмай ҳали ҳам
ёш тўкиб келаётган эди. Жонидан азиз интизори — Амири
қолган томонга йиғидан қизарган нурли, мунгли кўзлари-
ни қайта-қайта тикиб келаётган эди. Орқадан чопиб кела-
ётганларни катталар йироқдан билишаолмади. Эскўжа
блан Изиқутти бир-бирига:

— Нега от қўйиб, чопишиб юришипти?

— Қаердан келиб қолишиди? — дейишиди. Умитей улар-
ни кўрган он ўзининг жуда келишган, ёли ипакдек қора-
йўрга отининг бошини қайирди-ю, тўхтаб қолди. Бир тўп
бўлиб келаётган йигитлар Амирнинг жўралари эканли-
гини юраги ўша ондаёқ сезган эди. Ели, думи қора, ўзи
тўқ сариқ отга мингани Амир, оқ отлиқ ҳамроҳларининг
олдида — ўқ бўйи ўзиб келаёттир. Етиб келган он йиғла-
ганича Умитейни қучоғига олиб, от устида бағрига бос-
ганича, унинг ёшлиқ кўзларидан ўпиб, ўкраб-ўкраб йиғ-
лади.

Орқадагилар ҳам буларнинг ёнига етиб келиб, гўё
икки ошиққа отлари блан ўзлари жонли ўтов тиккандек,
қуршаб олишиди. Ўртага олиб туриб, бир вақтлар Биржон
қолдириб кетган айрилиқ куйини — «Қўзи кўш»ни бош-
лашди. Оғир, мунгли қилиб бошлаб, қўшилиб айтиб, шу
дамни ёоят қайғули ва ғамгин бир маросимга айланти-
риб юборишиди.

Э-е-еӣ! Бўз бола-еӣ!
Ўтдинку замон-еӣ,
Хўш бўл омон! —

деб такрорлашарди.

Унга сайнин Амир блан Умитейнинг юрак-бағри эзилар-
ди. Айрилишаолмай бир-бирига чирмашиб қучоқлашарди.
Шу чақ кўчнинг олдига тушиб кетишаётган Эскўжа блан
Изиқутти орқага қайтиб, чопганларича шиддат блан етиб

келишди. Икки ёшнинг атрофини қуршаб турган соллар қаторини бузиб, ўртага киришди-да, баравар ҳайқириб:

— Бўлди! Бўлгандир энди! Етадиган ниятингга етдинг-ку!

— Тўхта, бас қил энди, Амир! қайт орқангга, хайрлашиб бўлгандирсан! — дейишди. Сўнгги буйруқни Иэнқутти ғазаб блан айтди-ю, қора йўрға отнинг сувлиғидан олиб тортиб кетди.

Амирнинг қучоғидан ноилож ситилиб кетаётган Умитей:

— Амир, жоним, қолма! Олиб бориб ташла! Уша азоб-уқубат ўтига ўз қўлинг блан олиб бориб ташла мени! Элим-юртим солаётган ўтга! Юр ҳамманг! — деди барча солларга қараб, ранги қўкарған, кўз ёшларини ҳам тийиб олган ҳолда, ғазаб блан ғайратига чидамай.

— Кўраман ҳали. Сенинг йўлингга ғов бўлиб кўрсин-чи!—деб, орқасидаги тўқ сариқ отнинг сувлиғидан олиб, ўзи етаклаб кетди. Шу бўлди-ю, Амир тепиниб келиб, қаторлашиши блан Умитейнинг матол бслидан қаттиқ қисиб қучоқлаб, пешонасидан ўпди.

— Ўзим ўргилай, тўлии ойим! Сен ойим ботгунча менинг нафасим тўхтасин. Мен бетоли'ни олдинга олсин. Юринглар, борганим бўлсин! — деди. Эскўжа блан Изиқуттининг дағдағалари, ўшқиришларини писанд қилмади.

Шўлақтсерекнинг пасти-баландини эгаллаган беҳисоб овуллар Олатой, Қоратойларнинг овуллари эди. Уша ерга кетишиди. Соллар тўли Умитейни қуршаб, ер юзининг бебаҳо гавҳаридек қадрлаб олиб кетишимоқда. Қазо-казолар, катта қудалар бир тўп бўлиб олдинроқ кетишиди. Соллар Умитей блан кетаётган қиз-жувонлар тўпини тўлдириб, унинг ёнидан бир қариҷ наринга кетишмади.

Олдин бориб, Олатойнинг катта уйи ёнига тикилган Умитейнинг саккиз ҳанотли ўтовига келин тушди. Келин олдиндан олиб чиқилган чимилдиқ остида пиёда кетаётганида бир томонидан Амир, бир томонидан Бойтос суяб келиб, уйга бирга киришди. Аввалгидек, тап тортмай, эркинлик блан кириб боришиди.

Шўлақтсерекдаги ҳалқ келиннинг бу тахлитда келишига ғаши келиб ёмон кўрди. Бу элнинг катта даргоҳи, эллик фазилати оёқости бўлгандек ғижиниб, энсалари қотиб қарши олишди. Аммо ташқаридагиларнинг норозилиги Умитей ўтовиннинг бўсагасидан хатлаб ичкарига

кираолмади. Кўкше элиниңг ўйин-кулгига ҳозирланиб турган қиз-қирқини, ёш-яланглари, ишон-ихтиёр қўлида бўлган шаддот хотинлар Умитейнинг савкелелик бошидан чочиқлар сочиб, яхши тилаклар тилаб қабул қиласевришиди.

Умитейни халқ олдида шарманда қилдирмай шу зайлда қабул қилдирган Кўкше элиниңг катталари змас. Огул эгаси, қайнатаси бўлмиш Олатой ҳам эмас. Эндиликда ҳечкимга маслаҳат солмай, бу ишларни мардлик блан кўтариб кетишга қарор қилган, тишини-тишига қўйиб, чидаётган иродали куёв Дутбойнинг ўзи эди.

Броқ, ўша куни кечга яқин Дутбой мәҳмонларни эслек ва шаддот онасига топширди-ю, ўзи отга минди. Кўкше элиниңг кекса бошлиғи, ўзининг яқин оғаси бўлган Қоратойнинг уйига етиб борди.

Дутбой уйни бошқалардан холи қилдириб, кекса оғасининг ёлғиз ўзини олиб ўтириб, Амирдан етган озор ва хўрликни батафсил айтиб берди.

— Қунанбойга бориб, бор можаро, бор дардни ўз оғзиш блан етказ. Мана бу бебошлиқни тийдир. Бўлмаса, Кўкше блан Иргизбойнинг ораси бузилиб, тўс-тўйполон, вайрон бўлди, дейверсин! — деди.

Қоратой, Кўкше элиниңг бошлиғи бўлиб юриб, Тўбуқтининг устуни бўлган Улжайга қарши мана шу йигитдек тап тортмай ташланишга интилган Кўкше ёшини кўрмаган эди. Кўркам, оқ юзли, кенг пешонали, кўзлари сарғиши, зўр гавдали ёш Дутбой ҳозир Қоратойнинг кўзига ўзини ўтга уришга мўлжаллаётган шунқорга ўҳшаб кўринди. Ундаги уруғ, урон номуси, кекса бошлиқнинг хаёлини нечаёққа слиб кетди. У мана бу йигитнинг ғазаб устида саботи ва ақлини баравар ишга солабилишини кўриб, жуда мамнун бўлди. Кўнглидан: «Мендан кейин Кўкше элига бош бўладиган ўғил туғилган бўлса, сен бўларсан!» деган гап ўтди.

Бу қаттиқ ранжитадиган гап Қоратойнинг ҳам кекса қўнглида жирканч ва ғазаб қўзғотди. Дутбойнинг гапларини батафсил эшишиб бўлиб, унинг юзига бақрайиб қараганича бироз ўйланиб турди-да:

— Айт, отимни олиб келсин! Тур! Енимга беш кишини. қўш! Ҳозир Қунанбойнинг олдига бораман! — деди.

Кечаси эл ётар пайтда, Ўйқудуқдаги Иргизбой озулларидан бўлинниб кетиб, Қўруқда ёлғиз ўтирган Нурғонимнинг овулига Қоратойлар етиб келишди. Қунанбой

ҳам Қўруқнинг шу ерига Нурғоним блан ўзига атаб тоқиравоқ солдираётган эди. Қўкламда Үспоннинг сув бермай қилган дағдағасини бир кўрган Нурғоним өз бўйи Қунанбойга илтижо қилиб, шу Қўруқда ўзларига атаб бошқа қўра солдириб, ўзга кундошларнинг ва уларнинг балоғатга етган қаззоб ўғилларининг кўзидан нарироқ бўлишини истаганлигини билдирган эди.

Кексайиб қолган Қунанбойнинг ўзи ҳам тинчлигини кўзлаб, холироқ бир ерда туришни орзу қиласр эди. Шундай қилиб, эл тоғ этакларига тушадиган пайтда, тез кўчиб, эртароқ Қўруққа келиб, кўп йигитларнинг кучи блан озгина вақт ичиди Нурғонимга атаб, кичикроқ қистов, ҳовли-жой солдираётган эди. Ҳозир кекса ҳожи ўша қўрасининг иссиқроқ бир бурчагига тиқилиб, ўлимдек сокин ва тинч ҳаётини бузмай ётган эди.

Қўпчилик ётиб қолган овулдаги итларни хуружга келтирган отлиқларни ҳали чироғини ўчирмай ўтирган Қунанбой блан Нурғоним: «Ёт элнинг одами!» деб ўйлашиб.

Бўлмаса, бу атрофдаги қардошлар, ёру биродарлар тун кечада эмас, кундуз ҳам Қунанбойнинг чимилдиғи туширилган, йиллаб ётган бемордек ғамгин овулига келишмас эди. Унинг уйи келган одамни диққинафас қилиб, юрагини қон қилиб юборар эди.

Уйга Қоратой бошлиқ Қўкшелар кирганда, Қунанбойнинг оёқ томонида чимилдиқдан гавдасининг ярми чиқиб ўтирган Нурғоним чимилдиқнинг ичитга қараб Қунанбойга астагина:

— Қоратой экан! — деди.

Устма-уст тираб қўйилган ёстиқларга суюниб, бошини қуи солиб тасбиҳ ўгириб ўтирган Қунанбой, сапчиб бошини кўтарди-да, қошларини кериб, тик қаради. Шундан бир нафас олдин юзида акс этиб турган тавбага, тоатибодатга мойилликни бир силкинишда сидириб согандек бўлди. Меҳмонлар тўрга чиқиб ўтирас-ўтирмағ, кун бўйи тушириғлик турган чимилдиқни ўз қўли блан юлқиб очиб юборди. Салом алилка ҳам тили келмай қолди. Кўпдан ўти сўнгаш, ранги ҳам ўнги хиракашиб қолган ягона кўзи яна чўғдек ялтираб кетди-ю, Қоратойнинг юзига ўқдек қадалди қолди.

Тенгдошининг юзига ғамгин ва совуқ назар ташланган Қоратой, сўнгги ўн йил мобайнинда унинг бунчалик газабланганини кўрмаган эди. Назарида, ухлаб ётган кекса йиртқичнинг устига ўзи қулаб тушиб, чўчитиб уй-

ғотгандек бўлди. Унинг кўп йиллар давомида сўниб ётган ғазаб ўтини туташтириб юборгандек туюлди.

Тўшакдан пастроққа қўйилган шам'нинг шу'ласи Қунанбойнинг чатнаб косасидан чиқиб бораётган ягона кўзига тушганда, қизғиши шу'ла лопиллаб ёниб турарди. Бу кўзларда ҳайиқиши асари кўринмайди. Унинг бу қарашида бир фалокатни сезганлик, олишишга ҳам, мудофаага ҳам тайёрлик, ғазаб ва жаҳолат акс этиб турарди.

Қунанбой, шу йўсун бемаҳалда келишининг сабабини сезиб, ич-ичидан тутақиб бораётган эди. Кеча Эскўжанинг тўйидан келаётган Ойғиз йўлакай кириб, бор гапни эрига айтиб кеттган эди. Қоработир элидан бўлган Эскўжа Ойғизнинг яқин қариндоши эди. Умитей бўлса унинг синглиси қатори нарса. Ойғиз ўша қариндошларининг тўйидан койиб, жаҳли чиқиб келган эди. Ўйга кетаётганида: «солларни нега тиймадинг, нега бу жин ўйинини қилдирдинг», деб Эскўжадан хўп койиган эди. Шунда Эскўжа Қунанбойга бориб айт деб, ўша соллар ҳақида қаттиқ-қаттиқ гапларни айтиб юборгаи эди. Яна Амир Қунанбойнинг набираси бўлгани учун ўшанинг юз-хотирини қилиб ҳайдаб юбораолмаганини ҳам арз қилган эди.

— Ўланинг блан олифталигинг қурғурлар. Сол эмас, у менга келган ажал! — деди. Умрида ашула, ўланнинг нималигини билмаган, севмаган, ҳиссиятдан маҳрум нодон бой, ёшларнинг сан'атини эл бошига келган фалокат деб атаган эди.

Ойғиз бу гапларни оқизмай-томизмай Қунанбойга етказиб, ўзи ҳам солларни хўп ёмонлаб келган эди. «Тиядиган киши йўқ деб юришипти ҳали булар. Сен йўқлигингда ҳам овулмизни оёқ ости қилиб, бошимизга чиқиб, хўп ўйнашган. Ҳали кўзинг юмилмайтуриб, бу эл жин ўйноғига тушди-ку!» деб, газариб ўтириб бор ала-мини тўкиб соглан эди.

Ойғизнинг гаплари ҳожининг эсига тушди. Қунанбойнинг ягона кўзи аввало Қоратойга қадалди. Дам ўтмай унинг нарёғида ўтирган Дутбойнинг отаси Олатойга, сўнгра ундан нарироқда ўтирган Қўкшенинг энг катта бойи Бўзенбойга тикилди. Булардан пастроқдаги уч киши, мана бу Кўкше элининг бошлиғи бўлган уч кишининг йигити бўлса керак. Уларга назар ҳам солмади.

Бутун Кўкше номидан Қунанбойдан гап олгали келишипти. Буларнинг юзларини шунчалик сидириб ташлаб

кечалаб келишлари Тўбуқти ичидаги рўй берай деб турган каттакон бир фалокатнинг келиши эди. Ажал блан қазонинг келиши эди. Қунанбой ўзи силтаб очган чимиликни даҳшатли чаңгалида гижимлаб ўтирганича, аввал Қоратойга қараб гап бошлади.

— Сени қандай довул қувиб келди? Қандай қазо келтирдинг? Айт тезроқ!— деди.

Ғазабдан ёрилгудек бўлиб келган Қоратой, Қунанбойга қаҳри-захрини сочиб гапирди. Бир-бирининг авзойини, юзини бир қарашда биладиган ошналар шу кеча шундай завол вақтида учрашганларида аяшни йигиштириб қўйғандек кўринишарди. Қунаибонинг кўзи ҳалигидек ўт сочиб Қоратойга қадалгана: «Бу асти аямайдиган бир оғир иш блан келди» деб тушунган эди. «Аядиган киши бу тахлитда келмаслиги керак» деб, кўнглидан ўтказганди.

Ҳожининг кўнглидан шундай гап ўтганини Қоратой ўша он фаҳмлади. Ҳали қошқорайган пайтда ўзини шунчалик тутоқтирган бор ғазаб ва аламни аямасдан Қунаибонинг устига улоқтириб юборди.

Умитей, Амир, Дутбойнинг ўртасидаги можарони ўша ондаёқ аямай тўкиб солди.

— Орадан «соллик» деган «бузуклар», «иблис, жин» чиқди,—деди. Уларни озган замонанинг азозиллари, шумлик нишонаси, деб алоҳида уқдириб ўтди.— Бу мудҳиш иш шу атрофдаги элларнинг ҳаммасига ма’лум бўлди,— деди.— Мана мен деб турган шармандалик, ўз номини куй қўйипти, сан’ат қўйипти. Бутун ёшларни қизиқтириб ўзига тортиб келаётир. Қизил, яшил кийим кийиб, бошига ҳилпиллатиб укпар тақиб ўйноқлаб ўлан айтиб, овулининг тўрида юришипти,— деди. Ачитиб-ачитиб бутун арзи-додини қисқача айтиб келди да, ниҳоят:

— Ўз бошимда ўйин тупса кўтарар эдим. Арвоҳларимнинг гўрида, ўшаларнинг бошида ўйин тушди. Улар чоғимизда сен блан менинг юзимизга тамға босилди. Сени аяганим блан айтмай тоқат қилолмадим. Бошика кимга ҳам айтаман бу дардларни! Қайси бир итга бориб арз қиласман? Остин-устун бўлган замоннинг қайси бир муттаҳамига суннаман! Мана бу ўзили унугиб, ҳаддиндан ошаётганларингни тийиб қўй. Менга ҳам, уларга ҳам айтадиган ҳукмингни ўзинг айт!— деди.

Бошқа гапнинг ҳожати йўқ эди. Бирордан кейин Қунаибонинг буйруғи блан Нургоним капага дастурхон

ясатиб, мәҳмоналарни ўшаёққа олиб ўтди. Қунанбой ўз овулидаги бирқанча йигитларнинг ичидан Нурғонимнинг акаси Қенжақонни чақиритириб олиб, шошилинч буйруқ берди.

— Қўш от блан чопганингча бориб, Шўлақтерекдаги Олатой овулида ётган Изиқуттига шу буйруқни етказ!— деди.— Амирни олсин-да, етаклаганича кун чиқмасдан олдимга етказсин! Қелмайдиган бўлса, оёқ-қўлини боғлаб, савалаб олиб келсин!— деди.

Юз тузилишлари Нурғонимга ўхшаб кетадиган, қипқизил кулча юзли барваста Қенжақон, ҳечкимдан тап тортмайдиган полвон, довюрак йигитлардан эди. У Қунанбойнинг ғазабли сўзларини ўзига сингдириб олаётгандек борлиги блан қулоқ солди.

Чимилдиқнинг четини чангалида гижимлаганича ўтириб қолган Қунанбой, кеча тонг отгунча мижжа қоқмай, жони йўқ, тошдан ясалган ҳайкаллек ҳаракатсиз ўтириб чиқди. Бу кунларда кўпайган қингир-қийшиқ ажиллари, ловиллаб бораётган ғазабини ичига йигиб яна ҳам чуқурлашиб, тош-метиндек қотиб қолғанича ёзилмади.

Тонг оппоқ отган эди. Куз куни бепоён сур дала оқиш тортган адирлар устига қондек қизил шу'ла сочиб, қипқизил шафақ отди. Шу он қаҳрига олиб турган чолнинг уйига Изиқутти блан Амир кириб келди. Ёш йигитнинг рангida қон қолмаган, икки лупжи ичига ботиб, юзлари анча сўлиб қолган эди.

Қунанбой кўпдан буён бу набирасини кўрмаган эди. Қовоғидан қор ёғилиб, индамасдан икки қўлини Амирга томон чўзиб:

— Олдимга кел!— деяётгандек ишора қилди.

Амир тумоғи блан қамчииини ташлаб, бобосининг қошига келиб, тиз чўккан он, тонг отгунча чимилдиқни гижимлаб чиқкан узун-узун совуқ панжалар ёш йигитнинг томоғига чанг солиб, халқумидан хип бўғиб олди. Чолнинг қўли ҳали ҳам кекса йиртқич чангалидек бақувват экан. Темир ҳалқадек сиқиб томоғидан бўққанича ўзига томон тортиб, силкитиб қийнаркан, бўшатмади. Ҳадемай йигитнинг нафаси қайтиб, кўмкўк кўкариб, ҳушидан кетиб қолди. Шунда ҳам тэмир чангал бўшамади. Бўғилиб, узилиб бораётган йигит хириллаб, энди бутунлай ўзидан кетди-да, чолнинг олдига чалқасидан шилқ этиб тувиди. Қунанбой чўкка тушиб олиб бўққанича, яна бир нафас турса, ўлдириб қўяқолар эди.

— Бу нима қилганинг? Ит бўлса ҳам ўз наслинг эди-ку!— деб Изикутти ирғиб Қунанбой олдига келди. Қунанбой қон қуишилб кетган ягона кўзидан ўт сочиб, жирканч блан ялт этиб ўқрайганида, Изикутти чўчиб кетиб, орқага чекинди.

Унинг ҳайиқиб қолганини кўрган ва Амирнинг чол чангалида яна бир нафас ётса, ўлиб қолишига кўзи етган Нурғоним жон аччиғида отилиб, Амирнинг ёнига юмалаб тушиб, Қунанбойнинг икки қўлидан шаппа ушлаб олди.

— Садағангиз бўлай, ҳожи, сизга нима бўлди? Кечиринг, кечиринг айналай ҳожим!— деб, серғайрат аёл гавдаси блан Қунанбойнинг икки қўлини қаттиқ итариб, Амирнинг томоғидан ажратиб юборди.

Қунанбой тиз чўкиб ўтирган ерида чап оёғи блан Нурғонимнинг кўкрагига бир тепди. Юракка тёккан каттиқ тепкидан Нурғонимнинг кўнгли беҳузур тортиб, шилқ этиб тушди.

Шу он ўтовнинг эшигини юлқиб очганича Абай кириб келди. Амирни қутқазаман деб, Нурғонимнинг азоб чекканини ҳам кўрди. Қунанбой ўш йигитни чангалидан чиқармаган ҳолда, яна қаттиқроқ бўғаётган эди. Абай остонаядан бир ҳатлашда тўрга бориб тушиб:

— Бас қил!..— деб, ҳайқириб юборди.

Отасининг қон қуюлган ягона кўзи ялт этиб қарагунча бўлмай, зарб блан Қунанбойнинг қўлини қоқиб юбориб, Амирни ўлим чангалидан юлиб олди-да, сургаб четга чиқариб қўйди.

— Ҳароми!— деди, Қунанбой ўшқириб.

— Ўлдиртирмайман!— деди, Абай ҳам ҳайқирганича.

Энди ҳар икки ғазабга тўла кўзлар бир-бирига қадалди. Олишгудек бўлиб ўқрайишиб туришар эди. Абайнинг кўзларида нафратли ғазаб ёниб, ўқдек қадалиб турарди, холос. Ханжар ураётгандек гап бошлади. Овозининг борича қичқириб, бор гапини тўкиб солди.

— Оғзингда оллоҳ, чангалингда қон! Яна қон!.. Бу ишларни шариат ҳам буюради. Бир вақтлар ўша шариатнинг йўли деб, бир ноҳақ қон тўккан эдин...

Шу он Абайнинг ўн уч ёшида юрагига ўқдек қадалган Қўдар ўлими, отасининг ҳозиргина қилган жиноятидек кўз ўнгидаги гавдаланди.

— Энди шариатга қарши яна қон тўкаётиссанми? Бу хилда дамингни чиқармай сўфиёна ётишинг ибодат, тавбатазарриқ учун эмас, маш'умлик учун, шундай маш'ум

йиртқиңлик учун экан-да! — деб, тутақиб кетди. Бир томондан жазони тұхтатмоқчи бўлса, иккинчи томондан ҳукм, беомон ҳукм чиқараётир.

Қунанбой эндиғина тилга кирди.

— Чиқ! Йўқол кўзимдан, йўлдан озган!..

— Чиқмаймат!

— Сен бормисан, сен ҳаммани йўлдан оздирасан! Оздирасан! Сен қилаётисан. Ҳаммаси сендан чиқаётир!..

— Бўлаверсин! Мендан! Нега тинчгина ўлмайсан, сен! Замон сеники эмас, менини!.. Нима қиласар эдинг?

— Ҳа-а-а шундай дегин... Етишибсан-да шунга-а?!— деб Қунанбой Абай блан Амирга қарши бир мудҳиш ишни ихтиёр қилди. Бир лаҳзада Абай блан олишишни бас қилиб, ўша ниятига қўчди.

Эндиғина эси ўзига келиб, кўзларини олайтириб очиб, бобосига қараган Амирга Қунанбой қўш қўлинин чўзиб, тескари фотиҳага ҳозирланди. Намоз ўқиб муножот қилаётгандек, совуқ нафас блан тилак тиламоқчи бўлиб, қўлинин ҳар икковига баравар чўзди. Бу — оқ қилишининг тескари фотиҳа беришининг аломати. Нурғоним блан Изиқуттининг ўти ёрилиб кетиб, иккى томондан:

— Е раббий, ижобат қилма!

— Эй парвардигор, қабул қилма! Бу қандай маш'ум иш! Уз болаларини қарғамоқчи бўлаётирку, бу!— деб қичқиришаётган эди. Лекин, Қунанбой уларнинг гапини писанд қилмади. Тиз чўкиб олиб, қўндаланг тушиб ётган набирасининг устида тескари фотиҳага қўл ёзиб, ўша беомон қўлларини бирнечча бор Абайга ҳам чўзди.

— Қизариб отаётган тоғда, мана шу завол вақтида... Оталик қарғишини бераётирман. Мана бу иккови мендан туғилган — харом қонли, бадбахт наслларим. Эй яратган эгам, ё олло карим, ўз қўлим блан ўлдиришга йўл бермадинг. Мени бандам десанг бор тилагим, чин тилагим шу бўлсин. Шу икковини тезроқ ол! Қазойи ногаҳонингга учрат. Жувонмарг қил! Заҳрини ўзгаларта ёзиб бўлмасдан туриб, тезроқ ол!— деб, тескари фотиҳа бериб юборди. Эндиғина эс-хушини йиғиштираётган набираси блан Абайга: — Чиқ! Йўқол, кўзимга кўринма! Авлодим эканлигинг чин бўлса, иккалангни ҳам қурбон қилдим. Сада-қа қилдим, сен иккита чириган тухумни. Икковинг ҳам жувонмарг бўл! Йўқол!— деди.

Абай безрайиб, нафрат блан отасига тикилиб турган ёди.

— Ихтиёринг! — деди қўйди.

Қунаинбай қарғаб бўлди-да, бир силкиб чимилдиқни тушириб, бағрини ёстиққа берганича мук тушди. Пичир-лаб таобиҳ ўгириб, яна ибодатга бошлади.

Амир эндиғина бошини кўтариб тумоғи блан қамчинини қўлига олиб, тиз чўкиб ўтириди. Ҳаракатсиз турган чимилдиққа бироз қараб турди-да:

— Кўп кўраётганинг ҳаётим бўлса, ўзи берган худонинг ўзи олар. Буюрадиган ўлимингга буюриб бўлдинг. Лекин ҳеч ўкинмайман. Утда ўртансам ҳам ўкинмайман! — деди.

Абай Амирни суяб турғизди-да, бирга олиб кетди.

Кўкшедан Амирни Изикутти олиб кетганда, Бойтос Абайга одам югуртирган, Амирнинг ўртоги Мирзагулни юборгани эди. Мирзагул тонг отар-отмас, Абайнин чўчитиб уйғотган эди. Отасининг қаҳри қаттиқлигини биладиган Абай, овулда от бўлмагани учун Мирзагулнинг отини миниб, ёлғиз ўзи етиб келган эди.

Кеч куз. Қузги қўнислардаги эл қўйларнинг юғини ҳам олиб бўлди. Қистовга кўчадиган кунлар яқин эди. Лекин куз унча совуқ келмай, кузевнинг ўти ҳали мўл бўлгани учун эл кўчмай турган эди. Ўйқудуқда, Абай овулининг атрофига қўнгтан беҳисоб овуллар бу қўниснинг наматдек қалин ўтипи, филғон ва бошқа хил кўкатларини босиб-яянчиб ташлашган. Овулнинг ёни-бери тақирлангани блан чет-четдаги бепоён ўтлоқлар, адирларнинг ўти ҳали тамом бўлмаган. Салқин куз ҳавосида мол кундан-кун семирмоқда эди.

Чорванинг гамини сайдиган овуллар хурсанд бўлиб, кузнинг ёмғири ва совуқ шамоллари анча беҳаловат қилаётган бўлишига қарамай, чидаб ўтиришган эди.

Қузги одат бўйича Абайнинг овули ҳам ёзда тикиладиган уйларий йигиштириб қўйиб, унинг ўрнига одлийроқ, кичик-кичик уйларни тиккан. Айгеримнинг ўтёви ҳам ҳозир бошқача эди.

Кичикроқ, чоққина ўтовнинг ичига гир айлантириб гулдор шолча, патли гиламлар тутилган. Баланд кроватънинг ўрнига қалин қилиб юмшоқ тўшак, кўрпа-кўрпачалар ёзилиб, пар ёстиқлар ташлаб қўйилган. Абай блан Айгерим тўшак ёнига ташлаб қўйилган мўйдор архар терисида ўтиришарди. Тўрда ўтирган меҳмонлар тагига қураб тикилган катта сангсанг пўстак ёзилган. Торгина уйнинг ўртасида ўчоқ бўлгани учун, бу кунларда Абай

китобини тўгарак хонтахтага қўйиб ўқимай, кўпинча ерга ёзиғлиқ тўшак устида кўрпа-ёстиқларга суюниб, қўлига ушлаб ўтириб ўқирди.

Абайнинг оёғида қўнжи узун, қишига атаб тикилган янги этик. Эгнида камзил, устида кулранг мовут чопон, қалин шим кийиб олган. Унинг ёнида, пастроқда ўтирган Айгеримнинг ҳам эгнида юпқа, енгил почапўстин. Ёқаси ва этагига қуидуз тутилган пўстиннинг кўкрагига икки қатор қилиб, қозоқ заргарига буюртириб, катта-катта асл қизил тошлар ўрнатиб ишланган кумуш тугмалар қадалган. Айгерим одатдагича кашта тикиб ўтиради. Тўрда Эрбўл блан Боймагамбет бафуржা ўтириб, кузги оппоқ қимиздан ичиб тўққиз қумалоқ¹ ўйнашаётир.

Қозондаги, янги сўйилган семиз тойининг гўшти пишиб қолган эди. Айгерим дастурхонга таклиф қилгандан кейин, Абай эрталабдан бўён қимирамай, бошини кўтармай ўқиётган китобини ёпиб, четга қўйди. Қозон туширилган пайтда гуп этиб кўтарилиб кетган кўмкўк тутун кўзни ачитиб томоқни қақратиб анча беҳузур қилди. Абай: «тундикни очилса» деб тепага қаради. Тундик очиб ташланган эди, тешикдан кузнинг эзиг ёғаётган ёмғири шивалаб тушабошлади. Абай койиниб, қошларини чимирди-да:

— Бай-бай! Тундикни очай десанг ёмғир, очмай десанг тутун, дардисар кун экан-ку, бу! — деди.

Уй ичидагилар дастурхон атрофига ўтирган пайтда, шу уйнинг ёвига гурсиллаб келган отлиқлар тўхтади. Қелганлар икки киши эди. Усти-боши ёмғирда ивиб уйга кирган йўловчилар — Шаке блан мерган Беклўл экан. Афтидан, Шаке, Абайга бир иш блан келган кўринарди. Оғаси блан ўтириб овқатланиб бўлгач, унинг ёнида ўтирган ёр-биродарларнинг олдида тортинмай, гапини айтаверди. Қовоғинин солиб, ғамгин тортганича Абайга қараб:

— Абай оға! Мен сиз блан маслаҳатлашгани келдим! — деб гап бошлади.— Амир тўғрисида сўзлашмоқчи эдим. Кўз олдимизда, тирик арвоҳдек бўлиб, ўзидан-ўзи сўниб бораётганга ўхшарди. Билмадим, бу ўжарлик, қайсарлигими? Ёки қаддини ростлаб олмоқчими, ким билади дейсиз! Келиб-келиб кузнинг шундай ёғинли, довулли олашовур кунларида яна ўша кирдикорларини боплаётир. Кечадан бери тунов кунти солларнинг ҳаммасини уйига

¹ Шашкага ўхшаш ўйин.— Ред.

Ниғиб олиб, устига олабайроқ тўпларини кийиб, овқилашовкилаларини тақиб, яна бир ишни бошламоқчи!— деб қўйди.

Абай блан Айгерим Амирга ла'нат айтаётганга ўхшамайди, аксинча, унинг аҳволига ачиниб, ташвиш тортаётгандай қўринади.

— Ўзининг тан-жони соғми?— деб сўради Айгерим.— Оҳ, шўринг қурғурей! Аллакимларга ўхшаб, худди элдан қувилгандек бўлиб қолдинг-а!— деди.

Абай Шакедан:

— Фамгин тортиб, хаёл суриб юриптими? Қайфияти қандай?— деб сўради.

Шаке дудмол жавоб берди.

— Ерилиб бирор нарса демайди. «Вой» дегудек дарди ҳам борга ўхшамайди. Лекин мудом ўзи блан ўзи овора, дами ичида. Дафди-фикри — дўмбира. Ушандан бошқа дардкаши йўқ. Қайси куни ўтовнинг ёнида туриб қулоқ солсам, ҳозир, бу атрофда тенги йўқ, учига чиқсан дўмбирачи бўлиб кетипти. Қўринини соғ, лекин ич-ичидан ўртанаётирми дейман. Худди бир дардга чалиғиган одамдек кундан-кун ранги сарғайиб, озиб кетаётир. Ёки, бир сайд қилай деяётирми! На овулдагиларга, на қариндошуругасирини айтсачи. Яна ўша солларни йиғиб ўтирипти. Бугун эрталаб эшитсан: «Қўкшега жўнаймиз» дейишаётган эмиш. Бу энди, ўша эл блап очиқдан-очиқ ёвлашман дегани-да. Узгаларни қўяйлик, кечагина қарғиш берган ҳожидек отаси нима дейли? Номуси ерга урилиб, кек сақлаб юрган Қўкше нима қиласди? Шуни ажал ҳайдаб кетаётирми, дейман. Буни энди қандай қилиб йўллан қайтарасиз, пима маслаҳат берасиз?— деди.

Абай узоқ ўйлаб қолди. Шакенинг кўзларига тикилиб ўтиаркан, унинг Амир ҳақида келтирган ачинарли, қайгули хабарини унинг кўнглидан олиб, ўз юрагига солгандек кўринарди. У Эрбўл блан Шаке ўйламаган бир мулоҳазани айтиб, ҳайрон қилди.

— Отаси қарғишини қайтариб олмайди. Броқ Амирдек новқирон йигитга ажални раво кўрар эдикми?! Агар Амир, ўзгача одамлар ичида, бошқача бир замонда яшаганда эди, ўша қарғиш берган бобонинг бор авлодидан, ҳаммамиздан ортиқ бўлиб, юксак сан'ат эгаси бўлган ҳурматли одамнинг биттаси бўлармиди. Фамга ботиб қолганига ачинаман. Бир бола учун қасддан айтилган бир ёмон тилакнинг, кўрнинг оғзидан чиққандек совуқ тилакнине

ўзи ҳам етарли жазо-ку. Энди ўз ихтиёрига қўйиб бер, ра'ини қайтарма, Шаке. Бораман деса, Кўкшесига ҳам борсин. Балки аламини куйдан олиб, кўнгли ёзилиб келар. Бу кунларда кўзига қамчи теккандек, бир ерда гир айланниб қолди-ку... Ҳеч бўлмаса «Отлиги отлиқ, пиёдаси пиёда ҳайдашди» демасин!— деди. Гап шу бўлди-ю, Амирни ўз ҳолига қўйиб беришга қарор қилинди.

Эрбўл блан Шаке дарҳол англади. Фақат Айгерим Абайнинг фикрига қўшилмади.

— Шундай пайтда бағрига босмаган, паноҳига олмаган жигарнинг ширин сўзлари кўнгилга қанчалик мадад бўларди?— деб, юзини четга ўғирди. Абай индамай қўяқолди.

Абай Семейдан келганидан буён аввалги Айгеримни йўқотиб қўйганга ўхшарди. Шу кунларда Айгерим, ҳалигидай ўрни блан қистириб кетадиган бир оғиз гапи орқали Абайга кўп нарсаларни англатарди. Илгари, муҳабатига доғ тушмаган кунларда Абайнинг гапидан гапи, фикридан фикри, нафасидан нафаси айрилмайдиган, мунис эди. Энди Айгерим, Абайнинг кўнглини оғиз очарочмас англашни унтиб юборган. Ҳалиги гапи ҳам — ўша, бегоналашиб, совиб кетган кўнгилнинг изфирини.

Абай Амир учун ташвиш тортаётган эди. Айгерим ҳам уйдаги ҳаётни диққинафас қилиб юборди. Баҳт-саодатга тўла, шодлик ҳукмрон уйга фусса кирди. Оромбахш, иссиқ маконига руҳсиз оддий эр-хотинлик ҳаёти ўрнашди. Озори, ғубори кўп, дарди-алами, нуқсони кўп умрининг ғамгин сиймоли кузи кирди.

Бунинг боиси Салтанат. Бегуноҳ Салтанат. Унинг кўнгли оқлиги блан Абайнинг бегуноҳлигини Айгерим хаёлига келтирмади. Ўйлаб кўриб, бир нафас бўлса ҳам англай демади. Абай Амир масаласида Айгеримнинг беҳуда айблашини дамини чиқармай ўтириб тинглади. Лекин ўша Амир учун ўз отаси блан ёқалашиш даражасигача борганини эслади. Ундан олган қаттиқ қарғишларини ўйларкан, истеҳзо блан ўз-ўзидан кулди. Бир томондан, ота душман — унга ўлим тилаб қарғади. Иккинчи томондан, ягона шодлиги — «севгилим, яқин одамим», дегани Айгеримнинг аҳволи бу. У ҳам кўнглини Абайдан бегона қилди. Нима учун бегона қилди? Абайнинг қилмишиданми, кечириб бўлмайдиган гуноҳ, хиёнатиданми? Абайнинг вафодор қалби айниб, дўстона нияти бузилганиданми? Айгеримни Салтанатга алишганиданми? Йўқ, ундан эмас —

буларнинг ҳаммаси беҳуда гаплар. Айгерим ўйлаганича эмас.

Тўғри, Абай Салтанатни ўйлаганда, унинг фазилатларига ўзича бир назар ташлаб, суқланиб, ҳавас блан эста олади. Уша пайтни ўйласа, ўзини Салтанатнинг ма'сумалигига муносиб равишда тутабилганига ҳайрон ҳам қолади. Лекин, ўзини тутабилганига фаҳрланади. Бордию турмушда яна бир Салтанат сингари шахс дуч келса, Абай ўзини яна ўшандагидек тутишга аҳд қиласи. Ўзида шундай одат пайдо бўлганига ич-ичидан севинади. Чунки, Абайнинг тушунчасида — бу иш, ўзининг янги бир фазилати. Қозоқ ўшларида, мана шу юрган одамларда бўлмаган янги одат, янги тарбиянинг шоҳиди. Абайнинг китобдан олган илмининг натижаси. Бу ўша одамгарчилик, ҳалоллик каби хислатларни унинг кўнглига яхши сингадиган, чуқур илдиз оладиган дон қилиб эккан—рус китоблари берган тарбия. Гарчи Абай ўзини ёлғиз ҳис этса-да, иккинчи томондан шукур қиласи. «Фақат илмнигина камолга етказмай, та'лим-тарбия ҳам олаётган эканманку, Салтанат блан орамизда йигитлар ишоньайдиган бир муносабат бўлиши ўша тарбиянинг натижаси-ку!» деб ўйларди.

Буни Айгерим ҳам тушунаолмади. У, йигит блан қиз ўртасида беғараз, инсоний дўстлик бўлиши мумкин эканлигини ўйламади. Ўйлашга онги етмади шекилли-да, буни сўз блан англатиб, уқдириб бўлмайди. Ўзининг илми, тарбияси камолга етгандагина одам онгли равишда ўйлаб, ҳал этадиган иш. Аммо ана шу тарбияда Айгерим ҳали Абайга ўҳшамайди, уни тўғри англашдан ҳали жуда узоқда. Агар ўша томондан камолга етишганда, бир-бири мизни англар эдик. Лекин шу қунларда унинг қалби оғир кечинмалар асири бўлиб қолгай. Абай унинг дардига даво тополмаётир. Бирнеча бор Салтанат ҳақида сўз очиб. Айгеримни шу масала устида яхшироқ ўйлаб кўришга мажбур қилиб боқди, лекин ҳар гал унинг сукут қилиб, қовоқ солиши, қаттиқ ранжиб кетишини кўрди, холос. Ҳозир иккови ҳам ўткал тополмай икки соҳилда туришипти. Бир-биридан йироқ бўлган икки хил табиатли одамга ўхшаб юришипти. Шу қунларда Абай бу кайфиятни айниқса кучлироқ ҳис этди. Ўзини ўзи яна ҳам ғариб ва ёлғиз кўриб, қаттиқ хўрсиниб қўйди.

Айгерим ўзининг ҳалиги гапи Абайга қаттиқ текканини билиб: «ранжитиб қўйдим?» деяётгандек, ҳайрилиб

Абайнинг юзига қаради. Абай ғамгинлик блан Айгеримнинг кўзларига тикилганича Эрбўлга:

— Эрбўл, дейман! Одам ғуссага тўлиб кетди-ку жуда-а. Ўйлаб кўрсангчи, қаерга йўқолиб кетсан экан? Дашибиёбонга бўлса ҳам бориб, бир ёзилиб келсакчи!— деди.

Шундан сўнг Эрбўлгина эмас, Шаке ҳам, Боймағамбет блан Бекпўл ҳам бирга ўтириб маслаҳат қилишиди.

Шаке Чинғизнинг нариги томонидаги элсиз-эгасиз қолган яйловларга бургут олиб мерганлар блан ов қилгани бормоқчи экан. Бу атрофдаги овчилар шундай куз кунларида ов қилгани «солбурунга» боришар эди.

Илгарилар Абайнинг овга чиқадиган одати бўлмаса ҳам, бу йил мана шу ўтирган ёру биродарлари блан солбурунга ов қилгани борадиган бўлди.

Орадан йигирма кун ўтгач, Абайлар солбурунда ов қилиб юришган эди. Ҳозир овчиларнинг уч капаси элсиз тоғ сиртида. Қимасиз катта тоғ — Боқонос тоғида Қирғиз Шоти деган ўрмонли, катта сувли бир чуқур сойдаги баланд қоянинг тагига қатор қилиб тикилган. Қирғиз Шотинингмана шу жойини — «Қишик авлиё» дейилади. Чунки, мана шу қоянинг чўққисига яқинлаб қолган ерда, катта ғор бор. Чинғиз тоғида шундай ғорлар иккита: биттаси бу ердан бир кунили ерда, Тосбўлат деган эл қишилайдиган жойдаги катта ғор. Уни ба’зан «Авлиётос» деб, базан «Қўнғир авлиё» деб ҳам айтадилар.

Мана бу Қирғиз Шотидаги ғор унга нисбатан кичикроқ бўлгани учун: «Қишик авлиё» деб аталади. Овчиларнинг капаси худди ўша «Қишик авлиё»нинг этагига тикилган. Капанинг олди қалин қарағайзор, қайинзор ўрмонга, орқаси қоятошнинг томоги тагига қаратиб ўрнатилган. Шу кунларда бирнечча марта енгил-елпи қор ёқкан, тун ошса из тушиб қолади. Ҳали қалин қор туннмаган бўлса-да, лекин деярли ҳар куни тонгга яқин қор, қирор тушиб, из билинадиган бўлиб, ер оқариб турарди.

Овчилар ўн кундан бўён гоҳ бургут, гоҳ тозини ишига солиб, анча тулки олишди. Бекпўл, Шакедек мерганлар қадимги пиликли милтиғи блан архар отиб, капаларнинг ичини овланган жонворларнинг териси блан архар гўштига тўлдириб ташлашди. Овчиларнинг шу кунлардаги ҳаёти ов ишига мослаштирилган. Улар қош қорайиши блан ётишади, ғира-шира тонг отиши блан туришади; ўзгача чаққонлик, сергаклик ва тётиқлик блан кун кечиришади.

Мана, ҳозир эндигина тонг оқариб келаётir. Қападагилар нонуштага иссиқ овқат ҳозирлаш тараддудига тушадиган вақт. Ҳали отлар ҳам келтирилмаган. Икки қават намат ёпилган кенггина иссиқ қапада Абай маст уйқуда ётарди. Ёнида ётган Эрбўл унинг елкасига туртиб, уйғотиб юборди. Абай чўчиб бошини ёстиқдан кўтариб, ялат этиб қаради. Эрбўл:

— Абай, мана бу тамошани кўр! Бу нима қилмоқчи бўлаётir? Қара-чи!— деб, ияги блан қапанинг ўртасига ишора қилди. Абай қайрилиб қараса, мерган Бекпўл шастгина қапанинг хиёл очиқ турган тундигидан милтиғининг учини чиқариб, осмонга қаратганича ниманидир ишонга олаётir.

Қапада туриб ов қиласиган мерганин булар ҳали кўрган ҳам, эшигтан ҳам эмасди.

— Ҳай, нима қилаётirsан?

— Нима кўрдинг?— дейишиб, иккови ҳам бошини ёстиқдан юлиб олишди.

Шу он Бекпўлнинг узун қора милтиғи қарс этиб отилди-да, капа ичига бир қучоғ кўмкўқ тутун тарқатди. Ҳали тутун тарқаб бўлмасданоқ, Бекпўл:

— Қулади! «Худди қўлтиғидан тегди»,— деганича эшикка қараб отилди.

Абай блан Эрбўл Бекпўлнинг баридан тортишиб:

— Ҳай ўзи нима гап, кимни отдинг?

— Нимани қулатдинг?— дейишиб, ўринларидан туриб кетишиди. Уйда буларнинг ҳам борлигини эндигина кўриб Бекпўл яна эшикка интилганича:

— Архар! Уйдек қўчкор... қулаб келаётir, югуринглар!— деди-ю, ўзи тўрдан эшик томонга бир сакраб, лип этиб чиқиб кетди. Ҳозиргина уйқудан туриб эшикда ўт ёқиши ҳаракатида юрган Боймагамбет блан ошпаз Масоқбой ҳовлиқиб:

— Ким отди?

— Милтиқ қаердан отилди ўзи, тааба?!

— Устимизга думалаб келаётir-ку. Қапанинг устига келиб тушмаса яхши эди?— деб, шошганча югуриб қолишиди.

Шу онда салмоқли оғир бир нарса қапанинг орқа томонидаги ёғочига зарб блан келиб урилиб, гуп этиб тушди. Кейин бу баҳайбат ҳайвоннинг жон талвасасида пиншиллаб нафас олаётгани эшитилди. Эрбўл блан Абай кенг этикларига оёқларини нари-бери суқиб, бошларига

пўстинларини ёпинар-ёпинмас отилиб эшикка чиқиши. Бекпўл архарни бўғизлаётган эди.

— Узи ҳам ҳўқиздек қўчкор экан! Бирор дарди бормикан?

— Тентираб қаердан келиб қолди? Излаганда топилмайдиган, мугизи қуруқ, пихини ёрган қўчкор қаердан пайдо бўлди-ю, қандай қилиб Бекпўлни излаб топди?— дейишиб эшикка чиққанлар, шундай эҳтиёткор архарнинг ўз оёғи блан келиб, ажал домига илинганига ҳали ҳам тушунолмай, ҳайрон бўлиб туришарди. Абай индамасдан, архарнинг ўёқ-буёғига ўтиб кўрди-да:

— Бунга нима бало бўлган экан? Кўзи кўр эмасми кан? Ёки қариб довдираб қолган архармикин?— деди.

Улжасини бўғизлаб бўлган тажрибакор Бекпўл архарга бошдан оёқ бир назар солиб чиқди-да, Абайнинг ҳалиги гапнга истеҳзо блан кулиб қўйди. У доим ўз сан'ати блан фахрланарди. Яна кимни бўлмасин аямай илиб, чертиб гапираверарди.

— Кўр бўлгандаку, мени Абай блан Эрбўл отсин деб, кундузи эшикдан кириб келарди. Қовурғасининг мойи худди бир энлик чиқмаса, бурнимни кесиб бераман. Шундай архар ҳам довдирап эмишми? Ундан кўра Бекпўлнинг қонли оғзи ётса ҳам бир архар, турса ҳам бир архар бўлаётганига ҳасад қилиб айтиётирман, десангчи! — деди. Шу блан архарни «касалми, довдираб келганими?» деганларнинг шубҳасини пучга чиқарди. Яна кулимсираб буларни эрмак қиларкан, мақтаниб ҳам қўйди.

Уч кападаги одамларнинг ҳаммаси, бугунги архарнинг ўз оёғи блан келиб ҳалок бўлганини ирим юзасидан яхшиликка йўйинди.

— Бугун пичофимиз мой устида турган кўринади!

— Жуфтинг блан уч тўққиз!

— Қани, отларни тезроқ олиб келинглар, чойни дарпов тайёрланглар... Тезда отга минайлик! — деб, бу уч капанинг энг зўр бургутбоз овчиси — Турғонбой шошилинч бўйруқ берди.

Бургутини силаб, сонини ушлаб, тобини синаб ўтирган Шаке ҳам: «энди қушларнинг сан'атини кўрамиз, отларни тезроқ ҳозирланглар» деб, шошилтираётган эди.

Абай блан Эрбўл овчи деб ҳисобланса ҳам ҳақиқий овчилардек эпчил, сергак эмас. Чаққон югурдак овчиларга қараб ҳаракат қилишса ҳам, кўпинча отга кечикиб мидиган шу иккови эди.

Ҳозир ҳам иккови, ичак-чавагини ағдариб сўйиб қўйилгани архарнинг ёнидан кетолмай туришарди. Эринаёт-тагларини апглаб, бир-бирига қараб қўйишарди. Эрбўл архарни кўрсатиб, Турғонбойга:

— Кўп шоширавермасангчи, ҳеч бўлмаса мана бу янги гўштнинг қовурдоғини еб отланайлик! — деди.

Ов-илларнинг ҳам ўзига хос қонуни, йўл-йўриги бор. Бу ерда бутун инон-ихтиёр бургут кўтарадиган, қушнинг тобини биладиган одамнинг қўлида бўлади. Шунинг учун Турғонбой бу капаларнинг ҳақиқий ҳукмрони бўлиб олган. Ўзи баджаҳл одам, ов қилаётганда анча тажаиг бўларди. Эрбўлнинг ландавурлиги, беғамлигига ғаши келди. Абай блан Эрбўлга қараб:

— Бунча шалвирайсанлар! — Овга чиқдиларнингми? Еки тугун кўтариб меҳмондорчиликка боргани хотинларга әргашиб юрибсанларми? Иккалангни кўтариб отга мишириш, кўталангни кунда кўтариб қўйишдан ҳам қийин-а. Қовурдоқни қовираверсин. Шу ғира-шира вақтда Авлиёни кезиб, Шотининг яқин еридаги тошларни оралаб келамиз. Отларингга мии! — деди-да, ўзи бургутини олиб, эг'орлог тик отига қараб кетди.

Озчилар авлиёниг тепасига чиқишиганда, йироқдаги Сибон қўниси — Ақ Ийрек белидан эндигина болқиб чиқаётган қиши қўёши, оппоқ қор ёпуғи остида ётган пасти-баланд тепаликларга қизил алвондек шу'ла сочди. Авлиё төғининг тепаликларидан бирида Турғонбой бургутининг бошидаги қалпоғини олди. Нариги томондаги бир тепаликка бориб, Шаке ҳам бургутнинг бошидан қалпоғини олди. Учинчи бир тепаликда Абайнинг Ойғиздан туғилган иниси — Исмоғул ҳам бургутининг бошидан қалпоғини олди. Одатда Абай блан Эрбўл Қоғуши¹нинг ёнида эмас Турғонбойининг орқасида юришарди. Буларнинг қоғушиси — от устида урчуқдек айланиб, атрофга назар солиб юрадиган эпчил ва зийрак Боймағамбет эди. Турғонбойнинг қўлидаги бургут, шу атрофдаги ҳамма овчилар ҳавас қиласидиган, олғир қирон — Тулоқнинг Қорашибулағи деб аталган бургут эди.

Абай бу қушни ёзда Сибон элидаги Тулоқ деган бургутвоздан ўнтача қорамол эвазига олган эди.

Шундай қилиб олишининг сабаби, бир ҳисобдан басмабасликка кетишдан туғилди. Абай қишида ов қиласман, деб

¹ Қоғуши — тартарак чалиб тулкини ҳуркитадиган қиши, — Ред.

қирон бургут излатиб Тўбуқти ичига дарак солганда, Турғонбой: бургутнинг сараси Қорашегир деди. Ўшани қўлга киритиб олишни қаттиқ илтимос қилди. Қорашегирнинг эгаси Бўжейнинг ўғли Жабай экан. Абай сўраганда, Жабай қушини бермади. Шундан кейин Шаке блан Турғонбой: «Шу атрофдаги қушларнинг тўраси — Тулоқнинг Қорашўлағи; унинг донғи бутуи Сибон элига кетган, энди иш дандонбоэзликка кетди, бир қизнинг қалинини бериб бўлса ҳам, уни олиш керак» дейишган эди. Турғонбой Қорашўлақни ёз бўйи ўзи парвариш қилиб кузда ўргатиб, ўз қўли блан жуда тобга келтирган эди.

Қорашўлақ номига яраша ғайрат кўрсатиб келаётир. Овчилар ҳозир ов қилиб изгиб юрадиган ерларнинг бир чети Оқшотов бўлиб, оралиғи Қирғиз Шоти, Жанибек, Тезекнинг Қорашўқиси, Қозбола. Иккичи чети Бойқўшқор эди. Ҳали қалин қор тушмай туриб, булар ўн кун ичida шу атрофни бирнеча бор оралаб чиқишиган эди.

Шу ўн кун мобайнода Қорашўлақнинг ёлғиз ўзи олган тулкининг сони йигирмада ошди. Қуруқ қайтадиган куни йўқ. Ба'зан иккита тулки олгаи куни ҳам бўларди. Йўки марта бирин-кетин уч тулкини босди. На қимиirlашга, на олишишга имкон бермай, бир чанг солганда қўлга туширди.

Ҳозир ҳам қалпоғи олиниши блан ўтдек қизил қўзларини қофуши юрган томонга тикиб турган Қорашўлақ бир нафасда Турғонбойнинг қўлидан лип этиб учиб кетди. Ончи бирор нарса борлигини кўрмаган эди. Қуш қанот қоқиши блап пастлиқда юрган Боймағамбетнинг «Кев!» деб қичқирган товуши эшитилди. У тулки кўринганини шу йўсина ма'lум қилар эди. Афтидан, тулки яқиндан қочганига ўхшайди. Ўччала овчининг кўзи Қорашўлақнинг қанот қоқишида эди.

Турғонбой Қорашўлақнинг ҳар кунги тобини, худди моҳир табиблардек унинг осмонга кўтарилаётганда дастлабки қанот қоқишиданоқ билиб оларди. Ба'зан Қорашўлақ қаттиқ силкиниб, думини тез-тез қимиirlатиб, сур'ат блан учарди. Шундай вақтларда Турғонбой хурсанд бўлганидан пиқ этиб кулиб қўяр ва кайфи чоғлигига айтадиган гапини такрорлаб:

— Жонбоур¹ бугун тобида! — деб қўярди. Қушнинг шу тахлитда учишини кўргаида, терисига сиғмай кетарди.

¹ Жонбоур — афсонавий, овчи бургут.— Ред.

То ўзи етиб боргунча қуш тулкини юмалоқ-ястиқ қилиб, ўлдириб қўйишига ишончи зўр бўларди. Бургутдан бўшаган қўли блан қўнжидаги узун носқовоғини олар, ҳузур қилиб носвойдан бурнига тортиб қўярди. Узича хиргойи қилиб, доимо айтадиган ўланини айтган ҳолда қуш тушадиган томонга шошмасдан бораверарди. Қорашибулақнинг Жонбоур Шўтегенинг тухумидан эканлигига кўпдан буён шак-шубҳа қилмай қўйган эди. Бошқалар — бу қиронни Тулоқнинг Қорашибулағи деса, у — Жонбоур дерди. Ўзи севадиган ягона қўшигини хиргойи қилганда:

Жонбоурдан жон кетмас,
Тўқимдан ҳеч тер кетмас,
Қанжуғадан қон кетмас,
Жонбоурим ёндосса,
Тулки жондан дам¹ этмас...—

дер эди. Шу бугун Чошгоҳда ўша Жонбоур — Қорашибулақ кундагидек эмас, суст учгандек кўринди. Турғонбой одатда завқланиб айтадиган гапини ҳам айтольмади. Носвойни ҳам унутди. Тепиниб қушнинг олдига қараб, отини лўкіллатиб бораркан:

— Ийе, бунга нима бўлди? — деди. Шошганича Авлиётошнинг устидаги увадан ўтиб, тик жарнинг тепасига борди. Узангига оёғининг учини тираб, олдинга қараб интилганча тикилиб турди.

Моҳир бургутвоз овчи, Қорашибулақнинг қанот қоқишини ёқтирамай: «Энди тулкига қандай ташланаркин» деб, тикилиб турган экан. Шу чоқ сабри чидамаган Эрбўл блан Абай от қўйиб тасирлатиб унинг ёнидан ўтиб қолишиди. Бургутнинг тулки олганини кунда кўриб юрган бўлишса ҳам, икковининг ҳар сафар қизиқиб, завқ блан тамоша қилиши, елиб-югуриши асти қолмасди. Тоғу тош устида отлари тойғаниб, бири кетидан иккинчиси мункиб йиқилаёшиб бораётгандарига қарамай, бургут тушган томонга кетишашётир.

Лекин, улар тажрибасизликлари, машқ қилиб юрмаганликлари орқасида бориш мумкин бўлмаган томондан чиқиб қолишипти.

Турғонбойнинг жаҳли чиқиб, овозининг борича икковига қичқириб:

¹ Дам этмас — умид этмас.— Ред.

— Тұхта! Ҳой! Қаёққа кетаётурсан икковинг тирирчи-
лаб? Епирай, буларнинг ҳовлиқишлиарини қара-я! Эсарла-
рей! — деди зардаси қайнаб.

Ҳақиқатан Абайлар, Қорашұлаққа ҳалал беришди.
Улар олдидан түсіб чиқмаганда эди, тулки тоғнинг яланг-
еридан чиқмоқчи бўлиб юқорилаб бораётган эди. Олди-
дан тасирлатиб булар чиқиб қолгандан кейин, шилт уриб
Абайлар блан Турғонбой ўртасидаги баланд қояга қараб
кетди. Бургут Абайларнинг нарғидан айлапиб келаётган
эди. У тулкининг ўша ердан чиқишини кўзлаган бўлса
керак. Энди яна юқори кўтарилиб, баланд қоя устидаги
тулкига ташланиши керак бўлди.

Қорашұлақ энди шунинг ҳаракатига тушди. Лекин
тулки кексайиб, қорни оқарган, чиниққан, маккөр экан.
Турғонбой ҳайқириб, уни чўчитиб, қоядан пастга туши-
ришга уриниб кўрди. Броқ одамдан кўра кўқдан келаёт-
ган саккиз найзали ҳаво йиртқичидан кўпроқ қўрққан
тулки қочмай туриб олди.

Бугунги қанот қоқиши Турғонбойнинг дидига ёқмаган
бургут, ўзининг нуқсонини энди аниқ кўрсатди. Тифи пар-
рондек бориб, қоядаги тулкига тепадан ташланиш ўрни-
га, пастдан ер бағирлаб учди. Ҳорғин ҳаракат қилиб, ик-
ки қаноти блан тошларни уриб кетаёзиб, салмоқ блан
учиб бораётир. Бу учишда у Жонбоур эмас, қариб, куч-
қувватдан қолтан оддий бургутлардан фарқ қилмасди.
Уч овчинишг ўртасида, яқингина ердаги қояда бургутнинг
яқин келишини кутиб, ҳали ҳам қочмай турган айёр тулки
зўрға қанот қоқиб етиб келган бургутни кўриши блан
шилт этдию, уни орқада қолдириб баландликка уриб кет-
ди. Шу ергача зўрға етиб келган Қорашұлақ тулкига чо-
евут қилолмади. Ҳали тулки қочган ерга етиб ўзини таш-
лагандек, лоп этиб қўнди. Тулки қутилиб кетди.

Турғонбойнинг Қорашұлақдан лаңд егали шу эди.
Отдан ирғиб тушди-да, юмшоқ қордан бир қисм олиб,
ғижимлаб-ғижимлаб узунчоқ музга ўхшатди-да, Қорашұ-
лақнинг халқимиға солиб, зўрлаб ютқизди. Анча вақтгача
қироннинг жигилдонини эзиб, ҳалиги ютқизган қорини
сингдириб юборди-да, Абай блан Эрбўлга чурқ этиб оғиз
очмай, отига миниб кетаверди.

Қўлида бургути бўлмаган иккита тамошабин, Турғон-
бойни хафа қилиб қўйишганини ўзлари ҳам фаҳмлаб, гу-
ноҳларини бўйинларига олишди. Отини йўрғалатиб кета-
ётган овчининг орқасидан кетаверишиди. Бир тепаликнинг

бошига чиққанда, Турғонбой яна бургутининг бошнадаң қалпогини олди. Пастдаги Боймағамбестга қараб, чап қўли блан: «жарликдаги тошни қоқ!» дегандек ишора қилди. Бу гал орқасидан етиб келган Абай блан Эрбўлга қўлинни қаттиқ силтаб, койиб кетди.

— Тўхта! Тура-тур! Елиб-югуриб, йўлни тўсиб асти қўймайсанлар. Ахир, тулкини бургут оладими, ёки сен иккаланг оласапми? Бунча ҳовлиқиш?! Ўша срда туринглар! — деди.

Абай блан Эрбўл бир-бирига жилмайиб қарашди-да, домлasi уришган шогирддек жим бўлишди. Турғонбой тур деган жойда қимирламай туриб қолиши.

Бироздан кейин жарликдаги тошлар орасидан Боймағамбестининг «Кев!» деган ингичка овози янгради. Қорашўлақ отилиб учиб кетди. Бу гал қуш дарғазаб бўлиб, қанотини зарб блан қаттиқ-қаттиқ қоқди. Ҳавода доира ни кичик олиб, бир-икки айланиб, бир лаҳзада осмоилаб кетди. Қанотларини қайчи қилиб ёзио, кейин елкасини чиқариб Турғонбойнинг рўпарасидаги қоя бағрига — пастга қараб тўппа-тўғри отилди. Турғонбой дамини чиқармай турарди.

Олдинда қандай ҳодиса рўй берганини билмаса ҳам, Абай блан Эрбўл: «Тушди, тушди, тушди!», «Қандай бўлса ҳам бир иш бўлди!», «Олди! Ё омад!» деб юбориши. Яна сабри-тоқат қилолмай, отларини ииқталаб чоптиришганича Турғонбойнинг ёнидан ўтиб кетиши. Улар ҳам шошилиб юргурганларича қуш тушган жойдан жарга тушиб кетиши. Бу гал Қорашўлақ тулкини таппа босли. Абай остидаги кўкиш отнинг эгари бўйнига кетиб, йиқилай деб турганига ҳам қарамай, шошилиб бораркан, рўпарасида, бир ўқ учарлик ерда, ҳали қочиб қутилган қорпи оқ, момиқдек тулки блан Қорашўлақнинг олишашётганини кўрди. Эпди от яна бир қадам қўйса, Абай эгар-жабдуги блан отнинг бўйнидан учиб тушар эди. Шу тобда куч блан орқага ташланиб, отнинг устида яйдоқ миниб олганича, яна тақимлаб, қуш блан тулкининг олдига етиб келди. Оппоқ қор устида қизил тулки, қора бургут олишаркан, Абайнинг кўз ўнгига ҳеч хаёлга келмаган ажиб бир манзара намоён бўлди. Севинганидан беихтиёр: «Айтмадимми! Ё омад! Бебаҳо Жонбоур! Оббо Қорашўлақ-еий!» деб келаётган эди. Яна кўз олдидаги кўринишни шу оннинг ўзида хаёлига келган бир гўзал сурат блан чағишитирди... Оппоқ танли, гулгун юзли, соч-

лари қопқора бир жонон чўмилади? Абайнинг оғзи-
га тўсатдан бир йўл ше'р келди.

• «... ўхшайди гўзал жонон чўмилганга»

деди. На боши, на охири бўлган шу бир сатргина ше'р
туғилди-ю, ўёғи келмади, қўйди.

Абай етиб келган пайтда Қорашўлақ тулкини обдаи
ҳолатдан кетказиб, босиб олган эди. Қорашўлақнинг ен-
гилгина учиб турган икки елкаси, соchlарини кўтариб таш-
лаётган гўзалнинг тирсагига ўхшарди. Қанотлари
эса, ҳийинаётган гўзалнинг елкасини безаб турган ҳисоб-
сиз кокилларидек жилваланарди.

Бу тулкини олганларидан кейин, тўрт овчи Қирғиз
Шотининг Жанибек томонидаги чангаль ва буталар блан
қопланган тепаликларига қараб кетишди. Турғонбойнинг
шу тепаликларда ҳам бир қуш солиб, сўнг капаларга
қайтиш нияти борга ўхшаб қолди.

Отга миниб овга чиқилгандан кейин Абайлар тур-
ғонбайдан: «Қаерга борамиз?» деб сўрашмасди. Тўғриси:
сўрашга ботинаолишмасди. Турғонбой қорайиб турган
чангалзор тепага етиб қолганда, Боймағамбетни яна тоғ
этакларига тушириб юборди. Турғонбойга Абай блан Эр-
бўлдан кўра чапдаст, эпчил Боймағамбет ма'қул бўлган
эди. Боймағамбет буларга қараганда анча чиниққан, жуда
зийрак йигит. Турғонбой бургутни кўтариб тоғ бошига
чиққунча, Боймағамбет баланд тош қояларининг орасида
дамини чиқармай бургутнинг бошидан қалпоқ олиниши-
ни кутиб турган экан. Турғонбой чўққига чиқиб бургут-
нинг бошидаги қалпоғини олди-да, қўлинин кўтариб Бой-
мағамбетга ишора қилди. Чиниққан қофуши шундан
кейингина ҳаракат қилди. Турғонбой Абайга қараб:

— Ана, кўрдингми, асли овга чиқса Боймағамбет
чиқсан экан, ниятингга еткур! — деди.

Боймағамбет аста-секин жар бўйлаб юриб, тулки
хуркитиб бораркан, ба'зи ерларда тўхтаб, қамчи сопи
блан эгарининг қошига секингина уриб тақиллатиб қўяр-
ди. Тоғ ва сойликни оғир сукунат босган. Шамолдан зар-
рача асар йўқ. Гўё бутун олам дамини ичига олиб, жим
бўлган-у, Қорашўлақнинг яна бир муваффақиятини ку-
таётган эди. Турғонбой баланд чўққида туриб, икки
овчи кетган Қирғиз Шотининг бош томонига кўз ташла-
ди. Олис бир тепалик устида бўз отлиқ Шаке ҳам бургут-

нинг бошидаги қалпоғини олиб турганини лайқади. Ундан нарироқдаги бир чўққида кўз илғар-илғамас кичкинагина бир қора нарсага ўхшаб Исмоғул ҳам кўринди.

Шу тобда Боймагамбет, Қорашўлақнинг қулогига сингиб қолган ўткир, ингичка овоз блан қисқагина қилиб, яна: «Кев!» деб қолди. Қорашўлақ яна кетди. Бу сафарги учиши ҳалигиндай эмас, яна эрталабтидек, суст. Эринчаклик блан қанотини шалвираб қоқиб борарди. Лекин, тулки пастликдан, тумшуғининг таккинасидан қочди. Қуш, отлиқлар устидан хиёл кўтарилиб бир айланди-ю, пастга отилди. Ҳудди шу онда ўнг томондаги кўкиш товланиб турган бир чўққидан ўқдек учиб келаётган бошқа бир бургут кўринди. Оёғида боғи бор бу бегона бургут лип-лип қанот қоққанича, Боймагамбетнинг ёнидаги тулкига кўз тикиб, ташланишга мўлжаллаб келаёттир. Тоғ бошидаги овчилар бирор нарса демасалар ҳам, ичларидан: «Икки бургут бир-бирига ташланадиган бўлди-да!» деб хавфсираб қотиб туришарди.

Бегона бургут тулкига Қорашўлақдан кўра яқин ердан чиқди. Тўғри кетганича Қорашўлақдан олдин бориб қолди. Энди тулкига ўша бургут олдин ташланиши мумкин эди. Лекин у қушнинг йўли яқин бўлгани блан тулкига ташланишга унча ра'бати йўқдек кўринди. Эринчоқлик блан шошилмай кетаёттир. Қорашўлақ бўлса, ўз ўлжасига келган рақибни кўриши блан пастга шўнғиб, қаттиқ-қаттиқ қанот қоқиб, аввалги сустлигини ҳам унуди. Отилиб бориб, тош тепасида турган тулкини бегона бургутнинг тумшуғи тагидан лип этиб илиб кетди. Тулкини чанглалаганича парвоз қилиб, олдидан чопиб келаётган Боймагамбетнинг ёнига келиб тушди. Бегона бургут Қорашўлақга ташланиб қоладими деб чўчиётган Боймагамбет отдан ирғиб тушди-да, тепада айланиб юрган бегона бургутни йўлатмаслик учун қамчисини ҳавода ўйнатабошлади. Қорашўлақ блан унинг чангалидаги тулкини ҳам ўз гавдаси блан яшириб турарди. Шу чоқда юқорида турган Турғонбой, Абай, Эрбўллар ҳам тоғ бошидан шағал ва қорни шувиллатиб тушириб, тойғана-тойғана пастга қараб келишаётган эди. Довон ошиб келаётган бегона бургут яқинлашиши блан Турғонбой:

— О, мана бу Қорашегир-ку! — деди.

Абай, Эрбўл, Боймагамбетлар бу қушларининг табиатини, одатини билмаганликлари, тажрибасизликлари орқасида шошиб гангиб қолишиди. Уларнинг, назарида, Қо-

рашегир ерда ўтирган Қорашўлаққа чанг солиб ўлдириб, қўядигандек туюларди. Турғонбой ҳам шулар блан бирга шошилиб келаётир. Лекин у булар ўйлаган хаёлга боргани ҳам йўқ. Моҳир бургутвоз Қорашегирнинг қўлбола қуш эмас, ёввойи қуш эканлигини яхши билгани учун унинг ўз жинсидан бўлган қушга ташланмаслигига ишончи зўр эди.

Лекин, басма-басига ов қилишининг ўзи ҳам бир пойга. Донғи чиққан Қорашегирнинг олдидан пойгага қўйгандек қаторлаштириб юборгандা, Турғонбойнинг ўзи тобга келтирган Қорашўлақнинг олдин бориб тулкини тортиб олиши уни ғоят хурсанд қиласар, фахрлантиради. У ҳозир: «Қорашегир нима қиласар экан» деб, унинг эндиги учеб қўнишини, қанот қоқишини, авзойини яқиндан кўришга шошилиб келаётган эди.

Қорашегир Қорашўлаққа ҳужум қилмади. Ҳатто нарироқ бориб тошга ҳам қўнмади. «Яна тулки бўлса» дегандек, шу сой ичидаги ўлжа излаб учеб юрди. У, сер ҳасад, кўзи ўткир овчи — Турғонбойга: «мени ҳам кўриб қўй!» дейётгандек, узоқ вақт ҳавода айланди.

Қорашегирнинг ўзига хос ажойиб бир хусусияти Турғонбойнинг юрагига ўт солди. Сойни оралаб, бир пастлаб кетади-да, қайтадан кўкка кўтарилганда қўлбола қушларга ўҳшамайди. Ҳақиқий ёввойи қушдек қанотини қаттиқ-қаттиқ силкитиб, тез сур'ат блан сув оққандек текис сузиб кетади. Бу биринчидан, бургутнинг ўз хусусияти бўлса, иккинчидан, тобга олган овчининг сан'атини кўрсатади. Қушни салмоқи қилиб қўймай, пастга ҳам, баландга ҳам бир зайлда учадиган қилиб ўргатишга жуда кам овчи мұяссар бўлади. Қорашегирни биринчи кўришдаёқ ундан ана шу ўзгача хусусият Турғонбойнинг дик-қатини жалб қилган эди. Қорашегир бир кўтарилганича нариги тепаликнинг бошидан ошиб, ундан ҳам юқори турган чўққига етиб боргунча қанот қоқмади. Турғонбой шунга зеҳн солиб турди.

Қушга кўп ишқивоз бўлган Турғонбой шу ёз Абайга келиб: «Қорашегирни эгасидан сўраб ол» деб, маслаҳат бергандана, унинг ўша бошқа қушларда бўлмаган хусусияти борлигини билганидан айтган эди.

Қорашегир Тўбуқти элига келганда, бу атрофдаги барча овчиларга донғи кетган энг машҳур бургутвозларнинг қўлидан чиқиб келган эди. Бир-бирига қўшни ўтирган Тўбуқти, Керей, Сибон элларида: «Қозоқда энг зўр қушбе-

ги — қуш ўргатучи ким?» деб сўралганда — «илгари ўтган Жалойир авлодидан бўлган Шўрдан кейинги қуш ўргатучи, қуашни тобга олучи Керей — Қул» дейишар эди. Ўша қулнинг болалари, темирқанот чоғида саҳрода қўлга тушириб, ўн йиллар давомида қўлида ўстирган қуш — мана шу Қорашегир эди. Шунинг учун Абай унинг эгасига бориб, бирнече бор оғиз солиб қўрган, лекин сўраб ололмаган эди.

Боймағамбет, Эрбўл ва Абай уччови севинишганича бориб, Қорашўлақ олган тулкини уннинг чангалидан ажратиб олишиди. Эрбўл Қорашўлақни тулкидан айириб олиши блан енгига қўндириди, силаб-сийпаб:

— Дурустсанку, Шўлағим! Доиғи чиққан Қорашегирни ҳам қанжуғанга боғлаб кетдинг-ку! Чангалидан тортиб олдинг-а! — деб, шодлиги ичига сифмай мақтаиакетди.

Турғонбой буларга парво қилмади. Икки кўзи ҳали ҳам Қорашегирда эди. У, настлаб келиб тўпланиб турған одамлар устидан сўнгги марта бир айланиб ўтди. Кейин отилиб баланд чўққига томон кўтарилиб, ўзи ошиб келган довонгача толмай парвоз қилиб бориб, ўша ердаги харсанг тошлардан бирига қўнди. Қуш қўнгандан кейингина ундан кўзини олган Турғонбой:

— Гап тулки олган олмаганда эмас! Тошга қўнгандан ҳам қирғий, қарчигайларга ўхшаб сиғилгина бориб қўндику! — деди.

Ўз қўлидаги Қорашўлақдан «Қорашегирнинг сан'ати устун» дейишга оғзи бормаса ҳам, шу фикр унинг қалбини тиранаб ўтди.

Овчилар тулкини боғлаб олиб, ҳалиги сойдан яна юқори чиқиб кетаётганиларида, ҳали Қорашегир келган довондан ошиб, бешта овчи буларга томон келаётган эди. Икки тўп бир-бири блан учрашганида, Абулғози Турғонбой блан сўрашмай туриб:

— Ҳой, Турғонбой ростини айтчи, Қорашегир мана бу довондан қандай учиб ўтди! Сенинг тулкингга интилгандаги кайфияти дидингга ўтиришдими? Қорашўлақ бундан олдинроқ ташланган эдими? Бу тулкини кўрганда қандай учди? Шуни айтчи! — деди.

Қорашегирнинг эгаси — Жабай Абулғозининг ёнидаги тўрт кишининг ўртасида турарди. Унинг бошида тулки тумоқ, эгнида оқ элтери пўстин. Қўркам юзли, чиройли, мағур одам эди. Ёши Абай, Абулғозилар қатори бўлгани блан, кўкрагини тутиб ётган қопқора кўркам соқоли унинг

ёшини булардан кўра каттароқ қилиб кўрсатарди. Жабай ҳам Турғонбойга қараб:

— Мен, мана бу айёр Абулгози блан баҳслашиб келәтирман. Қушингнинг устига, тулкинга Қорашегир қандай борганини дурустроқ қилиб, ростини айтиб берчи! — деди.

Бу тўдадаги қушбегилардан яна биттаси Жиренше эди. У гўё Абулгози блан Жабайнинг қушбегилик юзасидан олиб боришаётган баҳсига бетараф кишидек кўринарди. Овчиликка унчалик жон-дили блан беришганга ҳам ўхшамайди. У иккови, Абайлар блан саломлашиш ҳам эсига келмай Турғонбойни қуршаб турганда, Жиренше Абайга яқинлашиб келди. Қизғин баҳслашаштганларни имлаб кўрсатди-да, кўзини қисиб, илжайиб қўйди. Эрбўл блан Абайнинг ёнига келиб, қуюқина сўрашабошлади.

Қорашегир Жабайнинг қўлида эди. Турғонбой бу қироннинг тулкига Қорашўлақдан кўра яқин ердан чиққанини, аввал бориб босиши мумкин бўлганини айтди.

— Лекин учиши анча суст бўлди. Тобига келтиришда бирор хатолик ўтганми, нима бўлган! Қорашўлақ кейин учган бўлса ҳам илгари етиб бориб, қоядаги тулкини илиб олди-да, Қорашегирнинг олдидан кўз-кўз қилиб ўтиб, иккинчи томонга қўнди! — деди.

Мапманликни севадиган овчи олдин тўғрисини айтиб туриб, охирида: «бировларнинг ичи қуйсин» дегандек, мақташчақлиқ блан ёлғонни ҳам қўшиб кетди. Буни дарҳол фаҳмлаган Абулғози башарасини тиржайтириб култак, Абайга қараб имлаб қўйди. Унинг зийраклигидан завқланган Абай кулиб юборди. Энди Турғонбой блан Жабай гапга тушиб кетишиди.

Жабай бугун Қорашегирнинг нималар қилганини Турғонбойга гапирабошлади.

— Ҳали мана бу Жанибекда бир тулкини чилпарчин қилган эди. Ёнгинасида турган мана бу Адил қўлдан чиқариб юборди-да! — деди, ўзининг кичик онасидан тугилган, Бўжейга ўхшаб кетадиган инисини кўрсатиб.

— Кўн этикнинг қўнжига ўхшаб шалвираган лунжининг қурғур, отдан иргиб тушиб, югуриб боришнинг ўринига имиллади ўтирди. Қуш тулкига тушган жой қалин чангальзор эди. Олишаётганида қанотига тикаш кирди шекилли, тулкини қўйди юборди! — деб Жабай, бургутнинг тулкидан айрилганини бир Адилдан кўрса, бир ерни баҳона қиласарди.

Абулғози блан иккови шу тўғрида баҳслашиб келаётган экан. Жабайнинг бу гапларини Абулғози эрмак қилиб кулди.

— Айтасан-да, айб Қорашегирда эмас, чанглал блан Адилда, деяётирсан-ку. Қушнинг тобини бузиб қўйган ўзим эдим дейишга бўйнинг ёр берармиди. Айтсам, гапга кирмайсан. «Қушни тобга олиш сенга — Абулғози блан Адил эмас, эртадан қора кечгача ҳақорат қилсанг кўтараверадиган» деган эдимку! Сенинг Бўжейнинг ўғли бўлганингнинг, йўғонлигингнинг Қорашегирга нима аҳамияти бор! Қуш боқишини билиш керак. Қушни бузиб қўйдинг. Айнигани учун тулкини олмай, қўйиб юбурди. Мана бу Турғонбойнинг гапини эшитсангчи. Қорашулақнинг олдида келаётган бўлишига қарамай тулкини унга ташлаб кетишни бежиз деб ўйлайсанми? Ҳаммаси ҳам майлия, лекин Қорашўлақ биринчи тўқнаш келиб олишгандаёқ бизнинг қушнинг обрўйини айрондек тўkkанини айтмайсанми! — деб, яна кулди.

Уз аламини олиш учун Жабайни аямай тоза та'зирини берди. Абай блан ота кундош, доим сен эмас, мен деб юрадиган Жабайга ўз қариндошининг мана бу қилиғи номуссизлик, ҳамиятсизликдек туюлиб, жуда тутоқиб кетди.

— Бу бема'нининг айтиётган гапини қаранг. Сен қушнинг тобини билгсан, лекин мендан ортиқ билмайсан. Қаердан билағон бўлиб чиқдинг? Кунда қушни ўзимга бийлатмай, талашиб-тортишиб юриб, бузсанг ўзинг бузгандирсан. Кўп алжирамай капангни олиб кетгин-да, мендан овлоқ юр! — деди.

Шу ерда турғанларнинг ҳаммаси Жабайнинг ҳаддан ташқари катта кетиб, ўринсиз ғазабланганини фаҳмлашибди-ю, яна кулгига олиб индамай қўяқолиши. Абай се-кин Жабайнинг ёнига келиб, илгари ҳеч кўрмаган Қорашегирга энгашиб қаради-да, Жабайга: «Қалпоғини олчи!» — деди.

Анчагача қушга тикилиб турди, чўнтағидан янги булғори портсигарига солинган папиросини олди. Боймағамбет чақиб берган тугуртдан ёндириб олиб, бамайлихотир папирос чекнб турди-да:

— Қорашегир деганлари оддийгина шегир эканку¹! — деди, Жабайнинг ҳалиги баҳсадан пайдо бўлган жароҳа-

¹ «Узоқ учолмайдиган қушга узундан-узоқ от қўйишнинг пима жожати бор» деган ма'нода.—Ред.

тини жўрттага чуқурроқ тирнаётгандек, қушни камситиб. Шундан кейин Жабайлар ҳалигача тулкининг сонини ўнтага етказа олмаганини ҳам сўраб билиб олди.

— Бизнинг ҳар уччала капамиз ҳам тулки терисига тўлиб кетди. Бекпўллар ҳам архар блан буғуни ўйиб ташлашди. Тулки тошда юрса Қорашўлақ илиб кетади, дарахтзорга кирса, қора този тирқиратиб қувиб чиқади! — деди-ю, отининг бошини бурганча кетаверди.

Жабайнинг ёнидаги қоғуши, овчи ҳамроҳи Бийбола деган йигит эди. Абайлар кетиши блан у:

— Бу тоза мақтаниб, ўзини кўрсатиб кетди-ку! — деб қолди.

Абайлар шу кетишда тўғри капага бориб, ҳалиги архарнинг қовурдоғини сийшмоқчи эди. Турғонбой кўнмади.

— Бугун Қорашегиргина эмас, Қорашўлақ ҳам кўнглимга унча ўтиришмай турипти... Шуни яна бир синааб кўрайликчи. Кун ҳам тушга яқинлашиб қолди. Қапага бориб қайтгунимизча кеч кириб қолади. Ярим кунимиз бекорга ўтади. Қирғиз Шотини яна бир изғиб чиқайлик. Қани, буёққа юринглар! — деди. Боймағамбетга рўпарадаги жарни кўрсатди: «олдинга туш!» дегандек қўлини силтаб, қайрилиб кетди.

Овчилар шу кетгандарича қош қорайған пайтда калларига қайтиб келишди. Лекин тулки олишолмади. Боймағамбет ҳайдаб чиқариб берган тулкига икки марта юборилганда ҳам Қорашўлақ ҳафсала қилмади. Ўзини ўёқ-буёққа чалғитиб кетиб, тулкига қарамай қўйди. Суст учган бургутга чап бериб, инига кириб тош бағрига тиқилиб, икки тулки ҳам қутилиб кетди. Шундан сўнг капага қайтган овчилар, Қорашўлақнинг бугунги фе'л-авторига тушунолмай ҳайрон бўлишиди.

Илгари кунигина бемалол учтадан тулки оларди, ҳатто икки марта тўрттадан ҳам олган эди. «Тоби айниб қолдими? Ҳолсизлана бошладими? Еки учтадан тулки олиш оғирлик қилаётирми?» дейишарди. Қорашўлақ қанотларини ҳурпайтириб ўтиради.

Тўрт овчи галма-гал унинг жунжиб ўтиришига тикилиб келишди.

Бургутнинг ўзи ҳам, киройи Қорашўлақ деса дегудек эди. Ўнинг гавдаси бир қучоқ бўлиб, ҳозиргидай латини ҳурпайтириб ўтирганда ён томондан қаралса, бўйи эндан қисқа кўринар, каттакон қора тўнкага ўхшарди.

Овчилар капага келишганда, Абайнинг капасида мөхмоналар ўтиришган экан. Жиренше блан Абулғози келишилти. Бу икковининг Жабайдан айрилиб, бу ерга келишининг тагида Жиреншедан чиққан бир гап бор эди.

Ҳали булар Абайларнинг тўдасига йўлиқиб, айрилиб кетишганда, Бийбола айтиб юборган гапданми ёки ўзининг кўнгли озор топганданми, ҳар ҳолда Абайнинг ҳалигидаи қилиб кетиши Жабайга жуда кор қилиб, қаттиқ ранжипти. Ёнидаги ҳамроҳларига қараб, қовоқ думогини осилтириб, бошини чайқаб:

— Ҳалиги менга катталигини кўрсатиб кетди-ку! Унинг отаси Қунанбой бўлса, менинг отам Бўжей. У Абай бўлса, мен Жабай! Нимасига бунча гердайиб, мени камситаётир? — деб, — Қорашегир, сенинг тобинг туфайли эшитаётирман-ку бу та'наларни! — деб, чиндан ранжиб, куюниб кетган эди.

Жиренше блан Абулғози Жабайнинг бу гапига на қўшилишди-ю, на э'тиroz билдиришди. Броқ, Жиренше овда ўтадиган гап-сўзларга, ба'зи ишларга ҳечқачон жиддий тус бермас, шунчаки, гап, ҳазил деб қаради. У бироз хаёл суриб келаётиб, астагина пиқиллаб кулди-да, Абулғозининг биқинига қамчи блан туртиб, Жабайдан кейинроқ қолишиб.

Жиренше найранг ишлатиб, бир қалтис ҳазил қилишнинг режасини тузган экан. У ҳийла ишлатадиган бўлса, Абайни ҳам, Жабайни ҳам бир эзмда қўлга туширади. Бу икковини қўлга олиб, эрмак қилиш унга ғоят қизиқ овдек кўринди. Сўзамол, э'тиборли Жиренше бу кунларда сержамоа Котибақ элининг ёлғиз устуни бўлиб олган эди. У фақат Чинғиз бўлисида эмас, қўшни ўтирган Кўкшесе, Мамай элларига ҳам, Керей, Уоқ элларига ҳам э'тиборли йигит бўлиб чиққан.

Абай ҳам ўзининг обрўйи, э'тибори бўлган жойларга шу ўртоғи блан бориб, у ерларда ҳам унинг э'тиборини ортиришга тиришарди.

Мана шу Жиренше, Тўбуқти орасида, ба'зап эл ўртасидаги уриш-жанжал, олишув-тортишувларда кўпчиликка сездирмай, усталик блан ҳазил ишлатиб, ўртага ис-не чигал тугунларни ташлаб қўярди. Бирорни эрмак қилишда устихони йўқ, кулгидан оғзи бўшамайдиган Жиренше, ўшандай пайтларда тулки блан ўйнашаётган бургутга ўхшаб кетарди. Ҳозир яна ўша одатини ишга солди.

Абулғозини четга чақириб олиб, пичирлаб ўз режаси-
ки унга ҳам уқдириб келаётир. Гап орасида кўзини шинг-
райтириб кулар, ёшлиқдаги шўхлигидан қилиб, от усти-
да чалқанчасига ташлаб керишиб қўярди. Ўзи ҳам ки-
шининг ақли етмайдиган гапларни топган эди.

— Жабай ҳалиги гапни азбаройи алам қилганидан
гапираётир. Абай буни жуда срга уриб кетди. Мағур-
лик блан, менинг кимлигимни билиб қўй, деди-да. Бу шўр-
лик қандай чидасин! Энди иккаламиз Абайдан унинг
ўчини олиб берамиз. Аммо бу иш ёлгиз менинг қўлимдан
келмайди. Менинг қушбегилигим — сенинг муллалигинг-
дек гап. Абай менга ишонмайди. У Жабай эмас, муғом-
бирроқ. Сен бои қўшсанг, икки киши бўлиб Абайнин ал-
даймиз-да Жабайнинг ўчини олиб берамиз! — деди.

Абулғози Абайнин яхши кўргани, чии дўст деб ҳисоб-
лагани учун, дастлаб:

— Қўй, хафа қилиб қўямиз! Мендан кўнгли қола-
ди! — деган эди, Жиренше яна баттарроқ кулди.

— Вой хумпарей, қуш деган нарса кишининг номуси
эмас-ку? Жабай гўллигига бориб ундан койиб келаётир.
Қуш қиз эмас-ку. Нимадан номус қилиб ўпкаларди дей-
сан? Биз уни алдаганда қуш орқали алдаймиз-да! — де-
ди. Бу ишнинг амалга ошиши осон гап эмаслигига кўзи
етган Абулғози:

— Ие! Турғонбой алдатармиди? У кўзинг чиққур
қушнинг ичидаги қириндисигача кўриб турди, ўлса ал-
датадими? — деди. Жиренше буни ҳам парвойига кел-
тирмади.

— Ҳай, у қушни билгани блан эси паст, баджаҳл нар-
са эмасми? Сен ўзинг менга фақат ўшанинг қўлидаги
Қорашўлақнинг тобини, қандай боқилаётганини айтиб
маслаҳат бериб турчи. Турғонбойга қўшиб Абайнин ҳам,
бошқасини ҳам тойдек бўйнини остида қолдириб, ҳеба-
лакдек учириб юборай! — деди.

Бугун Абайнинг капасига меҳмон бўлиб келган дўст-
ларнинг кўнглида мана шундай ғараз бор эди. Жирен-
шега эрмак керак. Қорашўлақни капага олиб киришлари
блан астагина Абулғозини туртиб, қушга қараб имлаб
қўйди. Абулғози: «Қани Қорашўлақнинг гавдасини бир
кўрайчи» деб, қушни қўлига қўндириб, анчагача силаб-
сийпаб ўтириб, хўп синчиклаб кўрди. Сўзлашганда ҳам
қушнинг гавдаси, суюги, насли ҳақидаги гапдан нарига
ўтмади. Турғонбойнинг аччигини келтирадиган томонга

тил тегизмаслик шарт эди. Қушнинг тоби, бугунги аҳволи ҳақида оғиз очмади.

Абай иссиқина, кенг капанинг ичига гулхан ёқтириб юборди-да, меҳмонларга яхши чойдан дамлатди. Чин кўнглидан хуш кўриб кутмоқда эди. Абулғозига: «Бургутни яна кўр, яна бир кўргин» — деб, икки-уч марта ўзи илтимос қилиб, тутқазди. Лекин Абулғози ҳаргал ҳам у кутганича жавоб қилмади. Қуш тўғрисида фақат ҳалигидай, бугунги овга алоқаси бўлмаган мақтовлар блан чегараланарди. Абай дўсти Абулғозининг бундай тортиниб ўтиришини ёқтиримади.

— Бекорчи гапларнинг нима кераги бор! Ундан кўра бугунги тоби ҳақида гапирсангчи. Бунинг кечқурун шундай аҳволга тушишининг боиси нима деб ўйлайсан? Сенинг фикрингча, бугун қандай овқат бериш керак? Шуни айтгин,— деди.

Абулғози шунда ҳам у тўғрида оғиз очмади.

— Ҳа, Турғокенг биладику! Турғокенгнинг ўзи ҳам билади! — деди-ю, очиқ жавоб қилмади. Абайнинг Абулғозидан қушнинг овқатини сўраб ўтирганига Турғонбойнинг энсаси қотди. Ирғиб ўрнидан турди-да, бугун овланган тулкининг бир қўлини суғуриб олди-да, бўсағада орқасини ўгириб ўтирганича, бургутга овқат тайёрлай бошлади. Абулғози унинг рўпарасида ўтиради. «Турғокенг билади» дейиш блан бирга унинг қушга ҳозирлаётган овқатига қайта-қайта кўз ташлаб қўярди.

Турғонбой қушга қони қотмаган, янги гўштдан бермоқчи бўлаётир. Бу — тоби қочиб, ҳолатдан кетабошланган, ётдан тушиб қолган қушга бериладиган овқат. Демак, Турғонбой: «Қорашўлақ этдан тушиб бораётир» деб билар экан. Абулғози ҳали қушнинг сонини, тўшини, думининг тагини тимискилаб хўп яхшилаб кўриб чиқдан эди. Ҳақиқатда ҳам бу жойларида қоракесак этдан бошқа ҳеч гап йўқ эди. Абулғозининг узун бармоқли оппоқ, юмшоқ қўллари қушнинг қаноти тагида бироз ёғ пайдо бўлганини ғоят сезгирилик блан билиб олди. Лекин буни Турғонбой пайқамаган бўлса керак. Унинг қадоқ босиб кетган қўли яхши ажратолмай қанотдаги катта патларнинг таги деб ўйлаши ҳам мумкин эди.

Абулғози қушни ушлаб ўтириб, бугунги учиши Турғонбойга ма’қул бўлмаганини сезди. Яна айниқса, кечқурун ҳам учинчи, тўртинчи тулкига жон-жаҳти блан ташланмаганининг сабабини билиб олди.

Шундай қилиб, агар Абулғози Жиреншени ўз мақса-
дига етказаман, Қорашўлаққа зиён келтираман деса,
ҳозир қўлидан келарди.

Айниқса Турғонбойнинг қушга тулки гўштининиг қо-
нини сиқмай бериши жуда ўринсиз. Қиронни аввалгидаң
ҳам бузиб қўяди. Абулғози қушга ачинганидац, бир
кўнгли айтиб юборай ҳам деди. Жиренше Абулғозининг
ҳамма нарсага зеҳн солиб, билиб олганига энди жуда
ишонди. Абулғози буёғига қолганда, ўйинни бузиб юбор-
маса яхши эди, деб, ўрнидан туриб келди-да, шериги-
нинг ёнини қаттиқ чимчилаб қўйди.

— Бўёққа бер-чи, шу қушни ўзим бир кўрай! — деб.
у ҳам анча вақтгача Қорашўлақнинг орқабошини силаб-
сийпаб ўтириб, кейин ўз жойига қўндириб қўйди.

— Яхши қуш экан, лекин тобга олишни билмаётгак
экансанлар! — деб қўйди, зўр ишонч блан. Турғонбой
ялт этиб унга бир қаради-да, энсаси қотиб, яна юзини
четга ўғирди. Абай қушбегисининг ғашига теккан Жирен-
шени эрмак қилиб:

— «Жиренше, Жиренше» деб юрганлариға қушнинг
тилини ҳам биламан, деб ўйлайсанми? Сен билганини
Турғонбой ўёқда турсин, ўзим ҳам биламан. Кўп маҳма-
даналик қилмай, меҳмон бўлиб иззатинг блан жим ўтири! —
деди. Жиреншие ҳазилни кўтараверар эди. Ҳингиллаб
кулди-да:

— Шуни айт, биз нимани билар эдик. Ана у русча
китобларда «Тулоқнинг Қорашўлағини Абай бундай
парвариш қилсин!» деб ёзиб қўйгандир. Узинг оғзингдан
туширмайдиган Пушкин ёзганми? Тулстой айтиб берган-
ми? Сен биласан! Ана, биз аралашмай қўяқолдик. Тур,
Абулғози, отларни ўтга қўндириб келайлик! — деб.
Абулғозининг елкасига туртиб, эшикка олиб чиқиб кетди.

Эшикда Абулғозидан сўраб, қушнинг миридан-сири-
гача билиб олди. Қайтиб уйга киришганда, Турғонбой
қушга овқат бермоқчи бўлиб турган экан.

Абай ундан: «Бугун қандай овқат бермоқчи бўлаё-
тиран?» деб сўраган эди, Турғонбой истар-истмас:

— Бугун «ўйтамоқ» деган овқат бераман! — деди.

Бу ҳалиги овчилар эшифтмаган янги гап эди. Абай
ижикилаб сўраса, у тулкининг бир қўлини қонини сиқ-
масдан бераётган экан. Абай блан Турғонбой қушнинг
олдида гапга алақсиб турганларида, Жиренше Абулғо-
зига қараб шивирлаб:

— Эртага бу қуш нима қилади, шуни айтиб берчи? — деди. Абулғози ҳам секингина:

— Бу қуш эртага тулкини олишга олади-ю, броқ қўйиб юборади! — деди.

Шундан кейин Жиренше орқасига иккита катта ёс-тиқни устма-уст қўйиб, тўрда чираниб чалқасидан тушиб ётиб олди. Узун қўнғир соқолини бармоги блан тараф, ётган ерида кўзини шинграйтириб, Абай блан Турғонбой томонга қараб қўярди. Ётиб-ётиб бир вақт «одамли» парихонлар, фолбинларга ўхшаб фикрини шартта айтди қўйди.

— «Ўйтомуқъни берилсан! Лекин менинг айтганим келмаса, кўрарсан. Бу қуш эртага тулкини олиб ерга уради-ю, қўйиб юборади! — деди.

Шундай деди-да, овқат пишгунча қитдек тиниқиб олмоқчи бўлган одамдек, орқасини ўгириб, мук тушганича кўзини юмди.

Броқ кўзини юмишга юмдию, кулимсираган ҳолда Турғонбойнинг ҳаракатига зидан назар ташлаб ётди. Қушга овқатнинг ҳаммасини берадими, ё бермайдими, шуни пойлади.

Турғонбой у блан айтишмаган бўлса ҳам ичиди аччиғи келиб, ўжарлик блан ўчакиши. Аслида Жиреншенинг мақсади ҳам жиззаки Турғонбойнинг жаҳлини чиқариб, асабини қўзғотиш эди. Овчиларнинг одатига хилоф бўлса ҳам, боягидай, қўпоплик блан муомала қилиб Турғонбойни ғазаблантиromoқчи, уни ўз ишидан янглиштириб юбормоқчи эди. Бўлмаса, овчиларнинг таомилида ҳар кун қуш кўтариб юрадиган тажрибали, қушбегига: «Ўйдай овқат берма, сен адашаётисан» деган гапларни айтилмайди.

Турғонбой Абулғози блан маслаҳатлашмоқчи бўлиб турган ерида Жиреншенинг гапига жаҳли чиқиб, маслаҳат солишини ҳам йиғиштириб қўяқолди. Унга ўчакишиб: «Ўйтомуғи»ниниг ҳаммасини едириб қўйди. Қуш жиғилдин туртиб чиққунча еб, ҳўп тўйиб олганидан кейингина Жиренше қора санг-санг пўстинини бошига тортиб ёпинди-да, ёнида ётган Абулғозини чимчилаб қўйиб, анчагача пиқиллаб кулиб ётди.

Эртасига Абайлар овга чиққанда Жиренше блан Абулғози бирга чиқди. Буларнинг ови кечагидек эмас, бугун қанча юришмасин, тулки кўринмади. Фақат туш оқкан пайтдагина, Боқонос тоғининг кунгай томонидаги

чакалакзор тармоқларининг биридан қофуши — Боймадамбет блан Жиреншенинг йигити бир тулкиниң ҳайдаб чиқишиди. Абулғозининг қўлидаги Жиреншенинг қуши толпиниб турган бўлса ҳам Жиренше қушни солдирмади. Жўрттага Қорашўлаққа навбат берди.

Тулкини кўрганда толпиниб турадиган Қорашўлақ Турғонбойнинг қўлидан қаттиқ интилиб учиб кетди. Зарб блан бориб, тулкига ҳам кўнгилдагидек ташлангандай бўлди. Жиренше, Абулғози, Абай уччови қатор туришган эди. Абай қушнинг тулкига тиғипаррондек отилиб бораётганини Жиреншега кўрсатиб ҳазил қилди.

— Жиреншевои, ана энди сенинг башоратингни қўраман! — деди.

— Хайр, кўрсак-кўрармиз! Ҳали тулки қанжуғаптга боғлангани йўқ-ку. Кўп ҳовлиқаверма! — деб Жиренше кулганича қушга қараб турди.

Тулки бир туп толнинг тегида турган экан. Қуш отилиб бориб, шап этиб, тулкига чанг солди. Панжасининг зарбидан тулкининг бели қайишиб, шилқ этиб ётиб қолди, лекин буниш ҳаммаси даставвал бориб ташланган ондаги ҳаракат эди. «Олди, босди» дейишиб, Абай блан Эрбўл от қўйишганича қуш тушган ерга кетишиди. Шу тобда бургутнинг чангалидаги тулки жонининг борича юлқиниб, типирчилаб, устидаги бургутни тушириб юборди-да, тармашлаб бориб яқиндаги чакалаклар орасига кириб кетиши пайида ичкарига интилабошлади. Абайнинг орқасидан Турғонбой, Жиреншелар ҳам югуришиб келаётган эди.

Овчилар яқинлашиб келган пайтда, бургут сирғилиб, чангалининг ичига кириб кетаётган тулкини ушлаб қолмади. Иккى оёғини бирдан тортиб олиб, тулкидан айрилиб қолаверди.

Тулки, бургутнинг чангалидан лат еган елкасини қимирлатиб, тўлғонганича чакалакнинг нариги томонига ўти-да, бирпаста ғойиб бўлди. Бу кайфиятни кўриб ҳайратда қолган Абай блан Эрбўл ўқинганларидан сонларига урганларинча отларининг бошини тортиб, гангигиб туриб қолишиди. Жиренше оғиз очиб сўз қотмади. Қўзларини қисганича отининг устида дам орқага, дам олдинга оғиб завқ блан хўп кулди. Турғонбой айб ўзидан ўтганилигини бўйнига олишни истамасди. Кечаги Жабайга ўхшаб, у ҳам айбни чангалзорга қўяётган эди.

Қорашўлақ Жонбоур Шўгелнинг авлодидан. Жонбоурнинг авлодини Вали тўрадан яхши биладиган ким бор?

Уша: «Жонбоурнинг чангалидан тулки қочиб қутилмайди, лекин чангальорда тулкига тушмайди!» деган-ку,— деди.

Бу гаплар қушбегининг ўзини қанчалик юпатгани ма'лум эмас, лекин Абай блан Жиреншени ишонтираолмади. Чунки Жиреншенинг айтгани келиб, уларни енгиб, изза қилди. Бугунги ов шу блан ўтди. Овчиларнинг омади келмай, бошқа тулки йўлиқмай, капаларига кеч қайтишди.

Энди Турғонбой бургутга кечқурун қандай овқат беради. Абулғози блан Жиренше шуни билишга қизиқарди.

Абулғози қушнинг қаноти тагида пайдо бўлгани мойни яна топиб, кечагидан кўра бугун анча билиниб қолганини аниқлади.

Турғонбой бўлса, икки-уч кун ичида бургутнинг тобини аниқлаб олишга қарор қилди. Агар семириб бораётган бўлса, шу сингари овқат блан икки-уч кунда аниқ билиниб қолади. У ҳолда бундан кейин нима қилиш, қандай йўл блан оздиришнинг чораси осон бўлади. Ҳозиргидай гумонсираб ўтиришдан ёмони йўқ. Шу аҳвол бир ҳафта, ўн кун чўзилиб кетса, қуш биратўла айниб қолиши мумкин. Шуларни назарда тугиб, қушига яна кечагидек «Ўйтомоқ»ни берабошлади.

Бундан кейин нима бўлишини Абулғозидан сўраб биллиб олган Жиренше, Турғонбой боплаб қушни тўйдириб қўйгандан кейин, яна кечагидек фолбинлик қилиб тўла ишонч блан:

— Ҳа, эртага Қорашўлақ тулкига чанг ҳам сўлмайди, устидан айланиб ўтади-ю, кетаверади! — деди.

Абай уни ҳазиломиз жеркиб:

— Алжима, муаккилларинг келиб қулогингга шивирлаб кетдику, тўғрисини айт! Қирғиз Шотидан жин теккан янги фолбин! Қароматингни эртага кўрарман! — деди.

Жиренше яна кечагидек Абайларга орқасини ўгириб мук тушганича тўнинга бурканиб ётаркан:

— Ундай бўлса, бу қуш энди етти кунгача тулки олмайди! — деб қўйди.

Эртасига одатдагидан эртароқ отланган овчилар қатгиқ баҳслашиб, ўчакишиб овга чиқишиди. Броқ бугун ҳам кечагидай, кун бўйи бирорта тулки дуч келмай, ниҳоят кефга яқин кўринди. Кўринишга кўринди-ю, лекин Қорашўлаққа олдирмади. Жиреншенинг айтгани кечагидан ҳам бугун тўғри келди. Қорашўлақ ўқдек отилиб тулкининг устига борди-ю, лекин чанг солмасдан ўтиб кетиб, нарироқдаги бир тошга бориб қўнди.

Энди кулги ҳам йиғиширилди. Абай блан Турғонбой Жиреншега қарши оғиз очолмай қаттиқ уялиб қолишиди. Жиреншенинг мақсади шу эди. Қош қорайиши блан ўзининг қофуши йигитини олиб, хайр-ма'зурни ҳам нас'я қилиб, отини қаттиқ елдирганича Қозболадаги ўз капасига кетди. Абулғозини ҳам бирга олиб кетмоқчи эди. Лекин унинг шу кунгача Абайларни масхара қилишига энди қўшилгиси келмаган Абулғози, Жиренше блан кетмай, Абайлар олдида қолди. Турғонбойга:

— Қарашўлақни койитиб қўйдинг. Уч кун ўзимга бериб қўй, тузатиб берай. Қўй энди, номус-помусни йиғишири! — деди.

Абай ҳам Турғонбойнинг янглишганини бугун аниқ билган эди.

— Энди шунинг айтганини қил. Турғонбой, ўз билармонликни қўй! — деди.

Шунинг блан улар уч-тўрт кунгача қушни қайтадан тобига келтирмоқчи бўлиб юришганида, Абай овчилар блан бирга юрмай, капада қолди. Жиреншенинг буларни эрмак қилиб, сарсон қилиб кетганини энди аниқ билган Абай ундан на хафа бўлдию, на фазабланди. Лекин ўйинда ютқизиб қўйганига қаттиқ хижолат тортди. Энди у Солбурунга олиб келган бир хуржун китобларини олдига ёйиб, мутолаага киришди. Ҳар кун капада узлуксуз гулхан ёқтириб, архарнинг гўштидан мойли қовурдоқ тайёрлатиб холи жойда ўтириб, китоб ўқишга тушди.

Шу йўсинда уч-тўрт кун ўтди. Бу кунларда Турғонбой блан Абулғози: «Қорашўлақни яна тобга келтириб қўйдик. Аввалгисидек ов қилаётир» деганлари блан капага кўп тулки олиб келишмади. Уч-тўрт кун ичida иккى қуш блан юриб, олиб келганлари фақат иккитагина тулки бўлди.

Шундай қилниб, яна бир маслаҳат вақтида Турғонбой блан Абулғози Абайга: «Бу ердан кўчайлик. Бу ерда тулки қолмади. Кўчганда ҳам узоқ-яқин демасдан, тўғри Мошонга кўчайлик!» дейишиди.

Қиши кунида Боқонос блан Мошоннинг ўртаси бир кунлик йўл. Қор босиб ётган қатма-қат, йўлсиз адирларни ошиб, Мошонга бориш осон гап эмас. Лекин қиши эндиғина кирди. Ҳали қалин қор тушган эмас. Овчилар қушларнинг тоби жуда жойида дейишаётир. Архар, буғи отадиган Бекпўл ҳам қайта-қайта: «Архарлар бу ерлардан узоқлашди. Ўзларининг қишлиқ макони бўлган Буғили ва Мошон тоғларига кетиб қолишиди» деяётган эди.

Мошон, Чингиз элининг ери эмас. У — Тўбуқтанинг Қоракесек томонидаги, чет-четда яшайдиган уруғлардан бирига қаравши қўнис. Абай шу ёшга киргунча у төғларни оралаб кўрмаган эди. Қишининг куни у ерларда эл борми, овчилар борми, ўзи кимларнинг макони — бундан бехабар эди. Фақат Тўбуқтанинг пасти-баландини, бор маконларини яхши биладиган, зийрак Абулғозидан суринтириб ўтириб, ўша ерлар ҳақида озгира ма'lумот олди. Мошоннинг ба'зи төғ оралиқларида Ескене ва Мўтиш элларининг битта-яримта оувуллари яшар экан.

Йўли узоқ, одамлари бегона бўлган нома'lум сафар Абайнин учча қизиқтирмас эди. Аксинча, ҳамроҳлари шу гапни айтгандан бўён кўнгли жуда ғаш тортиб қолди. Бир ҳисобдан: «Шу яйловлардаги жониворлар камайиб қолган бўлса, элга қайтиб кетиша қолса нима қиласди-я!» деб хуноб ҳам бўлди. Аммо бундай дейиш, мана бу жон-дили ов бўлган, ҳеч ҳормайдиган абжир йигитларнинг наазарида эрипчоқлик, чидамсизликдек кўриниши мумкин эди. Шунинг учун: «Ҳарқандай бўлганда ҳам бир сафарга чидай, Мошондан ўёғига овни тўхтатиб, Чингизнинг ўша еридаги довонидан ошиб, Қидирдан ўтиб Жидебойдаги оувулга ҳам кириб чиқаман!» деб ўйлади.

Абай кўнгандан кейин, уч капа эртасига эрталаб йиқитилиб, овчилар Буғули, Мошонга кўчиб кетадиган бўлди. Абулғози Абайнинг Мошонга боришини ўзи маслаҳат кўргани учун, энди Жиренше блан ўзларининг капасини ҳам ўша ерга кўчирмоқчи бўлиб, ярим кечада отланиб кетди.

Эртасига гира-шира пайтда, кўч Қирғиз Шотидан жўнаб кетди. Қўлида бургути бўлғанларнинг кўпчилигини ўша кўч блан юбориб, уларга Турғонбой блан Исмоғулни бошлиқ қилишди. Абайнинг ўзи, Эрбўл, Шаке, Боймағамбет тўрт киши бўлиб, бошқа қисқароқ йўлдан кетишиди.

Кўчдан бўлиниб кетаётгандаридаги, Абай блан Исмоғул қилган ва'да бўйича бугун булар Буғулига бориб қўнишмоқчи эмасди. Буғулининг бериги этакларидағи, «Эсбўлатнинг Қорасуви» деган ерда, Үрозбой қўнисида учрашмоқчи эди. Гундаги ва'dага биноан бугун кечқурун Жиренше блан Абулғозининг кўчлари ҳам ўша ерга етиб бориши керак эди. «Шундан кейин эртага Буғули тогини оралаб бориб, Мошонга эртага, туш пайтида бемалол кириб борайлик. Қеч кирмасдан ўрнашиб оламиэ. Бугун борамиз деб, уринмайлик. Шошмасдан бир қўниб борақолайлик» дейишган эди.

Шундай қилиб Абай бошлиқ тұрт овчи Қирғиз Шотидан чиқиб Жоннек орқали Қозболадаң үтиб, тушга яқин Бұтақон үшогидан ошабошлаши.

Бу ерларда ҳам қор унча қалып әмас әкан. Йұловчилар келаётган мана шу ерлар — Абайнинг огуллари, қардошлари ҳар өз күчиң келадиган таниш құнислар әди. Йұловчиларнинг отлари семиз, тобида. Ҳаммаси янги тақаланған, юриб چарчайдың әмас. Булон қүйруқ¹ юриш блан бир зайлда тез үйртиб кетишаёттир. Тинч кунларда әққан қор, бу ерларда бұладың совуқ блан күчли бүронларни ҳали құрмаганидан момиқдай құпчиб әтарди. Гарчи үйлени оғирләштирадың даражада бұлмаса-да, отнинг түпнегідан ошарди. Қорда ҳали из бұлмаганидан йұловчилар қаторлашиб юрмай, кетма-кет боришаётган әди.

Шаке үйл бошлаб борарди. У ёш бұлса ҳам, бүш-ба-әв әмас, анча чиниққан, үтдек чақнаган Ыигит. Бундан ташқары илгари ҳам иккى марта Солбурунга овга чиқиб, үйл күриб күзи пишиб қолған. Абай блан Эрбұлнинг ёши ундан катта бұлса ҳам қиши кунларыда бу ерларда юриб құрмаганлари учун үйл бошлашни Шакега топширишди.

Тонг отгандәеқ ҳаво айниб, бироз туман тушиб, қоронғилашиб турған әди. Йұловчилар Боқонос, Қозболанинг қатма-қат баланд тоғлари, катта довонларидан үтишгач, ҳаво озроқ әришгандек бұлды. Лекин куннинг күзи күрингесди. Гунгурт, хира қиши ҳавосида құчма булатлар үркәч-үркәч бұлып шимол томонға әпірилиб бораёттир. Ҳалигина баланд тоғ бопшыны чулғаб, әтакларигача чувалиб тушған туман, энді күтарилиб кетди. Шундан кейин қүёшнинг булатлар орасидан тушаётган заиф, оқиши шу'ласи, куннинг қайвақт бұлғанини аниқлашга имкон берди. Ҳозир совуқ бұлғани блан қақшатиб, юзкүзни чимчилайдығап аең үйк.

Үйл бошлашни ишончли үйгитта топширган Абай, атрофға ма'юслик блан ғамғын назар ташлаб келаёттир. Болалик өнімді бирқанча әзни мана шу Бұтақон үшогида үтказғанида, бошидан кечирған турли-туман шодлик ва қувончлари, қайғу ва аламлари хотирига тушиб бормоқда. Ана шу хотиралардан бири әнаси блан үз снаси Үлжонни зүр олқыш блан эслатди. Абай, Бұтақон үшагидан қиялаб үтиб бораркан, үша йили катта уй қароргоқ эт-

¹ Отнинг думи иккى томонға силкиниб юрши, думини силкитиб жарадыған бир тоифа сахро оти.— Ред.

ган қўнисини таниди. Уни камолга етказиб, даставвал каталар қаторига қўшган макон — мана шу қор босиб, кимсасиз, эгасиз ҳувиллаб турган қўнис эди. Бу иш, Абай блан Эрбўл Бўжейнинг ма'ракасидан ҳориб-толиб, уйқусизликдан жуда толиқиб, ўзларини таппа ташлашган куни рўй берган эди.

Булар уйғонишганда, ўша иккала олтин она, Абайга, бола Абайга умрида биринчи марта қўйнинг калласини гишириб тортган эди. Йўлига атаб сўйилган қўйнинг калласини тортиб, биринчи марта ёш ўғлонига энди: «Эр—азамат бўлдинг» деб, қутли фотиҳасини берган эди. Абай ҳозир ҳам кекса энасини асти кўзидан иари кеткизолмай келаётир. Назаридা, агар кўзини юмиб, қўлини чўэса, энасининг кичкина, буришган бармоқларига бориб тегадигандай бўларди. Ўша бармоқлар орқасига қоқиб, эркалатиб, пешонасидан силаётгандай туюларди. Томоғига бир нарса тиқилиб келгандай бўлдию, кўзлари жиқ-жиқ ёшга тўлди. Қур'он ўқиб, энасининг арвоҳига бағишлиб юборди.

Қур'онни диндор кишилар мозор бошида, дастурхон устида, ма'lум бир вақтларда, ҳайит кунларида ўқиса, Абай энаси ёдига тушиб, ҳозиргидай қаттиқ соғиниб йўқлаган пайтларida, тўғри келган жойда ўқиб кетаверар эди. Қур'онни ўқиб бўлиб фотиҳа қилди. Қайрилиб: «Қишки манзарасини хотиримда қолдириб кетай» дегандек қилиб, орқасида қолиб бораётган Қозболанинг Қорашўқисига анча вақтгача тикилиб, қараб турди.

Бўтақонда ўтган, аста эсдан чиқмайдиган ўша кундаги чошгоҳ пайтини хотирлаш — унга ўша вақтларнинг яна бир унтилмас дамларини эслатди.

Тутош булат орасидан гулгун чеҳрасида севинч акс этиб кулиб ёлғиз ма'шуқаси — Тўғжоннинг сиймоси на маён бўлди. Эрбўл шу Бўтақондаги ана у кўриниб турган тепалик бошига Абай учун бир қувончли хабар олиб келган эди. Ўша тунда бориш — қайтиш сафари... Жанибекдаги дараҳтзор орасида, ой нури остида Тўғжонни қаттиқ соғиниб қучогига олган ўша он, бор нафаси, ҳатто билин-билинмас шарпаси блан Абайнинг қалбида янгидаш қўзғолди. Абай, ўша манзараларни, ўша саробдек онларни хотирлаш блан ўзининг ҳозирги ҳаётини, қаерда эканлигини биратўла унтиб, анча вақтгача хаёл денгизига чўмиб кетди. Севги изтиробларини, юрак қони блан ёзишган ошиқлик китобини кўз юмиб, дилида ўқиб

Сорарди. У ба'зан хўрсиниб қўяр, ҳасратга тўла юракдан йиғлаб Тўғжонни йўқларди.

... Қанча вақт ўтгани ма'lум змас. Фақат унинг қалби соғиниш, нолиши созини чertар, ўзи чertиб, ўзи тинглаб келаркан, қаттиқ зарб блан келиб урилган ҳаётнафаси ҳаммасини остин-устун қилиб, бузиб юборди. Соғинган ёрини тушида бағрига босиб турган пайтда туртиб уйғотиб юборгандай бўлди. Абай ялт этиб атрофига қараб, эс-хушини йигиб олди. Қараса, оти тўхтаб турипти, ҳамроҳлари ҳам бир ерга тўпланиб туришипти.

Шу чоғ кучли бўрон кўтарилиб, қор учқуввлаб, бутун атроф оппоқ қор пардасига чулғанипти кўйипти. Абай ҳавонинг авзойи жуда бузилиб кетганини эндигина билди. Ҳамроҳлари ҳам ўша бўронда тўхтаб қолишган экан. Эсаётган кучли бўрон отлиқларнинг теварак-атрофида ер юзи-кун кўзини тутиб, тўс-тўпалон кўтариб уввос солаёттир. Гир айланиб ўйнаётган қор учқунлари йўловчиларни қуршаб олаёттир. Абай Шакедан:

— Бўрон туриб кетдими? Юшмоқ қорни шамол учираётми? — деб сўради.

— Билмадим. Тўс-тўполони чиқиб кетди! Бўралаб ёғаётими дейман. Остимиздан ҳам, устимиздан ҳам қор уриб турипти-ку! — деди.

— Қани энди, адашмасликнинг чорасини қилайлик Бола, ўзингнинг кўнглинг тўқми? Тўғри бораётиссанми? — деди Эрбўл куйиб-лишиб Шакега. Шакенинг шубҳаси бор экан. Атрофни кўриб бўлмайдиган бўрон кўтарнилиб кетгандан кейин қай томонга юришини маслаҳатлашиб олмоқчи экан.

— Бўронда етакчи шамолнинг ўзику. Шамол чиққан томонни белгилаб, отнинг бошини Эсбўлатнинг қора сувига тўғрилаб олмоқчи эдим. Ҳаммаси ўзимизга таниш бўлган қўнислардан ўтиб келаётсиб яна хаёл сурис кетиб, шамолнинг қай томондан турганини пайқамай қолибман! — деди.

Узидан катта бўлгани учун Абай пайқагандир деган умид блан унга қаради. Абай ҳамроҳларини ҳайрон қолдириб:

— Шамол ўзи қачон кўтарилди? Мен шамол турганини тўхтаганимиздан кейингина билдим! — деди, уйқудан энди турган кишидек.

Икки кўзи кўмкўк, бурни, юзлари қипқизариб кетган салсариқ Боймагамбет, Абайнинг гапига кулиб юборди.

Бу тўрттовишинг ичидаги шамолни даставвал пайқаган ўша Боймағамбет эди. У:

— Шамол бетингга ён томондан урадиган қилиб бораверсанг, аввалги йўлдан адашмаймиз! — деди.

Шаке унга ишонмади.

— Сенга ён томондан турғандек бўлса, менга тўғридан туриб, отнинг пешонасига уриб эсаётгандай бўлган эди! — деб, иккови гап талашиб кетиши. Ниҳоят, Шаке Боймағамбетни тўхтатиб, Абай блан Эрбўлга қараб:

— Қани, бир ерда тураверган блан маслаҳат чиқмайди. Ҳали қай томонга юришни ҳам билмай қоламиз. Ё сиз икковингиз бошланг, ё менга топширинг, Абай оға, мен таваккал қилиб тўғри шу қаттиқ бўронга қарши юраман! Лекин кун тобора қаҳри заҳрига олиб бораётир. Бўрон кучайиб кетадими, нима бўлади. Шамолнинг ўзи ҳам кўтарилиши бланоқ зўрайди кетди. Энди тумоқни бостириб, ўраниб олинглар, нима бўлса ҳам тез юриб кўрайлик! — деди.

Абайга ўзидан ҳам, бошқа ҳамроҳларининг икковидан ҳам Шакенинг кўриниши блан ғайрати ишончлироқ кўринди. Шунга хурсанд бўлиб:

— Қани, қарогим! Ичимиздаги эпчилимиз ҳам, зийрагимиз ҳам сен экансан. Нима бўлса бўлар, қани орқангга тушдик, бошлайвер! — деди.

— Қани энди тавнакал, юринглар! — деди-да, Шаке ёли қора, түёклари оқ қўнғир отнинг бошини елга қарши бурди. Шамолга қарши боришга тихирлик қилиб, чир айланиб кетган катта отнинг тиэгинини тортиб ушлади-да, зарб блан қамчи босиб йўртиб кетди.

Абай унинг орқасидан кетди. Түёғи оқ қўнғир отнинг сағри кенг, семиз, тўнкариб қўйган тоғарадек экан. Абай тумоғини кўзига бостириб олиб, қўнғир отнинг сағридан кўзини олмай кетма-кет елиб борарди. Тўпидан ажралган тўрт йўловчи, кимсасиз дашти-саҳрова уввос солиб қутураётган оппоқ бўроғ қучогига от елдириб киришдию, сингиб кета верипди.

Шаке шу кетганча тўхтамасдан анча юрди. Бўрон ҳали ҳам олдиларидан уввос солиб чинқириб бўралаб эсаётир. Совуқ кучайиб кетганидан бўлса керак, энди қор аввалгидек майда, ёпишқоқ, юмшоқ қор эмас, қаттиқ муз зарраларига айланиб юз-кўзга келиб урилаётир. Айниқса шамолга қарши пешонани тутиб бориш қийин бўлди.

Шакенинг оти паноҳ излаётгандек, ҳа деса орқада елиб келаётган отларга томон қайрилишга уринарди. Тизгини хиёл бўшади дегунча бошини буриб оларди. Пешонасига санчилиб, қадалиб эсаётган қаттиқ шамол, отнинг кокилини орқасига учирив, пешонасини очиб, юнгини биттадан юлиб олаётгандай бўларди. Шаке қўнғир отнинг шамолга қарши юриб бориши осон әмаслигиги билганн ҳолда, от бошини сал бошқа томонга бурса: «Терс йўлга тушиб қетиб, адаштириб юборади» деб ўйларди. Бошқа вақтларда қамчи тегизмайдиган ўйноқи, югурдак қўнғирини ҳозир тез-тез тасирлатиб қамчилаб келарди.

Абай ўз остидаги саман отнинг бир қилигини пайқади. У кейин қолса, пешонасига шамол қаттиқ уришини сезиб, олдинги отнинг орқасидан бир қарич айрилмай паналаб келаёттир. Броқ, шундай бўлса ҳам, олдинги отдан ошиб келаётган қор аралаш бўрон саман отнинг ёлига ҳам, Абайнинг бутун гавдасига ҳам куч блан урилаёттир. Озгина вақт ичидаги отнинг қулоғигача, Абайнинг сийрак соқол-мўйловидан тортиб кипригигача оппоқ қиров босиб кетди.

Олдинда кетаётган қўнғир от блан ёш йигитни қаттиқ қийнаётган даҳшатли бўрон, Абайнинг ҳам юзига қаттиқ урилаёттир. Йўлнинг ихтиёрини Шаке блан ўзининг отига берган Абай, эгарининг қошига әнгашганича кетаёттир. Лекин, шунда ҳам саҳро бўрони йўловчиларни қаҳрига олиб эсанкиратмоқда.

Абайнинг бошидаги тулки тумоқнинг икки томонидан изиллаб ураётган шамол чаккасига санчиқ турғизиб юборди. Энгашиб келаёттиб, юзини беркитиб, буқиниб чопган эди, бўрон бўйнига қор пуркиб юборди. Бошини кўтарган эди, совуқ бўрон юзларини ялаб, беҳузур қилди. Юз-кўзини қўли блан ищқалаб совуқдан сақланса, икки қўли музлаб, бармоқларининг учига санчиқ туриб, тизгин блан қамчини ушлашга ҳам қўли қовишмай қолди. Бунинг устига, икки чаккасидан кириб тумоғини ковлаб бораётган бўрон — чидаб бўларлик әмасди.

Эгар устида ўзини тутолмай, дам ўнгга, ҳам чапга қайрилиб, отнинг ёлига ҳам ёпишиб чопаётган Абайнинг жуда мазаси қочди. Фақат мазаси қочдигина әмас, энди юз-қўлини совуқ уриш хавфи ҳам бор эди. Чаккандан ураётган совуқ ундан ҳам хатарли. Совуққотиб, тобора ўзини уддалайолмай бораётган Абай энди чопони-

нинг барини ҳам эплаёлмай қолди. Қайта-қайта қимти қўяётган барини, сал қўзғолса, шамол юлиб-юлқиб очиб қайириб борарди. Дастреб ҳамроҳларидан олдин си бой бермасман, деб ўйлаган бўлса ҳам, ортиқ чидашинн иложи бўлмади. Абай товушиннинг борича ҳайқириб, ол динда кетаётган Шакени тўхтатди. Ҳамма тўхтаб биерга тўдалашиб ҳол-аҳвол сўрашди.

Елғиз Абайгина эмас, қолган йўловчиларнинг ҳам аҳволи шу экан. Булар тўхташи блан отлари ўэ-ўзида чир айланниб, бўронга орқасини ўгириб, паноҳ излаган дай бир-бирига яқинлашиб, қимирламай туриб қолишиди Йўловчилар ҳам сакраб-сакраб отларидан тушнаб, отлағ панасида туриб, бўроннинг тобора кучаяётгани ҳақида сўзлашди.

— Епирим! Жуда ғазабига олиб кетди-ку! — деб гаг бошлади Эрбўл.

— Тез босилса майли, бўлмаса жуда хатарлик-да! Кўз очирмаётир! — деб, Абай атрофни оқ тутак блан қуршаётган бўронга қаради.

— Босилиб қолар! Сабр қилайлик!

— Сабр қилмагандা, кимсасиз далада бир жойда туриш блан жои омон қоладими? — деб, Шаке блан Боймагамбет далда беришди.

Шу тобда тўрттови ҳам ичкি чўитакларидағи рўмолчаларини олиб, тумоқларининг ичидан пешоналарини қаттиқ танғиб олишди. Икки юзи қипқизариб кетган, аёзга чиниқиб олган Шаке ҳали ҳам тетик ва бардам эди.

— Агар шамол қай томондан турганини билмаган бўлсак, унда адашдик. Адашганда ҳам қаттиқ адашдик. Адашмаган бўлсак, шу зайлда юриш блан кеч киргуича Эсбўлат қора сувига етиб қоламиз. Бўрон кишининг ихтиёрига қўядиган эмас. Секин юрган блан совуқ пасаймайди. Адашмасликка унинг алоқаси ҳам йўқ. Уёқ-буёққа зеҳн солиб юраман дейишнинг ҳисоби ҳам йўқ. Энди нима бўлса ҳам отларни яна бир ҳайдаб, узоқ йўл юришга белни маҳкам боғлайсиз, Абай оға! — деб, қўнғир отнинг қоринбоғини қаттиқ тортиб олиб, иргиб отига минди. Абайлар чурқ этмай, яна Шакенинг орқасидан кетишли.

... Қанча вақт ўтгани ма'лум эмас. Чидам блан узоқ юришга аҳд қилган йўловчилар анчадан бери ҳеч ерда тўхтамай, отларни бир зайлда қаттиқ ҳайдаб келишмоқда. Кўпдан бери пишқириб эсаётган бўрон ба'зан ўз-

тacha ғазаб блан зўрайиб кетиб, ўзини тўрт томонга урарди. Кун бўйи ғувиллаган ваҳимали товуши қулоқларни гаранг қиласади. Авжига чиқсан совуқ, созидан янгилиш мас, ба'зан оқ бўрои қаттиқ аёзга жўр қилиб уввос солиб юборарди. Саҳрова, қутурган довул ичида бошпана ва янги ўлжа — янги қон излаб бирга қўшилишиб улиётган бўрилардек улиёттир.

Шундай улиган қорли довул остида ҳувиллаб ётган бу кимсасиз саҳро, гарчи Абайнинг ўзи туғилиб ўсган ерлар бўлса ҳам, ҳозир гўё бемеҳр, кўнгли тош ўгай она-дек боқарди.

Кечагина болалик, ёш йигитлик чогининг яшил майсалари саргаймайдиган, олтии бешигидек туюлган, шодликларга тўла бу ҳаётбахш яйлов, ҳозир бағри қаттиқ қабрга, музлаб ётгаи қопқора тош тобутга айлаинган эли.

Мана шу онда, мана шу меҳнат ва машаққатли оғир дамларда, бутун дун'ё гўё бир ҳовучдек бўлиб кўринади. Қутурган бўрон ичида бир овланинг қутанидек кўринади. Дун'ё шу қадар бужмайиб, тўс-тўпалон ичида кичрайиб торайган, остии-устун келгандек бўлади. Бу дун'ёда осмон ҳам, ер ҳам, тоғ-сув ҳам, ўлка-увалар ҳам, ҳали бир шаклга кириб улгурган нарса ҳам йўққа ўхшайди. Бунинг Абай биладиган оти қозоқча эмас, русча китоблардан ўқиб-билиб олган икки сўзга тўғри келади. Бири — хаос, иккинчиси — стихия. Қандайдир бир китобда баён қилинишича, дун'ё даставвал яратилишда шундай шаклланмаган, тўс-тўполон ҳолатдаги нарсадан вужудга келган бўлса керак. Қайнаб турган сув шундай ҳаракат қиласади. Тогдек тўлқинларни осмонга отиб, сапчиб кўпик сочиб қутурастган денгиз шундай бўлади. Уша тўлқин ичида ҳарпафас ажал қиёфасини кутиб келаётган кишига ҳам дун'ё шу сингари бир ҳовуч бўлиб кўриниса керак.

Йўловчилар ҳамон тўхтамай кетишашётир. Фақат совуқ қотиш устига энди ҳоргнилик ҳам қўшилган. Шу блан бирга: «Ёпирим! Асти тинадими ўзи?» Бу юриш тамом бўладими? Энди қачон?» деган, алам ва чидамсизлик юракни ўтардиди. Бир вақт шамол сусайиб бориб, тўсатдан узилиб қолди. Абай ичида: «Ёпирим, тилак қабул бўлди шекилли, ҳалиги нолишдек қисқа тилак ижобат бўлди шекилли?» деб, умид қилди. Шаке шу он отининг бошини тортди. Қолганлар ҳам тўхташиб, баравар сўзлайбошлишди.

— Босилдими дейман! Кун бизга кўмаклашадиган кўринади? — деб тўхтаган Шаке, энди маслаҳатлашиб олмоқчи эди. Қор ёғаётир, лекин боягидек жадаллаб муз аралаш ёғмай, катта-катта юшмоқ қор ёғаётир. Бўрон босилгани блан ёғаётган қордан атрофни кўриб бўлмайди. Йўловчилар юришни секинлатиб, отларга дам беришиди, ўзлари ҳам бироз эс-ҳушларини йигиштириб олиб, энди қай томонга қараб йўл олишнинг маслаҳатини қилишди. Шу тобда қишининг қисқа куни ўтиб, қуёш ботиб бораётган эди. Ҳаво айниб, қоронғилашиб турганиданми, ёки чиндан ҳам қош қорайиб қолганми, ҳарҳолда бўрон тингани блан атрофни кўриб бўлмайдиган даражада қоронғилик босган эди.

Умидвор кўзларга кутмаган ердан қистов қорайиб кўринаётгандай бўлар, ёки яқин ерларда ёйилиб юрган қорамоллар сингари алланималар қорайиб кўринарди. Аммо бу нарсаларнинг ҳарбирини ҳарким алоҳида-алоҳида пайқаса ҳам, йўловчилар уни бир-бирларига ишонч блан кўрсатишолмайди.

— Ана у турган нима?

— Мана бу қорайиб кўринаётган нима экан?

— Мана бу томонимизда бир нарса қолиб кетдими дейман? — дейишиб, бир-бирларига кўрсатишиб, теварак-атрофга кўз ташлаб келишаётир.

Буларни кеч қоронғилиги, туман алдаб, юпатаётгандай бўлаётир. Элга етиш орзусида юрган, довул қутурган саҳродан безор бўлган кўнгилларга инсон макони шақадар иссиқ кўринмасин, илож йўқ эди. Қўра, қистов, мол-жонга ўхшаб кўринаётгандарнинг ҳаммаси ҳам бошқа нарса бўлиб чиқаётир. Ба'зан оппоқ оқариб, осмон блан туташиб турган шу яқин орадаги тепаликнинг бўлмағур оддий бир тоши ҳам қўрага ўхшаб кетаверар экан. Қалин қор тагида зўрга қилтансақ бўйи кўтарилиган тол, чангл, тобилғиларнинг боши ҳам буларнинг кўзини алдар экан.

Бўрон босилиб, ҳалиги қаҳри-заҳрига олиб турган совуқ хиёл бўшашгани блан, атрофни кўролмай келаётган йўловчиларнинг кўнглига умид бахши этгудек ҳеч гап йўқ. Чунки уларнинг бирортаси ҳам қаерда кетаётгандикларини шу оқгача аниқ билмасди.

Шакенинг тахмин қилишича, ҳозир булар Пушантойнинг ғарбидан кесиб ўтиб, Айдарли қўйтосининг ўнг томонида, ёнбағирдан кетаётган бўлишлари керак. Энди

отларпи жадаллаб бир ҳайдашса, кенг увадан ўтиб, Эсбўлат қорасувининг устидан тушишлари керак. Шакс тўғри кетаётирман деб ўйларди. Фақат бир гумони шуки, агар йўловчилар Бўтақондан чиққанда тўғри йўл олишган бўлса, шу сингари тез юриш блан аллақачон Қорасувга етишса керак эди.

Ҳали, даставвал қайси томонга юришни шамолга қараб белгилаган пайтда, Шаке блан гап талашган Боймағамбетнинг шубҳаси, бу ерда кетаётганларида ортаборди. Ҳарбир жарлик, ҳарбир қирлик, текислик ёки сойлардан ўтганлари сайин ўша шубҳасини айтарди.

— Бу ерлар Эсбўлат Қорасувининг атрофига ўхшамайди. Агар биз унинг кун чиқишида келаётган бўлсак эдик, оқ ўтли адрлар, тошлоқ тепаликлар ёки кенг увалинни босиб ўтишимиз керак эди. Бу ерларда кетма-кет булоқ, сувга сероб ўтлоқлардан ўтаётимиз. Адашдикда, адашгандан ҳам бутунлай адашдик! — дер эди.

Йўловчилар шу сингари, ҳардам-хаёллик блан секин аста кетаётганларида кун ботиб, қоронги тушди. Номалум сафар, энди уларни беихтиёр йўл босучи тун йўловчисига айлантириди. Кун бўйи тинмай юриб келган отлар бироз ором олсин, деб бир булоқнинг бошига келиб тушишди. Қнров босган семиз отларни анча вақтгача ўтлатишди. Абай отдан зўрга тушиб, дуч келган бир ерга ўзини ташлаб ёнбошлади. Кўзини юмганича жим ётиб, Боймағамбет блан Шакенинг йўл ҳақидаги мунозарасини ўйлайбошлади. Лекин, қанча ўйламасин, хуноб бўлиб, тутақишдан бошқа ҳечпарса топаолмади. Маслаҳатлашиб кўрган эди, Эрбўл ҳам бирор янги нарса айтаолмади. Аммо доим вазминлик блан иш тутадиган Эрбўл, ҳозиргидай ҳориб-толиқиши устида ҳам Абайга бир ҳазил қилиб қўйди.

— От устида юриншга қолганда икковимиз ҳам бўш келмас эдик. Броқ данғил-текис, катта йўлга тушиб олиб: «Бошга тушганни кўз кўтар» деб кетаверишга дуруст эдик. Кузнинг шу сингари ойсиз, қоронги кечаларида адашмай, йўл топиб кетаверадиган ҳунаримиз йўқ эди-ку. а! Энди қишининг қорли бўрони ичида, йўлсиз ерда бир юмалоқ индек бўлиб ётган капани излаб топадиган бизми? Тўғрисини айтсан, худонинг мана шу бўм-бўш дала-сида ҳозир бир бошпана топиш, қалин ўт орасига тушиб кетган ингани топишдан ҳам қийинроқ. Агар сенинг ундан ортиқ ҳунаринг бўлса, ўзинг биласан! — деди.

Абай, ҳунарим бор элї деяолмали. Индамай хўрсаниб қўяқолди. Ўзининг ҳам кўнглида шу Эрбўл айтгандек шубҳа бор эди. Шундай қилиб, йўловчилар отланиб яна Шаке орқасидан энди қўзғолаётганларида, ҳали тўхтаган бўрон яна кўтарилди-ю, ғувиллаб уввос солди кетди.

Бўроннинг уввос солиши — қақшатғиҷ, мудҳиш совуқнинг аломати экан. Йигитлар яна отларга миниб юриб кетганларида, кундузи ажалдек ҳайқирган кучли бўрои энди бор кучи блан улиб, пишқирганича қутуриб кетди. Совуқ кундузгига қараганда анча қаттиқ эди. Орадан кўп ўтмай йўловчиларнинг ҳолини танг қилди. Бироздан кейин ҳаммаси тўсатдан тўхтаб ҳайқириб қолишиди:

- Оббо! Энди нима қилдик?!
- ! — Чинакам фалокатга энди йўлиқмасак...
- Шу бўронли тунда юрган яхшими ёки биржойда буқиниб ётган яхшими? Нима қиласми?
- Шамол қаёқдан турди? Энди нима қилмоқчи бўлаётгирсиз? — деди энг кейин сўзлаган Эрбўл. Ҳамма ҳаяжон ичидан бирдан тўхтади.

Шакенинг фикри — юришни тўхтатмаслик, лекин қаттиқ юрмай, секин-аста олдинга сиёлжийбориши эди. Чунки тўхтаганда, пана бўладиган ер йўқ. Совуқ шамолда ҳаракатсиз турган киши совуқ қотиб, музлаб қолиши мумкин. Нима бўлса ҳам олда умид бор. Шунинг учун ҳали ҳам бўлса бир-бирларидан қолиб кетмай, олдинга боравериш шарт.

Шакенинг ўзларича бир фикрга келолмаган ҳамроҳлари унинг гапига кўшишди-да, индамай орқасига тушиб кетаверишиди.

Яна узоқ давом этган чексиз, поёнсиз юриш бўлди. Бу юриш ҳамма йўловчиларни совуқ қотириш, чарчаташ блан бирга, энди уйқудаи қисиб тинкасини қуритди. Кун бўйи туз тотмай, жуда ҳолдан кетишиди. Киёлимлари иссиқ бўлгани блан қаттиқ чарчаганликларидан совуқ қотабошлашди. Абай орқасидан келаётганларга товушининг борича ҳайқириб, бутун вужуди совуқ қотиб қалтираб кетаётганини айтди.

— Менинг оёғим қотиб кетаётир. От устида оёқ музлаганини энди кўрдим. Сен қалайсан Боймағамбет? — деб, орқасида келаётган ёш йигитга бақирган эди, у ҳам совқотиб бораётганини айтиб:

— Энди бир ерга тушиб, мизғиб, тиниқиб олслак қандай бўлар экан? — деди.

Йўловчиларнинг ҳаммаси яна тўхтаб маслаҳат қилиши-ди. Шу тобда бутун олам тўрттагина отнинг боши қўшилган ердек, кичкинагина бир уйнипг ўрнидек бўлиб, буришиб музлаб қолгандек туюларди. Отлиқлар бошига оғир кулфат тушиб, ғариб бир аҳволда туришарди.

— Ҳамон ётадиган бўлсак, бирорта тошнинг панасига тиқилайлик? — деди Шаке. Бу хилда юришдан умидсизланган Эрбўл:

— Шу тобда бизларга топилай деб турган тош ҳам йўқ. Нима бўлса бўлди. Ундан кўра худо деб, отнинг бағрига тиқилиб, шу ерда ётақолайлик! — деди.

Шу гап жуда ма’қул бўлди. Ҳаммалари отдан тушиб тўрт отнинг орқасини бўронга қилиб қўйишди-да, ўша отларнинг бўйинлари тагига келиб, бир-бирларига ёнбошлаб жимгина ётиб қолишли.

Қаттиқ аёзнинг гоҳ ғувиллаб, гоҳ шовуллаб келаётган овози, кучли довулнинг шовқини тинмай, қулоққа урилиб турарди. Гўё шу йўловчилардан ўчини олмагунча тинмайдигандек, чинқириб, уввос солиб қаҳрига олаёттир. Эрбўлнинг тиззасига бошини қўйиб ётган Абай кўзини юмса, назариди, гавдаси чирпирак бўлиб айлананаётгандай бўлди. От-улови, мана шу ётган кафтдек қорли ери блан буларни хулди қуюн учириб юрган ҳебалакдек учираётганга ўхшарди.

Кўнгил беҳузур тортиб бош айланади. Бўрон товушдан икки қулоги шангиллаб, битиб борарди. Абай шу аҳволда борлиқ блан, йўқлиқ орасида ажиб бир ҳолатда бироз вақт хаёл суриб ётди, кейип йўқлиқ қучогига кириб, ўзини бутунлай унудти.

Қанча ухлаганларини билишмайди. Бир вақт уйғониб, устларини кўмиб ётган қалин қорни қоқиб туришганида, ҳали қоронғи кеча эди. Тўрттоти ҳам бир оғиздан қаттиқ совуқ қотиб қолганларини айтишиди-да, иргиб туриб кетишли. Ҳаммадан олдин Эрбўл:

— Ҳай йигитлар! Уйқусизликдан киши ўлмайди. Қақшатиб турган аёзда уйқу душман. Эс-ҳушингни йиғ ҳамманг, бир ғайрат қиласилик! — деди.

— Билмадим. Асти бунчалик совуқ қотмаган эдим. Совуқ этимдан ўтиб, тўғри суюгимгача бораётганга ўхшайди! — деб Абай тепинганича ўёқдан-буёққа юрабошлади! Ёш йигитчалар ҳам хўп совуқ қотишган эди. Лекин улар тез ҳаракат қилиб, отларнинг устини оппоқ юнгдек қоплаб ётган қорни енглари, қамчилари блан қоқиб, си-

лириб туширишиди. Тез-тез қимирлаб йисілабонлашды. Йўловчилар отларга миниб олиб, яна қўзғолишли. Жўнаш олдидан Абай:

— Адашар бўлсак адашдик. Энди ҳеч бўлмаса исиниб, бироз ўзимизни тутиб олайлик. Қандай бўлмасин, бирор соат отни қаттиқ ҳайданглар! — деди.

Дарғазаб далада, қаҳрига олаётган совуқ сиймоли ўгай далада булар яна узоқ йўл босишди. Гарчи юз-қўллари ҳали исимаган бўлса ҳам, қаттиқ юришдан оёқлари, танлари исиб кетди. Ниҳоят, қор бўрони орқали оҳиста сузилиб ўтаётган билинар-билинмас ёфду блан ғира-шира тортиб бориб, бўронли туннинг тонги ҳам отди.

Йўловчилар сукут қилиб боришарди. Лекин ҳамманинг кўнглида тоиг отиши блан: «Довул босилар, бўрон тинар», деган ягона умид бор эди. Отларни аяб, юришни секинлатган Шаке шамол пасайиб, ғуввос сусайишини кутган эди. Яна узоқ кутишга тўғри келди. Довул қутураётган поёнсиэ саҳрода йўл босиб азобу уқубат блан ўтказиладиган иккинчи кун бошланди. Вақт чошгоҳдан ошиб кетди. Бўронли куннинг бор ёфдуси — мана шу бўзариб турган ғира-шира, холос. Ҳавонинг очилишидан, бўроннинг босилишидан дарак ҳам йўқ.

...Бўрон бугун ҳам бир нафас тингани йўқ. Йўловчилар бутун кун бир соат юришса, бир соат отларга дам беришиб, ҳамон ўша нома'лум сой ва жарларни, адир ва тепаликларни кезиб келишмоқда. Тўхтаган сайин ҳамма бош қотириб, фақат бир нарса устида ўйларди.

Бугун эрталабдан буён Шакенинг ўзи ҳам, Абай, Эрбўллар ҳам: «Боймагамбетнинг кечаги сўзи тўғри экан, шамол бизни адаштириб, бошқа ёқقا олиб кетди» деган фикрга келишган эди. Бугун бир тўхтаб, бир юриб келаётганларида, шамолга қарши юришни тўхтатиб, кеча Бўтақон ўшоғида Боймагамбет: «Ён томондан эсади» деган шамолнинг қай томондан эсланини эслашга уришиди.

Агар унинг айтгани тўғри бўлса, булар шамолга қарши боришгандэ Эсбўлат Қорасувининг ўнг томонига қараб кетган бўлишлари керак. У ҳолда Тобукти яйловининг бир чети бўлган — Катта Кўксингирга қараб кетишади. Ёки биратўла ўнг томондаги, одам оёғи тегмаган дашти-биёбонга, Керей элининг ерига тушиб кетишди. Бир қарорга келолмай, гангиг кетган бошларида яна бир катта жумбоқ пайдо бўлди. Бордию, нотўғри йўлга

тушиб кетишган бўлишса, кечагидек, тундагидек жадаллаб юриш блан қаерларга кетиб қолишган бўлишлари мумкин? Энди Боймағамбет айтган томонга қараб юриладиган бўлса, яна қанча юришдан кейин Эсбўлат Қорасувига ёки ўшанинг атрофидаги Буғули, Мошон тоғларининг этагига етиш мумкин? Очиқдан, толиқдан йўловчилар бугун фақат шуни ўйлашаётир, холос.

Энди Шаке эмас, Боймағамбет йўл бошлиди. Тун бўйи қаттиқ совуқ қотиб, дардсениб чиққан Абай ба’зан иссинса ҳам ичидан туратётган қалтироқ кун бўйи босилмади. Энди бир иссиқ жойга етиш насиб бўлса ҳам, ўзининг касалланиб, зўрга етиб боришини англади. Кун бўйи отда юриш йўловчиларни кечга яқин яна бир дам олишга мажбур қилди. Отдан қулаб тушгандек, зарб блан ерга тушган Абай, отнинг жиловини Боймағамбетга бериб, ўзи бир кичкина тошнинг панасига бориб ётди. Йўловчилар энди на сўзлашар, на маслаҳатлашарди. Афтидан, ҳарким ўз дардини ўзи тортиб, ўйга чўмгандек кўринарди.

Абай энди ўзини чиндан бетобдек ҳис этабошлиди. Суяқ-суяги қақшаб, вужудини кўтараолмасди. Ер тортиб бораётганига ўхшарди. Совуқ тобора қаттиқроқ музлатиб бораётган эди. Қалби, умидигача музлаб, қалтираётими? Ҳаётдан чиндан умид ўзиш соати ҳам яқинлашнб қолгандек туюларди. Лекин, негадир ўша ўлимдан чўчиб, юраги ҳайиқмайди. Аксинча: «Келса тезроқ келақолса экан, тугаса тугаб қўяқолса экан» дер эди. Кўнглида шундай ҳис пайдо бўлиши блан бирга, Абай кечагина хаёлидан ўтказган, бўрон учирниб олиб кетган, алангали соғинишга тўла икки онни сўнгги марта хотирлади. Унинг бири — қуёшдек меҳрибон, азиз онасининг ҳаётлик чоғини эслаш. Иккинчиси — умрида ҳечқачон унутилмай, ҳатто ўлими олдида ҳам, бор сезгиларидан ажралаётган онда ҳам, сўнгги марта ялт этиб, юзи кулимсираб, танҳо ўзи кўз ўнгидан ўтадиган Тўғжонини эслади.

Энди ўша ўлган, ўчган меҳрибонларнинг яна ёдига тушиши—Абай блан сўнгги марта видо’лашиши бўлса керак? «Ўлим яқинми?» деб, ўйлаб ўтирган Абай оғир хаёлларга чўмиб, уйқуси ўчиб кетди. Шу пайт қошқорайиб, қоронғи тушиб бораётган эди. Абайнинг қулоғига бир овоз эшитилиб қолди. Абай сеоканиб кетди-да: «Хаёлим бузилаётган бўлса керак!» деб, индамай қўяқолди. Ҳамроҳлари мук тушиб ухлаб ётишган эди.

Бироздан кейин ҳалиги овоз яна эшитилди. Чинлан ҳам одамнинг овози. Ким бўлса ҳам одамзод йўлиқса, бу йўловчилар ҳозир йиғлаб кўришгудек аҳволда эди. Овоз яна бир эшитилган он, иргиб ўрнидан туриб кетган Абай, ўзининг: «Касал бўлсан керак» деган хаёлини бедуда экан деб ўйлади. Ўрнидан туриши блан товушининг борича қичқирди. Толиқиб турган отлар бошини ердан озод кўтариб, кулоқларини чимиришди. Эрбўл блан икки йигит ҳам тўсатдан эшитилган товушдан чўчиб уйғониб, иргиб ўринларидан туришли. Эрбўл отилиб Абайнинг ёнига келиб:

— Нима бўлди, Абай? Кимни чақираётурсан? — деди. Кўнглидан бу: «Уйқусираётирми» деган гап ўтиб, ҳайрон бўлганича Абайнинг юзига тикилиб қаради. Йўқ, Абайнинг юзида уйқусираш аломатлари кўринмади. Абай ҳамроҳларига қараб:

— Қичқир ҳамманг! Ҳозиргина бир одамнинг қаттиқ қичқираётган товуши эшитилди. Қичқиринглар! — деди.

Шамол ҳали ҳам қаттиқ гувуллаб эсмоқда эди. Шунга қарамай, тўрт киши бир бўлиб, узоқ-узоқ қичқиришди. Ҳудли шу тобда шамол эсаётган томондан, қорли бўрон ичидан буларга қараб келаётган қорамтири нарса кўринди. Бироздан кейин, бўронли оппоқ олам ичидаги аниқ кўринабошлаган бир отлиқ одам чопганича яқинлашиб келди. Усти-боши оппоқ қор, ўзи барваста келган, оқ бўз от минган, бир семиз отни етаклаган бу одам севинчи ичига сиғмай, тетик овоз блан ҳайқириб:

— Ҳой, бормисанлар? Тирикмисанлар ўзи, азизларим?! — деганича етиб келиб, отдан тушди. Қелган одамнинг товушини ҳаммадан олдин Абай таниган эди. Шодлиги ичига сиғмай қичқириб юбориб:

— Абулғоз! Айланай Абулғоз! Қаердан келдинг? — деб, югуриб бориб қучоқлаб олди.

Келган одам ҳақиқатда ҳам Абулғози эди.

— Қаердан келардим? Сизларни излаб келдим! Эҳ худо, ҳамиша муродга етказ! Мана бу қорли бўрон ичилада сенларни топарман, деб ким умид қилипти дейсан? Азбаройи тинчнамаганимдан гангуб, зир югуриб юрибман да. Совуққа олдириб қўймадингларми? Отларинг ҳали бардамми?! Қани, отга тезроқ минайлик. Кеч кирмасдан бир иссиқроқ жой топайлик! — деб, буларни ўзи бошлаб кетди.

Шаке блан Боймагамбетнинг шодлиги ичларига сиғмай, юргурганларича бориб, бироз тикиқиб олган отларни

етаклаб келишди. Йўловчилар ўша ондаёқ отларига ми-нишиб, Аблугозининг орқасидан йўртиб кетишиди.

Йўловчилар юрган жой — Мошон тогининг ён томони экан. Абулғози олдинда кетаётир. Эрбўл унинг ёнида сўзлашиб келаётир. Абай, ҳали ҳам шахдам қадам ташлаб келаётган саман отининг бошини олдинда кетаётган Абулғози блан Эрбўл отларининг орқасига тақаб бостириб, жуда бирхил бўлиб, зўрга келаётир. Узининг сор ёки касаллигини ҳам билолмасди. Худди қалтак еган қишидек, а'зойи-бадани қақшаб, тутдек тўкилиб борарди. Атрофдаги олам ҳам кўзига ғалати кўринади. Ба'зан на-варида, Абайнинг ўзи юрмаётганга ўхшайди. Йўлнинг икки томони тоққа ўхшайди-да, ўша тоғлар, қояларнинг ўзи Абай томонга силжиб келиб, унинг ёнидан ўтиб кетаётгандек бўлади.

Абай, мияси гангигб, фикри шу зайл чулғониб, тинкаси қуриб келаркан, ба'зан уйқу блан уйғоқлик, «борлиқ блан йўқлик» орасида қоларди. Узига-ўзи ҳайрон бўларди. Хиёл эс-хушини йигиб олган пайтларда:

«Уйқу блан чарчаш енгдими? Еки касал бўлиб қолдимми?» деб, гумон ичида чала ярим хаёлларга борарди. Олдинда кетаётган икки отлиқнинг гаплари ҳам онда-сонда қулоғига чала-чулла эшитилиб қоларди.

Абулғози блан ёнма-ён кетаётган Эрбўл:

— Менга қара азизим, бизни қандай қилиб топдинт? **Муаккилларинг борми?** Эси бор одам шундай қор бўро-нида адашганларни топаман, деб йўлга чиқадими? — деди.

— Атама! Мени бугун одам демай, шу даштнинг бў-риси дессангчи!

— Бу бўронда бўри ҳам излаганини топмай, йўлиқ-қанини олади-ку!

— Ўзимга қолса, мени кўнгил ҳайдаб келди. Қайси куни, Абайнин Жиреншега алдатиб юрганимда, ичимдан: Хиёнат қилаётирман, лекин бир хизмат қилиб, кўнглидан чиқариб юборарман деб юрган эдим. Кеча тушга яқин, бўрон тургандан кейин, сенларнинг адашиб кетганла-рингни билган эдим. Дастрлаб бўрон турган пайтда сенлар Бўтақон бошида аввало бир тўпланиб туриб қолди-ларинг. Шунда мен Шақпақнинг чўққисида, баландликда турганимда қораларингни кўриб қолган эдим. Агар сенлар адашмаганларингда, йўлимиз Жилондининг усти-да туташар эди. Учрашмадик. Бўрон туриб кегди-ю, ер

юзмай, кун кўзини оппоқ парда қоплади. Сенларни яг адашиб кетганларингни билдим. «Шамолнинг қай томондан турганини пайқамай, Кўксингирга, Керей ерига, дашт-биёбонга қараб кетиши» деб ўйладим. Бизлар бўлса кеча айни вақтида Эсбўлат Қорасувига бориб қўндиқ. Тонг отгупча ҳай-ҳайланиб белги бериб чиқдик. Бугун капаларни кўчириб: «Етолсаларинг Мошонга бориб қўнинглар, бўлмаса Буғулида тунанглар» дедим-да, ўзим тонг отгандан буён қўш от блан сенларни излашга тушдим.

— Хўш, излаганда, сизларни қаердан учратаман деб изладинг?

— Ма’тум бир ерда учратаман дейиш қийин эди. Фақат бир қилган тахминим-да. Агар сенлар эсдан айрилиб адашган бўлсанглар, унда чора йўқ. Борди-ю, бир томонга қараб адашган бўлсанглар, унда бориб-бориб хатосини англайди-да, тўғри йўлни белгилаб, орқага қайтишади дедим. У ҳолда улар ёки Буғулининг ёки Мошоннинг орқа томанидан чиқиши керак деган хаёлга бориб, кун бўйи шу икки тоғнинг ўртасида уч марта ўёқдан-буёққа юриб чиқдим. Товуш берганим-чи, ҳали Мошоннинг белига сўнгги марта кўтарилиганимда, қош қорайиб бораётган бўлса ҳам изларингни кўриб қолдим. Кўришим блан кетма-кет бормоқчи эдим, тақир ерлардаги иэни бўрон кўмиб юборипти. Ўзимча тахмин қўлдиму, шу чопганимча бир чой қайнарлик вақт тинмасдан қичқириб келаётган эдим! — деди.

— Ўзим адашиб кетаман деб, ўйладингми ё ўйламадингми? Абулғози, сен оддий одам эмассан, ҳеч бўлмаганда фолбин бўлсанг керак.

Абулғози кулмади. У дашқол солиб, фол очиш — «бомдан қолган ҳислат» деб ишониб юрарди.

Лекин, кузнинг ойсиз қоронғи кечаларида, довул ва ёғин-чочин сўлиб турган кечаларида ҳам, керак бўлса, ёлғиз тўп тобилгини, бир тўп қарағайни адашмасдан то-паоларди. Қиши кунлари от қулоғи кўринмайдиган қор бўрони бир ҳафта давом этса, ўша бир ҳафта ичиде тинимсиз йўл юриб, бораман деган ерига отган ўқдек тўппа-тўғри келиб етар, отининг тумшуғини манзилга тақарди. Лекин ўзининг бу ҳислатини фол очишни билганидан деб билмас эди. Ҳозир Эрбўлга ўша сирини айтиб келмоқда.

— Менинг адашмаслигим фолбинликдан эмас. Бир кўрдан, Тўқбой деган кўп ақлли, бир кекса кўр қўшни-

миздан олган сабогим бор. Ўша одам ба'зан машақатли довонлардан ошиб, ёғин-чочин вақтида ҳам икки овул ўртасида адашмай, ёлғиз ўзи юраверар эди. Кўр бўлгандан ҳам, қитдай ёруғликни сезаолмайдиган кўр эди. Худонинг қудрати, ўзига таниш ерларгагина эмас, ба'зан кўрмаган жойларига, беш-олти чақирим ергача адашмай тўғри кетаверарди. «Тўқам, қандай қилиб юрасиз?» деб сўраганимда, ўша одам: «Сени бошлайдиган йўл бўлса, мени бошлайдиган ел» дер эди. Шамол етакчи эканлиги рост, лекин уни ҳарҳолда дили ҳам етакларди дейман-да. Қор бўрони қутуриб турган зимзиё кечада бизлар ҳам ўша кўр Тўқбойга ўхшаймиз-да. Биринчидан, шамолга мумкин қадар суюниш керак. Ундан кейин, кўзим бор демаслик керак. Кўнгилнинг кўзига йўл бошлишиш керак. Мана, менинг бутун сирим ва сеҳрим ана шунда!— деди.

Эрбўл Абулғозидан энди шу кетишда уларни қаерга олиб боришини, нима қилмоқчи эканлигини сўради. Абулғози ҳамма бир ерга тўплангунча тўхтаб турди-да:

— Йигитлар! Сенлар жуда қаттиқ совуқ қотган кўринасанлар. Ўзимизнинг капани излаб топмоқчи эмасман. Яхшими-ёмонми, мана шу Мошон тогининг силсилалида қишилайдиган Жуаштаёқ, Мўтиш элларипининг биттаяримта овули бўларди. Шундай овуллардан биронтасига, уй-жой ёмон бўлса ҳам, иссиқ ўчоқ ёнида исиниб, бироз эс-ҳушларингни йигиб оладиган ерга олиб бориш ниятидаман. Қаерда, кимнинг овули бор эканлигини билмайман. Шу орага, худди мана шу биз келаётган водийга сўнгги йилларда Мўтишларнинг ўзига дуруст бир овули қистов солди деб эшитган эдим. Зора ўшаларнинг биронтасига дуч келиб қолсак. Ҳарҳолда бугун кечаси бир иссиқ жойга етказиб, сенларнинг жонларингни киритаман! — деди.

Йўловчилар қаттиқ совуқ қотиб, титраган ҳолда, товушларини зўрга чиқариб:

— Бошла! — Башлайвер!

— Айтганинг келсин!

— Битта бошпанага етказсанг, армонимиз йўқ. Ҳарканча юриш бўлса чидаймиз! — дейишиб, ихтиёрини Абулғозига беришди.

Шу блан яна бирқанча вақт отларини жимгина елдиниб, майда дарахтлар блан қопланган чуқур водий бўйидан боришаркан, буларнинг олдидан: «ҳов! деб ҳурган

итларнинг товуши эшитилиб қолди. Севиниб кетган йўловчиларнинг юраги қинидан чиқиб кетаёзди. Ба'зибирлари:

- Е раббий, ўзинг етказ!
- Е худо, йўлингга оқ қўчқор!
- Ажалдан омон қолдик-а! — деб юбориши.

Йўловчилар қалип қор босиб ётган бир тўп қайиндан айланиб ўтиб, яйдоқ ерга чиқишлиари блан ҳалиги итларнинг товуши кўпайиб эшитилди. Уларнинг орасидаги катта итларнинг салмоқли, йўғон товуши тоғларни янгратиб юборди. Абулғози тепиниб отини чоптириб кетди. Бошқалардан узоқлашиб кетиб, тоғнииг тошлоқ тақирбурнига етиши блан отини кўндаланг қилиб туриб олди. Абай блан Эрбўл иккови отларини қаттиқ елдириб, Абулғозига яқинлашганларида қуйироқда, яқингина с尔да деразаларидан чироқ шу'ласи тушиб турган уй кўриниди.

- Эл! Эл!
- Овул, овул бор экан! Садағанг кетайин одамлар! Ҳали ётишмаган ҳам экан! — деди Эрбўл ҳовлиқапича орқасида келаётган Боймағамбет блан Шакега.

— Деразаси кўп! Ўзи ҳам катта қистов экан. Бу бир бадавлат овул бўлса керак! Омадимиз келган экан, йигитлар! — деб, Абулғозининг ўзи ҳам ғоят хурсанд бўлиб кетди. Йўловчиларнинг ҳаммасидан олдин ўзи етиб келди. Эшик олдida отдан ирғиб тушди-да, шоиганича кичкина эшикни қаттиқ-қаттиқ қоқабошлади.

Абай қайси аҳволда отдан тушганини билмади. Қўлидан отнинг тизгини тушиб кетганда, Боймағамбет ушлаб олди. Бор вужуди тарашадек қотиб қолганга ўхшарди. Қўзғолишга мажоли келмай, серрайиб турганда Шакэ келиб қўлтиғидан олиб, қўзғотди. Абайнинг кўзи тиниб, ер, кўк, уй, отлар ҳаммаси чирпирак бўлиб айланиб борар, қулоги шангиллаб гап ҳам уқолмасди. Фақат Эрбўл, Абулғозиларнинг ўйдан чиқсан бир-иккита одам блан сўзлашиб: «...Мўтиш!.. Дўғол!.. Найман!..» деб тилга олишаётган аллақандай исмларгина ўқтиш-ўқтин қулогига чалинарди, холос. Овулнинг одамлари Абулғозини бошлаб, Абулғози бошлиқ йўловчиларнинг ҳаммаси узун қоронги далонда кетишаётганда, ичкарида қизил шу'ла сочиб бир эшик очилди. Уша ўйдан чиқсан аёл:

— Нариги уйга олиб борақолинг, катта уйдагилар ухлаб қолишид! Уша уйга олиб ўтишсин дейишаштири! — деди.

Шаке блан Боймагамбет қоронги далонда зўрға келётган Абайнинг икки ёғидан суяб келиб кенг даҳлизга олиб киришди. Ўчақда ўт ҳали сўнмаган, чўғлар милтираб ётган экан. Сокин ҳаёт кечираётган иссиқ маконнинг, инсон яшаётган жойнинг иссиқ нафаси келди. Йўловчиларни қозонда қайнаётган от гўштининг ҳиди, сариқ қийининг аччиқ тутуни блан қарши олди. Мәҳмонлар даҳлизга кириб бўлғаниларидан кейин, уларни эшикдан бошлаб келган йигитларнинг биттаси ўнг томондаги эшикни очиб, ичкарига таклиф қилди. Бу уйнинг остонасидан тўригача: гулдор тақир гилам, бир қисмига туклик гилам, мовутдан ўйиб гул ишланган наматлар солинган. Кенг, ёруғ, жуда файзли уй экан. Олдинда келаётган Абулғози блан Эрбўл уйга бошқалардан олдин киришди. Улар ўнг томондаги қийматбаҳо сувклардан нақш қилиб ишланган баланд кровать ёнида турган ёш жувон — уй эгаси блан сўрашиб, тўрга ўтаверишди.

Орқасидан Шаке суяган ҳолда Абай ҳам остонаядан ҳатлади. Уйга кириши блан ўнг томондаги гажим тутилган кизил чимилдиққа кўзи тушди. Кўркам, баланд кроватьдаги одам бўйи қилиб йигиб қўйилган қалин партўшак, момиқ ёстиқлар кўзига ташланди. Кейин уй эгасини кўрган он қаттиқ ҳаяжонланиб, беихтиёр:

— Оқ! Жоним! Ўзими? — деб юборди-ю, орқасига қулаб тушгудай бўлди. Тўшак блан пекканинг оралигига турган, оқиш кўйлак, қора камзил, бошига лачак кийган гўзал жувон ҳам жон аччиғида Абайга қараб отилди. Соҳидаги чўлпилари шилдир-шилдир этди.

— Е раббий! Абаймисиз? Худойим, сизни ҳам кўрадиган кун бор экан! Жигарим! — деб, келиб Абайнин қучоқлаб олди. Қаттиқ шилдираб келган чўлпининг товуши Абайнинг қучогида тинди. Чўлпининг шилдираган товуши чиқиши блан Абай кўзини чирт юмиб, қулоқ согланича эси оғиб кеттандек, ранги қум-құйт ўчиб бўсағага суюниб қолди. Бўйнидан қучоқлаб, ўқсиб-ўқсиб йиғлаётган жувоннинг олдида йиқилиб тушгудек бўлди. Бўшшиб, вужудини титроқ босди. Ёш жувонини қучоқлай деса, қўлларида мадор йўқ, фақат силарди, холос. Сўз қотай деса, тошдек бир нарса томогига тиқилиб, нафасини бўғиб борарди. Тўрга чиқолмай, ёш жувоннинг қучогида турган жойида ўзини ўша эшик олдига ташлаб юборди. Юқорига чиқишиб, эндиғина ўтиришган Эрбўл блан Абулғози:

— Совуқ қотиб, титраб келган эди!

— Толиқиб, тоби қочиб келган эди! Кўнгли озиб қолди шекилли! — дейишди. Ҳамроҳлари Абайни тўрга олишди-да, кроватъга суяб ўтиргизиши. Шаке келиб Абайнинг белбоғини ечаётганди, Боймағамбет унинг сиртқи кийимларини ечиб, кўкрагини очиб қўйди. Ҳалиги ёш жувон:

— Е худо, нима деяпсиз-а? Бетоб бўлиб келган эдими? — деб, баланд кроватъдаги кашта тикилган оппоқ-оппоқ, катта ёстиқларни олиб Абайнинг орқасига устмавуст суяб қўйди. Абайнинг ички камзилининг тумаларини ечиб, кўкрагини яна очиброқ қўйди. Жонини фидо қилгудек бўлиб, ёнига ўтириди-да, узукларга тўла оппоқ бармоқларини Абайнинг пешонасига қўйди. Бир қўли блан кўкрагини силайбошлади. Абай зўрга кўзини очиб, кўкрагини силаётган жувоннинг кўлини ушлаб кўзларига босди. Ҳароратли қўлни лабларига қаттиқ босиб турганида, кўзларидан оқаётган иссиқ ёш томчилари юмалаб, жувоннинг оппоқ, майин қўлига тушди.

Абайнинг кўксидан оҳистагина оддий сўз эмас, қалбрози чиққандা:

— Тўғжоним! Армоним йўқ, олдингда олсин! — деди-ю, секингина хўрснишиб, жим бўлиб қолди. Абайнинг ёнида ўтирган Эрбўл Тўғжонни энди таниди.

— Азизим! Кўзимнинг нури, бу нима деялти ўзи? Сен Тўғжонмисан? — деб, ўринидан турасолиб Тўғжон блан кўришабошлади.

— Мен Эрбўлишман-ку, олтиним! — деб, ўпкасини тутолмай йиғламсираб қучоқлаб олди.

Икки елкаси дириллаб, ранги қум-қуйт ўчиб, икки кўзига жиқ ёш тўлиб Абайнинг ёнида ўтирган Тўғжон, Эрбўлни маҳкам қучоқлаб олиб, ўкраб йиғлаб юборди. Аслида бу Абайни қучоқлаб йиғлайдиган алам ва армон ёшлари эди.

Абайларни эшикдан бошлаб келган икки эркак ҳам шу уйда эди. Улар ҳайрон бўлиб, қовоқларини солиб туришган эди. Эрбўл блан Тўғжоннинг шу таҳлитда кўришганларини кўргандан сўнг, кўнгиллари таскин топгандек бўлди. Келгацлар Тўғжоннинг яқин қариндошлари эканлигига қаноат ҳосил қилишди. Бу йигитлар Тўғжоннинг эри ҳам, қайниси ҳам эмас. Биттаси — сариқ мўйловли, оқ сариқдан келган мулла экан. Иккимиси эса, мана шу овулнинг келди-кеттисини кутиб, хизмат қилиб юрадиган қардошларидан бири — пастки лабига

ногвой тұлдириб олган, олакүэ, қоллари қуюқ-қуюқ, үйкіи соқол, қотмагина, усти-боши анча юпун Дүйсен деган йигит экан. Энди үтирганларнинг ичидә бири олиб, бири құйиб сұзлаётган фақат үша мулла блан Дүйсен. Улар дам кулиб, дам ҳайрон бўлиб:

— Епирим, буни қараңг. Тўғжонга қариндош чиқиб қолишди-ку!

— Тун кечада, шундай қор бўронда келган ким экан десак, ўзимизнинг Тўғжоннинг акалари экан-да!

— Кўрдингизми, Тўғжон ҳам эл-юртини хўп соғинипти-а!

— Бўтадек бўзлаб юборди! Она юрт ҳеч унутиладими, ҳарҳолда олтин бешик-да!

— Үзи ҳам айтольмай зўрга чидаб юрган экан-да! Не алфозда юрди дегин, шўрлик! — дейишиб ҳазиллашиб ҳам қўйиши.

Дастлабки кўришув унсизгина оташин кўз ёшлари блан бошланди. Шундан кейин Абай блан Тўғжон бир-бирларига телмуришиб ўлтириши-ю, узоқ вақт сўз қотишполмади. Қекса оқсоч хотин блан ёш жувои ҳалидан ҳали келиб шивирлашиб, Тўғжоннинг буйруғини олиб кетишаётган эди.

Ҳалиги икки йигит катта тегарак хонтахтани юмалатиб келиб қийматбаҳо жиҳозлар блан безатилган кенг уйнинг ўртасига қўйди-да, чироқни ҳам шу ерга олиши.

Қўнжи узун этигини ечиб, маҳсичан үтирган Абайнинг ёнбошида катта-катта момиқ ёстиқлар, эгнида қийматбаҳо қулранг мовутдан татарча қилиб тикитирилган тик ёқали камзил. Қўкраги очилиб ёнбошлиб ётган Абайга бу либослар ғоят ярашиб турарди. Оқ кўйлак устидан кийган қора желаткасининг кўкрак чўнтагидан тилла соатнинг занжири ҳам кўриниб турарди. Бошида шаҳар бозоридан олинган чиройлик қора дўппи. Тумоқ остида қуёш ва шамолга олдирилмаган кенг ва оппоқ пешонаси алоҳида кўзга ташланиб турипти. Лекин иссиқ-совуқ-қа чалинишдан қорайган бурни блан юзи хурмодек бўртиб турипти. Қўзлари ҳам кўп йиғлаган кишининг кўзи-дек, ёшланиб, қовоқлари шишиб, қизариб турган эди.

Ҳозир Абай қалтираб, нафаси ҳам отилиб-отилиб чиқаёттан эди. Кўп йиғлагандан кейин ўпкаси тўлиб хўрси-наётганга ўхшарди. Ба’зан жимиллаб, эти ивишиб кетиб, совуқдан вужудига қалтироқ турар, бир нафасдан кейин

гуп этиб икки юзи ловуллаб, иссиқ чиқиб кетарди. Абай анча вақтгача вужудида рўй берәётган бу ҳолатга парво қилмай, фақат Тўғжоннинг юзидан, қоматидан, ҳарбир ҳаракатидан кўзини олмай телмуриб турди.

Тўғжон гўзаллашиб, аввалгидан ҳам ўзгача бир латофат кашф этган. Юзлари кўркамлашиб, янада камолга этиб, тиёдор тортиб кетипти. Бу энди — этилган гўзал эди. Аввалги бежирим, кичкинагина бурни, ҳозир хиёл кўтарилиб, ҳуснига бир ажиб ҳусн қўшган. Кўзларининг оқ-қораси ярақлаб ёниб, ўйчанлик ва сабот акс этиб турарди. Упинг борлиғи гўё жонлантирилган нафис сан'ат асарининг мажмуасига ўхшарди. Қайғули ўйларми ёки армону ҳасрат блан кечеётган кунларми, ҳарҳолда шуларнинг биттаси унда ўз изини қолдирган. Ҳозирги Тўғжоннинг чеҳрасида Абайнинг хаёлидан бир нафас нари кетмайдиган, бир лаҳзада юзига чиқиб товланиб, дам ўтмай қайтиб турадиган шафақ сингари гулгун қизиллик йўқ эди.

Ҳозир гап чортанг келиб, уйдагиларнинг ҳаммаси гапга тушиб кетди. Лекин бу гаплар, бир-бирига жонидили блан берилиб кетган Абай блан Тўғжоннинг на қулоғига киради-ю, на англашилади.

Эрбўл блан Шаке, ба'зан Боймагамбет ҳам қўшилиб, ҳар икки мезбон йигитга ўзларининг икки кундан бўяя тортган азоб уқубатларини ҳикоя қилишмоқда. Ов қилиб юриб, бўронда адашиб, бу жойларга тўсатдан келиб қолганларини айтишди. Адашган одамнинг бўронда қанчалик гангиб, қандай қилиб йўлдан адашиб кетишини ҳам гапириб беришли. Абулғозининг ҳам эшилган одам ҳайрон қоларлик даражада зийраклик блан буларни излаб топганини сўзлаб, Тўғжонни ҳам тинглашга мажбур қилишибди.

Бирордан кейин чой келтирилди. Тўғжон мулојим ва латиф ҳаракатлари блан хонтахта ёнига келиб ўтирди-да, Абайдан бошлаб ўтирганларнинг ҳаммасига аччиқ-аччиқ чой узатабошлади. Шу тобда бошини ёстиқдан зўрга кўтарган Абай, икки чаккасига турган санчиқнинг зўридан кўз ўнги қоронфилашиб, чалқасидан кетди-да, елкасини қарс этиб кроватъга уриб олди. Зўрга туриб, пешонасиги қўллари орасига олиб сиққанича ерга қараб ўтирди. Титраб, қақшаб бораётган вужудига ба'зан гуп этиб иссиқ югуриб, алангаланиб кетгандай туюларди. Тўғжоннинг: «Чой ичинг» деган товуши туман ичида зўрга эшитилган-

дек бўлиб, бор кучини тўплаб, бир пиёла чой ичиб кўрда. Чойнинг иссиқ-совуқлигининг ҳам фарқига боролмади. Тамшаниб кўрса, оғзи бемаза, миснинг та'ми келаётган эди. Абай ўзининг чиндан ҳам касал бўлиб қолганини шу чой устида билди. Бир пиёладан ортиқ ичолмай, шилқ этиб бошини қўйи солиб, пешонасини ушлаганича дамини чиқармай ўтираверди. Боядан бери Абайнинг авзойига зеҳи солиб ўтирган Тўғжон, қаттиқ ҳаяжонга тушиб, юраги ивишиб кетганидан:

— Абай, совуқ тегдими, жуда тобингиз қочиб турганга ўхшайди-ку, қийналиб эўрға ўтирибсиз! — деди.

Абай бошини кўтариб Тўғжонга қараганда, Эрбўл ҳам унинг чиндан касал бўлиб қолганини пайқади.

— Икки юзинг ланғиллаб ёниб, кўзларниг ёшланиб, рангинг бир хил бўлиб туритти-ку. Қаттиқ совуқ тегиб қолди-да, сенга Абай! Қалинроқ кийиниб, мана бу иссиқ чойдан бир-икки пиёла ичиб, ўралиб ётақол! — деди.

Бу гап Абайга ҳам ма'қул тушгандай бўлган эди. Унинг райони пайқаган Тўғжон лип этиб ўрнидан туриб, Абайнинг тумоғини кийдириб, елкасига тўнини ташладида, барларини қимтиб, ўраб қўйди. Яна иссиқ чой қийдириб, ўз қўли блан бир қошиқ сариқ ёғ солди. Қандай ҳам унинг олдига суриб қўйди.

Абай яна бир пиёла чойни зўрға ичди.

— Билмадим, бошим ёрилиб кетгудай бўлиб тушиб боради! А'зойи-баданимни кўтариб олгудек мадор йўқ-Суяк-суягим синиб, сирқираётир. Оғзим бемаза. Қаттиқ иситмалаётган бўлсан керак дейман! — деб, икки қўлп блан яна чаккасини қисди. Кўнгли қаттиқ айниб, беҳузур бўлаётганидан энди оғзига ҳечнарса ололмади. Фақат: «Эсим борида, ҳолим борида айтиб қолай» деяётгандек, кўнглидаги дардини уйдагилардан яшиrolмай, кўпчилик тушунолмайдиган қилиб, хўрсиниш аралаш астагина из-ҳор этди.

— Е раббий, бу қандай жазо?! Қандай азоб? Умр бўйи қилган орзу олдида қандай азоб! — деб қўйди. Ўзининг ҳозирги дардидан ҳам оғирроқ дардини ана шундай узук-узук жумлаларда ифода қилди. Тўғжон бу оҳизорнинг боиси ўзи эканлигини Абай гап бошлаган он тушунди. Кўпчиликка сездирмай, кўз ёшларини сидириб ташлаб ўтирди.

Дастурхон йигилиши блан Абай ўзини ёстиққа ташлаб юборди. Зўрға ўтирганини уйдагилар эндигина би-

лишиди. Бошидаги тумоғи, әгнидаги тұні блан ётқизиб, устидан күрпа ташлаб, уёқ-буғини қимтиб құяётган Тұғжоннинг қилаётган ғамхұрлигини күриб шодланған Абай:

— Жоним! Асилим... Борлиғим — ёлғыз үзингсан! — леди астагина, бошида парвонадек айланиб юрган маңыуқасига.

Овқат пишгунча Абай гуп учиб ётганича ётаверди. Үйқу блан алаҳлаш ўртасидаги англаб бұлмайдиган бир қолатдан мияси толиб кетған әди. Гоҳ хаёли битиб, олам күкка учиб, сўниб кетади. Гоҳ үзини Айгеримнинг қошида күради. Яна бир нафасдан кейин уч жийрон от қўшилган извошда Семей кўчасида кетаётган бўлади. Бир вақт қопқоронғи тунда, қўлига Қорашўлақни қўндириб олиб, Қирғиз Шотидаги Қишик Авлиё қоясидан зимзиё, тубсиз жарга оти блан тушиб кетаётгандай бўлади. Остидаги саман от сурилиб кетиб, бургутга ёпишганича қоядан жарга қулаб, учиб тушади... Абай чўчиб уйғониб, ёстиқдан бошини озод кўтариб, атрофдагиларни чаала ярим таниб яна шилқ этиб, үзини ёстиққа ташлайди.

Яна бир ҳушидан кетиб кўзи илишгандек бўлганда, дун'ё — дун'ё эмас, ери-кўки туташгап, қилқизил аланга ичидаги теп-текис, бепоён даштга айланиб чўзилиб кетади. Унинг ичидә үзи учиб юрганга ўхшайди. Ба'зан зўр тўлқинда сузиб бораётгандек туюлади. Кўзига қандайдир, жиш-париларга ўхшаш ғалати нарсалар кўринади. Ярми одам, ярми бошқа нарсага ўхшаш қўрқинчли мудҳиш башарали махлуқлар келади. Ҳалигилар бадбашаралиги блан қўрқитиб келиб: «Йўлдош бўлайлик, бирга юрайлик, биз блан кетасан» дейишиб, Абай қаерга борса орқасидан қолмай, атрофини ўраб олиб, аллақайларга бошлияди.

Энди ўшалар блан кетиб, үзига азиз соҳилдан узилиб тушиб кетаётганданды, жон аччиғида Тұғжон югурниб келиб қўлига ёпиниб: «Ташлаб кетма жоним, мени ҳам олакет!» деб, иссиқ юзини Абайнинг юзига босади. Кўз ёшлиари блан бунинг юзини юваётгандай бўлади. Абай алаҳлаб барада гапирабошлайди:

— ...ташламайман, жоним! Кетмайман, сен блан қоламан! — деб уйғониб кетади.

Унинг алаҳлашини кўрган Эрбўл қаттиқ ташвишга тушиб:

— Епирим! Абай касал бўлиб қолди-ку! Ислитаси

жуда баланд. Бир кечаю, икки кундуз бўронда юриб жопи қолдими? Қаттиқ совуқ теккан бўлса керак? Саҳрода кўп мاشағнатлар тортди-да! — деб, ич этини еб ўтиради.

Яна бир нафасдан кейин, Абай устидаги тўнини, кўрпани юлқиб ташлаб: «Ёниб кетаётирман, ўртаб бора-ди. Олчи, олчи!» деб яна алаҳлаб уйғониб кетди.

Абайнинг касали шу сингари бетоқатлик блан бошланди. Меҳмонлар овқат ичгали ўтирганларида, бўйнидан қучоқлаб ўтириб, орқа-бошини силаб уйғотаётган Тўғжон, Эрбўлларга қараб:

— Йиситмаси қўлимни куйдираётир! — деди.

— Оҳ, Абайжон! Шунча йиллардан буёп интизор қилиб бир келганингда шу қадар ожиз, ғаридан аҳволда ҳам келасанми? Бир сен эмас, мен ҳам пешонасининг шўри аримайдиган бетоле' эканман. «Бир кўрсам» деб орзу қилар эдим. Шу аҳволда келсанг, қандоқ қиласай. Куйиш устига куйиш, дард устига дард қўшилсин дедингми? — деб, айрим гапларни ўтирганлар ҳам эшитарлик қилиб айтиб юборди. Ба'зан Абайга ўхшаб, бу ҳам пицирлаб, йиғлаганича беморнинг қулоғига айтарди. Кўз ёшлари дар'ё бўлиб оққанича Абайни уйғотди. Лекин овқат ичип уёқда турсин, энди бира-тўла тўшак тортиб ётиб қолгав экан. Йиситманинг зўридан ўтдек бўлиб, чиқаётган дами қайтиб кетаётгандек, икки елкаси блан нафас олиб турарди.

Үйнинг тўрига алоҳида жой солиб Эрбўл, Шаке, Тўғжон уччови Абайни ечинтириб ўрнига ётқизгани олиб бораётгандарнида, бўғинларн қалтираб кетган Абай, биринки қадам қўйди-ю, шилқ этиб ўзини ташлаб юборди.

Касал шу зайл тўсатдан бошланди. Кўкдан кўтариб ургандек, гуп учди-ю, ётди қолди.

Абайнинг ёнига тўшак ёэдириб, энди ўрнига ётаётган Эрбўл:

— Бу касал бугун эмас, кеча кечаси бошланган эди. Шундан кейин ҳам бир кечаю-бир кундуз қор бўронда от устида юргандан кейин нима жони қолсин! Касалига ҳам қарамай юрган экан-да. Шу ерга этиб келиши блан шилқ этиб ётиб қолишидан айтаётирман. Охири ҳайрлик бўлсин. Бунчалик ўзини билмай ётиб қолишидан юрагим чўчиб турипти! — деди Тўғжонга.

Гарчи Эрбўлнинг ўзи ҳам қаттиқ чарчаб-толиб келган бўлишига қарамай, Абайдан кўнгли тинчимагани учун үхлайолмади. Чироқни ўчирмай, паст қилиб, мил-

тиратиб қайната, қайнаналари уйига бориб ётган Тўғоннинг ҳам кўнгли тинчимади.

Тун ярмидан ошган пайтда, Абай иситманинг зўридан яна алаҳлаб, бетоқат бўлабошлиди. Тўғон бунинг дардли нафасини йироқда ётган ерида сезгандек бўяди. Эшикни ғичирлатмай секингина очиб, чўялписини ҳам шилдиратмай қўлига ушлаганича кириб келди. Абайнинг оёқ томонида туриб, унинг юзларига телмурди. Беморнинг ҳоли оғирлашиб, инқиллаши зўрайиб, қаттиқ қийналаётган эди. Тўғон астагина Абайнинг ёнига келиб ўтириди-да, унинг аллангаи-оташ бўлиб ёнаёттан пешонасига қўлини қўйди.

Эл ётгандан буён иситманинг зўридан хаёlinи туман чулғаб алаҳлаётган Абайнинг кўз ўнгида яна ўша қутураётган қор бўрони ўйнарди. Бутун олам оппоқ муздек, аста силжиб оқаётгап бир шаффоф нарса блан тўлган. Қорми ёки ўраб-чирмаб олишга уринаётган оппоқ совуқ кафаними? Бир нафас тинмайди, бир ерда тўхтамайди. Мудом силжиб, сирғилиб оқиб турадиган балчиқ, сув тагидаги ёпишқоқ балчиқ оқизиб кетаётисб, Абайнин гоҳ тўлқиннинг учига илиб кўкларга кўтаради, гоҳ тагсиз жарга қулатиб, аллақайларга олиб кетаётганига ўхшайди. Ўша ёпишқоқ, жирканч нарса бутун вужудини сескантариб, совуқ елим сингари танасига чаплашаётир. Бу нарса Абайнинг назаридаги дам оппоқ қор, майда қор бўрони бўлса, дам тагсиз жаҳаннамни тўлдириб турган шўр, оқ ботқоққа ўхшайди. Ба'зан бу нарса дамига тортиб кетаётгандек, ютиб бораётгандек туолади. Ёрдам бериб, қутқариб олгудек кимса йўқ. Ёлғиз ўзи паноҳсиз, ҳолсиз, қўл-оёғи боғланган кишидек ютилиб, ботиб кетаётгандай бўлади. Қўлига дуч келган нарсага ёпишиб: «Ютиб кетди. Ушла... қутқор!» деб қичқиради. Шунда яна учиб келгандек, қаердайдир Тўғонга пайдо бўлиб, бошида парвонадек айланади. Лекин энди қўлинни бермай: «Менга атаган ўланингни айт, ўша ўланингни айт!» деб қараб туради. Алаҳлаб, ҳалокат қучоғига ботиб кетаётган Абай, ўша ўланин топиб айтишга шошилади. Жонининг борича тиришиб Тўғонга атаб тўқиган ўланни айтиб беришга уринади. Лекин қанча уринмасин, ўлан асти эсига тушмайди. «Қандай эди! Нима эди...!» деб, алаҳлаганича уйғониб кетади. Уйғониши блан ёпила ўзига ёпишиб, қайғу ичида юзига тикилиб ўтирган ва шималарнидир сўзлаётган Тўғонга кўзи тушади. Хаё-

лида: «Ҳали ҳам алаҳлаётган эканман», деб яна ўша хаёлга чўмиб кетади.

...Тўғжон бундан жавоб кутиб ўтиргандек. Жавоб бермаса ундан ажралиб қолиб, Абай ҳаётдан ҳам, умидини узадигандек туюлади. Яна хаёлни тўплаб ўша ўланни эслашга уринади. Ўлани... Тўғжон сўраётган ўлан ҳеч эсига тушмай, яна қийнайди. «Қаерга кетди? Иўқотдим қўйдим, энди сендан ҳам айрилдим!» деб, яна бетоқат бўлади, алаҳлайди, яна излайди. Узидан-ўзи: «менга нима бўлди-а?» деб, хуноб бўлиб, ўзидан койиб, яна гапирабошлайди. «Ўша ўланим қасрга кетди, сенга... сенга эди-ку, тополмаётирманку!» деб, яна ўша ўланни излашга тушади.

Қанча вақт ўтгани ма'лум эмас. Тўғжон қанча ўтирган бўлса, шу вақт ичида Абай ўзи блан ўзи селвор бўлиб кўзига кўринаётган нарсалар блан олишиб, ниманидир йўқлаш, излашдан бўшамади.

Аёлнинг кўнгли Абайнинг бу алаҳлаши ўзи блан алоқадор эканлигини дарҳол англади, юраги эзилиб, юзкўзларини силади, қучоқлаб бағрига босди. Тортაётган азобини кўриб, юраги эзилиб кетди. Ўт бўлиб ёнаётган юзига юзини қўйиб:

— Тинчлан!.. Тинчлангин Абайжон! Ҳечнарсанни излама, қўй, қийналмагин! — деди.

Абай кўзини юмаб, бир нафас индамай ётди. Яна дам ўтмай бетоқат бўлиб, нафас ололмай қийналабошлади.

«...Сен билмайсан-ку... сенга айтиб беришган эмас!.. Бор эди! Ўланим бор эди! Ҳозир, ҳозир! Олиб кетма дечи! Ҳозир айтиб берай!» дейди. Кўзлари юмуқ ҳолда қовоғини солиб, қўллари блан ҳавони тутиб, бармоқларини қимирлатади... Айтмоқчи бўлаётган гапининг ярмини пичирлаб айтиб, оғзи хиёл очилиб қолганича, яна жим бўлади.

Яна ҳалиги атрофни қуршаб эсаётган совуқ қор бўрони. Яна ўша бўрондан туғилган оппоқ мия сингари шўр балчиқ ичига тортиб кетаётир. Сесканиб, чўчиб кетиб: «Ушла! Қутқор, берма унга, Тўғжон!» деб, яна уйғониб кетади. Олдида ўтирган Тўғжонни кўриб, яна унинг ўланини топиб бермоқчи бўлиб: «Айтаман, айтаман» дейди. Кўзини юмди дегунча: «Қандай эди? Яна қаерга кетди-а?» деб, жуда қийналади.

Тополмайди. Бетоқат бўлиб тўлғонади, хуноб бўлади. Шундай азоб ичида бирдан:

«...Дун'ё... дун'ё... қандай эди? Дун'ёда... сра сендең менга ёр йўқ, сенга ёр... мендан ортиқ топилса-да...» деб юборди. Бошини ёстиқдан озод кўтариб, оқ кўйлагининг ёқаси очилиб, кўкраги кўриниб турган ҳолда ўтириб олди-да, «ўх»деб, қаттиқ хўрсиниб юборди. Кўзидан дўланадск ёшлар тўкилиб, юзини ювиб оқиб борарди. Хўрсинди-да, Тўғжоннинг қўлини икки қўли блан ушлаб, пешонасига, кўзларига, юзларига босди, кейин юрагига қўйиб, қаттиқ қисиб турди.

Буларнинг ёнида Абайнинг қийналишини, алаҳлашини кўриб юраги сиқилиб ўтирган Эрбўл, энди Абайнинг эси ўзига келганда: «Иккоти ҳам тортина масин!» дегандек, дарҳол ўрнига ётиб, орқасини ўгириб олди.

Абай эсим борида айтиб қолай дегандек, боши-охирин ўқ бир гапни Тўғжоннинг юзига-юзини қўйганича, ҳароратли нафас блан шивирлаб айтабошлади.

— ...Ҳаётдан адашиб, совуққа қотиб, саргардон бўлиб келиб... қошингга йиқилдим. Барча ҳис ва туйгулардан айрилиб толиқиб келиб йиқилдим... «Улма!» деб амр қиласидиган эгам сенмисан, жоним!— деди. Яна кўзларини юмиб, азоб ичидаги хўрсинди. Тўғжоннинг қўлини қўйиб юбориб, ёстиққа ўзини ташлади. Боши ёстиққа теккан он яна алаҳлайбошлади. «Бўрон! Ҳамон бўрон! Бошла! Совқотдим, ана қуладим, олиб кетаёттир... Йиқилма жийрон от, уч жийрон от, у эмас!»— деб, яна жим бўлиб қолди. Энди хиёл тинчлангандек бўлди.

Беморнинг ҳалигидай: «Олиб кетаёттир» деган гапини эшитганда, тоқат қилолмай, ўкраб йиглаб юборган Тўғжоннинг юраги алланечук бўлиб, орқасига тортиб кетди.

Бемор йигит, дардидан чўчиётирми? Еки нима бўлишини сезаётирми? Қазоси шу ерда етадими? Тўғжон шу гапларни ўйлаб юрак бағри эзилганидан бўғилиб йиглайбошлади. Абай шундай қаттиқ азоб устида жон талваса қиласётганда, ота-онаси, бола-чақаларини оғзига олмай, фақат уни йўқлаёттир. Тўғжонни деяёттир. Ҳалиги алаҳлашларнинг ҳаммаси ҳам кўнглида ётган, қалбини тилка-пора қилган аламли дарди, ягона дардига ўхшайди. У: «Тўғжонга айтиб ўлсам эди, билдириб ўлсам эди» деб юрган бир саломи, жон саломи экан. У, ўша ўлан экан. Қораашаш Тўғжонни кўргани бир келганда, шу ўланни айтиб берган эди. Абай ҳали алаҳлаётганда, бoshини эслай олмади. Лекин бу ўлан йиллар давомида

Тўғжоннинг қалбидаги, ўтган даврнитиг мунгли созидек, асти унутилмай ҳамон чертилиб, ҳамон ғамгин садо чиқариб турарди.

„Ярқ этмас қора кўнглини па қылса-да,
Осмонда ой блан кун барқ урса-да...“

Давомини ҳали ўзи айтди. Бу саломини ботиб бораётган, қуёшнинг сўнаётган мажолисиз нуридек, энг сўнгги қизил шу'ласидек узилиб бораётган сўнгги нафаси блан айтди.

Дун'ёда менга сра сендаи ёр йўқ,
Сенга ёр мендан ортиқ топилса-да!—

деди.

Тўғжон Абайнинг қўлини кўксига босиб, мук тушганича билагидан ўпиб, ўксисиб-ўксисиб йиглади.

— Маш'алим! Бу сенинг сўзларинг эмас, менинг сўзларим-ку. Менинг қалбимдаги дардин айтгансан-ку. Mash'ум тақдир сендан тирик айиргунча, олдингда, ўна элда олса нима қиласа эди. Ўша кунларда олса бўлмасмиди! — деб, анчагача қаддини кўтариб ололмади. Оғир фуссага ботиб, зор-зор йиглади.

Абай яна бироздан кейин бетоқат бўлиб, тўлғониб: «Ташна бўлдим!» деган эди, йигидан бошини кўтарган Тўғжон унинг нима деяётганини дурустроқ англаб оломмай, қараб қолди.

Орқасини ўгирив ётган бўлса ҳам, сергак ётган Эрбўл ўрнидан иргиб туриб, печканинг устида турган сувни олиб, Абайнинг оғизига тутди. Абай сувдан бир хўп-лаб, ҳалқумини ҳўллаб олди-да, яна ёстиққа ўзини ташлади.

— Уҳ, бу қандай бўлди-а? Анча қаттиқ касал бўлиб қолдим шекилли. Дард анча оғирми дейман? А'зойи-баданим ўртаниб кетаётир!— деб, хўрсинганича яна кўзларини юмди. Нафас олиши оғирлашиб, қаттиқ инграрди, кўкрагидан чиқаётган нафас алангай-оташ бўлиб қалтираб отилиб чиқабошлади.

Абай бу кечани куйиб-ёниб, қаттиқ безовталик ичида алаҳлаш блан ўтказди. Тўғжон блан Эрбўл ҳам бир нафас кўз илинтириб ором олишолмади. Тўғжон ҳали бир қаттиқ куйис хафа бўлганидан кейин, оппоқ тонг отгунча ноладан, йигидан ўзини тўхтатолмади. Фақат тонг отиб, уйдагилар уйғониб, нариги уйдаги ота-оналари туришиди, деган хабар келгандан кейингина Абайнинг ҳам би-

роз кўзи илингач, зўрға ўрнидан туриб, секин чиқиб кетди. Ҳаммадан олдин турган Боймағамбет, Тўғжоннинг юзида бир томчи қон қолмай оқариб, дармони қуриб кетганини пайқади. Вазмин, ақлли гўзалнинг сабот акс этиб турган сиймосида, ёри ўлгандек, қайғу изи кўринарди. Икки кўзи қипқизил бўлиб, қовоқлари шишиб кетган эди.

Абай шу овулда касал бўлиб, ўн кун ёстиқ устида ётиб қолди. Дастребки бир ҳафта ичидаги дард чангалида қийшалиши, қисилиши ўзининг ҳамроҳларини, айниқса Тўғжонни, ҳатто бу овулдагиларни ҳам қаттиқ ташвишга солди. Бу овулнинг эгаси Найман деган бир кекса бой эди. Абайлар келиб тушган кечаси уларнинг ким эканлигини, қаердан келишганини эшилди. Ўша куни эрталаб Абайдан бошқа йўловчиларнинг ҳаммаси Найманнинг катта уйига бориб, овул эгасига салом бериб, унга ўзларининг қайси аҳволда бу ерга келиб қолишганини батафсил сўзлаб беришди. Найман катта хотини блан келиб, Абайнинг кўнглини сўраб, дардига шифо тилаб чиқиб кетишиди.

Бу овулдагилар Абайнинг касалига қайишгани блан, ўша куни туш пайтида Тўғжон ҳақида бир ножӯя гап эшишиб қолиб, келинни дув-дув гап қилиб қолишиди. Кечаси меҳмонларнинг ёнида ўтирган икки йигит Тўғжон блан Абайнинг бир-бирига қилган муомаласини яхшиликка йўймади. Тонг отиши блан уларнинг дарди-фикри — Абайнинг Тўғжонга қандай қариндош эканлигини билиш бўлиб қолди. Суриштириб кўришса, булар бир-бирига йироқ қариндош экан. Демак: «Кечаси шунчалар муккадан кетиб қилаётган меҳрибончиликнинг тагида бошқа гап бор экан-да» дейишиди. Найманнинг қўлида юриб, оиласига сингишиб кетган Содир десган кекса молбоқар Тўғжоннинг даҳлизида ётарди. Ўша чол ўтган кечаси Тўғжоннинг тонг отгунча Абайнинг ёнидан чиқмаганини, яна эрталаб чиқиб кетаётганда икки кўзи жиққа ёш эканини ҳалиги икки йигитга ҳам, Тўғжоннинг қайнана-сига ҳам оқизмай-томизмай айтиб берди.

Шу баҳона бўлдию, бетоб Абайга қарагани Тўғжонни ўйлатмай, Найманнинг хотини — кампирнинг ўзи келиб ўтириди.

— Қунакенгнинг ўғлини ўзим парвариш қиласман. Мен ҳам сенинг онангман, болам. Бегона эмасман. Тузалгунингча бошингга ёстиқ қўйиб, оғзингга сув тутадиган,

жопкуяр қардотпилариңгдаң бұламиз. Бошининг күтартсанғ бас, шифо берсін! — деди-ю, ўтириди олди. Баланд бўйли, тунд юзли, ҳопқора кампир, Абайнинг касалини боқиши учун бир томондан ўзи ўтираса, ёнига кўмакчи қилиб кечаги муллани ҳам олди.

Бемор, келаси уч кун давомида кўзини очмай ётди. Тўғжон онда-сонда бир нафас кириб чиқмаса, бу ерда кўп туролмайди. Қайнанаси: «Сен отангни кутавер, бу ерда нима қиласан чироғим, бор, ўша катта уйга бор» деб, дарҳол чиқариб юборарди.

Шу аҳволда икки кун ўтгандан кейин бу овулнинг сафарга кетган мирзаси, Тўғжоннинг эри — Оққўзи ҳам етиб келди.

Оққўзи Мўтиш элининг баланд бўйли, семизларидан бири экан. Тўбуқти ичидә Мўтиш эли жусса жиҳатидан бўлакчароқ бўлади. Буларнинг деярлик ҳаммаси говрил-говрил, семиз, оқ-сариқдан келган, кўк кўз, барнаста йирик одамлар бўлишади. Уларнинг ичидә соч-соқоли сапсариқ, тиниқ мовий кўэли ёшлиари, кексалари ҳам учрайди. Оққўзи шу хилдаги — гавдали, сапсариқ, соч-соқоли қизғиши, кўк кўз, танқа бурун йигит экан. Боши, пешонаси, чаккалари ҳам мўл-кўл яратилган бўлиб, ёши ҳам Абай қатори экан. У жуда кам гап, вазмин, тунд табиатли одамга ўхшайди.

Оққўзининг келиши bemор ётган Абайга бўлаётган муносабат ва парваришини ўзгартмади. Лекин, Тўғжоннинг бу уйга кириб-чиқиши бутунлай барҳам еди.

Бир ҳафта қаттиқ дард тортиб, ўзини жуда олдириб, мадори қолмаган Абайнинг секин-секин таҳаси енгил тортабошлади. Оз-оздан уйқусига ҳаловат кириб, иштаҳаси ҳам очилабошлади. Шу кунларда қовоғидан қор ёғилиб, Абайнинг ҳамроҳлари блан биратўла гаплашмай қўйган Оққўзининг димоғ-фириғини кўтариш Эрбўл блан Абулғозига анча малол қелди. Абай бошини кўтарар-кўтартмас, кампир ҳам Боймағамбет блан Шакега:

— Абай ҳам тузалиб қолди. Энди бу ерда кўп сарганиб ётмасаларинг керак, чироқларим. Овулинг, элинг ҳам узоқ эмас. Бир бошдан қариндош-уруғларингни кўриб кетаверсаларинг, элга ҳам етиб қоларсанлар. Абайнин энди эсон-омон онасининг қўлига топшириб, ўша ерда боқизсаларинг ҳам бўлади-ку! — деди. Усталик блан: «Меҳмонлар, энди иззатингиз ҳам битди», деган гапга келтирди. Орадан уч кун ўтгач, Абай йўлга чиқадиган бўлди.

Булар кетмасдан бир кун бурун, ярим кечада Тұғжон келиб, Абайни уйғотди. Астагина ёнига үтириб видо'лашди.

Абай күзини очиб, Тұғжонни күриши блан унга интилиб, қулоқлаб олганда, Тұғжон тортиниб Абайнинг қулоғидан сирғилиб чиқди-да:

— Абай! Мен бир нафас сен блан сүэлашиб, видо'лашиб кетгани келдим! — деди.

Бу гапга асти күнгли бовар қылмаган Абай, тұсатдан Тұғжоннинг юзига қараб:

— Ҳаётимнинг маш'али! Нима деяпсан? Нима деңмоқчи бұлаётисан? — деб, яна қулоғига олишга уринган эди, Тұғжон унинг құлларини тұсиб:

— Тақдир бизни қүшмади. Ҳеч бұлмаса шу гал, соғ-саломат келганингда... воз кеңгап бўлардим. Ҳаётимздаги ниҳояти бўлмаган ҳижрон дарди, висол орзуси бу гал ҳам сени менга бемор қилиб келтириб, тақдир шу деди. Лекин севган юрак қайтишни билмайди. Фақат эндиги йўлдошим сабрим бўлсин, дедим. Шу сингари ўзимизни ўзимиз тийиш орқасида, висол энди бир умр эришолмаган орзу бўлиб ўтсин. Имондек соғ орзулар бўлиб гўрга ҳам бирга кетсин. Мен ма'шуқангман. Уша ма'шуқалигимча қолиб, кўз ёшларимни ютиб ўтай, жоним! — деди.

Абай буни соғ муҳаббатга тўла қалби блан англади.

— Ҳаммасини айтдинг. Ұзингнинг ҳам, менинг ҳам қалбимдаги ҳамма гапни айтдинг. Шундай қылмасанг, сен Тұғжон бўлар эдингми. Бундан ҳам ортигини кутсам, йўлдан озганлигим бўлади. Розингдан айланай. Ишқ ўтида ўртанган қалбингдан чиққан розингдан! — дедида, Тұғжоннинг пешонасидан ўпди. Бошини қўлларин орасига олиб ўтирганича үтириб қолди. Тұғжон астагина ўрнидан туриб чиқиб кетди. Орқасидан эшикнинг фижирламай, астагина ёпилгани билинди. Абай оппоқ тонг оттунча шу зайл ҳаракатсиз үтирди. Гоҳ кўзидан дув-дув иссиқ ёш томчилари тўқиларди. Гоҳ ўксисб қаттиқ хўрсинганида, икки елкаси, кенг кўкраги тўлқин урган толдек, қалтиради. Унинг борлигини ларзага келтираётган тўлқин — бедаво дард тўлқини, туганмас ғусса тўлқини...

...Қиши ярим бўлган. Абай Оқишўқидаги янги қистояида китоб мутолаасига берилиб кетган. Овдан қайтиб кел-

гандай бери Боймагамбет уч йўл хуржун тўлдириб шаҳарга китоб олиб бориб, хуржунини тўлдириб китоб олиб келиб, Абайнинг эндиги руҳий озугини тез-тез алмаштириш блан овора. Абай Айгеримнинг уйида, холироқ бир жойда ўтирад, китобдан бош кўтармасди.

Бу кунларда Айгерим илгаригидек Абайнин чалғита-вермайди. Абайлар овдан қайтиб келишганда, эрининг Тўғжон қўлида ўн кун ётганини эшилган бўлса ҳам, у ҳақда эрига оғиз очмади. Лекин бутун рашк ва аламини ичига ютиб, билмасликка солиб юраверди. Рашк ўтила тутоқиб, бўғилиб кетган Айгерим, ҳозир Абайдан кўнгли совиб, бегоналашиб кетганга ўхшарди. Салтанат дардининг устига устак бўлган Тўғжон воқиаси Абайнин энди бутундай ундан бегона қилиб қўйди. Ерилиб сўзлашмаса ҳам, Абай унинг нима учун шунчалар зуғум қилаётганини яхши биларди. Лекин, унинг ҳозиргидаи: «Ичимдагини топ» деб, чиройини очмай юришини бу ҳам кечираолмай, кўнглида қаттиқ гина сақлаб ўтириди. Айгерим блан Тўғжон ҳақида сўзлашиб, қалбидаги жароҳатини унга изҳор қилиб, дардлашгиси ҳам келмади.

Бу йил қишида Абай бор дарди, бутун сирларини ичига солиб олдию, асти изҳор қилмади қўйди. Унинг эндиги сирдоши, эндиги дўсти, бир умр вафосизлик қилмайдиган ҳамрохи — яна китоб, фақат китоб бўлиб қолди.





ДОВОНДА.

1

Адрель ойининг бошлари эди. Қиши эрта чиққанидан бу йил ўт-ўланлар барвақт кўкарди. Моллар баравар болалай бошлади. Кечқурун оналари блан овулга яқин тепалик ларга яйлаб чиқсан қўзилар, улоқлар ғужғон ўйнаб юришарди. Оқшўқидаги овулнинг кўпчилик хонадони ҳали қишилик уйларда. Қистов ёнидаги кўмкўк майсага эрта тикилган ўтов-уй фақат Айгеримнинг ўтови блан хизматдаги қўшнилардан Башей, Злиҳаларнинг кўхнароқ уйи.

Кундаги одати бўйича Абай ёнига Боймағамбетни олиб, қистовнинг ёнидаги кўмкўк майса блан қопланган кичикроқ тепалик бошида ўтиради. Буларнинг ёнида кечки ёйилишга чиқсан қўй-қўзиларга кўз солиб юрган қўшнилардан: Бойтўри, Бойқадам, Дарқон ва Кишкене Мўлдалар ҳам бор. Бу қўшнилар шу кўкламдан бери Абай блан Боймағамбет тепаликнинг бошига чиқса, қизиқ-қизиқ ҳикоялар айтиб ўтиришларини билишарди. Шунинг учун индамасдан келиб ўтириб, ўша ҳикояларни тинглашга одатланишган.

Бойтўри илгари Қунанбойнинг катта овулида бод касалига учраб, йўқчилик чангалида, машаққат блан кун кечирарди. Кейинчалик Абай уни кўчириб келиб, касалини

даволатиб, одам қаторига қўшиб олган. Шунга ўхшаш, қашшоқлик блан яшаган, дардга чалиниб қолган Буркут-бойни ҳам паноҳи остига олган. Мана бу ўтирган Бойқадам ҳам шуларга ўхшаб, Қунанбойнинг бошқа овулларидаи ёруғлик кўрмай, ниҳоят ўз хоҳиши блан келиб Абайнинг овулига қўшилган. Боймағамбет ҳам бир тўп инилари блан оч-яланғоч ҳолда келиб, Абайдан дўстона марҳамат кўриб, йўқчилик чангалидан бироз қутилаб анча қаддини ростлаб олган қўшнилардан бири.

Абайнинг овули шунга ўхшаш ёру-дўстларга анча марҳаматлик овлу эди. Бу нарса Абайнинг қўни-қўшнилари блан доимо суҳбатда бўлишидан, улар блан жуда тогулигидан ҳам кўриниб турарди.

Ҳозир ҳикояни Абай эмас, Боймағамбет айтмоқда. Уузун, қизиқ бир ҳикояни эндиғина бошлади. Абайнинг рӯнарасига ўтириб олиб, Боймағамбет:

— Нидерлан деган мамлакатда, Лейден деган шаҳарда, инквизиция деган суд бор экан! — деб бошлади.

Мана шу ўтган қиш китобдан бош кўтартмаган Абай, ўзи ўқиб чиққан ба’зи эртакларни, романларни кўпинча ўй ичидагиларга, Эрబўл блан Боймағамбетга, Кишкене Мўлдага яна ҳикояга ақли етадиган бўлиб, эси кириб қолган болалари: Абдураҳмон, Гулбодон, Мағашларга ғоят қизиқарли қилиб айтиб берарди. Абай бундан ўн кун муқаддам ҳикояни ихлос блан, қунт қилиб тинглайдиган Боймағамбетга бир қизиқ роман воқиасини айтиб берган эди. Ҳали Боймағамбет бошлаган бу роман — Европада ўрта асрда бўлиб ўтган катта бир фожиани тасвиirlайдиган оғир ҳикоя эди.

Боймағамбет доимо шу сингари воқиалар чалкашиб кетган қийин ҳикояларни айтишга қизиқарди. Қаҳрамонлари кўп, уларнинг ўртасидаги ечиб бўлмайдиган чигал воқиа тортишувлари кўп ҳикояларни Абай бир айтиб бергандаёқ илиб оларди. Эшлиб олган ҳикоясини ўша кундан бошлаб қўшниларнинг ўйида, хотинлар, молбоқарлар, келган меҳмонларга сўзлаб бераркан, бирор ерида янгишмай, тутилмай, ғоят гўзал тил блан қизиқарли қилиб айтарди. Шу йил қиш Боймағамбетнинг эртакчи деган донғи Оқшўқи, Қўриқ атрофигагина эмас, Чинғиздан тортиб Семейгача кетган эди.

Бу икковининг олдига келиб ўтираётган Кишкене Мўлда, Бойтўрилар Боймағамбет ҳикоясини энди бошлаганини билиб, хурсанд бўлишди. Чунки, Боймағамбет

шахсан Абайнинг ўзига айтиб бериб, унинг синовидан ўтаётганда, ҳикоянинг устига келиб қолганларга яник одам келди, деб ҳикояни қайтадан бошламай давом этдириб кетаверарди. Бугун кечқурун Боймагамбет блан Абайнинг ёнига катталардан ташқари болалар ҳам келиб ўтиришган эди. Балогатта етиб, йигит бўлиб қолған Ақлбой ҳам бугун Қўриқдаги Нурғонимнинг овулита бормай, Боймагамбетнинг ҳикоясини эшитиш учун шу овулда ётиб қолган. Мусулмончадан анча саводи чиқиб қолган Абиш ҳам, ҳикояни тинглаётир. Ўқишига ихлоси баланд, зеҳни ўткир шогирдларнинг бири бўлгани учун овулдагиларниг ҳаммаси яхши кўрадиган қирра бурун Мағашгача шу ерда эди. У ҳам Боймагамбетнинг ҳикоясини диққат блан берилиб тингламоқда.

Қўёш эндинига уясига кириб бораётир. Баҳорнинг кечки салқини тушиб, тепалик бошида ёқимсиз изгирик турди. Лекин қизиқ романни завқ блан тинглаётганларнинг ҳаммаси Боймагамбетнинг оғизига тикилганларича ўтиришаркан, тошлоқ тепада, тасирлаб келаётган отлиқни ҳам пайқамай қолиши. Фақат йўловчи яқинлашиб келиб, ёнларида отдан тушгандагина билиб, ялт этиб қарашди.

Остидаги жийрон отини терлатиб, йироқ сафардан келаётган йўловчи — Жидебойдаги катта овулнинг қўшнлиридан Аслбой экан. У шаҳардан келаётган эди. Ўтирганларга салом бериб, эл-юртнинг, овулдаги қариндошуруғларнинг соғ-саломатлигини сўраб бўлиб, шаҳар янгиликларини айтабошлади. Бегона йўловчи келгандан кейин, Боймагамбетнинг ҳикояси узилиб қолди. Абай Аслбойдан:

— Хўш, шаҳарда қандай янгиликлар бор? — деб сўраган эди, Аслбой фавқулодда бир хабарни айтди.

— Эшитдингларми, йўқми? Шаҳарда подшо ҳақида бошқача бир хабар юрипти. Шу кунда бизларга ҳокимлик қилиб турган оқ подшо ўлипти дейишаётир. Яна ўлганда ҳам ўз ажали блан эмас, бирор отиб ўлдирипти! — деди.

Бу хабарни эшитган он Кишкене Мўлданинг лаблари астагина қимирлаб, дуо ўқиб, фотиҳа қилди. Гарчи, қандай дуо қилганини билмаса ҳам муллага таассуф қилиб, кекса Бойтўри ҳам фотиҳа қилди.

Абай ялт этиб қараб:

— Нима дейсан? Ким айтди бу гапни? Қачон ўлдирипти? — деб аниқлаб сўрайбошлади.

Аслбой қаноатлантирадиган қилиб дурустроқ бир жа-
воб айттолмади. Фақат тахмин қилиб:

— Семейликларнинг ҳаммасининг оғзида шу гап. Үлганига ҳам бир ойдан ошилти. Үлдирган кишилар ҳам қўлга тушибти. Подшонинг ўрнига ўғли тахтга минипти. Руслар черковда, мусулмонлар масжидда жанозалар ўқишган. Халқдан онт олишиб, қўй-чи, бутун шаҳар дув кўчаётир. Бошқа гапларни билолмадим!— деди.

«Подшо ўлипти» деган хабарни эшишиб, Абай ўйланиб қолди. Подшони ўлдириучилар анчайин одамлар эмаслиги.ни, бу хабарнинг тагида бир гап борлигини дарров пай-қади. Ичида: «Ундай одамлар қиласидиган ҳаракат осон бўлмаса керак. Қўлларидан катта-катта ишлар келадиган, бошида ақли, қалбида ғайрат жўш урган, иродаси кучли одамлар мудом сургунда юриш блан қаноатланмаса керак. Бутун Россияни ларзага келтирадиган бир ҳара-кат қилишлари турган гап эди. Шундай бир иш содир бўлипти-да!» деган хаёлга борди.

Бу вақтда соддадил ва қекса Бойтўри, яна шуларга ўхшаш кўнгли бўш Кишкене Мўлдалар подшонинг бу тарзда ўлишига, гўё маш'ум бир иш рўй бергандек қа-рашди. Бунга ҳарқайсиси ўз ҳолича турли-туман тус бе-риб, завқ блан сўзлашашётир.

— Ийе, бу қандай гап-а, подшонинг амри блан фуқа-рони ўлдирилгучи эди, подшони ҳам ўлдириар экан-да?

— Буни ўлдирган одамнинг юраги мугиздек мустаҳкам бўлса керак! Юраги бетлаб қўли борганини айтинг!

— Ҳарҳолда ўлдирган одам, анчайин фуқаролардан бўлмаса керак! Подшо бўлмаса ҳам, подшодав қолишмай. диган катталардан биридир. Ўзига ишонган, «сендан менинг қаерим кам» дейдиган кишиидир-да, бўлмаса анчайин одамга подшо блан олишмаса, бошқа олишади-
ган одам озми?

— Ким бўлса ҳам кўзни чирт юмиб, таваккал қила-
диган эрларнинг биттаси қилди-ку, бу ишни!— дейишди.

Утирганларнинг чеҳрасида подшонинг ўлганига ачи-
ниш аломати йўқ. Фақат қандай қилиб ўлгани, ким ўлди-
гани қизиқтираётир. Бу ҳолни кўрган Кишкене Мўлда
ўзининг устозлигини ишлатиб, уларни босиб қўймоқчи
бўлди.

— Шариатда ўзингга, ватанинга ҳокимлик қилаётган одамга итоат қил, дейилган. Қайси динда бўлмасин,
у подшоҳи-а'зам. Масжидларда ҳам жанозалар ўқилип-

ти-ку. Бу хафа бўларлик воқиа. Шумлик аломати! Одэм-эзднинг хулқи бузилган эмасми? Подшони фуқаро ўлдирганини ҳечбир китобда ўқигаи эмасман. Охир замоннинг аломати. Бу ҳодиса замоннинг айниганлик пишонаси!—деди.

Уз хаёлига чўмиб кетган Абай, Қишкене Мўлда гапининг охиринигина эшилди-да, кулиб юбориб, ўрнида турди.

— Қишкене Мўлда! Кучли амир — зўрлик бор ерда адоват ҳам эўр бўлади. Сиз унинг қайсибир сирини билибсиз? Ўша миљтиқ кўтарган қўлни қандай ғазаб, кек, пола идора қилиб отдирганини бу ерда ўтириб, билиб бўладими?— деди-ю, секин-аста овулга қараб кетаверди.

Ўйга келаётib, Боймагамбетга:

— Бақо, сен эртага Семейга жўнайсан. Бу хабарни эшишиб қўяқолишимииз тўғри келмас. Мен хат ёзиб бераман, шаҳарга бориб ҳамма гапни билиб кел!— деди.

Айтгандек, эртаснга Абайдан хат олиб Семейга жўнаб кетган Боймагамбет уч кун юриб қайтиб келди. У шаҳарга тушиб хатни Михайловга берди. Семейдан хуржунини тўлдириб олиб келган янги китоблардан ташқари Семейнинг «жандарол» маъқамаси чиқарадиган «Область ахбороти» деган газетасини, яна Михайловнинг Абайга ёзган хатини олиб келди.

Михайлов қисқагина ёзипти. Шундай бўлса ҳам, воқиани ҳозирча расмий э'лон қилинган хабарлар бўйича батафсил баён этипти. «Биринчи март куни, Петербургда кундузи соат бир блан иккининг ўртасида сайдан қайтиб, ўзининг қишки саройига келаётган подшони тайёрланиб, пойлаб юрган одамлар отган. Оғир ярадор бўлган подшо ўша куни саройта келиши блан, тушдан кейин ўлгап. Отишини уюштиручилардан бир қисми қўлга тушган» депти.

Евгений Петрович бундан бошқа хабарларни ҳам ёзипти. Семей губернатори иккинчи март куни шаҳар гарнизонини йиғиб, бутун маъқамалардаги ходимларни тўплаб, аввало қазо қилгани подшога мотам маросими ўтказипти. Шундан кейин барча солдатлар мансабдорлардан тортиб, бутун халқни янги подшога, Александр учинчига ҳалол хизмат қилишга қасам'ёд қилдирипти. Евгений Петрович мана шуидай расмий ишлар ҳақида ёзиб келиб, хатининг охирида маҳфий буйруқ блан ўзининг ишдан бўшатилган лигини айтипти. Яна Абайга ҳазил қилиб: «Мана, Ибра-

гум Қунанбоевич, оламда мана шундай гағлар бўлаётир. Сиз учун бу гапларни фақат Боймагамбетдан эшишиб қўяқолишининг ўзи қаноатланурлик бўлармикан? Оқшўқида ҳарқанча хурсандчиллик бўлса ҳам, шаҳарга бир келиб, мана бу ишларни ўз қулоғингиз блан эшишиб кетсангиз, ёмон бўлмас!»—деб қўйипти.

Семейда чиқадиган ягона газета — «Область ахбороти» ҳам подшонинг ўлими ҳақида Михайлопнинг хатидаги ма'лумотлардан ортиқ ҳеч гап ёзаолмапти. Абайнин ҳайратда қолдирган нарса — бундай пайтларда хушомалгўй қуллар не-не ваҳимали гапларни ёзиб, дўқ уриб тоза вайсаса керак эди. Ажабо, ҳокимларнинг тумшуғи ерга ишқалиб, кўзига қамчи теккандек гангиг қолишганими? Еки уларнинг бунчалик сўзни эҳтиёт блан ишлатишлари бир нарсадан чўчиб қолганларининг аломатими, бу қандай гап ўзи? — деган хаёлга борди.

Эртасига Абай блап Боймагамбет икки от қўшилган енгил аравада қатор ўтириб олиб, Семейга жўнашди. Йўл селгиб, анча қуриб қолган. Йўлни оғирлаштирадиган балчиқ ҳам, ботқоқ ҳам йўқ. Эрта баҳорда яшиаб келаётган оламнинг кўркини бузиб, ҳуснига ғубор туширадиган чанг ва иссиқ ҳам йўқ. Оқшўқидан то Семейгача йўлнинг икки томони кўмкўк майса. Далалар эндигина тиғ тортиб чиққан чим, янгигина қишини ёрган тобилғи, эрта очилган лола, энди кўклаб чиққан филғонлар блан қопланган. Тепаликлар, тоғ бағирлари, белоён ўлкалар ҳам кўмкўк. Булоқлар, кичкина кўллар — ҳаммасининг атрофи ҳам ипак сингари майса блан қопланган эди.

Йўловчиларнинг қаршисидан мулојим ва ёқимли шабада эсиб туради.

Эпчил, серғайрат Боймагамбетнинг бирор сарда тўхташ, ҳаяллашга тоқати йўқ эди. Қиши блан ем бериб боқиб чиққан икки саман отни шундай юришлар бўлса, десган умидда ўзи совутиб юрган эди. Ҳозир ўша қора ёлли қўш саман от тер чиқармай тасирлаб йўртиб кетаётир. Йўловчиларни уринтиrmай, бир зайдада елиб, руҳлантириб бораётир. Фидирақлар йўлнинг қизғиш қум шағалларини ғичирлатиб, олами қоплаган кўмкўк майсалар, очилиб ётган чечаклар орасидан жадаллаб кетаётир.

Абайнинг ёнида ўтириб, узун қамчи блан отларни ҳайдаб қўйиб кетаётган Боймагамбет тунов кун Аслбой келиши блан чала қолган «Черний Век-Марта» романини энди ҳинкоя қилишга тушди.

Бу чангальзор сингари чигал воқиали романда: подшолик динидан бошқа динда бўлган бир олийжаноб йигит Дик, унинг маслакдоши софдил, жасур паҳлавон — Қизил соқол, инквизиция судининг ғоят маккор жосуси, уччига чиққан хиёнаткор хотин Черний Век, унинг кушандаси бўлган, мудом унга панд бериб юрадиган, ҳарқандай оғирчиликни азаматлик блан кўтариб кетадиган хотин Марталарнинг саргузаштлари ҳикоя қилинган. Черний Векка душман бўлган Марта — Дикни қутқазадиган кўмакчиларнинг бири бўлади. Яна, Лиден шаҳриннинг Дик блан Қизил соқолни қувфинга солиб, кетига тушган, қонши жазо берадиган беомон суди ҳақида баҳс қиласди. Оми уламолар, ёвуз сўфиларнинг ихтиёрида бўлган инквизиция суди тасвирланади. Бу ҳикояда олийжаноб фазилатлар, қаҳрамонлик ҳам бор. Худонинг номини тилга олиб туриб ҳар куни қанча-қанча бегуноҳ инсонларнинг қопини тўкучи, янги-янги жазо усулларини, кишин ва сиртмоқларни яратучи зўравон, шафқатсиз дин бошликлари ҳам бор. Унда ёш қалбнинг сокин сув юзига тушшиб турган ёрқин ой шу'ласидек — беғубор муҳаббати, орезу истаклари тасвирланган. Шунингдек қоронғи зиндан тубидек даҳшатли, шафқатни билмайдиган, адолатни танимайдиган, бутун вужуди хиёнатдан иборат бўлган Черний Век ҳам бор.

Боймағамбет ўз ҳикоясида иштирок этучиларнинг эҳтиёжи ва ички сирларидан бир поғона юқори туриб, уларнинг ҳарбирига танқидий назар блан боқиб, ёндашар эди. Уларни жамиятда тутган мавқии, даражаси, илми, тарбиясига қараб, ҳарқайсисини ўз тили блан сўзлатарди. Бу — воқиалари бир-бирига чирмашиб,чувалиб кетган, юз хил тугундан иборат бўлган ғоят қийин ҳикоя. Боймағамбет унинг китобдаги тартибини бузмай, янгилишмай, ўрви-ўрнига қўйиб айтаоларди.

Боймағамбет шундай романларни айтадиган бўлгандан бери илгари айтадиган «Минг бир кеч», қозоқ эртаклари, форс ҳикояси «Қирқ тўти», «Бахтиёр»ни бир вақтлар ўқиб ўтган дарсидек ҳисобларди. Ҳозир, сўнгги йилларда уларни кўп айтмас, ўқимишли ҳикоячикдек тингловчиларга: «Киройи эшитсанг, мана буни эшит! Боймағамбетни кадр қилмоқчи бўлсанг, мана шулар блан қадр қил!» дегандек, мана шу янги ҳикояларни айтарди.

Боймағамбет бу кунларда шарқ ва қозоқ эртакларидан фақат Рустамни, Жамшидни, Шаркен, Уч кўр, Сайидбат-

толни, қозоқларнинг Эдил-Жайиқ, Жупор қўриғи, Эртўстик сингари эртакларинигина айтарди. Булар Боймағамбетнинг ўткир зеҳнига ёзилган унтилмас китобга ўхшарди. Буларнинг ҳарбирини қошқорайгандан бошлаб, то овқатдан кейинги чойга қадар беш-олти соат давомида, бир ўтиришда айтиб битиради. Эртакчи Боймағамбет ҳалиги саралаб олган эртаклари қаторида Абайдан эшитган романларидан ҳам қўшиди. Шуларнинг ичидаги ноёбларидан биттаси Боймағамбет «Петр Пелекей»¹ деб атайдиган ҳикоя эди. Ундан кейин «Сохатий», «Дубровский», «Валентин Луй», «Чўлоқ француз», мана энди «Черний Век — Марта» қўшилиб кўпайиб келмоқда.

Боймағамбетнинг ўзи русча ўқимаган, мусулмонча ҳам ўқимаган. Броқ, Абай ўқиб чиқсан қизиқ романларнинг деярлик ҳаммаси бунга айтиб бериларди. Шу хилда кўп ҳикоялар блан танишиш Боймағамбетнинг ма'навий қиёфасида, кўринишида катта ўзгариш пайдо қилди. Ба'зибир ишларда, ўзини тутабилишда, у, атрофидаги бошқа қозоқларга ўхшамас эди. Абайнинг билишича, у мана шу ҳикоялардан кўп яхши фазилатларни ўзлаштирган. Уз тенгдошлари ичida бошқачароқ бўлиб, камолга етиб, ўқимишли, хат билмайдиган ўқимишли, ажойиб одам бўлиб келаётган эди.

Бу вақтда тобора қуюқлашиб чиқиб келаётган сариқ соқоли, узун киприклари орасида чақнаб турадиган каттакатта мовий кўзлари, каттакон бурнигача Боймағамбетни Абайнинг ўзига ҳам ба'зан бошқа қозоқлардан ўзгacha кўрсатарди. Ҳозир Боймағамбет Абайнинг назарида оддий отбоқар эмас. Бу саҳрога бошқа бир ердан келган ҳамроҳига ўхшаб кўринарди. У Қизил соқолнинг Дикни халос қилиш йўлида кўрсатган жонбозлигини, ғайратини тасвирларкан, Абай ҳайрон бўлиб, шодлиги ичига сифмай, Боймағамбетнинг юзларига тикиларди. Қизил соқолнинг қалбида дўстга садоқат ва юксак одамгарчилик бўлса, шундай садоқат Боймағамбетнинг ўзида ҳам топиладигандек кўринарди.

Абай ҳайрон бўлиб, шодланиб, Боймағамбетга қарашдан ўзини тияолмасди.

Тўбуқтида, Иргизбойлар ичida мана бу Боймағамбет сингарилар илгари бўлган эмас. Абай орқали унга етган

¹ Петр Великий.

кўп китоблар ҳақиқатда ҳам уни бошқача, янги одам қилиб тарбиялади. Боймағамбет ўтакетган тўғри сўзли одам. Боши кетса ҳам ҳақиқатни қўйиб, ёлғон гапирмайди. Яна Абай учун ғоят қимматли бир хусусияти — Боймағамбет ҳечқачон бирорвнинг гапини бирорвга етказиб, бирорни бирордан ранжитмас эди. Сир тутишга келганда, Абайнинг иниси ёки ёридан ҳам пишиқ эди. Шу йил қишида Айгерим Боймағамбетининг мана шу хусусияти ҳақида:

— Шунчалик сир сақлайдики, «Бугун эрталаб Абай Турошга нима деди?» деб сўрасам, «Ҳа, мен қаердан биламан, ўзидаи сўра» деб, ўшани ҳам айтмади-я.

Ҳатто: «Боласи тўғрисида отанинг гапини онасига етказиш ҳам хиёнат бўлади» деб ўйлайди,— деган эди. Бир кўришда ёки одамнинг қандайлигини билиб оладиган зийрак Айгерим унга ўзгача баҳо берган эди. Ҳозир Айгеримнинг Боймағамбет ҳақида айтган бошқа бир гапи ҳам Абайнинг ёдига тушиб кетди.

— Бақо сиздан руслар ҳақида кўп нарса эшишиб кўнглига туғиб олган. Шу кунларда, ҳатто ўзи ҳам русларга ўхшаб кетаётир. Қозоқчасига ундоқ эди, бундоқ эди деган гапларни билмайди. Ўлсанг ҳам шу, куйсанг ҳам шу дейди-ю, шартта тўғрисини айтади қўяди. Афтидан ҳалол, әдолатли ва соғдил руслар ҳам шундай бўлса керак!— деган эди. Ҳозир Абай Боймағамбетнинг шундай ўзгариб кетаётгани ҳақида ўйлаб, ўзининг рус китобларидан олаётган тарбиясининг ижобий та'сиридан зўр қаноат ҳосил қилиб, ич-ичидан хурсанд бўлди.

..Боймағамбет икковимиз фақат ўқибгина, ҳикоя айтибгина юрмагаи эканмиз. Ўйлаб кўрсам, тарбияланиб ҳам келаётган эканмиз-ку! Лекин мендан кўра Боймағамбет ёшроқ-да, тезгина эгилақолди, шекилли?! Шунинг учун ҳам унда китобнинг изи очиқроқ кўринса керак! Демак, Боймағамбетда менинг ҳозирги кайфиятимнинг ярми акс этиб турилти-ку? Бир ҳисобдан бу менинг ойнам. Эл ўртасида юриб ўзгариб келаётган одамгарчилигимнинг ойнаси!..— деган қарорга келди. Лекин бу фикри айтсанам, ҳамроҳимнинг кўнглига озор бўлиб тушмасин деган анишага бориб, айтмай қўяқолдн. Унинг эвазига йўл бўйи Боймағамбетнинг бутун ҳикояларини айтдириб, эшишиб келди. Боймағамбет ҳикоясини тамом қилганда, одатдагидек воқиа ичидаги Дик, Қизил соқолларнинг ба'зибир чуқур ма'ноли, оқилона гапларини тузатиб, кўркамлаштириб айтиб берди.

Бу йўловчилар туш оқсан пайтда, Кушикбойга келиб, отларига дам бериши. Узларн ҳам йўл озиқларини олиб овқатланишиди. Кейин куни бўйи тўхтамай яна йўл бо-сишиди. Уша куни кечикиб келган йўловчилар эл ётар тоқда Типибойнинг дарвозасини қоқди. Боймагамбет ҳам худди шу дарвозанинг тагига етгунча бирининг орқасидан иккинчиси бошланаётган романларига поилож хотима берди.

Бу гал Михайлов блан Абай одатдагидан кўра кўпроқ учрашиб, ҳар гал узоқ-узоқ сухбатлашадиган бўлиши. Евгений Петрович Абайни, гўё кўпдан буён йўлига кўз тутиб юрган дўсти келгандек, шодланиб қарши олди. Евгений Петрович хизматдан бўшатилган бўлиб, эпди улар истаган вақтларида учрашаолишарди. Михайлов хатда ёзмаган кўп янгиликларни Абай блан дастлаб кўришган кундаёқ айтиб берди. Подшони ўлдиришга илгарилар ҳам ҳозирлик кўрилганини, халқ йўлида новқирон умрларини, озодликлари, ҳаётларини қурбон қилган азаматларни айтаб берди. Янада Петербургда дорга осилган Желябов ва қаҳрамон рус қизи София Перовская ҳақида ҳам гапириб берди.

Унинг фикрича, бу гал подшо ҳукумати зўр таҳлика остида қолган эди. У мийигида кулганича, тўртинчи март куни подшо саройидан э'лон қилинган ахборотда илгарилар бу хилдаги ҳужжатларда сра учрамайдиган янги гаплар ҳам борлигини айтди. Уша қофозда: «Бутун халқа тааллуқли бўлган хўжалик ва жамоатчиликка оид масалалар ҳақида ғамхўрлик қилмай бўлмайди» деган гап ҳам ёзилипти.

— Бунинг ичida «Социальний» деган гап ҳам бор. Бундай даҳшатли гапнинг подшолик оғзидаи чиқиши, таҳтнинг қаттиқ ларзага келганини, путурдан кетганини кўрсатали. Афтидан, революцион ҳаракат Петербургдаги-ларнинг ўтини ёриб юборганга ўхшайди! — деб, истеҳз блан кулиб қўйди.

Абай бу янги хабарларни зўр қизиқиши блан сўраб ўтиради. Аввал Михайлов блан учрашганида, бундай масалалар устида унчалик чуқур сухбат қилинмасди. Подшони ўлдириш самодержавиега қарши йўллангани кенг ижтимоий ҳаракатнинг оқибати эканлигини билгач, Абайда: «революция йўлидаги рус халқининг ҳаракати ва иродаси, ғазаби ва талаби жуда зўр енгилмас кучга эга экан» деган фикр туғилди. Шунинг блан бирга Ми-

хайловнинг ўзи ҳам Абайнинг назарида, эпди ўзгача яратилган, улуғ одамдек кўринди. Яна ҳам яқинроқ, қадрлироқ бўлиб қолди. Ундан эшитган гапларни чуқуроқ билиб олиш, тушунолмаганларини аниқлаб олиш учун Михайловга кетма-кет савол берди.

— Подшоликнинг қўрқани рост бўлса, қани энди, Евгений Петрович, ўзингизга ўхшаш азоб-уқубат чекиб сургунда юрган кўп азаматларга енгиллик бермапти-ку? Энди сизга Семей улуғи ҳам бошқачароқ назар блан қараса керак эди! Аксипча, Губернатор сизни маҳкамасидаи бўшатиб ўтирипти. Бу қандай бўлди? — деди.

Михайлов Абайнинг бу саволига кулиб, икки қўлини ёзиб қўйди-да:

— Мен революционерлар ичидағи йириклиридан эмас-маи. Мен энди кўкарғанимда ҳазон уриб, новқирон чофимда университетнинг учинчи курсидан олиб кетган... Мени бу ердаги хизматга олишганда ҳам, хоҳлаганларидан олишган эмас, ноилож олишган. Бу ердаги жондороллар Петербургдан, статистика бюроси очилсин деган бўйруқ олади. Бу шаҳардаги чиновникларнинг ичида статистика нима-ю, ҳисобот нима? Борди-ю, бу илмий йўл блан олиб бориладиган иш бўлса, уни қай тахлитда бошлаб, қай йўсинада режага солинади? Қисқаси «Тузоқقا илингган бу овни, пимага қўшиб, қандай қилиб ейилади», шунинг йўлини биладиган чиновник бу шаҳарда йўқ экан. Мен студент бўлиб, илмнинг кетига тушиб юрган чофимда, илмнинг шу тармоғига ҳам кўпгина кўнгил қўйиб, анчагина уриниб кўрган эдим. Бу шаҳарда мана шу янги ишни бошлашнинг уддасидан чиқадиган одам топилмагандан кейин, чор-ночор мени ана шу амали йўқ, меҳнати кўп ишга таклиф қилишган эди. Мен ҳам бекордан кўра деб, шу ишни олган эдим. Энди, Ибрагим Қунанбоевич, менинг бир касалим бор. Бу албатта мен ўстсан муҳитни менга сингдирган, эккан уруғи бўлиши керак. Ҳаётнинг, тирикчиликнинг, илмнинг қайси томони, қайси тармоғига бўлмасин кўнгил қўйиб, ўшанга берила-бошласам, ўшани жуда чуқур, таг-туғи блан билгим келади. Мен ўша ҳисобот комитетининг ишини йўлга қўйиб юбориш учун зўр қизиқиш блан ишлайбошлиган эдим. Сизнинг областингизда ҳалқ хўжалиги қанчалик мураккаблигини англайбошлиган эдим. Аниқ ма'lумотлар тўплаб, илмий текшириш йўли блан ўргана-ётгап эдим. Бугун Петербургда мана бу аҳвол рўй берди-

да, аввалдан ҳам полнция назорати остида бўлган, ишончсиз одам ҳисобланган Михайловни четга чиқариб кўйиши. Лекин, мен ҳозир четда бўлсан ҳам шу ерда бошлаган ишимни ташламайман. Сизнинг халқингиз ма-кон этган ўлкага, эҳтимол, бирор фойда келтирадиган хизмат қиласман. Савдогар ва саноат эгаларининг эмас, халқ манфаатини кўзлаб иш олиб борилса, бу ўлкани ривожлантириб юбориш мумкин!—деди.

Михайлов шу суҳбатни қизғинлик блан давом эттириди.

Дўсти блан учрашишга қулай бўлсин учун, Абай бу кунларда Иртиш дар'ёсининг нариги бетига ўтиб, Боймагамбет иккови Қаримнинг уйидаги туршарди. Оролчалардаги ўрмонларни яшил япроқлар блан безантириб келаётган баҳор кунларида, ба'зан икки дўст уйдан чиқиб катта сувни бўйлаб юришарди. Ба'зида қайиққа тушиб, Михайловнинг уйи рўпарасидаги «Полковник ороли»га чиқиб, узоқ-узоқ суҳбатлашиб ўтириб қайтишарди. Михайловнинг эндиги ҳар учрашувда Абайга айтадиган янгиликлари биридан-бири қизиқ, биридан-бири қимматли эди. Абайдап фақат тўрт ёш катта бўлса ҳам, Михайловнинг ўзи аралашиб, ўз кўзи блан кўриб, билиб чиққан воқиалирининг ҳаммаси Абай учун буюк чўққиларга, чангальзорларга ўхшаш ажойиб-таройиб воқиалар эди. Бу—ёзилмаган, Абайнинг назарида, ёзган блан тугамас ажойиб достонга ўхшарди. «Достои леган гаи ҳам — оз. Чулки, қандай достон бўлмасин, бир қаҳрамон ҳақида баҳс этади. Бунда қаҳрамонларнинг сони йўқ. Жабр-зулм қилучи ёвуз бўлса, у ҳам минг йиллар умр сурин келаётган, сиҳргар, шафқатсиз зулм эгаси — қўлида амри-қудрати бўлган, зарбоб тўи кийган, зарҳал безаклар тақилган либослар кийиб, тахт устида ўтирган ер тангриси — подшолик».

Шу пайтда Абай, подшога қарши курашиш Россияядагачон туғилганини Михайловдан сўради. Михайлов Абайнинг шитимоси бўйича, подшоликка қарши курашнинг дастлабки даврларидан бошлаб айтиб берди. Пушкин замонидан тортиб, то Белинский, Герценларгача келиб этишини, уларнинг ғояси Чернишевский томонидан яна кўтарилганини айтиб берди. Михайловнинг Чернишевский ҳақида самимият ва зўр ҳурмат блан сўзлашидан, Абай ўз дўстининг устози Чернишевский эканлигини англади. Абай, Каракозовнинг подшони отганини, Каракозовнинг дорга осилганини ҳам эшилди. Каракозовнинг подшо-

извошдан тушаётганда ёнгинасига келиб ўқ отиб текиза-
олмаганини эшиганды, Абай: «Қандай омади кетган шўр-
лик экан!» деб юборди.

Каракозовнинг амакиваччаси ва унинг гуруҳининг раҳ-
барн бўлган Ишутиннинг тақдирини эшиганды, Абай
жуда ҳайрои қолди. Петербургда, Семеновское плацда
булутлч куз кунларидан бирида Ишутинни осмоқчи бўлиб,
дор тагига олиб келншади. Бўйнига арқон солиш олдидан,
ўлим жазоси бериш ҳақидаги маш'ум ҳукмни ўқиб
эшатдирилади. Дорга осганда кийдириладиган қол-кафани
ҳам бошига кийдирилади. Дорга тортиб юборишгина
қолади. Шу чоқ раҳм қилган бўлиб, ўлим жазосидан
қолдириш тўғрисидаги иккинчи ҳукм ўқилади, умрбод
сургунга юборилади. Самодержавие ўзини мудофаа қилиш
учун, қандай оғир зулм ўтказадиган қоронги зинданлар
ясад қўйганини айтиб берди. Шлисселбург зиндани, Алексеевский Равелин, Иркутскдаги — Александровский центральлар сингари, одамдан қон чиқармай туриб, жонини
оладиган, бўғмасдан димиқтириб ўлдирадиган, ёруғ дун'-
енинг дўзахи бўлган маш'ум зинданлар борлигини Абай
энди билди. Ишутин мана шундай ерларнинг бирида бе-
рилган жазонинг — азобнинг оғирлигидан жипни бўлиб
қолган ва кўп йилтар жинни бўлиб юрган экан. Кўрган
одамнинг раҳми келиб, кўзидан беихтиёр ёш чиқиб кетар
екан. Шўрлик кўп ғариб аҳволга тушган экан. Шу сингари
ўлдиришнинг иримини қилиб, эрмак қилиш, Абайнинг
назарида, одамга одам қиласидиган зулмнинг, шафқатсиз-
ликнинг учига чиқкан ҳайвонлик хилидек туюлди.
Инртқиличикдек кўринидн. Ҳаяжон ичидা:

Евгений Петрович! Елирим, наҳотки шундай қилин-
са? Халқ олдида, бутун бошлиқ Россиянинг кўз олдида,
усиз ҳам қазога кўниб турган одамни шунчалик эрмак
қилиб ўйнатишлар ҳам бўлар экан-да! Шундай ишларга
йўл қўйилаверадими? — деб сўради.

Михайлов шу сингари масхарали жазо, ўзи: илғор
рус жамиятнинг ифтихори, озодлик ғоясининг жарчиси
деб айтиётган Чернишевскийдек одамларнинг бошига ҳам
солинганини Абайга айтиб берди.

— Бизларнинг ҳаммамизга ғоявий тарбия берган ус-
тозимиз бор,— деди Михайлов,— у, Чернишевский деган
одам. Мана шу ўн беш-йигирма йилдан бери ёш бўғин-
нинг ҳаммасини ўша Чернишевскийнинг ғоялари руҳлан-
тириб келмоқда... — деди.

Шундан кейин Михайлов 1864 йил 19 майда, Петербургдаги Миттинский майдонидаги, Чернишевскийнин халқ олдида дор остига олиб келгенларидан кейингина, етти йил сургуни деган ҳукум ўқилганини, шундан буён ўн етти йил ўтган бўлса ҳам, Чернишевскийнинг ҳамон Сибирьнинг энг йироқ бир бурчагида Вилюйск деган ла’нати қамоқхонада ётганини айтиб берди.

Михайлов шу сұхбат вақтида Чернишевский ҳақида Абайни ҳайратда қолдириб, унинг учун янгилик бўлған яна бир гапни айтди. Абай, подшони ўлдиручиларнинг бошлиғи, уларнинг ғоявий раҳбари Чернишевский деб ўйлар эди. Лекин, Михайлов ўз устози ҳақида сўзларкан, унинг биринчи март воқиасига ҳечқандай алоқаси бўлмаганини айтди.

Абай аниқ билиб олиш учун яна:

— Гарчи унинг ўзи шахсан иштирок этмагаи бўлса ҳам, ғояси ва оғзаки раҳбарлиги сабаб бўлмадими?— деди.

Михайлов кенгроқ қилиб тушунтириб берди.

— Асосий масала ҳам шунда — подшони ўлдиришда Чернишевскийнинг, сиз айтгандек, ғояси ҳам, сўзи ҳам иштирок этган эмас. У, иштирок ҳам қилмайди. Бу ишни қилганлар Чернишевскийнинг революцион фикрларини тўғри ва чуқур тушунган тўп эмас. Узича чала-ярим, нотўғри тушунган тўп. Чернишевский тутган йўлнинг ва у оидинга сурган илғор ғояларнинг бу ҳаракатга мутлақо алоқаси йўқ! — деди.

Якка шахсни ўлдириш, подшони ўлдириш бўлса ҳам, Чернишевский тутган йўл эмаслигини англацди. Бир подшо ўлдирилса, ўнинг иккинчи подшо ўтиради. Подшолик тузумнин барбод қиласиган асосий йўл бу эмас. Чернишевскийнинг уқдиришича, подшоликка қарши курашга беҳисоб фуқаро, дехқонлар, миллионлаб меҳнаткаш омма қатнашмоғи керак. Михайлов Чернишевскийнинг рус дехқонларига қарата чиқарган: «Қул дехқонларга уларнинг лўстларидан салом» деб ўз ўгитларини баён қилган прокламацияси ҳақида гапириб берди. Шуида Чернишевский дехқонларни подшолик тузумига қарши, қўлга болта олиб курашишга ундаған. Дехқонларни қулликда тутганлар — Россиядаги дворянлар-помешчиклар. 1861 йилда подшо озодлик бердим деб, ҳалқни алдади. Чунки подшо ҳалқ подшоси эмас, дворянлар подшоси. У фақат ўшалар учун гамхўрлик қиласи.

ларни у алдади» деб ёзган экан. Чернишевскийнинг прокламациясини Михайлов студентлик чоғида ёдлаб олган эди. Хотирида қолган яна бирқанча гапларни ҳам айтиб берди: «У сизларни алдади, чалғитишга тиришди. Подшонинг ўзи ким, унинг ўзи ҳам ўша дворян эмасми? Сизлар дворянларнинг қулисиз, дворянлар бўлса подшопинг малайлари. Подшонинг ўзи ҳам ўшаларга суюниб ўтирган энг катта дворян. Шундай бўлгандан кейин подшо албатта дворянларнинг ёнини олади» деган экан. Яна бир ерида: «Ҳақиқий озодлик бериладиган бўлса, ҳамма ишнинг бошида халқ ўтирсин. Беҳисоб ҳокимлар эса ўша халқа тоби' бўлсин. Қамбағал деҳқонларга озор беришга ҳечкимнинг ҳадди сифмайдиган бўлсин» деган экан. Дворянлар блан подшолик тузумига қарши, қайраб қўйилган қора болта ғазаб блан урилгандагипа кўпчиликнинг кўзи очилишини айтган экан. Агар шундай қилинмаса,—деди Михайлов,—мана буларга ўхшаб, тўрт одам, беш одам бир бўлиб, бир ерда подшони, бир ерда министрни ўлдиришдан иш чиқмайди. У кўпчиликдан йироқ, яккаякка, самарасиз, шунчаки бир иш бўлади..

Чернишевскийнинг фикри, «Кучин халқдан кутиш керак» дегани Абайнинг кўнглига жуда одилона айтилган гапдек ўтиришди. Абай ўз ичидаги: халқнинг савиясини ошириб, уни ёвузлик, зўрлик ўрдаси блан олишабиладиган даражага етказабилиш керак. «Ҳақиқий халқ ғўмхўри бўлган азаматининг бурчи шу экан-да!» — дегани улуғ фикрга келди.

Шу блан бирга, ҳали Абай эшитиб қонмаган қизиқ ҳикоя ҳам бор эди. У, Михайловдан самодержавиега қарши курашган рус фарзандлари ҳақила қайтадан сўради. Гарчи Михайлов кўп йиллардан бўён йироқда — сургунида юрган бўлса ҳам, худди бир доно солномачига, кекса билмандонга ўхшарди. Россиядаги подшоликка қарши курашаётган кучларнинг, одамларнинг, гуруҳларнинг дсярлик ҳаммасини батафсил билар экан. У Абайга кўп йирик одамлар, уларнинг ишлари, курашлари ҳақида бирма-бир айтиб берди. Абай бугуңги сұҳбатдан ўз дўсти ҳақида ҳам бир яхши фикрга келди. Самодержавиега қарши курашаётган гуруҳлар турли-туман экан-у, лекин Михайлов уларнинг ҳаммасини қувватлай бермас экан. Ёлғиз ўзи узоқларга кетиб, тинкаси қуриган, курашга қатнашасломай четда қолган бўлса-да, бутун кўнгли, тириклик таяниши, умр шу'ласи, умиди ўша томонда, ўша

түрухда бўлганда ҳам, фақат Чернишевский томонида экан.

Абай кейинроқ Андреевич блан учрашиб, Михайловнинг ажойиб одам эканини мамлекетни блан сўзлаганда, Андреевич ҳам Абайнинг фикрига қўшилиб:

— Михайлов савияси баланд халқпарвар одам. Гражданлик виждони эрта йўғонган азамат. У йигирма ёшидаёқ ўзининг чиниқан революционер эканлигини кўрсатиб ултурган... ҳа, унинг бутун оиласи ҳам шу йўлда ўзини қурбон қилиб келган одамлар... Евгений Петрович сизга ўз опасининг Чернишевскийга жазо берилган куни қандай иш қилганини айтдими? Айтмагандир?.. «Мен ҳам айтдим-а» деяётгандек, Михайловнинг хулқи, камтаринлигига қойил қолиб кулиб қўйди-да, айтиб берди.

— Ундаи бўлса, Чернишевский ўлим жазосига ҳукм қилингани з’лон этилиши бланоқ, атрофни ўраб турган қум-тупроқдек халқ орасидан бир қиз чиқиб, Чернишевскийнинг оёғи тагига бир даста гул ташлайди. «Хайр дўстимиз!» деб, товушининг борича қичқириб халқ муҳабатини изҳор қиласди. Атрофни қуршаб турган подшоликнинг ҳокимлари, жаллодлари, солдат ва жосусларчга: «Мени кўриб қўй» дегандек тап тортмай тикка бориб ташлайди. Бу: «Сенлар ўлимга ҳукм қилсаларинг, бутун ёшлар бунинг босган изини кўзига сурма қиласди!» деган чукур ма’нони англатадиган ҳаракат эди. Чернишевскийнинг оёғига гул ташлаган ўша Марья Михайлова, худди шу Евгений Петровичингизнинг туғишган опаси бўлади!..— деди.

Абай бу гапларни эпитиб яна ҳайратда қолди. Уни ҳайрон қилган нарса, биринчидан — ҳалиги тарбияли олийжаноб қизниң ҳокимлар зулмига қарши отган адолатли ғазаби бўлса, иккинчидан — ўша ёш жасур қиз Марья Михайлова, Абайнинг бугунги дўсти, Михайловнинг туғишган опаси бўлиб чиққани эди. Яна, Абай блан кўп сирдош бўлиб, сўзлашиб юрган Евгений Петрович, ўзга революционерлар ҳақида гапирганда, ўз опасиннинг ишини айтмай қўяқолиши foят таажжубланарли эди.

Абай энди ўйлаб кўрса Михайлов бу гапларни жуда ҳам камтарлигидан айтмалти. Ўзи қилган ишлар ҳақида ҳам: «Мен шундоқ қилган эдим!» деб, бирор оғиз гапирмаган экан. У халқ учун курашаётган жасур, виждон эгалари ҳақида сўзларкан, ўша ишларни амалга ошираётган бунинг ўзи эмас, ўзгалар бўлади. Михайлов фақат кўп-

нинг бирнгагина ўхшайди. Ўзининг тутгаи ўрнини кичик ва аҳамиятсиз қилиб кўрсатади. Абай фақат унинг, Чернишевский қамоққа олинишидан икки йил муқаддам сургун килинганини биларди, холос.

Михайлоп тобора Абайнинг диққатини ўзига тортаркан, уни чуқур хаёлларга боришга мажбур қиласарди.

«Агар кўпининг бири, шуҳрат топмаган, э’тибордан четдагиларпинг бири Михайлоп сингари бўлса, бу халқ нақадар камолга етган халқ! Бу халқнинг мана шу бўғини нақадар зўр кучга эга. Забардаст, ироласи кучли, ғайрати барқ урган, камолга етган бўғин! Бу бўғин филдек ягрипплик, матонатлик, зўр қудрат ва жасорат тўплаетган эзгулик кучи-ку!» деб ўйлади. Абай келаси гал учрашганида, Михайлопдан унинг ўзи тўғрисида сўрашга аҳд қилди.

Эртасига, ҳаво очиқ, бесубор чошгоҳ пайтида Абай келиб, Иртиш дар’ёси бўйидаги, ўзи учун илм ўчоги бўлиб қолган пастаккина уйининг эшигини қоқди. Эзма, оқсоҳ хотин Домна эна, кимдандир койиганича, эшик очишга чиқди. Эшикни очиб, Абайнин кўрган он кекса аёл ҳам, уни уй эгаси Михайлопнинг ўзидек хурсанд бўлиб қарши олди.

— Абрагим, сен экансан-ку! Кел, кел! Дўстинг ҳам сени кутиб ўтирган эди! — деди ю, орқасидан яна кимдандир койиб кетди. — ... Мен, яна ҳалиги, қари кўппак бўлса керак, деган эдим. Орқамдан қолмайди. Гап айлантириб: «Сенинг мирзанг — сицилист...» дейди. «Уйига кимлар келади? Ўзи қаерга боради? Нима еб, нима ичади?..» деб, миридан-сиригача сўраб, бошимни қотиради, кўппак ўлгур.

Домна, Абайни даҳлизда тутиб олиб, тоза ҳасрат қилди. Абай устидаги чакмонини ечаркан, кулимиригаганича кампирнинг гапига қизиқиб қулоқ солди. Абай гап мана шу маҳаллага қарайдиган кекса жандарма — Селантий ҳақида бораётганини биларди. Афтидан Михайлопнинг орқасидан пойлаб юриш шунга топширилган бўлса керак. У, Домнадан гап оламан деб, қирқ кундан бери шу уйиниг атрофидан нари кетмай юрган бўлса, Михайлоп ҳам уйда ўтирган ерида унинг ҳарбир босган қадами, оғзидан чиққан ҳар оғиз гапигача билиб турарди. Кекса жандарма Домнани нима деб айлантиришини, бунинг унга бергага жавобипи эшитаркаш, диққат блан қулоқ соларди.

Хозир ҳам Домна Селантийдан шикоят қилаётгашда, Михайлоп меҳмонхонанинг эшиги олдига келиб, Абайга

бош эгиб қўйиб, Домнанинг гапини эшитмоқда. Абай бу соддадил кампирга самимий ҳурмат назари блан қараб турди-да:

— Домнушка, бугун ҳам Селантий сизни хафа қилипти шекилли, ҳали, яна дийдор кўришиб келдингизми? — деди.

— Кўрмасам бўладими?

— Ўзини кўрдингизми?

— Ўзини эмас, ҳозир мана бу қўшнимиз Сидориха деган хотинни кўрдим. Иртишга кир чайқагани борсам, у ҳам чelагини кўтариб, сув бўйига борди. Мендан, яна ўша Селантий сўрайдиган бўлмағур гапларини сўраётir... Улар Евгений Петрович эмас, ҳатто сени ҳам сўрашади. «Апа у қирғизинг мупча келаверади? Сенинг сицилистинг қирғизларни ҳам авраётими?» — дейди.

Домна Фадеевна шошилмай, кекса оёқларини секиннискин босиб, ичкари уйларга томон кетди. Михайлов Домнанинг бу гапларидан безовталаниб, бироз диққат бўлди. Қуюқ қошларини чимириб, индамасдан уйнинг у бошидан бу бошига юриб турди-да, сўнг ўзини босиб олди. Одатдагидек вазминлик блан келиб диванга, Абайнинг ёнига ўтириди.

Унинг ҳозирги кайфияти, Абай бугунги суҳбатда сўрарман, деб келган гапини очишга қулай бўлгани учун, Абай гап бошлади.

— Сиздан шу кунгача анигини сўраб билмаган эканман, Евгений Петрович. Нима учун сургун қилинганингизни менга айтсангиз бўладими? — деб сўраган эди, Михайлов қисқагина қилиб бошидан кечирган бир воқиани айтиб берди.

Михайлов Петербург университетидага студентлик чорида ўзининг поччаси Шелгунов блан бирга Чернишевский гояларига берилган экан. Бирқанча студентлар блан бирлашиб, илм ва ма'рифат душмани бўлган профессорларнинг ишдан четлатилишини талаб қилиб, катта бир намойишда иштирок этипти. Шунинг учун қамалиб, Петрозаводск шаҳрига сургун қилинганини айтди. Уша ерда бир йил туришгандан кейин, Петербургдаги бошликлар, ёру биродарларнинг маслаҳати блан сургундаги студентлар тўпи подшо номига ариза ёзиб, жазони енгиллаштиришини илтимос қилишган экан. Жазони енгиллаштириш ўрнига Петрозаводскдан Сибиръга сургун қилиб юборипти. Сабабини Михайлов шу срда Лосовскийдан эшитипти, унга губернатор айтиб берган экан. Подшо Петергофда, ёзлик са-

роїда истироҳат қилиб ётган чоғида, буларнинг аризасини ўқипти. Аризанинг биринчи бетини ўқигандан: «Ҳали ёш экан, биратўла бузилиб етмаган одамлар бўлса керак. Ўйдан ошиқ жафо чекипти. Қайтарилса ҳам бўлар, қилган вшига пушаймон еб, тузалиб қолишар!»— деб, буларнинг гуноҳидан ўтмоқчи ҳам бўлган экан. Аризанинг иккинчи бетини ағдариб қолиши блан фе'ли айниб кетипти. Ариза тамом бўлиб қолган ерда, хатнинг охирида, қоғозга томган сиёҳ бор экан. Уни ариза беручиларнинг биттаси тили блап ялаб, қоғоз юзини кир қилиб қўйипти. Бутун ишни ўша ҳал қилипти. Подшонинг кўзи шу жойига тушиши блап, жаҳли чиқиб кетиб, аризани ҳам улоқтириб уринипти. «Буларни қайтарилмасин, бундан ҳам узоқча қувилсин, ўйқотилсан!» депти қўйипти. Ручка учидан тасодифан томиб кетган сиёҳ томчиси подшо жанобларининг кўзига гўё бир э'тиroz, бир ис'ён алматидек кўринипти. Шундай қилиб, Михайлловларнинг бошига аввалгидан ҳам қаттиқроқ жабр-зулм тушипти. Михайлов Абайга ўз ҳаётидан, ўзининг қилган ишларидан фақат шу воқианинг ўзини айриб олиб, бошига тушган шу кулгили бир ҳолни билдириди. Уни ҳам сабр блан чеҳрасида истеҳзо акс этган ҳолда бир ўткир ҳажв тариқасида айтиб берди.

Шунинг блап бирга Михайлов, кўпдан бўён изҳор ётимлай кўнглида сақланиб келаётган бир дардини даставвал Абайга айтди.

— Бу ердаги жандарм чиновниклари менга худди иккичи подшони ҳам ўлдирмоқчи бўлаётган ёки шу ердаги губернаторининг уйи тагидан чуқур қазиётган кишидек қарайдилар... Мен энди нима ҳам қилаоламан? Эҳтимол, ниҳоллигимда қирқиб ташламаганларида менинг ҳам қўлимдан бирор дурустроқ иш келган бўларди... Эҳ Ибрагим Қўпсанбоевич! Сиз мени аллақандай деб ўйлайсиз. Россиядаги ижтимоий онгнинг, революцион курашнинг йирик вакилидек кўрасиз... У сизнинг менга бўлган дўстона муносабатингиздан, дўстлигинингиздан туғилган фикр. Мана, кўрдингизми, мен ҳақиқатга келгандা кўлчилик сафидаги оддий, яна четда қолган одамларнинг биттасман, холос! — деди.

Абай бу гапларни эшитиб бўлгач, ўйланиб қолиб, кейин жавоб берди.

— Сизнинг ҳалқингиз, сизнинг жамиятингиз нақадар баҳтили. Тўғри, азоби кам демайман. Оғир меҳнати ҳам ўзига етиб ортарлик. Лекин шунга қарамай, отиб келаёт-

тән тонги яқин, туни ёришиб келаётган элни кўраёттирман!— деди.

— Нега бундай деяётирсиз? Бундай фикрга келишин. гизга сабаб нима?

— Ийғлатучилари кўп бўлса, юпатучи, овитучиси ҳам кўп бўлган эл баҳтсиз бўладими? Кўп деганим, ҳали сизнинг: «Мен кўпнинг бириман» деган гапингизга қараб айтиётирман. Агар эл учун ғамхўрлик қиласидиган, жон куйдирадиган кучнинг сафдаги, оддий одамининг биттаси сиз бўлсангиз, Евгений Петрович, бу тарафнинг бирлашгандаги кучи қандай бўлади? Уша кучнинг биттаси подшони ўлдирса, қаддини ростлаб, қанотини ёзиб, уюшқоқлик блан ҳаракат қилган куни қиласидиган иши қандай бўлади? Кўзи ўшли ҳалқнинг ҳақиқий тонги отиб, яшиаган янги ҳаёт барпо қилинади-да. Рус ҳалқи — баҳтли ҳалқ деганимнинг сабаби шунда!— деб, Абай гапини тамом қилиб, бир нафас жим қолди-да, сўнг:

— Баҳтсиз, шўрли ҳалқ, руслар эмас, бизлар десангизчи. Менинг элим... Қалин кўрпа тагида, зулмат ичнда ётган қозоқ ҳалқи,— деди.

Абай илгари ҳам дўсти блан узоқ-узоқ суҳбатлашганида, энг оғир ва чигал мавзу' шу бўларди. Бугун ҳам гап шу масалага келганда, Михайлов ўзининг шу ўлканинг келажаги учун қайғириб чуқур хаёлларга борадиган одам эканлигини кўрсатди.

Унинг фикрига қараганда, «Қозоқ ҳалқининг олдида турган бир яхшилик ва бир ёмонлик бор. Ёмонликдан қутилиш қийин. Яхшилигига етишиш қийин. Ёмонлик — бу ўлкалардаги улуғлар блан чиновниклар. Қулоғини кар, кўзини кўр қилиб ўтириб олиб, порадан, мансабдан бошқани ўйламайдиганлар. Яхшилик — рус маданияти. Броқ ҳозирги қозоқларга унинг бор сири, бор фазилатлари жумбоқ. Рус деганда, бугунги қозоқларнинг кўз олднга — Селантий, Сергей, Тентек ўязлар сингари ёт ва дағал зўрлик келади. Лекин Абай таниб, билиб келаётир-ку. Рус ҳалқида, мана шуларнинг орқасида ётган мутлақо бошқача сирлар ҳам бор. У ажойиб, бебаҳо олам. Русларда ҳозир бутун дун'ёга манзур бўладиган илм бор. Русларда бутун дун'ё ҳалқи ўқнидиган китоблар бор. Ҳалқнинг яхши фазилатларини, ҳақиқий ҳалқ эканлигини яққол кўрсатиб, бутун дун'ёга намойиш қиласидиган юксак фикрли мутафаккирлар бор. Шуларнинг ҳаммаси ҳозирги қозоқ ҳалқининг кўзидан йироқда, пинҳон ва бегона. Лекин,

қоронғиликда ётгап халқяниг Абайдек эрта уйғонгап әлғиз вакиллари ўзига зарур бўлган ҳамроҳни ўша рус хазинасидан топмоғи ва олмоғи керак». Қозоқ халқини уйғонабошлаган барча халқлар борадиган йўлга — ма'рифат йўлига сафарбар қилмоқ керак...

— Албатта, халқ учун эмас, ўзинг учун ҳам келажак шу таҳлитда бўлади, деб олдиндан чўрт кесиб қўйиш мумкин эмас,—деди Михайлов.— Сиз менга қозоқларнинг «Йўл онаси—из» деган бир яхши мақолини айтиб берган эдингиз. Ҳар вақт бирор бошлайди, қолганлар эргашади. Бир дона уруғдан юзлаб дон унади.. «Учқундан алланга чиқади.» Шу гап ёдингизда бўлсин! Бу жуда улуғ гап!. Сиз — ўша хилдаги бир дона уруғлардансиз. Сиз учун мен икки ишни маслаҳат кўрардим: биринчидан — қозоқнинг ёш бўғини учун, айтайлик, сизнинг ўз болаларингиздан бошласак «ўқиш, ўқиш, ўқиш!» керак дер эдим. Русча ўқиш! Иккинчиси — ўқиб, олган илм ва ма'рифатни халқка ёйиш. Қоронғи саҳрора бир дона шам бўлса ҳам, әлғиз қўлда әлғиз чироқдек бўлса ҳам, ўз билғанларингизни ўшаларга етказиб, уқдириш керак. Уша уқдириш йўли блан бугунги жамият баданидаги алвон турли жароҳатларни очиб, аниқлаб, фош қилиб ситиб ташлаш керак. Уларга таңқидий назар блан қараб, синчиклаб кўрабилиш керак! Менинг билишимча, сизнинг халқингиз — шоир халқ. Қайси йўл блан амалга оширишни билмайман, лекин, мен уларнинг дўмбираси, ўланларида халқ дардии куйлатар эдим. Халқ бошига кулфат ёғдираётганларнинг сирини фош қиласиган, илм ва ма'рифатни мадҳ этадиган янги куйлар киргизар эдим. Шуни энг кучли ўгит, эзгуликка бошловчи ўгит деб билардим. Шундай қўшиқлар. янги қўшиқлар куйланса, сизнинг халқингиз образли, чуқур ма'ноли сўзларни севади-ку. Зеҳни ўткир, чуқув муҳокамали ва қобилиятли халқ. Семипалатинск масжидларидағи имомлар ўқийдиган ўгит ва насиҳатларга қарандар, ҳалигидек қўшиқларни бир лаҳзада илиб олиб, севиб айтадигап бўлар эди. Билсангиз керак, рус халқида мана, бизнинг ҳаммамизни халқ учун қайтириш руҳида ўстирган — рус шоирлари-ку. Тўғри, улар ўз фикрини китоб орқали англатган. Ҳозир сизларда китоб ҳам йўқ. Лекин мен унинг учун ўйлаб ҳам ўтирумас эдим. Қай тарзда айтпилмасин, ғамхўрлик қилиб айтилган гап халқлининг қулоғига етсип. Ўшанинг ўзи оқартиради, ўшанинг ўзи уйғотади. Албатта! — деб, Михайлов сўзини тамом қиласар.

кан, кулимсираб, ҳазил қилиб Абайшинг елкасига қоқиб қўйди.

Илгари, Михайлов Чернишевский ҳақида гапирганда, Абай бирнече бор ундан: «Бизнинг қозоқ халқидек халқ-қа, унишг уйғонабошлаган азаматларига Чернишевский шу ерда бўлганда қандай маслаҳат берар эди? Қандай йўл кўрсатар эди? Шу тўғрида сизнинг фикрининг қандай?» деб сўради. Бугун ўша гап Михайловнинг ёдига тушгандек:

— Чернишевскийнинг ўзи блан сўзлашсангиз, албатта, мендан кўра яхшироқ маслаҳат берган бўлар эди... Аксинча, Чернишевский қўзи блан қаралганда, аста-секин бориладиган, суст йўлни айтаётган бўлишим ҳам мумкин. Лекин, халқингизнинг тарихи, маданияти ўзга халқларнинг тарихидан кейинроқда бўлгани учун, шу йўл дурустроқ бўларми, деб ўйлайман,— деди.

Абай унинг фикрини ўзича тушунди.

— Мен тушундим, Евгений Петрович. Қишининг музи эриб, юмшамагаи ерга экилгаш уруғ униб ҳам чиқмайди. Чернишевскийнинг қўли блан сепилгаш уруғнинг ҳаммаси ҳам бу ерда унавермайди дейсиз-да,— деди.

Михайлов Абайшинг шунчалик зийраклигига жуда севиниб кетди.

— Чернишевский асосан умидни халқнинг қайралган қора болтасига юклаган деб қайси куни сизга бир айтгаш эдимку. Халқнинг онгини ошириш, ма'рифатга эриштириш ҳам — ўша буюк мақсадга олиб борадиган йўл. Акс ҳолда, халқ қўзғолони революцияга эмас, ис'ёнга айланади... Эҳтимол, Чернишевский сизга очиқроқ жавоб берган бўларди — мен ҳали сизнинг халқингизни дурустроқ билмайман-да, шунинг учун ҳам халқингиз қай йўсида кураш олиб борса, тўғри бўлишлигини айтиб беролмай турнбман,— деди.

Михайловнинг бу гаплари Абайга худди ўз кўнглидаги гаплардек туюлди. Ақидасига айланди.

Ҳаёт, тирикчиликка оид улуғ масалалар устида кетгаш бу сұхбатнинг охирида Михайлов у гапларни Абайнинг ҳаётига татбиқ қилди. Унинг огулдаги ўқиб юргаш болалари ҳақида сўради. Абай ўзининг Абнш, Мағашдек ўғиллари, Гулбодондек қизи мусулмонча ўқиётганини айтди. Энди уларни русча ўқишга бериш ниятида эканлигини билдириди. Абай ўша болаларни қаерга ўқишга бериш кераклигини, бу ишни қандай

амалта ошириш лозимлиги ҳақида Михайловдан маслаҳат сўради. Михайлов унга:

— Болаларингиз рус оиласида туриб ўқишса, икки-уч йилнинг ичидәёқ рус тилини яхши ўрганиб кетишиади. Одам блан одамни, халқ блан халқни бир-бирига тенглаштирадиган фазилат — билим. Билимда тенг бўлгандан кейин, икки-уч йилнинг ичидәёқ болаларингиз саҳрордаги қиёфасидан узоқлашиб, ўзгариб кетганини кўрасиз. Фақат чиновник бўламан деб, улуғ бўламан деб ўқимасин. «Халқим юборган биринчи қалдирғочман», «ўзим учун ўқийман, элим учун, халқим учун етишаман» деб ўқисин! — деди.

Абайнинг кўз ўнгида Абиш, Магашлардек жон-дили блан ўқишига берилган болалари гавдаланди. Улар мана шу Михайлов сингари янги ва юксак ғояли одамлар бўлиб етишганини кўраётгандай бўлди. Уларни ҳам, Тўбуқти нусхасида қозоқча тикилган кийимда эмас, шаҳарларлар кийимида тасаввур қилди. Кўзларига кўз ойнак тақсан, ёзув столи устидаги қалин-қалин жиллар устига энгашиб ўқиб ўтирган илмли кишиларни, халқ ғамхўрларини, истиқболи баланд, кескин табиатли олим, янги бўғиннинг бошчиларини кўраётгандай бўлди. «Уша ҳаётни кўрсам кошки эди! Мен қаридим, мен тамом бўлдим. Йўлни сенларга бердим. Лекин бу дун'ёда ҳечқандай армоним йўқ!» десам, армони бўлмаган ота бўлар эдим-да» деб, анчагача хаёл суриб кетди.

Михайловнинг Абайни ширин хаёлларга етаклаган, кўнглига зўр умид бағишилаган сұҳбати, улар блан ҳар куни учрашиб турадиган дўсти Андреевичнинг тўсатдан кириб келиши блан беихтиёр бўлинниб қолди.

Бугун у Михайловни анчагина янгиликлардан хабардор қилмоқчи экан. Яна Тўбуқти ҳақида уезд маҳкамасидан эшитиб чиқсан хабарларни Абайга ҳам айтмоқчи бўлиб келган экан. Бу кунларда уезд маҳкамасидан тортиб, то мировой судья маҳкамаси, ҳатто жондорол маҳкамаси-гача, Тўбуқти элларидан тушаётган сон-саноқсиз аризалар, чақиқ актлар босиб кетипти. Юзлаб кишиларнинг муҳрии бостириб, ёки бормоқларини бостириб, бир хилларни: «Ўтлоқларга ўт қўйди» деб, бир хилларни: «Овулга босқинчилик қилди» деб, яна ба'зиларини: «Одам ўлдирди», «ҳомиладор хотиннинг боласини туширди» деб, бир-бирининг устига бўхтон ортишаётган экан. Андреевич шу хабарларни айтар экан, Абайга қараб:

— Ибрагим, сиз ҳозирги Тўбуқти бўлисларининг йишидан хабардор бўлмасангиз керак. Тушаётган аризалар, мен биладиган қирғиз бўлисларидан бўлса, сиз томонда яна янгидан авж олган тортишув борлигини билдиради. Айтмоқчи, бу йил сайлов бўлади-ку, сайлов олдидан яна управителъликни талашиш бошланган кўринади? Ҳарқалай эл ичи қаттиқ бузилиб, бош-бошига қовишмаётганга ўхшайди!— деди.

Михайлов сўнгги йилларда жондорол маҳкамасида хизмат қиласкан, қозоқ бўлисларидан тушадиган ба'зи аризалар кўп қаттиқ бўхтонлар, чақиқлар блан тўлдирилиб берилишини билар эди. Ба'зан Абайга:

— Подшолик қонуни қирғиз саҳросини қаттиқ оздириб бораётган экан. Биринчидан — пора, иккинчидан — Россия қонунининг қозоқ шароитига, урф-одатларига тўғри келмаслиги бор. Учинчидан — халқ блан улуғлар ўртасида келишмовчилик, бир-бирига ишонмаслик, бир-бирига душманлик бор. Биридан бири жирканиб ётсирашлик бо. Шунинг оқибати бўлиб, қирғизлар қонун олдида осонлик блан ёлғон аризаларни ёзib тушираверади. Бировнинг устига бўхтон ортиб, арз қилишлардан уялмайдиган ҳам, тортинмайдиган ҳам бўлиб кетган. Мана бу нўноқ ҳокимлар, қобилиятсиз мансабдорларнинг саҳрони расво қилиб улгургани шу-да! — дерди.

Доим халқни ўйлаб унга ачинар, мансабдорлардан кулиб, уларни эрмак қилиб ўтиради. Андреевич келтирган ҳалиги хабарни эшитиши блан:

— Чақиқлар бўлис устидан тушаётирми ёки фуқаро устидан арз қилиб, бўлиснинг номидан ёзилган аризаларми? — деб сўради. — Чақиқнинг деярлик ҳаммаси бўлислар устидан! — деб, Андреевич, истеҳзо блан жилмайдида, — ёдимдан чиқмаган бўлса, Лосовский блан бирга бориб: «Халққа қайишадиган дуруст одамлар» деб, Ибрагим, сиз сайлатган эдингиз-ку! — деб кулиб қўйди. — Приговор беручиларнинг яна бир тўпи бор. Улар — ҳақиқатав ҳам жабр чекканлар. Деярлик ҳаммаси жотоқ — қашшоқдир. Улардан бирнечча одам мснга келиб: «Бизнинг ишимизни ўзинг ол, бўлислар қилаётган хиёнат, зўрликни улуғларга етказ, ҳақимизни олиб бер» деб, ишларини менга бермоқчи бўлиб юришилти! — деди.

Абай бўлислар томонидан тушган приговорлар ҳам борлигини билгач, улар кимларни қораладиганини сўраган эди, одамларнинг номи Андреевичнинг хотирида қолмаган

Экан, айтиб беролмади. Лекин ўз устидан арз қилған жотоқларни: «Үғри деб ушлатиб авахтага қамаш керак» деб, да'во қилинганд бирнеча приговорлар борлигини айтди. Бу сұхбатдан Михайлова үзича хулоса чиқарди.

— Үндай бұлса, Ибрагим Қунанбоевич сайлаган: «Халққа яхши хизмат қиласы» деган управительдар хизмат қилаётган экан-да. Лекин халқ учун әмас, ўзларининг яна управитель бұлыб қолишлари учун, сайловчилардан күпроқ товуш олиш учун хизмат қилаётгап экан. Уларга қарши гурухлар ҳам бор-да. Уларнинг ўртасида жотоқлар бетараф. Управитель: «Мен томонга ўтинглар» деса, улар: «Биздан нарироқ юр» деяётган бұлса керак, шунинг учун улар устидан ҳали үғри, муттаҳам деб, ҳали калласекесар, ёлғончи деб, приговор тушаётгап бұлса керак. Мана, Ибрагим Қунанбоевич, сиз улардан: «Улуғлар олдила халқ манфаатини ёқладыған одамлар» деб умид қиласиз. Улар бұлса: «Улуғга бўйсунмайди, ўзбошимча, ёмон эл» деб, ўз халқининг устига тұхмат ортиб, ёмонлайверади. Тұғри, бу управительдарнингиз аҳмоқ әмас, улар сизни алдаб, бир бўлис бўлиб олишган-да, энди сиз блан ҳисоби тамом бўлган. Эндиликда улар сиз блан тотув бўлишдан кўра, губернаторга, ўязга яхши кўриниш афзалроқ, фойдалари оқ эканини билишади. Гамхўрлари шу бұлса, албатта халқнинг боши қайғудан чиқмайды-да. Яна бу хилдаги бўлислар кўп яшайди. Миридан-сиригача биладиган сизни шунча алдаб ўтирганда, халқни алдамайдими! Улур бұлса, ўзини гўлликка солиб ўтираверади. Унинг жонидили шундай бўлислар, мана шундай ишларку. У билмай қиласими, ё ўзини билмасликка соладими, барибир бу ишдан у зарар кўрмайди! — деди.

Андреевич кулиб қўйиб:

— Улуғдан нима кетади дейсиз? Қийналган бўлиб, ғазабланган бўлиб ўтириб, порани еяверади-да. Тинч элдан тийин ҳам тушмайди. Тинчи кетган элдан ҳад'ясини ҳам олади, ўртадаги низо'ни кўтарған, бошини қовиширга бўлиб, мартабасини ҳам ортдираверади! — деди.

Абай ўша сайлов бўлған йилн: «Халқ ғамхўри бўлар», «орлик, номуслик бўлар» деб ўзи сайлатган бўлислар учун номус қилганидан ер ёрilmади, ерга кирмади. Шу бўлисларнинг биттаси Абайнинг туғишган иниси Исҳоқ эди. Халқ бошига ўз иниси орқали ўзи кулфат солаётгандек бўлиб кўринди.

Бундан кейитги сұхбатға Абай әркинлик блан аралашаолмади. Үялганидан қаттиқ сиқилиб, хижолат ичидә бир хүрсиниб қўйди-ю, хайрлашиб чиқиб кетди.

2

Шаҳардан қайтиб келаётган Абай блан Боймагамбет Эралидаги жотоқлар уйига кечқуруи келиб тушган эди. Абай блан Боймагамбет тушиб келган тўрт гилдиракли, енгил арава кўп уйли, қашшоқ овулнинг ўртасидағи кўҳна бир кулба ёнида турарди. Уша кулбадагилар энди испушта қилиб бўлишган эди. Мезбон — мошгурунч соқолли Даркембой, тўши очиқ эски кўйлаги устидан юпингина чакмонини елкасига ташлаб, сарпойчан чордона қуриб ўтириб, Абай блан сұхбатлашаётир. У сигир шохидан ясалгаи нос қовоғидан кафтига нос солиб, онда-сопда буруи катакларига тортиб қўярди. Афтидан, Даркембой ўзи яхши кўрган одамининг меҳмон бўлиб келишидан жуда хурсанд ва унинг сұхбатидан мамнун кўринарди. Пиёлаларни артиб-суртиб, йиғишириб юрган очатқи юзли кекса аёл — Сарқитнинг ҳам, Абай меҳмон бўлиб келганига кўнгли кўтарилиб, боши кўкка етган эди. Эри блан Абай сұхбатлашиб ўтиракан, онда-сопда ҳазил қилиб кулишган пайтларида ажин босган қовоқларини кериб, жилмайганича уларнинг гапига қулоқ солар ва қўшилишиб куларди. Уйнинг тўридан бўсағасигача сочилиб ётган конфет қофозлари Даркембойнинг ўи ёшлик кичик ўғли Муқашининг ҳам, шаҳардан ўз қариндоши келганидек, хурсанд бўлганини кўрсатарди. Даркембой кечаси Абайдан шаҳардаги гапларни эшитиб, хўп қонган эди.

— Бизлар бу ерда, мансабдор, оқсоқол-қорасоқолнинг гапини эшитишдан бошқа инма кўрдик. Қозоқнинг яхши дегани гап гапирса, бирорга кўрсатган зўравонлигини, кучини гапиради. Бирхиллари қилган шаллақилиги, расвонилиги, ишлатган ҳийласини гапиради. Биз сингари камбағал қашшоқларнинг гапига қулоқ солсанг, камкўстлиқдан хасрат қиласади. Сенинг кечадан буён ана у подшони ўлдирган, халқ учун ўзини ўтга ташлаган азаматлар ҳақида гапирган гапинг менга кўп ма'қул бўлди-да, Абай. «Пешонаси шўр, меҳнатининг унуми йўқ қора халқнинг ғамини ейдигашлар бор, ўшаларнинг дардига дардкаш бўлиб, жонини ўтга ёқиб, кўпчиликка келадиган эз-

гуликни ўйлайдиган азаматлар бор. Халқ кўзини очса, бахти-саодатга эришса, ўшалар ниятига етган куни эришади» деяётирсан. Улар мана шу, оёғи синиб ётган бўрибаччадек Эралнда шумшайиб ўтириб қолган кўп жотоқларнинг ҳам дардига ҳозиқ бўладиган ҳомийлар-ку!— деб, носвойидан бир отиб қўйиб, хаёл сурисиб кетди. Кечадан бери Абайдан эшитган гапларидан бир холоса чиқариб:

— Э-э-э, кучлилар нимадан гапиради! Кучсизга қилган зўрлигидан гапиради. Кучсизлар нимадан гапиради? Кучлилардан кўрган зулмидан гапиради!— деб, ўз фикрини ифодалаганда, Абай Даркембойнинг шунчалик хуш-ёрлигига ҳайрон қолди.

— Баракалла! Кечадан буён қилган суҳбатимиздан бир ажиб холоса чиқардинг-ку, мана бу гапига маҳол бўлишга арзидиган гап бўлди. Ақл—моли-дун'ёга кўмилиб ётган бойларда эмас, азоб тортиб жабр чеккан, ғарифу-ғурраболарда-ку, асли!— деди.

Даркембой Абайнинг мақташига фаҳр қилмай, аста кулиб қўйди-да:

— Мени ақдлига чиқариб, халқ оғаси қиласанми. Қамбағалдан сўзамол чиқса: «Сувдан чиқсан судираҳмат» дейишади. Вақиллайди қўяди-да дейишади. Ақлсиз бўлса; «Қамбағалнинг ақли калта» дейишади. Сўзга уста бўлса: «Бунга гапни ким қўйипти?» деб, яна кулги қилишади. Йўқ, гапнинг ҳақиқатга эриштирганини кўрган эмасман, Абай! — деб Даркембой Абайга айтаман, деб юрган дардига куади.

Абайнинг келганига кечадан буён шодланиб ўтирган Даркембойнинг унга айтмоқчи бўлган бирқанча арз-доди бор эди. Үнинг ба'зибири ўзиники бўлса, бир хиллари камбағал, қашшоқ қўни-қўшниларнинг дарди эди.

Даркембой: «Йўлда жуда уриниб келган» деб, Абайни аяб, кечаси ўз шикоятларини, ҳасратини айтмаган, кетар олдида айтишга қарор қилган эди. Энди бу уйга биринсирин, ба'зябир қўни-қўшнилар келабошлишди. Улар — Абай танийдиган Давидбой, Ереной, яна шулар сингари, Қотибақ уруғидан, жотоқ бўлиб қолган Қорекелар эди. Қирқ-эллик хонадондан иборат бўлган шу ердаги жотоқлардан тўрт-беш кексанинг Абай ёнига келиб ўтишининг тагида гап бор эди. Абай бу кексалардан экинни қандай ўқканларини, ҳозир озиқ-овқатлари, тириклилари қайси аҳволдалигини бирма-бир суриштириб чиқди.

— Мияли-Бойғабил жотоқлари, сизларнинг ерингиз яхши эди, кимнинг экини яхши ҳосил берди? — деб, аввало Дандибайдан сўради.

— Кимнинг экини яхши ҳосил берди? — деди. Дандибай Абайнинг сўзини такоролаб, кулди-да:

— Оҳ, чироғим, Абай! Бизларни ҳосил олади дейсанми? Бу онангни... ит миниб, ип блан қамчилаб, нахсадаи чиқолмай юрган пайтда, худонинг берамая деб турган нарсасини ҳам уддасидан чиқиб ололмайдиган ландавурлик бор эмасми, бизда? Мана шу Мияли-Бойғабилда ўтирган йигирма уйлик йиғилиб, йигирма ерга экин эколмагандан кейин нимасини айтаман.

— Экакининг чиқадиганни ўзи? Бу йил қалай, ҳосил дуруст бўладиганми? Ознинг ҳам баракаси бор-ку! — деб, Абай сўраганида, Дандибай, Даркембой, Ереной уччови баравар:

— Барака деяётисанми...

— Уша барака ҳам, буюрса барака-да!

— Баракани излаб, ҳалака бўлмасак яхши эди?! — деб, бирдан кўнгилдаги хавфларини билдиришди.

— У нима деганингиз? — деб, Абай Даркембойга қараган эди, мезбон боядан бери айтмоқчи бўлиб ўтирган дардининг биттасини бошлади.

— Ўтган йил: «Баракани кўқдан тилами, қилган меҳнатнингдан тила» деган бир гапинг эсимда эди. Меҳнатдан тиладик-да, меҳнат қилдик. Меҳнатимизга яраша, ўтган йил Шўлпонда, Қиндиқда, Мияли-Бойғабилда ҳаммамизнинг экинимиз ҳам яхши чиққан эди. Оқибат нима бўлди? Ўтган йил Эралида бўлган сайловдаги ўзинг кўрган жанжалнинг оқибати келиб-келиб, яна бизнинг бошимизга бало бўлдику?

— «Йиртиқ-ямоқ кулбам деб Ўяз блан жанжаллашиб, бор фалокатни сеплар қилдинг» — деб, Такежов блан Мойбосарлар ҳам ўчини бизнинг бултурги экинимиздан олди-ку! Барака ўшами энди? Чайқалиб турган экинимиз энди пишиб, ўроқ соламиз деб турганимизда бир кечанинг ўзида беш овулнинг йилқиси тушиб, пайҳонлаб кетди-ку! — деди Эреной. У, Даркембойнинг гапини оғиздан олиб, ўтган йилдан буён Абайга ҳам ма'лум бўлган фоят аламли бир дард очилиб кетди.

Абай бу гапларнинг тагида қандай гап борлигини биларди. Ўтган йил бўлнисликдан тушиб қолган Такежон, яна шу жотоқлар экин эккан қўнис ва яйлов-ўтлоқларга

кузда кўчиб келадиган Иргизбой, Котибақлар жўрттага буларнинг экинини молларга сдиририб юборган эди. Уша вақтда Абай бу ишда айбдор овуллар блан қаттиқ юлишиб тортишган, кўп жанжаллар қилганди. Аслбек бўйиснинг ёрдами блан бир тўда бой овуллардан мана шу Эреной, Даидибой ва Қорекеларга мол кестириб берган эди. Лекин мана бу оқсоқоллар йигилиб келиб, Абайга яна ўша дарддан шикоят қилишаётир. Чунки мол кесилгани блан зўравон овуллар буларнинг ҳақини сб кетган эди. Уша овулларнинг то шу кунгача буларнинг ҳақини бермай келаётганини Абай энди билди. Даркембой шу ҳасратларни айтаркан, яқинда Арқатда, Сибои, Тўбуқти, Үоқ элларининг ўртасида ўтказиладиган сиёз-йиғинга ҳозирлик кўрилаётганини ҳам айтди. Абайга маслаҳат солиб, «Куч тўплаб, улов топиб, ҳалол ҳақимизни тэлаб қилиб, ўша кўп эллининг ўртасига одам юборсак, бориб арз қилса, бир иш чиқадими?» деб сўради.

Абай бу гапга жавоб бермай туриб, бошларига яна қандай озор ва кўргуликлар тушганини сўрайбошлади.

— Бу йил кўкламда экинларингизга яна зарар етказишдими? Еки экин экиб, жафо чекиб, меҳнат қилаётганингизда улов бериб, миниб туришга от бериб, кўмаклашган қардошлар ҳам бўлдимн? — деди.

Кексалар Абайпинг бу гапига кулиши. Қореке қизиниб кетди-да, дағал товуш блан кессатиб гапирди.

— Оббо, Абай тушкурей, нима деяётир бу ўзи-я? Улар берганга беради-да. Бизга ўхшаш қаширға тирноғи йўқ қашшоқлардан нима унади деб беради! — деди.

— Ёрдамдан гапирасан-а, худли шу Қорекепинг экини энди кўкариб келаётганди, ўша қардош бўлмишларинг яна бир кечада йилқисини қўйиб юборди-ку!

— У ҳам майли-я, от бериш ўёқда турсин, ўзимизпинг битта-яримта оқсоқ-тўқсоғимизгача қоқиб кетганини айтмайсанларми!!! — деб, Ереной блан Даркембой яқингина-да кўрсатилган яна бир зўравонликнинг юзини очабошлишди.

Абай кўп вақтлардан бери шаҳарда қолиб кетганини, мана бу сўнгги гаплардан хабарсиз эди. Шуни сўрайбошлаганда, Даркембой яна бир оғир хиёнатни фош қилди. Бу гапларнинг тагида Абайнин ғоят ҳижолатда қолдирадиган бир сир ҳам бор эди.

...Жотоқлар ўтган йил ололмаган ҳақини бу йил яна талаб қилганида, кўкламда бу ерларга кўчиб жолтан Га-

кежон, Мойбосар, Кунту, Бойсол овуллари ва Қоратой овуллари сингари зўравон авулларнинг аччиғи келиб, яна зарбии ўтказиб кетипти. Шунинг орқибати бўлса керак, экин эндигина қилтаноқ бўлиб келаётган пайтда ҳалнги овулларниг ҳарқайсиси ўз рўпарасида ўтирган жотоқлардан кўпчилигининг экинига йилқисини ҳайдаб, пайхонлатиб, кўп зиси етказиб кетипти. Меҳнатига ачинган жотоқлар ҳаллослаਬ уёқ-буёққа югуришиб, унга-бунга арз қилиб кўришган экан, ҳечқаңдай иш чиқараолишмапти.

«Увол-ку, ҳалол меҳнати, пешопа териси-ку, буларни қақшатиш яхши эмас» деганлар бўлса ҳам, зўравон овулларнинг юзидан ўтиб, ботиниб ҳечнарса айтмолматти. Жони ачиб айтган гаплари оғзидан чиқипти-ю, ўз уйларида қолаверипти. Қашамадан қайтиб келаётган Тажекежоннинг йилқилари ҳар куни экинга тушаверганидан кейин, жуда ҳам жони куйиб кетиб, Даркембой, Дандийбойлар бошлиқ Бўкенши, Жигитек жотоқлари бир бўлиб, бир-иккита отни ушлаб, кечаси йилқи қайтарадиган йигит блан ёқалашиб ҳам қолишган экан. Эртасига но ма'лум ердан тўпланиб, елкасига сўйинл ташлаб, жотоқларни чопиб ташлагудек бўлиб юзтacha йигиг бостириб келишипти. От ўйнатиб Даркембойнинг ўзини урадиган бўлиб, булар, ушлаб олган йилқиларни ҳайдаб кетишипти. «Экинимизни едириб юбордиларинг-ку» деб, шикоят қилиб боришган экан, Тажекон блан Мойбосарлар: «Элнинг файзини кетказиб, йўқ ердаги шумликни бошлаб, ер тирмалаб қўнис ва яйлоқларимнинг қутини учирган шум ниятлар, элнинг садағаси кетсаларинг арзиди ҳамманг» деб, буларни ота-бобосидан тортиб ҳақорат қилиб, қувлаб юборишипти. «Сен қирчонғиларнинг касофатинг уриб, ўтган йил бошимдаги мартабамдан ажралдим. Бир отадан тарқаган бўлсаларинг ҳам қардошим эмассан. Сенларни Тўбуқти сонидан садақа қилиб чиқардим. Жотоқ бўладиган бўлсанг, экин экадиган бўлсанг, бор ана у Белоғошга, мужикларнинг ичига бориб эк. Уша ерга бориб рус бўл! Нега ўлиб кетмайсан, ҳамманг. Сенларнинг борингдан йўғинг» деб, оғзидан чиқмаган ҳақорат, ўтказмаган хўрлиги қолмапти.

— Ҳали бугина эмас экан. Битта-яримта оқсоқ-тўқ-согимизнинг сўқадан бўшагани ҳам шу эди. Мана қарийб бир ой бўлди, шу ердаги қашшоқлардан етти ўйнинг етти бирдек отини бир кечада ўғри олди кетди. Эккан

Экиннимиз тиқадими ёки яна босилиб-янчилб, кўкармай тинкамизни қуритадими, ҳали унга кўзимиз етмайди. Ўтган йил пишиб турган экиннимизни пайхонлаб, ҳақини тўламай кетган зўравонлар, бу йил: «Кўк қилтанофим» деган ғишишага қулоқ соладими, йўқми?! Ё раббий, атрофни аланга сингари душманлик қуршаб турган пайтда, ўртада қилтираб турган бир тўп чийдек ҳолимиз бор. Ниятингга етмагурлар ҳеч бўлмагандга мана шу ерда ўтирган эллик уйликнинг ким эканлигини ўйласа-чи. Бири бўлмаса, бирининг бўсағасида чириганлар эдик-ку. Отабобосидан тортиб, ўтидан кириб кулидан чиққанлар эдик-ку. «Шўрликлар, ҳолатдан кетиб қолган экансан, сенларга ҳам жир битиб, биқининг чиқиб юрадиган кун бўлсин!» деб, раҳм қилмаганини қаранг! Эндиликда қилиб ўтирган қасдлиги худди бўридан баттар!— деб, Даркембой яна шикоятни давом этдиради.

— Шу ердаги камбағаллар илтимос қилгандан кейин, мана шу ўтирган тўрт киши йўқолган етти отни изладик. Ўғри ҳам четдан келмаган экан. Молни Қизил Мўлалан топдик. Ақимбет элининг ўғрилари олган экан. Уларга чиқариб берган муттаҳамалар ҳам топилди. Дарак берганларида қўлимиздаги борини «суюнчи»га бериб, энди молимизни қайтариб оламиз, деб юрганимизда, яна бир кутилмаган балога учрадик. Қизил Мўланинг бўлиси ўзингнинг ининг Исҳоқ эмасиди! Молимиз топилганида: «Бўлис ўзимнинг Исҳоқим, олиб бермай қўймайди, кўзингни очиб қўй!» деб, Ақимбет ўғриларнинг халқимидан «хип» бўғиб турган эдик. Улар ҳам анча бўшашиб қолишган эди. Ўзни оқлаш учун: «Биз ўғирлаб олганимиз йўқ», ўз элингнинг одами Серикбойда ҳақимиз бор эди. Ўша: «Шуни ол» деб чиқариб берди. Серикбой блан сен жотоқларнинг ўртангда бир чатогииг борга ўхшайди. Аввало ўша томондан орани очди қил. Бизга бу молни чиқариб берган Серикбойни олиб кел, деб қолса бўладими. Қайтиб келиб, бу ердаги қардошларга арз қиласадиган десак, у муттаҳам Серикбой ўтган йилдан буён Қашамада Такежонга қарашли ерда қишлиар экан. Борсак, Такежон Серикбойни бизларнинг кўзимизга кўрсатадиган эмас. Гард қўндирадиган эмас. «Жотоқлар кўп алжимасин. Серикбой ҳам ўзларига ўхшаш, қашшоқларнинг бири! Мен унга паноҳ бўламан. Жотоғим, камбағалим деб паноҳ бўламан» деб, камбағалпарвар бўлди чиқди. Билсак, у Серикбой деган нти Такежоннинг ўзи қўллаб-қўл-

тиқлайдиган ўғриси экан. Қисқаси, Серикбой қўлга тушмади. Сирғилиб чиқиб, қутилиб кетди. Ана энди сарсон-саргардон бўлиб, яна шу тўрт кипи, Ақимбет элига борсак, энди у томонни ҳам худо уриб қолиши. Такежон Исҳоқ бўлисга, ўзингнинг инингга хат ёзиб, одам югуртипти. «Жотоқлар менинг душманим, буларнинг молини олиб беришга бош қўшма. Олдингга борса, ҳайдаб чиқар!» депти. Шундай қилиб, иккинчи марта борганимизда, балонинг ҳам, қазонинг ҳам каттасига қўзимиз етди. Исҳоқ бўлис ҳам Ақимбет ўғриларини суяб, бизга гап бермайдиган қилиб ўшаларга ён босди-қўйди. Етти от уёқда турсин, еттига терисини ҳам ололмай, зор қақшаб қайтдик. Уёғини сўрасанг, олдимишга бир пиёла иссиқ сув, бир тишлам нон ҳам қўймади. Мана энди агар сиёз-ийғин бўлса, ўша ерга бориб ўтган йилги, бу йилги экинларни талаб қилиб арз қилсак. Яна мана бу камбағалларнинг ўртасидаги улови бўлган, ўшанинг орқасида кун кўраётган еттига ориқ оқсоқни ўртата солсак, деган хаёлда эдик. Агар ариза берсак, рус улуғлар воситачи бўлса. Ба’зан бўлис, бийлар улардан қўрққанидан ҳам тўғрилаб берарди. Шу йўл блан бўлса ҳам ҳақимизни олсак, деган эдик. Йўқотган молимизни фақат йиғлаб йўқлани блан ўтмай, олишиб-тортишиб ҳам қўрсак, деган эдик. Қани энди бу ишга сен нима маслаҳат берасан! Сен блан сўзлашаётган фақат мана шу ёнингда ўтирган тўрттагина чол эмас. Биз эллик уйлик, кўзи ёшлиқ, кўнгли ғамлик жотоқларнинг номидан сўзлаётимиз!— деб сўзини тамом қилди.

Бу суҳбат давомида Абай гоҳ қовоғини солиб ранги ўчиб кетиб, гоҳ ғазабига чидолмай лабини тишлади. Гапни ўрнига қўйиб жиддийлик блан гапираётган Даркембойдан кўзини олмай ўтиракан, бирнече марта уҳ тортиб ҳам юборди. Акаси Такежон блан иниси Исҳоқнинг қиласи ишидан ғоят ғазабланиб, қаттиқ хижолат тортди. Номус, уят, жирканиш — бир бўлиб, оғули тўлқинга айланниб, унинг та'сирчан қалбida куз тумани сингаричувалиб бормоқда эди. Бегуноҳ, сўзамол, бама'ни чолнинг гапларига қулоқ соларкан, кўнглида бир мисра' ше'р пайдо бўлди-ю, хаёлидан нари кетмай, такрорланаверди.

...Зийрак ақл уялтирас виждоини...

Бу номусга тегадиган иш-ку. Қалби ҳисдан маҳрум, бефаҳм, дарди-фикри ўз нафси бўлганлар бор. Улар учун ор нима, шафқат нимаю,adolat нимал..

Даркембой гапипи тамомлагач, уйга оғир сұкунат үйді. Абай ҳалиги хаёлининг давомини сўз блан тамом қилди.

— Шунча ёвуэликиң қылғанлар, мен блан бир ота, бир онадан туғилған—бири оға, бири иши бўлғанлар экан. Ушалар учун сизларнинг ҳузурингизда мен ҳам айблиман. «Орсиз қўлим қўлди, орли бетим уялди» деб, қўяқолсан, бу гапим кимни юпатади. Сизлар учун мадад бўлаоладими?— деб Абай аввало кекса дўстларига бошқачароқ кўринган, лекин кейин ойдинлашган бир гапни айтди. Шаҳарда Михайлов блан кўп ҳамсуҳбат бўлиш натижасида туғилған фикрини айтди. Шуни сўзлаб ўтиаркан, ҳалқ тўғрисида, ҳозиргина бошига қелган бир мулоҳаза тўғрисида ўйлаб кетди. Шу оннинг ўзида пайдо бўлган бу фикрини ҳам сўзлай бошлади.

— Бир вақтлар жотоқларга келиб қўшилганингни айтганингда, шу кунга қадар асти эсимдан чиқмайдиган бир ажойиб гап айтган эдинг, Даркембой. «Кўйи бирнинг—куни бир». «Қариндошим—бир отадан тарқалғанлар әмас, ўзим блан ҳаёти бир, заҳмати бир жотоқлар» деган эдинг. Уша гапингнинг ма'носини мен ҳалқ ғамхўрн бўлган, юксак ғояли бир рус азамати блан суҳбатлашган чоғимда яна ҳам чуқурроқ англадим. Меҳнат аҳли бўлган фуқаронинг мунгдоши фақат қозоқ ҳалқи ичидагина әмас, ўзингга ўхшаш умри хўрлик ва зўрлик остида чириётган миллион-миллион қора ҳалқ— русларда ҳам бор экан. Улар ҳам рус авлодимиз деб, бир отанинг боласимиз деб, подшоси блан чиновнигига, тўраси блан улуғига суюшиб ўтиргани йўқ. Аксинча, улар ҳам худди сенга ўхшаб «қонимни сўручи, қонхўрим—шулар» дер экан. Ўйлаб кўрсан, Кўкше, Мамайдан чиққан қашшоқ жотоқларнингни дарди-ҳасрати бир әмас. Уларнинг Сибиръ ва Россиядаги бутун рус жотоқлари блан ҳам дарди-ҳасрати, урони бир экан!—деди.

Ўз фикрининг шундай юксалишга етганидан Абайнинг ўзи мамнун бўлиб, кулиб қўйди. Упинг бу гаплари ҳақиқат эканлигига унча кўнгли бовар қўлмай турган Даркембойлар шубҳаланган ҳолда кулишди. Абай яна сўзида давом қилиб:

— Яна ўйлаб кўрсан, Тўбуқти-Керей, Қоракесек-Найман ичидаги бўлислар блан Семей-Омби¹, Оренбург,

¹ Омск. — Ред.

Петербургдаги бор тўраларнинг ҳаммасининг урони бир экан. Буларни урсанг уларга, уларни қоқсанг буларга тегадиган сири борга ўхшайди, кекса дўстларим. Русларда фуқаронинг ҳолига қайишадиган кўп доно одам бор экан. Ўша: «Беҳисоб ҳалқ ўзини шу кўйларга солиб, жабр қилаётган улуғларнинг зулмидан ҳалос бўлиш учун бошқаларга ялинимасин, ўзининг қайраб қўйилган қора болтасига ялинсин» депти. Сизларнинг дарди аламларигизга қулоқ солиб ўтирганимда, ба’зан: «Қурғурей, ўша қора болтани мапа шу қозоқ саҳросидаги қанча-қанча қабиҳлик, оқмамараз дардининг илдизига қараб қарсиллатиб бир урармиди» деган хаёлга ҳам бораман. Ҳаяжонга тушиб кетаман!—деди.

Гарчи бу гаплар ҳозир сиртга чиқарилгани демаса, аслида Абайнинг бирорга маслаҳат қилиб айтгани гаплари эмас, энг нозик ички сири эди. Мана бу ўтиргани кексаларга ҳозир Абайнинг фикрий ёрдамидан кўра, амалий кўмаги зарурроқ. Абай шу томонларни ўйлади-ю, гапни бошқа томонга бурди. Ўзига тикилиб ўтиргани кексаларнинг тўрттовига бир-бир назар солиб чиқди-да, тўсатдан улар кутмаган бир кескин қарорга келиб ўшани айтди.

— Сиёз Арқатда эмас, сиртда, Болқибекда бўлади. Ҳозир бошланган ҳам бўлса керак. Шаҳарда эшишган эдим. Дов-жанжал йингинига бормайман, деб аҳд қилган эдим. Лекин сизлар учун, мана шу уйда бугун эшишганим ёвузлик, жабри-зуим блан бир олишиш учун энди атайлаб бораман. Уч куидан кейин отланиб сизлар ҳам Болқибекка қараб жўнанг. Ўтган йилги, бу йилги экинларингиз, йўқотган отларингизни,— ҳаммасини ўша Тажекон, Исҳоқ, Мойбосарлардан да’во қиласиз. Сизлар учун да’вогар ўзим бўламан. Сизлар фақат қирқ уйликнинг номидан: «Да’вогарлар бўлиб мен келдим» деб, битта-иikkитангиз ўша сиёз бошида бўлсангиз бас. Даркембой ўзинг бор. Ёнингга мана бу Дандибойни ҳам ол. Бу ҳам ўзингга ўхшаш, айтган гапининг устидан чиқадиган мард камбағалку. Гап шу. Бошқасини сиёз бошида... Фақат уч кундан кейин йўлга чиқинглар. Биз энди кетайлик! Боймағамбет, отни қўш!—деб, Абай тутоққанича иргиб ўрнидан туриб кетди.

Боймағамбет, Абайнинг тутоқиб, бетоқат бўлиб туришига ўзининг эпчиллиги блан жавоб қилгандек, отилиб уйдан чиқиб кетти. Абай шошиб-пишиб кийинабошлади. Желеткасини, ёзлик енгил узун камзулини кийди. Соа-

тига қараб, кейин чолларга кўз ташласа, улар ниманидир айтиш андишасига бориб, айтолмай тургандек кўринди. Дандибой Эренойга сал энгашиб, бир нарсани шивирлади. Ниманингdir маслаҳати бўлаётганга ўхшайди. Абай турган жойида Дандибой томон энгашиб:

— Дандеке нима гап? Сен бир гапни айтолмай турибсан шекилли. Қани ўзимга айтчи, ниманинг андишасига бораётисиз, қандай тўсқинлик туғилиб қолди?—деб, Даркембойга ҳам қаради. Даркембой Абай томон ўгирилиб, аввалгича жиддийлик блан:

— Берган маслаҳатинг ҳам, қилган аҳдинг ҳам жуда яхши. Кўпчилик ўртасига солмагунча, ҳақимиз тегмаслигини кўриб турибмиз. Энди бу одамларнииг йўлини тўсаётган яна ўша йўқчилик бўлаётир. Болқибекка, ҳеч бўлмагандага икки киши бориши керак. Дандибой икковинг бор дединг, дуруст. Лекин буларинг «Қандоқ қилиб етамиз?» деган андишага бориб, ўланиб ўтиришипти. Етти бирдек оти кетган жотоқ овулида тайёр турган от блан тўн бор дейсанми?—деди. Эреной бунинг гапини қувватлаб:

— Миниб боргудек ҳечбало йўқ-ку, Абайжон?—деган эди, Дандибой ҳам товушида кесатиқ оҳанг блан:

— Бу йўқчилик астн орқамдан қолармикин?—деб, йўқчиликни бир ҳақорат қилиб койиб ташлади.— Қўлим етар ерга юбормайди. Қип-яланғочликдан, мечал боладек, шу Эралининг бўйидан нари силжишга имкон йўқ. Тукканнинг тагидаги Болқибекка уловсиз қандай қилиб етай?!—деди.

Абай ҳамон шахтидан қайтмаган ҳолда жавоб қилди.

— Биттангнииг отинг борга ўхшайди. Яна биттаиг ана у, мен араванинг четига қўшиб келаётган жийрон отни мин. Дандибой, сен шу отни ёз бўйи ишлат. Ийлқи ўтарга чиқадиган пайтда қўшиб юборарсан. Даркембой, сен ҳали от блан бирга тўнни ҳам гапирган эдинг-а!—деди.

Абай кечқурун шу уйга келтириб қўйилган узунчоқ оқ сандиқни очиб, икки бўлак газлама олди.

— Мана бу авра-астари блан бир чакмон. Даркембой, буни сен ўзинг тиктириб кий! — деганда, кексаларнииг ҳаммаси хурсанд бўлиб:

— Баракалла!

— Кўп яшал!

— Мамишун қилдинг-ку, бутам!

— Умри-жонингга барака берсин! — дейишатганда, Даркембой Абайнинг қўлидан газламани оларкан:

— Абайжон, бу қандай бўлди? Зўрликни Такежон қилиб, жаримасини сен тўлаётирсанми? — деди хандон ташлаб кулиб, бошқа чоллар блан Абайнин ҳам кулдирди.

— Мана, бийларнинг эшигига бормасданоқ бир от, бир тўн жаримани ҳам олди-ку бу жотоқлар. Ҳақини юборади дейсанми, энди! — деб, яна кулди. Қекса дўстининг кўнглини кўтаргани учун Абайнинг ўзи ҳам хурсанд бўлди.

— Дамингни чиқарма, Даркембой. Бунинг жарима эканлиги тўғри, лекин отангга отам қилган ишларнинг жаримаси бўлсин дейлик. Такежон, Исҳоқлар блан ҳали сўзлашамиз. Уларга қўшилиб айбор эмас, айловчи бўларман. Ва’да шу бўлсин. Лекин олишганда чаپ бериб тушмай, тикка ташлан. Тўқмамбетда бўлгани жанг олдиндан Бойдали: «Суюндик, ақлни Сугирдан сўрама, мана бу камбағал Даркембайдан сўра» деган экан-ку. Шунинг учун Дандибой икковинг бор, деяётиран-да. Агар чант солган ерингдан қон чиқармасанг кузда иккалангни мана шу бир гала жотоқларнинг олдида: «Қўрқоқлик қилди» деб уялтираман! — деди. Уйдагиларни бироз кулдирив, кейин Эриной блан Қорекега:

— Бу ерда қоладиган кексалардан сиз икковингиз шу гапга гувоҳ бўласиз. Буларнинг ва’дага вафосини синашни кузга қўйман! — деди.

Шу онда: «От тайёр» деб, Боймагамбет кириб келди. Уйдагиларнинг ҳаммаси эшикка чиқиш учун қўзғолишиди. Абайнинг ҳалиги гапига жавоб қилиб, хандон ташлаб кулиб келаётган Эреной:

— Ва’да шу. У ҳолда бу икковига бериладиган жазонинг ҳукмини ҳам ўзингга чиқартирамиз! — деди. Қореке, Дандибой блан Даркембайларга зўр ишонч билдириди.

— Агар худо тил-офзига тушов солиб боғлаб қўймаса, ёнида сен бўлганингдан кейин, бу икки шеринг, бўлис ўёқда турсин, жондоролдан ҳам тап тортмас. Ўзинг ҳам шу икковини топиб ушладинг, бўтам, ялонғоч сувдан тоймас дсайдилар-ку. Энди шулар яланғоч ботирлигини кўрсатолмаса, унда жотоқнинг биратўла шўри қурийди десангчи! — деб, бу тўғридаги гапларни шу блан тугатди.

Даркембойнинг уйи олдидаги уч от ўрнига иккита от қўшилган арава енгил қўзғолиб, шилдираганича юриб кетди. Жотоқларнинг кулбалардан чиқиб, араванинг ат-

рофида ўралишиб юрган ёш болалар икки томонга ажралиб, йўл беришди. Салқинда ётган ориқ итлар, катта-кичик кўппаклар бирдан уввос солиб ҳурганича араванинг орқасидан анча жойгача боришид. Эренойларнинг олдида Абайларни кузатиш учун тўпланган кекса аёллар, ёшу қари эркаклар ва бирқаича болалар бор эди. Уларнинг ўртасида турган Эреной, Абайнинг орқасидан қараб, ўйланиб туриб:

— Худонинг қудрати, шу болага ёшлигидаёқ бутун қардошлар зўр умид блан қаради. Уша умид, ҳали ҳам умид. Зойе' кетмаганга ўхшайди. Ўзи блан бирга бўлиб, суҳбатлашиб кўрганим шу. Барака топкур, ҳақиқатан ҳам одамда ўзига иисбаташ яхши тилак ва ҳурмат уйготадиган йигит экан!—деди ўзининг гапига ма'юслик блан қулоқ солиб турган камбағалларга қараб.

— Йўқолган етти отнингни олиб бераман деди. Улжаси, ортиғи блан худди ўша зўравонларнинг ўзидан олиб бераман, деб кетди. Утган йилги, бу йилги экинларингизни тўлатдириб бераман деяётир. Шу гапларидан айтётируман-да!—деди.

Бир тўда бўлиб, тўпланиб турганлар оғзидан ишонар-ишонимас айтилаётган гаплар чиқаётир.

- Етти от!
- Қайтариб олиб бермоқчи!
- Ҳақимизни олиб бермоқчи!
- Экиннинг чиқимини тўлаттироқчи!
- Бултурги экин, бу йилги экин!
- Бу йилги экинни ҳам!
- Шуларнинг ҳисобига ҳақ олиб бермоқчи!
- Айтгани келсин!
- Ва'дасининг устидан чиқсин, оқ йўл берсин!— дейишаётир, теварак-атрофдан.

Ҳамма жотоқларнинг кўзи, чанг ичидаги чала-ярим кўринишиб кетаётган аравада. Чала умидлари ўша аравага эргашиб кетаётгандек, камбағал овулнинг одамлари узоқ вақт араванинг орқасидан қараб қолишиди.

3

Абай бу гал шаҳарда кўп туриб қолди. Михайлова ва Андреевичлар блан эрта кўқламдан бошланган учрашуви ва суҳбатлари Абайнинг ҳаётидаги бошқа суҳбатларидан фарқ қиласиди. Дунёнинг кўп сирини очгац, моҳияти, э'ти-

бори блан бебаҳо ва ажойиб дарсларга ўхшарди. Шунинг учун уларни ташлаб кетаолмади. Ҳозир ёзнинг ярми бўлиб қолгаиликдан, ҳалқ яйловнинг энг четки қўнисларида экан. Абай блан Боймагамбет, Эралидан чиққандан кеийин орада бир қўниб, отларини қаттиқ ҳайдашганича эртасига кечқурун кун ботиб бораётган пайтдагина Қунанбой овулига яқинлаб келишди. Йўловчилар қиялаб ўтиб кетаётган катта овул — Бўтақон ўшоғида ўтирган Такежон овули экан. Йилқиси кўп, қўйининг ҳисоби йўқ, ўнлаб қўшнилари хизматида бўлган бадавлат овул бўлиб кетипти.

Абай Боймагамбетга:

— Бу сувула тушмай қўяқолайлик,—деди.

Улжоннинг овули блан Абайнинг овули Бойқўшқорда, бу ердан беш-олти чақирим нарида эди. Абай кўпдан бери кўрмай, соғиниб келаётган овулига эл ётиб, болалар ухлаб қолмасдан етиб келишга ошиқиб борарди. Йўл Такежон овулининг четидаги қурум босган қора кулбалар ёнидан ўтаётганда, Абайнинг эсига дастлаб Қоражон тушди. **У** Боймагамбетга қараб:

— Уни кўр, Боймагамбет. Мана шу кулба каттагина бўлса ҳам, ё чўпон, ё мол соғучи, ёки қоровуллар, соқчилярдан бирининг уйи-ку. Шунчалик увадасини оқизиб қўйилти. Бир парча намат берса, худо ургур Қоражоннинг нимаси кетар экан-а! Сен нима дейсан?!—деди.

Абай блан ёнма-ён ўтирган Боймагамбет тукли қовоқларининг тагида ёниб турган катта-катта мовий кўзларини ялт эттириб бир қараб, кулиб қўйди.

— Қоражондан хайр-саҳоват чиқиши қийин-ку, Абай оға! Бу қўшниларни хизмати учун олиб юрмаса, гариб-бечораларга раҳм қилганидан атрофига йиғиб ўтирипти дейсизми. Хизматини қилдирса ҳам қарагуси келмаганида бу!—деди. Йўловчилар овулнинг четидан ўтиб боришаркан, тепаликдан ошиб, чопганча пастга, Бўтақондаги катта булоқ бошига уймалашиб келаётган йилқини кўришди. Абай бу отларнинг миқдорига кўз ташлаб:

— Шунинг ҳаммаси Такежоннинг йилқисими? Қашча вақт ичиди шунчалик кўпайиб қетган-а, Боймагамбет уни кўр!—деди.

Шу пайтда овул томондан бирор отини тасирлатиб чоптирганича буларнинг орқасидан келаётганини пайқашди. Абай блан боймагамбет баравар қайрилиб қарашди. Кумуш нақшли эгар-жабдуқ урилган аргумоқдек катта

қашқа гунонға міниб, чоптирганича келаётган йигитча Азимбой экан.

— Ассалому алайкум, Абай оға! — деди, аравага ёндашиши блан.

Абай боланинг саломига алик олиб, овули, ота-онасининг эсон-омонлигини сўради. Бу бола Такежон блан Қоражоннинг балоғатга етиб қолган ёлғиз ўғли эди. Юзи япалоқ, кўзлари қисиқ, қалин қовоғидан қор ёғилиб қизарип турадиган, қопқора, совуққина бола эди. Саломлашиб бўлиши блан отини араванинг ёнидан юргизиб, онасининг Абайга айтиб юборган гапларини етказабошлади.

— Абай оға, мени сизга опам юборди. «Совға-саломини кўзи қиймай, четлаб ўтиб кетаётгани нимаси! Барibir, эрталаб одам юбориб, шаҳардан олиб келган конфетларни, чой ва қандларни олдириб келаман! Келинлар ўзлари талашиб, тортишиб еб қўйишмасин деб айт!» деди. Мени атайин бориб, салом бериб, шу гапларни айт деб юборди! — деди.

Бола шу гаплар блан онаси айтгандек қилиб Абайларни кесатди-да, истеҳзо аралаш кулиб, отининг бошини тортди. Афтидан, қайтиб кетмоқчи бўлса керак. Абай унга: «Тўхта, буёққа юр!» деб, араванинг ўзи ўтирган томонига ишора қилди. Ёнма-ён келаётган Азимбойга оғаларча меҳрибонлик блан очилиб сўз қотди.

— Бўтам, агар бутун гап совға-саломда бўлса, шу аравадаги ширинликнинг ҳаммаси сеники бўлсин. Ҳозир биз блан бирга овулга бориб қўниб, эрталаб ҳаммасини олиб кел. Отанг блан онангга учрашмай кетаётганим — кун кеч кириб кетди. Олдимиизда бизларнинг ҳаммамиздан катта она блан ота бор. Эл ётиб қолмасдан бориб, ҳаммадан олдин ўшаларга салом бериш учун шошилиб кетаётирман. Бу бир масала! — деб, Боймағамбетга отини секироқ ҳайдатиб, араванинг шалдир-шулдири бироз сусайган пайтда болага яна бир гап айтди.

— Ўзинг етилиб, йингит бўлиб қолибсан. Онанг нимадеса ўшанинг ҳаммаси ақл бўлавермайди. Йироқдан келаётган оғага салом бериб ҳол-аҳвол сўрашар-сўрашмас: «Оламан, бериб кет» дейиш дуруст гапми. Ўйлаб кўрчи! У онанг бўлса, мен оғангман. Бу томонларни ҳам ўйлаш керак. Үқдингми! — деб, боланинг юзига тикилиб қарди. Бу гаплар Азимбойга ёқмади. Қизил юзи кў-

кимтири товланиб, гезарид кетди. Қошларини чимириб, қовоғидан қор ёғилдию, Абайга жавоб қилмади.

Абай яна ўзи савол берди:

— Мана бу йилқининг ҳаммаси ўз овулнингизникими? — деди.

— Ҳа, ўзимизники, кимничи бўларди!

— Сони қанча ўзининг?

Бола дамини чиқармади. Ичидаги йилқининг сонини яхши билиб турган бўлса ҳам, ирим қилиб айтмади. Кундан кун ортиб бораётган йилқининг сонини ўғли уйга келиб айтганда, отаси Такежон унга: «Оғзингдан чиқарма, бирорвга молнинг сонини айтмай» деб, тайинларди. Бола жавоб бермагандан кейин Абайнинг гапи ерда қолишига кўнгли бўлмаган Боймағамбет:

— Майдаси-ю, йириги бўлиб, бу йил туёғи беш юзга етди деб эшиштан эдим. Мана бу йилки кўришишда ҳам шундан кўп бўлса кўпки, кам эмас! — деб юборди.

Бола шунда ҳам сир бермади.

Абайнинг бироз кайди қочиб, ранги ўчинқираб, гўё ўсиб-улғайиб келаётган бир қабиҳликни кўргандек хўрсиниб қўйди. Товуши ўзариб, ўз-ўзига айтиётгандек:

— Бундан ўн беш йил муқаддам, икковимизни бўлак қилиб чиқаргандарига саксонтадан йилки теккан эди. Такежон бўлис бўлиб халқни тўйгунча сўрди-ку. Утган сайловда тушиб қолмаганда, ишлар бундан ҳам бошқача бўлар эдими, нима бўларди! — деди.

Қовоғи солиқ, тўнг бола бу гаплардан оғасини ёмон кўриб, астойдил аччиғланди. Кичикиликдан макр-ҳийла ишлатишга ўрганиб қолган кўнглида энди мағурурлик ва ўч олиш ҳисси уйғонди.

— Бўлисликдан тушмагандан дейсиз, ўзингиз ҳали эшишмаган экансиз-да. Янги сайловдан хабарингиз йўқми. Оғам яна бўлис бўлди. Айтиётгандек, суюнчи беринг, мана шу бир ҳафтадан бери бизнинг овулларнинг ҳаммаси тўй-тамоша қилиб пойга бериб, хурсандлик қилишади... — деди.

Абай тўсатдан бутун гавдаси блан айланиб, болага қаради. Бу атрофдаги энг катта янгиликни — бўлис сайловини сўради. Шаҳарда юрганида Казанцев деган бир крестьян начальникининг шу атрофда ўзига қарашли ўчастканинг уч-тўрт бўлисини сайлаш учун чикиб кетганини эшиштан эди. Лекин, бўлисликка кимлар сайланганини ҳали билмас эди.

— Оғангни ким сайлади? Қайси бўлисга сайланди?
— Начальник Қазапцев сайлади. Менинг оғам Қизил Адирга бўлис бўлди.
— Қизил Адирга. Чинғизга ким сайланди?
— Чинғизга, ўзимизнинг элга Шубар оғам сайланди. Қизил Мўлага яна Исҳоқ оғампинг ўзи бўлис бўлди. Шундай қилиб, Ҳожининг уч ўғли уч элга бўлис бўлди леб, то ўша Шоқпоқ, Жилонди, Кенг Кўнис, Дўнгелек Кўнис, Бойқўшқоргача тутиб ётган Иргизбойларнинг ҳаммаси ўйин-кулги блан банд. Билмаган экансиз. Ундаи бўлса, суюнчига энди бутун бошлиқ бир от олар эканманда сиздан, Абай оға! — деди.

Отаси блан оғаларининг бўлис бўлганини айтатётганда, боланинг юзи қизариб, ял-ял ёниб кетди. Ичига сифдиrolмай юрган шодлигини юзидаги ёрқинлик блан ифода қилгандек бўлди.

Афтидан, бу бола ҳокимликнинг гаштини суриб, мазасига анча тушуниб қолганга ўхшайди. Ҳалиги янгиликларни айтатётган тили ва кўринишидан Абай: «Бу ўзи катта бўлиб қолипти-ку. Кўп дарслар қулогига қуйилганига ўхшайди. Ишга ҳам, сўзга ҳам эрта аралашишнинг пайига тушиб қолипти!» деб ўйлади. Лекин, Азимбойнинг авзойини кўриб, ичидан: «Қопоғон итга ўхшаш қандай нарса чиқар экан сендан? Бўлсанг ҳам амалрастлика Такежондан ўтсанг керак! Амални тутганда ҳам келиштириб, ўрнига қўйиб, тутмасанг бўладими сен!» деб, хаёл суриб кетди.

Суюнчи сўраганида Абайнинг бир оғиз сўз қотмай, дамини чиқармай жим қолиши болага яна кор қилди. Илгари онасидан кўп эшигадиган бир гап ёдига тушди. Онаси ҳамиша: «Абай биздан молни ҳам, обрўйни ҳам қизғонади, асло раво кўрмайди» дерди. Ўша гапнинг та'сири остида Абайнин ёқтирмайдиган Азимбой, ҳозир унинг нақадар қизғонишини ўз кўзи блан кўриб тургандек бўлди. Ичидан: «Қизғонасан-да, шунинг учун ҳам дамипг ичингга тушиб кетди. Ундаи бўлса, яна сенинг жонингга ўт ёқадиган бир гапни ҳам айтай» деган хаёлга борди.

Абай боладан ҳалиги хабарни эшитиб, хаёл суриб кетиб, Азимбойни ҳам унутиб юборган эди. Ботиб бора-ётган қуёшнинг қизил шу'ласига ялт этиб қаради-да, Боймагамбетга:

— Ҳайда, юр тезроқ! — деди.

Терлаб кетган бўлса ҳам, кечки йўл босишдап кизини гаи икки от пишқирганича яна чопишиб кетди. Кўмкўк чим блан қопланган, тептекис Бўтақон водийсида араванинг шалдираған товуши ўчиб, жимгина борарди. Азимбой энди булардан айрилиб қолиши керак эди. Овул ҳам анича орқада қолиб кетди. Кеч кириб, йилқи ҳам сув ичиб бўлиб, тунги ўтлоққа қараб чувалашиб кетаётир. Молнараст бола Азимбой, қора қашқа ғуононнинг ғамини еб, тезроқ овулга қайтиши, остидаги отини йилқига қўшиб юборишга улгуриши керак эди. Қош қорайиб кетса, йилқини то-полмай адашиб кетиши ҳам мумкин. Бунинг устига, ҳозир бегона эл—Керей эли блан яқин ўтирилгандан от ўғрила-ри ҳам кўпайиб, олди-қочди авж олган пайт. Қўнглидан: «Ғуононим қўллик бўлиб кетадими!» деган гап ҳам ўтган эди.

Шундай бўлса ҳам, бола Абайлардан қолмай келаётир. То бир оғиз гап блан бўлса-да Абайнин узиб, ништари ни тиқиб олмагунича аламдан чиқмайдиган кўринади. Тўнг, қўрс бола нима блан Абайнин жиғибийрон қилишини яхши биларди. У ҳам — сўнгги кунларнинг бир янгилиги эди. Бутун яйловлардаги элнинг ҳаммаси, Қунанбой болаларининг қаторасига бўлис бўлиб сайланганига танг қолиш блан бирга, ҳалиги янги гапни ҳам оғзидаи қўймаётган эди. Бу кўпчилик кўйиб-пишиб, бўлисларни қарғаб, разаб блан гапираётган бир хунук хабар эди. Худди шу бугув туш пайтида қимиз ичиб ўтирганда, отаси Такежоннинг: «Абай бунй эшитса, тарс ёрилиб кетар. Ҳамиша шунинг ёнини олиб, олишгани-олишган эди. Қўлидан келадиган бўлса, энди ўртага тушиб кўрсинчи. Ажратиб олиб кўрсинчи. Бу ишим Абайнин ҳам енгганим бўлади. Чор-ночор бўйсунишга мажбур қилиб, ўзимга тобе' қилиб олганим бўлади» деб Иргизбойнинг оқсоқол, қоросоқоли ўртасида кўпирганини Азимбой кўнглига тугиб олган эди. Ҳозир у Абайга ёндашиб, отини елдириб келаётib, унга томон энгашди-да, аниқ қилиб гапирди.

— Дарвоқи', сизга айтаман деб туриб, эсимдан чиқиб қолипти. Оғамларни бўлис қилиб сайлаган Казаниев: «Бозоралини ушлаб беринглар» деб буйруқ қилипти. Ӯша буйруқ блан уч-тўрт бўлис бош қўшиб приговор ёзишиб, Бозоралини ушлатиб, куни кеча шаҳарга ҳайдатиб юборишипти. Йўлда қочиб кетмасин деб, яроғ-аслаҳа тақкан, кўк совут кийган ясовуллар туюга миндириб, кечала-

ри сәк-құлиға кишан уриб құядиган бұлиб, олиб жетипті! — деди.

Шу хабарни айтиб бұлган бола, қош қорайиб, қорон-тилик босған пайтда оппоқ тишиларини күрсатиб бир иржайди-да, отининг бошини тортди.

Абай иргиб тушиб, арава устида чир айланиб ғазаб ичиде боланинг юзига бақрайиб қараганича:

— Ийе, худо урган, расволар! Бүлис бұлар-бұлмас яна ўша итлигини бошлади дегин ҳали! Оббо, бўри қалб, бўри оғиз йиртқичларей! — деди.

Абайнинг хаёлига бўришинг оғзи ҳали, Азимбойнинг иржайганини күргандан кейин келган эди. Ҳарҳолда ўша қолдирған қандайдир ёқимсиз таассуротта боғлик эди. Бироз илгари унинг күэз олдинга «қопогон итпинг башараси» келган бўлса, энди Азимбойнинг лаблари, қипқизил иржайған оғзи, бўрининг оғзиңдек қонли оғизни гавдалантириди. Абайнинг ғазаб ичиде айтаётган гапларига бола ортиқ қулоқ солишини истамади. Отининг бошини қаттиқ тортиб, тўхтаб қолди. Лекин кетиб бораётган араванинг орқасида товушининг борича заҳарханда қилиб:

«Ана энди кетавер!» деб, ғазаб блан яна бир иржайди-ю, орқасига қайтди. Йироқдаги оқ уйлик овулнинг ер ўчоғидаги ўт кечки овқатга таклиф қилиб: «Кел-кел» дегандек, лоп-лоп қилиб ёнаётган эди. Баднафс боланинг күнгли кечки гүштга зор кетди. Қора қашқа ғунонининг тиэгинини йиғиб олди-да, сариқ сопли ола қамчи блан отини бир урди-ю овулга қараб қуюндеқ учди кетди. Абайга ҳалиги гапларни айтиб, аламдан чиққанига завқ қилиб, шодлигидан терисига сигмай, қоронғи кечда от қўйиб, ёлғиз ўзи: «Иргизбой, Иргизбой» деганича урон солиб кетди.

Абайлар Бойқўшқорга келишганды, овулдагилар ҳали ётмаган эди. Абай ўзининг учта-тўртта болалари: Абиш, Магаш, кичкина Турош, яна кулгинчак қизи Гулбодоннинг ухлаб қолмаганига ғоят қувонди. Улар гулдурағ келаётган араванинг товушини эшитишлари бланоқ, қий-чув кўтариб уйларидан югуриб чиқишганича тўғри келиб Абайнинг аравасига ёпирилишди. Биттаси араванинг олдига, биттаси араванинг орқасига чиқиб, кичкиналари — Магаш, Турошлар Абайнинг иккى тиззасига ўтириб олишди. Бўйнига осилиб қучоқлаб кулишгандарича шодланиб қарши олишди. Боймағамбет аравани олиб бориб, Абай-

нинг ҳаммадан олдин кўришадиган одами, — Улжоннинг уйи ёнида тўхтатди.

Улжон, бир гала болалари ёпишиб, қуршаб келаётган Абайни ўзининг катта тўшаги ёнида ўрнидан туриб қарши олди. Бағрига босиб, ўпид кўрниши. Айгерим, Ойғизлар ҳам Абай блан шу уйга келиб кўришиши. Ягрини кенг, Олпомишдек барваста Успон ҳам келди. У, яхтак ёқа оқ кўйлагининг устидан чакмонини елкасига ташлаганича, қадди-қомати келишгани, матолгина ёш хотини Эркажон блан бирга келди.

Успон Абай блан чақчақлаб сўрашаркан, оғзи тўла кулги, йўғон товуши уйдаги ғовур-ғовури босиб кетаётган эди. У, Қунанбойнинг ўғиллари қаторасига бўлис бўлиб, овлуларининг шодлик устида эканлигини Абайга бир бошдан айтиб берди. Суюнчи сўради. Абай унинг суюнчи сўрашига э’тиборсизгина жавоб қилиб, руҳсиз бир товуш блан Улжонга: «Хайрли бўлсин, ҳаммангиз хурсанд экансиз, хайрли бўлсин!» деди. Улжон ҳам Абайнинг авзойидан, унинг у қадар хурсанд бўлмаганини пайқаб, астагина: «Эсончилик бўлсин, бўтам!» деб қўяқолди. Успон ҳали ҳам оғзининг таноби қочганича кулиб, бўлис бўлган оға-инилари блан мақтаниб кўпираётир. Отнинг қилидек қаттиқ калта қора мўйлови ҳурпайиб турадиган, қопқора кўмирдек даккам-дуккам чўққи соқоли эса, атрофига саҷраб кетаётганга ўхшайдиган Успон, ҳаётда қандай шодлик, қандай хурсандлик бўлмасин, ғоят қизғинлик блан ҳис этарди.

— Фақат кўп ой, кўп йилларга ўйнаб-кулиб етишайлик. Шодлик устига шодлик! — деди.

Абай ҳали Азимбойдан эшитиб келгап совуқ хабарни, ҳозир Успон: «Шодлик устига шодлик» қаторига қўшиб айтиётир. Турган гап, Бозоралига қасдлик қилишида ўжар, қўрс Успон Такежондан кам хизмат қилмаган бўлиши керак. Гарчи уларга ўхшаш ҳаромлиги бўлмаса ҳам, манманликка боришка бу ҳам бўш келмайди. «Турган ерида қўли, тишлигар ерида тиши қолади» деб, уни гижгижлатиб, нотўғри йўлга солиб юборадиган Мойбосарлар оз эмас. Афтидан, унинг ҳозир кўпирини ҳам ўша адашганиклининг оқибати бўлиши керак. Ҳовлиқма Успон, ўз жигарларининг тахти-бахтга эга бўлишидан Абай ҳоли эмас деб биларди.

— Бу ергагилар бўлис бўлаётир. «Улуққа ўз фе'ли-авторимиз ма'қул бўлди. Бизни билганидан, халқ ўрта-

сидаги обрўйимизни кўрганидан кейин Қазанцевнинг «ўзи сайлади» дегуси ҳам келади. Мен уларга: «Худойингни упутма, кўп ҳишиниб кетма, улуғ сени қаёқдан билади? Кўкламда кетиб ёзнииг ярми ўтгунча шаҳарнинг қумида кечиб, иссиқда куйиб-пишиб ётганида Абай бекорга ётди дейсанми? Мана шу ҳамманга келаётган катта обрўй, мана бу ботмон қўйруқлар бекорга келаётгани йўқдир? Шаҳардаги улуғ блан кунда кўришиб, ўшалар блан келишиб, иш туваётган Абайнинг орқасидир» деб, буларнинг кўзини очирмайман!— деб, кулиб юборди.

Абай, Ўспон ўзининг энг яқин иниси бўлатуриб, бу масалада шу қадар адашганига қаттиқ истеҳзо блан кулди.

— Мудом ёнимда юрсанг ҳам, ба’зан менинг ҳақимда адашганда, ойсиз қоронғи кечада юргандек тентираб, аллақаерларга кетасан-да, Ўспон! Шубарку Бакемнинг ўғли. Ҳали бузилмаган истиқболли ёшлардан. У бўлис булса, бўлсин деяқолай! Хўш энди, бир бўлис бўлганда саксонта йилкисини беш юзга етказиб олган Такежонни ҳам қўллаймами?! Қизил Мўланинг бўлиси бўлиб, Тўбуқтининг ўғриларини ҳимоя қиласидиган Исҳоққа кафил бўламами?! Еки, азбаройи мени яхши кўрганингдан, мени ҳам бирор мартабали қилиб қўйгинг келадими? Бу сайловга қадам босиб қатнашганим йўқ. Фолбинчасига алжимасдан тинч тур! — деб, яна кулди.

Ўспон бу гапга ҳам қулоқ солмади.

— Қўйсангчи чирогим. Бу гапингга ишонадиган тўбуқтилик йўқ. Мана шу яйловдаги қум-тупроқдек ҳалқнинг мўнкиллаган чолидан тортиб, она сути оғзидан кетмаган гўдакларигача сўраб кўр! Қунанбойнинг уч бирдек боласи бўлис бўлди, шаҳарда сарғайнib ётган Абай, шу иш орқасидан югурмади деган гапга итим ишонадими! Ундан кўра дамингни чиқармай, манави, бўлис бўлгани оға-иниларингнинг олқишини олавер. Қўйсангчи, бу гапингга бегоналар уёқда турсин, ўзим ҳам ишонмайман. Нега ишонаман? Шундай қилди деб, ўзим жўрттага айтиётиман. Улар бўлис бўлиб обрўй қозонсин. Сен ўшаларни сайлатадиган бўлиб, улардан юқорироқ обрўйга эга бўл. Тангри бергани обрўйни ўзингга-ўзинг раво кўрмайсан, нима, жонингда қасдинг борми?!— деди. Абай қараса, гап уқдириб бўладиган эмас. Энди сувлигини тишлаб олиб, бўй бермай кетишини Абай пайқади-да, болалар блан оналари олдида гап талашиб ўтирамади.

Сўнгра тўсатдан Абишга қараб, унинг ўқиши ҳақида сўрайбошлади.

— Оға, мен ҳозир, русча ҳам ўқиётирман. Сен ҳали билганинг йўқми? Қистовдалигимизда бошлаган эдим!— деб, Абиш ўзига гап тегиши блан оиласдаги ҳақиқатан ҳам яхши бир янгиликни айтди.

— Оҳо, кимда ўқиётисан, русчани ким ўқитаётир, бўтам?— деди.

Оқи-оқ, қизили қизил бўлиб, жовдираб ўтирган чиройли, нозиккина ўғли Абишни Абай ўзига томон тортиб, қучоқлаб, пешонасидан ўпди.

Буларни ким русча ўқитаётганини Улжон айтиб берди.

— Кўкламда сен шаҳарга кетишинг блан бизнинг Жидебойдаги овулга бир ёшгина рус йигити келган эди. Илгари бир йил тилмоchlик ҳам қилгая экан. Ўзини халқ: «Бола тилмоч» дер экан. Ўша: «Шаҳарда туриш соғлигимга тўғри келмаётир, кўмкўк далага чиқиб турай, қимиз ичай, деб келган эдим. Болаларингиз бор-ку, бойвучча, ўшаларга русча ўқитиб тураман» дегандан кейин, мен: «Абайнинг болаларини ўқитсан, кичик болаларимни русча ўқитаман деб юрган эди» деб, Оқшўқига жўнатган эдим. Мана шундан буён Абишнинг ўзигина эмас, Мағашинг, Гулбодонинггача ўша «Бола тилмоч» Баепда ўқишаётир!— деди.

Абай ўзидан сир тутилган бу яхши янгиликни эшишиб, астойдил қувонди.

Энди Айгеримга қараб:

— Қалай, болалар Кишкене Мўлада ўқишганидек, бунда ҳам қунт қилиб ўқишаётирми? Муаллимни яхши кутаётисизми? — деб, суриштирди.

Айгерим Абайнин соғинтирган нафис овози блан жавоб қилди.

— Болалар жон-дили блан бернилиб ўқишаётир. Қизиқиб ўқишади. Яйловга кўчиб келаётганимизда, йўл-йўлакай қўнгган жойларимизда ҳам Абиш, Мағашлар бирор кунни бўш ўтказишмади. Тилмоchlинг ўзи ҳам одамижон экан. Бир вақт ўқитиб ўтиради-да, бир нафасдан кейин چулдирашиб, Абиш блан сўзлашиб, гапиришга ўргатади, тоёйга миниб, пойга қилиб чопишади. Қатта сувга бориб Солалар блан чўмилиб келади!— деб, ажиб бир латофат блан жилмайиб, Абайнинг юзига қаради-да:— Рус мулласи қизиқ бўлар экан ўзи. Катталик, гердайиш деган

гацни ҳам билмас экан. Болаларни түе ўйинга жалб қилаётгандек, қизиқтириб ўқитаётганга ўхшайди!— деди.

Абай, Айгеримнинг қанчалик хушёр, хушфаҳмлигини кўриб, кулимсираганича диққат блан тинглаб турди-да, бosh ирғаб унинг сўзларини ма'қуллади. Успон ячгасини ҳазиломиз кесатиб:

— Бай, бай! Худо йўли блан шариатни ўргатган, отангдек муллани қўйиб, бир тилмочни мақтаганинг нимаси? Ҳарқалай Абай русча ўқишини яхши кўради деб икковимиз ҳам, русчадан саводхон бўлиб кетмасак дегин ҳали! Томогимизни қириби!— деб Айгеримнинг товушига ўхшатиб, эрмак қилиб, — товушимиз ҳам шилдираб-жилдираб, а!— деди. Уйдагилар дув кулиб юбориши. Айгеримни қайнанаси олдида қизартириб, товушини ўчириб қўйди-да, ўзи ҳам хандон ташлаб кулди.

Абай Абиш, Мағаш, Гулбодонлардан ба'зи гапларнинг русча қандай айтилишини сўраб, имтиҳон қилиб кўрди. Талашиб жавоб берётган болаларида «ўқиш, билим» деб турган зўр талаб, интилиш борлигини кўрди.

Кечки овқатдан кейин Абиш, Мағаш, Гулбодон уччовини кенг тўнининг икки барига ўраб, қучоқлаганича Айгеримпинг ўйига қараб кетаётганида, Абай ичидан шукур қилди. Ҳали, кечқурун учрашган Азимбой — Такежоннинг ўғли эсига тушди. Ҳалитдан ёмонликнинг пайига тушиб олган ўша боладан бу болалар бутунлай бошқа. Булар ҳақиқий болалар, ҳали сутдек оппоқ покиза болалар. Үларнинг та'лим-тарбиясига, илмга бўлган иштиёқи на интилишини ўйлаб, кўнглида оталарча қаноатланиш ҳисси пайдо бўлди. Абишни қаттиқроқ қучоқлаб:

— Бўтам, Абишим!— Русча ўқишини бошлаганинг жуда яхши бўлипти. Мусулмонча ўқишинг етарлик бўлди. Бу йил мен сени русча ўқишига бераман. Худо хоҳласа, зўр олим бўлиб етишасан. Сенинг тўғрингдаги энг катта тилагим шу, болам! Ўқишига мендан олдин ўзинг бошлаганингга жуда хурсанд бўлдим. Ўзим айналай сендан!— деди.

Абай тўхтаб, кўнглида бирор нарса тилаётгандек, тикка кўтарилиган тўлин ойга ва кенг осмонга қараб, туриб қолди. «Шу боламнинг умрини зойи' қилма, тилағимга етказ. Менга насиб бўлмаган зўр илм, инсонлик фазилатларига ҳеч бўлмаса, шу фарзандим эришсин. Е раббий, қулфи-дилини очиб, оқ йўл бер» деди. Шу кеча севикли ўғлини бағрига босиб туриб, ичидан илтижо қи-

либ, алангали тилак тилади. Абиш индамади. Лекин, отасининг меҳрибонлигидан кўнгли бўшаши шекилли, ранги ўчиб кетди.

— Хўп оға, хўп! — деди, холос.

Отаси блан оғаси ўртасидаги бу аҳдни бўйи кичкина бўлса ҳам жуда зийрак бола бўлган Мағаш ҳам пайқади. Абишни қучоқлаб турган оғасининг белига ёпишиб олиб:


— Ҳа, оға! — деди, норози бир оҳангда. — Елғиз Абиш борадими, мен ҳам бораман. Мен ҳам шаҳарга бориб русча ўқийман! — деди. Буларнинг ёнида турган кичкина Гулбодон ҳам кичкина Мағашга эргашиб:

— Оға, оға дейман, мен ҳам, мен ҳам бораман! Мени ҳам русча ўқит. Баепдан сўрангчи, у менга русчани ҳаммадан олдин сен ўрганасан деяётир. Мен ҳам бораман! — деди.

Абай ҳали ҳам уйга кирмай, болаларининг ўртасида шодлиги ичига сиғмай кулиб турарди. Гулбодоннинг бошидан силаб, Мағаш икковининг юзидан ўпиб, ва'да берди.

— Ундей бўлса, икковингни ҳам Абишга қўшиб, шу йил кузакда ўқишга олиб бораман. Ҳаммангизни бирга олиб бораман! Ва'димиз шу бўлсин! — деди. Болаларини эргаштириб, уйга борганда, Айгерим мулоҳимгина жилмайиб, уй ёнида турган эди. Энди ўтов эшигини ўнг қўли блан баланд кўтариб, ўз ўтовига кириш учун Абайга йўл очди.





ЧОРРАҲАДА

I

Болқибекдаги сиёзга Абай бир тўп одам блан борди. Енида қадрдон ҳамроҳларидан Эрбўл, Боймағамбет, Шакелар бор. Жонибекка келиб Эрбўлнинг уйида меҳмон бўлишиб, сиёзга қараб кетаётганларида, икки-уч ҳамроҳи блан Аслбек ҳам шуларга қўшилиб кетди. У ўтган сайдовда бўлисликдан тушиб қолган эди.

Абайнинг ёнида шу гал катта ўғли Оқлбой ҳам бирга кетаётган эди. Оқлбой Абайнинг боласи бўлгани блан Абайнинг тарбиясида эмас, Нурғонимнинг қўлида Қуианбойнинг кенжা ўғли ҳисобида ўсган. Бутун Иргизбой ичидаги ношуд, эрка болаларнинг биттаси эди. Узи Абайдан мутлақо бегоналашиб кетган. Оддий тәнишларнинг бирига ўхшарди.

Оқлбой бошига камчат телпак, эгнига қора баҳмал тўн кийган, эгар-жабдуғи қуюқ кумуш нақшли, олифта миризалардан. Унинг ёнида ўзининг икки йигити — от боқари бор эди. Биттаси — баланд бўйли, қирғий бурун, чуқурчукур кўк кўзли Қозоқбой деган черкес йигит. Қозоқбой деган ном унга шу ерда берилган. У ёш жиҳатидан Оқлбойдан анча катта, Абай қатори одам. Енида бирорта эслик одам бўлсин деб, уни Нурғоним жўрттага Оқл-

бойга қўшиб юборган. Иккинчиси — Мамай элидан чиққан, Оқлбой блан тенг Мамирқоз деган ёш йигит. Мамирқоз оппоқ, кўзлари катта-катта бўлиб, бўлалик жуссасидан паҳлавон чиқадиганга ўхшарди. Оғзидан ҳазил, аския тушмайдиган хушчақчақ йигит. У Оқлбойни чин дўстларча севарди. Оқлбой қаерга бормасин, Мамирқоздан бир нафас ажралмасди.

Абай ҳамроҳлари блан келаётганда, Оқлбой катта кишилар блан бирга юришдан тортиниб, кўпинча ўзини четга олаверарди. Мамирқоз икковипинг йигитчилик ва жидан сирлари борми, ёки бемалолроқ ҳазил, аския қилишаётири, ҳарҳолда гаплари асти тугамасди. Абай уларнинг ба'зан кўпчиликдан айрилиб, кимсасиз далада қолишларини сезди. Ба'зап иккови от кўйинб чопишганича катталардан олдинга ўтиб, йироқлашиб кетишарди. Улардаги бу кайфиятга анчадан бўён зеҳн солиб келаётган Абай, Шаке блан Эрбўлга ҳазил қилиб қўйди.

— Мана бу Мамирқоз бизнинг Оқлбойнинг чиндан ҳам яқин дўстимикин? Тотув дўстдан кишининг шу сингари, бир уядан чиққан кучукларга ўхшаб чирмашиб, ўйнашиб, бир нафас айрилаолмайдиган вақти ҳам бўлади! — деб, Эрбўлга қаради.

Эрбўл кулимсираб, ялт этиб Абайга кўз ташлади. Абай ёшлика ўз ўрталарида ўтган ба'зибир қизик воқиаларни эслаб айтиётганини дарҳол фаҳмлади. Оқлбой блан Мамирқознинг ўртасида худди Абай блан ўзи ўртасида бўлгани сингари «дўстлик бордир» дейишга Эрбўлнинг кўнгли бовор қилмасди.

— Дўстлик дейсанми, Абай. Ёшлик-бебошлик дегандек, бу иккови ҳалитдан йигитчиликда ўтадиган ба'зибир ишларга уриниб қолган айёрлар кўринади! — деб ҳаммани кулдириб юбориб, Эрбўл Оқлбойлар томонга қаради. Абай ҳам уларнинг тортиниб, четлаб туришига қарадида:

— Ким билади. Бойнинг арзанда, тухва мирзаси, ўзин билармон, худбин бўлади. Бошқаларнинг илмли, ақлли деган одамларидан ўзини четга олиб юради. «Ҳаммасидан ўзинг яхшисан!» дейдиган хушомадгўйларни севади. Шундай қўланса магрурликни тебратиб, аллалаб юрадиган одамларни ўзгалардан ортиқ кўрадиган вақтлари ҳам бўлади. Эҳтимол, шундайдир, худо билади! Ҳарҳолда Оқлбойингиз, сири бизга ма'lум йигитлардан ёмас! — деди.

Шаке, Боймагамбет. Эрбўллар бу гапга яна кулиши. Эрбўл Абайга тегажаклик қилиб:

— Асли ўзи, қўлдан келса, кишининг ўн олти ёшида кўрган боласи бўлишдан эҳтиёт керакку-я! Энди ўспирик бўлганда: «Сен отасан» деган гапни эшидирган болани, киши, йигит оғаси бўлганда ҳам ёқтирамайди-да. Фаши келиб фижинаверадими, ё ундан эмасми? — деди. Бу — Абайга Эрбўл содик дўстлиги орқасидагина айтаоладиган қалтис ҳазил эди. Абайга оғалик, дўстлик муносабатини ҳечқаочон ўзгартмаган Аслбек, Эрбўлнинг ҳазилини қизиқиб тинглади.

Мулойимгина жилмайиб қўйиб:

— Шундай қилиб, Эрбўл Оқлбойни оқлаш томонига ўтди денг? — деди.

— Бошвоғини қўйиб берди!

— Қўйганда ҳам, биратўла қўйиб берди!

— Узи эрка Оқлбойни бундан кейин сувлиқсиз, югансиз юравер, деган гап-да! — дейишди кулиб, бир четда аста-секип сўзлашиб кетаётган Шаке блан Боймагамбет.

Булар Болқибекка эрта етиб келишди. Суви ҳам, қулф уриб ётган кенг ўтлоқ ва тепаликлари ҳам Болқибек деб аталадиган бу қўнис — сиёз ўтказиш учун ўйлаб топилган энг қулай жой эди. Бу сиёз уч-тўрт қўшни эл бирлашиб ўтказадиган сиёз. Унда ана шу эллар ўртасидаги ҳархил жанжал ва да'волар кўрилади. Зотац, бундай йигин олишиб-тортишадиган эллардан ҳечбiri нинг ерида бўлмай, четда бўлгани яхши.

Агарда йигин бирорта можаро қилаётган эл ўртасида ўтказилса, унинг амалдорлари ўз халқининг яқинлигидан фойдаланиб, овозни кўп олишга тиришарди. Болқибекнинг бўлса, бир томони — Тўбуқти, иккинчи томони Сибон, Найман ва учинчи томони Керей Яйловларидан иборат бўлган ўрталиқдаги жой. Гарчи у кенг яйлов-ўтлоқлари, зилол сувлари блан ном чиқарган чиройли қўнис бўлса-да, ҳар йили бўш ётарди. Чунки ҳар уччала эл у жойни бир-биридан қизғонарди. Мабодо биронтаси қўниб қоладиган бўлса, қолган иккитаси «Кўчингни кўтар, даҳлинг йўқ. Бу ўртадаги қўнис» деб да'во қилишга турарди.

Бу йил мана шу уч-тўрт элни бирлаштириб, йигин ўтказиш керак бўлганда, Болқибекдан ортиқ жойни излаб топиб бўлмасди.

Бу гал Болқибек сиёзига Семей ўёзидагя крестъяи начальниги Казанцевга қарашли участкадаги түккиз бўллиснинг одами йиғилиши керак. Тўбуқти тўрт бўлис бўлса, Сибон икки бўлис, Бура, Уоқ икки бўлис. Гарчи Дуони бу бўлислардан бошқа бўлса ҳам, ери Болқибекка яқин бўлганликдан, Керей бўлислари ҳам қатнашади. Шунинг учун улар ҳам келиб ўтовларини тикиб, сўзамол, ишибилармон бийларини саралаб, тортишувга шайланаётир.

Ҳозир Казанцев участкасининг ҳамма бўлислари ичда Қунанбой болаларининг омади келиб турипти. Сўнгги сайловдан бери Қунанбойнинг уч ўғли уч элга бўлис бўлгани ҳақидаги гап фақат Тўбуқтиларнинггина эмас, қўшни Керей, Сибон, Уоқ-Бура элларининг ҳам оғзидан тушмаётган эди. Ҳаваси келиб, таажжубланиб сўзловчилар ҳам, ҳасадланиб рашик ўтида ёнучилар ҳам шуларнинг ўзларига ўхшашлар. Ҳар эл, ҳар уруғнинг бўлислик, бийлик тама' қилиб юрган йўғонлари. Эл-юрт:

— Иргизбойнинг иши йирик. Кечагина Қунанбой оға султон бўлиб турганда, «шуҳрати ортиб кетди» деб халқ ҳайрон бўлган эди. Энди бўлса, Қунанбой бу дун'ёнинг ишларидан воз кечиб, ўзро ҳамонини кўзлаб, кулга чўйкан нортуядек уйида ётипти. Лекин, амал ва баҳт ҳали ҳам унинг орқасида экан. Уч бирдек бўрибаччаси уч элнинг ҳокими бўлди. Шундай қилиб, Тўбуқти яна Иргизбойларнинг юмса муштида, ёзса кафтида бўлиб қолдику. Тўбуқтигина эмас, Қизил Мўлага бўлис бўлиб ўтирган Исҳоқ Уоқ-Бурани, Сибонни ҳам қанотининг тагига олиб ўтирипти. «Иргизбойлар энгашса Иртишни, чалқайса Чинғизни оладиган бўлиб, ошиб-тошиб кетаётир!» деяётган эди.

Эрбўл, Болқибекдаги сиёзга бундан бурун бир бориб, халқнинг қайфиятига зеҳн солиб, кўп гапларни билиб қайтган эди. Бундай пайтда «халқ» деб, барча халқни айтилмайди. Мансабдорлар, сўзи ўтадиган, амри қудратга эга бўлган бийлар ва бўлисларни, яна уларнинг атрофига фармонбардор бўлиб юрганларни айтилади. Болқибекка яқинлашиб қолганда, Абай блан Эрбўл ҳамроҳларидан кейинда қолиб, сўзлашиб келишаётган эди.

Қупанбой болалари ҳақида халқ оғзида юрган бояги гапларни ҳам Эрбўл ўша ердан эшишиб келганди. Бор мансабдорларга зеҳн солиб, миридан-сиригача айриби: «Элнинг авзойи, юртнинг хулқи менга ёқмади» деб келган ҳам Эрбўл эди.

— Ҳаммасидан мудҳиши — шу кунларда нима кўп, пора блан порахўрлик кўп. Қандай балои-нафс, қандай очкўзлик эканига тушунолмайман! «Туяни туки блан ютади» деган гап бунинг олдида ип ечолмай қолипти. Үюрлаб йилқи, юзлаб қўй, қўш-қўш таялар олиб келаётган да'вогарларни ҳам эшигдим. Шаҳардан чиқсан начальник ҳам, худо уриб, ошкора ейдиган экан. Казанцев Қизил Мўлага келгач, Такежон блан Шубарни қайтадан бўлис қилишда Исҳоқ катта иш кўрсатганга ўхшайди. Йигирма йилқини саралаб, Казанцевга ўтказипти дейншаётир. Шунинг оқибати бўлса керак, Казанцев Тўбуқтига келар-келмас, Такежонни оғзидан туширмапти. Шундай қилиб, бўлисларинг ўнгни ҳам, чапни ҳам суриштирмай, халқни бўрсуқдай сўриб, начальникка берилган поранинг ҳиссасини чиқараётир Кўзини ёғ босиб, ҳиншиниб кетган.

— Бийларчи? Бийларпинг ҳам ҳаммаси порага шерикми?

— Бийларнинг кўпчилигини билаолмадим. Аммо уларнинг ҳам пора ейишига шак-шубҳа йўқ. Ўзинг ўйлаб кўр, Керей — Тўбуқтининг, Сибон — Тўбуқтининг, Бура — Тўбуқтининг бирор да'воси бўлса, уни аввало бўлислар орқали айтишади. Бўлис эса ишни бийга ошириб, поранинг олдини ўзи олиб ими-жимида жойлайди. Кейин бийга бергандা, енг ичида битишиб: «Ана унинг фойдасига ҳукм чиқарсанг оламиз», «мана бунинг гуноҳидап ўтсанг, оламиз» демай қўядими! Шундай қилиб, бўлисларнинг ҳам пораси бийлар блан битишувдан келади. Ҳукм бўлса, бийнинг оғзидан эшигдирилади. Оғзи блан олил ҳукм айтиб, авлиёлик қилиб, порадан парҳиз қиладиган бизнинг Жиренше, Абдилда, Урозбойларми? — деди.

— Қани, тўғрисини айтчи, Жиренше, Урозбойлар ҳам пора оладими?

— Ие, у нима деганинг, олмаганда-чи?

— Эндигини одам бўлиб келаётган эди. Иккови ҳам менинг дўстларим эди. Бир вақтлар ўша икковининг эл ишига аралашишига ўзим сабаб бўлган эдим. Ҳозир э'тиборли бўлиб, бойиб кетди деб эшигтаман. Ҳеч бўлмаса, ҳаромдан ўзини тийса нима қиласр эди! Муболага қилаётган бўлсанг керак. Мен ҳали ҳам уларни ҳалол дегим келади. Агар улар ҳам порага ўргангандан бўлса, ҳалол одам қолмапти-да? — деди Абай ўзига ўзи савол бераётгандек. Кейин жим бўлиб ҳаёл сурганича кетаверди.

Эрбўл Абайнинг ҳалиги икковини: «Дўстларим эди»¹ деган гапидан кейин уларнинг ша'нига доғ туширадиган дув-дув гапларни айтмай қўяқолди. Йўлдошининг «дўстим» деган одамлари ҳақидаги ножӯя гапларни айтса, чақимчилик бўлади. Чақимчилик қилишга Абайнинг «Фийбат яқинни ёт, тотувни араз қилади» деган ибораси ёхига тушиб, ўнғайсизланарди. Бундай гаплардан ўзини ғоят эҳтиёт қиладиган Эрбўл, ўша одати бўйича индамай қўяқолди.

Абайлар Bolқибекдаги сиёзга келганда, тушадиган жойларини анчагача топишаолмади. Қатор уйлар, тўп-тўп одамлар орасида кўп юришди. Катта сувнинг икки томонидаги кенг яйлоқ — ўтлоққа тикилган қатор уйларнинг ҳисоби йўқ эди. Ба'зи ерларда уйлар икки томонга қатор тикилган бўлиб, ўртасида тўғри кўча ҳосил бўлган. Етти-саккиз қанотли катта уйлар, аҳёнда бир учрамаса, бу ерга тикилган уйларнинг аксари беш-олти қанотли, безатилган, ихчам ва янги оппоқ ўтовлар. Кўпчилигининг устига ёпилган наматларига кимхоб ва мовутдан ранг-баранг гул солиб безатилган. Ба'зи ерларда, оқ уйлардан четроқда, алоҳида бир қаторни ташкил этган кўҳнароқ уйлар ҳам кўзга чалинарди. Булар — ошхона ва отбоқарлар, ошпазлар, хизматкорлар ётадиган уйлар бўлса керак. Мана шу қаторасига тизилган оппоқ уйлардан иарироқда, желида¹ қатор-қатор қулуналар кўринарди. Ҳар уй ўзининг соғим бияларини, югурук отларини ҳам олакелган.

Жели бўйидаги йилқининг биясидан, семиз-семиз, ўйноқлаб турган катта отлари кўп эди. Деярлик ҳаммаси сараланган. Йилқиларга ҳар овулнинг, ҳар элнинг ўз тамфаси босилган. Сув бўйидаги бир-бирига улашиб кетган желилар сиёзга атаб тикилган уйларнинг у бошидан ҳам, бу бошидан ҳам ошиб, анча ергача чўзилган эди. Айниқса, мана шу қатор-қатор желилардаги, боғлаб қўйилганига ноchor бўйсуниб турган юзлаб қулуналар кишининг диқкатини жалб қиласарди.

Абайлар улуғларга атаб тикилган уйларни ҳам кўришиди. Мана шу уйларнинг ўртасида учта саккиз қанотли уйни бир-бирига тутаитириб тикилган катта ўрда ҳам

¹ Жели — тортиб қўйилган арқон; ўша арқонга қулуналарни қатор қилиб боғлаб қўйилади.— Ред.

бор эди. Яна шу ўрданинг атрофида иккита кичикроқ уйни бир, учта кичикроқ уйни бир қилиб тикилган уйлар ҳам турипти. Бу уйларнинг атрофида елиб-югураётган бўлислар, бийлар, айниқса старшинлар блан чопарларнинг ҳисоби йўқ. Бел боғлаб хизмат қилаётган йигитларда тиним йўқ. Мирзаларидан тортиб, отбоқарларнiga-ча бошқача кийим кийган эллар йиғилган. Бу ерда Тўбуқтиларнинг — тўрт каржли япасқи тумоги, Керейларнинг — ингичка узун чўққилик, Найманларнинг — олти каржли сирма, Уоқларнинг — саккиз каржли тумоқлари ҳам кўринарди. Уларнинг бир-бирига ўхшамаган чопон ва камзиллари, эгар-жабдуқлари ҳам Абайнинг кўзига ташланиб туради. Сибон, Тўбуқти, Керей, Уоқ бўлислари, кандилатлари, дўлинжи бийлари¹, тилмочлари блан юришарди. Абайлар улуғлар уйининг ёнидан ўтиб кетишаётганди, ҳалигилар улуғларга атаб тикилган уйининг олдида саф тортиб қолишиди. Шу тобда уле уйидан оқ китель, оқ картуз кийган, сариф тугмали начальниклар, урядниклар, стражниклар ҳам чиқишиди. Эрбўл буларнинг шу тахлитда туришини эрмак қилиб кулди-да:

— Булар саф тортиб қолишиди. Қимининг жанозасини ўқишмоқчи? — деди.

— Узи нима гап? Қўй ичидан саралаб олинган така, серкаларга ўхшаб туришлари бошқача-ку? — деди ҳайрон бўлган Аслбек ҳам. Орқасига айланиб қараган Шаке:

— Ўяз келади дейишган эди. Ана, бирқанча извошлар отларини чоптирганича келаёттир-ку. Буларнингиз, ўша ўязга пешвоз чиқиб туришипти! — деди.

Абай, Аслбеклар ҳам отларининг бошини тортиб, орқага қайрилишиди. Кўмкўк, майса блан қопланган бепоён ўлкада, узоқда бир гала бўлиб чанг-тўзоқ кўтариб келишаёттир. Битта извош эмас, деярлик ҳаммаси уч отлиқ олти-етти извош. Кўнғироқларини жаранглатганича яқинлаб келаёттир. Уларнинг олдида бирқанча чопарлар, старшинлар, отбоқар ва хизматкорлар, ўлган-тирилганингларига ҳам қарамай, от чоптириб келмоқдалар. Гўё бир катта пойга сингари Болқибекни, ўпир-тўпир, қийғос-сурон бостириб келишаёттир. Абай:

— Бу келаётган битта ўяз эмас, бир тўп тўралар келишаётганга ўхшайди-ку! — деди.

¹ Кандилат — бўлис кандидати. Дўлинжи бий — должностний бий... Ҳар бўлисга қарашли овуллардаги биринчи бий. Агар бўлис блан кандидат баравар ўриндан тушса, шу бий бўлис бўлади.

Кечашу ердан борган Шаке бўлис иниси Шуборлан эшитган хабарини энди айтди.

— Тўғри айтаяпсиз. Бир ўяз эмас. Мана бу Қерей блан Сибон, Тўбуқти орасидаги жанжални шу сиёзда кўриш учун, областънинг икки ўязи бирга келади, дейишаётган эди. Мана бу келаётгандар фақат бизнинг Семей ўязигина эмас, Қарқаралининг ҳам ўязи бирга келаётган бўлиши керак! — деди.

Бу тахмин тўғри чиқди. Олдинда келаётган икки катта извош орқадагилардан ажралиб баравар келиб тұхтади. Келганлар қўл остидаги бўлислар, тилмочлар блан иккига бўлинниб, ҳарқайсиси ўзига атаб тикилган уйларга кетишиди. Абайлар ортиқ ҳаялламай Болқибекдаги ўзлари тушадиган уйни излаб, олдинга силжишиди.

Улуғларни тушириш бланоқ, ҳовлиққанларича зир югуришаётган старшинлар, чопарлар ва кутучилар кўринди. Одатда бундай югурдаклар ҳаддидан ошнб, қутуриб, йўлда дуч келган одамларни ҳақорат ҳам қилиб кетаверадилар.

— Кутургандан қутилган яхши. Қани, юринглар, мана бу амалпарастлардан нари кетайлик! — деб, Эрбўл ўз тўпини бошлаб кетди.

Булар ҳали ҳам тушадиган уйларини тополмай юришган эди. Боймагамбет, Мамирқоз, Қозоқбойлар отларини елдириб йўртганча Қунанбой ўғиллари тиктирган уйларни суриштириб юришарди. Булар олдин Қизил Адир бўлиси — Такежоп тиктирган бир тўп катта-катта уйларга дуч келишти.

— Такежоннинг уйини топдик! — деб келган Боймагамбетга, Абай қисқагина қилиб:

— У ерга тушмаймиз! — деди.

Иккинчи бир овулга дуч келганларида, Қозоқбой отини йўртиб бориб билиб келди.

— Ҳа, бу Исҳоқнинг овули экан. Тушсак бўладими Абай? — деди, қозоқлар ичидаги қанча юрса ҳам, тузалмайдиган чала-чулла тили блан.

Абай: «У ерга ҳам тушмаймиз!» — деди.

— Қизил Мўланинг бўлиси Исҳоқ қариндошимиз бўлгани блан эли бегона, уларни чиқимдор қилишимизнинг нима ҳожати бор? — деди Эрбўл ҳам.

Оға-ини бўлислар ўз ўтов-уйларини ёнма-ён тиктиришипти. Буларнинг ёнидаги яна бир қатор уйлар Чинғизнинг янги бўлиси, Қунанбойнинг набираси Шубор тик-

тирган ўтовлар эди. Абайлар шу уйлар рўпарасига келганда, уларнинг орқасидан бир одам қувиб етди. Йўрга жийрон отда тасирлаб келган Шуборнинг ўзи экан. У товушининг борича салом бериб, отлиқларининг орасини ёриб кирди. Орқасидан таниб келган Абайга ёндошиши блан:

— Абай оға, мана бу уйлар бизниги. Қаерга кетаётиурсиз? Ҳамроҳларингиз блан бизникида бўлинг! — деди.

Кўркам, оппоқ юзида хиёл чўтири бор, кенг яғринли, узун бўйли, от устида типпатик ўтирадиган савлатли йигит — Шубор бўлис шу эди.

Абай ушинг блан иссиққина сўрашди. Ёш бўлатуриб шунчалик мартабага эришгани учун табриклади-да:

— Лекин, бугун бизларни уйимга туш, деб қистама. Сен ҳозир катта ишда оғир вазифани адо этаётиссан. Тепангда улуғинг, ёнингда ўз тенгги бўлисларинг бор. Иш блаи, арз кўтариб келгаплар, да'вогарлар, олис-яқин қардошларинг ҳам бор. Шуларнинг ҳаммасининг ғалвалиси, ўпир-дўпир бўлиснинг уйида бўлади. Бизлар бўлсак, мана бу Асл оғанг, Эрбўл, ҳаммамиз ҳам кеч ётиб, кеч туриб хотиржамликка ўрганиб қолганимиз. Успон ҳам шу ерга уй тиктириди дейишган эди. Сизларнинг улуғ бўлганингизга шодланиб терисига сиғмай юрипти. Ўшанга ўхаш қардошлар ҳам бор-ку. Бизнинг ётиб-туришимизга ўшанинг уйи қулай. Уша ерга боришига рухсат бер! — деди.

Абайнинг тушмагани Шуборга унча ма'қул бўлмади, лекин энди ортиқча қистаб ёпишиб ҳам ўтирамади.

— Үндай бўлса, Абай оға, сизда бир оғиз гапим бор эди! — деб, Абайни бошқалардан кейинроқда олиб қолди.

— Орқангиздан югуриб келишимнинг тагида гап бор. Ҳали ўяз келиб тушганда бизлар етти-саккиз бўлис меҳмонхонага киришимиз блан ўяз нари-бери кўришасолиб: «Сиёз бошида Ибрагим Қунанбоевич борми?» деб, сизни сўради. Шунга ҳам биз қувошиб кетдик. Мен бошқа бўлислар ичida ҳаммадан олдин: «Шу ерда, сизни кўргани келади!» дедим. Шубор ўзининг Абай туфайли яна ҳам қадди кўтарилиб, чаноқ бўлиб келганини билдириди.

— Бориб бир нафас сұҳбатлашиб келсангиз яхши бўларди. Турли-туман да'во-ю, жанжаллар блан келган ғаразли одамлар кўп. Шулар олдида улуғ ёнига бориб ҳаммадан бурун бир кўриниш бериб чиқсангиз, шунинг ўзи ҳам биз учун катта гап, катта обрўй бўлар эди! —

деб, кўнглидаги яна бир муддаосини айтди. Абай, унчаш очилиб жавоб қилмади, фақат:

— Уяз ким, Лосовскийнинг ўзими, ёки бошқами? — деб сўради.

Келган Лосовскийнинг ёрдамчиси эмас, ўзи экан. Абай Лосовскийнинг олдига Шубор айтган ҳисоб блан эмас, танишлиги, ўзаро ҳурмат юзасидан бормоқчи бўлди.

— Бораман! Бориб кўришиб келаман. Йлтимос қилмасанг ҳам бўлади! — деди-да, Шубордан айрилиб ҳамроҳлари бориб тушган Успоннинг уйига қараб кетди.

Бироздан кейин Тўбуқтининг мансабдорлари, бўлислари ва улуғларининг кўпчилиги шу ерга йиғилди.

Қунанбойният катта уйига, Улжоннинг моли-дун'ёсига эга бўлиб ўтирган Успон, ўзи бўлис бўлмаса ҳам, шу ерга бешта катта ўтов тиктирган эди. Бугун катта бир кўк қашқа сўйдириб: «Уездлардан бўшаган пайтларида келиб меҳмон бўлиб кетишсин» деб, Болқибек сиёзига келган икки дуон бўлисларини зиёфатга чақирипти.

Тушдан кейин Абай ўтирган саккиз қанотли уйга бутун бўлислар йиғилишди. Сибондан келган бўлислар орасида нариги Найманнинг э'тиборли, устунларидан — Қийсиқнинг ўғли Жумақон бўлис, Керей элидан — Тўйсари бўлис, Тўбуқтининг Шифон элидан чиққан шафқатсиз, бўйни йўғон Мўлдабой бўлис ҳам бор. Деярлик ҳаммаси семиз, говрил келадиган Мўтиш элидан чиққан гавдаси ҳам йирик, иши ҳам йирик қўрс ва жizzаки бўлис шу.

Бу ўтиришдагилар қизғин суҳбат қилиб ўтирмай, бир-биrlарининг оғзини пойлашиб, ичларида: «Улуғ олдиди ким э'тиборли бўлар экан, ким кўп обрўй қозонар экан» деб ўтирганлар. Бир-бирини кўролмайдиган, ғаразгўй: бахт ва мансаб талашучи одамлар. Гаплари ҳам бир-бирига қовушмайди. Чунки, бугун бўлмаса эртага бўлис блан бўлиснинг чегараси ва қўнис, яйлоқлари ҳақидаги да'во-жанжаллар ўртага ташланади. Сибон блан Қизил Адир можароси — Такежон блан Жумақонларнинг тортишуви бўлади. Мўтиш блан Керейнинг да'во-жанжали — Мўлдабой блан Тўйсарининг тортишуви бўлади. Кўп йиллардан бери сиёз бўлмагани учун баримта босиш, босқинчилик қилиш, унашиб қўйилган қиз можароси сингари Тўбуқти блан Керей, Керей блан Сибон, Сибон блан Үоқ — Тўбуқти эллари орасида хилма-хил катта жанжаллар пайдо бўлган эди. Буларнинг ҳаммаси ўзларининг сўзамол бийларини тезлаб, эртага бўла-

диган тортишувда ишга солмоқчи бўлиб ўтиришилти. Мана шу дамини чиқармай ўтирган бийларнинг ҳаммаси бу кайфиятни яхши билишар, сир бой бермасликка тиришаради.

Уларнинг ғарази, жанжалидан бутунлай четда бўлган Абайгина ўзини эркин ҳис этиб, ўйнаб-кулиб ўтиради. У Жумақон блан Тўйсаридан Керей-Сибон орасидаги бир жанжал ишни сўради. Бу иш кўпдан бўён ҳамманинг оғзига тушиб кетган, икки эл шу иш важидан бир-бирини босиб, янчиб, молни талашгача боргани, асти бартараф бўлмай келаётгани иш эди. У — Солиқа қиз можароси деган жанжал эди. Абай шу ишнинг оқибати нима бўлганини сўради. Жумақон жавоб беришдан тортиниб ўтирган Тўйсарининг юзига ер тагидан совуқ бир назар ташлади-да:

— Талон-торож бўлгани эл бўлмаса, тиним топган элни кўрганим йўқ! Чироғим Абай, тиндираман десалар, типим топилар эди-ку. Ҳатто қиз ҳам тинишни-тийилиши билмагандан кейин элдан нима гина! — деб аллакимларнинг қизигача қўшиб айблаб, кесатиб қўйди. Сиёзда Керей-Сибоннинг ўртасидаги кўпнинг муҳокамасига ташланадиган энг катта, чигал масала шу экани билиниб қолди.

Абай қараса, меҳмонлардан бу хилдаги гапларни сўраш — дил сиёҳликка олиб борадиган. Гапни қўп айлантиrmай, қисқа қилиб қўяқолди. Бироздан кейин қимиз ичиб, юзига қон югуриб чиройни очилабошлаган меҳмонларни куй-ўлланлар блан ҷалғитишини ма'қул кўрди. Шаке астагина тинғиллатиб ўтирган дўмбирани сўраб олди-да, Бойкўкшега узатди. Оқин Бойкўкше аслида Қизил Адирдан Такежон блан бирга келган бўлса ҳам, Болқибекка келганидан буён Ўспоннинг уйида эди. У индамай ўз ҳолича юрган киши бўлиб, чопарлар, старшинларнинг гап-сўзига қулоқ бериб, турли-туман сирларни эшитиб юради. Эшитган гапларини ба'зан Ўспонга ҳам айтиб туради.

— Бўлису, старшину бийларинг порани бўккунча еяпти, нимасини айтасан. Қўлингдагинг оз кўринса, эпини қилиб, бўлис бўл. Оқ деб ҳам ейсан, қора деб ҳам ейсан. Нима қилаётисан, дейдиган одам йўқ экан! — деб қўярди.

Бундай гапларни Ўспон ҳам жуда қизиқиб тингларди. «Сен бўлис, бийларининг сирини қаердан биласан-а?

Улар-ку пора еганда, тую кўрдингми-йўқ, қабилидан бутун ишни енг ичида битиришади. Ивир-шивир блан келишиб, ишни тун қоронғисида битиришади. Сенинг: Муаккилларинг борми дейман-да? — деб сўраганида. Бойкўкше бу гаплар кимлар орқали қулоғига етишинн яширмай, очиқ айтиб берди.

— Дамингни чиқарма. Мен ҳамма бўлисларнинг чопари блан сирдошман. Уларнинг олиш-беришлари ўша айёрларнинг қўлидан ўтаётир-ку, улар мендан сир яширмайди. Ўзга чопарлар блан ҳам сирдош бўлиб юриб, уларнинг бўлиси қиладиган ишларни ҳам эшишиб келиб, ўша онда менга етказиб туришади! — деди.

Абай ҳали меҳмонлардан олдин келиб Бойкўкше блан сўзлашиб ўтирганида: «Хўш, Бойаке, кўрган-билганингизни айтинг. Сиёзда нима гаплар бўлаётир?» деб сўраган эди. Шунда Ўспон блан Бойкўкше ўзлари холи ерда гаплашадиган гапларининг ҳаммасини кула-кула Абайга айтиб беришган эди.

Бўлисларнинг бугунги ўтиришида Абай қўлига дўмбира бергандан кейин, Бойкўкше даставвал сиполик блан меҳмонлар ша'нига шे'р тўқиб, куйлади. Қимизнинг кайфини сурниб, елпиниб ўтирган бўлислар: «Баракалла!» «Овози жаранглайди-я», «Сайра, булбул!», «Ўзи ҳам ҳозирги оқинларнинг пешқадами-да!», «Қадимги улуғ оқинлардан қолган-да!», «Сўзла, армон қолмасин!» деб, теварак-атрофдан мақташди. Бойкўкше икки лунжи сўлинкираган, чўққи соқол, доим қовоғи солиқ, тунд юзли киши. Бу мақтовларга ҳишиниш уёқда турсин, парвойига ҳам келтирмади. Аввалги ўланни меҳмонлар блан саломлашишдек гап эди. Иккинчи ўланга — термага кўчганида, гапни бошқа томонга буриб кетди.

«Улуғ бўлдинг, қўлигни қаерга узатсанг етадиган бўлди. Яхши деган ном олдинг. Яхши одамлигинг чии бўлса, қашшоқни қақшатма. Ёмонларнинг ёнини олиб, ҳалол, мўмин одамларни юмалатиб ема. Халқпарварлик ниқоби остида таловчининг ишини қилма. Олганингни оз кўриб, ҳалқнинг ҳалол молини ҳаромзодалик блан талаб, кўпнинг баракасини учирма. Оғирлигинги ҳалқ устига ташлама!» деб сайраб кетди. Гарчи оқин бировнинг номини тилга олмаган бўлса ҳам, шу ўтиргап бўлисларнинг кўпига ишора қилиб, ачитиб ўтди. Шундан кейин бўлислар безовта бўлиб, Бойкўкше уларга ёқмай қолди. Бесандиша, қўрс Мўлдабойпинг жини қўзиб:

— Бойкўкшө деганларига, чиндая ҳам оддий Кўкшё¹ экан, деб юрманглар бу айёрни! Ета-ёта ёнбошга, деганларидек туриб-туриб, тиниқ сувингни лойқатиб кетадиган айёрлардан экан-ку!— деди.

Мўлдабойнинг гапи Аслебекка қаттиқ тегди.

— Оқин айтса, очиб айтади. Тингловчилар бироз сабр қилса, қандоқ бўларкин!— деб, кулиб қўйди.

Бойкўкшенинг куйини ёқтиримаган ба'зи мансабдорлар гапни бошқа ёққа айлантиришга уриниб, ўзаро ҳазил-аскияга кўчишиди. Абай ўтирганлар олдида Бойкўкшенинг э'тиборини ортдирмоқчи бўлиб, гапга аралашди.

— Бойкўкшө гапнинг қиммати шундаки,— берганнинг бетига қараб айтилган мадҳ эмас. Тиланчилик, тама'тирлик блан айтилган гап ҳам эмас. Бу — халқнинг кўнглидагини ундан бурун айтадиган, кўзи — халқнинг ўткир кўзи, овози — халқнинг овози бўлган одам!— деди.

Бу масалада Такежон Абайининг фикрига қўшчламиди.

— Халқнинг кўнглидаги гапини дейсан, халқ бунга: «Заҳар-заққум гапларни айт» деб топширипти дейсанми! Узининг худо берган қирчанғилиги десангчи!— деди. Исҳоқ блан Тўйсари ҳам унинг шу гапини қувватлашиб:

— Қўтири отдек суркалиб юрмаса бўладими?

— Халқдан нарироқ! Бунинг балосини халққа ёпишириб нима қиласан?— деди Такежон.

Абай бу жавобларга кулди-да:

— Тўғри сўз, қачон тўғри қабул қиливар эди. Бу ҳам ўша: «Тўғрисини айтсанг, тутоқиб кетамиз, айтма»нинг ишорасида. Елғиз Бойкўкшенинг гапини кўтаролмаймизу, халқнинг гапини қандай кўтарамиз!— деб, хандон ташлаб кулди.

— Халқ Бойкўкшө эмас! — деб да'во қилди Такежон. Шу тобда Бойкўкшө чўкка тушиб олиб, дўмбирасини жаранглатиб чалганича:

— Ийе, бўлисим, халқ — Бойкўкшенинг ўзи! Тинглагинг келмагани-да, бўлмаса, Бойкўкшө худди халқ айтганини айтади!— деди.

— Қани, ундей бўлса, халқ айтганини мепга бир оғиз қилиб айтиб бер-чи! — деб, Такежон истеҳзо блан кулганича Бойкўкшени эрмак қилабошлади. Ўзга бўлис-

¹ Кўкшё — содда, оддий, мўмин, ювощ ма'ноларида.— Ред.

лар ҳам Такежонга қўшилиб, Бойкўкше блан Абайни ўртага олиб, эрмак қилиш томонига ўтишди. Абай ҳам улар блан ўчакишиб, қизишиб кетди-да, кулиб Бойкўкшега:

— Ҳай, Бойаке, энди бўш келма. Гапни қисқа қил. Мен бир ўланнинг бошини айтай, шунинг охирига бўлислар ҳақида халқ нима деганини сен қўшиб айтиб юборчи!— леди-да, товушининг борича куйлаб:

— Яйдоқ ерга ёйилиб ғўп битади,
Қай йигитга мол-ҳол кўп битади...

— деб юборди.

Чўкка тушиб ўтирган Бойкўкше хурсанд бўлиб, қаддини ростлаб олди, қошларини бир кериб қўйинб, илиб кетди:

Қай йигитин пишиқ деб бўлис қўйсанг.
То ўриндан тушгунча еб ўтади...

— Мана халқчинг гапи!— деб, Такежонга қараб қаҳ-қаҳ уриб кулиб юборди. Уйдагилар дув кулишиб, ҳамма ўзиннинг ҳайратда қолганини ҳархил қилиб ифодалади. Қипқизариб кетган Такежон тескари қараб:

— Оббо, тилинг кесилгурей, чакагингдан олгурни қарал— деди.

Абай Бойкўкшедан хурсанд бўлиб, завқ қилиб роса кулди. Ёнида ўтирган Эрбўлга:

— Қалай, Бойкўкше эмас, бўлисларингнинг бошига кўқдан тушган «жай¹ кўкшे» бўлмадими!— деди-да, кулганича эшикка чиқиб кетди. Эрбўл ҳам бирга кетди. Бўлислар, гарчи аввалига қўшилишган бўлса ҳам, энди эс-ҳушларини йиғиштириб олиб, дамлари ичларига тушиб кетди. Худди тўдасига туйғун теккан катта тўдоқ, салмоқли ғозлардек, семиз гавдаларини бироз йиғиштириб, қунушиб қолишиди.

Меҳмон бўлислар Бойкўкшенинг гапини ёқтиришмаганини Ўспон ҳам пайқаган эди. Бойкўкше кўзига ёмон кўриниб:

— Бас, бас қил энди!— деб, ўзи қимиз қўйиб меҳмонларга узатабошлади.

Бу бўлислар орасида ўланнинг фаҳмига етадиган, сўзга тушунадиганнинг биттаси Шубор эди. Шу ерда-

¹ Ж а й— чақмоқ.— Ред.

тўйларнинг ҳаммасидан ёш бўлса-да, ўқиши, мутолаа жиҳатидан ҳам олдинда туради. Бўлис сайланишга ёши етмагани учун Иргизбойлар икки ёш катта қилиб, йигирма олтида деб ёэдириб, бўлис қилишган. Вақтида ўз йилча Ғабитхондан дарс олган, мусулмон муллалари дарражасига ҳам етиб қолган. Бу блан қаноатланмай, Абайдан ўрнак олиб, тиљмоchlар орқали туртиниб-суртиниб ўз ҳолича рус тилини ҳам ўрганмоқчи бўлиб юрган эди. Бундай ўтиришларда ба'зан суҳбат мавзунини ўзгартириб юбориш ҳам қўлидан келарди. У ўз қатори ёшлар ичиза ўсиб келаётган эди.

Такежон, Исҳоқ сингари оғалари кечаги ўтган сайлонда крестьян начальники Қазанцев блан ҳам, боя келган ўяз Лосовский блан ҳам даставвал сўзлашишни шунга топширишган эди. Улуғ блан бир-икки оғиз муомала қилиб келишни ҳам мана шу Шубор адо этган эди.

Ҳали ўспон Бойкўкшенинг гапини ёқтиромай, жеркъиб ташлагандан кейин, ўёгини Шубор илиб кетди, Бойкўкшега қараб.

— Вой, Бойкўкше бўлмай қуриб кет, Биронни эрмак қилиб, биронни илиб гапиришингни «тўғри сўзлигим» деб билсанг керак. Одобдан четта чиқиб, «томоғини еб, товоғини теп» деган гапни сенга ким ўргатди? — деди.

Ўспон Шуборнинг гапидан кейин баттарроқ қизишиб кетди. Кўркам юзлари оппоқ оқариб, косасидан хиёл ирғиб чиққан ўткир, ола кўзларига ғазабдан қон қўйилиб Бойкўкшега совуқ назар ташлади.

— Мен бўлис ҳам, улуғ ҳам эмасман. Кўпчилик элнинг яхшилари шу ерга йиғилгандан кейин, қардошларча ҳурмат юзасидан таклиф қилган эдим. Ўйнаб-кулиб, бир-бирига меҳри товланиб кетсин деб, уйимга холисона чақирганман. Қардошлар ўртасидаги адоварни ҳам, жанжални ҳам ёқтиромайман. Шу ўтирганларнинг ҳаммасига ҳам фақат яхшиликни раво кўрадиган, беғараз дўстман! — деди.

Унинг бу гапларини ёш бўлис Дутбой қувватлаб кетди.

— Баракалла, гапнинг тўғриси шу. Қунакенгнинг кенжаси, Иргизбойларнинг ҳаммасига бошпана бўлган катта чанғароқ — даргоҳ сенинг бошингда турганда, сенинг шуни дейишишингнинг ўзи катта гап! — деди.

Унинг гапи Сибон мирзаси Жумақон, Қерсий бўлиси Тўйсари, Шоғон бўлиси Мўлдабойга ма'қул тушиб:

— Тўғри айтаётир, асли гāп шу-да! — дейишилӣ.

— Фақат Тўбуқтигина эмас, бу даргоҳ ҳаммамиз-нинг ўртамиздаги даргоҳ,— дейишиди.

— Аргин, Найман, Уоқ, Керей — тўрт шер бош қўшибиз. Бекорга йигилиб ўтирганимиз йўқ бу ерда. Успон мирза қилаётган иззат-икромингдан ҳам, гапингдан ҳам хурсанд бўлдик! — деди Тўйсари охирида.

Успон меҳмонлар ўзига иисбатан қандай фикрда эканни билиб олгандан кейин, Бойкўкшега яна бир кўз ташлаб қўйиб:

— Мана, билармон бўлсанг, яхши ният—яrim мол деб, яхшилар олдида яхши гаплардан гапириб хурсанд қилар десам, бу нима қилганинг худо кўтаргур! — деб, жеркиб, Бойкўкшедан қаттиқ хафа бўлганини билдириди. Мезбоннинг авзойи ўзгаргандан кейин, кўп ўтирмай Бойкўкше, Шаке, Боймагамбетлар ҳам Абайни излаб бирин-сирин сурғилиб эшикка чиқиб кетишиди.

Абай ўша куни кечқурун Лосовский блан кўришгани келганда, улуғларнинг уйига беҳисоб шам'лар ёқишлиб, кечки чой учун нози-не'матлар тўла дастурхон ёзилаётган эди. Қизил юзлари, оқ пешонаси саҳро қўёшида бироз қорайиб қолган Лосовский Абай кириши блан ўрнидан туриб, эски танишдек қарши олди. Иккови ҳам бир-бирининг қўлини қаттиқ қисиб кўришиб бўлганларидан кейин, Лосовский ёлғиз келган меҳмонини ўз ёнига ўтқазди. Уйда ўзи қараб ўтирган бир иш ҳақида Абайга ҳам гапирди. Баланд столнинг четида Лосовский текшираётган бир тўп қофоз турган экан. Кўпчилик халқ номидан берилган аризалар. Маҳкама тилида «Приговор» деб аталадиган қоғозлар бўлса керак.

Бу «Приговор» устида бугун Лосовский ўзи тергов олиб борган экан. Мана шу қоғозларга қўйилган қўллар, босилган муҳирларнинг ҳаммаси ёлғон «подлог» эканини Абайга ҳам айтди. Абай: «Бу кимдан тушган? Нима тўғрисида берилган экан?» деб сўради.

— Келганингиз яхши бўлди, Ибратим Қунанбоевич. Бу аризаларни Муқир бўлисингиз одамларидан ёш бир қирғиз ёзган. Кундузи ўзини ҳам кўрдим. Шу ерга йигилган Тўбуқти бўлисларидан Дағанди, Қондигатай, Энгирекай бўлисларидан ўша йигитнинг кўз олдида сўраб, аризанинг ясама эканлигини аниқлаб олдим. «Приговор» мана шу с'езд бўлаётган Болқибек ҳақида берилган. Ариза беручи бу «Приговор»ни Семипалатинскга, «Его пре-

восходительство губернатор»нинг маҳкамасига берилти. Аризасида: «Сибон, Тўбуқти, Қерейниш бор бўлислари ўз розиликларини билдириб, Болқибек қадим замонда Муқир бўлисидаги Жонотой ўғлига қарашли ер эди. Энди Болқибек ариза беручига — Жонотой ўғли Кўкбойнинг ихтиёрига топширилса экан» деб, қўл қўйиншилти. Бугун келганимдан бўён текшираётиман. Бошқа бўлислар уёқда турсин, Муқир элининг ўз бўлиси Дутбой Олатоев ҳам: «Мен бундай приговорга муҳир босган эмасман» дейди. Мана, бизнинг маҳкамама саҳро ҳаётини билмайди, аҳмоқона ишларгача борадиган, беҳисоб католиклар қиласди, дейишади. Бунга ким айбли? Мана шундай ишлар айбли-да. Ҳали ёлғон онт ичишади, ҳали ёлғон чақиқ юборишади, ҳали шу сингари приговор блан ўғриларни ҳимоя қилишади... Тутоқиб кетасан киши!.. Мен ўша арз берган муттаҳамни чақиртирдим. Ҳали келади.— Мана буни кўринг!— деб уезд приговор ёзилган қоғозларни ағдариб, бирнече еридаги босилган муҳирларни кўрсатди.

— Мана бу печатьлар ҳали айтилган беш-олти волоствинг управительлари босган печать дейди ариза беручи. Ҳақиқатда — фақат ўз старшинининг печати. Аниқ тулимасин деб жўрттага сиёҳни чаплаштириб босилган. Бу катта жиноят! Қабиҳ жиноят! Яна бу ишларни бир ёшигина йигит қиласяпти! — деди.

Лосовский, олдида хизмат қилиб турган оқ мўйловли, қадди букилган стражникка:

— Айт, чой олиб келишсин. Ибрагим Қунанбоевич менинг меҳмоним, ўтириб чой ичайлик! — деди.

Ўязнинг уйига Абайдан бошқа ҳечким кирмаган эди. Ҳали кундузи Ўспоннинг уйида зиёфатда бўлган бўлисларнинг ҳаммаси ҳозир мана шу туташтириб тикилган уйнинг эшиги олдида юришарди. Ба'зилар онда-сонда очилган эшикдан ёки эшикнинг тирқишидан мўралашиб, Абайнинг тўрда, ўязнинг ёнида ўтириб арнзаларни бирга титкилашаётганини кўришарди. Эшикда ба'зилар хурсанд бўлиб, ба'зиларнинг ҳаваси келиб, яна ба'зилар хасад қилишиб, шивирлашиб юришарди. Эшикдан стражник чиқиб: «Чой, чой келтир!» деб, буйруқ қилганда, бўлислар аввалгидан ҳам ҳайрон бўлишди.

— Чойни Абай учун буюраётир!

— Ўязнинг Абайни меҳмон қилаётир!

— Бу сиёэ, Тўбуқтининг айтгани-айтган, дегани-деган сиёэ бўлади! — деб қўйишиди.

Шунингдек, эртага бўлислар ўртасида бўладиган жанжал-тортишувларнинг оқибати нима блан тугашини ҳам ўйлаб қўйишаарди.

— Абай, ўязнинг оғзини пишиқлаб қўйгаидан кейин, Купанбой болаларига бас келиб бўладими? — деб, умидсизланаётганлар ҳам бор эди.

Бугун тушдан кейин Успоннинг уйида кўк қашқани еб, дўстлик, тотувлик блан фотиҳа қилишиб тарқалишганда, Сибоннинг устунларидан Жумақон, Керей бўлиси Тўйсари ва Шаган бўлиси Мўлдабой ҳам, Бойкўкше айтган ҳалиги гапнинг алами чиқмай сўзлашиб кетишаётган эди. Жумақон ёнидаги ҳамроҳларига:

— Бу оқиннинг гапи эмас, унга уқдириб ўтирган Абайнинг гапи. Бу нима қилгани! Кўк қашқа сўйиб, зиёфатга чақириб оғзини тиёлмайдиган тентагини алжитгани нимаси? — деди.

Тўйсари блан Мўлдабой ҳам бирга қайтиб келаётib, шу ҳақда сўзлашганларида, Тўйсари:

— Мўлдабой дейман, бу Абайнинг нега бундай қилди ўзи? Бизни оқинига талатиб, айтадиганини айтиб олдида, яна ўзи чиқди кетди. Бу нима демоқчи? — деб сўради.

Мўлдабой:

— Нима демоқчи бўлганини қаёқдан биламан. Бу кунда Қунанбой болалари босар-туарини билмай кетганкуй! Тагида бирор гап борми ёки мени кўриб қўй деганими? Бўлислик ёмон бўлса, Қунанбойнинг уч бирдек бўрибаччаси нега бўлис бўлипти? Қишин-ёзин шаҳарда сарғайиб ётиб, улуғлар блан оғиз бурун ўпишиб юрган Абайнинг ўзи нега оға-иниларининг ҳаммасини бир бошдан бўлис қилипти? Шунчаки ўзини унутиш, ҳаддан ошиш-да! — деб қўйди.

Шу хилда Абайнини ёзгириб келаётган бўлислар, ҳозир ўяз уйининг атрофида айланиб юриб дам Абайнинг улуғ олдидаги обрўйига хасад қилар, дам кўнглидан: «Асли Абайнин қўлга олиб, у блан яхшиликча келишиш керак экан» деган гапни ўтказарди.

Абай блан Лосовский чой устида суҳбатлашиб ўтиришаркан, сиёзга алоқадор гапларни гапиришмади. Чунки, Абай гап бошлиши бланоқ:

— Ваше высокоблагородие, мен бу ерга фақат сиёзни кўриб кетай деб келдим. Бутунлай холис одамман. Аммо

бечора жотоқ овуллар ба'зи зўравоп овуллардан жабрзулм кўрган экан. Шуларнинг ишига бироз кўмаклашарман, деган умидда келган эдим. Агар улар ўз ҳақини ололмаса, ҳаммасининг номидан сизга ўзим илтимос қилларман. Ҳозир уни ҳам айтмайман. Фақат сиз блан дийдор кўришиб, шаҳар янгиликларини эшитай дедим. Яна ўзимизнинг танишларимиз, дўстларимиз бўлган Евгений Петрович блан адвокат Андреевичнинг ҳоли-аҳволини, саломатлигини билиб келай, деб келдим! — деди.

— Яхши қилгансиз, жуда яхши қилибсиз-да! Ибрагим Қунанбоевич! Сиз менинг ҳам саҳрордаги эркин сўзлашадиган бирдан-бир ҳамсуҳбатимсиз! — деб, Лосовский Абай блан бирқанча бошқа масалалар устида сўзлашиб кетди. У Абай ўқиётган китоблар ҳақида, Петербург журнallари, газеталари ҳақида ўзи айтгандек эркин, ёзилиб суҳбатлашиб ўтирди.

Эшикдан кириб келган урядник буларнинг суҳбатини бўлиб қўйди. Қилич таққан қипқизил кулча юзли, семиз урядник:

— Ваше высокоблагородие! Жонотоев келди, олиб киришга ижозат этиладими? — деди.

— Олиб кир! — деб, буйруқ қилди Лосовский. Иккинчи уйда турган балацд бўйли, кенг яғринли, қушбурун, қоратўридан келган ёш йигитни семиз урядник уйга олиб кирди. Кўзлари катта-катта, пешонаси кенг бу ёш йигит жаранглаган товуш блан аввало Ўязга:

— Здрasti, ваше благородие! — деб, рус тилида салом берди, кейин ўйчан кўзлари ялт этиб Абайга қараб:

— Ассалому алайкум, Абай оға! — деб, ўнг қўлинин кўксига қўйиб та'зим қилди.

Абай унинг авзойини кўргандан кейин, ҳалиги соҳта аризаларнинг эгаси Кўкбой Жонотой ўғли шу эканлигини фаҳмлади.

Уйга бирга кирган тилмоч Кўкбойнинг ёнида турган эди. Лосовский ўша тилмоч орқали Кўкбойдан жавоб олабошлади. Унинг ёши йигирмада экан. Семей шаҳарида Қамоли ҳазрат мадрасисида кўп йиллардан буён ўқиб юрган муллавачча экан. Узи Кўкше уруғидан бўлиб, яна Муқир элининг бўлиси Дутбойга ҳешлиги ҳам бор экан.

— Жонотоев беш элнинг управительлари сен бергани приговорининг қалбаки эканлигини тасдиқлашди. Уз қариндошинг, ўз элингнинг бўлиси Дутбой Олотоев ҳам: «Бу қалбаки, подлог ариза» деб, гувоҳлик берди. Сен

ўзинг мусулмон мадрасасида, и побатлик устознйнг қўлийда тарбия кўраётган одам экансан. Ёшгина йигитсан. Ҳозирдан бошлаб мана шундай ёлғончилик, хиёнаткорлик ва жиной ишларга уринсанг, кейинчалик ҳандай одам бўласан? Мен сендан қаттиқ ғазабланаётирман. Сен оддий нодонлардан эмассан. Билмай қилган ёвузиликнинг ярим гуноҳи кечирилса, билиб туриб қилинган ёвузиликниң жазоси икки ҳисса ортиқ бўлиши керак. Ҳўш, бунга нима дейсан? — деди.

Кўкбой гап бошлашдан олдин ашулачиларга ўхшаб, қироат блан томоғини қириб қўйди. Абай бу йигитни энди эслади. У муллабачча бўлишдан ташқари, бундан тўртбеш йил аввал ҳалқ ўртасида анча кўзга кўринган ўланчи ҳам эди. Абай энди яхши таниди. Ичиде унинг қилган ишидан ғазабланиб ўтирган бўлса ҳам, жазоланишига кўнгли бўлмай қолди. Кўкбой томоғини қириб қўйганича, дам Абайга, дам ўязга кўз ташлаб турарди. Гап бошлашдан олдин хижолат ичиде қипқизариб кетди. Қейин тўсатдан рангги ўчиб, оқариб кетганича гапини бошлаб юборди.

— Тақсир! Қилган ишим жиноят. Бош тортмайман. Лекин нима мажбур қилди? Фақат шунинг ўзини билсангиз, ундан кейин ҳарқанча жазо берилса жафо демайман. Аксинча, қилмишимга яраша кўргулигим дейман,— деди.

— Ҳўш, нима мажбур қилди?

— Йўқчилик, муҳтоҷлик мажбур қилди, Ваше благородие! Мен Кўкше деган отанинг авлодиман. Бир томонимда Мамай — бепоён ер уники. Иккинчи томонимда — Улжай, мана бу яйловдаги бор ер буники. Бизлар бўлсак, юзларча овул, тилдаккина битта сув—Боқоноснинг бўйида ўтирамиз, игна саңгудек ср йўқ. Болқибек бўлса, йироқдаги Сибондан ҳам, Керейдан ҳам, ўзга Тўбуқтилардан ҳам бизнинг еримизга яқин, туташиб кетган. Чакирса эшитиладиган жой. Катта бир сув, бепоён ўлка мудом бўш туради. Ҳечкимнинг дахли бўлмаган ер. Бу ишларни йўқчилик, муҳтоҷликдан, яна Болқибек доим бўш ётишидан қилдим. Приговорим — ясама. Қайси бўлис менга муҳрини берай деб туритти. Улар берганга беради. Қуда-анда, ёру дўст бўлсан беради. Мен на қуда-андаю, на ёру дўстман. Розилик бермайдилар. Сиртдан ясама приговор ясаб юборганим рост. Ҳақиқат шу. Гапларимнинг тўғри эканлигини мана шу ёнингизда ўтирган Абай оғам, иншоолло, ёлғон демас. Гувоҳликни шу киши-

нинг ўзларидан сўрапг. Қейин қандай ҳукм чиқариб, қандай жазо берсангиз ҳам розиман, гуноҳимдан токмайман, Мана бош, олсанг тандан жудо бўлар, олмасанг фидо бўлар! — деб, салмоқли ва ғоят ёқимли товуш блан арзини тамом этди.

Тилмоч гапни қанчалик тўғри етказишга диққат қилиб турган Абайга Кўкбойнинг ўтдек жасурлиги, айчиқса ёқимли, ширалик товуши жуда ма'қул бўлди. Энди бирор жазога муносаб кўргиси келмай қолди. Агар улур чиндан ҳам жазо берадиган бўлса, Абай ўртага тушиб Кўкбойни ажратиб олишга аҳд қилиб ўтирган эди.

Лосовский арз қилучиларни кўп кўрган. Яна қозоқ халқининг фе'ли-автори ва одатларига зеҳи солиб юриб, анча кўзи пишиб қолган одам эди. Унга жиноятчи йигит негадир ёқиб қолди. Ҳозир Абайнинг кўнглида қандай ҳислар пайдо бўлаётганини ҳам фаҳмлади. Шунинг учун Абайга қараб мулойимлик блан:

— Ибрагим Қунанбоевич! Жанатаев подлог ҳужжат ясашнитгина билмай, ўз ишига ўзи оқловчи, адвокат бўлишни ҳам билади шекилли? Унинг сўнгги гаплари шу жиноятнинг ҳақиқий сабаби бўлиши мумкинми, сизнинг фикрингиз қалай? — деб сўради.

Гапнинг бу томонга айланишн Абай учун айни муддао бўлиб тушиди. Чунки, қонуний тергов устида қандай қилиб гапга аралашишни билмай, гангиг ўтирган эди. Энди шу гапдан фойдаланиб, астагина қулиб қўйди. Улуғнинг юзига қаради-да:

— Жонотоевнинг приговори ясама бўлса ҳам, кўрсатган сабаблари, келтирган далилларининг ҳаммаси тўғри, ҳақиқат. Ишонч блан гувоҳ бўлаоламан, Ваше благородис! — деди.

— Аммо Жонотоевнинг ўша ҳақиқатни айтиб қўяқолмай, жиноят қилиши тўғрими?

— Албатта, Ваше благородие, тўғри эмас.

— Шу сингари ёшгина одам ҳалитдан ёмонликка юз тутса, жиноятга ўрганса, келажакда ким бўлади?

— Албатта, келажаги аянч. Билим, тарбия олиб чиқиб, бор кучини ёмонликка сарф қилса, нодон ёвузларга қараганда, ҳалқ учун бирнечча ҳисса зиёнли ёвуз бўлади.

— Тўғри айтаяпсиз, жуда тўғри айтаяпсиз, Ибрагим Қунанбоевич. Демак, шундай экан, бу йигит келтирадиган заардан ҳалқни қўриқлаш учун ҳам унга жазо бериш керак-да!

— Жазо бериш керак, албатта. Бу йигит ҳарқапча жазони шу ерда, сизнинг олдингизда туриб тортаётганга ўхшайди. Зотан, жазо фақат авахтага қамаш эмас-ку. Виждон азоби — бутун жазолардан оғир жазо. Ўзига етарли жазосини — ўғирлик қилган қўлидан сиз ушлаб олган вақтда ҳам сезмайди деёлмайман. Агар очиб кўрсангиз, ичи номусдан ўртаниб бораётгандир деб ўйлайман.

Лосовский бу гапга кулди-да, гўё гуноҳини ўтгандек, мулоҳимгина жилмайиб Кўкбойнинг юзига қараб қўйди. Сўнг Абайга:

— Ибрагим Қунанбоевич! Сиз Жонотоевнинг шундай уялганига ишонч блан баҳо бераяпсиз. Менинг фикримча, бу блан сиз йигитни кафилга олишга хоҳиш билдирајапсиз. Дуруст тушунибманми, қани, тўғрисини айтингчи! — деб, кулиб юборди.

Абайнинг юзига зўр умид блан қараб турган Кўкбой ҳам қиپқизариб кетди-да, севинганидан кулиб юборди. Абайга қараб қозоқчалаб:

— Абай оға! Қасам ёд қиласман деган гап, мард йигитнинг оғзидаи кам чиқадиган гап. Номард бўлмасман, мард бўлармап дер эдим! Ҳалиги тапингизни чала-ярим тушуниб турибман. Ўртага тушиб, шу номусдан қутқариб олсангиз, шу ўртанганимнинг ўзи етарлик бўлди. Бундан кейин самимий дўст бўлиб, ёнингизда бирга ўларман, шу гапимга ишонинг! — деди.

Абай Кўкбойнинг юзига тикилиб туриб, раҳми келди. Унинг нақадар сўзга усталигига қизиқиб қараб турарди. Кўкбой сўзини тамом қилиши блан энди ялт этиб Лосовскийга қаради-да:

— Ваше высокоблагородие, бу йигит менга ва'да бешиб, онт ичди. Мени кафил дедингиз-ку. Кафил бўлишга таваккал қилдим. Жонотоевнинг қилган гуноҳидан шу гал ўтинг, менга кафилга беринг! — деди.

Лосовский жиддийлик блан Кўкбойга қаради-да, салмоқлаб гап бошлади.

— Жонотоев! Сен яхшиликка, тўғри йўлга юзлансанг, қўлидан яхши иш келадиган одам бўларсан. Энди сен тўғри йўлдан озма. Азамат бўл. Мана бу Ибрагим Қунанбоевичнинг гапидан, маслаҳатидан четга чиқма. Мен сени кафилга бердим. Орли, номусли одамнинг кафиллигига бердим. Ор-номусинг бўлса, бундан кейин устингга шу сингари жиноят тушмасин! — деди. Шу кунга қадар қўлида ётган, Кўкбойни қоралайдиган бир даста қофозни —

кучли далилларни икки букиб, ўртасидан йиртди-да, стол ёнидаги пастгина саватга улоқтириб юборди.

Абай шу кеча Лоссовский блан бўлган узоқ суҳбатдан кейин, хайрлашиб эшикка чиққанида, бояги юрган бўлислар ҳалигача тарқалмаган экан. Уларнинг орасида Кўкбой ҳам бор эди. Ў:

— Абай мени ўтдан суғуриб олди. Ажалнинг чангалидан олиб қолди. Барака топкур, Абай оға, бу яхшилигинги ўла ўлгунимча унутмайман!— деб, тинмай олқиши айтиб юрган экан.

Абай Кўкбойни олиб Успоннинг уйига қараб кетди. Орқасидан қараб қолган бўлислар, Абайнинг улуғ олди-даги обрўйи, э'тибори баланд эканини гапиришганча қолишиди. «Оббо, уни авахтадан, ҳайдалиб кетаётган еридан, дамига тортай деб турган улуғнинг қўлидан юлиб олди-я! Бунга асти даво йўқ!» дейишарди. Абай блан улуғнинг дўстлиги ҳақида яна кўланкага қараб тўн би-чишар, кечадан тонг отгунча турли-туман афсоналар тўқишишар, Болқибекдаги юзлаб уйларнинг ҳаммасига дув-дув гап тарқатишарди.

2

Эртаси сиёзга йифилган кўп элларнинг бўлис ва бийларини қаттиқ ҳаяжонга солиб, зўр ташвишга қўйган кун бўлди.

— Икки дуон бош қўшди. Икки Ўязинг келиб ўтирипти. Ким бўлади?!

— Бош бий ким бўлади?

— Уни ким сайлайди?

— Ўязлар элнинг ўзига ҳавола қилган эмиш.

— Яхшилар бирлашиб, кимни манзур кўришар экан?

— Бош бий қайси элдан сайланса, иликнинг ёғлик томони ўша элники десангчи!

— Тўбуқтидан бўладими? Сибон, Керей, Уоқлардан бўладими? Кимнинг пешонаси ярқираб турган экан?

— Тўрт шер бош қўшганда, Арғин оға эмасми? Бу катта мансаб, Тўбуқтидан ўтиб бошқага тегмас,—деяётганилар ҳам бор эди. Мансаб талаш, баҳт талашнинг нафаси сиёзга келган мансабдорлар, старшин, элликбошлилар, чопарлар, хизматкорлар, хушомадгўйлар орасида лов-лов кўтарилаётган эди.

Успоннинг уйида ётган Абайлар кеч туриб, шошмасдан отга миниб, тушга яқин улуғларнинг уйига томон ке-

лишди. Булар — сиёзга келган улуғлар ҳам эмас, арз, да'вога келгандар ҳам эмас, ўз ҳолиша: «Сиёзда нима гаплар бўлар экан?» деб, келган холис одамлар. Ҳозир булар ҳам ўнтадан ошиқ салт отлиқ бўлиб айланниб юришипти. Ўртада Абай блан Аслбек, уларнинг ёнида Эрбўл, Шаке, Бойкўкшелар бор. Яна кечаси Абай блан улуғ олдида тасодифан учрашиб танишган янги йўлдоши, Кўкбой ҳам бор. Ақлбойга ўхшаш ёшлар ҳам келишаётган эди.

Абай, ёнидаги Бойкўкше, Эрбўл, Аслбекларга, улуғларнинг уйи атрофида ҳаллос уриб юрган бўлис ва тилмочларни кўрсатиб, ҳажвий ўлан айтиб келаётir. Кеча кечқурундан буён Лосовскийнинг бўсағасидан мўралаб, эшигининг олдидан нари кетолмай юрган ўз жигарлари блан ўзга эллардан чиқсан бўлислар тонг отгунча Абайнинг хаёлидан нари кетмаган эди. Битта-яримтанинг оғзида: «Такежон бўлис», «Мўлдабой бўлис», «Исҳоқ бўлис» деган гап чиқди дегунча, Абай ўзини тутолмай кулаверарди. Ҳозир ҳам улуғларнинг уйи атрофида куйиб-пишиб пилдираб юрганларни кўрганида, кечадан бери хаёлидан нари кетмай турган бир аччиқ ҳажв, ҳозир кулгили ше'р мисра'ларига айланниб:

Чопар келди тилирлаб:
«Уяз чиқди, сиёз бор...»
«Улов!» деб, «Уй!» деб дикирлаб,
Шошиб қолдим, кун тигиз,
Кетди юрак гушиллаб...

деб, қамчиси блан ўязларнинг уйи томонга ишора қилганда, Бойкўкше, Кўкбой, Эрбўллар хандон ташлаб кулиб юборишиди.

— Яна, яна! Давомини, давомини айт, келиб турипти-ку! — деб, Бойкўкше қўнғир қашқа отини ниқталаб келиб, Абайнинг қаторига ўтиб олди.

Ғайратланиб ҳалқимга
Сўз айтман кўпириб,
•Худо хоҳласа шу гал
Оқлайнин юртим сутин» деб,
Ғайратли, гамхўр каби,
Жабдуғими бутунлаб,
Хилват жойда Ўязга
Мақтамайман элимни.
Ўз элимга айтман:
«Берганим йўқ», деб, «белимни». —

деди. Абайнинг ўзи ҳам кечадан буён кулгисини қиста-таётган гап бугун тўсатдан ше'рга айланиб чиқабошла-ганига севинганидан хохолаб кулиб юборди.

Кўкбой Абайнинг оқин эканини иллари эшитмаган эди. Ўзи ҳам ўланни кўп севар, енгил-енгил кулгили ўланларни тўқиб юрарди. Абайнинг ҳалиги ўткир ҳажвига қизиқиб, ширалик, жаранглаган овози блан куйлаб, бир-инки оғиз қўшимча қилиб қўйди:

— Қўйма¹ қўйиб ҳар ерга,
Яширганман сиримни.
Евлашгучи зотлардан
Аямайман тигимни!

Абай кулиб, Кўкбойга қаради. Бор гавдаси блан тўсатдан бурилиб:

— Ийе, Кўкбой, сен фақат ўланчи эмас, оқин ҳам экансан-ку. Бу жуда яхши! — деди.

Кўкбой ҳам ҳазил қилиб, кулиб жавоб берди.

— Абай ога, сизнинг оқинлигингиши мени эндиғина билиб олқишилаётганим-да, бу! — деди. Ешларнинг ҳам-маси Абайга қизиқиб қарашар, «яна айтса экан» дейи-шиб, унга яқинлашиб, диққат блан қулоқ солиб келиша-ётган эди.

Лекин гап шу ерга етганда, уларнинг тўпи улуғлар-нинг уйига яқинлашиб қолди. Шу вақтда кимнингдир бор овози блан Абайларни чақиргани эштилди. Отлиқлар аланг-жаланг бўлиб, атрофга қарашган эди, яқингина ерда довра олиб ўтирган бир тўп одам кўринди. Уларнинг ўртасида ўрнидан туриб, бошидаги енгил қора тўмогини қўлига олиб, Абайларга қараб силкиб чақираётган Таке-жон экан. Отлиқлар қайрилиб, ўша довра олиб ўтирган-ларнинг ёнига келиб салом бериб сўрашабошлашди.

Такежон типпатик турганича:

— Абай, Аслбек икковининг отларни анави йигитларга бериб, ўзларинг шу ерда қолинглар. Мана бу Тўбуқти-нинг катталари бир масала устида сенларнинг фикринги билмоқчи бўлиб ўтирилти! — деди.

Абай индамай бироз ўйланиб қолиб:

— Асл оға! — деб, Аслбекка қараган эди, у отдан тушаётган экан. Абай ҳам отдан тушди. Буларнинг отини олиб кетган ҳамроҳлари ўтирган одамлардан четлаб ўтиб кетишиди.

¹ Қўйма — хазина маъносидан. — Ред.

Абай даврадаги одамлар қаторига кириб, Аслбек блан ёнма-ён ўтириб олгач, ҳаммага бир-бир назар ташлаб, бир қанча одам блан алоҳида-алоҳида сўрашиб чиқди.

Тўбуқтининг бутун катталари шу ерга йиғилгаңга ўхшайди. Бўлислардан: Мўлдабой, Дутбой ва Қунанбой-нинг ўғиллари ҳозиру нозир эди. Ота-отадан чиққан мансабдорлардан: беш старшин Соқ Тўғолоқдан, мажлис боши Бойғулоқ ҳам шу ерда. Еши Абайлар қатори, мажлису маслаҳатлардан қолмайдиган сўзамол, пичингчи Аброли ҳам шу ерда. Котибақдан — Жиренше, Бўкеншидан — Кунту. Эсбўлатдан — бир кўзли, узун қопқўра сийрак соқолли, кўзи ичига ботган, даҳани туртиб чиққан Ўроэбой. Мўлдабойнинг атрофида: Бурақон, Алил сингари бирнеча семиз, гавдали кишилар,— қизил сариндан келган қўй кўзли Мўтишлар бор. Мамайдан — Асовбой, Мирза Бедейдан — босқинчи баримтасиларнинг бошлиғи Дўйсен бор эди.

Бу ўтирганларнинг ичидаги ўзларининг шу ерда бўлишлари блан Абайнини ҳайратда қолдирган иккита Жигитек мансабдори — Бейсемби блан Абдилда ҳам бор эди. Улар бир чеккада, ҳечкимнинг яхши-ёмол гапига аралашмай, лоқайдлик блан ҳўмрайишиб, қадларини буқканларича тескари қараб ўтиришарди. Гўё улар учун бу мажлис аҳли ҳам, уларнинг гап-сўзлари ҳам йўқдек. Фақат нома'лум бир сир туфайли, ноиложлиқдан келишган. Бозоралини ҳайдатиб юборган ўзга Тўбуқтиларнинг ҳаммасидан юз ўғирган одамлардек ўтиришарди.

Бозорали масаласида дарди ичидаги юрган Абай бугун Ўяз блап учрашганида, ўша тўғрида яхшилаб сўзлашмоқчи эди. Енига жигитеклардан бир-икки кишини олиб, уларни Бозоралининг йўқловчилари сифатида бошлаб бормоқчи эди. Бирга олиб боришга мўлжаллаган одамнинг биттаси мана шу Бейсемби эди. уни бу кунларда ҳалқ: «Жигитекнинг устуни, э́тиборли бошлиғи» деб, гапиришарди. Иккинчисига — асти яғрини ерга тегмайдиган, айёр чапдаст Абдилдани олишга қарор қўяқолди.

«Кечагина шерини бадарға қилиб юборган шафқатсиз душманларнинг ичидаги буларга нима бор экан, шумшайиб нима қилиб ўтиришипти?» деб Абайнинг энсаси қотиб, бир назар ташлади-да, яна қайтиб қарамай қўяқолди. Бойғулоқ гап бошлади.

— Қардошлар! Кун синайди, бақувват бел чидайди. Шукур, мажол етмайдиган довонга интилиб ҳасратда

ўтирганимиз йўқ. Тўбуқтининг бақувват тўпи бўлиб ўти-рибмиз. Тўрт шерининг авлоди заминингга келиб тўпланди. Ойга қўл узатсан ҳам етади. Уртамизга «Бош бий» деган бир улуф насиба ташланди. Аргин оға деб, қолган уч шер ўзидан ўтиб бу мансабни бизга берди. «Ўғил туғилса, отасидек бўлса» деган гап бор. Мана бу Тажежон, Исҳоқ, Шуборларга раҳмат айтаман. Уччови ўзга бўлислар ўртасидан: «Бу мартабани талашма» деб, ўзимизнинг ўртамизга ташлади. Эртага ўша бош бий олдига олис-яқиннинг, қиядаги қийиннинг чигал тугунларини ечиш келади. Эл олдида обрўли, гапи э'тиборли бир одамнинг номини аҳиллик блан бамаслаҳат кўрсатиш керак. Уни мана бу икки ўязнинг тасдигидан ўтказиб чиқиш керак. Элнинг шохи синиб, эрнинг фазилати емирилмасин. Қани, «омин» деб бир яхшининг номини атаб бер. Чирогим Абай, сени чақиртирганимизнинг сабаби, улуғ сен айтган гапни э'тиборга олади. Шу ўтирганларга манзур бўлган одамни ўзинг ҳам қувватлаб, ўша кўнгли яқин улуғиннга бориб айтгин! — деди.

Утирганларнинг дами ичига тушиб кетиб, ўртага сукунат чўқди. Абай уларнинг бу кайфиятидан ичидা юз турли тугун борлигини сезди. Ҳасад ичидা юз хил хаёлларга бориб, турли алфозга тушаётганликларини кўриб турарди. Истеҳзо блан пиқ этиб кулди-да, товушини бара-ла қўйиб гап бошлади:

— Хўш, қардошлар! Сизга шундай даража берилганига қувонганингиз чин бўлса, нега энди дамингиз ичинингизга тушиб, хаёл суриб қолдингиз? Мўлжалингиздағи кишини нега шартта-шартта кўрсатиб қўяқолмайсиз! Еки чиройимдир чиним, нурлидир куним, бирлигим мустаҳкам, деган гапларни тилингизнинг учидаги айтиётисизми? Лабингиз зўрга қимиirlаб, томоғингизга иккапашниш тиқилиб қолдими? Нега чурқ этмайсиз? — деди.

У тумоғини олиб, қўлинини биқинига тираб, бошини кўтарди-да, қовоғини солганча ўтирганларга бир қур қараб чиқди. Кўпчиликка Абай ҳозирги кўриниши блан бу ерда ўтирганларнинг ҳаммасидан устундек кўринди. Тили ҳам тутилмай, бемалол, ботил гапиргандек туюлди.

Утирганларнинг аксарияти Тўбуқтининг ҳозирги ёш бўғин, ўрта бўғинидан чиққан ўспиринлар — Ўроэбой, Жиренше, Кунту, Аброли, Мўлдабой сингарилар. Булэр гапга, илмга, йўл-йўриқ билишга қолганда Абайнин ўзларидан ўқ бўйи ўзиқ кўришарди. Орқасидан ҳасад қи-

лишса ҳам, бу ҳолки ҳамиша сезиб туришарди. Абай, ҳалигидай кесатиб гапирадиган бўлса, мана шу мансабдорларнинг деярлик ҳаммаси дамини чиқармай, писиб қолишарди. Ёрилиб бир нарса деяолмай, мудом: «Бүнинг тагида нима гап бор? қандай ҳийла ишлатмоқчи? Бирор ҳаромлик йўқми?» деб, чурқ этмай ўтираверишарди. Улар ҳозир ҳам индамай ўтиришган эди. Абай уларнинг шу зайл ўтиришидан фойдаланиб, тўсатдан кўнглига келган бир фикрни амалга оширмоқчи бўлди.

— Дуруст, яхшилар. Ўтган иш — ўтли, энди тўғрисини айтаверамиз-да. Бош бийлик эр азамат учун ша'нишавкатгина эмас, катта бир синов. «Тўбуқтининг обрўйи» деяпсизлар-ку. Сизнинг мақсадингиз ўша обрўйни туширмаслик. Лекин қўл остингизда бўлган ҳалқнинг тилаги ундагина эмас. Турган гап. Бош бийнинг олдига жанжалсурон кўтариб сизлар келмайсиз. Бу бийнинг олдига кўпнинг иши келади. Зўрлик, хўрлик кўрган, ўз ҳақига эга бўлолмаган кўпнинг иши кўлдек қалқиб келади. Камбагал, қашшоқлар, кўз ёши оққанлар, бирорларга емиш бўлганлар келади. Етим-есир, бева-бечораларнинг ҳақи, ҳалол пули, хизмат музди, пешона тери, кўз ёшлиари, охизори келади. Эл блан эл ўртасидаги гапларни олсангиз Сибон — Тўбуқти, Тўбуқти — Керей, Тўбуқти — Уоқ ўртасида озмунча шов-шувлар бўлаётирми! Мана шу Тўбуқти бир отанинг ўглиманин дегани блан ўз ичидаги хилмадарди-аламлар, кўз кўриб, қулоқ эшитмаган фалокатлар озми? Мен бош бийликда, аввало мана шундай сир, мана шундай оғир синов борлигини тушунган одамни чин одам дер эдим! Шу гапларни бурчим деб биладиган одам борми? Ҳалқим деган одам, «менинг қонуним — адолат ва ҳалоллик» деган одам боши бий бўлади. Сиз номзод кўрсатмадингиз-ку. Ләкин очиб айтганинг айби йўқ. Мана бу ўтирган Тўбуқтилар ичидаги баҳти-саодатнинг боши Иргизбой. Қолаверса, мана Қунанбойнинг авлодлари борку. «Ўшаларнинг биттасига лойиқ» дейдиган кушомадгўйлар ҳам йўқ эмас. Мен ўша Иргизбойларнинг биттаси бўлсан, бош бийликка буларнинг ичидан бирортасини кўрсатмайман. Лекин кўрсатадиган одамим бу ерда топилмайди ҳам демайман. Қардошларга обрўй, олқиши олиб бермаса, ла'нат айтдирмайдиган, иснод келтирмайдиган, ўзи одил, оқкўнгил бир одамнинг номини атайман. Улур олдига бориб ма'қуллаганда ҳам фақат ўша одамни ма'қуллайман! Шундай қилиб, мана шу Асл оғанинг номини

кўрсатаман. Бўлис ҳам эмас, бий ҳам эмас. Амалдор бўламан, деб орзу ҳам қилган эмас. Холис одам. Адолатли, халқ учун жон куйдирадиган, халққа ёқадиган одам. Менинг маслаҳатимга кирсанг, мана шу Асл оғанинг этагини ушла! — деди.

Абай сўзини тамомлаши бланоқ, Бўкеншининг ишбинармандларидан Кунту бошлиқ Жиренше, Ўрозбой, Абролилар бир оғиздан:

- Баракалла!
- Шундай бўлсин! Бормисан!
- Тўғри айтдинг, ортиқча гапнинг ҳожати йўқ!
- Адолатингдан розиман, Абай! — деб, унинг гапини қувватлаб кетишиди.

Қолган гапларни ўшаларнинг ўзлари ҳал қилиб юбо-ришиди. Энди ўртада бошқа гап айланмай, ҳамма Абайнинг сўзини ма'қуллашга киришиди. Иргизбойлардан Абайнинг гапини ма'қуллаб жавоб қилган бирорта одам бўлмади. Шунингдек, ботиниб норозилик билдирган киши ҳам бўлмади.

Ниҳоят Болқибек сиёзининг бош бийи қилиб ҳалқ номидан Аслбекни сайлаш лойиқ топилганини Абай ўша он Лосовскийга билдириди. Узи ҳам шуни ма'қул кўрганини айтиб, тасдиқлатиб чиқарди.

Абай шу келишида Лосовскийга айтмоқчи бўлиб, кўнглига тугиб юрган Бозорали ҳақидаги бир чети арз, бир чети сирдек гапни қўзғаб кўрди.

Абайнинг ҳамиша Бозоралини ёқлаб, ёнини олиб юришини, унга ўзга бўлислардан бошқачароқ назар блан қарашини Лосовский ҳам биларди. Абай шу ҳақда оғиз очиши блан у гапни қисқа қилиб, ўз бўйнидан соқит қилиб қўяқолди.

— Бозорали Қавменовнинг иши ҳақида мен блан сўзлашишингизни билиб, ўзим ҳам кутиб юрган эдим. Шаҳарда Андреевич ҳам сизнинг номингиздан келиб, мендан Қавменов иши ҳақида сўраган эди. Лекин мен бу ишдан четда қолибман. Қавменовнинг иши Семипалатинск ўязининг ихтиёридан чиқиб кетган. Семиречинск, Семипалатинск областълари орасида юрган босқинчиларнинг—қочқин Ўролбойнинг ишига тиркалди. Унинг бўйнига Қарқарали ўязидан ҳам кўп оғир жиноятлар қўйилиши. Анигини дўстингиз Андреевич мендан кўра батафсилоқ қилиб айтиб берар. Бу иш устидан чиқариладиган ҳукм аввал чиқарилиб тайёрлаб қўйилган экан. Қочиб юрган

Қавменовларниң құлға түшишігіна қолған зди. Менинг билганим ана шу. Ҳукм аввало генерал губернатор маҳкамасида чиқарылған экан. Омскда корпус маҳкамаси ҳам тасдиқлаган әмиш деб әшитдім. Шунинг учун Қавменов Семипалатинскға етиши блан, бизлар бу ерга чиқыш олдидан этап блан Омскға кетди. Үодамнинг эндиги тақдирі үн беш йил каторга бўлиб, ҳал қилиб қўйилди,—деди.

Абай Бозорали ишининг шунчалик оғирлашиб кетганини даҳшат ичидә ўтириб тинглади. Ранги ўчиб, авзо-йи бузилган ҳолда бу гал Лосовский блан хайрлашмай чиқиб кетди.

Бозоралини ушлаб бериб, шафқатсизлик блан бўйнига туҳмат ортиб, приговор тузган, ҳайдатиб юборган Такежон блан Исҳоқлардан Абайнинг кўнгли муздай со-вив, зардаси қайнағ чиқди.

У далада, бошини қаерга уришини, кимни излашни билмай, гангиг кетаётган зди. Фақат Бозоралининг ўтдек нурли юзини эсларди. Унинг оёқ-қўлларига солинган, шилдираб бораётган кишинлар кўз ўнгидан бир нафас нари кетмасди. У, кимлигини билмайдиган, тилига тушунмайдиган, ундаги инсоний фазилатларни англа-ёлмайдиган ёт жаллодлар қўлида. Маҳбуслар чакмонини қайгули гавдасига либос қилиб кетаётган ёлгиз гарип азамат, Абайнинг кўзларидан беихтиёр ёш тўқтириди... Турткі еган кишидек кўнгли ранжиб, ёшли кўзларини ерга тикканича ҳалқнинг шовқин-суронидан холироқ томонга қараб борарди. Орқасидан тасирлаб келаётган туёқ товушларини әшитгандан кейингина эс-хушини йиғиштириб олди. Қараса Абайнинг Ўяз олдидан қандай хабар олиб чиққанини Жиренше блан Кунту билгани келишган экан.

Абай бошини кўтариб, хиёл ўзини тутиб олди-да, Кунтуга қаради.

— Асл оғанг бош бий бўлди. Қутлуқ бўлсин! Ўзига ҳам, ҳалқقا ҳам хабар қилинглар!— деди.

— Адолатингга қойил бўлдим, Абай, ҳамиша оқ йўл берсин! Ота ўғлигинә әмас, ўзинг айтгандек... ҳа деб, айтаверар әдинг-ку! — деб, Жиренше завқ қилиб қўзини қисиб қўйди-да:— ўзинг айттандек, одам боласи бўлдинг, Абай. Таваккал, лекин ўзинг бош бий бўлмасанг ҳам тўрт шернинг бош бийини сайлаб бердинг. Ўзингнинг ҳам юқорию-қуйидагиларга тоза довруғинг кетадиган бўлди-да. Ирғизбойларнинг бирқанча гердайганлари сендан

хефа бўлса, бўлақолсии. Сен бўлмасанг, буларинг ўзининг ким бўлишини қаёқдан биларди! Кунту Аслбек учун қувонса, мен худди сенинг учун қувондим!— деб, Абайни беихтиёр кулдириб туриб, қўлини сиқди.

Гарчи Абай, кулиб турса ҳам, ичига чироқ ёқса ёри мас, ўша алам, ўша дард блан қалби парчаланиб борарди.

— Эҳ, Жиренше, бу гаплар кўнглимта сифай деб турити дейсанми? Бу дун'ёда озод юрган одам: «Бир кун моли дун'ё, бир кун тахти баҳт, обрўй» деб, ҳалак бўлаверади. Мен ҳозир Ўязнинг уйидан, қўксимдан ўқ егандек бўлиб чиқдим. Бозорали, азизим Бозорали, қайларда юрипти десангчи! Лосовский орқали бир чораси топилармикин, деган умидда эдим. Мудҳиш бир хабар эшитиб чиқдим. Ўяз: «Кўлдан кетиб қолди. Иш ҳатто Семей жондаролидан ҳам ўтиб, корпусга кетипти. Ўзини Омсекга ундан ўғига каторгага ҳайдаб кетипти», деб, борумидимни барбод қилиб чиқарди-ку!— деди.

Жиреншенинг ранги қумқуйт ўчиб, серрайганича, турган жойида туриб қолди.

Абайнинг дили сиёсҳ бўлиб умидсизланганича, агар Лосовский ҳам ёрдам беролмаса... Ёрдам беролмайдими ёки ёрдам беришни истамайдими?.. Бозоралининг номини айтар-айтмас Лосовскийнинг совуққина муомила қилганини, нари-бери ўзини четга олиб, ёрдам беришдан бош тортганини Абай эндиғина англади... Тўсатдан Абай Михаиловнинг: «Сиз уни бошқа бир жиддий ишда синааб кўринг, ўзининг ким эканligини ўшанда яққол кўрсатади, қўяди!..» деган гапини эслади. Оқил дўсти жуда тўғри айтган экан-да!.. Агар ёрдам бераман деса, Лосовский катта ёрдам бериши мумкин эди-ку. Ҳеч бўлмаса бўлисларнинг ҳусумат орқасида тұҳмат қилиб ёзган приговорини рад этиб, Үролбойнинг босқинчилигига Бозоралининг ҳечқандай алоқаси йўқлигини тасдиқлаши мумкин эди-ку... Демак, соддадил Кўкбойга қилган марҳаматни Бозоралига қилиш мумкин эмас экан-да. Чунки Бозорали бўлислар, улуғлар блан ҳамкорлик қилишга ҳечқачон рози бўлмайдиган одам сифатида уларнинг душмани ҳисобланади... Евгений Петрович буни ҳам тўғри айтган экан... Ҳаётни ҳам, одамларни ҳам нақадар яхши билади-а?..— деб хаёл суриб борарди. Тўсатдан Абайнинг ён томонидан, курсанд бўлишиб:

— Абай-ку?.

— Абайнинг ўзи-ку!

— Ҳа, мен ҳам айтдим, кечадан бери шу ерда деб излаётган эдимку?

— Бўтам Абай, қаёқда қолдинг асти?!— деб келаётганларга Абай қайрилиб қараса, ўзининг жотоқ дўстлари Даркембой блан Дандибой елиб-югуриб харсиллашиб келишяпти. Қуми-тупроқдек бегона одамлар ичидан Абайнин излаб топган икки кекса чиндан ҳам қаттиқ қувониб кетган эди.

Абай кекса дўстлари блан қўришиб бўлғандан кейин, икки дўстини эргаштириб олиб, ҳозирнинг ўзидаёқ уларнинг ишини бартараф қилиб беришга киришмоқчи бўлди. Биргаллашиб келаётган Даркембойга қаради. Унинг келишган қоматига ярашган янги тўни, ўзига лойиқ тумоғини кўриб хурсанд бўлди. Эралидаги жотоқларнинг эсономонлигини, ҳозирги аҳволини сўради. Уяз уйларининг орқароқ томонида бир тўп одам давра олиб ўтиришган экан. Абай ўзига керак одамларнинг ўша ерда ўтиришганини узоқдан пайқади-да, ўша томонга қараб кетди.

Дандибой Даркембойга қараганда кексароқ, қотмагина, аинча буқчайиб қолган эди. У Абай блан Даркембоядан кейинроқда, қамчисини белига кўндаланг қилиб, икки қўлинини ўшанга ортиб, бел оғриғидан майдамайда қадам ташлаб келаётган эди. Эгнида туюжун чакмони, бошида эски тумоқ. Ажин босган бўйни блан ияги, сийрак соқоли тагидан билиниб турган сўлғун лунжи — бутун кўриниши уни Даркембойнинг отбоқарига ўхшатиб кўрсатарди.

Абайлар яқинлашиб келаётган тўда, Иргизбой казо-казоларининг бошқалардан холироқ ўтирган тўдаси экан. Давра олиб ўтирганларнинг орасида қипқизил магиздай, мош-гурунч соқолли Мойбосар ҳам бор. Унинг ёнида Тажежон, Исҳоқ, Шубор, Оқберди, Ирсойларга ўхшаш Иргизбойнинг қатта-кичиклари ўтиришилти.

Абай кўринмасдан олдин уларнинг суҳбати Абай ҳақида борарди. Унинг ҳали, бош бий сайлананаёттандагапирган гапини, бийликни Иргизбой болаларига бермай, Бўженши боласи — Аслбекка олиб берганини айтиб, гўё у бир гуноҳ иш қилгандек ёзғириб ўтиришган эди.

Бўлислар Иргизбойлардан сайлангани учун, «Улуғ Қупанбой болалари томонида» деган гаплардан сўнгти кунларда Мойбосарнинг кўнгли тўқ эди. У ичидаги: «Бўлиш ёшлардан бўлса, тўрт эл бир бўлиб бош бийлик мансабини Тўбуқтига ҳавола қиласа, уни Ўскенбойнинг ўғли олмай

ким олади? Бу ўртага шундай мартаба келса, бош бий Иргизбойнинг эндиги устуни — мен бўлмай, ким бўлади? деб, овова қилмаса ҳам ичиди бош бийликнинг кайфини сурис юрган эди. Ўзича доимо бекорга ҳовлижиб, йўқ ердаги хаёлларга бораверадиган Мойбосар: «Шу Болқибек сиёзи, эҳтимол, менинг насибамдир. Бош бийликнинг йўли ҳам бошқа. Не-не оғир масалалар, не-не жанжаллар бор. Тұрган гап, буларни ҳал қилучининг ўлжаси ҳам бошқача бўлади. Тўраликининг тушуми ҳам чакки бўлармиди! Худо хоҳласа, шу гал уюрлаб йилқи, қўралаб қўй ҳайдаб кетиш насиб бўлса, унга нима етсин!» деган хаёлларга ҳам бораради.

Энди қараса, буларни йифиб олиб Такежон блан Исҳоқ: «Бир катта бахт ўз оғиги блан келган эди-ку, ўзимизнинг касримиздан бўлиб, Иргизбойга буюрмай, бошқа отанинг боласига буюрди. Ҳамма ишни қилган Абай, Абай-да!» деб ўтиришилти.

Бу хабарни эшитган Мойбосарнинг жони ҳалқумига қелиб, бурнигинги катакларигача қисилиб кетди.

— Абайнинг ҳадидан ошиб, ўзи келган баҳтнинг бошига тепгани нимаси? Аслбекни сийласа, ошини берсин, ўз олдидаги молини берсин. Ота ўғлига, ҳожининг обрўйига тўрт эл ҳавола қилган бийликни бизга раво кўрмай, кўчага ҳайдаб юборганини қаранг? Қардошлилар блан маслаҳат қилиш ҳам йўқ. Бергандা ҳам, ҳеч бўлмаса, писанда қилиб, кўзини очиб, пуллаган бўлса ҳам майли эди-я! Дарвешлардек давлатни қўчага сочгани нимаси? Отанинг обрўйини елга совургани нимаси! — деб кесатиб, вайсаб кетди.

Такежонлар ўзларига ёқмайдиган бу хабарни чўзиб ўтиришмасдан, қисқагина айтиб қўяқолишиди.

Ирсой, Оқбердишлар ҳам Мойбосарнинг гапини қувватлаб, Абайнини кесатиб-нуқатиб ўтишди.

Такежон Шуборга қараб, Абайнини эрмак қилиб:

— Бош бий сайланаётгандан, Абай: «бева-бечораларга, стим-есирларга, мусофири-мужовирларга яхшилик қила-диган одам керак» деб бу гапни нега бунча кавлайверди? Одатда бундай: «Мусофири-мужовир, стим-есир» деган гаплар ўликини даврага олиб, исқот берилажонда айтиларди. «Садақа, ушр-фитирни мусофири-мужовирларга берилсин» дейиларди. Бизнинг бу йигитимиз Болқибек сиёзини бирорвонинг жанозаси деб, биладими? Тўрт шернинг бошини кўшиб ўтириб, Моекенг айтгандек, дарвеш-

ларга ўхшаб гапирса, яномус қилганимдан ерга кириб кетай дедим!— деди.

Шубор Абайнинг ўзини кўрганда, «бошқа оғалар, қариндошлардан унинг йўли бўлак» деб, алоҳида ҳурмат қиласди. Броқ Иргизбойнинг мана шу Такежон, Мойбосарларга ўхшашиб зўравон, инсонлик ҳиссисидан маҳрум бўлган кишилари блан учрашганда, у ҳам Абайнинг орқасидан эрмак қилиб кулишни энди-энди машқ қилиб келаётган эди. Унинг узун қирра бурнининг учи ба'зан учиб-учиб қўярди. Ҳозир бурнининг учи яна учиб кетдида, пиқ этиб кулиб асқия қилабошлади.

— Такежон оға, дарвеш дейсиз, Абай оғам айтсалар худо йўли блан мусулмончилик йўлини айтаёттирлар да? У киши айтган гапларни дарвешлар эмас, эшонлар-пирлар, уламо-фузалолар ҳам ҳар куни айтиб, дилингизга жо қилаёттир-ку! Ахир, Болқибек сиёзида ҳам худонинг йўлини таниб кетмасак, бўладими?— деб, кулиб юборди.

Унинг сўнгги сўзлари усталик блан қилинган истеҳзали масхаралаш эди. Шу ерда ўтирган Йргизбойларнинг ҳаммаси, руҳонийлар ривоят қиладиган бема'ни гапларни ёқтирамайдиган Абайдан қаттиқ кулишди. Шу гапнинг устига, икки чоъ блан бирга келаётган Абай кўриниб қолди. Иргизбойларнинг кўпчилиги Абай блан тўқнашганда, чурқ этолмай, чап бериб кетадиган одатлари бўйича, кулгини йиғиштириб жим бўлишди. Такежон, уст-боши тўзиган, қадди букилиб келаётган қашшоқ Дандидой чолни бир қараашдаёқ таниб, яна кулгисига кулги қўшилиб:

— Ана камлик қилган бўлса, Абайнинг улуғни ҳам ташлаб чиқиб, яна мусоғир-мужовирларни етаклаб келаёттир!— деди.

Ўтирганларнинг кўпчилиги энди сўз қотишга ботинолмай, Абайни кутиб туришарди. Такежон секин-секин яна эрмак қилиб кулабошлади.

— Худонинг қудрати, бизнинг Абай шу йил кўкламдан буён қандайдир тақводор бўлиб кетипти. Еки анавилари подшони ўлдирғанларидан кейин, буниси тавбага келдими. Бундай қиласверса, қулчилик қилиб ҳали ҳажга ҳам кетмаса денг. Яна бир кун эмас, бир кун бошига салла ўраб, зикр тушиб, «афанди» бўлиб келган Абайни кўрмасак гўрга эди!— деди.

Шубор, Мойбосарлар ҳам кулгиларини ичларига ютишга уриниб, қизарганинчалича пиқирлаб қолишиди.

Шу тобда Абайлар буларнинг ёнига етиб келишди. Икки чол Иргизбой тўпига салом бериб, уруғ-аймоқнинг, мол-жоннинг омонлигини сўрашди. Лекин Иргизбойлардан ҳечким улар блан дурустроқ сўрашгани йўқ. Чунки буларнинг жотоқлиги, экинларини довлаб хархаша қилиб юришгани ўтирганларнинг жўпчилигига ма’лум эди. Ҳозир бирор нарса демаса ҳам, бу чолларнинг Абайнин бошлаб юришлари бечиз эмас, деб билишган эди.

Иргизбойлар ичидаги бугун кўрмаган катталари бўлса ҳам Абай салом бермади. Оғзида папирос. Икки қўлини чакмонининг устидан орқасига ташлаб, зардаси қайнаған ҳолда совуқ, синовчи назар блан тикилиб турди. Иргизбой тўпининг каттадан-кичигини бир-бир кўздан кечириб чиқди. Шу зайлда индамасдан туриб-туриб, кейин папиросини қўлига олди-да:

— Такежон, Исҳоқ, Шубор! — деб дағал товуш блан қаторасига санаб териб олди-да, — қани уч бўлис, уччовинг буёққа, четроққа чиқ! Сенларга гапим бор! — деди. Шундай деди-ю, чолларга папирос ушлаган қўли блан илгари боришга ишора қилиб, четга чиқиб кетишди.

Такежон блан Исҳоқ семиз гавдаларини аранг қимрлатиб, лапанглаб ўринларидан туришди. Шубор ҳаммадан олдин дик этиб туриб, ихчам, келишган қоматини ростлаб олди-да, дарҳол Абайнинг орқасидан эргашиб кетди.

Булар бирнеча киши бўлиб давра олиб ўтиришлари блан Абай гап бошлади.

— Мана бу Даржембой блан Дандибой сиёзга бир да’во блан келишган. Булар бултурдан бери ҳақларини ололмай юрган кўзи ёшликлар эканлигини мен яхши биламан. Булар тортган қулфатни ўзларига айтдирмай, ўзим сўзлаб берсам ҳам, ҳақларини еган кишилар бўйин товлайолмайди. Булар ўз шахсий дардларини айтиш учун эмас, қирқ уйли жотоқлар номидан келишган. Шаҳардан келаётганимда: «Ичингиздан вакил сайлаб, Болқибек сиёзига юборинг, мана шу икковини юборинг, сиёзда сизларнинг номингиздан мен ўзим сўзлайман!» деб, буларни ўзим айтиб келганман. Энди буларнинг ишини сенлар, мана шу уччала бўлис битиришларинг керак! Қаерга бориб додини айтмасин: «Ҳақимиз шуларда!» деб кўрсатадиган кишиси ҳам уччовингсан! — деб, Абай уч бўлисга тикилиб қаради.

Такежон Абайнин ёмон кўриб, ғижиниб ўтирган экан.

— Ийе, «Сизлардан да'во қиласди» дейсан, Такежон блан Исҳоқ уларнинг овулига босиб бориб одам ўлдирдими? Иккита исқирип, ногиронингни қилтиллатиб бошлаб келиб, менга пеш қиласан? Еки уларнинг башарасини кўрсатиб, мени чўчитмоқчи бўлаётисанми!— деб, жеркиб ташлади.

Абай қаттиқ ғазабланганидан, ранги оқариб кетди-да, Такежонга ўқрайганича ҳайқириб юборди.

— Ҳай Такежон, ҳаддингдан ошмай гапир. Оёғингга қараб бос! Бу кексаларнинг сирти ёмон бўлса-да, ичидан қабиҳлик тополмайсан. Қашшоқлик булар блан бирга туғилган эмас. Бўлислик ҳам сен блан бирга туғилган эмас!

— Худо муҳтоҷлиқдан бошини чиқармаган бенавола-рингни қашшоқ қилган мен эканман-да!

— Сенсан!

— Бундан бошқа түхматинг ҳам борми!

— Сенсан! Ўзинг бўлмасанг отанг Ўскенбой, Қунанбой, Мирзатойлар! Булар кулингдан кириб, косовингдан чиқканлар. Ота-онасидан тортиб сенинг авлодларинг эшигига умри хизматкорлик, қуллик блан ўтган одамлар. Куч-қувватини олиб, ранги-рўйидан айриб, қариган чоғида кераксиз қилиб, ҳайдаб дарбадар қилиб қўйганларинг! Қамбағаллиги, нимжоплигидан бошқа ҳеч айби ўқ. Кўзи ёшли қардошлар шулар!— деб, қовоғини солиб олди. Шу он ғазаб ичидаги Абайнинг хаёлига қайраб қўйилган қора болта блан ҳуқуққа эга бўлаолади деган гап келди. Асли шундан яхши чора йўқ деган хаёлга борди-да, баттарроқ қизишиб кетиб, қаттиқ-қаттиқ гапирабошлади.

— Алқандозлик қилмай, тўғри гапир. Мана шу Болқибекда, ҳалойиқнинг кўзи олдида буларнинг ҳақини, ҳалол молини ками-кўсти қилмасдан қўлига тутқазасан ҳамманг! Қани бермай кўрчи! Мана шу ўтирган Қунанбой болалари, шу ерда, тўрт шер бош қўшган йигинда шарманда бўлмайман десаларинг, ҳозирнинг ўзида ҳаракатингни қил! Буларнинг ҳақи ўзларингда ҳам, сенларга тобе' бўлган ўзга кишиларда ҳам бор. Ўзларингни тўрт томонга ташлаб, билмасликка олма-да, буларнинг ҳақини ўрнига қўй. Бўлмаса ҳозир ўрнимдан тураману, ишга киришаман!— Қани, жавоб бер дарров!— деди.

Абайнинг сўнгги гаплари Такежонни беихтиёр ўйлатиб қўйиб, товушини ўчирди. «Ҳозир ўрнимдан тураману, ишга киришаман» дегани: «Улуққа — Уязга бориб айта-

манъ дегани. Бу гапдан Такежоннинг юраги шув этиб кетди. Исҳоқ ҳам оғиз очишга ботинолмай, Абайнинг юзига ҳам қарайолмай ўтирган эди. Жотөқлардан олиб Ақимбет овулига оширилган етти отнинг можароси, ҳали Даркембойни кўрганидан буён Исҳоқнинг кўнглини ғаш қилиб турган эди. У ҳамма қариндошларидан кўра, Такежон блан бирга иш тутса ҳам, Абайнин ҳурмат қилганиданми ёки қўрққаниданми, доим уни бир улуғдек кўрарди. Булар орасида Абайга гапни англатиб, сўзини ўтказаоладиган — Шубор эди. Шунинг учун Исҳоқ эндиги умидни ундан кутиб, Шуборга қаради.

Абай блан Такежон гапга боришиб қолган пайтда, аралашмай ўтиришни Шубор ўзига эп билмади. Лекин Абайга қараб эмас, Даркембойга қараб гапирди.

— Хўш, қариндошлар, сизларнинг ўз оғзингиз блан айтадиган арзингиз ҳам борми? Қани, қандай да'во, қандай жанжал ўзи? Энди гап очилди-ку, буёғини ўзларининг ҳам айтингчи! — деди қизишимасдан, вазминлик блан гап бошлаб.

Даркембойнинг гапи ипга тизилгандек тилининг учидаги тайёр туран экан. Тортинмасдан дадил товуш блан тикка гап бошлади.

— Чироқларим, бизлар жанжал кўтариш, ғавро қилиш учун келтганимиз йўқ. Унга бизда ҳол қани-ю, қудрат қани! Абайга орқа қилиб, бироннинг ортиқча молини сўраб оламан деган ният ҳам йўқ. Ҳалол молимни йўқлаб келдим. Ёлғиз ўз манфаатим учун эмас, кўпчиликнинг тилаги блан келдим. Йкки хил да'вом бор. Қирқ уйли жетоқларнинг икки ҳисса бўлиб кетган ҳақи бор. Аввало шуки: ўтган йил кузда пишиб турган беш ер экиннимизни мана бу Такежон, Мойбосар, чирогим Шубор, ўз овулингнинг, ана у Сугир овулининг йилқилари еб кетди. Огулларингиз Оқ Еспе, Сар Жириқ, Тақир Тума, Қашамада ўтирганида, кетма-кет тўрт кеча йилқиларингиз тушиб, пайҳонлаб кетди. Бултур ўша ҳақимизни йўқлағаёт эдик, ўлган устига тепган дегандек, бу йил кўклам ҳам эндигина кўкариб қилтаноқ отиб келаётган экиннимизни яна ўша огуллар босиб янчид, тупроғини ўйнатиб кетди. Ноң ўрнига кесак тишлатиб кетди. Кўкка қаратиб улитиб кетдинг, қардошлар! Бу бир. Йккинчидан — мана бу Исҳоқ чирогим, сенинг Қизил Мўла бўлисингнга қарашли, уччига чиққан ўғриларнинг овули — Ақимбет овули бор. Етти бирдек отимизни олиб кетиб кўзини йўқотди. Мана

шу икки чол орқасидан йўқлаб бордик. Оигт омопсиз, жон гумонсиз, таппа устига босиб бориб, бўйин тўлғатмай, ўғриларнинг гуноҳини бўйнига ҳам қўйдик, лекин орада хат юриб қолди. Гап-сўз, салом, илтимос деган бало юриб қолди. Молимизни чиқариб берган ўғри ҳам олдимиздан топилди. Ушани кўз қиймадими ёки Исҳоқ биздан кўра ўз қўл остингда бўлган Ақимбет овулининг гапини кўпроқ этиборга олдингми? Етти бирдек отимнинг ўрнига еттига улоқча ҳам эга бўлолмай, яна қон қақшаб, чирқираб қолдим. Абайга айтмай кимга айтаман? Ҳақимни олиб берадиган йиғин бўлса, нега арзи-ҳолимни айтиб, молимни йўқламай қолаверар эканман? Менинг гапим ана шу, бўлисларим!— деб, Даркембой сўзини тамом қилди.

Даркембой сўзлаётганда, Такежон ғазабига чидолмай неча марта тутоқиб ҳам кетди. Бирнече марта қўзғолиб қўйиб, Даркембойга қараб қовоғини солди. Ўшқириб, жеркиб ташламоқчи бўлиб, оғзини жуфтглаб ҳам кўрди. Лекин дастлабки олишганида Абайдан енгилиб, юраги безиллаб қолган экан. Ичида қайнайтган аламини сиртга чиқаролмади.

Даркембойнинг гапидан кейин орага жимлик чўқди. Бироздан кейин Шубор эпини қилди. Агар бу гап улуенинг қулогига етса ҳам, бийларнинг ўртасига ташланса ҳам, Қунаңбойнинг шу ўтирган уч бўлис ўғлига обрў олиб бермай иснод келтиришини дарҳол фаҳмлади. Бунинг устига, Абайни тийиб қўйиш ҳам қўлдан келадиган иш эмас. Шуборнинг нақадар эпчил эканлиги, мана шу катта ишни силлиқлик блан бартараф қилишида очиқ кўринди. У Даркембой, Дандибойларга гўё кўп вақтлардан бери сирдош, мунгдош одамдек пинжига кириб, очиқ чеҳра блан боқди. Қулги аралаш иссиққина гап бошлади.

— Шундай қилиб, икки чол, қараб турсам, бугун ҳақларингий юбормайдиганга ўхшайсанлар-ку. Ўзларинг менинг бўлисимдати одамлардан. Бегоналар блан довлашсанглар, ўзим ёқлашм керак бўлган фуқароларим экансанлар. Фуқароларим десам ҳам бугун мендан баланд келаётисанлар. Бу йиғинда Қунаңбой болаларига шу икковингдан бошқа ботирлик блан гапириб, сўзи ни ўтказган қозоқ боласи йўқ, десам ёлғон бўлмас! — деб кулиб қўйди. — Бир томонингда ҳечкимга гапини бермайдиган Абай оғам ўтирипти. Унинг нариёғида Уяз, бер ёғида бош бий турипти. Қайсибирига бориб арз қилсаларинг ҳам биздан кўра оснларнинг гапинг ўтади. Унда

тспадан уриб, товондан чиқарилади. Шундай қилиб, сен икковинг қирқ уйликнинг ичидаги комади келган, оқийултой чоллар бўлдинглар-да!» Қардошлар, бу ерда айтишиб, тортишгудек ҳеч гап йўқ. Бир битимга келиб қўяқолайлик. Бу гаплар ўтган йилдан бери менинг ҳам қулоғимга чалиниб юрган эди. Аслида, худога қараган ма'қул-а!— деб, Такежон блан Исҳоққа кўз ташлаб қўйди.— Қардошлар, буларнинг ҳақини ўзимиз ҳам емайлик, ўзгага ҳам едирмайлик! Гап шу бўлсин. Фақат шу ерда Абай оғамнинг ўzlари бир ҳукм чиқарсинглар-да, бу гапларни бартараф қилиб юборайлик! — деди.

Мана шу чигал гапларни анча усталик блан неча томонга буриб, тўғрилаб олиб чиққан Шубор, Абайнинг назарида кўп уддабурон кўринди. Ичидаги: «Такежон, Исҳоқларга қарагандаги, мана бу анча зийрак экан! Еш бўлса ҳам ақл-фаросат шундан чиқадиганга ўхшайди, бунинг истиқболи баланд бўлар. Броқ, у қайси йўлдан борар экан!» деган хаёлга бориб, ўйланиб қолди.

Дандибойнинг ўзи гапга аралашмаса ҳам, Шуборнинг ҳалиги сўзи Такежонни кўндириб, буларни рози қилиб, Абайга сабр бериб, яна Қунанбой болаларининг обрўйини сақлашга тиришиб, усталик блан олиб борилаётган гап эканлигини жуда яхши тушунди. Ичидаги ниманидир ма'қуллаёттандек, бош иргаб ўтириди-да, кейин томогини қириб қўйиб:

— Ҳа-а-а! Сўз жўясини топса, мол эгасини топади-да. Ундан бўлса, кўрнинг тилагани икки кўзи, ҳимматнинг қуллиқ, чироғим. Еш бўлис бўлсанг ҳам, бош бўлис сен бўл. Нима десанг, шу бўлсин! — деди.

— Айтсин, айтсин! Шубор ҳамма гапни айтди, ҳукмни Абай оғам айтсин! Биз рози, нима десалар қабул қилдик!— деб, Исҳоқ ҳам дарҳол кўнақолди.

Икки иниси, икки бўлис ма'қулга келгандан кейин Такежон ҳам бўйин товламади. У ўзидан ҳадиксираб: «Улуққа гапи ўтиб турган Абай бирда бўлмаса, бирда бирор заҳмат етказиб қўйиши мумкин. Ҳа деб унинг блан ўчакишаверишининг хосияти йўқ» деган хаёл блан ўтиради. Шунинг учун газариб, дамини чиқармай, тишини тишишга қўйиб, Абайнинг ҳукмини кутди. Ниҳоят, ўтирганинг ҳаммаси Абайнинг оғзига тикилди. У, гапни чўзиб ўтирмай, шартта-шартта айтиб қўяқолди.

Абайнинг ҳукми бўйича жотоқлар ўтган йилги ва бу йилги экини учун бир ер экинга икки бошдан йигирма

бош мол оладиган бўлишди. Бу йил алдирган етти йил-қиси учун бошига қўшоқ, орқасига тиркови блан ўн «тўй» оладиган бўлишди. «Тўй» бу элларнинг ҳукмида бир яхши от ёки қулинлик бия, ёки бузоқли сигир бўлади. Экиннинг йигирма бош молини ҳам Абай аниқлаб, йигирма «бести — беш яшар от» деб, «қоқ» деб кесди. Абай ҳукмини айтаётгандан, икки чол азбаройи севинчлари ичи-та сиғмай, шошиб кетганларидан оғиз очгудек ҳоллари қолмай, фақат ичларида: «Ё омад, омин! Айтганинг келсин!» деб, ўтиришди.

Гарчи бундай ҳукм уч бўлисга мисли кўрилмаган ишдек туюлса ҳам, улар чор-ючор, тинкаси қуриб жим қолиши. Ҳукмни сен чиқар дегандан кейин, яна бирор нарса дейиш битимга хилоф иш бўларди. Яна Абай ундей гапларга энди йўл қўяди деб, Такежон ҳам, Шубор ҳам умид қилаолмас эди. Абай ўз ҳукми буларга малоял келаётганини билиб турган бўлса ҳам, парво қилмади. Ҳечкимга очиқ чеҳра блан қарагани ҳам йўқ. Қовоқ солиб ўтириб гап бошлади.

— Бу ҳукм айтилди. Бу ўз йўлига. Энди ҳамма гап мана шу шўрлик икки чолнинг қўлига тегадиган молда қолди. Йичингда оғирсиниб, сиртингда чала кўниб ўтирибсан. «Кейинчалик кўрамиз!» деяётган бўлсаларинг керак. Болқибек сиёзи тарқалгандан кейин думингни тутқизмай, қуруқ гапдан нарига ўтмаслигингни мен жуда яхши биламан. Агар шу ҳукм ҳукм бўлса, ҳалиги айтилган ўттиз қора уч куннинг ичидагана мана бу икки чолнинг олдида «тўқи-тўқдек», «қоқи-қоқдек» тўрт оёғи блан юриб келиб ҳозир бўлсин. Уччовинг ҳам бўлиссан. Ақимбет овули — бирингда. Сугир, Мойбосар бирингда. Узмолларинг ўзингдан йироқлаб кетган, қўлга кириши қийни бўлган мулк эмас. Ҳозир менинг кўз олдимда чопарларингни тўрт томонга югуртириб ҳамманг. Мана шу уч кун ичидаги берадиган молларни тўла-тўқис етказиб келиб топширглар! Қўлларига топшираётганингда, ишнинг боши-қошида ўзим бўламан. Кўзим блан кўриб: «Ҳукм энди амалга ошди, бу иш энди бартараф бўлди» деган қарорга ўшандагина келаман. Унгача мана бу иккови шу ердан бир қадам нари силжимайди. Шартим шу. Бу иш тамом бўлса, фақат шу тахлитдагина тамом бўлади. Үқдила-ринги ҳамманг? — деди қат’ий қилиб.

— Тушундик, тушундик! — деган гапларни Абай дикқат блан тикилиб туриб, бўлисларнинг оғзидан зўрға

сугуриб олгандек бўлди. Шундан кейин папиросини чекиб ўрнидан турди-да, чолларини эргаштириб кетди.

Уч кундан кейин, Абай айтгандек, ўн «тўқ», фалонча «қоқ» деб ўлчанадиган беш ёшли отга баравар моллар тугал ҳайдаб келтирилди. Даркембой блан Дангибойларнинг олдига тўппа-тўғри ўттиз қора тушди. Икки чол севинчларини ичларига сиғдиролмай, қайта-қайта тамшанар, завҳ қилиб атрофида айланишарди.

— Шўрли жотоқлар, роса қувонишади-да.

— Бу тўлов эмас, қалин учун бериладиган мол ҳам эмас! Бир азаматнинг хуни дейишга арзийдиган бўлди ўзи!

— Жотоқ, жотоқ бўлгандан бўён шундай қўли узаниб, ҳақини олганими? Қўлим етар, деган гап хаёлига келганими?

— Айланай сендан, Абайим!

— Асти кам бўлма! — дейишарди.

Қам-қўстсиз келтирилган молларни Абай кўздан кечирди. Буларни энди жўнатмоқчи бўлиб турганда, яна бир шубҳа туғилиб қолди.

Бундай шубҳа туғилишига зийрак, эҳтиёткор Дангибой сабаб бўлди. У кичкина, қисиқ қўзларини милтиллашиб туриб, илжайганича:

— Абайжои, олиб беришга олиб бердинг. Бирталай молни олдимга солдинг. Броқ, бир шубҳа юрагимга ваҳима солиб турилти. Йўл йироқ, яна хилват, зада бўлиб қолган кўнгил қурғур шуни «менинг пешонамга сиғмайдими?» деб турипти. Бу ерда-ку булар молни бериб кўниб туришипти, лекин нарироққа боришимиз блан, икки чол дун’ёни-жаҳон молни олдимиизга солиб кетаётганимизда, «ўғрилар» иккавимизни икки ерга юмалоқ-ёстиқ қилиб, яна бор-йўқни шилиб кетадими, дейман? — деди.

Дангибойдан кўра таваккалчироқ, ҳали ҳам қалбida ўти сўнмаган Даркембой:

— Э-э, қўйсангчи, ҳа деб юраксизлик қиласверма! Ким пойлаб турипти дейсан? Эл ичи эмасми! Йўловчилар учарар, ҳамроҳ бўлиб кетармиз! — деди.

Шу молнинг эсон-омон бориб жотоқнинг қўлига тегишини Абайнинг ўзи ҳам орзу қиласарди.

— Йўқ Даркембой, Дандекенг тўғри айтиётир. Эл ораси йироқ, яна хилват. Илашган ҳамроҳнинг ўзи ҳам ҳавфли. Ёмон айтмай, яхши йўқ. Қўй, ундаи бўлса, ёнингизда ҳеч бўлмаганда бирорта дадилроқ йигит бўл-

син! — деди-да, орқасида турган Боймагамбетни та-
қириб:

— Боймагамбет! Мен сени сафарга жўнатмоқчи бўла-
ётирман. Хозир мана бу икки чолнинг молини ҳайдашиб
Бойқўшқорга, бизнинг овулга бор. Аввало ўша ерда бир-
икки кун тикиқиб олйнглар. Ундан кейин бир яхши оғта
миниб ол-да, ўз қўлинг блан Эралига, жотоқларга эсон-
омон топшириб кел. Айгеримга салом айт, мана бу иккита
оқсоқолни яхшилаб кутиб, хурсанд қилиб жўнатсан. Сандиқда олти отар тўппонча бор, ўшани сенга олиб
берсинг. Энди, ўёғини худога топширдим, хайр кексалар!
Эл-юртингдагиларга салом айтинглар! Энди худо деб
кетаверинглар! — деди-да, жекса дўстларини жўнатди.

Хулди шу фурсатда нарироқда ўтирган Такежон боли-
қа бир маслаҳатда эди. Енида ўтирганлар Эралига донғи
кетган машҳур ўғрилардан — Серкебой блан Турсун. Еш
жиҳатдан булар иккови тенгдош бўлиб, гавдаси ҳам
кеシリган ғўладек бирхилда йўғон эди. Улар ҳам ёш, ҳам
тиниб-тинчимаган, чиндан ҳам бало-қазоға ўхшаган ўғри-
лар эди. Булатнинг тинмаслигига бир томондан мана шу
Такежоннинг ўзи ҳам сабабчи эди. Ҳар икковига ҳам ўзи
ёрдам бериб ҳимоя қилиб юради. Бовирдан қистов бе-
риб, ўша ерга ўрнаштирган ҳам ўзи эди. Такежон шу
икки ўғрини холи жойга чақириб, молларини олиб кета-
ётган Даркембойларни кўрсатди.

Иккала ўғрисини, аввало, тоза ҳақорат қилиб ол-
ди-да:

— Ҳой, икки ит, мана бу шум жотоқларда кеким ке-
таётир. Шу кекимни олиб бермайдиган бўлсаларинг.
орқаларингдан ёв қувгандан паноҳсиз қолаверасавмар,
икки кўипак шуни билиб қўй! — деди.

Турсунбой салмоқлаб, дудукланиб гапиради. Жуда
оғзи чакки, аскиячи ҳам эди.

— Ийе! Так-к-кежоней, қўлим-мни қўйвор... от-т-
танг-ин... ў-ш-ша жотоқни! — деб, ҳозирдаёқ бир ёмон-
ликни бошлагуси келиб қолди.

Серкебой бўлса, жотоқларнинг молини бир марта
олиб, балога қолгап эди. Шунинг учун ортиқча шошилма-
ди. У ҳаддан ташқари маккор эди. Такежонни ишонтирганда
ҳам, ҳозир эмас, қишининг беш бўрони ўтгандан
кейин, деди. Изини ҳам қолдирмай осмонга учиб кеттан-
дек исини чиқармай жойлашини билдириди. Бу гап Таке-
жонга ҳам ма'кул тушди. Икки чапдаст ўғри блан Таке-

жој бир-бирларининг мақсадларига тушуниб тарқалишди.

Абай бўлис бўлмаса ҳам, Болқибек сиёзида жонидили блан аралашган иши жотоқлар иши бўлди. Бошқа иши йўқ эди. Энди эл блан эл орасидаги можаролар, тахти-баҳт талашлари, да'во-жанжаллар қай йўсинда бораётганини кўрмоқчи эди. Бир томонда улуғ, бир томонда бош бийнинг олдида бу масалаларнинг қай тахлитда қўйилиши, қандай ҳал қилинишини билиш ниятида бирнеча кун ҳаяллаб қолди.

Шу орада бошқа қардошларнинг бир катта иши қўзғолди. Бу — мана шу сиёзда кўриладиган ишлар ичидагоят чалкаш, кўп жанжалли иш эди. У, сержамоа Керей эли блан Сибон орасида шу йил қишдан бери катта шовшувга сабаб бўлган: «Солиқа қизнинг можароси» деб шуҳрат топган жанжал эди.

Керейлардан Қўжагелдининг стилиб ўтирган қизи Солиқа, Сибон элининг бир йигитига айтдириб қўйилган эди. Ўтган йил бўлажак куёв, қизга тенгдош йигит ўлиб қолди-да, Сибон эли қизни урфи-одат бўйича қайнағасига атаб қўяди. Қайнаға бўлмишнинг ёши олтмишга борган бўлиб, икки хотинли киши эди. Қизнинг қалини моли бутунлай бериб қўйилган. Ўтовини тикиб, сепини бутлаб ўтирган ўша қизни кекса қайнаға учинчи хотин қилиб олмоқчи эди. Бундан норози бўлган жасур, ўткир қиз, ўз элининг барча Қўжагелди, Шақантойлар ичидаги казо-казоларга хат ёзив, арз қиласди. «Суягингни хор қилма, элим, аввалги хоҳишингта бўйсунган эдим. Чипор илон бўлсан ҳам, Керей, сенинг наслинг эдим-ку. Еш умримга зомин бўлма. Отамдан қари, қовжираган, мўнкиллаган чолнинг кўп хотинларидан бири қилиб бермал» дейди. Қизнинг оҳи-зори ҳалққа етиб боради. Керейнинг эр йигитлари, ёш-ялангларининг ҳамиятига тегиб: «Қизни хор қилмаймиз» дейишади. Кекса оқин унинг оҳи-зорини қўбиз блап дўмбирага қўшиб: «Солиқа қизнинг тукқан элига қилган арзи» деб юят мунгли куйга солиб айтади. Ҳадемай, ўша Солиқанинг аламли дарди, Керей элининг ёш-қариси баравар айтадиган қўшиқ бўлиб кетади. Қўй боқиб юрган қўйчивон, от устида юрган йилқичидан тортиб, тўйҳашам ва бошқа йигинларда қиз-жуон, йигитяланг, ҳатто болаларгача шу мунгли қўшиқни куйлайдиган бўлади. Дардли қиз ўша Керей эли ичидаги Шақантой авлодидан ўз тенгини, хуштсрини топади. Шундай қилиб

Керей «қизнинг кўз ёшини оқизмаймиз» деб, ноилож буруиги қудалиқдан ажрашга аҳд қиласди.

Лекин бу хабар қуда томонга етиши блан, ҳархил гап чиқади. «Бу — зўравонлик, назар-писанд қилмаслик. Арвоҳларни хотира қилмаслик. Сибон-Найманнинг номусини ерга букиб, оёқости қилишлик!» — дейиши. Бу гап қўпчилижнинг иззат-нафсига тегиб, фисқи-фасод гапларга айланади. Кўп узоққа бормай, орада бир мартағина элчи юборилади-ю, ҳар икки тарафда каттакон душманлик рўй беради қўяди.

Ердан қор кетиб, кўк чиққанидан буён Сибон блан Керей бир-бирининг устига босиб келиб, баримта олишаётган эди. Қўплаб лашкар тўплашиб, зўр қирғинлар қилишаётган эди. Ҳар икки тарафнинг ҳам сўйил еб йиқилган, оғир ярадор, майиб бўлган азаматларининг сони шу кунларда элликка яқинлашиб қолган эди. Мана шу сиёс бўлаётган кунларнинг ўзида ҳам Кўжагелди блап Шақантой уруғида тиним йўқ эди. Найманнинг ҳам йилқиси ҳар кун тўс-тўполонга учраб туради. Керейнинг баримтасилари ҳам тасирлатиб босиб бориб, найзабозлик қилиб, уларни ҳам тинч қўймаётган эди.

Болқибек сиёзи чақирилиб, Қарқарали, Семей ўязлари келиб бош қўшганда кўриладиган энг катта, муҳим, тез ҳал қилиниши зарур бўлган иш — шу Солиқа қизнинг можароси эди. Йиширок этучиларнинг сони кўп. Сиёзга келган Найман-Сибон кишилари, Керей одамлари шу ерда ҳам зиддан қаттиқ олишаётир. Шу ерда, Болқибекда ҳам ҳар икки тараф ўз ўязларига бир-бирининг устидан арз тушираётир. Ёлғон гувоҳлик бериб, жон-имоннии ўртага солиб, онт ичишаётир.

Тўрт шер бирлашиб, ўтказаётган бу йиғилишда Найман-Сибон блан Керейларнинг ўртасидаги низо' кучли бўлгани учун, ўртадаги холис Тўбуқти осонлик блан обрў қозонган эди.

Абай Аслбекка олиб берган бош бийлик Тўбуқтига осонгина тегишининг тагида шу сингари катта гаплар бор эди. Икки шернинг бир-бирига кўзи қиймай, қизро нишиб, маҳкам ёпишиб оладиган мансабини, Тўбуқти устун бўлгани учун олган эмасди. Уни Мойбосар, Таксажонлар: «Аргин оға бўлгани учун гап-сўёзсиз бизга насиб бўлди», яна «Ускенбой бий, Қунанбой ҳожининг обрўйига бош урганидан, элнинг ўзи бизга ҳурмат юзасидан топширди!» деса, унинг ҳаммаси қуруқ қўлиши-

лик. Иргизбойларнинг ҳишиниб, осмондан келиб қиласа-
диган мақтанчоқлиги, холос.

Ҳар икки томоннинг ғаразгўй бўлислари: «Бу ишни
ким ҳал қиласди?» деган сўроққа жавоб тополмай, ган-
ги қолишган эди. Ўязларга: «Ихтиёр сизда, бу ишни
ўзингиз ҳал қилинг» деб, арз ҳам қилишди. Лекин улуғ-
лар бу ишдан бош тортишди. Ишни бош бийга топши-
ришга Керей қаршилик қилди. Аслбекни «Сибонлар-
нинг куёви» деб, «ғаразгўй, бўйнида хунимиз бўлган,
бизга душман овулнинг, Оқтайдоқнинг куёви» деб,
Керейлар норозилик билдиришди. Аслбекнинг ўзи ҳам:
«Қардошларнинг маломатига қоламан» деб, бу ишдан
воз кечақолди. Шу ҳақда Аслбекка, Кунтудек қариндош-
лари, Дутбайдек тилакдош яқинлари: «Ҳукм чиқариб,
ўлжа олишга имконият бор эди. Олдингта ўзи келиб тур-
сан беҳисоб давлатдан бекор тортинчоқлик қилдинг-
да!» — деб, қаттиқ койишган эди.

Худди шу пайтда Сибонлар блан Керейлар ўртасида
Абайнинг одиллиги, ҳақиқатпарварлиги довруқ бўлиб
кетган эди. Абай қилган икки ишни бунга шоҳид қилиб
жўрсатишаётган эди. Халқ: «Қунанбойнинг болалари бош
бийликни ўзимизга бер деб, ҳарчанд ёлвориша ҳам
Абай кўнмапти. Қардошларнинг сўзига кириб, йўлдан
озмапти. Халқа адолат блан фойда келтирсин, деб, бош
бийликни ўз жигарларидан тортиб олиб, фақат хешлиги
бўлган Аслбекка берипти» деяётган бўлса, иккинчи бир
гап сўнгги кунларда тарқалган эди: «Жотоқларга Абай-
нинг ўзи ҳомий бўлипти. Ҳукмни ҳам ўзи чиқарипти.
Бўлис бўлиб ўтирган, зўравон қардошларини додлатиб
туриб, ўтизта қорамолни олиб берипти. Аслида, олдига
арз қилиб, доя-жанжал блан борган одам, адолатни шу
йигитдан топадиганга ўхшайди. Қариндош-уруғига ён
босмайди. Аксинча, олдига келган икки да'вогарнинг
бири ўзининг яқини бўлса, оғирликнинг кўпини ўшанинг
гардонига қўйиб юборади. Халқа ҳалол хизмат қила-
диган, ғамхўрлик блан ҳалқа қайишадиган йигит» дейи-
шарди.

Бундан ташқари Найман-Сибон, Керей-Уоқнинг бўлис,
бийларнинг қулоғига етаётган бошқа гап ҳам бор эди:
«Абайни Семейнинг бутун улуғлари билади. Ҳаммаси шу-
нинг гапига қулоқ солади» дейишарди. «Бу кунда Қунан-
бой Қунанбой эмас, унинг кечаги Қунанбой деган донғи
бўлмаса, ҳозир тирик арвоҳ холос. Бўлис бўлиб юрган ёру-

биродарлари бўлса, улар ҳам ўзиб чиқсан етук кишилар эмас. Такежон, Исҳоқ деганлари бўлса, отасининг обрўйидан фойдаланиб юрган сирти силлиқ, безҳсон маҳлуклар. Тўбуқтида биронта инсонлик фазилатига эга одам бўлса, у ҳам ёлғиз Абай. Бўлис бўлиб юрганларга қараганда, қўлида мансаби бўлмаган Абай одам ҳам, азamat ҳам» дейишарди.

Бу гап Керей блан Найманлар томонидан тикилган уйларда давра олиб ўтирганлар ўртасида кун бўйи қайта-қайта гапириб ўтилди. Шу гаплар та'сирида Жумақон Лосовскийнинг олдига ҳам кириб чиқди. Тўйсари эса, Қарқаралининг улуғи ҳузурига бориб маслаҳат қилиб келди.

Ҳеч гапдан хабарсиз, фақат Аслбекнинг бош бийликни қандай бажараётганини, Жиренше, Ўрзбойларнинг Керей — Найман бийлари блан баҳс-жавоблари, тортишувларини тамоша қилиб юрган Абайнин бир кун тушда Ўяз чақирирди. Борса, бош бий Аслбек ҳам, Қарқаралининг Ўязи ҳам Лосовскийнинг қошида экан.

Бироз сўзлашиб ўтирганларидан кейин, улуғлар блан Аслбек Абайга Керейлар блан Найманларнинг тилак ва талабларини изҳор қилиб: «Икки элнинг ўртасига тушиб, холис қардошларча уларнинг ўртасидаги катта можароини бости-бости қилишга сабабчи бўл!» дейишли. Абай бу илтимос улуғларнинг ўзидан чиқсан гапми ёки Керей блан Найманларнинг хоҳишими, шуки сўраган эди, Аслбек: «Сендан бу ердагилар илтимос қилаётгани йўқ. Бир томондан Жумақон, иккинчи томондан Тўйсари икксови ҳам менга келишиди. Шу ишга Абайнин кўндириб бер. Қардошларининг жароҳатига малҳам қўйишга чақираётимиз. Қандай ҳукм чиқарса, шунга рози бўламиз деб кетишиди» — деди. Буни эшитган Абай гапни чўзиб ўтирмаи, Керей — Найман элларининг орасига тушиб, уларни келиштириб қўйишга розилик билдирди.

Абайнинг розилигини эшитиб ўязлар ҳам хурсанд бўлишиди. Шундан кейин Қарқаралининг Ўязи Синицин қиз номидан тушган икки аризани унга берди. Арабча ёзилган бу аризаларни Абай улуғларнинг уйида ўтирган жойидаёқ ўқиб чиқди. Лекин қизнинг аризаси ҳақидаги фикрини Ўязга ҳам, Аслбекка ҳам изҳор қilmади.

Уша куни Абай ҳар икки тарафдан учтадан одам чақирирди. Бироз суҳбатлашиб ўтириб, уларнинг авзойини билиб олди.

Абай блан сўзлашишга Найманлар томонидан Жумақон, Бароқтўра, Тангрибердилар келди. Қерейлардан: Тўйсари, Бегеш, Тишқонбойлар келди. Улар блан бўладиган суҳбатга Абай Жиреише блан Үрзбойни ҳам олакелди. Қерей — Найман одамлари блан учрашишдан мақсад — бир иш юзасидан уларнинг олдидан ўтиш эди.

— Хўш энди, қариқдошлар, гапим эм бўлиб, эл тинчидиган бўлса, мен кучимни аямайман. Борди-ю, билим, тажрибам камлик қилиб, бирор чора топиш қўлимдан келмай қолса, унда жечиргайсиз. Лекин зеҳи солиб, ўйлаб кўрсам, бу иш аслида бир унашиглик қиз туфайли бошланган бўлса ҳам, жуда улғайиб, чалкашиб кетипти. Икки эл орасида кўпдан бери: баримта олишлар, жанглар ҳам кўпайиб кетган. Бу ишда босқинчилик, қирғин-қиёматгача бориб етган зўр-зўр чигал тугунлар бор. Бирқанча баҳодирнинг хунига баравар келадиган ҳақ, молу-мулк тўғрисидаги гаплар бор. Мана бу ишларнинг ҳаммасига мувофиқ, бир ҳукм чиқарадиган одам узоқ ўтириб, кўп тергаб, чуқур мулоҳаза қилиб ҳақиқатга етмоғи керак. Бунга бир жишининг вақти ҳам, куч-қуввати ҳам етмайди. Бир китобдан ўқиган мақолимда: «Елғиз аҳл яхши, лекин иккита бўлса яна яхши» деган эди,— деб Абай бир нафас жим қолди. Келтирган мисоли рус халқи мақолларидан эди. Жим қолгани — ўтирганларнинг авзойини билиш эди. Қовоқ солиб ўтирган Жумақон сирини бой бермади. Тўйсари ҳам, Абай сўзини тамомлашини кутиб, индамай ўтираверди.

— Олдингиздан ўтай деган эдим. Ҳали айтганимдек, бу катта ишга бир одамнинг вақти ҳам, қудрати ҳам етмайди. Ёнимга ёрдамчи олмоқчи эдим. Ўртадаги холис биродар, ҳар икки томонга ҳам жони ачийдиган деб, бутун гапни Тўбуқтига ҳавола қилдингиз-ку. Агар соғдиллик блан ҳавола қилганингиз чин бўлса, мен ўша Тўбуқти ичидан ёнимга кўмакчи қилиб мана бу Жиренше блан Үрзбойни олмоқчиман. Бунга сиз нима дейсиз? Жавобингизни олсанам, деган эдим, жигарларим!— деб, сўзини тамом қилди.

Керей — Найманлар бу йиғилишда дарҳол жавоб бериб, гапни қисқа қилиб қўяқолишиди. Жумақон ҳам, Тўйсари ҳам ёнида ўтирган ўз одамлари блан маслаҳат қилмасданоқ:

— Сен нима десанг, шу бўлсин!

— Ол! Ёрдамга кимни оламан десанг, ихтиёр ўзингдал — дейишиди.

Броқ, эндигина гапни бир жойга қўйиб, тарқалишмоқчи бўлиб туришганда Сибоннинг тўраси — йўғон гавали, қипқизил юзли, мош-гурунч соқолли Бароқ тўра Абайга катта-катта ўтли кўзларининг қирини ташлаб, сўнгги тилагини айтди.

— Абай, чироқ! Икки қардошинг гапини сенга ҳавола қилди. Гап эмас, сен учун катта синов бўлган ишни ҳавола қилди. Тўбуқти холис қардошим деди. Биринчидан тор-мор бўлишимиzn тиламас, бирлигимиzn тилар, деб ишонса, иккинчидан адолатли, ҳалол деб сенинг ўзингни талаб қилди. Ёнингга икки кишини оласанми, беш кишини оласанми, ёки яна бирқанчасини оласанми, ўзинг биласан. Лекин қадимдан қолган: «Бийлар кўп бўлса ҳам ҳукм битта бўлади, бутун можараларни Мойқи — бий ҳал қиласди», деган гап бор-ку. Аслида биз бор ишни, ҳал қиласдиган сўзни, узил-кесил ҳукмни сенинг ўз оғзингдан эшитишни кутамиз! — деди.

Жумақон бу гапни ма'қуллаган бўлиб, хиёл бош эгиб кўйди. Тўйсари ўз фикрини бошқача ифода қилди.

— Бароқ мирза муддаосини айтди-ку. Менинг бошқа гапим ҳам йўқ. Ихтиёрни ўзингга берганман. Оёғингда боғ блан уч, чақирганда қўлга келиб қўн, деб нима қиласар эдим! Бор умид ўзингдан. Одилона ҳукмни фақат ўзингдангина кутаман! — деди.

Абай индамай ўтириб, ҳар икки томоннинг кишиларинга қараб, бош эгиб қўйди-да, шу блан дастлабки суҳбатга хотима берди. Холис бий аввало кам гап, сабрли бўлмоги керак. Сир учини сўз чиқаради. Ярим оғиз гапдан авзой билишга уриниб, турли-туман тахминларга боручи, гап кавлашиб, фалокат бошловчилар ҳар икки томонда ҳам оз эмас. Шуларни ўйлаган Абай, то ўз ҳукмини чиқармагунча терговни кўп эҳтиётлик блан олиб боришга қарор қилди. Ўзгаларни кўп сўзлатиб, ўзи кам гап бўлишга аҳд қилди. Шунинг учун ҳалиги бир қадар ғараз блан айтилган ҳар икки гапнинг икковига ҳам: «Сенинг гапинг ма'қул, сеники нома'қул» деб, ўз ра'йини билдирмади.

Уй холи қолиши блан Ўрозбой, Жиреншени энди ишга солмоқчи бўлиб турганда, хуш'ёр, зийрак Жиренше ҳалиги гапга доир кўнглида пайдо бўлган бир мулоҳазани айтди.

— Ҳозирча қат'ий бир нарса дейиш қийин. Лекин Керей оқ күнгиллик блан ҳавола қилганда, Бароқ тўра ўйлаб кўриб, ҳавола қиладиган кўринади-а! — деди.

Бу тўғрида Абайнинг ўзи ҳам шундай фикрда бўлишига қарамай, Жиреншега ёрилиб бирор нарса демади. Унинг ўрнига ҳозирдан бошлаб тезлик блан ишга киришиш зарурлитини билдириди. Тергов олиб бориш учун биттасини Керейга, биттасини Найманга жўнатадиган бўлди. Абай бу икковига ҳам ҳали ўзи ўйлаган тадбирни айтди.

— Сўраб, истаб билиб келишларинг керак. Ҳар ҳужум, ҳар баримта олганда қўлга тушган молу дун'ё, сўйил еб йиқилган йигит кўп. Кўп нарсаларни сўраб, анча ишларни билиб келишларинг керак. Аммо бўлган ишлар бору, бўлмаган иш бор. Фараз блан ростга ёлғонни қўшиб, дўндириб гапириладиган гаплар ҳам бор. Шундай вақтда ўзларинг: «Бу яхши, бу ёмон, бу тўғри, бу но-тўғри» деб айтакўрмаларинг. Ичларингда турсин. Айниқса рўйхуш бериб, ва'да беракўрмаларинг. Ва'да беришбўйинга тушган қарз бўлади. Сенларга қарз бўлган — менга бурч бўлади. Яна бир илтимосим бор. Икковингнинг ҳам олдингга қўядиган шартим: енг учиди битишиб, мол-дун'ёга сотилакўрманглар. Икковинг ҳам дўстим бўлинглар, чин тилагим шуки, қанотим бўлинглар. Лекин адолат сари, оқ йўлга бошлаб учучи қанотим бўлинглар! — деди.

Қиз можараси устида туғилган бутун дов-жанжални Қўжагелди, Шақантой элларига бориб, тўла-тўқис билишини, яна бор эшитган-билганларини Абайга етказиб туришни Ўрзобойга топширди. Сибон ичига бориб, синчилаб таги-туги блан текшириб келишни Жиреншега топширди. Улар ишни аввало шу сиёзга келган Керей — Найман одамларидан бошламоқчи бўлишди. Да'вогарларинг ҳам, гувоҳларнинг ҳам кўпчилиги шу ерда бўлгани учун, тергов ишини асосан шу ерда битириш мумкинлигини айтишди. Броқ уччови маслаҳатлашиб кўришида: «Ҳар ижки томон ҳам бир-бирининг устига туҳмат ортиб, ҳақига кўчмайдиган бўлса» у ҳолда Ўрзобой блан Жиренше, Керей блан Сибоннинг ба'зи жойларига ўзлари бориб келадиган бўлишди.

Шундай қилиб, Солиқа қиз можараси кечакундузлаб бир ҳафта тергов қилинди. Тергов уч ерда олиб борилди. Ба'зан, кун бўйи эшитган-билганлари, топган-тутганлари

ҳақида сўзлашиб олиш учун Абай, Жиреншелар түн ярмида тўпланиб яна тарқалишарди.

Абайнинг ўзи қиз овулининг боғи одами, кекса Қолдібой блан қизнинг аменгери¹ чол Соботорни тергади. Булярнинг ўртасидаги қудалик йўли блан ўтишган сарпапа-сирихлар, қалин моли сингари олди-бердиларни Абай шошилмасдан, аниқлаб олди. Олинган қалин мол эвазига қизга қилинган сепни Қолдібойга бирма-бир санатиб, рўйхатга олди. Абайга ҳозир ма'лум бўлишича, Солиқага қалини катта берилган экан. Куёв, Байгубек эли ичида бадавлат оиласнинг ёлғиз ўғли экан. Унинг қаллиқчасига қалин молни аямай берилган экан. Куёв ўлиб, қиз урфодат бўйича қайнағаси бўлмии чолнинг хасми бўлиб қолганидан кейин, «Фотиҳа бузилмасин» деган Соботорнинг кўнглига қараб, Қолдібой: «Қизим tengтига эмас, tengсизга кетадиган бўлди» депти. Соботорнинг ўзидан ҳам яrim қалин молини олипти. Абай шу жойларига алоҳида дикқат қилиб, кейинчалик қанча мол олганини аниқлаб билди. Тўгри, олган қалинга яраша, кўп ўғилнинг ўртасида етиб ўтирган ёлғизгина эрка қизнинг отаси боламни рози қилиб, орзу ҳавас блан узатаман деб, саккиз қанотли оқ уйидан ташқари, сепини ҳам беками-кўст қилган экан. Қизнинг боши қўёноли карвонлардан юз қўйга олингац ипак гиламдан бошланса, уёғи йигирма бештадан экан. Сепнинг боши қўёноли карвонлардан юз қўйга олингац ипак гиламдан бошланса, уёғи йигирма беш поча пўстин, тақир гилам, сандиқ, наматлар ҳам йигирма бешдан, кийим-кечак, кўйлак, дастурхон, чинни чойнаклар ҳам, қийматбаҳо суяклар блан нақшланган баланд кроватьдаги шойи, дуроя-кўрпа, кўрпачалар ҳам йигирма бештадан экан.

Аммо бу моли-мулк ҳали Керей кўлида. Қалинчи бўлса олиб бўлишган. Бунинг устига, энди қизи айниб ўтирипти. Сибон-Найманларга алам қилаётгани — қиз учун берилган беҳисоб мол. Можаро шу сингари мол-дун'ёни талашишдан чиққани учун, баримтасилар ҳайдаб кетадиган йилки ҳам оз бўлмайди-да. Қай томони бўлса ҳам, ўчакишиб, ҳақим кетмасин, деб олган. Қуролли йигит, чиниққан босқинчи «Эр-ботир» деб ном чиқарган найзабозлар, босқинчи, баримтасилар асти тиним топма-

¹ А менг ер — илгари вақтларда унашиб қўйилган қизнинг қаллиғи ўлса, урф-одат бўйича, қиз ўлган куёвнинг aka ёки укасининг хасми бўларди.— Ред.

гаи. Сўйил тутишга ярарли, ювош йигитлар орасида ҳам қизишиб кетиб, бу фалокатга қотишганлар оз эмас. Можаронинг бир тугуни мана шу қудалик атрофида бўлгани учун Абай дастлабки терговда Сибонлар блаи Керейларни галма-гал чақириби турди. Уларнинг кўнглидаги бор муддаосини билиб олди. Ундан кейин бу можароларнинг бош омили ҳисобланадиган қизнинг ўзи нима дейди? Абай энди шуни билмоқчи бўлди.

Солиқа аризасини сиёзга олиб келиб, ўз қўли блан Қарқарали ўязига киргизгандан бўён, мана шу Болқибек сиёзида юрган эди. Абай, Эрбўл блан Кўкбойни юбориб, Солиқани яқин одамлари блан бирга Успоннинг уйига чақириби келди.

Бошида камчат телпак, эгнида шоҳи камзил, қулоқларида катта-катта исирғалар тебранган, қора тўридан келган, баланд бўйли қиз кирди. У, Абайнинг устига событ одимлар блан тортинмай кириб келди. Отаси Қолдибой ҳам бирга келипти. Аввалига, Солиқа қизни кўришга қизиқсан ёшгу қарилар уй ичини тутиб кетди. Керейларнинг ўзидан ҳам қизни эҳтиётлаб олиб юрган одамлар анчагина экан. Успон келгандарга қимиз узатиб бўлгандан кейин, Абай аввало Тўбуқтиликларни тарқатди. Шундан кейин ўзларининг ортиқча эканликларини англаган Қолдибой ҳам бор Керейларни эргаштириб чиқиб кетди.

Абай блап Солиқа ҳоли уйда қолишиди. Абай Солиқанинг юзига эндигина дурустроқ назар ташлади. Қора тўридан келган Солиқанинг юzlари беғубор, қопқора шаҳло кўзлари ажойиб экан. Ўйчан, ўтдек нурли кўзлар. Ўсиқ, қуюқ киприклири кўзининг усиз ҳам катта-катта қорачиғига соя солиб, чуқурлаштириб турарди. Қирра бурнининг усти хиёл қўтарилиган, нафис лабларининг икки четида пастга тортилган бир чизиқ билинарди. Бу—кўнгли яримликни, ёки кўнглидаги оғир ғуссани юзида акс этдириб турарди. Лекин Солиқа индамай ўтирганда, ғамгин ва ма'юс кўринса ҳам, сўзлаганда оппоқ садафдек дона-дона тишлиари кўриниб турар экан. Бу ҳолат, Солиқанинг сиймосида хушнудлик ва самимият акс этдириб, очиқ чеҳрали, серзавқ, ўтли-шудли қиз эканидан дарак бериб турарди.

Шу ишга киришгандан бошлаб, ўзи оз гапириб, бошқаларнинг гапини кўпроқ эшишишга аҳд қилган Абай, ҳозир ҳам шунга риоя қилди. Сукут ичиди бирпас Солиқанинг сиймосида хушнудлик ва самимият акс этдириб, очиқ чеҳрали, серзавқ, ўтли-шудли қиз эканидан дарак бериб турарди.

лиқанинг юзларига қараб ўтириди да, кейин билмоқчӣ бўлган гапларини сўради.

— Солиқа чироғим! Биринчи марта кўришаётган бўлсак ҳам, ҳозир сизни ёш болалик чоғингиздан бери биладиган яқин қардошингизга ўхшайман. Сенинг тўғрингда кўп гаплар эшитганимдан бўлса керак! — деган эди. Солиқа аввал қизариб, уялганидан кулиб қўйди. — Аризангни ўқидим. Ўша гапинг гапми? Олдин шунга жавоб бер-чи! — деди.

Солиқа бу гапни эшитиб, қошларини чимириб қўйди да, тезда ўзини тутиб олди.

— Абай мирза! — деди катта қопқора кўзларида номус ва ғазаб акс этгани ҳолда ҳайрон бўлиб. — Ўша гапим гап, сўзимдан қайтганим йўқ! — деди. Оппоқ тишлари кўриниб, юзлари қизариб, қон ўйнайбошлади.

— Яна бир нарсани сўрайман, — «Бормайман, тегмайман» деганингда, муносиб кўрмаганинг фақат чол Соботорми? Ёки бутун Сибонни лойиқ кўрмайсанми? Агар Сибоннинг ўзингга тенг йигити бўлса, нима дер эдинг?

— Оғизларига аввало чолни олмай азаматни олса, ўз тенгимни атаса, мен можаро қилармидим? У ҳолда, овуллим, элим ҳам менинг ра'йимга қараб ўтирамиди?

— Ўз тенгимни атасин деган гапингни қуда томонга айтдирдингми?

— Айтдирган эдим, қулоқ солишмади. «Соботор — худо қўшган амснегери, боши боғлаб қўйилган, эл-юртда йўқ шумликни бошламасин!» дейишилти.

— Чироғим, эди яна бир сўроқда жавоб бер. У ҳам янирин сир эмас, букунларда ошкора бўлган гап. Қаллиқ юртинг сени: «Қиз ўзича айнимас эди, оламан деб, уни йўлдан урган Керейларнинг иккинчи отаси бўлган ана у Шақантойнинг йигити. Ўшанга кўнгил бергандан кейин қиз айниб қолди. Қалинни олди, фотиҳани бузди. Керейлар бизнинг арвоҳларимиз олдида бир айбли эмас, икки айбли» дейишаётир. Сен Шақантой йигитни Сибондан умид узганингдан кейин топдингми? Ёки аввал кўнгил бериб қўйган эдингми?

Қиз бу саволга ҳам дарҳол жавоб қилди. Фақат уялганидан ранги ўчиб кетиб, сўнг бир лаҳзада қизариниб ўнғайсиэланди. Қулоғидаги зирагининг майдо шокилалиригача қалтираб кетди.

— Имондек сирим бўлсин, Абай мирза. Сибон: «Чолдан бошқа ҳечкимни атамайман», деганда, мен: Шақантой

Йигити эмас, ҳитни, ҳатто итнинг думини тутсам ҳам, шу ердан кетай, қорамни ўчириб, бошимни олиб йўқолай» дедим. Шақантой йигити шундан кейин топилди. Ундан олдин мени оздириб, йўлдан урган, ўртага совуқчилик солган Керей ўғли ўёқда турсин, бирор киши бўлгани эмас. Бошда айтдирилган йигит борлигидан, Сибон севикли маконим эди. Ҳадди сиғиб, менга сўз қотадиган Керей йигити ҳам йўқ эди!— деди. Қиз сўзини тамом қилди-ю, гажимли дастрўмолининг учини кўзларига босиб, унсиэгина ўтириб ёш тўқди. Абайга кўз қирини ташлаганда, катта қора кўзлари номус ва алам ёшларидан қипқизариб кетганилиги билинди. Гап тамом бўлди. Энди Абайнинг ундан сўрайдиган бошқа гапи йўқлигини пайқаган Солиқа, туриб кетиш тараддуудида эди.

— Бошқа гапим йўқ!— деди Абай, қизнинг юзига тикилганича.

Солиқа туриб жетмади. Ҳалиги кўз ёшларининг орқасидан бир ғазаб, номус пайдо бўлди. Гап қисқа бўлиб, ўз қардошлари блан бўлган сұхбатга қарагандан шунча осми битганига ҳайрон қолди. Абайнинг қошида у ўзини бир меҳрибонињаг олдида ўтиргандек ҳис этди. Шуларнинг ҳаммаси бир бўлиб, Солиқани яна бир сирни айтишга мажбур қилди. Қайғи ва алам ичидаги қошларини бир чиимириб қўйди-да:

— Мени айнитган Керей ҳам йўқ. Айниш деган гап хаёлимда ҳам йўқ эди. Бу хаёл — заҳаролуд хаёл кейин пайдо бўлди. У: «Соботорнинг, қовжираб қолган чолнинг уч хотинининг бири бўлиб бормайман», деган хаёл. Бу хаёл, бу қайғу шу қадар қийнаётирки, бу кунларда мен тирик юрибман деялмайман. Бирнеча кундан буён ҳаёт блан ўлимнинг ўртасида турибман. Чол силайдиган этимини қуртлар есин демоқчиман. Кўнглимдаги муддаопи сўрадинг-ку, биродар. Мана бу Болқибек блан Боқоноснинг чуқур қора сувларига ҳар кун қарайман. Маконим, қабрим сенларнинг тагингдан топилар, деб қарайман. Соботорга теккандан қўра, шу икки сувнинг чуқур ерларидан бири буюрсин! Гап шу!— деди.

Абай бирдан бошини кўтариб, ҳаяжон ичидаги ранги ўчиб кетди. Қиз ўрнидан туриб кетаётганида, Абай қотиб қолгандек, ўйлациб ўтирганича қизга қараб бош эгди. Ҳозир унинг кўз ўнгидаги шундай сарвқад, ажойиб нозаниннинг чуқур сувга чўкиб кетаётгани гавдаланиб турарди, холос. Назарида, қорайиб турган чуқур сув, қаттиқ

шалоялаб кеттандек бўлди. Қиз вужули ўша сув тагига кетиб бораётир. Қошлари ҳаётга ла'нат айтиб чимирилган, нозик қўллари ўлимни чанглаб юмилган ҳолда, совуқ, кимсасиз бўшлиқ ичидаги жон бериб, жой топгандек бўлди. Кўнглида хаёл ва тасаввур бирга қўшилиб, қандайдир илиқ оқим пайдо бўлдию, сўзлар ўз-ўзидан вазинга тушиб, ўланга айланди кетди.

...Чол сийпаган этимни қурт есин деб,
Қоядан қиз ташлади теран сувга...

Қизнинг Абай уйидан тез чиқиб кетиши Эрбўл, Кўкбой, Шакеларга ма'қул бўлмади. Эрбўл кўнглига келган гапни эшикдан келаётисб, Абайга ҳам айтди.

— Абай, улуғнинг маҳкамасига сўроққа чақиртирилгандек дарров жўнатиб юборганинг нимаси?— деди.

— Ҳеч бўлмаса, тушлик овқатдан кейин жўнатсангиҳ ҳам бўлар эди-ку, Абай оға!— деди Шаке ҳам.

— Йўқ, кеттгани ма'қул!— деб, Абай қофоз блан қалам олиб, нимадир ёзабошлади. Ҳамроҳлари блан сўзлашгиси ҳам келмади. «Қизни анча олиб ўтириб, хўп сўзлашди» деган гап туғилса, қилдан қийиқ ахтариб юрган Сибон бундан ҳам бир ифво чиқариши мумкин. «Улуққа арз қилиб, айтиладиган гапларни Абай қулоғига қуйиб чиқарди» дейишидан тоймайдиганлар ҳам йўқ эмас. Бу гапларни кўнглидан ўтказди-ю, ёрилиб айтмай қўяқолди.

Шундан сўнг, Керей — Найман ўртасидаги Солиқа қиз можаросидан туғилган ғалаён яна уч кун тергалди. Мана шу уч кун ичидаги бирқанча гапларни бартараф қилган Жиренше блан Ўрозбой ёnlарига бештадан одам олиб, иккovi икки томондан Керей блан Сибонни оралаб келишди. Яна бирқанча далиллар йиғиб, бу икки элини элакдан ўтказиб чиқишиди.

Энди ҳукм чиқариладиган куни ҳам келган эди. Борда'волар, чиқим ва энг чалкаш тугунлар атрофдан йиғилиб келиб, ечилиб, Абайнинг қўлига теккан эди. Абай Керейдан ҳам, Наймандан ҳам шу ишга иштироқи бўлган ёшу қарининг ҳаммасини улуғлар уйи ённга йиғидирда.

Чопарлар, страшинлар елиб-югуришиб: «Солиқа қизнинг можароси», «Керей — Найман ғавғоси бугун ҳал бўлади, бугун ҳукм чиқарилади» деб, Болқибек сиёзига келган бутун ҳалққа хабар қилишди. Ҳукм чиқариладиган жойга сиёз бошидаги улуғлар ҳам келишмоқчи эди. Ҳозир ялтироқ тугмали оқ кительларини кийиб, сариқ қипили қиличлар таққан урядник, стражник ва тилмоч-

ларни эргаштириб, бир гала бўлнб кеслишаётир. Бугучгі йиғилиш дабдабали йиғилишга ўхшарди.

Йиғилиш бошланай деб турганда, Жиренше блан Ўрзбой Абайни бир чеккага чақириб олиб, ғалатироқ бир гап айтишди. Уни Жиренше бошлади.

— Абай, икки тизгин бир жилов сенинг қўлингда. Синаладигац паллага сен ҳам етдинг, эл ҳам етди. Нима демоқчи бўлаётганингни ҳатто мана бу Ўрзбой блан менга ҳам айтмай, ичингда сақлаб келдинг. Қани, айтчи, чирогим! Кимни йиқитиб, кимни устин қилмоқчисан ўзи?

Абай бу икковига синовчи назар блан қараб турдида, кўзларини қисинқираф қулиб қўйди.

— Ўзларинг айтчи, кимниг ёнини ол демоқчисанлар? Томоқларингга бир нарса тикилиб турганга ўхшайди-ку? Қани, икковинг нима дейсан? — деб, Жиреншега тикилди.

Жиренше ҳам унинг юзидан кўзини олмади. Мумкин қадар совуққонлик блан, қат'ий оҳангда гап бошлаб қабиҳ бир сирни очди.

— Абай, «Олтинни кўрса, фаришта йўлдан озади», ота йўли элга ўрнак. Буни англаган эл — мана бу Сибон эли. Бароқнинг ўзи бошлиқ, Бойгубек, Солпилар ҳукм чиқарилиши олдидан мен блан Ўрзбойдан сенга салом юбориб, ўз орзуларини билдириши. Керейнинг қизини Соботорга буюриб берсин. Сибоннинг ҳалол молидан қирқ йилқинн танлаб бераман! — дейётир. Сенинг йўлингни тўсишдан мақсад шуни айтиш эди! — деди.

Абайнинг назарида, Жиреншенинг оғзидан најкосат тўкилаётгандай жирканч кўринди. «Бас қил, товушингни учир!» дейётгандек қўлини қаттиқ силтаб, ҳўмрайганича, қараб қолди. Кейин бошқа бир хаёлга бориб, ўзини тутиб олди. Бир лаҳзада унинг чеҳрасида рўй берган ўзгариш, ҳуш'ёр, зийрак Жиреншенинг э'тиборидан четда қолмади. Аввал хавфсимиб турган Жиренше умид қилабошлади. Абай энди Жиренше блан Ўрзбойга қараб, ҳирипглаб кулабошлади. Ҳали кулгидан тўхтамай туриб, дарров гап бошлади.

— Ҳа, Ўрзбой! Сен ҳам шундай дейсанда-а! «Олиш керак. Керейни йиқитиб бериш керак» дейсан-ку? — деб, икковини яна айлантирабошлади.

Нияти бузилган Ўрзбой блан Жиренше, Абайнинг бундай ишларга асти кўнмаслигини, яна ўзларига қарангда кўп устин эканини яхши билсалар ҳам, айтган гапларидан қайтишмади.

— Тўғри, мен ҳам Жиреншенинг гапига қўшиламан. Ундаи эди, бундай эди, деб ўтиришнинг нима ҳожати бор? Олмаётган ҳоким, смаётган бий бор дейсанми бу ерда? Бу иш сен блан бошланиб сон блан тамом бўлади деб ўйлайсанми! Маккага келганимиз йўқ-ку, ахир. Болқи-бекнинг сиёсига келганимиз! — деди.

— Асли гап ўзи шу-я! — деди Абай жиддий тусда гапираётгандек, товушини ҳам ўзгартмай.

Жиреншелар аввалгидаң ҳам умидвор бўлишиди.

— Гап шу, шунга қаторор қилдик!

— Сибоннинг айтганини қил! — дейишди.

Шу ондагина Абай тўсатдан бўғилиб, тутоқиб кетди-да, ҳайқириб:

— Бас қил, икки кўппак! — деб, ҳақорат қилиб юборди.

Уларниң ёши Абайдан каттароқ бўлса ҳам, ба'зан ҳазил, ба'зан жаҳил аралаш сўқаверарди. Икковини ҳам ҳўп сўкиб аламдан чиқди, яна ғазабига чидамай ўртанганича койиб кетди.

— Үз одамим, ишонган боғим, суюнган тоғим, учарда қанотим, деб қаторимга олганим сенлармисан? Айланиб юриб-юриб келиб, берган маслаҳатинг: «Ҳаром ейиш кепрак!» дейиш бўлдими?! Ӯша йўлдан юрадиган бўлсам, икковингни эргаштирмай Такежонни танлаб қуяқолсам бўлмасмиди? Сенлар: Керей, Найман адолатга учрамай, саргардонликка учрасин. Бўлса бўлар, бўлмаса ювлаб кетар, — десаларинг, меш уларни — элим дейман. Уч ўрданнинг одами олдида, қуми-тупроқдек қозоқ халқи олдида мени жиғилдошлиаринг учун қурбон қилмоқчи бўлаётирсанларми? Сени ўлдириб келдик дегин ҳали! Сенлардан келган иш шу-да! Йўқол, иккаланг ҳам! — деди-да, туриб кетди.

Шу чоғ: «Улуғлар, улуғлар келишиди, сени кутиб қолишиди-ку Абай!» — деб, ҳовлиқанларича Такежон блан Исҳоқ етиб келишиди. Абай шошмасдан бориб, йигин ичига кирди. Кўмкўк майса блан қопланган тепаликниң бўшига чиқди. Икки ўяз блан кўришиб, икки томоннинг — Керей — Найманинг Бароқ блан Тўйсаридек да'вогарларига ҳам салом берди.

Жиренше орқали Абайга пора таклиф қилган Бароқ ҳозир гердайиб ўтирипти. Шу ишда ҳаром йўл тутишни у, анча аввал ўйлаган эди. Абай: «Жиреншеларни ёрдамчи қилиб оламан» деб, уларнинг олдидан ўтаётгандеёқ, ревясини тузиб қўйган эди. Ӯша куни Абайга, «Ҳукмни ёл-

ғиз ўзинг чиқар» дейишида ма'лум мақсад бўлиб, жўрттага айтган эди. «Керей Абайга пора ҳақида гап ташлаб, унинг кўзига ёмон кўринаверсин», Жиреншега бўлса: «Порани боплаб бериб, айтганимдан чиқмайдиган қилиб оламан» деб, унга жўрттага аҳамият бермаган киши бўлиб қўяқолган эди. Бундан олдин ҳам шундай бир ишда Жиреншега, пора тиқишириб, у блан анча сирдош бўлиб олган эди.

Абай мажлисни очиб, бир — икки оғизгина гапирди-ю, кейин да'вогар Бароқ бийга сўз берди.

Аввал сўзлаган Бароқ ҳам, ундан кейин сўзлаган Тўйсари ҳам, шу кунга қадар айтиб келаётган дов-да'воларини яна такрорлаб ўтишиди. Ҳар икки томон ҳам гапни: аввал худо, қолаберса сенга топширдик, одилона ҳукмингни чиқар, холис қардош сўнгги сўзингни отабобонгнинг арвоҳига топширдик! — деб, тамом қилишиди.

Шундан кейингина Абай гап бошлади.

Ҳаяжон ичида қалби тўлқинланиб тургани учун ранги ўчинқираб кетган эди. Бошидаги тумоғини олиб, чордона қуриб, қўлини тумоғи блан бирга биқинига тираб ўтиради. Оппоқ, жент пешонаси, чўзиқроқ қирра бурнининг учиди бироз тер пайдо бўлди. Лекин у, ўзинни босиб олган, товуши салмоқли ва дадил чиқаётган эди. Товушини барала қўйиб, тутилмасдан сўзлар, ўз-ўзидан қуюлиб кетаётгандек эркин гапирди.

— Эй ҳалқим! Керей—Найман элим! — «Аҳиллигимни топ, осойишталик бер» — деб ўрталарингизга мени қўйибсиз. «Ииртигимга ямоқ бўл, дардимга ҳозиқ бўл!» деб ишонч билдирибсиз. Бир ишдан сизни огоҳлантириб ўтмоқчиман: Тўбуқтидан туғилганим учун икки жигар, икковингизнинг ишингизга Тўбуқти чўққисидан туриб қарап, деб ўйламанг. Қўлимдан келмаса иложим йўқ. Уддасидан чиқсан, ниятимга етолсан, мақсадим — жафо-каш ҳалқим, қозоғим — ҳаммангизнинг ғамхўрингиз бўлиш! — демоқчиман. Иккинчидан, шуки айтмоқчиманки, қозоқда узатилмай туриб бева қолган қиз можароси — қадимий можаро. Ба'зан бирлигинги, ба'зан эллигинги, эллик фазилатингизни асрлар давомида митадек еб келаётган ла'нати можаро. Замон ўзгариб, занг тўзиши ростми? Шунинг учунми? Еки дард бир бўлса ҳам даво кўпайгани учунми? Ҳарҳолда ҳозирги замонда, бизнинг давримизда бу можаро бир бош-

қача, янги йўл блан ҳал қилинмоғи керак бўлиб қолди. Қўпчилик, айниқса ёш насл шуни талаб қиласди, деб биламан. Мана қардошлар, сизларнинг ишингизга ана шундай назар блан қарадим. Ҳукмни ҳам ўшанга қараб чиқардим. Сизларнинг ғамингизни еб, қўлдан келса, ҳомий бўлишдан бўлак орзу истагим ҳам, мақсадим ҳам йўқ. Биринчи масала — Солиқа қиз масаласи. Тўғри йўл — эл йўлдоши дейдилар. Мен ота-боболаримиз қандай даво, қандай чора топганини биламан. Янги насл — янги тилаклар блан келади. Ёшлиқдан бошлаб қайғу ҳасрат блан ўтаман деб келмайди. Янги кун ўзининг янги йўлини, янги тилакларини, ёшларнинг кўнгли орқали айтади. Янги бўғиннинг талаби орқали айтади. Унга қулоқ солмаган эл оғаси уларнинг дардига даво эмас, жафо топади. Бу қиз бўлса, тақдир бир марта жазолаган қиз. Ўз тенгидан айрилиб, умид-истаклари барбод бўлган қиз. Ота-онаси, қаллиқ томони бир атаган жойга бажонидил кўнгил қўйган эди. Лекин, тангри ҳам тақдирда бир умрга икки ўлим ёзган эмас. Соботорнинг тилаги ўша қизнинг бошига иккинчи ўлим — қонли сиртмоқ бўлиб тушаётир. Бу хилда сиртмоқ солиш адолатдан эмас, такрор айтаман, бу — қонли сиртмоқ. Қиз ўлимига рози, бундай ҳаётга рози эмас. Эй, тўпланиб турган ҳалоийқ, ҳаммангизда ҳам опа-сингил, қизлар бор. Тўрт элнинг йиғинида ўтирганлар, бу гапим кейингиларга ҳам ибрат бўлсин дейман. Бир жонни икки қайта ўрташ — адолатдан эмас. Бир қизнинг икки қайта сотилмоғи — йўл ҳам эмас. Аввалида қиз сизларга, ҳалқа берган ихтиёрини энди ҳалқ қизнинг ўзига берсин. Қизнинг боши Сибондан озод. Бу — менинг биринчи қарорим,— деди Абай.

Сўнгги сўзларни баланд товуш блан дона-дона қилиб гапирди-да, тўхтамасдан иккинчи гапга ўтиб кетди.
— Сибонда ҳам айб йўқ.— Ўлим — эл жазоси эмас, эр қазоси, унга даво йўқ. Яхши ният блан молу дун'ё сарф қилиб, орзу ҳавас қўраман деган эди. Броқ, ўртага ўлим тушиб кетди. Солиқа қизга батамом берилган қалини мол Сибоннинг ҳақи, ҳалол моли эди. Керей уни олдинг. Бир олмадинг, икки олдинг. Даставвал олган қалининг ҳам оз эмас эди. Эллик туюннинг пулига баравар эди. Кейинчалик қисингнинг ихтиёрига ҳам қарамай: «Кекса кишига берилаётир, хотин устига бораётир» деган баҳона блан яна олдинг, олганда ҳам беармон олдинг. Болангнинг ўтга тушаётганига ҳам парво қилмай, бир эмас, икки

сотдинг. Бу ишда Сибон айбли эмас, иштаҳангни карнай қилган Керей сен айблисан. Эндиликда қиз эгаси Керей, ҳалол фотиҳа, ҳалол мол эвазига Соботорга икки қизнинг қалин молини берсии. Аввал эллиж туяга тенг, кейин йигирма беш тия бараварида мол олинган экан. Мен: ҳам Сибон олдида, ҳам ўз қизи олдида айбдор бўлган Керейнинг гуноҳи учун унинг бўйнига яна йигирма беш тия қўйдим. Шундай қилиб, Керей юз тия қилиб қайтаради. Қўжагелди блан Шақантой — бу икки отанинг авлоди Сибон олдида айбдор бўлгани учун жаримани баравар кўтаради. Мана бу иккинчи масала. Мен беш кундан буён қиз можаросидан туғилган босқинчиликлар орқаеида ҳар икки томондан кетган молу дун'ёни бирмабир текшириб, ҳаммасини аниқлаб чиқдим. Баримта боғиш вақтларида Қерейлардан икки юз йилқининг ҳақи Сибонга ўтган. Юз етмиш йилқи Керейга ўтган. Уша баримтага босиб олинган молларнинг кўзи тириклари ўз ҳолича, кўзи йўқолган ҳар йилқи туёғига беш яшар от ҳисобидан қилиб, ҳар икки томон бир-бирига қайтарсии. Мана, қардошлар, фақат эл бирлигини тилаш орқасида кўнглимда пайдо бўлган талабим ва чиқарган ҳукмим шу! Мен сўзимни тутатдим! — деди.

Йиғиндагилар бу ҳукмни чурқ этмай қарши олишди. Абайнинг ҳукмини тилмоchlар орқали энди батафсил эшитиб бўлган икки ўяз ўзаро кулишиб сўзлашабошлашди. Иккови ҳам Абайга: «Дуруст айтдингиз, шундай қилганингиз ма'қул!» деяётгандек, бош иргашиб кулганичча сўзлашабошлашди.

Икки томонни тўлдириб ўтирган, қуми-тупроқдек Керей — Найманларга улуғлардаги вазият: «бу ишнинг ҳукми чиқарилди, шунинг блан тиним топди» деган ма'нони англатди. Одатда шундай йиғинларда теварак-атрофдан чувиллашиб эшитиладиган «розиман!», «норозиман!», «бу қандай бўлди, бу тўғри эмас» деган гаплар ҳам эшитилмади. Ижки элнинг йиғилишига келиб: «Қандоқ бўлар экан?» деб, ўтирган холис Тўбуқтилар ҳам ҳозир сирбой беришмади. Абай чиқарган ҳукмдан рози бўлган ҳалқ аста-секин тарқалабошлади.

Жиренше, Сибонлардан бири бўлган баланд бўйли, зўр гавдали, оқсоқолнинг ёнида турган эди. Жиреншенинг ҳозирги ивир-шивири уни худди қамчилаб юборгандай бўлди. Уша чол дўриллаган дагал товуш блан Абайга қараб ҳайқириб, урон ташлади.

— Эй, Кенгирбой! Кенгирбой! Қани сенинг арвоҳинг? Кенгирбой? Йўлдан озган қизга чиқарган ҳукминг шундай эдими? Кенгирбой, арвоҳингга сифинаётирман! — деди ю, орқасига айланиб кетаверди. Бу чол, Кенгирбой шу сингари қиз можароси устида Энглик блан Қебекни ўлим жазосига буюрганига ишора қилган эди.

Лекин, бу пайтда қўпчилик ўзаро сўзлашганича тарқалиб кетишган эди. Абай ҳалиги чолнинг товушини эшитиб, хаёл суреб, юзига тикилиб турди-да, бир нафасдан сўнг ҳандон ташлаб кулиб юборди.

Ҳукм тугаб, ҳалқ тарқалган пайтда, Жиреншес блан Урозбой келиб Абайга иккинчи марта сўз қотиб кўришиди. Гапки яна Жиреншес бошлади.

— Абай, бошқаси-ку, майли-я, ҳалиги Сибон чол, отанг Кенгирбойнинг арвоҳига сифинганда, ҳеч бўлмаса этинг жимирилашдими? Е шунда ҳам қовурғанг қайишмадими? Ота-боболаримизнинг йўлидан ўзинг ҳам озиб, ҳалқни ҳам оздирраб турганингни шунда ҳам англай олмадингми? Қани, тўғрисини айтчи! — деб, ранги учинқираб Абайнинг юзига тикилди. Абай ҳали бояти жаҳлидан тушмаган эди.

— Кенгирбойнинг ҳалқ қўйган оти «Қобон» эди. Пора учун шундай вақтда қариндошининг қонини ичганидан «Қобон» аталган. Уқдингми? Мен Кенгирбойнинг ўғли эмасман, одамнинг ўғлимани! — деди.

Абайнинг бу гапидан кейин Жиреншес блан Урозбой бошларига калтак блан бир ургандек гангиб серрайганларича турган жойларида туриб қолишиди. Абай кетаверди.

Иккови ёлғиз қолишиб, бақрайишшиб бир-бирларига қарашганда, уларнинг чеҳраларида жучли ғазаб акс этиб турган эди. Жиреншес:

— Бунинг жуда ҳишиниб кетипти-ку! Қараб турсин! — деб қўйди.

Урозбойнинг ҳам кўнглига шу гап келган эди.

— Қечагина ошибб-тошган Қунанбой ҳам бир тўқилиган эди. Бунинг ҳам бир кўргулиги борга ўхшайди! Таваккал, Жиреншес, юр буёқса! — деб, иккови бирга кетишиди.

Кейин, Болқибек сиёзи тамом бўлгандан сўнг, Абай бир тўп ёшлар блан бирга отланиб, Бойқўшқорга қараб кетди. Шу тобда Жиреншес блан Урозбойлар ҳам йўлга чиқишиган эди. Абайлар тўпининг алдида, ўқ бўйи ерда

иккоти бирга кетиппаётган эди. Абай уларни таниб, орқасидан чақирган эди, қайрилиб қарашиди-ю, Абайнини танишиб, тұхтамай отларини лўкиллатганларича илгарилаб кетишди. Абай ҳали уларга айтган қаттиқ гапларини эслаб, энди bemalol сўзлашиб, дурустроқ тушунтирмоқчи эди. Шу ниятда остидаги саман отини чоптириб, олдинда кетаётгандарни қувиб етди. Уз тўпидан ситилиб чиқиб, ёлғиз ўзи уларнинг ёнита келган эди. Лекин, Абай етиб келиши блан Жиреншелар уни кўриб «ийе» деяётгандек, бир-бирларига қараб қўйишди-ю, отларига кетмакет қамчи босиб чопиб кетишди. Абай бу кайфиятни ўша он англади-да, уларнинг орқасидан қичқириб:

— Ҳа, шундайми? Билдим! — деди.

Иккови эшитиб қолди. Отларининг бошини тортиб, қайрилиб қарашиди-да, бир оғиздан:

— Билган бўлсанг бўпти!

— Билсанг шу! — деб жеркиб ташлашиди-ю, яна от қўйгандарича кетаверишди. Улар Абайга қаттиқ кек сақлаб, тобора қаттиқроқ ғазабланиб боришаётган эди.

Болқибек сиёзидан қайтиб келаётган Такежон, Мойбосарлар ҳам Абайнини сўйиб-сотиб, ёмонлаб қайтишди. Жиренше орқали Бароқ тақлиф қилган қирқ йилки масаласи буларга ҳам ма'lум эди.

— Ҳам мол ортдириб, ҳам обрў ортдириб, эл-юргилган ишни қилиш ўрнига Абай мол ҳам, обрў ҳам ортдирмай қуруқ қайтди. Русларнинг улуғи айтадиган гапни айтиб урф-одатини бузиб қайтди. Отанинг сбрўйи блан келган баҳт-саодатни оёқости қилганда, шундай виждонсизлик, номуссизлигимиздан оёқ-ости қиласиз-да! — деди. Такежон.

Лекин Тўбуқти мансабдорлари шундай дейишгани блан Керей-Найманлар Абайга ҳечқандай айб қўйишмади. Улар бир тўхтамга келиб, улуғлар жўнаш олдидан: «Тиндик, тинчидик» дейишди. Наймандан Жумақон блан Бароқ, Керейлардан Тўйсари блан Беген бўлиб, битим қилишиб, муҳр босилган «тинчлик» қофозини бериб отланишди. Улар Абайга «йўли бурунги қозоқ йўлидан бўлак, нафаси ўткир, лабзи элга эм бўлгудек, сўзи з'тиборлик, юзи олмосдек, истиқболи баланд, бу атрофда зўр обрўй қозонгандарнинг биттаси бўлиш олдида турган одам экан!» деб, баҳо беришли.

Уч от қўшилган катта извош Оқшўқидаги қистовнинг рўпарасидан — Қўриқдан чиқиб, шаҳарга кетаётир. Кучер Боймағамбет. Кузнинг эрталабки салқин ҳавосида уч тўриқ отни бир моромда қаттиқ елдириб борарди. Ичига қизил сафян сирилган, тепаси тушириб қўйилган кенг извошда Абай блан уч боласк — Абиш, Мағаш ва Гулбодонлар кетишашётир.

Пешонаси кенг, қаламқош, рангпаргина Абиш йўл бўйи Абай блан суҳбатлашиб борарди.

— Оға, биз шаҳарда қаерда турамиз? Уччаламиз бир уйда турамизми? Қозоқнинг уйида турамизми, ёки руснинг уйида турсак яхши бўладими? Ёки мен бу икковидан бошқа туриб, бошқа ерда ўқийманми? — деб отасидан жумбокдек кўринаётган келажак кунлар ҳақида сўраб кетаётир.

— Ҳа, мен қизи бор руснинг уйида, ўзимдек қиэн бор уйда ёлғиз тураман! Мен ўзим сен икковингдан бошқа тураман! — деб, ака-укасидан ўқтамроқ Гулбодон кулаётир. У отасининг олдидан Мағашни ҳам суриб тушириб, ўзи чалқасидан тушганича отасини қучоқлаб ётиб олган эди. Гулбодоннинг шундай ўтқирлиги, айниқса биринчи марта онасининг бағридан айрилиб кетаётганига қарамай, ортиқча ғам емаслиги отасига кўп ма'қул бўлди. Тиззасида ётган эрка қизнинг иягини қитиқлаб кулганича:

— Беспарво қизим, тилла қизим! Ҳаммадан сен ботир бўлсанг керак, бўтам! Ўзинг айтгандек, сени булардан бошқа ерга қўяман. Сенга она бўладиган, эслик-ҳушлик, ўқимишлиқ рус аёлиннинг қўлига топшираман. Ҳаммангни ҳам яхши оиласарга ўрнаштираман! Сен уччаланг шаҳарда турадиган бўлганингдан кейин, менинг ҳам кўп умрим шаҳарда бўлади. Сенларнинг ёnlарингда юраман. Мен учун уччовингнинг ўқиб, одам бўлишларингдан бошқа шодлик ҳам, орзу ҳавас ҳам йўқ! — деди. Ба'зан уч боласини кенг бағрига олиб, маҳкам қучоқлаб қўярди.

Абай бир вақт, индамай ўтирган нозик ўғли Мағаш томон қайрилди. Уни қучоқлаб яқинроқ тортиб олди. Извошдаги қалин кўрпа, катта ёстиқларни тузатиб, унинг жойини баланд қилиб яхшилаб берди-да: «Қани, бир ўлан айт-чи, ўлан бошла Мағаш!» — деди. Уйдан чикқавига бошқалардан кўпроқ ма'юс тортиб келаётган

Мағашнинг кўнглини бироз очмоқчи эди. Гулбодонга ўхшамайдиган, отасининг чиройини бир лаҳзада англай оладиган Мағаш, ўзига кўрсатилган бу илтифотга чиндан ҳурсанд бўлди.

— Оға, қайси ўланни айтай? — деб отасининг бўйнидан қучоқлаб олди.

Бир нафасда очилиб-ёэилиб кетди. Болаларга хос кулгидан нафис лабларининг таноби қочиб, оппоқ тишларини кўрсатди.

— Броқ, мен бошламайман, адашиб жетаман, мен ўрганиб олгунча ўзинг бошла оға! — деб илтимос қилди.

Абай унинг илтимосини ма'қул кўриб, томоғини қириши блан Гулбодон инисини эрмак қилиб кетди.

— Ийе, ўлан айт деса бўлди, Мағаш ҳамиша одамга: «Ўзинг бошла!» дейди туради — деб хоҳолаб кулганича, —орқасига тисланадиган тойга ўхшаб, уйнинг ёнидан нари кетаолмайди бу! — деди. Абай, Боймағамбетдан тортиб, извошдагиларнинг ҳаммаси кулиб юборишиди.

Мағаш уялиб, айланиб тушиб, юзини беркитиб ётган жойида ўзи ҳам тоза кулди. Кичик инисини аямай қаттиқ эрмак қилаётган Гулбодонга Абиш э'тиroz билдириди.

— Орқага тисланаверадиган одати бўлса, уни ёмон той деб ўйласанг керак, ўзинг тойга мишимасанг қаёқдан билласан? — деди.

Мағаш ўша он бошини ёстиқдан юлиб олиб:

— Той қаёқда? Қўйга ҳам минолмайди. Ана, менинг ёздаги орқага тисланадиган сариқ тойим, пойгадан беш марта биринчи бўлиб келди. Ўшами энди? — деди кулиб: — Қани оға, ўланни бошла! — деди.

Абай бошлаб, болалари қўшилиб «Қўзи кўш» куйини биргаллашиб қўйлаб кетишиди.

Икки кун тўхтамасдан йўл босишганда, гоҳ биргалашиб ўлан айтишар, гоҳ болаларига ўзи ҳикоя қилиб берарди ёки Абишга, Гулбодонга улар биладиган эртакларни айтдирарди. Уйқу қисиб келган чоғларда, Боймағамбетгача қўшилишиб, узоқ-узоқ куйлашарди. Ниҳоят шаҳарга етишиди.

Абай Михайловнинг маслаҳати бўйича Мағаш блан Гулбодонни «уездная школа»га берди. Биттаси эрлар, биттаси қизлар мактабига берилгани блан, июкони Андреевич топиб берган руснинг уйига қўйилди. Абини тўғрисида Михайлов бошқа маслаҳат берди. У мусулмончадан яхши саводхон бўлипти. Йilmga иштиёқи зўр, зеҳни

ўткир экан. Ўз тиришқоқлиги орқасида русчани ҳам тилмочда ўқиб, сўзлашиб юриб, анча билиб қолипти. Башланғич синфларга беришга ёши ҳам анча ўтиб қолгач. Шунинг учун Абай блан Михайллов уни қолган икки боладан айриб олишди. Унинг ёлғиз ўзини тил ўрганишга, умумий тарбиясига кучли та'сир кўрсатадиган ўқимишли одамларнинг уйига қўйишди. Яна мактабга беришмай, чиникқан, яхши тажрибали муаллим ёллашиб, ўшанинг қўлига топширишди.

Абишнинг ёқимли кўриниши, ажлоқи биринчи учрашувдаёқ Михайлловга ма'қул бўлиб, унга бошқача ихлос қўйди. Ўқиш ва тураржой масаласи ҳал бўлгандан кейин, Михайллов Абайга яна бир маслаҳат берди.

— Ибрагим Қунанбоевич! Бу ўғлингиз Абдураҳмон, илмга жуда жиддий бериладиган болага ўхшайди. Ёши бироз ўтиб қолгани учун ташвишланманг. Эҳтимол, ўз она тилида саводини чиқариб, анча оқ-корани таниб келгани яхши бўлгандир. Шу ёшда бошқа тилда ўқинига киришгани унинг учун осонроқ ҳам бўлар. Броқ, шу болангиз ҳақидаги маслаҳатимга қулоқ солинг. Абдураҳмон бу йил қиши бўйи ёлланган бир ўқитучининг қўлида яхшилаб тайёрлансин. Келаси йили Семейда ўқимасин. Тюмендаги мактаблар анча юқори туради. Тюменда менинг жуда яхши дўстларим, танишларим ҳам бор. Бу бола ёзда саҳрого бориб турар, лекин қиши фаслида руслар ўртасида бўлиб, шаҳарда, руслар ўртасида тарбиялансин. Саломат бўлса, унинг истиқболини Тюмендан ҳам нари, Питердан умид қилайлик! — деди.

Абай болалари ҳақида саҳродағи қариндошларидан кўра, кўпроқ жон куйдириб, ҳам оға, ҳам дўст сифатида ғамхўрлик қилаётган Михайлловнинг маслаҳатидан жуда миннатдор бўлди. Ўша он унинг маслаҳатига кўнди.

Бу гаплар Михайллов ишлаб ўтирадиган катта, ёруғ хонада бўлиб ўтди.

Бирордан кейин бу хонага ичкариги уйлардан чиқиб келлаётган ёшгина бир жувон кирди. Абай бу аёлни Михайлловнинг уйида кўргани шу эди. Одатда икки дўст учрашганларида, бу ерда фақат ивирсиб, майда-чўйда ишларни қилиб юрадиган биттагина бегона одам бўларди. Қари полиция блан кўп уришадиган, Домиушка бўларди, холос. Ҳалиги ёш жувон қоронғи тушиб қолган оддийгина уйга катта ёруғ лампа олиб кирди. Қип-қизил кўркам юзли, қуюқ, қўнғир сочли, катта-катта порлоқ

мовий кўэли аёл экан. Уйга мулойимлик блан салом бериб кириб келди. Абайнинг ёнида ўтирган Михайлов иргиб ўрнидан туриб, ёш жувоннинг қўлидаги чироғни олди-да, раҳмат айтди. Бир қўли блан уни Абай томон тортуб келиб:

— Мана бу Ибрагим Қунанбоевич, менинг дўстим! Таниш, Лизанка! — деди. Ҳайрон бўлиб, гангид қолган Абайнинг юзига қараб, ўзи ҳам бироз қизариб кетганича кулиб:

— Ибрагим Қунанбоевич, танишинг, Елизавета Алексеевна, менинг хотиним! — деди.

Абай ўнгайсизланиб кетди. Бундай пайтда «хайрли бўлсин» дейишини русча қандоқ қилиб айтишини билмай, тутилиб қолган эди.

— Мен билмаган эдим, Евгений Петрович, сиз нега яширдингиз? Бахтли бўлингиз! — деди шошиб-пишиб.

Бу аёл, Абай илгари улуғларнинг уйида ёки Андреевичнинг жамоасида ба'зан кўриб қоладиган Петербург, Москвада ўсган аёлларга ўхшамайди. Мана шу Семейда кўп учрайдиган оддий одамларга ўхшайди. Кўринишидаш мўмин, уятчан экани билиниб турипти. Эри блан меҳмон олдида ўнгайсизланиб ийманиб ҳаракат қиласетир. Анча тортиноқ бўлса керак. Елизавета Алексеевна ўтирмац бироз туриб астагина чиқиб кетганида, Михайлов ўзининг уйланиш воқиасини қисқагина қилиб айтиб берди.

— Мен шу ерда, яқинда уйландим. Аввалдан уйланмоқчи бўлиб юрган қаллиғим эмас. Кутимаган бир вақтда тўсатдан уйландим, десам ҳам бўлади. Шу ерлик, содда қизлардан бири. Ма'лумоти ҳам йўқ. Сиз Абишни ўқитганингиз сингари, ҳозир мен ҳам уни уйда ўқиташтирман. Ўқитиб, камолга етказиб, ўзимга муносиб ёрқилишни бурчим деб билдим! — деди. Аввалги салтсувай ҳаётига кирган бу катта янгиликни негадир ўнгайсизланиб, қисқа қилиб айтиб қўяқолди. Абай ҳам ортиқча суриштириб ўтирамади. Бир нафасдан кейин Михайлов гапни бошқа томонга буриб, шу кунларда ўзининг область маҳкамасига қайтадан ишга олингани, яна қайтадан хизматчи бўлиб қолгани тўғрисида ҳикоя қилиб кетди.

Бир кун Абай, Иртишнинг бу томонига ўтиб, кўпдан буён бормаган Тинибой уйига бориб, Мажнининг олдида ётиб қолди. Уша куни кечқурун Макиши унинг келмай қўйганидан койиб, анча гинахонлик қилди. Абайнинг қайсибир йили, шу уйда, Салтанат блан бирга қўнгилли

дамларни ўтказганини ҳам эслаб ўтди. Салтанатнинг номи тилга олиниши блан Абай уни самимий дўст сифатида соф кўнгилдан хотирлади. Ҳаёл суриб туриб чўзиб гапирди:

— Сал-та-на-т! Камол топкур Салтанат, ажойиб эдида! Мен кўриб юрган ёшларнинг ичидаги олийжанобларидан биттаси эди! — деб қўйди.

Тўсатдан Макишга қаради-да:

— Макиш, менга қара, бу кунларда Салтанат нима қилаётган экан? Ҳаёти, ҳол-аҳволи қандай экан? Сенниг хабаринг бўлмадими? — деди.

Шундан кейин Макиш, Абайга Салтанат ҳақида кўп қимматли гапларни айтиб берди.

Салтанат ўша айтдириб қўйилган йигитга теккан экан. Бу кунларда у эрксиз ҳаёт тутқуни бўлиб қолипти. Ўшандан бери шаҳарга биринчи марта, мана шу ўтган ёз келиб кетипти. Бир ўғил, бир қизилк бўлипти. Болаларини ҳам ола келган экан. Шаҳарлилар одати бўйича Макиш Салтанатни болалари блан сайдуга олиб чиқипти. Қайнқча тушиб, Иртишдан ўтиб, Полковник оролига боришипти.

Мешда қимиз, сўйиншга қўй олишиб, бир кун кечгача иккни дўст тоза ҳасратлашиб ўтириб келишипти.

Макиш, Абай кутмаган ва хаёлига ҳам келтирмаган бир гапни айтди. Абайнинг сўнгги йилларда ёзган ше'рларининг ҳаммасини ёддан билар экан. Салтанатнинг илтимоси блан ўзи билган ше'рларни гоҳ қуйга солиб, гоҳ шундай ўқиб айтиб берипти. Салтанат уларни ҳаяжон ичидаги индамай ўтириб, зўр қизиқиш блан тинглапти. Ниҳоят, ёнига ўғлини чақириб олиб, бағрига босипти-да, Макишга:

— Ҳаёт мени кўнглимдаги орзуларимдан узоқча олиб кетди. Умид қилиб бўлмаса ҳам, орзу қилган эдим. Абай блан учрашган кунларим, умримниш мана шу оролдек чечаклар, гуллар блан безангаш энг гўзал даврондай экан. Саодатли кунларим ўша бўлди, холос. Бугун мен чор-ночор бошқа ҳаётга кўнди. Бошқа кишига беришди. Энди орзум ҳам сўнди. Макиш, фақат бугун сенни кўриш, Абай сўзларини эшитиш блан, яна ўша дардларим янги бўлгандек, интизорлик сезабошладим. Эндиги бир аҳдим шуки, Абайни қадрлаб, ёлғиз ўз кўнглимда сақлаш блан қаноатланмайман. Мана бу болаларимни ҳам уни қадрлашга ўргатарман. Шуларнинг кўнглида ҳам Абайга дўс-

тона ҳислар уйғотиб, ўстириш — эндиги оналиқ бурчим бўлар. Абайга содиқ дўст тариқасида қилган сўнгги эк-соҳим бўлар! — депти.

Абай Салтанатни зўр ҳурмат блан хотирлар экан, Макишни ҳам юракдан олқишилаб, беҳад миннатдор бўлди. Уни ўзига сирдош, садоқатли дўстдек билиб, бирнече сўз блан кўнгил сирларини изҳор қилди.

— Шундай, буни фақат Салтанат айтиши мумкин. У ўз бурчинигина айтмаган. Менинг гардонимдаги вазифани ҳам айтипти-да. Унинг болалари сингари ёш бўғинга руҳий озиқ бўларлик, улар севиб сақлайдиган хазина бўларлик сўзлар блан шे'р яратиш менинг бурчим эканини айтипти-ку. «Олти қирнинг остида, йироқда юрсам ҳам, менга ҳеч бўлмаса, шундай илиқ нафасинг етиб турсин» дегани-да бу. Тушундим, англадим, армон блан ўтаётган дўст! — деб, муқаддас сирини айтди-да, қалби илҳом блан тўлқинланиб хаёлга чўмди.

Бу гал Абай шаҳарда узоқ туриб қолди. Болаларин ўқишига биринчи олиб келган йили тез ташлаб кетишга кўзи қиймади. Бутун куз бўйи, қишининг ярмигача эртадан-кечгача Гоголь номидаги кутубхонада ўтиради. У ерда илмий-текшириш ишлари блан банд одамдек ўтириши кундан-кун ўзини ҳам қизиқтириб бораётган эди. Китобдан кўзини олгиси келмас, борлиги блан берилиб кетган эди. Ба’зан кечқурун, уй бошқалардан холи қолган пайтда, ўқиган қизиқ-қизиқ романларини Боймагамбетга айтиб берарди. Ундан эшита-эшита Боймагамбет ҳам жуда кўп ҳикояларни билиб олаётган эди.

Шанба куилар кечқурун Боймагамбет чана қўшиб бориб, бир уйдан Абишни, яна бир уйдан Мағаш блан Гулбодонни олиб келарди. Улар икки кечаю бир кундуз отаснинг бағрида яйраб-яшинаб анча тиниқиб олишарди. Болалари келадиган кечалари Абай ҳатто элдан келадиган одамлар блан ҳам банд бўлмасликка, вақтини бирорга бермасликка тиришарди. Болаларига дам ўзи ҳикоя айтиб берар, дам Боймагамбетга айтдирап ёки қўшилишиб куйлашарди. Бу кечалар хушвақтлик блан гоят кўнгилли ўтарди.

Абай ҳар ҳафтада ёки ҳар ўн кунда бир марта Абиш турган уйга борарди. Абишнинг «Хозяйка»си, гўзал ва ахлоқли, кексайиб қолган аёл Анна Николаевна блан узоқ-узоқ сұхбатлашиб қайтарди. Ба’зан Мағашдек иккита ўғли, Гулбодондек иккита қизи бўлган Екатерина

Петровнанинг уйига борарди. Офицер эри ўлиб, тўрт бола блан бева қолган бу аёл ҳозир фақат ўзининг машаққатли оғир меҳнати — ўқитучилиги орқасида кун кўрарди. Абай онда-сонда бу уйга болалари учун тўланадиган ижара ҳақи, мураббиялигига тўланадиган ҳақлардан ташқари, Боймағамбетдан бутун-бутун қўйларнинг гўштини, қопда ун, ўтиң-чўп юбориб турарди.

Шу гал Абай фақат ўз болаларини ўқишига бериш блан қаноатланмай, яна бирнече етим болаларни ҳам ўқишига ўрнаштириди. Бу болаларни Абай жотоқ қўшниларига маҳсус одам юбориб олдириб келди. Биттаси Эрали жотоқлари ичидаги Анет-Мўлдабойнинг ўғли Аниёр деган етим бола. У фавқулодда бир воқиадан сўнг ўқишига келган эди. Бундан икки йил олдин корпус блан Семей жондороли томонидан чиқарилган буйруқда: «Ҳар бўлисдан бир бола русча ўқишига берилсин» дейилган эди. Бу буйруқ Тўбуқти бўлисларига етганда, биронта ота ўз боласини беришига рози бўлмади. Берилса ҳам, етим болалар берилсин, деб, кейин у етимларнинг ҳам эгаси топилиб, агар хуни тўланмаса, уларни ҳам бермайдиган бўлишди. Қисқаси, ўзларининг жоҳилликлари орқасида ўжарлик ва тўнг бўйинлик қилиб келишаётган эди. Бу гапларни бир кун Михайлов Абайга айтиб берган эди. Аэбаройи куйганидан кула-кула: «Бутун бошлиқ Семипалат уезди битта боласини ҳам ўқишига беришига рози бўлмади. Нима қилса бўлади-да?»— деб, сўраган эди.

Абай ўша ганини эшитиши блан шаҳарда ётган ерида Тўбуқтидаги ўзи яхши биладиган, сўзи ўтадиган одамларнинг ҳаммасига хат ёзади. Чинғиз бўлисининг ҳисобига деб, жотоқ боласи Аниёрни шаҳарга олдириб келиб интернатга беради. Мўлдабойга хат ёзиб, Шаған элидан олдириб келгани — ўша эл ичидаги оз уйлик қирғизларнинг Умарбек деган етим боласи эди. уни ҳам русча ўқишига берди. Такежонга хат ёзиб, Қизил Адирдан яна бир етим болани — Қурмонбойни олдирди. Бундан ташқари, Эрали жотоқларидан яна иккита болани ўқишига ўрнаштириди. Булар Абай блан бир отадан тарқаган элларнинг боласи эмас. Мамай элидан чиққан жотоқларнинг болалари. Са'диваққос блан Қасен деган иккита етим бола эди. Бу икковини мусулмонча ўқишига, мадрасага киритиб қўйди. Абай жотоқлар ҳақида ўйлаб: «Ҳеч бўлмаса, уларнинг ёш бўғини озми-кўпми илм нуридан баҳраманд бўлсин. Шояд, кўзи очилиб, шўрн ариб, кўпчи-

ликка ҳам күмаги тегса!» деган эди. Абай шаҳарда юрган бўлса ҳам жотоқлар ҳақида ўйлаб, ташвишланарди.

Уша йили Болқибек сиёзида Абай олиб берган моллар жотоқларнинг қўлига тўла-тўкис тегманти. Сиёздан эсономон Эралига етган бўлса ҳам, ўтизта молнинг ўнта сархил-сархишини териб, ўша йилнинг кузидаёқ нома'лум ўғрилар яна илиб кетипти.

Шаҳарда ётган ерида жотоқларнинг аҳволидан хабардор бўлиб турган Абай, «ҳеч бўлмаса, кетмас давлат — илмга шуларнинг ичидан ҳам битта-яримтасининг қўли етиб қолсинчи» деб, ҳалиги болаларни бутун бошлиқ Тўбуқти ичидан атайлаб саралаб, олдириб келган эди.

Қишининг ярми ўтиб, энди шаҳардан овулга қайтадиган вақт яқинлашиб қолди. Абай яна бир шанба куни Боймагамбетни ярим кун юргизди. Шаҳардаги ўша ўқучи болаларни ўз уйига йиғдириб келди. Олдида олиб ўтириб, ўланлар айтдирди. Уларни ўз ихтиёрига қўйиб бериб, яратиб ўйнатди, топишмақлар айтдирди. Кечки овқат олдидан, болалар бир нафас жим бўлгани пайтларida, салмоқли овоз блан: «Болалар!» деб, ёш меҳмонларни ҳам, ўз болаларини ҳам ўзига қаратди. Бугуя кундузи ёзиб қўйилган бир тахта қоғозни қўлига олди-да, индамай ҳайрон бўлиб турган болаларга бир ше'р ўқиб берди.

Илм бор деб ёшлиқда эсламадим,
Билатуриб фойдасин қунт қилмадим.

Ўтирганлар орасида ёлғиз ўзидан бошқа ҳечкимга ма'лум бўлмаган, шу бугун яратилган ше'р эди. Ше'рнинг:

Одамзодининг зийнати фарзанд экан,
Фарзандим ўқишини ёт кўрмадим.
Бил, деб бердим фарзандимни мактабга,
Хизмат қилиб, амал олсин деб бермадим..

деган сатрларини такрорлаб ўқиб бергач, болаларга қараб, қисқагина хайрлашув сўзини бошлади.

— Мана, болаларим, инижонларим. Биз сингари оғаталарингиз вақтида ўсиб-унолмай, сарғайиб қолган чўпга ўҳшаймиз. Ҳозир: «Илмдан бебаҳра қоллик» деб ўқинамиз, пушаймон бўламиз. Илм биз учун фақат бир орзу бўлиб қолди, холос. Сизлар учун менинг бор тилағим, қиласиган насиҳатим ҳалиги. Бу — оға фотиҳаси!

Сизлардан мадад кутаётган саҳро эликинг тилаги! Одай бўламан деб, ўқинглар! Халқимга, элимга яҳшилигим тексин, тўғри, соғдил азамат бўламан деб, халқ ғамхўри бўламан деб ўқинглар! — деди. Сизларга атаб мана шу насиҳатни ше'р блан ёзган «Кўкбой» деган оқин бўлади! — деди.

«Мана шу ўтирган болалардан янги авлод, янги бўғикнинг янги азаматларини етиштира билсан, менинг эндиғи юпанчим, кўмакдошим, ишонгани қанотим шулар бўлмайдими? Эндиликда қиласидиган меҳнатим, кўмагим, айтадиган насиҳат ва маслаҳатим бўлса — ҳаммаси ҳам қозоқнинг авом, қоронғиликда қолган халқидан янги авлод, кўзи очилган, илмга эришган кишилар етиштиришга сафарбар бўлсин. Эл ичини қўкартирадиган ваҳт етди-ку» деган хаёлга борди.

Бу йил қиши Абай қитоб ўқиш блан бирга, қўлига тез-тез қалам олиб, ўзи ҳам вужудида жон созидек акс садо бериб жўш ураётган кўп ше'рларни куйлаб юрадиган, ёзиб қўядиган бўлган эди. Уша ше'рлардаги ўгит ва насиҳатларни ҳалиги «ёш авлод»га бағишиларди. Лекин ҳали бу ше'рларнинг эгасида ўзига унча ишонч ҳам, оқин деган номни ҳам йўқ. Уз сан'атига чала ишонадиган, ўзини-ўзи синааб кўраверадиган бу одамнинг ҳозирча камтарларлик блан айтиладиган «Кўкбой» деган тахаллусигина бор эди, холос.





ЧУҚҚИДА

Саҳрода Татьяна күди

1

Бирнечча йиллар ўтди. Абай учун бу меҳнат йиллари—сан'ат йўлида изланиш йиллари бўлди. Ўқиш ва ёзиш Абайнинг эндиги ҳаёт нафасидек бўлиб қолган эди.

Бу кунларда Абай оқин-шоир бўлиб танилган. Унинг ўзи ҳам оқинлик фаолиятини энди ҳалқ олдидаги асосий бурчи деб ҳисоблардиди.

Ҳаётдан, сон-саноқсиз китоблардан олинган ҳақиқат жараёнлари, юксак фикрлар бу чоқда вазнга тушиб, оқиннинг ўз она тилида илк даф'a яратилаётган шे'рларнинг мисра'ларига қуйилмоқда эди. Қишин-ёзин китоб устида ўтирган ёки ёзув блан машғул бўлган чоғларини види Абай гоят баҳти дамлар деб ҳисобладиган бўлганди. Бу йилларда у, эл осойишини бузучи мансабдорлар, порахўр бўлислар, амалпарастларни бирнечча бор одилона ғазаб блан жазолаган эди. «Элнинг фе'л-автори» деган ше'рлари эл ичидаги қанча-қанча ғаломуслар блан бузиқиларнинг сирини фош этиб, юзларига қора суркаган эди. Бегуноҳ, ёввош ҳалқининг ҳомиси, ор-номус эгаси бўлган оқин энди меҳнат аҳлининг оғир дард-аламларини зўр ҳаққоният ва кучли эҳтирос блан куйлаётган эди. Талай ёшларнинг савиясини ошириб, чуқур ўйлашга

мажбур қиласынан, олийжаноб түйгүлар блан сугорилған гүзәл сүзлар ана шу Оқшұқида туғилиб тарқалиб кетарди.

Бунинг эвазига, кейинги вақтларда Абай атрофига йиғилған ёш сан'аткорлар ҳам уйишиб, мустақкам бир түп ташкил бўлаётган эди. Абай эндиги яратган ше'рларининг ҳаммасини ёзиб қўярди. Унинг ше'рларини ёдловчилар, куйга солиб айтучилар, халқа тарқатучилар ҳам инилари — дўстлари ҳисобланған ана шу ёшлар орасидан чиқабошлигар эди.

Шу блан бирга, Абай хоҳламаса ҳам, оғир кўриб ўзини четга олишга интилса ҳам бўлмай, оғир юқдек орқасида осилиб юрадиган яна бир сермашаққат вазифа ҳам бор. У эл ўртасидаги да'во-жанжаллар. Броқ, у Абайнинг севиб, зўр иштиёқ блан қилаётган ишиндан кейинги ўринда турарди.

Эрталабки чойдан кейин уй ичи ҳам, меҳмонлар ҳам эшикка чиқиб кетган. Қишининг ҳаво очиқ кунларидан бири. Абай ўзининг кенг хонасида ёлғиз ўтирипти. Олдида каттакон тўгарак хонтахта. У гоҳ ўша хонтахтага тирсагини қўйиб, гоҳ икки қўлини белига тираб, индамай хаёл сурив ўтирипти.

Қалбида ёнаётган фикр маш'алини ажс әтдиручи ўткир кўзлари аҳ-ён-аҳ-ёнда вазминлик блан рўпарасидаги деразага қадалади. Қуёш нур сочиб турган қорли адирларга узоқ-узоқ тикилади. Қандайдир зўр кучни ичига букиб, мук тушиб ётган тепа-тепачалар...

Бу йилги қишида Абай эл можароларидан, беҳаловат юриш-туришлардан қутилиб, уйда босим ўтирди. Кўпгина ше'рлар ёзилған маҳсулдор йилнинг биттаси шу эди. Қалбини илҳом аллалаб, ўзи блан ўзи ёлғиз қолиб ёлғиз ўтирган вақтларида, кўз олдида кўпинча мана шу адирлар турарди. Булар ҳаюнинг авзойига қараб, чиройини ўзгартириб туради. Кўпинча шоирнинг илҳоми адирлар блан сирлашаётгандек бўлади. Туманли хира кунларда у адирлар қуёш нур сочиб турган кунларни соғиниб, нолиётгандек туюлар, ҳаво очиқ кунларда эса—яшишган ёз кунларни қўмсаётгандек кўринарди. Ҳозир, асти етишиб бўлмайдиган орзу армонлар енгандек қор тагида ётарди...

Абай ўша адирларнинг чиройи очилганини кўргандек бўлди. Қўра-қўра қўйлар ўша адир томонга ўрмалашиб кетаётган экан. Интизорлик торта-торта тоқати қолмаган,

сокит адирлар энди тошлар устида юриб, янгратиб куйлаётган қўйчивон овозидан жонлангандек кўринди.

Абайнинг хаёл денгизига чўмиб кетганини унинг авзойидан дарҳол фаҳмлайдиган бир ҳамроҳи бор.— У— шундай онларда дамини чиқармай, кўп ҳаракат қилмай жим ўтирадиган Боймағамбет. У ҳозир бекор ўтирмаслик учун Абайнинг тобилғи соплик қамчисини олдида, бир чеккада ўтириб, боғичини янгилашга киришди. Онда-сонда Абайга бир назар ташлаб қўяр, яна ўз ишини давом эттиради.

Боймағамбет бир вақт Абайга кўз ташлаган эди, унинг лаблари қўмирлаб, гўё бирор блан сўзлашаётган кишидек қўллари ҳам ҳаракат қилаёттан экан. Бурун бундай одати йўқ эди. Шу йил қиши ёлғиз ўтирадиган бўлгандан бери ўқтинг-ўқтинг шундай қиласидиган бўлиб қолган. Абай қачон шундай қилса, Боймағамбет унинг дарров қоғоз-қалам сўрашини биларди.

Шунингдек бирор иш буюриб қолар деб, кутиб ўтирадиган эди. Абай тўсатдан ўгирилиб, ялт этиб Боймағамбетга лоҗайд бир назар ташлади-да, уйнинг чап томонидаги бурчагига қўл чўзиб, ниманидир «олиб бер» дегандек ишора қилди.

Боймағамбет унга нима кераклигини тушунди-да, иргиб туриб, хонтахта устига икки катта китобни келтирив қўйди.

Абай китобнинг биттасини варақлаб, ўзига керакли жойни топиб, саҳифаларни қўздан кечиргач, хиёл орқага ташланиб, яна ўйлаб кетди.

Бу икки китоб — бу овул, бу ўлканинг Абайдан бошқа кўпчилиги ҳали на тилини, на мазмунини тушунаолмайдиган китоблар. Улар фақат Абайнинг қалбигагина ҳам тушунарли, ҳам қадрли бўлган иккни оқиннинг — икки буюк шоирнинг китоблари. Пушкин блан Лермонтов...

Абай булар блан чуқур танишиб, топишиб олгандан буён, турли-туман «ҳикмат»лар, «шайх», «ҳофиз»лар, «ривоятлар» ҳам четда қолди. Абай кундаги одати бўйича бу китобларни очиб ўтираккан, унинг уйига қўниб ўтгали тушган ба'зibir намозхон, тақводор кексалар, чала мулла сўфилар ичларида:

«Бу киши шариат, тариқатларини ўқиб ўтирас экан» деб қўйишарди.

Ба'зан бир-бирига:

— Еки арвоҳларга қур'он ҳатим қилаётiriш? Қорига бўюрмай, ўзи тушираётир. Унинг савоби кўп-да,— деб қўйишарди.

Лекин, китоб тескари очилиб, расмли саҳифалари кўринганда, ҳарфлари тикилган қаштадек чўзилиб, чувалиб ётадиган араб ҳарфига ўхшамай, кетма-кет силжишиб оқаётгандек, бир текис ёзиладиган рус ҳарфларини кўришганда, ҳалиги одамлар ичларида таажжублашиб, жим бўлиб қолишарди. Абайга кек сақлаб юрадиган амалпараст зўравонлар бўлса, орқасидан ғийбат қилиб:

— Бу тескари ёзувга нега бунча тикилавермаса энди-а?— деб қўйиб,— ҳа, бу ҳам ҳаддидан ошганлик-да. Ўзича қозоқларни камситгани-да. Улуғларга сенлардан мен яқинман демоқчи, ўтиришини кўрмайсанми — деб кесатишарди.

Абай ўзининг унсиҳ тил блан узоқ-узоқ дардлашадиган бу дўстлари, бегона одамлар назарида, бир ғалати жумбоқдек туюлишини яхши биларди. Аммо бу гапларга парво қилмас, хаёлига ҳам келтирмасти.

... Улар вафот ётган. Лекин бу хилдаги ўлим, ўлим-ми? Улар мангу тирик, мангу барҳаёт бўлиб, кейинги замон учун ҳам номларини унтутилмас қилиб кетганлар. Ўзгалардан ер юзида қоладиган нишона — бир ҳовуч тупроқ ҳолос. Уша нишона, қабир устига тортилган бўз тупроқ, замон ўтган сайин чўка-чўка, ниҳоят, қора ер блан бараварлашади, йўқолиб кетади. Уша бўз тупроқ ер блан яксон бўлиши блан одамнинг номи-нишони ҳам ўчади. Абадий йўқолади. Тамом бўлади. Мана булар бўлса, ер юзида ўзларидан қолган белгини — номи-нишонни тоғдек мустаҳкам, абадий ёмирилмас қилиб ўрнатиб кетган одамлар. Улар бамисоли анави кўриниб турган Оқшўқининг икки баланд чўққиси... Абай узоқ бир хўрсиниб, яна хаёлга чўмиб кетди.

— Халқинг билим ва ма'рифат эгаси бўлмоғи нақадар буюк эҳсон! Кўплаб талантли авлодлардан қолиб келаеттган маданий ҳазиналар бўлиб, уни сақлаш учун «билим ва ма'рифат» деган асл сандиги бўлса, нима армон бор? — дерди.

Мана бу икки оқин кўпинча Абайнинг назарида бир туғишига оға-инига ўхшаб кўринарди. Бундай тенгглаштириш ҳар икки номни ҳам Абайга худди шу ўргадаги одамлар сингари яқин қилиб кўрсатарди.

...Ақл-идрохи блан ғазаби олишиб, гоҳ бири, гоҳ иккинчиси енгиб, ниҳоят, камолга етган ақли ғалаба қозонтан бўлса-да, сабр блан ўртанган аламзада оға бор. Уша оғанинг дард-аламларини кўриб, «сабрдан нима чиқди» деб оташин газабга берилиб, олишиб ўлган ини бор. Уша оға — Пушкин, Уша ини — Лермонтов. Қейинги авлодга, ҳамма эл, ҳамма замоннинг илғор фикрли кишилари зеҳнига нур сочиб, ҳаётлари маш'алдек порлаб ўтган оға-ини... Абай ўйлаб ўтириб, Татьянанинг хатига өнгашди.

— Нақадар гўзал сўзлар! Сўз эмас, қалб шарпаси. Уриб турган юрак садоси. Нақадар нозик ва чуқур ифодалар! — деб ўтириб, китобдан кўзини олди-ю:

Ошиқ тили — тилсиз тил.
Кўз блан кўр, дилин бил...

деди.

Татьяна хатининг нозик нидосига ўз қалбидан акс садодек чиқиб қўшилган сатрларни хотирлади. Бу — қиз блан йигит ғуссасига қизиқишдан туғилган шे'рнинг боши эди.

Бу даврон Абайнинг ўзидан ўтиб кетди... «Лекин ўша вакътларда ҳам қалбдан шу хилда чиқсан садони эшитган эдимми?» — деб, бироз ўйлаб қолди. Шу он қўз ўнгида икки гўзал сиймо пайдо бўлди. Ҳаётида, фақат унинг ўзи учун учиб тушган юлдузлар сингари порлаб туришди. Биттаси — қалби алангали ҳисларга тўла ма'sум Тўғжон сиймоси, иккичиси — қалби тўла қайғуси муҳаббат ва севинчини босиб кетган Салтанат сиймоси. Кеча Татьянанинг хатини таржима қилаётганида, шу иккви Абайнинг кўз олдида галма-гал намоён бўлган-дек туюлган эди. Оташин севгуси бўлса ҳам оқилона сабр блан ҳаёт гирдобига ночор кўнганлар. Булар ҳам Татьяна сингари азиз бошларини тутқувилик нуқтасига қийнала-қийнала кўндирганлар. Абайнинг билишича, Татьянанинг узунгина хатида уларнинг қалбидаги аламли дард ҳам тўла тараннум этилган, ўрин олган... Эшлишга аразидиган, берилиб тиғланадиган куй. «Хуш'ёр қалб бўлса, шу куйларга чўмиб кўрсин. Шу ўрнак бўлар! Ҳис этабиладиган ёшлар топилар. Ўрнак қилиб кўрсам нетар!» деб ўйлади.

Шунинг учун ҳам бир-икки кундан бўён оқин Татьяна-ши ўз халқининг тилида сўзлатабошлаган эди. Сўзлатган сабин Татьяна ёқимли мулойим овоз кашф этиб, бу тилда

ҳам жозибали күй топиб, дайлқапилик блан дардларини изҳор этадиган бўлиб борарди. Ҳозир тортингчоқ камсұхун қизга Пушкин ёздирган хат блан ўзи ёздирган хатни солишитираёттир. Ба'зи жойлари Пушкинникideк эмас, ғализроқ. Лекин бу ўқучининг фурлигини пазарда тутиб, ноҷор берилган бож. Шунда ҳам тушунарли бўлармикин Абайнинг кўз олдига Кўкбой, Муқалар келди. «Ким била-ди, шундай гаплар блан дардини изҳор этган Татьянани англай олишармикин!» деб шубҳаланди.

«Евгений Онегин»нинг шу саҳифалари орасига солиб қўйилган бир хат бор эди. Абай бироз хаёл суриб ўтириб ноњвой чекди-да, ўша хатни олди.

Семей кутубхонасига бориб, ўнтача қитоб олиб келган Боймагамбет шу хатни ҳам олакелган эди. Билимдои дўсти Михайлов унинг «Евгений Онегин» ҳақида заъзланиб ёзган хатига жавоб қайтарган экан. Ўзининг шу хатида Михайлов: «Евгений Онегин» сўнгги йилларда куйга солинипти. Уни, Пушкинниг Татьянаси блан Ленскийларга жуда ҳам муносиб куй дейишаштириб. Петербург, Москвадаги илгор қишилар шу блан яшаб, шу блан нафао олаётган эмиш. Броқ, қандоқ қиласайлик, уни эшитиш бизга насиб бўлмади» деб қўйинпти. Хатининг шу жойини қайтадан ўқиб ўтириб, Абай яна Кўкбой блан Муқани эслади. «Гўзал оҳанг блан ариайдай, бўйдай талай»ни ҳам пуллаб, ўтказиб юрган шоввозларда» деб, кулимсираб юқорироқда турган дўмбирани олди. «Қани ўша шўрли боққолларнинг қўлига бўз ўрнига атлас бериб кўрайчи» деди кучли бир илҳом келгандек бўлиб.

Кўзлари хиёл ёшланиб, лаблари сескин-сескин пичирлаб, аҳ'ён-аҳ'ёнда Оқишибининг чўққиларига кўз ташлаб қўярди. Броқ, бу кўзлар, қараган нарсасини кўраётган кўзлар эмас. Бу фикр нигоҳи, оқин қалбида жўш ураётган илҳом нигоҳи. Кўли дўмбира пардалари устида йўргалаёттир. Кечакётар чоғида ҳам мана шу оҳанг гўё олисдан келаётгандай қулоғига хиёл чалинган эди.

Ҳозир ўша соз бирдан ёдига келиб, дўмбира торларига ҳам илашиб кетақолди. Яна дўмбирасини чертиб, астагина хиргойи қилиб кўрган эди, яхши тушипти:

Нечора, нетай билдирамай,
Ёнирай, нечук айтаман?—

деган икки йўл, Татьяна сирининг боши, тўхталиб туриб ечила бошлагандек бўлди. Яна, яна... Дам ёнбошлаб, дам

сапчиб турғиб чордона қуриб ўтириб, тўлғанаёттандек тебранарди. Қўш тор ба'зан секин садо чиқарса, ба'зан тўсатдан баланд овоз блан жаранглаб бориб қайта пасаярди. Сўнгги икки йўл қимматга тушди. Лекин у ҳам пардага тушди. Татьяна хатининг уч бандини дам олмай айтиб ўтди. Шодлиги ичига сиғмай, оғзидағи носвойни ҳам пуфлаб ташлаб, яна янгисини отди. Энди дам аста, дам қаттиқ чалди. Назарида, энди эсидан чиқмайдиганга ўхшади. Бир нафасдан кейин бор гавдаси блан ўгирилиб, орқасига қаради. Кўзлари чақнаб, шўхлик акс этиб бориб, нигоҳи мулойимлашди-да, Боймағамбетга:

— Ҳай, сен нима қилиб ўтирибсан, ҳеч нарса тушундингми?— деди.

Боймағамбет Абайнинг бундай тўсатдан ўзгаришига ҳайрон бўлганича, боғич тақилган сариқ қамчини кўрсатиб:

— Мана бу эди, Абай оға!— деди.

— Мен нима қилиб ўтирибман, сездингми?

— Русча бир куй ёдингизга тушди шекилли деб ўтирибман.

— Ҳа, ундоқ бўлса, бунинг ҳам ма'қул гап. Қани бўлмаса, бориб Қишкене Мўлдани айтиб кел!— деди-да, ўзи яна ҳалиги куйни чалабошлади.

Боймағамбет ўринидан туриб, эшик очганда, у томондан келаётган Айгерим кўринди. Унинг орқасида келаётган бирнечча бегона одамлар ҳам бор эди. Эгнида тўн, чакмон, қўлига қамчи ушлаган, белини маҳкам боғлаган, юзи совуқдан қизарган кишилар. Олдинда келаётган иккитасининг бошида Тўбуқти нусхасидан бошқача, олти каржли қилиб тикилган чўққи тумоқ — уоқларининг тумоғи. Абай ўшаларни дурустроқ кўргунча, Айгерим ҳам, келаётганлар ҳам уйга киришди. Абай хаёлини дўмбирада чалаётган куйидан узмай туриб:

— Оббо, совуқ кирди-ку!— деди.

Айгерим ҳайрон бўлиб:

— Совуқ эмас-ку Абай! Бугун ҳатто мой ҳотгудек ҳам совуқ ийқ!— деди.

Абай:

— Ҳа, тўғри, совуқ десам, сизлар экансиз!— деди-да, бегона элнинг одамлари блан сўрашди.

Айгерим бу гап Абайнинг жумбоқ гапларидан биттаси эканини фаҳмлади-да, кулимсираб туриб, ичкари уйга кириб кетди.

Шунинг устига, қаршидаги уйда болаларни ўқитат-
ётган Кишкене Мўлда ҳам кириб келди. Абай унга қа-
раб:

— Татьянанинг хатини кўчирган эдингми? Энди у,
куйладиган бўлди-ку, билдингми?— деди.

— Жуда афзал бўлипти, кўчирив қўйган эдим.

— Ундоқ бўлса, энди Муқа блан Кўкбойга хат ёзиб
юбор. Икковига ҳам: «Татьяна салом айтиб юборипти,
биз блан ҳам танишсан депти» де! Мана бу Муҳамеджон
шаҳарга кетаётган бўлса керак,—унинг саломини олабор-
син!— деди.

Уйдаги тумоқ ва белбоғларини ечмай ўтирган бегона
меҳмонлар бу гаплар қандоқ гап ва ким ҳақида кетаётган
гап эканини фаҳмлашгани ҳам йўқ. Аҳамият бериб қулоқ
солишгани ҳам йўқ. Шулар блан бирга кирган Муҳа-
меджон Абайдан пастроқда ўтирган эди. Фақат у блан
Кишкене Мўлдагина Абайнинг ҳалиги гапларига қунт
қилиб қулоқ солишиди. Икки юзи қипқизил, қўй кўзли,
келитиган йигит Муҳамеджон ҳақиқатан ҳам шаҳарга ке-
таётган эди.

У, ўаидан ҳол-аҳвол сўрамасданоқ, ундаги кайфиятни
сезган Абайга тоиг қолиш блан бирга, ҳалиги хат блан
шे'рни билиш пайига тушди. Муҳамеджон ҳам Кўкбой
блан Муқаларга ўхшаш моҳир ўланчиман деб юрадиган
йигитлардан эди. Бундан ташқари, ўзи ҳам аҳ'ён- аҳ'ёнда
ўланлар чиқариб юради. Сўнгги йилларда Абай ёзган
ше'рларнинг ҳаммасини кўчириб олиб, ёдлаб, куйга со-
либ айтиб юрадиган дўстларининг биттаси шу. У, ҳозир
сиртқи кийимини счаётib:

— Абай оға, бу куйлаётган ким?— деди.

Абай қайтадан дўмбирасини қўлига олиб, «Татьяна
хати»нинг аввалги уч бандини куйга солиб айтиб берди-
да, кейин бу ҳақдаги гапни тўхтатди. Сўнгра ҳамон жим
ўтирган меҳмонларнинг қандай иш блан келганликлари-
ни сўради.

Абайнинг ҳалиги қуйини бир марта айтганда ўргани-
олмай қолган Муҳамеджон сўзларни яхши тушуниди.
Абай ёзган ше'рлар блан чиқарган куйларнинг ҳаммасини
биламан, деб юрган Муҳамеджон бундай жозибали сўзни
ҳали эшитмаган эди. Абайнинг ҳалиги гапига қараганда
ҳам билмас экан. Шунинг учун: «ёдлаб олиб, ўшаларга
айтиб бер, деяётган бўлса керак» деди-да, энди ше'рни
ҳам, куйни ҳам яхшилаб ўрганиб олишга аҳд қилди.

У—Абайнинг яқин қариндошларидан бири эди. Еши кичик бўлгани учун Абай ўзи айтиб бермаса «яна айтиб беринг» дейишга ботинаолмасди. Ҳа деб, қийин-қистоққа олаверишни Абай ёқтирмаслигини ҳам биларди. Шунинг учун: «Бугун тушлик овқатни Абай оғамнинг уйида ўтказиб, шу куйни яхшилаб билиб кетай» деб, рўпарадаги йиға чиқиб кетган Қишкене Мўлданинг кетидан кетди. Абай ҳали келган меҳмонларнинг гапига қулоқ солабошлиди.

Абай булардан: «Қандай иш блан келдинглар? Нима қилиб юрибсанлар?» деб сўраркан, бир нарсата жуда таажжубланди. Бундан олдин, ҳар ҳолда шу қиши ичи, ҳозир рўпарасида ўтирган мана шу уч киши — икки Уоқ, бир Кўкше худди шу кийимлари, шу кўринишлари, шу зайлда ўтиришлари блан Абайнинг кўз олдида яна бир намоён бўлиб ўтганга ўхшарди. Булар мол можароси блан келишган. Ушанда ҳам яна шу Кўкше ўғриси — Турсун шу тахлитда мўлтайиб ўтирганди. Мудроқ босаёттандек бошини қуиб, дамини чиқармай ўтирган эди. Ушанда ҳам, мана бу да'вогар Уоқ — Сарсеке йўп-йўғон бўлиб, лаппайиб ўтиргап эди. Ушанда ҳам, худди ҳозиргидаи Турсундан Сарсеке мол да'во қиласди. «Броқ у гал булар оларини олиб, тиниб-тинчиб кетишган эди-ку!»

Ҳаётнинг мудом ўзгариб турадиган кўринишлари ичida ҳеч ўзгармайдиган бўлиб олган, ҳар элдан чиққан бўлса ҳам, шаклини бузмай юрадиганлар шуларми? Еки икки жойда кўрган бир ҳолатнинг биттаси ҳақиқат, биттаси тушми? Ноҳотки бир-бирига шунчалик ўхшаса! Буларнинг ўшандаги кўриниши блан ҳозирги қиёфасини олганда, орада ҳечқанча вақт ўтмаган, вақт бир жойда турганича туриб қолганга ўхшайди-ку...

Абай Сарсекенинг сўзларига қулоқ соларкан, аввал ичida шундай хаёлларга бориб ўтирган эди. Лекин Абайнинг кўнглида пайдо бўлган бу англашибиловчилик Сарсекенинг гапи бир ерга етганда, ойдинлашиб бориб, узилиб қолди.

Сарсеке ўғирнинг товушидек тўқиллаб чиқадиган товуши блан:

— У гал олган молимни ҳазм қилдирмадинг. Абайнинг олдига олиб бориб, қустириб олдинг. Ундаи бўлса, мана, сенга ёмонлик қилганим қилган, нима қиласди. Сен Уоқнинг зўравонлигини кўриб қўяй,—деб жўрттага қилди. Учакишиб қилди бу ишни. У

гал фақат уч йилқи олган эди. Энди мана, бир гилам, бир түини орттириб, беш йилқи олди. Учакишлик! Бўлмаса, бу нима Абайжон! — деб, сўзини тамом қилди.

Абай энди тушунди. Қани, авзойига зеҳн солиб, ҳақиқатни аниқлаб кўрайчи, деб ўғрига қаради. У қизил санг-санг тумоқнинг боғини маҳкам боғлаганича, бошини қуий солиб ўтиради. Каттакон бурнининг учи блан чўққи соқолининг ярмидан уёғи кўринмайди. Абайнинг ҳаракатини ер тагидан жузатиб, тошдек қотиб, миқ этмай ўтирипти. Сарсекенинг да'восига қарши оғиз очиб, бирор нарса ҳам демади. Серсекенинг гапларига, гўё ўзига ҳеч-қандай алоқаси бўлмаган гапдек қараб, сиртига ҳам юқтирамай, терсайиб ўтирипти. Сарсеке галираёттан экан деб парвойига келтирадиган эмас. Абайни кўп ётиборли бий тутиб, тартиб сақлаб ўтирганими ёки бу ўғрининг да'вогарга гап бермаслик учун қилаётган ҳийласими?

Абай ўғрининг юзини кўриш, кўзини-кўзига тушириш учун шиддат блан гапирди.

— Хўш, сен нима дейсан? — дегандагина ўғрининг қизил санг-санг тумоғи аста-секин қўзғалиб, терсайганича Абайга қаради. Думдумалоқ, пишиқ жуссали, бехаловат ўғрининг чағир кўзлари ялт этиб Абайга қаради-ю, қайтадан сўнди. Яна ерга боқди. Унинг қовоқлари қалин, лунжи салқиган, бутун гавдаси кесилган ғўла сингари туаш, зилдек, тепса тебранмайдиган эди. У бироз пинагини бузмай ўтириб, кейин бир қўзғалиб қўйди-да:

— Абай оға, шу қайси-си кунгина,— деб тилини чайнаб, ҳар оғиз гапини салмоқлаб,—худди ман-на шу Сарсеке ўзинг-ни олдингга олиб келиб бор-р йўғим-имни йиғ-фиштир-риб бир олди. У гал т-тўла дединг буйр-руқ қилдинг, бердим. Хўш, энд-ди Уоқ моли ўғирланс-са, ҳа йўқ-қ, б-бе, йўқ мен тўл-лай берайми, энди? — деб қўйди.

Яна битмас, туганмас можаро. Қайсибири чин, қайсибири ёлғон? Шундай можаро, шундай да'вогарлар битадиган, тинадиган кун ҳам бўлармикан? Яна олишиш керак. Бир-бирига чирмашиб, чалкашиб жетган ғаразликнинг тагига етаман дегунингча, ўз ҳаётинг поёнига этиб қоласан киши...

Яна хаёлларни тўзғитиб юбориши. Ҳалиги Пушкин қани? Бояғи ипак толасидек ҳим-ҳим товланиб келаётган Татьяна ҳислари қаерда қолди? Садоқатли, соғ қалбли.

жовдирараб нафас олиб турган Татьяна... Молини йўқлаб юрган да'вогар, киши молини ҳазм қилиб кетиб, тониб тураверадиган ўғри. Лойқаланиб кетган ҳаётнинг битмас-туганмас ғалаёнлари. Гангитиб, тинқа-мадорни қуритасанку, ахир! Қани ўша, тўлқинланиб, эшилиб келаётгани созинг, Пушкин!. Хотиримдами?— деб, безовта кўнгил блан дўмбирали олиб, Абай яна ҳалиги куйни излай бошлади.

Дўмбиралининг торлари ҳалигина дилкаш, равон эди: Энди мана тушов урилган отдек муккалаб қолаёттири... Дўмбирарадан чиқаётган садо ҳам бир-бирига қовишмайди. Боя келиб турган куй йўқолди қўйди. Сарсекенинг ўғри Турсуннинг гапига қарши айтиётган да'восини тинглаб ўтириб, ўша куйни хотирлашга анча уриниб кўрса ҳам, ёдига тушмади. Чап бериб кетаверди, тутқиҷ бермади. Дўмбирали яна бир четта қўйди. Сарсеке бўлса ҳамон хуноб бўлиб галираёттири.

— Молимни яша ўзинг олдинг. Сендан бошқа киши олган эмас. Турсун, ўчакишиб қилдинг. «Йўқолган молини кетидан қувадиган, тўлатиб оладиган сенмисан!» деб қилдинг-да бу ишни...

— К-кўр, тутганини қўймас деб, с-сендан бошқа зл, сен-никидан бош-шқа м-мол қур-риганми? Ҳатто ўша пайш-шанба әм-мас, бутун бир ой давомида Тур-рсун отга минипт-тими?

Энди иккёви ҳам бор гапни ўртага солиб, олишакетишиди. Бир вақт Абай Сарсекедан: «Кўрган одам борми ёки шоҳид бўларлик из-пизи борми?» деб сўради. Сарсекенинг қўлида ундан дадиллар йўқ экан. Ҳақиқатига етиш кўп машаққат можаро. Абай хўрсиниб, қошлини чимириб қўйди.

— Э, товбал! Биродарлар, бошқа бировнинг олдига бориб, тергатсаларинг қандоқ бўлади-а? Да'вогарнинг қўлида далил йўқ, биттанг олдинг десанг, биттанг олмадим дейсан. Текшириш, тергаш керак. Менинг бўлса вақтим ҳам, мажолим ҳам йўқ. Қўшнингиз-ку, заҳри бегумон бўлиб, ҳақиқатига ҳам етар эди. Ақлбойга бориб тергатсаларинг қандоқ бўлади?— деб илтимос қилиб кўрди.

Бу гапга Сарсеке ҳам, Турсун ҳам кўнмади. «Борми йўқми, оқ бўлайлик, қора бўлайлик, нима бўлсак бўлайлик, шу ерда қандай қарорга келсангиз, ҳукм ўша бўлсин,— деб, туриб олишиди.

Шундан кейин Абайнинг жаҳли чиқиб бўғилганича ўргига қараб:

— Ундаи бўлса, қани, тўғрисини айтчи, ўлсанг ҳам ростини айт! Бунинг молини олдингми ё олмадингми?— деб, ғазаб блан тикилиб турди.

Турсун тараффудланмай, дарров жавоб қилди. У одати бўйича лабини кериб, салмоқлаб гапирди.

— Аб-бай оға! С-сенинг ол-лдингда, ўлсам ҳам, ҳақ-қиқатини айтиб ўл-ламан, деган шартим бор. Мана худо, мана қур'-он...

— Ҳай, қайтариб айтчи!— деган Абайга ўғри ялт этиб қараб кўзларига тикилганича тап тортмай давом этди.

— Айт-ганимдан тонмайман, Аб-бай оға, ўғр-ри бўл-сам ҳам, шар-ртимни буз-эмай ўл-ламан деган ўғр-риман. Мана тўғр-рисини айтсам, гап шу: бу гал мен олмадим, с-сүтдек оқман!— деб санг-санг тумоғини кўтариб, орқасига суриб, юзини биратўла очди-да, Абайга тикилиб тураверди.

Гап шу. Ўғридаги бу қайфиятни кўрган Абай анчагача унинг юзидан кўзини олмай, тикилиб ўтирди. Ўғри ҳам Абайнинг кўзига қараб, киприк ҳам қоқмай, қадалганча қолди. Абай ичидা: «Ўғри бўлса ҳам бунинг ҳозирги кўриниши тўғри одаминкига ўхшаб турипти-ку» деб ижкиланабошлади. То Абай кўзини олмагунча, Турсун ҳам бояги ўтиришини ўзгартирмади. Бу ҳолат ҳам Абайга анча та'сир қилди. Эндиги ҳукмини Абай одатдан ташқарни тезлик блан чиқарди.

— Мен ҳам айтдим, бу ўғри бўлса ҳам, лабзи йўқ ўғри эмас эди. Алдаётган бўлсанг алдандим Турсун. Лекин бундан кейин ҳам дуч келишга тўғри келар... ёлғон айттаётган бўлсанг, унда, ўз уволинг ўзингга. Айтмадинг дсма, билдингми?! Бу гал сенга ростини айтди деб ишондим!— деди-да, Сарсеке томон қайрилиб, ўз ҳукмини айтди.— Бунда сенинг молинг йўқ, Сарсеке, бошқа одамни ушла!— деб, Сарсекега кўз қирини ташлаб қўйиб, гапини тамом қилди.

Турсун шундан сўнг тумоғини яна тузатиб кийиб олди. Бошқа сўз қотмади. Сарсеке ҳам дамини чиқармади. Фақат ерга қараб қолди. Абай буларнинг ишини битирган он дўмбирасини олди-да, буларга қараб:

— Ана энди, ишларинг битди. Меҳмонхонага чиқиб овқатланинглар!— деб, ўзи дўмбирапи ушлаб турганича, янгашиб, яна китоға, Татьяна хатига тикилди.

Сарсеке блан Турсун ўрнитларидақ туришди. Дастрлаб уйга киришганларида, Сарсекени тұрга ўтиргизиб, ўзч пойгакда ўтирган Турсун, ҳозир ҳам бегона элнинг одами деб Сарсекега йўл бериб, ўзи уларнинг орқасидан кетди.

Лекин, мәдмонхонага бир узун қоронғи далондан ўтиб бориш керак эди. Шаша ердан ўтиб кетишаётганларида, Турсун оғзини катта очиб, товуш чиқармай, ҳириңглаб кулиб қўйди. Унинг шу сингари индамай кулиш одати бор эди. Бу чоқ унинг ўзидан ўзи хурсанд бўлган дамларидан бири бўлди.

У чиндан ҳам бу гал артистлик қилиб чиқди.

Кузда узоқ ерга боришга эриниб, қўшни Коной элидан уч йилқини ўғирлаб келиб сўйган эди. Сарсекелар кетига тушиб, уни Абайнинг олдига олиб келишган эди. Ушанда тергов бошланиши блан ўзича бир режа тузган эди. Абай ундан: «Олдингми, тўғрисини айт!» деб сўраши бланоқ: «Олдим, ҳарқандай ҳукм чиқарсанг рози-ман!» деган эди. Абай ўғрилар ичида шундай осонлик блан тўғрисини айтиб, айбини бўйнига олган ўғрини кўпдан бери кўргани шу эди. Ушанда у:

— Мениңг ўғридан оладиган порам — ҳақиқаттўйлиги!.. — деган эди.

Турсун кўнглига бир гапни туғиб келган эди. У орадан шекки ой ўтказиб туриб, бир қуининг ичида яна шу Сарсекенинг ўзидан беш йилқини шилиб келиб, саранжомлаб олади. Бу гал усталик блан иш кўриб, ўғриликнинг исини ҳам чиқармади.

Пайт пойлаб юриб, қаттиқ бўрон бўлиб турган бир кечада бориб, из топиб бўлмайдиган пайтда илиб кетади. Сарсекенинг бу галги да'воси қуруқ шубҳа эди, холос. На шоҳиди бору, на далили бор. Буни яхши билган Турсун, бу сафар Абайнинг олдига келганда: «Энди ўлсам ҳам тониб ўламан» деб, аҳд қилиб келганди. Турсун ҳозир ўша муддаосига етиб, Сарсекени ҳам, Абайни ҳам боллаб алдаб чиқсанига кулаётган эди.

Булар чиқиб кетишлари блан Абай яна Татьяна куйини излашга тушди:

Начора, нетай билдиримай...

деб, дўмбирага жўр қилиб кўрган эди, бояги куй ҳамон келмади. Энди биратўла эсдан чиқипти. Шу тобда бир талай одам яна устига бостириб кирди. .

Кишкене Мўлда блан Мұхамеджон яна тўқиз қумалоқнинг тахтасини бир қўлида, тери халтага солинган қумалоқ-қурраларни иккинчи қўлида кўтарганича Кўрпебой кириб келди.

Келганига уч-тўрт куп бўлса-да, Кўрпебой тўқиз қумалоқдан ҳали Абайга бўш келиб ютқизгани йўқ. Бу ўйин сўнгги кунларда кучли тортишув блан давом этаётган эди. Рақиблар ба'зан эрталабдан тушлик овқаттacha ўйнаганларида ҳам, бир ўйинни тугатаолмай ажралишарди. Кечакурун Абай китоб, ёзув-чизув блан овора бўлдида, ўйин узилиб қолди. Энди Кўрпебой «тўқиз қумалоқнинг» тахтасини кўтариб киргандা, Абай: «ўртага яна халал кириди, қўятурай» деб, Пушкин томларини ёлиб қўйди, Кўрпебойга:

— Энди кечагининг ҳиссаси чиқмаса, сен жуда гердайиб кетаяпсанку-а! — деди.

Сариқ сукдан ясалган, сийقا, йилтироқ «қумалоқлар» уядан-уяга тўқиз-тўқизистадан бўлиб, ширт-ширт тушабошлади. Кўрпебой ҳам Абайнинг уяларини тўлдираётган эди. Унинг қўли тахта устида юрганда, секин липиллаб сузиб юрганга ўшарди. Уяларга санаб тушираётган тошларни тўхтамасдан равонлик блан қандай тушираётганини пайқаш қийин эди.

Абай ба'зи қишлоарда уйда ўтириб қолганида, айттириб юбориб, йигирма кун, бир ой босим ўтириб қумалоқ ўйнайдиган одамларнинг биттаси — Мөқишининг ўғли Смоғул ёки Марқабой бўлса, яна биттаси мана шу Кўрпебой эди. Қаторида Абай ҳам бўлган мана шу уч-тўрт ўйинчи — бу атрофдати бошқа ўйинчилар орасида ном чиқарган, яна ўзаро қаттиқ тортишиб юрадиган моҳир ўйинчилар эди.

Абай блан Кўрпебой ўйин бошлишди. Дастлабки уч-тўрт юришда одатдагидек, ҳар икки томон ҳам тез-тез юриб, икки-икки уядан тош олишди. Лекин ҳали туздуқ¹ олиб, туздуқ беришмади.

Хозир Мұхамеджон, Кишкене Мўлда, Боймагамбетлар ҳам бу ўйинга дикқат қилиб, тикилиб ўтиришган өди. Мұхамеджон ҳали нариги уйга бориши бланоқ, Татьяна хотини Абайнинг қўл'ёзмасидан кўчириб олган, кейин Кишкене Мўлда ёзган нусхага солиштириб, у блан бир сидра

¹ туздуқ — рақибининг чуқурчасини тошлари блан ютиб олиш.

Ўқиб чиққан эди. Мўлда бу ше'рни кўчирганида, ёдлаб ҳам олган экан.

Татьянанинг сўзларидан завқланган Мұҳамеджоннинг дарди-фикри — ҳалиги куйни яна бир эшитиш эди. Лекин тошларга тикилганича ўтирган Абай, ўйин бир ёқлик бўлмагунча, бошқа ҳечнарса тўғрисида ўйлайдиган эмас эди. Шу орада ёш ўланчи чўйтагидаги қоғозни олди-да, пичирлаб қайта-қайта ўқиб, дастлабки бандларни ёдлай бошлиди.

Тили шунчалик нафис ифодали Татьяна, булар илгари Абайдан ҳам эшитиб кўрмаган тарзда фиғон қиласди, алам чекади.

— Сўлим сўз бўлса шундай бўлади-да!— деб хатга тикилади. Абай дамини чиқармай, Татьянасини унгутгайдек, ҳамон Кўрпебой блан бир-бирини қолдириш пайида ўтиради. Мұҳамеджон ше'рнинг бошланғич икки бандини ёдлаб ҳам бўлди.

Ниҳоят, қумалоқ томон кўз ташлади-да, дўмбиранни қўлига олиб, дингиллатганича ичида: «Начора, нетай билдирмай» ни ўзи билган куйга солиб кўрди. Лекин, у куйга тушмади. Ўзи айтадиган машҳур куйи: «Оқ қайнин»га солиб кўрди. «Тўпой кўк» блан ҳам ёндаштириб боқди. Ҳечқайсисига тушмади.

Боймағамбет у ниманинг илинжида ўтирганини нариги уйдаёт эшитиб келган эди. Энди шояд Абайнинг диққатини шу таҳлитда жалб қилсан, деган умидда гап келтириб, Мұҳамеджонга:

— Қалай, Татьяна «Оқ қайнин»ни билгиси келмаёт-тирми дейман?— деди.

— «Оқ қайнин» нигина эмас, Татьяна биз билган куйларнинг биронтасига ҳам яқинлашмаётир.

— Байт, терма сингари чўзиб айтилмайдиган куйларга тезроқ келадими дейман!— деб, Боймағамбет яна Абайга қараб қўйди.

Абай эндигина буларнинг гапига кўнгил бўлабошлиб:

— Шундай дейсанларми? Татьяна бўладиган бўлса, «Оқ бола»¹ ҳам бўлмайди. Байт излаб Бағдодга-ю Мисрға ҳам бормайди!— деб қўйди-да, қаддини ростлаб, бир юриш қилганда, сўнгги тош тарс этиб бориб Кўрпебойнинг ўртадати уясига тушиб қолди. Завқланиб кетган

¹ Бир лапар қаҳрамони бўлмиш қизнинг номи.

Абай тұла гавдаси блан силкиниб, хандон ташлаб кулиб юборди. Құрпебой шошиб кетиб, қовоғини солганича бўзрайиб ҳолди.

Қумалоққа назар ташлаб ўтирган Кишкене Мўлда:

— Хайр, туздуқ зап туздуқ бўлди-да...— деб, Абайга қўшилиб кулди. Абай кўп ўйлаб кўргандан кейин, «жуда нозик» ердан туздуқ олишга муваффақ бўлган эди.

Абай энди ёнида ўтирган йигитларнинг ходишини анча фаҳмлаб қолиб:

— Боймагамбет, Татьяна бояги куйини энди айтмаётганини кўрдингми?— деб Муҳамеджоннинг қўлидаги дўмбирасига қўл чўзди. Муҳамеджон дўмбирани дарҳол унга узатиб, тиззасида ётган қоғозга энгашди.

Абай бу гал дўмбирани чертиши блан әрталабки куй аввалгисича қайтадан жаранглаб, тезгина келақолди.

— Иўқ, энди айтгиси келган экан!— деб, Абай кулимсираб,— бундоқ денти-ку!— деди-да, куйлай бошлади. Уз таржимасининг икки бандини айтиб чиқди. Уша иккинчи банди тамом бўла келгандা, ичкариги уйдан келаётган Айгерим кўринди. У таажжубланган ҳолда Абайнинг куйига қулоқ солиб келиб ёнига ўтирди.

Иккинчи бандни бошлаганда, Муҳамеджон Абайга қўшилиб ичида айтиб кўрди. Худди шу пайтда ўзининг бир қумалоги блан юриб келаётган Қўрпебой, Абайнинг бой уяларини ёқалаб, шатирлатиб тош ташлаб келиб «бўйнидан хип бўғадиган» жойдан туздуқ олди қўйди.

— Ийе, бу нима қилди ўзи!— деб, дўмбирани Муҳамеджонга тутқиза солиб, қайтадан қумалоқ тошлар устига энгашиб ҳолди. Муҳамеджон Айгерим томонга ёнбошлиб пичирлади.

— Оббо, мана бу бемазанинг қилиғини қаранг, шу маҳалда!— деб гижиниб, Қўрпебойга қаради. Айгерим:

— Нима бўлди чироғим, нима қилди ўзи? — деб энгашиб, қумалоқ тошларига кўз ташлади.

— Абай оғамнинг мана шу янги куйини ўрганиб кетай деб, атайин йўлдан қолиб ўтирган эдим!... «Бўйнидан хип бўғадиган» жойдан туздуқ олдирган одам энди бизга қарариди!— деб, пичирлади хуноб бўлганидан. Боймагамбет ҳам ўкиниб, бош чайқаб қўйди. Айгерим Муҳамеджонга қаради-да:

— Қани у, қандай куй экан? Қўлдан буён товушингни ҳам эшиятганимиз йўқ. Тушлик овқатдан кейин отланарсан. Билганингча айтиб берчи!— деди.

— Эй япгажон, ўзим ҳам бир марта эшитиб, ушлай олмай, «дод» деб қолдим-ку ахир,— деб Мұҳамеджон дўмбирали олиб, ҳалиги куйни динғиллатиб кўрди. Келишимаётир. Абай энди ўз навбатини юриб, бироз бўшаб ўтирган эди.

— Йўқ, ногўғри чалаётисан,— деб, яна дўмбирали олди. Ҳалиги куйни уч-тўрт қайтариб чалиб берди. Мұҳамеджон дўмбирали иккинчи марта олганда, янгишмасдан жаранглатиб чалабошлади. Ёдлаб олган ше'рининг икки бандини куйга солиб, куйлаб ҳам юборди.

— Мана, Татьяна Мұҳамеджон блан танишганга ўхшайди, Айтавер! — деди Абай.

Мұҳамеджон ўзининг баланд ва тиниқ овозини энди янгратиб куйлай бошлади. Тиззасида ётған ёзувга кўз қирини ташлаб ўтириб, Татьянанинг хатини бошдан-оёқ, тутилмасдан айтиб берди. Бу ўртада тўққиз қумалоқ ҳам тўхталиб қолди.

Абай диққат қилиб киприк ҳам қоқмай тинглади. Оқшўқининг чўққиларига тикилиб Татьянанинг нозли ноласи лол қилгандан ранги ҳам ўчинқираб ўтиради. Ўзи сўзлатган сўз, ўзи куйлатган куй биринчи мартаба ёш, гўзал ва моҳир ўланчининг жаранглаган овози блан айтилганда, Абайнинг ўзини ҳам қаттиқ ҳаяжонга солди.

Татьянанинг оҳи-зори, яна сўнгти кунларда ўзининг хаёлидан бир нафас нари кетмаётган Тўғжон ва Салтанатнинг оҳи-зори блан бирдек туюлди. Ҳозир уларгина эмас, Айгерим ҳақида ҳам ўйлаётир. Кечаги оқила ёри ва дун'ёдаги энг яқин, энг севикли ёри Айгерим ҳам бу нозли нолишда ўз ғуссасини ифодаловчи тилни топгандек туюларди. Абай ҳозир мана шу куйга қулоқ солиб ўти-раркан, ўзи таржима қилган гўзал ше'рдаги зўр қудратга молик бўлган ҳақиқатни биринчи марта мароқ блан тамоша қилди. «Рус қизи Татьяна қозоқ қизларидан ҳам ўз мунгдошларини, тақдирни ўзи блан бир хилда бўлган тенгдошларини топди. Тили, тарбияси, тарихлари бошқа-бошқа бўлса ҳам, одам насли кўп жиҳатларидан: фикр қилиш қобилйати, ҳол-аҳволи, тақдирни ва алангали ҳислари блан бир-бирига нақадар яқин-а! Бир-бирига қариндош, яқин жигарлар-ку! Мана бу ўланчи оқин, қозоқ ёшларига шу ҳақиқатни баён этишга тайёр!» деган фикрдан Абайнинг ичи ёруғ нурга тўлиб, чексиз шодланди. Атрофида ўтирганларни ҳам унтиб, шу куй туфайли туғилган ўйларга борлиғи блан берилиб кетди.

Үйдагиларнинг ҳаммаси ундағи кайфиятни пайқаб, жим бўлиб, Муҳамеджонга тикилганларича ўтиришди. Қозоқ куйи эмас, лекин мунгли, та'сирли ва содда куй тўлқинланаётир. Муҳамеджон: «Яна унугиб қўймай, яхшилаб ёдлаб олай» деяётгандек, тўхтамасдан айтаверди. Унинг ўзини ҳам бу куй мафтун қилганлиги очиқ кўриниб туради. Кўз ўнгиде Татьянадек кўзи ёшли намоён бўлиб, унинг паришон ҳолини кийлаш жараёнида чуқур англаб ҳис этаётгандек бўлди. Куйни тўхтатиши блан:

— Нолиши бор вужудни лол этадиган қандай аламзода экан-а! Буни шундай фусса ичиди нозик ифодаларга бордириб, фифон қилдирган ким экан, Абай оға?! — деб, Абайга қаради.

Үйдагиларнинг ҳаммаси бу саволни жуда ўринли топиб, Абайнинг жавобини кутиб туришди. Сергап Кишкене Мўлда:

— Эй, уни бу хилда сўзлатаётган Фошкин-ку! — деди.

Унинг шу тобда гапга қўшилганига Муҳамеджоннинг энсаси қотиб:

— Қўятуринг-чи, мулла ака! Фошкин демай. Ҳатто у оқиннинг номи ҳам сиз атаётганингиздек эмас! — деди.

Кишкене Мўлда гапдан қолгиси келмай, яна:

— Хўш, қандоқ экан? Мен жуда дуруст айтдим, шундоқ! — деди.

— Йўқ, Абай оғам Пушкин дер эдилар шекилли! — деди-да, яна Абайга қаради.

Абай, уларга Пушкиннинг ҳаёти, вафоти ҳақида қисқачагина сўзлаб бериб, «Татьяна хати»га кўз ташлади. Муҳамеджон кўчириб олган нусхасига тикилганича, ба'зи жойларини тузатиб ўтириб:

— Асли ўзи, юрак дардларини изҳор этабилган тил шу-ку! Тўғрисини айтганда, Пушкиндеқ оқинни қозоқ боласи, сен ҳам, бошқалар ҳам, қўйчи, бутун мусулмон олами ҳали кўрган эмас... Нима десанг шундай-де! — деди, ўйлаб ўтирган ҳолда.

— Тўғри, ҳарҳолда бечора қиз ўз дард-аламини айтаплипти-ку! — деди Боймагамбет ҳам.

Шу пайтда Кўрпебой яна қумалоқлар томон энгашди. Муҳамеджон пайқамаган киши бўлиб, тиззаси блан қумалоқ тахтасни четга суриб юборди-да, Абайга қараб:

— Татьянанинг шундай нолиши жавобсиз қолгани адолатданми, Абай оға! Йигит ҳам шунга лойиқ бир жа-

воб қилганда яхти бўлмас эдими, юрагида заррача ўти бор одам жавоб қилмай тураоладими?— деди.

— Муҳамеджон бек дуруст айтади. Шубҳасиз, шундай бўлиши керак эди, Абай!— деди Қишине Мўлдаҳам, илтимос қилаётгандек. Абай бироз ўйлаб туриб:

— Сенинг гапинг ҳам ма'қул. Онегинни сўзлатиш керак!— деб, бир нафас ўйланиб қолди-да,— лекин у қурғурнинг ўзи вафосиз эдику-а!— деб жим бўлиб қолди. Яна Пушкин томини ўқишига тушди.

Уша куни, тушлик овқатдан сўнг Муҳамеджон Семейга жўнаб кетди. Абай кеч бўйи Пушкинни ўқиш блан банд бўлди. Пушкинга фақат ўқучи сифатидагина эмас, шоир сифатида ҳам яқинлашган куни шу кун эди. Худди қардошини топгандек, қалбида илҳом жўш уриб, борлиғи блан унга берилган куни шу кун бўлди. Абай тунда кечки овқат олдидан Пушкин томини ёпаётиб, уйдагилар ҳам эшитарлик қилиб, бир сирини айтди.

— Дун'ёни кўришда кўзимни очиб қўйдинг-ку, Евгений Петрович... Мени шундай хазиналарга етакладинг!. Энди менинг ка'бам ўрнидан кўчиб, кун чиқишим — кун ботиш, кун ботишум — кун чиқиш бўлиб бораётир. Шундай бўлса бўлақолсин!— деди.

Овқатдан кейин, уйдагилар . кундаги одат бўйича «Абайдан яна бир яғги ҳикоя чиқармикин» деяётгандек, ашагача ётмай, қараб ўтиришди. Шам ёқилгандан то овқат пишгунча китобга тикилиб ўтирган Абай, энди уйдагиларниң кўнглига қараб, айниқса унинг ҳикояларини термулиб ўтириб тинглайдиган, бу кунларда донгдор эртакчи бўлиб олган Боймағамбетни, берилиб қулоқ соладиган Айгеримни назарда тутиб, янги бир ҳикоя айтиб бермоқчи бўлди.

Шунинг блан ярим кечага қадар қимир этмай, ҳикояга қулоқ солиб ўтирган мажлис аҳлига Абай яқинда ўқиб чиққан бир романини ҳикоя қилиб берди.

2

Бугун кечқурун, Семей шаҳрининг кун ботарида, четла яшовчи Тонгжориқ деган бир майда савдогарнинг уйида бирқанча ёшлар тўпланишди. Тонгжориқнинг уйида — Абайнинг қариндошларидан Қисатой деган ёш йигит ижарага ўтиради. Қисатой бу ерда ҳам саҳродаги сингари доим улфатчилик қилиш, меҳмон кутиш блан овора

эди. Ўзи камгап, беозор йигит бўлиб, ҳамиша уйидан одам аримас, жон-дили хушчақчақлик, ўйин-кулги мажлислари эди.

Унинг бугунги меҳмонлари, Абайнинг яқин қарин дошлари блан оқин ва ўланчи дўстлари — шогирдлари эди. Ҳозир бу ерда жўрабоши бўлиб, тўрга чиқиб ўтирган йигит — бурни катта, ўғон гавдали, овози ҳам жаранглаб чиқаётган Кўкбой оқин. У, Абай бўлмаган ерда ҳечкимга сўз бермас эди. Гапирганда ҳам, ўзи хуш кўрган нарсасини жуда мақтаб, кўкларга кўтариб, кўнглига ёқмаган ишларни ерга уриб, астарини ағдариб гапираради. Ҳамиша нимани назарда тутиб гапирса, ўшани ўрнига қўйишга уринар, ўзининг гапини ма'қулламагунча қўймасди. Шупдай қилар экан, бошқаларни кулдириб ўтиради. Ўзининг бу фе'ли ҳақида у: «Шовоқилигим — шоирлигим. Ҳақиқатини айтадиган шоирман. Қизғин табиатли бўлиб, шодлиги блан ғазаби галма-гал алангала-ниб турмайдиган, ҳамиша яхдек, кесак табиат одамлардан шоир чиқмайди» деб, куларди.

Қисатойнинг бу мажлислари иззатли меҳмонларидан биттаси — ҳозир қалин қора соқолини қўйган Шубор оқин. Кўкбой мусулмончадан етишган бўлса, у русчадан ҳам анча савод чиқариб қолган. Абайдан ёши кичик Кўкбой ҳам, Шубор ҳам унинг олдида эркин сўзлашиб ўтираолмасди. Аммо у бўлмаган ерларда, ўзга қозоқлар ичida билармон, сўзамол деб ном чиқаргандарининг бирортасидан кам эмасмиз, деб ўйлашарди. Шубор жуда яхши кийинадиган, силаниб-сийпанадиган олифта йигит. Яқиндагина олган тилла соатининг тилла занжири ҳам қора желатканинг кўкрак чўнтағидан осилиб, ярақлаб турарди. У тортиниброқ сўзлар, лекин сўзлаганда ҳечкимга гап бермас, бирорни эрмак қилиб, илиб гапиришга устихони йўқ эди.

Булардан бошқа меҳмонларнинг биттаси — Абайнинг севикли ўғли, ҳозир 15—16 ларга чиқиб қолган Мағаш — Мағовия.— У — рангпаргина, пешонаси кенг, қирра бурун, жуда истараси иссиқ йигитча бўлиб, мажлис аҳли орасида ўзининг илм-ма'рифати блан ҳам ажralиб турарди. Ёши кичик бўлишига қарамай, шундай мажлисларда катталар блан баравар сұхбат қиларди. Мажлисда яна машҳур ўланчи — Муқа ҳам бор. Жаранглаган ўткир товушли Муқа — баланд бўйли, оқ юэли, кўркам йигит. У. ҳам яхши ўланчи, ҳам дўмбира ва скрипкага уста бўлгани

учун Абай бундан икки йил муқаддам Уоқ элидаи кўчириб келиб, ўз тарбиясига олган, Мағовияга йўлдош қилиб, қўйган эди. Унинг ёнгинасида — Ирсойнинг ўғли Исҳоқ ўтиради. У ҳам ўзига яраша сан'аткор, Кўқбой, Муқалар қозоқ куйларини, ўланларини, қозоқ халқ қиссалари ва тарихий достонларни яхши билса, Исҳоқ Абайнинг ёрдами, ўзининг уриниб-туртиниб ўқиши орқасида араб ва форс ҳикояларини «ўрганиб олган» йигит. У билмайдиган достон йўқ. Ундан: на «Жамшид», «Қаҳрамон Қатрон», «Рустами достон», «Бахтиёр»лар қолгану, на «Минг бир кечা», «Гўр ўғли Султон» лар қолган.

Мажлис аҳли йиғилиб, шу ерда ётиб қолмоқчи бўлиб отбоқарларини уй-уйларига қайтариб юбориши. Энди ўтириш жонланиб, ҳазил, асқия бошланган пайтда, даҳлизининг эшиги ланг очилди. Бир йигит буғи осмонига чиқиб, шақиллаб қайнаб турган катта сариқ самоварни олиб кирди. Тонгжариқнинг хотини — тўлагина, оппоқ паҳтадек, танноз жувон самовар орқасидан дастурхон олиб келди. Катта меҳмонхонанинг бўсағасида тўригача қалин-қалин кўрпачалар ёзилиб, катта-катта ёстиқлар ташланган эди. Ўша кўрпачаларда, ёстиқларда ёнбошлаб ётган меҳмонлар дув кўтарилиб, чордона қуриб олишдида, тўғарак хонтахта блан самоварга жой беришди. Дастурхон ёзилаётганда Қисатой шкафдан бир ёутилка коньяқ, бир бутилка зубровка ҳам олиб қўйди.

Дастурхонга ширинликлар қаторида яхна гўшт, қазиқарталар ҳам япроқланиб, тақсимчаларда қўйилабошланди. Исҳоқ буни кўриб мамнун бўлганидан, бир қўзғалиб қўйди-да кулимсираб:

— Ҳа, бормисан! Мана бунинг ақлли одамнинг иши бўлди-да, Қисатой! — деди. Ўтирганларнинг ҳам ба'зилари унга қўшилиб кулишди.

Катта тўғарак хонтахтанинг атрофини қуршаб, ебничиб ўтирган меҳмонлар бўлган-бўлмаган ҳажвий ҳикояларни айтиб кулишлар, бир-бирини әрмак қилиб, асқия қилишлар ҳам авж олиб кетди. Бир вақт Шубор Абайнинг шунга ўхшаш ёшлар мажлисини яхши кўришини хотирлаб:

— Абай оғамнинг шу гал шаҳарга кслмагани чакки бўлди-да! — деди.

— Йўқ, уйда ўтиргани ма'қул. Бу йил китоб ўқиш, ше'р ёзишга астойдил киришган! — деди Кўқбой.

Шубор, унга қараб, истеҳзо блан:

— Хайр, билмадим да, ўша чиноринг ўсаверса, бизлар унинг соясида қолиб ше'р ёзишга ҳам ботинолмайдиган бўлиб кетмасак яхши эди,— деб қўйди.

Унинг бу гапидан кўлгина ёшлар янги ёзган ше'лари ни тортиниб Абайга кўрсатолмай юришларига ишора қилаётгани кўришиб турарди. Бу гапнинг тагида Шуборнинг кўнглидаги Абайга бўлган ҳasad ҳам йўқ эмасди.

Шубор сўнгги сайловда бўлисликдан тушиб қолган эди. Бу, мансабпаст, худбин йигит, Абайнинг оқин сифатида кундан-кун шуҳрат топастганини асти кўраолмасди. Бу кунларда Абайнинг яқин дўстларининг орасига кириб олиб, ҳам ўланчи, ҳам оқин номини олишга жони-жаҳди блан уринаёғган эди. Унинг ҳалиги гапига Мағовия кулди-да:

— Ундай бўлса, дурустроқ ше'р ёзмагуни мизча кўрсатмай туратурамиз-да!— деди.

Шубор бошини чайқаб, шикоятомиз:

— Дуруст ёки дуруст эмаслигини билмайман, ҳар-ҳолда бу йил ўзнимча уриниб, бир янги ўлчов, янги вазн топиб, бир жуда яхши ше'р ёзиб олиб бориб кўрсатган эдим: «Бу ше'р бундай ёзилмайди» деди...— деб ўқинч блан кулиб қўйди.

Бундай ҳазил, бундай гина Кўкбойнинг кўнглида ҳам бор эди.

— Менга Новрузбойнинг¹ тумшуғи қизил оти шу бўлинин, деб «Шуқпордек кокили бор»²ни худди ўзимга минидиргандек қилиб берган эди. Кейин қараб туриб-турниб: «Бунинг ўзи жуда ҳишиниб кетди» деган баҳона блан яна йиқитиб, ўзи тортиб олганидан хабарингиз йўқми!— деди ҳасадланмай беғараз ҳазил қилиб. Мажлис аҳли бу гапни биринчи марта эшитиши эди, бирдан кулги кўтарилиди. Мағовия Кўкбойга қараб:

— Кўкежон, уни айтасиз, ше'ларнинг ҳаммасини ўзи тортиб олганини айтмайсизми?— деди. Аввалги ёз Лбай «Ез чилласи саратон» деган ше'рини ёзгандан кейин, илгари Кўкбой номидан ёзиб юрган ше'ларнинг ҳам ҳаммасини ўз номига ўтказиб олган эди. Ўша ше'ларни олаётганда Кўкбойга: «Сен сўқимни ол, мен ше'римни ўзим оламан» деган эди. Кўкбой энди ўша воқиани хотирлаб:

¹ Кўкбой ёзган поэманинг қаҳрамони.

² Абайнинг югурук от ҳақида ёзган машҳур ше'ри.

— Ҳа, упинг эвазига Кўкенг сенларга жийрон бия сўйди-ку! Қазисида икки эллик мой чиқиб, сўқимнинг ҳобирғасини еган кунимиз ше'рларини олса олақолсин, қазисига бир тўйдим-ку! — деб ўтирганларни яна бир кулдириб олди.— Қайси куни ўша жийрон биянинг қазисини еганда айтган гапимни Абай оғамга айтсам: «Тошкентни олган генерал аскари блан шаҳар ичига карнай-сурнай чалиб кирганда, чойхонада пинакка кетиб ўтирган бир банги: «Тошкентни олса олсин, аммо карнай-сурнайига жуда завқ қилдим» деган экан. Сен ҳам худди ўша бангининг ўзи бўлибсан-да!— деди. Кўкбой сўзини тамом қилганда, яна кулги кўтарилиди. Тонгжориқнинг боядан бери индамай ўтирган хотини ҳам, хандон ташлаб кулиб юборди.

Шу кўтарилиган кулги тамом бўлакелган пайтда, даҳлизнинг эшиги очилиб, қўлида қамчи ушлаган, юз-кўзини қиров босган, товонига ёпишган қорни ғижирлатиб босиб келаётган, совуққа қолган бир йўловчи кўринди. У, эшикдан:

— Ассаломуалайкум!— деб кириб келди. Ўтирганлар бегона одамнинг келишини ёқтирумай, саломига ҳам тилар-тиламас алих олишиди. Дарҳол кулгини ҳам йиғишириб «ким экан» деб, унга тикилишиди. Йўловчини энг аввал Исҳоқ таниб, хурсанд бўлганидан кулиб юбориб: «Муҳамеджонмисан?» дейиши блан, уйдагиларнинг чирои очилиб кетди.

Абай овулидан тўғри шаҳарга жўнаб, энди етиб келган эди. Муҳамеджон әл-юртнинг соғ-саломатлигини сўраётганларга жавоб қилатуриб, қўнжи узун этигини очиб ташлади. Кейин белбогини ҳам, устки кийимини ҳам очиб, чўққи соқоли блан қисқагина мўйловларида қотиб қолган музни тушираркан, бир нафас типпатик қараб қолди. Ўтирганларнинг ҳаммаси сурнилиб, жой беришиб: «Буёқча чиқ, буёқча чиқ» — деб, юқорига таклиф қилишаётган эди. Муҳамеджон шошилмасдан, артиниб-суртиниб ўзини тузатиб олди-да, тўрга қаради.

— Бугун худди мана шу Муқа блан Кўкбойчининг ўтасига ўтиришга ижозат берасизларми, жўралар!— деди. Муқа пастроқ сурилиб жой берди.

Муҳамеджон ёнига ўтирганда, Кўкбой унла бир гап борлигини сезиб қолди. Ҳозир унла куйлашда ҳам, оқипликла ҳам мана шу ўтирган ёшларнинг бирочтасига йўл бермайман, деган вазият борлигига шубҳа йўқ. Афтидан,

бугун унинг кўнглига туғиб келган бир гап ў борга ўхшади. Муҳамеджон ўтирас-ўтирас Кўкбой уни кесатди.

— Соқол-мўйловига муз қотиб, ғарч-ғурҷ қилиб кириб келаётган ким экан десам, овул экан-да! — деди.

Муҳамеджон унга:

— Ҳа, овул ёмон бўлса, мадрасани ташлаб, худонинг ўйидан қочиб, ўзинг нима қилиб овулга бориб юрибсан? — деди.

Муҳамеджон илгари Кўкбойнинг муллаликка ўқиганини эслатиб, ўтирганларни кулдирди да:

— Дамингни чиқарма, ҳамма барака ўша овулда бўлса, нима дейсан! — деди.

— Қайси баракани айтиётирсан ўзинг? — деган Кўкбой.

— Қайси баракани десанг ҳам, топиб беришга мен кафил. Фақат чой ичкүдек фурсат берчи, азизим! — деб. ғурур блан бир қараб қўйди да, дамини чиқармай ўтириб чой ичишга киришди. Қолганлар еб-ичиб бўлишган эди. Бироз-бироз орқага сурилиб ўтириб, аввалгидек ҳазил-аскияга кўчишди. Шуборнинг илтимоси блан энди ашула, ўйин-кулги бошланадиган бўлди. Одат бўйича Шубор:

— Кўйлаш, аввал каттадан бўлсин. Бошқалар ҳам тортинмай айтаверишига яхши бўлади. Кўке, ўзингиз Новрузбойнинг блан Тилевқабақ қизининг айтишганини бир эслаб юборсангиз қандоқ бўлади? — деди.

Ўтирганларнинг ҳаммаси шунга толиб экан.

Кўкбой томогини қириб қўйиб, шошмасдан ўзи шу йил қишида ёзган достонининг бир қисмини ўйноқи оҳанг блан яхшилаб айтиб берди. Бундан кейин Мағовия бошлиқ ўтирганларнинг ҳаммаси Шубор оқиндан «Сегиз оёқ»¹ ни илтимос қилишди. У ўзи айтмай, ёнидаги Ўринбек деган йигитига айттириди.

Қорни очиқиб, совқотиб келган Муҳамеджон қазиқарталардан еб, қонгунача чой ичди. Афтидан у, чалинаётган музикага ҳам, айтилаётган ўланларга ҳам қулоқ солмаётгандек кўринарди.

Ашула уэилган бир пайтда Исҳоқ ундан: «Абайнинг овулита кириб чиқдингми, саломат эканми?» деб сўраган

¹ Сегиз оёқ — саккиз сатрли ше'р бўлиб, Абай томонидан ше'рга янги киритилган форма. — Ред.

эди, қисқа қилиб: «Бирров кириб чиқдим. Соғ, салом айтди» деб, қўяқолди. Ниҳоят, чойга хўп қониб бироз орқага сурилди. Дастурхон йиғилди. Энди «Тўпойкўк»ни айтаётган Муқанинг тиниқ, ширалиқ овози янгради. Қеъин ўтирганларнинг илтимосига кўра, яна бир-икки куйни айтиб берди. Сўнгги айтгани эскириб кетган куйлардан бири эди.

Шу куй тамом бўлай деб қолганда, Муҳамеджон кўпчиликнинг илтимос қилишини кутиб ўтирмаи, томоғини қириб олиб, Муқанинг дўмбирасига қўл чўзди. У ҳам куйни тамом қилиши бланоқ дўмбирани узатақолди. Муҳамеджон дўмбиранинг қулоғини бураб созларкан:

— Шунча оқин йиғилиб олиб, ҳанузгача: «қуулун ориқ, той семиз» деб ўтирибсизми-а! Киройи эшитганингга яраша, ўланнинг ўланини эшит. Гап ундан эмас бундай!— деди-да, куйлаб юборди.

Энди Татьянанинг: «Начора, нетай, билдиrmай» деган ғоят мунгли куйи кетди. Ҳамма дамини ичига олиб ўтириб тинглади. Муҳамеджон куйлаётган ўланнинг ажойиблиги—унинг ҳарбир сўзи аниқ, дона-дона эшитлаётганлиги эди. Дастробки бир бандини эшитганда, ўтирганлар «байтми, ёки рус куйими» деб нимани эшитаётганларининг фарқига боришолмади. Бироздан кейингина шу куйнинг ўзига хос бир аламли дардни тараннум этаётган чуқур мазмунли оғир куй эканлиги ма'лум бўлди. Ўтирганларга айниқса қаттиқ та'сир этган нарса — ше'р блан тили эди.

Ёш оқинларнинг ҳаммаси дардли ма'шуқанинг рози дилини уққандек бўлишди. Ичидан: «Асли шундай бўлиши керак-ку» десаларда, ўзи ҳам биз эшитиб кўрмаган сир блан дард экан, деб диққат блан тинглашди. Икки-уч бандидан сўнг, Муҳамеджоннинг оғзига тикилиб қолишиди. Кишини ҳайратда қолдирадиган ажойиб соз. Шу қадар латиф тўлқин отиб чиқаётган соғ ҳислар блан алангали юрак сўз қотиб нидо қилаёттири. Ёшга тўлган кўзларини жовдиратиб туриб, ўксисб-ўксисб нафас олаётган соғ кўнгил дардларини очаёттири.

Муҳамеджоннинг қипқизил товланиб турган юзларига боқиб, ҳалиги гўзал куй элитиб ўтирган оқ кўнгилли Исҳоқ, хонаси блан куйловчига:

— Вой, овозингдан ўргулай!—деб қўйди. Бошқа вақт бўлганда кулгининг хонаси эди. Лекин ҳозирги ўтиришда ҳечким чурқ этмади.

Кўйловчи дам олмай «Татьяна хати»нинг оҳиригача айтиб бўлди-да, хўрсениб кўйиб, пешонасидаги терни артабошлади.

Уй ичини оғир сукунат босган эди.

Кўкбой ҳам, Шубор ҳам дамини чиқармади. Раңглари ўчиб, кайфлари бузилиб кетганидан, Муҳамеджоннинг афтига ҳам қарашолмади. Кўкбой Муҳамеджон келгани-даёқ ундаи кутилмаган бир иш чиқишини сезган эди. Ичидা: «Эшикдан кириб келгандеёқ тили бурро эди, бе-ҳуда эмас экан-да» деб, мана бу куй блан ше'р ҳақида сўрашга ҳам юраги бетламади. Қолган ашулачи ва оқинлар ҳам худди шу зайлда ўтиришарди. Ниҳоят бу жимликни Мағовия бузди. У, хурсанд бўлганича Муҳамеджонга қараб:

— Хўш, Муқа, энди бу куйнинг, бу ше'рнинг қаердан эканлигини айтиб бермайсизми? — деди.

Шубор блан Кўкбой шу гапдан кейингина Муҳамеджонга қарашди. Броқ иккови ҳам қаттиқ ҳадиксираб туришганга ўхшарди. Муҳамеджон дарҳол жавоб қилиб, ше'рнинг Кишкене Мўлда ёзган нусхасини Кўкбойга узатаркан:

— Йигитлар, бу Пушкиннинг ше'ри-ку! Уни яқинда қозоқчага Абай оғам таржима қилиб, яна куй яратиб, «шу куйга солиб айтинглар» деди. Ҳаммангизга мендан юборган саломномаси шу! — деди.

Эндигина Шуборнинг чиройи очилиб, кулиб юборди.

— Уҳ! Танимга энди жон кирди-я. Муҳамеджон «ўзим чиқардим» деб қоладими деб, кайфим учиб кетса бўладими! — деди.

Кўкбой ҳам севинганидан кулиб:

— Мен ҳам айтдим, шундай гўзал соз, ажойиб ше'р тўқиган Муҳамеджон сен бўлсанг, сен блан рақобат қилиб бўлар эдими? Йўлни бериб, энди ўланни ёлғиз сен айт, мен воз кечдим, дейишдан бошқа илож бор эдими? Оббо, худди бахтимга чанг solaётгандек кўзимга ёмон кўрининган эдинг. Раҳмат сенга, чин кўнгилдан раҳмат Муҳамеджон! — деди.

Бу икковининг беғараз ҳазилига ўтирганларнинг ҳаммаси хандон ташлаб кулиб юборишиди.

Шу тобда Муҳамеджоннинг ташқарида қолган оти эсига тушиб, эшикка чиқиб кегди. Кун бўйин терлаб келиб, энди совуқдан қунишиб, титраб турган отини ўз кўзи олдида иссиқ отхонага олдириб боғлатиб қўйди. У, уйга

қайтиб кирганды, уйлагы бояғы ҳолат ўзгариб, нечукдир бошқача бўлиб қолипти.

Энди пекканинг бурчагида турган чироқни хонтахта устига келтириб қўйишилтн. Кўкбой, Шубор, Исҳоқлар бошлиқ беш-олти киши қўлига қофоз, қалам олиб, хонтахтага бағрини бериб ўтиришилти. Ҳаммаси — Кишкене Мўлда Кўкбойга юборган «Татьянанинг хати»ни кўчиришаётир.

Муҳамеджон ичкари кириб, бироз индамай эшик олдида тургач, пиқ этиб кулди.

— Ийе, буларнинг ҳаммаси менинг буйруғимни кўчираётган котибларим бўлиб қолишилти-ку. Баракалла, Пушкин, арвоҳингдан айланай! — деди. Оқинларнинг фаттина кулиб қўйишақолгани бўлмаса, бу гапга яраша жавоб қилгудек фурсатлари йўқ эди.

Ҳамма кўчириб олгандан кейин, бирор дўмбирага қўшиб, бирор ҳиргойи қилиб «Татьянанинг хати»ни айтишди. Фақат ўрганаолмаганлари Муҳамеджонга бошлатиб, ўзлари иккитадан-учтадан бўлиб қўшилишиб айтишар эди. Шундай қилиб тун ярмидан оққунча, ҳамманинг жон-дили блан берилгани — Муҳамеджон келтирган ўша янгилик бўлди. Анчагача ўтиришиб, ётар пайтда бу уйдаги куй биладиган, дўмбира биладигаларнинг ҳаммаси Татьяна куйини, мунгли дардини ёдлаб олди.

Шундан икки кун кейин шаҳардаги Уоқлардан бир киши Муқани қиз тўйига айтди. Уша ердаги қиз-жувонлар, куёв йўлдошлари, қудалар, ёш-қарни ўртасида — кўпчилик олдида «Татьяна хати» илк даф'a жаранглади. Донгдор ўлаинчининг овозини янгратиб, буюк рус оқини созини сайратди. Бу ерда ҳам кўпчилик халқни ўша соғқалб нидоси, нозик ҳислар мафтун этиб, ҳаяжонга солди.

Муқа сўнгги сўзларни тўлқинлантириб айтиб бўлганда, куй бошланишиданоқ берилиб, тинглаётган бир кекса:

— Кўп яша бўтам, эриб тинглагудек сан'ат кўрсатдинг, қани буни ким айтган? Энди шуни ҳам айтиб берчи? — деди. Ўланчи йигит:

— Русларнинг илгари ўтган оқини Пушкин деган одам бўлган экан, ўшанинг сўзлари. Қозоқчага Абай таржима қилган! — деди.

Шу кунларда Кўкбой, Исҳоқ, Муҳамеджонлар ўтиришларда бўлишса, фақат «Татьяна куйини» айтадиган бўлишиди. Шаҳардан қайтиб кетиш олдидан Кўкбой, Михайловнинг уйига кириб чиқди. Абайга дўсти берган хат-

ни олди-да, шу кунларда шаҳардаги ёшлар ўртасинда машҳур бўлган, ҳаммасини ҳаяжонга солган янги куй ҳақида сўзлаб берди. Абайнинг Пушкинни таржима қилганини, айниқса Татьяна хатини таржима қилганини эшигандан, Михайлов иргиб туриб, Кўкбойнинг ёнига келди. Бу хабарга қизикиб, суриштирабошлиди.

— Хўш, қани, Ибрагим Қунанбаевич, Татьянани қозоқ тилида сўзлатдими? Қандай чиққап? Қозоқча бўлса ҳам менга айтиб берингчи. Шошилмасдан айтинг! — деди.

Кўкбой жўнамоқчи бўлиб, қўлига олган тумоғи блан қамчисини Михайлов икки қўллаб олиб, стул устига қўйди.

— Қани, Кўкбой, бошланг, менга айтиб беринг! Абай таржима қилган сўзларни жуда эшигим келаётир! — деди.

Кўкбой, Михайловга яна бир янгиликни ҳам айтди.

— Сўзларигина эмас, куйи ҳам бор. Биз уни «Татьяна куйи» деб, деярлик ҳар куни айтиб, бутун Семей шаҳрига ёяётирмиз!

— Куй! Музикасими, уни ким чиқарди?

— Уни ҳам Абай оғам чиқарди.

— Қаки, айтинг бўлмаса, куйи блан айтинг!

Шундан кейин Кўкбой Михайловнинг юзига тикилганича жаранглаган, ёқимли овоз блан «Татьяна хати»ни бошидан охиригача айтиб берди.

Бу вақтларда Михайлов қозоқ тилига анча тушунадиган бўлиб қолган эди. Унинг ўзи ҳам музикага кўп қобилиятли одам эди. Ёшлик чоғида музикадан анчагина дарс ҳам олган эди. Кўкбоянинг куйи тугаб қолганда қўшилиб хиргойи қилди. Абайнинг куйипи тез илиб олди. Куйлаш блан бирга куйнинг айтилиш йўлнни ше'р қофиясига солиштириб келиб, Кўкбой айтиб бўлиши бланоқ ўриидан иргиб турди. Кўкбоянинг икки елкасидан қисиб, бироз силкитиб қўйди-да, «раҳмат, кўп раҳмат!» деди-ю, яна тапга тушиб кетди.

— Ибрагим Қунанбаевичга салом айтинг, мен уни табриклайман. Бу иши яхши, жуда яхши! Унинг халқи Пушкинни билмоғи керак. Билишгина эмас, севиши ҳам керак! — деб, қизишиб сўзлаб кетди. Шундан кейин Кўкбой кийлаётганда фаҳмлаган бир масалани ҳам айтди.

— Броқ, менинг фикримча, Пушкин ше'рларининг ба'зи жойларини тўғри таржима қилмаганга ўхшайди. Айниқса, ҳамма сатрларнинг вазни Пушкин вазни блан бир-

хилда чиқмаган. Сиз айтгап куйда шу нарса сезилиб турибди. Лекин, мен уни камчилик демайман. Қозоқчага яхши тушунаолмадим. Яхши билолмадим. Шунинг учун ше'рнинг яхшилигини билмаган ҳолда камчилигини күрсатиш адолатдан бўлмайди. Сизнингча, ўзингизнилг тушунчангизча, қозоқча ше'ри яхшими, қалай? Сизнингча Пушкин, мана шу «Татьяна хати»дан қиёс қилганда, кучли сан'аткорми? — деди. Сўнгги саволига алоҳида ма'но бериб гапирди.

«Татьяна хати»ни ўқигандан бери Кўкбой Пушкинга зўр ҳурмат блан қарап, уни жуда қадрлар эди.

— О, Евгений Петрович, агар Пушкиннинг ҳамма ше'рлари мана шу «Татьяна хати» сингари бўлса, биз, қозоқ болалари ҳали ундаи қувватни кўрган эмасмиз. Мен араб ва форс шоирларининг асарларини ҳам ўқиганман. Лекин, ҳақ сўзни айтсан, биз биладиган шоирлар ўртасида Пушкиннинг тенгги йўқ, деб ўйлайман. Абай таржима қилиб берган «Татьяна хати» ўзининг гўзаллиги блан Пушкиннинг қанчалик буюк фазилатларга эга эканлигини бизга ёрқин кўрсатиб берди

Михайлова бу сўзлардан таржиманинг ҳақиқий бадиий таржима эканлигини англаб, яна Абайнин олқишлочи самимий дўстлик саломларини йўллади.

3

Бугун Оқшўқидаги овлуга кўп одам йигилган. Овлудагиларнинг оёғи ерга тегмайди. Қечки чойдан кейин, Абай ўтирган катта уйга меҳмонлардан ташқари, овланинг ўз одамлари ҳам бирин-кетин кеслиб уй лиқ тўлгац эди. Уйга сиғмаганларни Айгерим, Эрбўл, Боймагамбет ва Абайнинг иниси, ёш йигитча Қакитой тўрттови очиқ чеҳра блан қаршин олиб, ичкари уйга ўтқазишаётир. Бази ёшлар даҳлизга ҳам ўтиришган. Абайнинг қадрдон ва тотув қўшнилари чол Бойтўри, кекса Бургутбой, Бойқадам сингарилар ўз кампирлари блан бирга келишиб, Абайнинг ёнидан жой олишди. Уткир ва ингичка овозли Қакитой, Айгеримга кўмаклашиб, уч уйдаги меҳмонларни ўзи кутаётган эди. Қайси уйга борса ҳам, хушчақчақлиги, мулоим хулқи блан мажлис аҳлини хурсанд қилиб, ҳаммага манзур бўларди. Янгалари, тенгқўрларини қулоч ёзиб қарини олар, ҳамманинг кўнглини овларди. Абай уйидаги мажлисни ҳаммага баравар foят кўнгилли, хушчақчақ мажлис қилиб ўтказишга уринарди.

Қакитой — Абайнинг Исҳоқ деган инисининг уғли. У Мағовия блан тенгдош.—Дўстлик, тенгдошлиқ ва қариндошлиқ қўшилиб, уларнинг иккенини энг ширин, энг иссиқ ҳислар блан боғлаган эди.

Қакитой Мағовиядан қишин-ёзин айрилмасди. Сўнгти икки йилдан буён у Абайнинг овулида, унинг тарбиясида эди. Оппоқ, кўркам, очиқ чеҳрали, косасидан хиёл қабариб чиқсан чиройли ва ўтқир кўэли Қакитойнинг бурун учи сал кўтарилган бўлиб, чеҳрасида ҳали болаларга хос излар кўриниб туради. Қипқизил лабларида беғуборлик, софлик, ма'сумлик намоён эди. Бу лаблар, ҳарқандай гўзал қизга битса ҳам, нуқсондан хориж дейишга арзийдиган лаблар эди. Айниқса, Абай унинг шу ойнадек очиқ чеҳрасини, чийиллаб қичқириб сўзларкан, ростгўй ва беғаразлигини жуда яхши кўрарди. Абай уни *Мағаш* блан Абишлар қаторида яхши кўрарди. Қакитойни ўз ота-онасининг уйнга ҳам юборгуси келмай:

— Исҳоқ блан Тектидан, Маникедан қандай та'лим олардинг? Сеннинг ота-онанг шу ерда, мана, менинг ўзим. Шу ерда ўзимнинг бағримда бўл, бўтам!— дерди.

Унинг Қакитойга ихлоси ортишининг яна бошқа бир сабаби бор. Бу бола, шаҳарга бориб ўқимаган бўлса ҳам, сўнгги икки йил мобайнида Абайнинг ёнида бўлиб, рус тилини ўрганишга, енгилроқ китобларни ўқишга жонжаҳди блан киришаётган эди. Ёзда дам олишга келган Абишда ёз бўйи ўқирди. Шаҳарда, мактабда ўқиётган Мағовиянинг билимидан ҳам фойдаланарди. Абайнинг ёнидан бир қарич нари кетмасди. От устида юргандами, бемалол ўтиргацами, овқат устидами, Абай бир нафас бўш қолди дегунча, рус тилида ўқиган китоблари, уларнинг ма'носига оид сўроқларни берар, билишга уринарди. Ўзининг та'лим-тарбияси, одоб ахлоқи блан шаҳар мактабида ўқийдиган яхши шогирдга ўхшарди. Қай мактабнинг бўлмасини, мураббийлари фахрланишга арзийдиган, ҳар жиҳатдан етук шогирдга ўхшарди.

Бугун ҳам Абай овуладаги меҳмонларни руҳлантириб, мажлисни жонлантираётган ўша Қакитой эди. Кўпчилик меҳмонлар Абайдан кичик бўлсалар ҳам, ҳозир Қакитойнинг Абай олдида ўзини эркин ҳис этиши, улар ўртасидаги самимиятни кўриб, ўзлари ҳам тортинмай, гўё Абай блан бир оиласда ўсган одамдек бағир босиб кетинди. Бу меҳмонлар бегона эмас. Абайнинг иниси қаторидаги дўстлари, оқин, ўланчи биродарлари эди.

Улар тўпи блан бирнеча ой Семейла юриб, яқиндагина қайтиб келишди. Бугун кун ботар пайтда кўплари чана-парда, ба'зилари салт от блан Абай овулуга жадаллаб етиб келганилар: Кўкбой, Муқа, Мағозия, Ирсол, Шубор, Мұхамеджонлар эди.

Булар кўп вақтдан буён Абай блан кўришмаганлари учун ҳозир меҳмонларга ўхшаб ўтиришган эди. Бўлмаса, сўнгги йилларда ёзин-қишин Абай овулини ўз уйлари, ўйин-кулги қиласига маконларига айлантириб олишган ёшлар. Абайнинг ҳам эндиги эл ичидаги кўп қадр қиласиган одамлари мана шу ёш авлод эди.

Ёшлар келиб, чойга ҳам ўтириласдан, Абай блан Айгерим ва Эрбўлдан бугунги кечни ўзларича ўйин-кулги қилиб, эркинлик блан ўтказишга рухсат сўрашди. Бу тилакни бир тўп ёшлар номидан Кўкбой:

— Абай оға, бизнинг шу тўпимиз бу йил қишида Семей шаҳрида ўланчи ва оқин сифатида шуҳрат топиб қайтиди. Отоқли ўланчи Муқа ўёқда турсин, шаҳарда, дар-енинг ҳар икки томонида қандай тўй бўлмасин, бизларнинг бирортамизни қўлга тушириб тўй-тамошасини қизитишига жуда ишқибоз бўлиб қолди-ку! Қўйингчи, оёғимиз ерга тегмади. Шаҳарлиларингизнинг кафтидан тушмадяк десак ҳам бўлади. Шу қадар шуҳрат топишимизга сабаб—сизнинг куйларингиз, куйга солиб айттирган ўланларингиз бўлди. Айниқса Мұхамеджон олиб борган: «Татьяна куйин» лол қилмаган йиғинни кўрмадик. Шундай қилиб, мана бу овулингизга келиб ўтирган иниларингиз, жигарларингиз, куй ва сан'атнинг катта бир гуруҳи бўлиб, янги сан'атга эришиб келишди. Бугун тўпимиз блан сизнинг кўригингиздан ўтайлик. Бизнинг ўйин-кулгимизни кўринг!— деди.

Абай Кўкбойнинг сўзини шодланиб, кулимсираб ўтириб, завқ блан тинглади.

— Ҳарбирингиз бир уй одамни қойил қилған бўлсангиз, бугун тўпланишиб келганингизда, Оқшўқига биратўла хонбозорни кўчириб келдик дегин. Қани, кўйланглар! Бошливеринг ўйин-кулгини!— деди. Чойга ластурхон ёзилаётган пайтда ўз уйидаги дўстларига:

— Айгерим, Какитой, Эрбўл, Боймағамбет! Сен тўрттовинг бориб, овулдаги кўни-кўшнилар, молбоқарлар, бутун уйлардаги чол-кампирларни, ёш-ялангларин айтиб келиб, буларнинг ўйин-кулгисини бирга кўринглар. Уларнинг ҳам кўнгли очилсин. Мана бу меҳмонларингиз бўлса, Се-

мей шаҳрида, тумонатдек ҳалқ олдида, йигилиарда бўй ўлчашиб ютиб келганлар, пешонасан ярқираганларга ўхшайди. Буларнинг талаби катта-да. Бизларнинг уч-тўргиши бўлиб, тинглашимиз оз кўринар, назари ҳам илмас. Булар яна камсиниб, лунжини чайнаб олишмасин. Ўзларн ўрганган кўпчиликни, ҳалқни йигиб беринглар. Ҳамма уйларга жойлаштириб, уларни ҳам яхшилаб меҳмон қилинглар!— деди.

Қош қорайгандан бери, Қакитой блан Боймагамбет икковининг тинмай ҳаллослаб юриб, кўпчиликни йигиб келишларининг, келганларни яхши кутишларининг боиси шу эди.

Кўпчилик йигилиб, то ўйин-кулги бошлангунча Кўкбой Абайга шаҳардаги янгиликларни айтиб берди. Кейин Абай гап очгандан кейин Михайлов ҳақида сўзлай бошлиди. Узининг Михайлов уйида бирнечча марта бўлганини айтди. Ундан ҳархил китоблар ва ёрдам олаётганини ҳам айтиб келиб, ниҳоят, сўнгги учрашувларини хотирлади. Михайловнинг «Татьяна куйи»ни эшнгандаги севинчилини, Абайга айтиб юборган қизғин саломларини етказди. Унинг: «Пушкин ўлчови блан Абайнинг вазни бирхил эмасга ўхшайдими?» деган мулоҳазасини ҳам айтди. Абай Михайловнинг нақадар зийрак одам эканига ҳайрон қолиб, мамнуният блан гапирди.

— Йигитлар, Михайловнинг айтгани тўғри. Менинг таржимам Пушкин ўлчови блан тенг чиқаётгани йўқ. Тўғри айтипти. Ундан кейин, Татьянанинг юрак дардларини қозоқ тилида баён этдиришда менинг ўзим ба'зибир сабаблар блан тўғри чиқармаган жойларим ҳам бор!— деди. «Ўзим ба'зибир сабаблар блан» деганда, таржимасига ўз қалбидан чиққан ба'зибир оташин ҳислар ҳам қўшилиб кетганига ишора қилган эди. Лекин у ҳақда ҳозир ёрилиб гапиргиси келмади. Яна гапини Михайловга кўчирди-да:

— Ёпирим, бу Михайлов нақадар сезгир, ажойиб одам-да. Қозоқ тилини яхши билмайди, шунга қарамай, ўзим ҳам шубҳа қиладиган жойларимни топиб айтипти. Илм ва ма'рифат одамга сингиб кетгандан кейин, зеҳнини нақадар ўтирилаштириб, йироқни кўрабиладиган қиласди-а. Қошимда ўтирган қозоқлардан кўра, йироқда ўтирган Михайлов менинг ҳол-аҳволимни кўриб билиб ўтирипти-ку!— деди.

Бу кеча — ўйин-кулги, куй ва ўланлар, гўзал сан'ат

мусобақасининг қизгин, зўр тамошаси бўлган кечага айланди. Тунги овқатдан кейин, ётар пайтдагина меҳмонлар тарқалиб кетишиди. Энди шаҳардан келганлар блан Абайнинг атрофидаги энг яқин одамларигина холи қолиб, катта уйда ёзилиб ўтиришиди. Меҳмонлар блан овулдагнлар орасида куйламаган одам оз қолди. Куйламаган фақат Абай блан Айгерим эди, холос. Булардан бошқа ҳамма: тоҳ Муқа, Мұхамеджон, Кўкбойлар якка-якка айтишса, тоҳ Мағовия, Какитойлар биргалашиб айтишар, ба'зан Шубор блан Кўкбой бошлаб, Йсҳоқ, Эрбўл, Боймағамбетгача қўшилишиб ўзларича хор ташкил қилишарди.

Эндиги ўтиришда Абай блан Айгеримининг илтимосига кўра, яккахон ўланчиларгина эски ва янги ўланлардан куйлаб ўтиришиди. Шу орада Кўкбой блан Мұхамеджон Айгеримининг ҳам куйлаб беришини илтимос қилиб қолишиди.

— Кўлдан бери янгамизниң куйлаганини эшитмай кетдик-ку!

— Нима сабабдан айтмайдиган бўлиб кетди!— Бир эшитсанк бўларди, Абай оға!— дейишди.

Абай ҳам Айгеримининг нурланиб болқинган, оқ-қизенли шафақ отиб гул-гул ёниб турган чеҳрасига интиқтиқ блан тикилиб қолди.

— Айгерим айтмайдиган бўлиб кетди-ку! Айтармиди!— деди.

Унинг товушида ўқинч сингари бир киноя эшитилди. Ҳақиқатан ҳам, сўнгги бирнеча йил давомида Абай блан Айгеримининг ўртасида фақат бир-бирига ҳурмат сақлашдан бошқа нарса қолмаган эди. Музлаган кўнгил эриб, аввалгидек бир-бирига талпинишлар ҳам йўқ. Юзаки муомала ва муносабатлар блан чегараланиб қолишган. Уларнинг ўртасида дастлабки, бахтили йиллардаги сингари, сирлашиб дардлашадиган самимий сухбат соатлари ҳам узилган. Оташин тўлқинли кунлари битиб, негадир совиниб қолган эди. Айгерим Абайнинг гапида мунгли оҳангни эшитиб, ўша дастлабки йиллардаги сингари сезгирилик блан юраги шиф этиб, арзиқиб кетди. Ял этиб Абайга боққан қопқора, наркас кўзларида ажиб бир ишва блан бирга, савол ифодаси ҳам акс этди, ёқимили, нафис соз сингари овоз блан:

— Мен эмасдим-ку, Абай! Айтдирмай қўйган ўзларингиз, ўзингиз эдингиз-ку,— деб, мулойимгина жилмайиб қўйди.

— Қани, айтчи, Айгерим! Юракда борини чёртчи.
Эшитганинг, ўрганганинг борми, янги куйларинингни айти-
ётирман! Борми ўзи асти?— деб, Абай борлиғи блан бе-
рилиб, фақат Айгеримга қулоқ солди.

Шу пайт Айгерим қошларинн хиёл чимириб, Эрбўлга
ишора қилгандай бўлди. Сирдош дўст, Муқанинг қўлидаги
дўмбирани олиб, дарҳол Айгеримнинг ёнига ўтиб, Татьяна
куйини чалабошлади. Шу он, бу мажлисда, Абайнинг ўзи
ҳам кўпдан бери эшитмаган, эшитмаганига ўкингудек гонг
майнин, кумуш толалар сингари нозик куй кўтарилди. Абай
ҳайратда қолди. Гарчи у бехабар қолган, «ўрган» деб айт-
маган бўлса ҳам, Айгерим Татьяна куйини, яна Татьяна
хатининг ҳаммасини билар экан. Ҳали Эрбўлга ишора қи-
лишининг сабаби—Айгеримнинг сўнгги кунлардаги сири-
ни ўша биларди. Айгерим, Эрбўлга дўмбира чалдириб,
астагина куйлаб, Татьяна куйипи ҳам, сўзларини ҳам ба-
тамом ёдлаб олган экан. Айгерим куй бошлаганда, Тать-
яна созини шу кунга қадар айтиб юрган ашулачи йигит-
ларнинг ҳаммаси: «Чин Татьяна шунинг ўзи! Оппоқ
юзлари гул-гул ёниб, яшнаб турган Айгерим» деб, «Худди
ўшанинг ўзи» деб билишиди. Билишди-ю, сув қўйгандек
жим бўлиб тинглашди.

Абайнинг ўзи ҳам, куйни дастлаб чиқарган куни, Му-
ҳамеджон айтганда, қизиқиб тинглаган бўлса, шундак
кейин берилиб, эриб тинглагани шу эди. Овулда, Абай-
нинг ёнида куйловчи ёшлардан ҳечким бўлмагани учун,
Татьяна куйни фақат дўмбирада чалингани бўлмаса, ҳо-
зирча куйлайдиганлар йўқ эди. Ҳозир Айгерим, Абай
учун янги бир ҳаёт, алангали нафас капиф этгандек бўлди.
Абай, яна ҳув ўша йиллардаги сингари, Айгеримдан кў-
зини ололмай, ҳатто нафас ҳам олмай эриб ўтириб қулоқ
солди. Ҳозир Айгеримнинг ўзи ҳам ўланнинг сўзларини
куйдаги ҳарбир нозик тўлқинни ҳам бузмасдан, ҳарбир
нидосигача бино қўйиб, борлиғи блан берилиб айтиётган
эди. У ҳозир куйларди эмас, қўнглидаги армонини, дард-
аламини чертаётган эди. Татьяна нозини эмас, ўз қалби-
дан қайнаб чиққан алангали, соғ ҳисларни изҳор этарди.
Қалбидаги соғ садоқатини, ёшлиқ муножотини яширин
бир дуодек қилиб, ягона меҳрибонига багишлаётир. Абай-
га айтиётир...

Узагага ҳеч дун'ёда
Ихтиёр-ла берилмас бу юрак.
Азалда, тақдир-эгадан
Хўжам сенсан, не керак.

... Аввало кирдинг тушимга,
Үртоқ бўлдинг умримга,
Тўлқин солдинг ичнимга.
Ушандан ёрсан қўнглимга.
Худодан бўлгай, деб, эми,
Худойини мўл бердим.
Кўргандаёқ мен сени,
«Шу экан-ку, у» дедим.

Яна нозли, мунгли ёр гуссаси тўлқинланиб келаётир. Ҳозир Айгеримнинг юзидағи қизиллик йўқолиб, ранги ўчинқираган. Ҳақиқий оқин сингари жўшқин, иссиқ илҳомга берилган. Қалби ҳам ўзининг соф нафаси блан тутош эриб, сўзларига, товушига айланган. Айтган сайнин нағислашиб, муқаддас сирини изҳор этаётир. Гўё бошқаларни унугиб, фақат Абайнинг ўзи блан ўтириб нозланиб арзиҳол айтиётир. «Нима гуноҳим бор эди? Агар бўлса, сен кечирсанг бўлмасмиди? Яна ўзинг танҳо ўзимни бўлиб келсанг нима қиларди! Уша вақтлардаги порлоқ кунларни топчи. Ўзимни топчи!...» деягандек туюлди.

... Етган сайнин уйқуга,
Дуо ўқирдим чўчиб.
Боғлаб менин хулқинингта,
Юрап эдинг қўшилиб...
Еч қўнглимнинг жумбоғин,
Еки бари алданиш,
Еш юрак ёйиб қучоғив
Толпиянгандир ойга олис.

Бундан кейинги сартларнинг ипак толасидек нозик ва чийратма сўзлари блан кўйи, Айгеримнинг бор иродасипи, сабр-тоқатини беихтиёр емириб, мажолисизлантириб бораётгандек бўлди.

На бўлса ҳам ўзимни
Топширдим сизга, молиниб,
Тўлдириб ёшга қўзимни,
Эслагии дейман, ялинниб...

деб келди-ю, бирдан тўхтаб ўзини тутолмай, ўксиб-ўксиб йиғлаб юборди-да, жим бўлиб қолди. Уйни ҳазин ва оғир сукунат босди. Абайнинг ранги қум-қуйт ўчиб, икки кўзи косасидан чиқиб, вужудида ажиб бир титроқ туриб, қошлиарини чимириди. Ёнда ўтирган Айгеримни қаттиқ қисиб қучоқлаб, бағрига босди-ю, ёшли қўэларидан бўса олди.

— Айгерим! Азизим! Куйинг блан, кўз ёшларинг блан мени яна топдигми! Чин садоқатли, соф қалбинг.

толпиниб келиб топти-ку! Татьянаниңгүйи, нозли ноласи сенинг ҳам юрагингдаги чин дардларга айланиб чиқди-ку!— деди.

Икковининг атрофида ўтирган ёш дўстлар булардаги кайфиятни жуда яхши англашди.

— Оббо, Татьяна, қозоқ қизидан ҳам ўз мунгдошингни топдинг-а! Қанча-қанча соғдил ёшларга тил берарсан ҳали!— деб қўйди Кўкбой.

Бошқа ҳечким гапирмади. Лекин, «Тўғри, бу турган гап, албатта» деяётгандек, бир-бирларига қараб қўйишди. Ёшлар Абай блан Айгеримни энди суҳбатга тортишаомлади. Бу икковининг юрагига ҳеч гапнинг ҳожати йўқ эди. Сукут қилиб ўтирганлари ҳолда садоқатли кўнгиллари ҳозирнинг ўзидвёқ дардлашиб, сирлашаётган эди. Яна қайтиб уйғонган кучли ишқ ўти тулашиб, орага сўз киришини ҳам, кузатучи бегона кўз бўлишини ҳам истамас эди. Буни сезган Муқа блан Кўкбойлар бирин-кетин чиқиб кетишиди. Уйда танҳо ўзлари қолган Абай блан Айгерим бир-бирларига алангали муҳаббат блан қулоқ ёзишиб бориб, узоқ-узоқ ўпишди.

Бирнече йиллар давомида бир-бирини англайолмай, юракларида пайдо бўлган чигал тугунни куй ёэди. Тенг илҳомга эга бўлган, тенг сифатида топиштириди. Энди бир умр айнимас, битмас-туганмас муҳаббат блан топиштириди. Татьянаниңгүйи мунгли сози блан аламли нози қайтадан қувонтириб, сўнгандарини ёндириб топиштириди.

Шундай қилиб, 1887 йилниңг қишида улуғ рус оқини Пушкин ўзининг севикли Татьянасиның қўлидан етаклаб келиб, кенг қозоқ саҳросига илқ даф'а қадам қўйди.

Ўзи тингловчиларини мафтун этган қадрли оқин бўлди. Татьянаси қозоқ ёшларининг қалбидаги ҳисларига илгари қозоқ сўзи блан ифода қилиб бўлмаган кўркам, жозибали тил бериб, уларнинг жондан ҳам ширин, энг яқин жигари бўлиб келди.

Иккинчи китоб тамом.

Э П И Л О Г

Оқшўқида туғилган ўлан, ўлан блан куй, чуқур ма'ноли қўшиқлар кўчирилиб, ёдланиб, куйланиб, тўлқинланиб тарқалаётган эди. Алвон-турли сирларга эга бўлган янги сўз, Сари Орқанинг майин шабадаси сингари аста силжиб, лекин кенг ёйилиб тарқалди... Бу атроф, бу саҳро илгари эшитмаган янги садо эди. Асрлар бўйи сукут ичидага упсиз сўроқлаб, мудраб ётгап саҳрога ел канотида куйлаб келаётган жавоб эди. Эзгулик елди. Янги йил келаётганидан дарак беручи баҳор елидек эди. У — тарихнинг янги бир авлодининг нидоси эди. Утган қишдан туғилган эмас, олдаги ёз учун, ёзнинг янги ҳаёти чечак ёзиб ўсиб-униши учун туғилган янги бўғиннинг овози... Унинг қўшиғи — янги ҳаёт орзу қилиб, янги юксалишга интилучи қўшиқ. Барча ёрқин фикрли хуш'ёрлар учун, сеэгир қалблар учун, тиннимсиз ўйлар учун курашга доим тайёр бўлган виждон эгалари учун яратилган қўшиқлар...

Оқшўқида туғилган ўлан, ўлан блан куй кўчирилиб, ёдланиб, куйланиб, тўлқинланиб Эралига етди. Абай шаҳарга олиб бориб ўқитган, жотоқдан чиққан етим болалар: Ҳасан блан Са'диваққос ҳар оқшом ўзларни кўчириб олган ўланларни ўқишарди. Қудуқ бошида, кечки пайтда овул ёнида, овқат чоғида ҳамавақт Даркембой бошлиқ бир гуруҳ ёшу қарилар тўпланишиб, Абайнинг шे'рларини буларга ўқитиб тинглашарди.

Абайга оға, дўст бўлган Даркембой носвой исқаб би-
роz сесканиб қўяр, хат ўқиётган ёшларга ёндашиб, узоқ-
узоқ ўтириб, қулоқ соларди.

Қалин элим, қозоғим, шўрлик юртим,
Устарасиз оғезингга тушди муртив...

деб, эл ғамхўрига айланган Абайни кўз олдига келтиради. Даркембой унинг сўзларига ишонар ва оқиннинг қай-
гуларига кекса кўнглидаги ҳасратларини қўшиб бош
ягарди.

Дандибой, Эренойлар бўлишиб ба'зан «Куз»ни ўқитишарди. Бир эмас, қайта-қайта ўқитишарди.

Қора қийдан уришмай озроқ берса,
Бу — қашшоққа қилинган улкан эҳсон...

деганда, кексалар ҳузур қилиб кулишарди. Бу гапни би-
рорта Такежон, Мойбосар, Ўрозбойлар бекор деб айтади
олмас... Бу куйда мана шу кексалар оиласи блан бой оувул-
ларнинг атрофида юриб, кечирган кунлари, кўйлари
тасвири этилган. Улар ўз дардларига ҳамоҳанг бўлгани
ўланларни айниқса кўп ўқитишарди... Ўқишга қаноат
қилмай, «Оҳанги блан ўқи», «куйга солиб айт» дейишиб,
бирхил ёшларга куйлатиб эшитишарди. Ба'зан бутун ёши-
лар бир бўлиб куйлашарди. Ғамгин кеч пайти бирқанча
ёшларнинг овози блан тўлқинланаётган ҳақиқат қўшиғи
қулоқ солаётган кексаларни ҳайратда қолдиради. Завқ
блан айтилаётган гаплар эшитиларди.

— Қандай сўзлар!

— Қандай айтилган-а!

— Олтмиш икки томиринггача жимирлатиб юборади-
ган сўзлар...

— Айтарсан... Шу йўсин айтарсан... Қозоқ боласи
айтмаган гапларни сен айтарсан Абай!.. Асилим!.. Чў-
лимдаги ягона олтин терагим. Чўлда битган бўстон — гу-
листаним! Ҳуш'ёри-хушфаҳим! — дейди Даркембой. У.
сукут ичиди тингланаётган кўпчиликпинг кўнглидаги ота-
шин ҳисларни изҳор этарди.

Оқшўқида туғилган ўлан, ўлан блан куй кўчирилиб,
ёдланиб, Муҳамеджон томонидан куйланниб, Улжон ову-
лига етган эди. Муҳамеджон кеча кеч бўйи Үспоннинг уйи-
да Абай ше'ларини ҳам ўқиб, ҳам куйлаб берди. Бу оувул-
даги ёш-яланглар, бирқанча қўни-қўшнилар Эркежон блан

Успон ўтовини лиқ тўлдириб, сиғмаганлар ташқаридан ёпигилишиб эшитиши.

Улжон Абайнинг кўпдан, қишдан буён кўрмаган эди. Она кўнгли соғинчга тўла эди. Эрталаб Муҳамеджонни чақиртириб олди-да, Абайнинг ше'рларини ўқитди.. Кирган-чиққанларга ҳам, отда келган йўлончиларга ҳам қайрилиб қарамади.

Сўз тузалди, тингловчим, сен ҳам тузал,
Келабин сизларга ҳам энди аста...

депти боласи. Бу онасига ҳам эслатгани-да! Бурунги ба'-аибир нодонларни, сўзни пулловчиларни, мансабпарастларни боласи хўп савалапти.

Эл ғаломуси Тўбуқти,
Кўп пухтага мўлиқти!—

депти яна бир жойда.

Улжон Абайнинг сўзларига ҳайрат ичидаги шодланиб, чуқур ўйга кетиб ўтиаркан, Успоннинг тўсатдан қаҳқаҳ уриб кулиши хаёлини бўлиб юборди. Онасидан пастроқда ўтирган Успон ҳам кечадан буён дамини чиқармай, жимгина тинглаётган эди. Шу дамгача: «яҳши-ёмон» деб бирор оғиз сўз ҳам қотмаган эди. Уша тинч ўтирган Успон, ҳозир бирдан тошиб кетгандек бўлди. Шарақлаб кулиб, ўз-ўзидан завқланарди. Нарироҳда, бир четда ўтириб қимиз ичаётган Такежонларга қараб, иягини қоқиб, ўшаларни эрмак қилиб кулаёттир.

— Ана... Ана, ўтиришипти-ку! Епирим, ҳудди мана шуларнинг ўзи-да, ўша айтганлари.

«Эл ғаломуси Тўбуқти,
Кўп пухтага мўлиқти!»

деб қўйиб, яна кулди.

Такежоннинг ёнида Ўрозбой блан Жиренше ўтирган эди. Успон ўланга ҳам, ўзининг кулгисига ҳам уларнинг энсаси қотганини сезиб қолиб, яна батарроқ қилди. Энди очиқдан-очиқ эрмак қилиб кулаётган эди.

Жиреншенинг назарида, ўша тентак, думбил табнат, шўх бола Успон яна ўша болалик ҳолига қайтиб, масхара қилаётгандек туюлди.

— Узи нима гап, Успон, гўдакларга ўхшаб бунча ҳиринглайсан, сенга нима бўлди?!— деди.

Успон унинг сўзларига парво ҳам қилмади. Қайтага баттарроқ ғашига тегиб шанғиллаб:

— Ҳозирги Тўбуқтида уччалангдан ғаломус амалдорни излаб топаоладими киши.. Абай бошларингта яхшилаб мушт туширмадими, ҳудолигингни айтчи ўзинг, ҳой Жиренше!— деб, асқия қилиб кетди.

Абай ше'рларининг ҳақиқий сири Успонга энди очиқ англашилган эди.

Успоннинг гапи Улжонга ҳам ма'қул тушиб, пиқ этиб кулди-ю, яна ўйланиб қолди.

Кўп ше'рлар ўқиб берган Муҳамеджонни энди бир нафас тўхтатди-да, уйдагиларнинг ҳаммасига эшитдириб, салмоқли қилиб:

— Туғилганидан... ҳатто бир қарич болалигидан буён. Абайим бир тепа, қолган қавм-қариндош ҳаммаси бир тепа эди. Оналик бағримни бутун қилиб турадиган бир қимматли хазинадек кўрар эдим. Кўнглимда оналик умиди, тилаги ҳам у блан бирга туғилган эди. Мана, бугун ўша умид блан тилак рӯёбга чиқипти, сермева дараҳтлик бўлибман. Энди ўлсам, беармон кетадиган она бўлибман! Ўзингга шукурлар бўлсин, тангри... парвардигорҳолам!— деди.

Ўйда жимжитлик ҳукм сурисиб, ҳамма меҳрибон она-нинг самимий дуо ва муножотини тинглаётган эди. Броқ жимликни Такежон бузди. Успоннинг ҳалиги гапидан ҳам порози бўлди.

— Эй, опа-ей!— деб, Улжонга қаради-да: — ишқилиб, бипо қўйганинг ўша бўлгандан кейин, албатта шундай дейсан-да. Бўлмаса, сенинг болангдан бошқа ҳам олийжаноб, сўзамол қозоқлар ўтган эдику. Ӯшалар: «Худога шукур, авладимиздан бахши блаи оқин чиққани йўқ» демаганмиди. Сен, болам бахши-қучноч бўлди деб нимасига бунча қувонаётисан?!— деди.

Жиренше, одатдагидек айёрлик блан товуш чиқармай кулиб, Урозбойнинг сонини чимчиладида, Улжонга кўз қирини ташлаб қараб турди.

Улжон Такежоннинг гапидан жирканиб кетди.

— Ҳа, уядош кучукчалармиз дейсан-да. Худоё товба, уядошнинг ҳам, биттаси қумай¹ бўлганда, биттаси сенга ўҳшаш олабўри бўлар экан-ку!. Нима десанг, де! Лекин,

¹ Ағсонавий сувчи ит.

сени Абайнинг кесиб ташлагай тирноғига ҳам олмайман! — деди

Улжоннинг сиймосида ғазаб акс этди. Ажин босган кўркам юзлари оптоқ оқариб икки кўзига ёш тўлиб, қизарип, қон қўйилганича Такежонга бир ўқрайиб қўйди.

Такежон дарҳол тумоғи блаш қамчисини қўлига олди-да:

— Қани тур! Кетақолайлик энди!— деб, Жиренше блан Урозбойни ҳам, ўзи блан бирга турғизди.

— Алжиган онадаң эшитадиган гапни эшитиб бўлдик-ку! Юр!— деб тез-тез қадам ташлаб чиқиб кетди...

Оқшўқида туғилган ўлан, ўлан блан куй ёдланиб, ўша кунларнинг бирида кечаси бедор ётган Қунанбойнинг қулоғига етди. Тун-кечада узликсиз ғинғиллаб бир куй келаётир. Тўшакда дам у томонга, дам бу томонга ағнаб кўп беҳаловат бўлаётган чол ўша ғинғиллаб келаётган узлуксиз садодан асти қутила олмади. Бир сўз ҳадеб тақрорланаверди. У — қоровул Карибжон айтаётган куй эди. Сўзлари ҳам Қунанбойнинг қулоғига қадалаётгандек бўлаётир. Карибжон яқинда эшитган, лекин чала ўрганган куй: — «Тангри қўшган ёр эдинг сен...» эди.

Қоровул йигит, ўланнинг фақат дастлабки бандинигина айтарди. Қизиқиб қолган сўзларини тақрорлай берарди. Қунанбой қулоғига бу ёт сўзлар йироқдан айниқса бузилиб, бошқача бўлиб эшитиларди. «Тангри сўққан», «тангри сўққан»¹ деб бошланадиганга ўхшарди.

Ўлан оҳанги блаш қулоққа чала-чулпа чалинаётган сўзларидан қутилаолмаган Қунанбой, охир ҳовлиқиб Нурғонимни уйғотди.

— Қалмоқ! Ҳай, Қалмоқ!— деди. У кичик хотинини Қалмоқ деб атарди.

— Қарачи, ана у қоровул, «тангри сўққан», «тангри сўққан» деяётирми, нима деяётир ўзи?.. Қимни қарғаб, қақшаётир бунча? Билчи!— деди. Нурғоним қоровул йигит айтаётган куйни яхши биларди.

— «Тангри қўшган ёр эдинг сен» деяётир. Абай чиқарган ўлан, деб шу кунларда ҳамма айтиб юрибди-ку!— деди.

Қунанбой, уҳ, деб бир хўрсинди-да, дэвор томонга ағдарилиб ётди.

¹ Сўққан — урган.— Ред.

— Бас қилсин! Зорлапмасин! Бориб товушипп ўчириф
Беҳузур қилаётир!— деб уни ўчди.

...Ташри қўшган ёр эдинг сен,
Ёр этолмай кетгандинг...

Нурғоним Татьяпанинг зорини биринчи марта эшитгандага, ғам-ғуссага тўлиб қайтган эди. Бу сўзларда унинг ўз дарди ҳам тарашиум этилган. Бозорали ёдига тушиб кетган эди. Куй бошланиб қўшиқчи «а» деб оғиз очиши бланоқ интизор этиб, доғи ҳасратга қўйиб кетган ўша дўстини ўйлаб дардига дард қўшилиб, термултанича ўтирганди.

Нурғоним қоровулни чақириб унга: «айтма, бас қил» демади.

— Куйингни нариги томонга бориб, узоқдан айт! Бу томонга келганингда, секинроқ айтмасанг, оташин куй чолнинг кўнглини ўртаётир. Ўтдан баттар куйдиришини билмайсанми? Қулоғига ёқмайди!— деб, хўрсиниб қўйиди, уйига қайтди. Бу қоровулга эмас ўз-ўзига айтаётган нозик сирлари эди.

Оқшўқида туғилган ўлан, ўлан блан куй ёдлапиб, бутун атрофга кенг ёйилмоқда. Саҳронинг мулойим, оромбахш шабадаси сингари аста-секин тўлқинланиб, Тўбуқчи яйловларини кезиб ўтди. Юқоридаги Қерейга, қуидаги Уоққа, орқадаги Қоракесек, Қуондиқ элларигача кетди. Аягўз, Торбоготой, Олтой Найманларига ҳам бориб етди.

Шу пайт Мошондаги Найман деган чолнинг овуллига ҳам етган эди Кутимаган бир вақтда овулнинг четидаги қашшоқ қўшнилардан бирининг уйига, қаллиқ айтиб қўйилган күёвлар: қашшоқ овулнинг юпингина кийинган иккита йигити келди. Ўзларига ўхшаш камбағал оиласдан қиз олаётган йигитлар эди. Уша куёв ўланчи Мўлдабек деган йигит эди. Камбағал қўшнилар Тўғжонни жуда ҳурмат қилишарди. Энди куёв келиб, мўмин қўшини кичкина шодлигини ўртоқлашгани чақиргач Тўғжон ҳам келди. Шу йигинда тўсатдан: «Татьяна хати», «Онегин жавоби», «Татьянанинг иккинчи сўзи» янграб кетди. Жимжит, ғамгин кечда илгари эшитилмаган нозик ва ғоят ынгли садо кўтарилиди. Куй бошланиши блан Тўғжонда:

«Абай», «буни фақат Абай айтган» деган қат'ий ишонч пайдо бўлди. Уланни ким чиқаргани, қаердан келганини суриштириб ҳам ўтирмади.

Татьянанинг Онеринг айтган иккинчи сўзига келганди, Тўғжон тоқат қилолмади. Кўпдан бери ҳис этмагани бир алана лоп этиб юзини ҳам, қалбини ҳам бирпасда ўртаб, жон-жаҳонини куйдирди.

Мана бу ўз сўзлари эмасми?!— «Бошқа ҳаётга рози бўлмасам ҳам, кўндинм» деяётир. «Севгини, интизорликни тарқ этмасам ҳам, энди бизга бахтли ҳаёт йўқ» деяётирку. «Шу эмасмиди?» Кўз ёшларини ютиб ўтириб айтган бўлса ҳам, Тўғжоннинг ўзи бемор ётган дўстига, дардли дўстига айтган гаплар шу эмасмиди? Унутилмапти. Ушандаги алана ўчиб, йўқолиб кетмапти... Уша ғусса, ўша аламлар энди куйга тушиб, шунчалик гўзал қўшиқка айланипти. Кутимаган ердан бунга етган қалб саломи, сабрини олмай қўядими! Тўғжон, ўтдек ёшлик чоғидаги сингари, қаттиқ ҳаяжонга тушди.

Узоқ ўтирилган кеч бўйи, бир ўртаниб, бир совуқ қотади. Тинмай оқаётган, туганмас кўз ёшларини тўқди. Ичиде Татьяна куйини ажойиб оҳанг блан такрор-такрор куйлаб кетди...

Тинч, ёз кунларидан бирида, кеч пайти, Абай Қасқабулоқдаги баланд бир тошлоқ тепа устида овулнинг кечки ҳаёт нафасига қулоқ солиб ўтирипти. Унинг овули бу йил ёзда яйловга чиқмай, ғала-ғовурдан холироқ, деб тоғ бағирларида қолиб, Ўйқудуқ, Эрали жотоқларига қўшни бўлиб ўтирди.

Бугун эрталаб яйловдан бир тўп ёш меҳмонлар, оқин, ўланчи, дўстлар келишган эди. Абайга улар анчагина хуш хабарлар олиб келишди. Абайнинг ше'рлари халқа ёқиб, бутун атрофга тарқаб кетипти. Қарқарали — Қўянди ярмаркасига йиғилган тўрт элнинг ёшу қарисига Абайнинг донғи кетипти. Ҳамма жойда: «Абай деган бир яхши одам чиқипти... Сўзлари, насиҳатлари бошқача бўлган билим-дон экан». «Халққа ғамхўр, кўнгли синиқларга дўст, зўравон-золимларга қасд одам экан», «Тўбуқтида туғилган бўлса ҳам, ёлғиз Тўбуқтига эмас, бутун халқ ғамхўри, халқ ўғли бўлиб туғилипти». «Унинг сўзларини уқайлик, ўғитларини эшитайлик», дейишаётган экан.

Абайга бу хабарни топиб келган Кўкбой, Муҳамеджон, Мағаш ва Қакитойлар хурсанд бўлиб оға оқини, дўсти ва устозини қуршаб олишди. Улар Абай блан фахр-

ланишарди. Абай блан Айгерим бу хабарни ўз ичларида мамнун бўлиб, сукут ичидаги тинглашди.

Ҳозир Абай булардан айрмаси чиқиб, ёлғиз ўзи хаёлга чўмиб ўтиради. Гўзал табиатнинг кечки манзарасига сингиб кетиб, кўнгил сирларини очиб, дардлашаётир...

Эрали, Ўйқудуқ ва Кўриқвинг бепоён далалари чўзилиб ётарди. Кенг оламнинг текис сатҳи сокив нафас олаётганга ўхшарди. Ботиб бораётган қуёшнинг қийғоч тушаётган шу'ласи далани қипқизил нурга кўмган. Бутекис ва майнин нурдан чексиз далалар маминудай кўришарди. Илҳоми жўш ураётган шоирнинг кўз олдидаги ҳозир дала змас — денгиз, кенг ва тинч денгиз сатҳи жилваламоқда. Ана шу ҳаёт ва тарих денгизида ёлғиз бир кема елканини кўтариб йўлга тушди. Елканида «Кураш», «Умид» деган шиори бўлган бу кема олға босди. Нома'лум бўлса ҳам узоқ сафарга, ажойиб нурли соҳилга қараб йўл олди. Халқ умидини юклаб бораётган бу кема, «Келажак» деган соҳилга қараб кетаётир. Бу «Абай кемаси» кенг оламда ишончли, тўғри йўл чизиб бормоқда. Олға кетаётир, узоқлаб кетаётир... Абай баландликда туриб олисдаги уфқа тикиларкан, хаёл кўзи блан ўша кемани оқ йўлга узатиб, узоқ термулиб қолди. Теп-текис далалардан баланд бўлган тепаликда ўз илҳоми қучогида ўтирган Абайда фахрланиши ҳисси пайдо бўлди. Зотан у ҳозир фахрланишга ҳақли ҳам эди.

Бу кайфият бир нафасгина йилт этиб кўринган шодликтининг ёруғ юзи экан. Энди унинг кетидан яна бошқа хаёллар тўлқини пайдо бўлиб, кўнгил қирғонига урилди. Кўчманчи қора булут сингари қуюқлашиб келаётган бу оғир хаёллар шафқатсиз ҳаёт, аччиқ ҳақиқатни гавдалантирди. Бояги ёрқин нурга чўмган инодлик шу'ласини энди сўнгги ўйларнинг қайгули, қора булутлари қоплаб босиб кетаётир.

Олдинда ҳаёт ва кураш. Бу курашда — у ёлғиз. Танҳо ўзи. Тўғри, унинг бир суюнчиғи — қуввати, бир умиди бор. Қуввати — оқинлик, умиди — халқ. Лекин биттаси ҳалия уйғонмаган куч бўлса, иккинчиси тушунилмай, англашилмай кетадими? Ирода ва ғайрат етадими! Ёлғизликда енгилмас ирода етадими!


У ҳаёт довонига чиқипти. Орқада қолган йўлда қўлдан кетгани кўпми, қўлга киргани кўпми? Тўғри, қўлдан кетганинг кўпига ўқинмайди. Яқинда ёт қаторига ўтиб отаси Қунанбой кетди. Жигарлардан Такежон, бирқанча

Такежонлар ёвлашиб кетди. Ўрзбой, Жиреншелар ҳам кетма-кет кетишаётир. Майли, бундан узилиб кетсин. Кетадиганлар кетаверсин. Кетучилар ҳали ҳам топилар. «Лекин, халқ қолса йўлимни халққа ёритиб кўрсатучи, фидокорлигимни билдиручи қўлимдаги ўша ёлгиз шам қолса бас!» деди. Гўё шу ўтирган ерида ўз-ўзича қасам'ёд қилаётгандек бўлди.

Ҳалиги дengiz қани?

Абай кенг саҳрого яна бир назар ташлади. Энди дengiz эмас, кундагидек бўм-бўш ғамгин дала кўринди. Мажолосиз Эрали даласи. Ўша далада энди чанг-тўзон кўтарилди. Тўэғиб-тўғиб кўтарилаётир. Бу нима? Абайнинг олдига шошганича тасирлатиб, бир салт отлиқ чопиб келди. Орқа томондан келган отлиқни Абай эндигина пайқади. Йўловчининг остидаги оти қора терга ботган эди. Жотоқлардан, Эрали жотоқларидан Даркембойларнинг топшириғи блан келган экан. Абай ўқишга ўрнаштирган шогирдларидан бири, ёш йигит — Са'диваққос экан.

— Анави чанг-тўзонни кўринг Абай оға! Ўша ёв! Жотоқларнинг озигина йилқисига чанг солгап ёв. Ана, ҳайдаб кетаётир. Яна босиб олиб кетишаётир, мугтаҳамлар! — деди, йигит ўпкаси тўлиб. Денгиз ҳам, хаёл ҳам ғойиб бўлди. Озигина юпанч ва шодлик ҳам сўниб кетди. Ҳаёт яна ўзининг аччиқ ҳақиқати, шафқатсиз тортишуви блан Абайни янгидан зўр курашга чақира бошлади.



МУНДАРИЖА

Тойғоноқда	3
Яйловда	55
Қуйида	126
Үпқир-чүнқирлиқда	235
Довонда	332
Чорраҳада	380
Чүққида	450
Эпилог	488

На узбекском языке

МУХТАР АВЕЗОВ

А Б А Й

(Роман)

Книга вторая

**Госиздат УзССР
Ташкент—1953**

**Редактор И. Муслим,
рассом Б. И. Урманче,
техредактор П. А. Умаков
Корректор М. Рустамов**

Теришга берилди 19/XII 1952. Босишига
руҳсат ётидан 24/II 1953. Р 01616. Қоғоз
84×108^{1/4}, —7,75 қороз л. —25,42 бояма л. Нашр
л. 26,1. Договор № 124—50. Тиражи 25000
Баҳоси 7 с. 65 т. Муқоваси 1 с. 60 т.

УзССР Маданият министрилиги Узглавнензда-
тишиш 1-инчи босмахонаси. 1953. Тошкент,
Ҳамза к., 39. Заказ № 14.